



## উৎসর্গ

শ্রীমতী স্বর্ণকুমারী দেবী

স্নেহের ভগিনী !

তোমাকে ধুসী করবার জন্যে আমার এই বাল্যকথা স্মৃতির মায়াপুরী থেকে উদ্ধার করে তোমার মাসিক পত্রিকায় প্রকাশ করেছি—তুমি নাছোড়বান্দা হয়ে না ধরলে এ কথাগুলি স্মৃতিতেই থেকে যেত। তা ছাড়া, আমার বোম্বাই কাহিনীর সঙ্গে তুমি কত রকমে জড়িত ; তার বর্ণিত অনেক ঘটনা তোমার চোখের সামনে ঘটেছে, তাতে যে সকল লোকের কথা পাড়া হয়েছে তারা অনেকে তোমার সুপরিচিত কেননা কত সময় তুমি আমার বোম্বাই প্রবাস-সঙ্গিনী হয়ে কত আদর যত্নে প্রবাস যত্ননা যে কি তা আমাকে জানুতেই দাওনি ;—এই সকল কারণে এই কথামালা যেমন তোমার কাছে আদরণীয় হবে এমন আর কোথায় ? তাই ভাই এই গ্রন্থখানি তোমার করকমলে অর্পণ করছি, তুমি আমার স্নেহের উপহার গ্রহণ কর।

বাঁচী

এই আগষ্ট }

১৯১৫

তোমার

মেজদাদা





## ভূমিকা

‘আমার বাল্যকথা’ ও ‘বোম্বাই প্রবাস’ সমস্তটাই ভারতী পত্রিকায় প্রায় দুই বৎসর ধরিয়া ক্রমান্বয়ে বাহির হইয়াছে, এইক্ষণে এই দুই খণ্ড একত্রে গ্রন্থাকারে প্রকাশিত হইল। প্রথম খণ্ডে আমার বাল্যজীবন কাহিনী বর্ণিত, দ্বিতীয় খণ্ডে আমার সিভিল সার্ভিস পরীক্ষা হইতে আরম্ভ করিয়া বোম্বাই প্রবাসের শেষ পর্য্যন্ত বিবৃত এবং সেই সঙ্গে বোম্বাই মহারাষ্ট্র ও সিন্ধুদেশের ইতিহাস, পারস্য জাতি, জৈন ধর্মো নারায়ণ প্রভৃতি গুজরাতের ধর্ম সম্প্রদায়, আর্থ্য সমাজ ও প্রার্থনা সমাজের বিবরণ অল্পবিস্তর দেওয়া হইয়াছে। এই সকল লেখার ভাষা সম্বন্ধে আমার দু-একটি কথা বলিবার আছে। বক্তব্য এই যে এই গ্রন্থে সাধু ভাষা ও চলিত ভাষা উভয়েরই সম্মিশ্রণ দৃষ্ট হইবে। চলিত ভাষার ব্যবহার বিষয়ে নানা মূন্নির নানা মত। কোন কোন পণ্ডিত সাহিত্য-ক্ষেত্রে কথিত ভাষার ব্যবহার নানা কারণে ক্ষুদ্র বিবেচনা করেন, আবার ‘বীরবল’ প্রমুখ অপর একদল সাহিত্যিক আছেন যাহারা ঐ ভাষা প্রচলনের পক্ষপাতী। আমি প্রয়োজন মত এই দুই প্রকার ভাষার উপযোগ করিয়া উভয় পক্ষেরই মনোরক্ষা করিতে সচেষ্ট হইয়াছি। আমার মনে হয় বিষয়ের তারতম্য অনুসারে ভাষারও তারতম্য আবশ্যক হইয়া পড়ে। সে যাহা হউক, ভাষাতত্ত্বের বিস্তৃত আলোচনা করিবার স্থান ইহা নহে। পাঠকবর্গ এই তর্কের মীমাংসা করিবেন। আমি গ্রন্থখানি তাঁহাদের বিচারাসনে আনিয়া এখনকার মত বিদায় গ্রহণ করিলাম।

রাঁচী

}

শ্রীসত্যেন্দ্রনাথ ঠাকুর।

৩ই আগষ্ট, ১৯১৫



ছেলেবেলায় আমরা বাবামহাশয়ের কাছে বড় ঘেসতাম না। তিনি কখনও কখনও আমাদের ডেকে ইংরেজি বাঙলায় পরীক্ষা করতেন আর কখনও বা তাঁর মজলিসে গিয়ে আমরা চূপটি করে বসে থাকতুম। আমাদের সঙ্গে তাঁর সাক্ষাৎ সম্বন্ধ ব্রাহ্মধর্ম শিক্ষার বেলায়। ব্রাহ্মধর্ম পড়বার ভার তিনি নিজের হাতে নিয়েছিলেন। তা ছাড়া প্রত্যহ আমাদের পারিবারিক উপাসনা হ'ত, তাতে আমরা সকলে যোগ দিতুম। আমি মুখে মুখে প্রার্থনা আবৃত্তি করতুম। একটি স্তোত্রমালার পুস্তকে কতকগুলি ভাল ভাল স্তবস্তোত্র সন্নিবিষ্ট ছিল, অক্ষয়কুমার দত্ত, ব্রাহ্মনারায়ণ বসু আরও অন্ত্র কারকারও বিরচিত। তার প্রায় সকলগুলিই আমার কণ্ঠস্থ ছিল। ফরাসী ব্রহ্মবাদী Fenelon হ'তে অনুবাদিত যে প্রার্থনাটি মহর্ষির আত্মজীবনীতে দেওয়া হয়েছে সেটিও তার মধ্যে ছিল। অক্ষয়কুমার দত্তের একটি প্রার্থনা ছিল তা এখনো আমার কিছু কিছু স্মরণ আছে। তাঁর ভাষার বিশেষত্ব তা হ'তে স্পষ্ট ফুটে বেরচ্ছে। আরম্ভ এই—

“হে ঋষসত্য সনাতন ! কালসহকারে কত বিষয়ের কত প্রকার পরিবর্তন হইতেছে, কিন্তু তোমার অপরিবর্তনীয় অপার কারুণ্য-স্বরূপের কদাচ পরিবর্তন নাই। নদীর প্রবাহ পরিবর্তিত হইতেছে, নগর সকল পুরাতন হইতেছে, রাজ্য ও রাজা বিনষ্ট হইতেছে, মাস ও পক্ষ অতীত হইতেছে, শীত ও বসন্ত গমনাগমন করিতেছে, বালা ও যৌবন তড়িৎ সমান তিরোহিত হইতেছে, কাল ও মৃত্যু নিরন্তর ক্রীড়া করিয়া চরাচর শাসন করিতেছে কিন্তু তোমার সেই কারুণ্য-স্বরূপের কোন পরিবর্তন নাই, ইত্যাদি।”

তখন ১১ই মার্চের উৎসব খুব ধুমধামে সম্পন্ন হ'ত। বিস্তর লোকজনের সমাগম আর রাত্রে এক বৃহৎ বৈঠকী ভোজ। তাতে আমরাও যোগ দিতুম। সেই একদিন যেদিনে ছোট বড়র কোন প্রভেদ থাকত না। ঐ উপলক্ষে একবার একদল মিলে পলতার বাগানে গিয়ে বড়ই আমোদ আহ্লাদ করা গিয়েছিল; সেদিনের ব্যাপার আমার বেশ মনে পড়ে। ভোজের কর্মকর্তা ছিলেন জগমোহন গাঙ্গুলী। লোকটি বিলক্ষণ হটপুট বলিষ্ঠ—তাঁর ডু'ড্‌টিও অতুলনীয়। এমন সৌখিন আমুদে অথচ কর্মিষ্ঠ মানুষ আমি কখনও দেখিনি। খাওয়া, পরা, ওঠা, বসা, প্রত্যেক কার্যে তাঁর কারিগিরি প্রকাশ পে'ত। বাঘা বাঘা ঘর কন্না—পোষাক সাজ সজ্জা, কাক্‌কার্য, ছুতরের কামারের কাজ—সকল কর্মেই তিনি সিদ্ধহস্ত ছিলেন। আমরা ছেলের দল তাঁর বড় নেওটা ছিন্‌ব—তাঁর ঘরে গিয়ে খেলা করতুম,—তাঁর কাছে গল্প শুনতুম;

তাঁর খুঁটিনাটি অলংখ্য জিনিষের মধ্যে কোনওটা আবদ্ধ করি আদায় করতুম ;—  
তাঁর মুখের পান কি মিষ্টি লাগত ! তিনি আমাকে উদ্ভূত প্রথম কৈতাব “চাহার  
দরবেল” শেখাতেন—“সুতান আলা ক্যা সানে হায় কি জিননে এক মট্টি থাকলে  
ক্যা ক্যা সুরতে আওর মিটিকি সুরতে পয়দা কিয়া ।”

তাঁর ভুঁড়িটি আমাদের আদরের সামগ্রী ছিল আর তিনি সকালে যে নাকডাকানী  
গম্ভীর আওয়াজে দিগ্বিদিক ধ্বনিত করতেন আমরা ভোরে উঠে তাই শুনতে যেতুম ।  
তিনি একপ্রকার আমাদের বাড়ীর দ্বারপাল ছিলেন । একবার একদল পুলিশ ওয়ারেন্ট  
নিয়ে এসে বলপূর্ব্বক আমাদের একটা গাড়ী টেনে নিয়ে যাবার যোগাড় করেছিল—  
তিনি একলা সেই গাড়ী ধরে রেখে তাদের হটিয়ে দিয়েছিলেন—এ আমার স্বচক্ষে  
দেখা । আমাদের জগমোহন সেকালের রামমুর্তি ।

সেই গাঙ্গুলীমশায় পলতার বাগানে আমাদের বনভোজনের আহ্বার সামগ্রী প্রস্তুত  
করলেন—সে মাছের ঝোল ভাত আর ভুলব না ! আমাদের বাহনগুলি সারি সারি  
চলেছে—৮।১০টা বোট—আমরা রাত্রিশেষে পলতার বাগানে দলবলে গিয়ে উপনীত  
হলুম । বোটে আমাদের বিদূষক ছিলেন নবীনবাবু ; তাঁর হাত্তপরিহাসে সন্ধ্যাটা খুব  
আমোদে কেটে গেল । তাঁর বিদ্রূপের বাণ বিশেষরূপে যাঁর উপর প্রয়োগ করা  
হচ্ছিল সে লোকটি বে—বাবু । আমি তাকে হাবু বলব । বাবু শব্দে নবীনবাবু  
এক ছড়া বৈধেছিলেন তা হাবুবাবুতে বেশ খেটে যায়—

বাবাবো বহবঃ সন্তি বাবুয়ানা পরায়ণঃ হাবুবাবু সমো বাবু ন ভুতো ন ভবিষ্যতি ।

তিনি একজন কক্ষপ্রধান লোক—ঠাণ্ডার ভয়ে গলায় সালের গলাবন্ধ ও গায়ে  
গরম কাপড় জড়িয়ে মুড়িমুড়ি দিয়ে বসে নিমজ্জন । বোটের ভিতর একপাশে একটা  
ছোট কাচের আলমারী ছিল । নবীনবাবু যখন হাবুর প্রতি লক্ষ্য করে গম্ভীর ভাবে  
প্রস্তাব করলেন যে ঐ কাপড়ের পার্শ্বলতানা তুলোষ জরিয়ে এই শাসকেসে পুরে  
রাখলে ভাল হয়, তখন আমাদের হাসির ফোয়ারা ছুটে গেল । পলতার নেমে আমরা  
দলে দলে এদিক ওদিক ছড়িয়ে পড়লুম । প্রধান দুইদল—একদল চডুইভাতী রান্নার  
চারিদিকে, অল্প দলের কেন্দ্র হচ্ছেন—চাটুযোমশায় । ভবিষ্যতে তিনি আমাদের  
একজন পরম আত্মীয়ের মধ্যে গণ্য হলেন । সে সময়ে তাঁর বয়স হয়ত ৪০ পেরিয়ে  
থাকবে কিন্তু বালকের মত তাঁর ভাবভঙ্গী উৎসাহ কলরব, নৃত্যগীত লীলাখেলায়  
আমাদের সকলকে মাতিয়ে তুললেন । তাঁর তখনকার গান মনে পড়ছে—

ব্যাটাছেলের (মুখে)\* কড়ি সর্বলোকে কয়,

সাহসের কার্যে ব্যাটাছেলের পরিচয় !

\* কথাটির সামান্য একটি অক্ষর বদল করিলাম ।

কলকস নাথিক ছিল, সাহসে আমেরিকা গেল,  
হেশের বার্তা জেনে পেবে দেশটি করলে জয়।  
বাটাছেলে হবে যদি, সাহস কর আজ অবধি,  
বিধবা বিবাহে কর আনন্দ উদয়।

উপরে আমি পারিবারিক উপাসনার কথা উল্লেখ করেছি। কোন কোন দিন উপাসনান্তে বাবামহাশয় আমাদের উপদেশ দিতেন। আমাদের যা কিছু ঘোষ দেখতেন কোন কোন দিন উপদেশে তার উল্লেখ করে শুধরে দেবার চেষ্টা করতেন। আমি যখন বিলেত থেকে ফিরে এসে ইংরিজি রকম চাল চলনের বাড়াবাড়ি আরম্ভ করেছিলুম তখন তিনি একদিন দালানে উপাসনার সময় ইংরাজি রীতিনীতির অল্প অল্পকরণ—অতিরিক্ত সাহেবিয়ানার বিরুদ্ধে তীব্র তৎসনা সহকারে আমার সাবধান করে দিয়েছিলেন—সে উপদেশটি আমার মনে চিরমুদ্রিত থাকবে। বিলেতে থাকতে আমি তাঁকে একবার নাচ-মজলিসে বিবিসাহেবের একসঙ্গে নৃত্য বর্ণনা করে পত্র লিখেছিলুম—তিনি তার উত্তরে বলেছিলেন যেন আমি সেই বাক্সী মাস্তুর মত হয়ে লক্ষ্যহারা হয়ে আমার আসল কাজ ভুলে না যাই।

বাবামহাশয় সমাজসংস্কার সম্বন্ধে Conservative ছিলেন বলেই লোকের ধারণা, কিন্তু তখনকার কালের তুলনায় তাঁকে উন্নতিশীলের মধ্যে গণ্য করাই উচিত। তাঁর জীবনের প্রথমদিকে তিনি যে-রকম সমাজসংস্কার করেছিলেন সে সময় আর কেহই সেরূপ করেছেন কিনা জানি না। তবে ক্রমশ বয়সের সঙ্গে সঙ্গে তিনি কতকটা Conservative হয়ে পড়েছিলেন; বহুদর্শনের অভিজ্ঞতায় সাবধানে পা ক্লেসে মাটি পরীক্ষা করে চলতে চাইতেন; কিন্তু আমার তখন নবীন বয়স—আমি ছিলাম ঘোর Radical.

এই সকল বিষয়ে আমাদের পরস্পর যতই মতভেদ থাক না কেন তিনি আমার স্বাধীনতার প্রতি হস্তক্ষেপ করতেন না। অনেক দূর ইচ্ছামত চলতে দিতেন।

আমি ছেলেবেলা থেকেই খ্রী-স্বাধীনতার পক্ষপাতী। মা আমাকে অনেক সময় ধমকাইতেন, “তুই মেয়েদের নিয়ে মেয়েদের মত গড়ের মাঠে ব্যাড়াতে যাবি না কি?” আমাদের অন্তঃপুরে যে কয়েদখানার মত নবাবী বন্দোবস্ত ছিল তা আমার আদবে ভাল লাগিত না। আমার মনে হ’ত এই পদ্ধিপ্রথা আমাদের জাতির নিজস্ব নয় মুসলমান রীতির অল্পকরণ। অল্পকরণ এবং মুসলমান অভ্যাচার হ’তে আত্মরক্ষা এই ছই কারণ হ’তে তার উৎপত্তি হ’তে পারে। আমাদের প্রাচীন হিন্দু-আচার অন্ততম। এই অববোধ প্রথা আমার অনিষ্টকর কুপ্রথা বলে মনে হ’ত। আমি গোপনে আমার এক বন্ধুকে বাড়ীর ভিতরে নিয়ে গিয়ে আমার খ্রী মত্রে আলাপ করিয়ে

দেবার অন্ত কত ফলী করত্বর এখন মনে হ'লে হাসি পায়। John Stuart Mill-এর Subjection of Women গ্রন্থ আমার সাথের পাঠ্য পুস্তক ছিল; আর তাই পড়ে 'স্ত্রী-স্বাধীনতা' নামে এক Pamphlet বের করেছিলুম। বিলেত গিয়ে আমি দেখতুম স্ত্রী পুরুষ কেমন স্বাধীনভাবে সামাজিক ক্ষেত্রে মেলা মেশা করছে!—গার্হস্থ্য জীবনে তাদের মেয়েদের কি শোহন সুন্দর প্রভাব। কত বিবাহিতা অবিবাহিতা রমণী সমাজের বিবিধ মঙ্গলত্বতে জীবন উৎসর্গ করে স্বাধীনভাবে বিচরণ করেছেন। আমি একবার একটি সম্ভ্রান্ত উচ্চ পরিবার মধ্যে অতিথিরূপে কতিপয় দিবস যাপন করেছিলুম। গৃহে অনেকগুলি কন্যা কুমারী ছিলেন—সমস্ত গৃহকার্যে তাঁহাদেরই আধিপত্য। বিদায় নেবার সময় তাঁহাদের খাতায় স্বরণ-চিহ্ন স্বরূপ আমার হস্তাক্ষর রেখে যেতে অনুরোধ করাতে আমি লিখেছিলুম—

“প্রিয়ঃ প্রিয়ন্ত গেহেবু ন বিশেষোহস্তি কশ্চন।”

তাদের তুলনায় আমাদের স্ত্রীরা পক্ষীর অঙ্ককারে কি থব্বীকৃত বদ্ধ জীবন যাপন করেন,—উপযুক্ত ক্ষেত্রের অভাবে তাঁদের মন কি সঙ্কীর্ণ,—তাঁদের স্বাভাবিক জ্ঞানবল-ক্রিয়া কিছুই ক্ষুণ্ণি পায় না। বিলেত থেকে ফিরে এসে এই বিষয়ে পূর্বপশ্চিমের পরস্পর বিপরীত ভাব আমাদের মনে স্পষ্ট প্রতিভাত হ'ল—পক্ষী উচ্ছেদ-স্পৃহা আরও জেগে উঠল। কিন্তু তখন ভাল করে দেখতে পেলুম আমার সামনে যে পর্বত সমান বিঘ্নবাধা রয়েছে তা অতিক্রম করা কি কঠিন! যে প্রচণ্ড গড়ের মধ্যে আমাদের মেয়েরা আবদ্ধ, সে দুর্গ ভেদ করা কি দুর্লভ ব্যাপার! অথচ আমার তা না করলেই নয়। তখন সিভিল সার্ভিস পরীক্ষা পাশ করে ফিরে এসেছি—বোম্বাই আমার কর্মস্থান নিয়োজিত হয়েছে—বোম্বাই যেতেই হবে, আর আমার স্ত্রীকেও সঙ্গে নিয়ে যেতে হবে। স্ত্রী-স্বাধীনতার দ্বার খোলবার এক মহা সুযোগ উপস্থিত। তখন আবার কলকাতা ও বোম্বাইয়ের মধ্যে রেলপথ প্রস্তুত হয়নি—জাহাজে করে যেতে হবে। বাবামহাশয় তাতে কোন উচ্চবাচ্য করলেন না। এখন কথা হচ্ছে ঘাটে উঠা যায় কি করে? গাড়ী করে ত যাওয়া চাই? আমি প্রস্তাব করলুম বাড়ী থেকেই গাড়ীতে উঠা যাক। কিন্তু বাবামহাশয় তাতে সন্মত হলেন না—বল্লেন মেয়েদের পাঙ্কী করে যাবার নিয়ম আছে তাই রক্ষা হোক। অনুর্য্যাম্পন্যা কুলবধু কর্মচারীদের চ'থের সামনে দিয়ে বাহির দেউড়ি ডিকিয়ে গাড়ীতে উঠবেন, এ তাঁর কিছুতেই মনঃপুত হল না। এই ত গেল পক্ষী ভাঙ্গার প্রথম অবস্থা। আমি প্রথমবার বোম্বাই থেকে বাড়ী এসে আমার স্ত্রীকে গভর্নমেন্ট হাউসে নিয়ে গিয়েছিলুম। সে কি মহা ব্যাপার। শত শত ইংরাজমহিলার মাঝখানে আমার স্ত্রী—সেখানে একটিমাত্র বঙ্গবালা—তখন প্রসন্নকুমার ঠাকুর জীবিত ছিলেন। তিনি ত ঘরের বোঁকে প্রকান্ত-

স্থলে দেখে রাগে লজ্জায় সেখান থেকে দৌড়ে পালিয়ে গেলেন। এখন এসব কথা গল্পের মতই মনে হয়। এইরূপে ক্রমে স্বাধীনতার পথ সহজ ও পরিষ্কৃত হয়ে এল। ক্রমে আমাদের বাড়ীর লোকেরা (মেয়ে পুরুষ) আমার ওখানে গিয়ে মধ্যে মধ্যে প্রবাস-যাপন করতে লাগলেন। ওদেশে বোম্বাই মাস্ত্রাজে কোথাও বাঙ্গালা দেশের মত মেয়েদের অবরোধ প্রথা নেই। স্ত্রী-স্বাধীনতার মুক্তবায়ু সেবন ক'রে তাঁদের মনোভাব অনেক পরিমাণে বদলে গেল। পর্দার উচ্ছেদ সাধন আমার যে চিরকালের সাধ তা ক্রমে মেটবার মত হয়ে এল। আমি বোম্বাই থেকে ছুটির সময় মাঝে মাঝে বাড়ী আসতুম—তখন দেখি পর্দার তেমন কড়াবুড়ি বাঁধুনি নেই, অনেকটা শিথিল হয়ে এসেছে। তারপর এখন!

সেকাল আর একাল—কি তফাৎ! কলকাতা সহরের ভদ্র মহিলারা রাস্তা ঘাটে গাড়ীতে মোটরে হিচ্ছামত বেড়িয়ে ব্যাড়াচ্ছেন এ দৃশ্য কারও নূতন চোঁকে না। যা কিছুকাল পূর্বে কল্পনারও অতীত ছিল এক্ষণে তা সহজ স্বাভাবিক হয়ে পড়েছে। সত্যি সত্যিই অস্তঃপুরবাসিনীগণ এখন মেয়ের মত গড়ের মাঠে হাওয়া খেয়ে ব্যাড়াচ্ছেন। এতদিনে আমার মনস্কামনা অনেকটা পূর্ণ হয়েছে।

আমি আমার বাল্যজীবন সম্বন্ধে যে-কালের কথা পেড়েছি সে অপেক্ষাকৃত আধুনিক কাল। তখন আমাদের পরিবারে ব্রাহ্মধর্মের প্রভাব এক প্রকার স্প্রতিষ্ঠিত হয়েছে। আমার স্মৃতি তারও উর্ধ্বে অনেক দূর পর্য্যন্ত যায়; এবার যতটা পারি স্মৃতির অতীতের চিত্র অঙ্কনের চেষ্টা করব।

## স্মারিকানাথ ঠাকুর

আমাকে কেহ কেহ দ্বিজালা করেন। আমার পিতামহ স্মারিকানাথ ঠাকুরকে মনে পড়ে কি না? তার উত্তরে বলতে পারি একেবারে মনে পড়ে না তা নয়, স্পষ্ট মনে পড়ে তাও নয়। একদিন তিনি আমাদের তিন ভাইকে ঘরে ডেকে নিয়ে কিছু দিয়েছিলেন, ছুচরটি হাসির কথা বলেছিলেন, সে ঘরটি মনে আছে আর তাঁর চেহারাও মনে পড়ে, তবে ঝাপসা ঝাপসা। তাঁর যে চেহারা আমার মনে অঙ্কিত আছে তা সে-সময়কার চাক্ষুষ জ্ঞান থেকে কিম্বা তাঁর যে সকল চিত্র আমরা সচরাচর দেখিতে পাই তার প্রতিচ্ছবি তা ঠিক বলা যায় না—খুব সম্ভব শেষটাই হবে।

কর্তাদাদা যখন আমাদের ছেড়ে বিলাত যাত্রা করেন তখন আমরা নিতান্ত শিশু, সে সব ঘটনা কিছুই মনে নাই। এদেশে যখন তাঁর মৃত্যুর সংবাদ আসে তখন



আমরা বোটের মধ্যে গভীর উপরে ভাসছিলুম—ভয়ানক বড় তুফান উঠেছে আর বড়দাদা হেমেন্ত্র ও আমি মার কাছে ভয়ে জড়সড়,—সেই তুফানের মধ্যে আমাদের একজন ভৃত্য কর্তাদাদার মৃত্যু সংবাদ এনে বাবামশায়ের হাতে দিলে। এই ঘোর দুর্ঘ্যোগে আমরা পলতার বাগানে নেমে, সেখান থেকে গাড়ীতে উঠে কোন প্রকারে বাড়ী পৌঁছলুম—পৌঁছেই দুধ দুধ করে অস্থির। এইটুকু আমার মনে আছে। পিতার আত্মজীবনীতে ঘটনাটির বর্ণনা এইরূপ :—

“আমাদের স্বরূপ খানসামা আমার হাতে পিতার মৃত্যু সংবাদ আনিয়া দিয়া বলিল, কলিকাতা তোলপাড় হইয়া গিয়াছে। এ সংবাদ হঠাৎ বজ্রপাতের ত্রায় আমার মস্তকে পড়িল। আমাদের বোট ও পিনিস কালনা ছাড়াইয়া কতকদূর গিয়াছে, পরদিন প্রাতঃকালেই কলিকাতার অভিমুখে ফিরিলাম। মেঘাচ্ছন্ন আকাশে অনবরত বৃষ্টি ও বাতাসের কোলাহল। পলতায় আসিতে রাত্রি ৮টা হইল। পলতায় পৌঁছিতেই লোক আসিয়া সংবাদ দিল, এখানে গাড়ী প্রস্তুত। এই কথা শুনিয়া আমার শরীরে প্রাণ আসিল। এখানে আসিয়া বোট কাং হইয়া পড়িল। দিন দশটা হইতে সন্ধ্যা পর্য্যন্ত ক্রমাগত বৃষ্টি পড়িয়াছে। সমস্ত নৌকার খোল জলে পুরিয়া গিয়া তাহার উপরে এক হাত জল দাঁড়াইয়াছে, সকলি বৃষ্টির জল। যদি পলতায় গাড়ী না থাকিত তবে পথে জলভারে বোট নিশ্চয়ই ডুবিত; একথা আর কাহাকেও বলিতে পারিতাম না। বোট হইতে নামিয়া গাড়ীতে চড়িলাম। রাস্তা জলময়—সেই জলের ভিতর গাড়ীর চাকা অর্ধেক ময়। অতিকষ্টে বাড়ী পৌঁছিলাম তখন রাত্রি দ্বিপ্রহর। সকলেই নিদ্রিত, কাহারও সাড়া শব্দ নাই। বাড়ীর ভিতর জ্বীপুত্রদিগকে প্রেরণ করিয়া আমি বৈঠকখানার তেতলায় উঠিলাম। সেখানে আমার জ্যেষ্ঠতাত-পুত্র ব্রজবাবু আমাকে অভ্যর্থনা করিলেন।”

পৃ: ৬০—৬১

স্বারিকানাথ ঠাকুর দুবার ইউরোপ যাত্রা করিয়াছিলেন, দ্বিতীয় বারে লণ্ডন নগরে ১৭৭৮ শকে ( August 1846 ) তাঁর মৃত্যু হয়। তখন তাঁর বয়ঃক্রম ৫১ বৎসর। তাঁর কনিষ্ঠ পুত্র নগেন্দ্রনাথ ও অপর একজন স্বাত্মীয় নবীনচন্দ্র মুখোপাধ্যায় তাঁর মৃত্যুশয্যায় উপস্থিত ছিলেন। লণ্ডন সহরের প্রান্তবর্তী Kensal Green নামক গৌরস্থানে তাঁর সমাধি হয়। আমি প্রথম যখন সেই সমাধি মন্দির দেখি তখন তাঁর নিতান্ত ভগ্নাবস্থা, পরে তাঁর জীর্ণসংস্কার হয়েছে। বন্ধের শীর্ণস্থানীয় হুই মহাত্মা যাঁরা ঐ স্মৃদূর পশ্চিমে দেহত্যাগ করেছেন, তাঁদের স্মৃতিচিহ্ন যাতে বিলুপ্ত না হয়, সে বিষয়ে আমাদের দৃষ্টি রাখা কর্তব্য, একথা বলা বাহুল্য।

স্বারিকানাথ ঠাকুর বিলাত যাবার সময় তাঁর অগাধ জমিদারী বিষয় সম্পত্তি সংরক্ষণের যে ব্যবস্থা করে যান তা তাঁর মনের মতন হয়নি। যে সকল কর্তব্যচারী

উপর रक्षणावेक्षणें तार ছিল তাঁদের কার্যে তিনি সন্তুষ্ট ছিলেন না। কর্তা নিজে তত্ত্বাবধান না করলে 'যে রক্ষক সেই ভক্ষক হয়' এ এক প্রকার ধরা কথা। আমার পিতা যদি তেমন মনোযোগ করে বিষয় কর্ষ দেখতেন তাহলে কোন ভাবনা ছিল না। কিন্তু তাঁর মন ছিল অন্য দিকে, নিতান্ত দায়ে পড়ে যতটুকু করতে হত' তাই করতেন। কর্তাদাদা তাঁকে লগুন থেকে এই বিষয়ে এক পত্র লিখেছিলেন তার এই উদ্ধৃতাংশ থেকে দাদামশায়ের মনোভাব কতকটা জানা যায় :—

“আমার সকল বিষয় সম্পত্তি নষ্ট হইয়া যায় নাই ইহাই আমার আশ্চর্য্য বোধ হয়। তুমি পাত্রিদের সহিত বাদ প্রতিবাদ করিতে ও সংবাদপত্রে লিখিতেই ব্যস্ত, গুরুতর বিষয় রক্ষা ও পরিদর্শন কার্যে তুমি স্বয়ং যথোচিত মনোনিবেশ না করিয়া তাহা তোমার প্রিয়পাত্র আমলাদের হস্তে ফেলিয়া রাখ। ভারতবর্ষের উত্তাপ ও আবহাওয়া সহ্য করিবার আমার শক্তি নাই, যদি থাকিত আমি অবিলম্বে লগুন পরিত্যাগ করিয়া তাহা নিজে পর্য্যবেক্ষণ করিতে যাইতাম।”\*

আমি ১৮৬২ খৃষ্টাব্দে ইংলণ্ডের Sussex জেলার অন্তর্গত সমুদ্রের উপকূল Worthing নামক বন্দরে গিয়া কিছুদিন বাস করি। উহা আমার নিকট এক প্রকার তীর্থস্থানের স্থায় মনে হয়েছিল, কেননা এখানে আমার পিতামহ দ্বারিকানাথ ঠাকুর তাঁর মৃত্যুর অব্যবহিত পূর্বে একমাস কাল যাপন করেন। ১৮৪৬ খৃষ্টাব্দের মাঠ মাসে তিনি এক উৎকট পীড়ায় আক্রান্ত হন, এ অবস্থায় তাঁর চিকিৎসক মাটির পরামর্শে রোগ শাস্তির জন্তে এই বন্দরে গিয়ে অবস্থিতি করেন। তিনি যে হোটেলে গিয়ে উঠেছিলেন আমি সেই হোটেলের মালিকের সঙ্গে দেখা করি; সাহেবটির নিকট হতে দাদামশায়ের অনেক খবর শুনতে পাই। তার সংক্ষিপ্ত বিবরণ এই :—

দ্বারিকানাথ ঠাকুরের সর্বশুদ্ধ ১৭ জন অশুচর ছিল, তার মধ্যে দুইজন এদেশীয় ভৃত্য। তা ছাড়া একজন সেক্রেটারী, একজন Interpreter, সঙ্গীত-ওস্তাদ জর্মান একজন, চিকিৎসক Dr. Martin এবং অপর একজন মিলে এই পঞ্চ সহচর সর্বদা কাছে থেকে তাঁর আবশ্যকমত কাজকর্ম তত্ত্বাবধানে নিযুক্ত ছিল। আমার ছোট

---

From Dwarkauath Tagore to Debendranath Tagore

London 19th May 1846.

\* It is only a source of wonder to me that all my estates are not ruined. Your time, I am sure, being more taken up in writing for the newspapers and in fighting with the missionaries than in watching over and protecting these important matters which you leave in the hands of your favourite Amias—instead of attending to them yourself, most vigilantly.—If I was strong enough to bear the heat and climate of India, I should immediately have left London personally to superintend &c.

কাকা নগেন্দ্রনাথ আর দূর সম্পর্কীয় পিতৃব্য নবীনবাবু তাঁকে মাঝে মাঝে দেখতে আসতেন। ছোট কাকার গায়ে এক বহুমূল্য সবুজ রংএর শাল ছিল আর তাঁর জলজলে কাল' চোখের প্রশংসা সর্বত্র শোনা যেত। তাঁর কথা আর বেশী কিছু জানতে পারলুম না। আমার পিতামহের শরীর শীঘ্রই ভেঙ্গে পড়ল। রোগের জ্বালায় বড়ই অশান্তি ছটকটানি হয়েছিল। ৬টার সময় উঠে গাড়ী করে বেড়িয়ে ফিরে এসে অল্প নিজা যেতেন—তারপর আহার ; তাঁর ভৃত্য হলির তয়েরি কারি-ভাত আর একটু কমলানেবুর জেলী, এইমাত্র আহার। পরিচ্ছদের মধ্যে একটি সুন্দর কাশ্মীরি শাল তাঁর গায়ে থাকত। তাঁকে দেখবার জন্যে মহিলারা দলে দলে দরজার কাছে এসে দাঁড়িয়ে থাকতেন। Duchess of Cleveland প্রত্যহ তাঁকে দেখতে আসতেন—Duchess of Inverness রোজ পত্রদ্বারা তাঁর সংবাদ নিতেন। তিনি তাঁর অমায়িক সৌজন্তে সকলেরই চিত্ত আকর্ষণ করেছিলেন। এত পীড়ার প্রকোপেও তাঁর ধৈর্যচ্যুতি হয়নি। কখনও কোন বিষয়ে ক্রটি জানিয়ে কারও প্রতি দোষারোপ করতেন না, সর্বদাই সন্তুষ্টচিত্তে, হাসিমুখে থাকতেন। অতি অকর্মা ভৃত্যও তাঁর অনুগ্রহ ও বদান্ধতা হ'তে বঞ্চিত ছিল না। স্বদেশী আচার ব্যবহারের তিনি অনুবক্ত ছিলেন। দেশীয় পরিচ্ছদ পরিধান করতেন। আলবোলায় নল সর্বদাই তাঁর হাতে থাকত, তাঁর ভৃত্য হলি তামাক সেজে দিত। তাঁর একটি (Tortoise shell) কাঁচকড়া মসলার ডিবে ছিল। গরম তাঁর আদবে সহ হ'ত না, জানালা খুলে শুতেন। প্রত্যহ সকালে স্নান করতেন, আর বরফজল ভাল-বাসতেন। দিনরাত তাঁর সেবাপ্রদায় নিযুক্ত প্রিয়ভৃত্য হলি তাঁর শোবার ঘরের বাহিরে শুয়ে থাকত। অনেক সময় তাঁর বিছানার পাশে মাহুরের উপর বসে তাঁর পায়ে হাত বুলিয়ে দিত। তাঁর শরীর ক্রমে দুর্বল হয়ে পড়ল, তিনি আপনার আসন্ন মৃত্যু আপনি বেশ বুঝতে পেরেছিলেন। কেমন আছেন কেহ জিজ্ঞাসা করলে মধুর গম্ভীরস্বরে বলতেন, "I am content" আমি শান্তিতে আছি। ক্রমে তাঁর শরীর আরো অবসন্ন হ'তে লাগল—তাঁকে স্থানান্তরিত করা আবশ্যক হ'য়ে পড়ল। অবসর বুঝে সেই স্থান হ'তে জুলাই মাসের ২৭ তারিখে Dr. Martin তাঁকে সঙ্গে করে লগুনে নিয়ে যান এবং ১৮৪৬ খৃষ্টাব্দে ১লা আগস্টে তিনি পরলোক গমন করেন। \*

---

: গণেন্দ্রনাথ ঠাকুরের আমার লিখিত পত্র হইতে উদ্ধৃত। Worthing—25th August, 1861

স্মারিকানাথ ঠাকুরের মৃত্যু

1st August, 1846.

## ভারতবর্ষে ঠাকুর ও ম্যাক্সমুলার সম্বন্ধে কথোপকথন

সিভিল সার্ভিস পরীক্ষার সময় প্রোফেসার ম্যাক্সমুলার আমার সংস্কৃতির পরীক্ষক ছিলেন। পরীক্ষান্তে যখন আমি তাঁর সঙ্গে দেখা করতে গিয়েছিলাম, তখন তিনি তাঁর নিজের সম্বন্ধে ও আমার স্বর্গীয় পিতামহ ও পিতৃদেব সম্বন্ধে আমাকে অনেক কথা বলেন।

ভারতবর্ষের প্রতি তাঁর প্রেমাকর্ষণ সর্বপ্রথমে কিরূপে হয়, সে বিষয়ে তিনি বলেন যে, অতি শৈশবকাল হইতে লোকমুখে ভারতবর্ষের নানা প্রকার বিবরণ শুনে তিনি সেটাকে একটা স্বপ্ন-রাজ্যের ভ্রাম্য জ্ঞান করিতেন। রূপকথায় যেমন থাকে যে, যোদ্ধা একদিন হঠাৎ স্বপ্ন দেখিলেন যে, কোন অজানা দেশে এক পরমাহুন্দরী কন্যা বন্দিনীভাবে বাস করছে, তাই দেখে যোদ্ধার মন এমন বিচলিত হ'ল যে, কত খোঁজ করে খুঁজ করে যতদিন না তার উদ্ধার সাধন করতে পারতেন, ততদিন যেমন নিশ্চিন্ত থাকতেন না; তেমনি ভারতবর্ষকেও তিনি তাঁর স্বপ্ন-রাজ্যের হুন্দরী বলে কল্পনা করতেন। তারপর যখন তাঁর দশ বৎসর বয়স তখন তাঁর ইচ্ছার কপিবুকের মলাটে হঠাৎ একদিন কাশীর স্নানের ঘাটের চিত্র দেখে স্বপ্নাবিষ্টের মত সেই দিকে চেয়ে বসে রইলেন। চিত্রটি যদিও বিশেষ পরিষ্কৃত ছিল না, তবুও সে ছবিখানি তাঁর বেশ মনে ছিল। তিনি বলেন, “কিন্তু ভারতবর্ষ সম্বন্ধে বাস্তবিক তখন আমার কতটুকু জ্ঞান ছিল? কেবল এই শুনেছিলাম যে ভারতবাসীরা কৃষ্ণকায়, তারা বিধবাদের জলন্ত চিতায় অর্পণ করে, আর স্বর্গলাভ করবার জন্ত গঙ্গাধর্মেবের রথচক্রের তলে নিজেদের নিক্ষেপ করে শরীরকে ক্ষতবিক্ষত করে। আমার কপিবুকের চিত্রে কিন্তু দেখলাম যে তারা বেশ লম্বা এবং সুত্রী। আর গঙ্গাতীরে যে সকল মন্দিরাদি অঙ্কিত ছিল তাদের সৌষ্ঠব ও উচ্চ চূড়াগুলিতে এমন একটি মাহাত্ম্য প্রকাশ পাইতেছিল যে, আমার স্বদেশের গির্জা ও প্রাসাদগুলি তাদের নিকট হীন বলিয়া বোধ হইতে লাগিল। নিজের কল্পনায় মগ্ন হয়ে বসে আছি, এমন সময় হঠাৎ আমার শিক্ষক-মশায় এসে কানটি কাঁকিয়ে দিয়ে বলেন যে, এতক্ষণ ঝাঁড়মি করে বসে থাকার দরুণ আমাকে আরও অনেকগুলি পাতা কাপি করতে হবে। এই তো গেল ভারতের সঙ্গে আমার প্রথম সাক্ষর পরিচয়!

“তারপর বহু বৎসর কেটে গেল। ১৮৪১ সালে আমি যখন লিপ্সিগের বিশ্ব-বিদ্যালয়ে অধ্যয়ন করি, তখন আমার কল্পনা বাস্তবে পরিণত হবার লক্ষণ দেখা গেল। একদিন শুনলাম যে সংস্কৃত-চর্চার জন্ত নূতন প্রেণী খোলা রয়েছে এবং প্রোফেসার ব্রুক্‌হু ভারতীয় সাহিত্য সম্বন্ধে লেকচার দেবেন। আমি রীতিমত

সংস্কৃত শিক্ষা আরম্ভ করে দিলাম এবং নলোপাধ্যায়, শকুন্তলা ও ঋগ্বেদের কতক অংশ পড়তে শিখবার পর বার্লিন ও তৎপরে প্যারিসে সংস্কৃত-চর্চা করতে যাই।

“সেই সময় ভারতবর্ষ দেখবার ইচ্ছা আমার বড়ই প্রবল হয়েছিল। ইন্দোরোপীয় ছাত্রদের যেমন রোম অথবা এথেন্স দেখবার একটা তীব্র ন্দ্ৰা থাকে, আমারও তেমনি একবার ভারতবর্ষ দর্শন করে কাশীর পবিত্র গঙ্গার স্নান করবার অন্ত ঐকান্তিক ইচ্ছা হয়েছিল। কিন্তু তখন তাহা আমার পক্ষে একরূপ অসম্ভব ছিল, কারণ একে ত তখন ভারতবর্ষ ছিল ছয় মাসের পথ, তার উপর অধিক ব্যয়সাধ্য। ভারতের মুখ দর্শন করা জীবনে আমার ভাগ্যে ঘটিল না। যৌবনকালে অর্ধাভাবে যাওয়া ঘটে নাই, এবং পরে যদিও আমার ভারতীয় বন্ধুদের দ্বারা বার বার নিমন্ত্রিত হয়েছি, কিন্তু একে বৃদ্ধকাল, তায় নানা কর্তব্য-কর্মে জড়িত হ’য়ে পড়ে এই সব ছাড়িয়ে যাওয়া দুর্ঘটন হ’ল। তা ছাড়া শুধু ভারতবর্ষ একবার বেড়িয়ে এলেই তো আমার মনস্কামনা পূর্ণ হ’ত না। ( অস্তুতঃ দুই তিন বৎসর সেখানে বাস করতে না পারলে, ভাষাগুলি ভাল করিয়া শিখতে না পারলে এবং দেশীয় পণ্ডিতদের সঙ্গে নানা বিষয় আলোচনা করতে না পারলে আমার পক্ষে ভারতভ্রমণ বুধা হ’ত। আমার সঙ্গে ভারতের সম্পর্ক তো শুধু উপর থেকে নয়, তাহা বহু শতাব্দীর ভিতর দিয়ে। কেবল যদি কলিকাতা বা বোম্বাই ঘুরে আসা আমার উদ্দেশ্য হ’ত, তাহলে তো বিলাতের অক্সফোর্ড বা বগু স্ট্রীট একবার বেড়িয়ে এলেই হয়।

“কিন্তু যদিও আমি কোন দিন ভারতে পদার্পণ করিনি তথাপি আমার সৌভাগ্যবশতঃ যুরোপে ভারতের কয়েকজন অসাধারণ প্রতিভাশালী ও সুযোগ্য সন্তানের সঙ্গে আমার বন্ধুত্ব হয়েছিল। অনেকে আমাকে বলেন যে, এই সকল মহৎ-চরিত্র ব্যক্তিগণের সঙ্গে ঘনিষ্ঠ পরিচয় হওয়ায়, ভারতবাসীর চরিত্র সম্বন্ধে আমার একটা ভুল ধারণা জন্মেছে ; কারণ সর্ববিষয়ের উৎকৃষ্টতা দেখলাম কিন্তু নিকৃষ্টতা কিছু জানুতে পারলাম না। আমার মনে হয়—তাতে ক্ষতি কি ? ভারতবাসীর চরিত্রের চরমোৎকর্ষ যে কতদূর হইতে পারে তাহা তো দেখলাম। অবশ্য আমি এমন আশা করি না যে, একটা সমগ্র জাতি কেবল রামমোহন রায়, দ্বারকানাথ ঠাকুর, দেবেন্দ্রনাথ ঠাকুর, কেশবচন্দ্র সেন, মালাবারী বা রমাবাইয়ের হাঁচে ঢালা হবে, কিন্তু তা বলে, যে দেশের মধ্যে থেকে এই সব মহচ্চরিত্র লোক জন্মগ্রহণ করেছেন, সে দেশের জাতীয় চরিত্র উপেক্ষা করবার নয়।

৫০ বৎসর পূর্বে ভারতবাসীরা এমন অবোধে ভ্রমণ করত না। কালাপানি পার হওয়ার বিভীষিকা তখন খুব প্রবল ছিল ; স্মরণ্য ১৮৪৪ সালে যখন একদিন সহরমন্ড রাষ্ট্র হইল যে ভারতের একজন নিষ্ঠাবান হিন্দু প্যারিসে এসেছেন এবং সর্বোৎকৃষ্ট

হোটেলের সর্বোচ্চ গৃহ বাস করছেন, তখন প্যারিসে হলস্থল পড়ে গেল এক আমারও তাঁর সঙ্গে আলাপ করবার জন্য মন চকল হয়ে উঠল। আমি তখন কলেজ-ডি-ফ্রান্সে প্রোফেসর বারহুফের কাছে সংস্কৃত শিক্ষা করতাম, এবং যখন দেখলাম যে নবাগত ভ্রাতৃলোকটি আমারই এই প্রোফেসরের কাছে পরিচয়-পত্র নিয়ে এসেছেন, তখন তাঁর সঙ্গে আলাপ হ'তে বড় বেশী বিলম্ব হ'ল না। প্রোফেসর বারহুফ একদিন আমাদের পরিচয় করিয়ে দিলেন এবং তারপর থেকে তাঁর সঙ্গে আমার খুব ঘনিষ্ঠতা হ'ল। তিনি হচ্ছেন তোমার পিতামহ দ্বারকানাথ ঠাকুর।

দ্বারকানাথ সংস্কৃত ভাষায় পণ্ডিত না হ'লেও সংস্কৃত সাহিত্য-জ্ঞান তাঁর বেশ ছিল। প্রথম যখন তাঁকে আমি দেখি তখন তিনি ইনস্টিটিউট-ডি-ফ্রান্সে প্রোফেসর বারহুফের সঙ্গে কথা কইছিলেন। প্রোফেসর তাঁকে নিজের ভাগবতপুরাণের উৎকৃষ্ট ফরাসী তর্জমার বইখানি উপহার দিলেন। এক দিকে সংস্কৃত শ্লোকগুলি, অপর দিকে ফরাসী তর্জমাগুলি ছাপান ছিল। দ্বারকানাথ তাঁর স্মৃতিত শ্রামল অঙ্গুলীগুলি ফরাসী তর্জমার পাতার উপর রেখে নিশ্বাস ফেলে বলেন, 'আহা! এইগুলি যদি আমি পড়তে পারতাম!' তাঁর স্বদেশের প্রাচীন ভাষা জানবার জন্য তাঁর তেমন আগ্রহ ছিল না, যত ফরাসী ভাষার জন্য ছিল।

যখন তিনি শুনলেন যে আমি সংস্কৃত ভাষা শিখবার জন্য কিরূপ আগ্রহান্বিত, তখন আমার প্রতি তাঁর একটা আকর্ষণ হ'ল। তিনি প্রায়ই আমাকে নিয়ন্ত্রণ করতেন এবং আমিও গিয়ে সারা সকালটা তাঁর কাছে প্রায়ই কাটিয়ে আসতাম। ভারতের নীতি প্রভৃতি নানা বিষয়ে তাঁর সঙ্গে আমার অনেক কথা হ'ত। তিনি অত্যন্ত সঙ্গীতপ্রিয় ছিলেন এবং ইটালীয় ও ফরাসী সঙ্গীত খুব পছন্দ করতেন। তিনি গান করতেন আর আমি সেই গানের সঙ্গে পিয়ানো বাজাতাম—এই ভাবে আমাদের দিনগুলি বেশ আনন্দে কেটে যেত। তিনি বেশ সুকণ্ঠ ছিলেন। একদিন আমি তাঁকে বললাম একটি খাঁটি ভারত-সঙ্গীত গাইতে, তাতে তিনি যে গানটি প্রথমে গাইলেন, সেটা ঠিক ভারতীয় নয়, পারসিক গজল, এবং আমিও তাতে বিশেষ কোন মাধুর্য পেলাম না। খাঁটি ভারত-সঙ্গীত গাইবার জন্য পুনঃ পুনঃ অনুরোধ করায় তিনি যুদ্ধ হেসে বলেন, 'তুমি তা উপভোগ করতে পারবে না।' তারপর আমার অনুরোধ রক্ষার জন্য একটি গান নিজে বাজিয়ে গাইলেন। সত্য বলিতে কি, আমি বাস্তবিকই কিছু উপভোগ করতে পারলাম না। আমার মনে হ'ল যে, গানে না আছে স্বর, না আছে রস, না আছে সামঞ্জস্য। দ্বারকানাথকে এই কথা বলায় তিনি বলেন, 'তোমরা সকলেই এক রকমের। যদি কোন জিনিস তোমাদের কাছে নতুন ঠেকে বা প্রথমেই তোমাদের মনোরঞ্জন করতে না পারে, তোমরা অমনি তার প্রতি

বিমুখ। প্রথম যখন আমি ইটালীয় গীতবাহু শুনি, তখন আমিও তাতে কোন রস পাইনি, কিন্তু তবু আমি ক্ষান্ত হয়নি; আমি ক্রমাগত চর্চা করতে লাগলাম যতক্ষণে না আমি তার মধ্যে প্রবেশ করতে পারলাম। সকল বিষয়েই এইরূপ। তোমরা বল আমাদের ধর্ম ধর্মই নয়, আমাদের কাব্য কাব্যই নয়, আমাদের দর্শন দর্শনই নয়। ইয়োরোপ যাহা প্রকাশ করে আমরা চেষ্টা করি তাহা বুঝতে ও হৃদয়ঙ্গম করতে, কিন্তু তাই বলে ভারতবর্ষ যাহা প্রকাশ করে তাকে অবহেলা করি না। আমরা যেমন তোমাদের সঙ্গীতবিদ্যা, কাব্য দর্শন আলোচনা করি, তোমরাও যদি তাই করতে তাহলে তোমরাও আমাদের দেশের বিদ্যাগুলির মর্ম বুঝতে পারতে এবং আমাদের যে অজ্ঞ ও ভণ্ড মনে কর, বাস্তবিক আমরা তা নই, বরং অজ্ঞাত বিষয়ে তোমরা যা জ্ঞান, আমরা হয়তো তারো অধিক জানতে পেরেছি দেখতে।’ বাস্তবিক তিনি নিতান্ত ভুল বলেন নি।

এই কথাগুলি বলতে বলতে তিনি ভারি উত্তেজিত হ’য়ে উঠলেন; তাঁকে ঠাণ্ডা করার জন্ত আমি অল্প বিষয়ের অবতারণা করে বললাম যে, ‘আমি শুনেছি যে ভারতীয় সঙ্গীতের উৎপত্তি অন্ধশাস্ত্র হইতে। আমি একবার সঙ্গীত শাস্ত্রের একটা সংস্কৃত খসড়া দেখেছিলাম কিন্তু কিছুই বুঝতে পারলাম না। প্রোফেসর উইল্‌সন্ একজন সঙ্গীতজ্ঞ লোক এবং তিনি বহুবৎসর ভারতবর্ষে বাস করেছিলেন, সেইজন্য তাঁকে আমি ঐ বিষয়ে জিজ্ঞাসা করেছিলাম এবং ভারতীয় সঙ্গীত-বিদ্যা শিখতে ইচ্ছা প্রকাশ করেছিলাম; কিন্তু তিনি আমাকে বিশেষ উৎসাহ দিলেন না। তিনি বলেন যে, তিনি গান শিখবার জন্ত একবার একজন কালোয়াতের কাছে গিয়েছিলেন, তাতে কালোয়াত বলেন যে, ছয়মাস পর্য্যন্ত সপ্তাহে দুই তিন দিন করে তাঁর কাছে এসে গান শিখলে পর তিনি বলতে পারবেন যে এই ছাত্র সঙ্গীত-বিদ্যা শিখবার উপযুক্ত কি না এবং তারপর একাদিক্রমে পাঁচ বৎসর কাল রীতিমত শিক্ষা করলে তবে পারদর্শী হ’তে পারবেন। এই কথা শুনে প্রোফেসর উইল্‌সন্ সেইখানেই ক্ষান্ত দিলেন। সঙ্গীত-রসিকের প্রভৃতি বিখ্যাত সঙ্গীত পুস্তকগুলি লাইব্রেরীতে দেখে আমার বড়ই লোভ হ’ত শিখবার জন্ত, কিন্তু প্রোফেসর উইল্‌সনের মুখে ঐ কথা শুনে পর্য্যন্ত আমাকেও ইচ্ছা দমন করতে হ’ল। তোমাদের ঠাকুর-পরিবারের মধ্যে আর একজন সঙ্গীত-শাস্ত্রের প্রাধান্য পৃষ্ঠপোষক আছেন—তিনি হচ্ছেন রাজা সৌরীন্দ্রমোহন ঠাকুর।

তোমার পিতামহ স্বরকানাথ খুব বুদ্ধিমান লোক ছিলেন। কেন জানি না, তিনি ব্রাহ্মণকুলকে বিশেষ শ্রদ্ধার চক্ষে দেখতেন না এবং একদিন যখন আমি তাঁকে জিজ্ঞাসা করলাম যে, দেশে ফিরে গিয়ে তাঁকে প্রায়শ্চিত্ত করতে হবে কি না, তিনি হেসে বলেন, ‘আমি তো চিরকাল বহুতর ব্রাহ্মণকে পোষণ করে আসছি, সেই

আমার পক্ষে যথেষ্ট প্রায়শ্চিত্ত ! কিন্তু তিনি যে কেবল দেশীয় ব্রাহ্মণদেরই হীন চক্ষে দেখতেন তা নয়—তিনি যাদের নামকরণ করেছিলেন 'কালো কোট পরা বিলাতী ব্রাহ্মণ',—তাদেরও সমান নীচ চক্ষে দেখতেন। যদিও তিনি ইংরাজদের সকল বিষয়েই প্রশংসা করিতেন, কিন্তু পাদ্রিকুলের কোন নিন্দাবাদ বা লজ্জাজনক ব্যবহারের কথা জানতে পারলে তিনি ভারি আয়োদ্য বোধ করতেন। তিনি অনেকগুলি রাজনৈতিক ও পারমাণ্বিক সংবাদপত্র পড়তেন। তাঁর একখানি খাতা ছিল যার মধ্যে তিনি অতি যত্ন সহকারে পাদ্রিদের নিন্দাজনক নানা কথা লিখে রাখতেন। সে এক অদ্ভুত সংগ্রহ—অনেক সময় আমি ভাবি যে সে খাতাখানির কি দশা হ'ল। তোমার ঋষিপ্রাণ পিতা কখনই সে খাতা লগ্নে যত্ন করেন নি নিশ্চয়ই। কিন্তু যখনই খৃষ্টধর্ম ও হিন্দুধর্মের সত্যতা ও ঐচ্ছিকতা নিয়ে কারো সঙ্গে তর্ক বাধতো, দ্বারকানাথ তখনই সেই খাতাখানি প্রমাণস্বরূপ বের করতেন। অবশ্য আমি বলতাম যে, কোন দেশেরই ধর্মযাজকদের ব্যক্তিগত চরিত্রের উপর নির্ভর করে ধর্মের বিচার করা চলে না।

দ্বারকানাথ প্যারিসে খুব জাকজমক সহকারে বাস করতেন। তখনকার রাজা লুই ফিলিপ কর্তৃক তিনি সমাদরে গৃহীত হয়েছিলেন। শুধু তা নয়—দ্বারকানাথ একদিন খুব সমারোহে সাক্ষ্য-সম্মিগনের আয়োজন করেন, তাতে রাজা লুই ফিলিপ ও বহু উচ্চপদস্থ ব্যক্তিগণ সঙ্গীক নিমন্ত্রণ রক্ষা করতে আসেন। দ্বারকানাথ সমস্ত যবখানি মূল্যবান কাশ্মীরি শাল দ্বারা সজ্জিত করেছিলেন। তখন কাশ্মীরের শাল ছিল ফরাসী স্ত্রীলোকদের একটা আকাজক্ষার বস্তু, স্ত্রীরা কল্পনা কর যে তাদের কি অনির্বচনীয় আনন্দ হ'ল, যখন এই ভারতের রাজপুত্রটি বিদায়কালীন প্রত্যেক স্ত্রীলোকের অঙ্গে একখানি শাল জড়িয়ে দিলেন !

ইংলণ্ডে বাসকালীন দ্বারকানাথ একটি মহা পুণ্যকর্ম করেন। ভারতের প্রধান ধর্মসংস্কারক রাজা রামমোহন বায়ে ভান্স ব্রিষ্টলের গোরস্থানে সমাধিস্থ করা হয়েছিল ; দ্বারকানাথ সেই স্থানের উপর সুন্দর মন্দির নির্মাণ করাইয়া দেন। হায় ! তখন তিনি কল্পনাও করেন নি যে, অল্পকালের মধ্যে তাঁকেও এইরূপ বিদেশে প্রাণত্যাগ করতে হবে।

## বেদ

আমার বড়ই আশ্চর্য্যবোধ হয় যে, যে দেশে-বেদের এত মাহাত্ম্য এবং যা প্রধান ধর্মপুস্তক বলে গণ্য, সে দেশে কি না আজ পর্য্যন্ত বেদ ছাপানো হয়নি এবং



সকলের তাতে অধিকারও নেই, কেবল অল্প সংখ্যক পণ্ডিতের নিকট বেদের কতকগুলি খসড়া আছে মাত্র এবং তাই থেকে কেহ কেহ কণ্ঠস্থ করেছেন। স্মৃতরাং পরলোকগত জে. মিয়োর যখন বেদের একটা সংস্করণ প্রকাশ করবার জন্ত পুরস্কার ঘোষণা করেন, তখন কোন ভারতবর্ষীয় পণ্ডিত এই কার্যে হস্তক্ষেপ করতে সাহস করলেন না।

আমি যখন বেদের সংস্করণ প্রকাশ করবার জন্ত প্যারিস, বার্লিন ও লণ্ডনের পুস্তকালয়ে বেদের যত খসড়া আছে, নীরবে সব সংগ্রহ করে, তা থেকে নকল করে ধারাবাহিকরূপে গোছ করিতেছিলাম, তখন দ্বারকানাথ খুব আগ্রহ সহকারে আমার কার্যাবলী দর্শন করতেন। ঠিক সেই সময়েই তোমার পিতা দেবেন্দ্রনাথ চারজ্ঞান ব্রাহ্মণকুমারকে চতুর্বেদ শিক্ষা করবার জন্ত কাশীতে পণ্ডিতদের কাছে পাঠান। আমি প্রথমে মনে করেছিলাম যে, বুঝি দ্বারকানাথ আমার বেদ প্রকাশ সম্বন্ধে পুত্রকে কিছু লিখে থাকবেন, এবং তাই থেকে কাশীতে ছাত্র পাঠাবার কল্পনা তার মাথায় আসে, কিন্তু পরে তাঁর কাছে থেকে যে চিঠি পাই, তাতে জানলাম যে আমার ভ্রম হয়েছিল; দেবেন্দ্রনাথের বহুদিন থেকেই এরূপ মানস ছিল। বড়ই আক্ষেপের বিষয় যে, কোন ছাত্রই পরে কোন বিশেষত্ব দেখাতে পারে নাই।

### মহর্ষি দেবেন্দ্রনাথ ঠাকুর

আমি কখনও তোমার পিতাকে দেখিনি, কিন্তু তাঁর নিকট থেকে আমি অনেকগুলি স্মৃতির চিঠি পেয়েছি। তাঁর দেশের ধর্মোন্নতির জন্ত তিনি যে সকল মহৎ অহুষ্ঠান করেছেন তাতে আমার আন্তরিক সহানুভূতি আছে। যদিও কেশবচন্দ্র সেনের সঙ্গে তাঁর ধর্মবিচ্ছেদ ঘটেছিল, তবু তিনি তাঁকে অত্যন্ত স্নেহ করতেন।

বিদ্যাকালীন পূর্বকথা স্মরণ করে তিনি বলেন, “Oh! I have smoked many a Hookah with your grandfather in Paris!”

কর্তাদাদামশায়ের স্মৃতি যতই অস্পষ্ট হোক না কেন, মেজকাকা ও ছোটকাকাকে (গিরীন্দ্রনাথ ও নগেন্দ্রনাথ) আমার বেশ মনে পড়ে। তাঁদের মুখশ্রী জীবন্তভাবে দেখছি, তাঁদের কথাবার্তা শুনছি, এখনো মনে করতে পারি। বাবামশায় অনেক সময় বাড়ী থাকতেন না। তাঁর আত্মজীবনীতে দেখতে পাই, তিনি প্রতি বৎসর পূজার সময় কোন না কোনখানে ভ্রমণে বেরোতেন। যখন গঙ্গায় বেড়াতে যেতেন তখন কোন কোনবার আমাদের সঙ্গে নিতেন, নইলে বাড়ীতে রেখে যেতেন।

মার কাছে আমরা বৈশীক্ষণ থাকতুম না—আমাদের আসল আড্ডা ছিল মেজ কাকিমার ঘর ; সেই আমাদের শিক্ষালয়, সেই বিজ্ঞান-স্থান। বলতে গেলে মেজ কাকিমাই আমাদের মাতৃস্থানীয়া ছিলেন ; তাঁর কাছে আমরা গল্প শুনতুম, তাঁর সঙ্গে তাস খেলতুম, তাঁর কাছ থেকে বেছে বেছে নিয়ে বই পড়তুম—হাতেমতাই, লয়লা-মজনন, নবনারী, আরব্য উপাখ্যান, লাস্‌ টেল, পল ভার্জিনিয়ার অল্পবাদ, এই রকম কতকগুলি বই আমাদের পুঁজি ছিল। আমাদের অন্তঃপুরে মহিলাদের মধ্যে সেকালে উচ্চ শিক্ষার প্রচার ছিল না, তবুও কাকিমা প্রভৃতি বাড়ীর মেয়েরা কেহ কেহ বাঙ্গালা বেশ জানতেন, তাঁরাই আমাদের একপ্রকার শিক্ষয়িত্রী ছিলেন। কিন্তু অল্প সময় যাই হোক ব্যায়ামের সময় আমরা মার কাছেই থাকতুম। তখন আমাদের মাঝে মাঝে বাঁধা নিয়মে তিনদিনব্যাপী একরকম জর হ’ত তা ম্যালেরিয়া বলতে পারি না, কেননা তখন ম্যালেরিয়া ছিল না। জর হ’লেই ডাক্তার ষারি গুপ্ত আমাদের দেখতে আসতেন, কে জানে তাঁকে দেখলেই প্রাণ উড়ে যেত। তাঁর ব্যবস্থা ছিল—প্রথম দিন তেল (Castor Oil) ও তেলের চেয়েও বিষাদ জলের সাণ্ড ; দ্বিতীয় দিন এলাচদানার মত সামান্য কিছু পথ্য ; তৃতীয় দিন ফুলকো কুটি ; চতুর্থ দিন ভাত—সেই জরের এই ক্রম ছিল। তখনকার কালে ব্যায়ামের সময় হাওয়া বদলের জন্তে বরাহনগর প্রভৃতি কাছাকাছি গঙ্গার ধারের জায়গা ও হুগলী বর্দ্ধমান প্রভৃতি দূরের কোন কোন স্থান স্বাস্থ্যকর বলে গণ্য হ’ত। এইক্ষেণে সেই সকল স্থান ম্যালেরিয়ার আবাসভূমি বলে পরিত্যজ্য। তেমনি আবার কলিকাতা এখন জলের কলে, নালানদীর সংস্কারে ও আর আর ম্যুনিসিপাল বন্দোবস্তে পূর্বাপেক্ষা অনেক স্বাস্থ্যকর হয়েছে সন্দেহ নাই ; এমন কি, কলকাতাই এক্ষণে পল্লীবাসীদের বায়ু-পরিবর্তনের ও স্বাস্থ্য-অর্জনের প্রধান স্থান বললেও অত্যাুক্তি হয় না। যত্নের তালিকা পরীক্ষায় কলিকাতা ইউরোপেরও প্রধান প্রধান নগরীর সমকক্ষ দেখা যায়। অনেক ইংরাজে বলেন দুই একমাস ছাড়িয়া দিলে স্বাস্থ্যের হিসাবে কলিকাতার সমতুল্য স্থান ভারতবর্ষে যেনা দৃষ্কর।

### নগেন্দ্রনাথ ঠাকুর ( ছোটকাঁকা )

ছোটকাঁকার কাছে আমরা অনেক সময় যেতুম। তিনি গৌরবর্ণ তেজোমান্ন স্থ্রী পুরুষ ছিলেন কিন্তু কড়া মেজাজের লোক বলে মনে হ’ত, আমরা তাঁকে ভয় করে চলতুম। তাঁর বৈঠকখানায় নানা রকম লোভনীয় জিনিস ছড়ান থাকত। একবার

মনে আছে ছোট ছোট ছব্বা-ভব্বা মকমলের কাপড় মোড়া একরকম সর্পাকৃতি কাগজ চাপা তাঁর লেখবার টেবিলে ছিল, তার উপর আমার দৃষ্টি পড়ল। কাপড় ঢাকার ছিন্ন দিয়ে সীসার গুলিগুলা ঝরে পড়ছে, তাই এক মুঠা কুড়িয়ে নিয়েছিলুম। একটু পরে আমায় তলব পড়ল, চোরামাল শুদ্ধ ধরা পড়ি আর কি! তখন কি করি, সীসার গুলি মুখে পুরে রেখে ছোটকাঁকার কাছে হাজির। তার কিয়দংশ গলাধঃকরণ হয়েছিল কি না মনে নাই, আর গেলবার দরুণ পরে কোন অসুখ ভোগ করতে হয়েছিল কি না বলতে পারি না।

ছোটকাঁকা দ্বারিকানাথ ঠাকুরের সঙ্গে বিলাত যাত্রা করেছিলেন। তিনি সেখান থেকে তাঁর আত্মীয় বন্ধুদের যে সকল চিঠিপত্র লিখতেন তা দেখে বোধ হয় তিনি সে দেশে বেশ আমোদে ছিলেন, আর তাঁর প্রবাসকালে ইংলণ্ড স্কটল্যান্ডের নানা স্থানে ভ্রমণ করে ব্যাড়াতেন। তাঁর রূপ লাবণ্যের দরুণ তিনি সাধেব বিবিদের, বিশেষতঃ বিবিদের অতি প্রিয়পাত্র ছিলেন, প্রবাস থেকে স্বদেশে সহজে ফিরতে চাইতেন না। তাঁর পিতার মৃত্যুর পর তাঁর পিসতুত ভাই চন্দ্রবাবু তাঁকে দেশে ফেরবার জন্য বিশেষ অনুরোধ করে পত্র লেখেন, তাতে তাঁকে এইরূপে লোভ দেখাচ্ছেন—

“আগামী মাসে অক্সফোর্ড কেম্ব্রিজের আদর্শ উচ্চ শিক্ষা বিধান উদ্দেশে কলিকাতায় একটি বিশ্ববিদ্যালয় স্থাপিত হইবে, তাহাতে তুমি প্রবেশ করিয়া তোমার ইচ্ছামত বিদ্যাশিক্ষা করিতে পারিবে। তথাকার বিশ্ববিদ্যালয়ের ন্যায় এখানেও বিদ্যার্থীগণ কৃতিত্ব দেখাইতে পারিলে উপাধি ও সম্মানের বিবিধ চিহ্ন সকল লাভ করিতে পারিবে। অতএব বাড়ী ফিরিলে তোমার শিক্ষা অসমাপ্ত থাকিবার যে আপত্তি তার গুরুত্ব অনুভব করিবে না।” (21st September 1846.)

ছোটকাঁকা সেই সময় তাঁর এক বন্ধুকে যে পত্র লেখেন তাহাতে বাড়ী ফিরতে অনিচ্ছা প্রকাশ করে এইরূপ লিখেছেন—

“তোমার নিকট মনের কথা খুলিয়া বলিতে কি, আমার এখন দেশে ফিরিবার ইচ্ছা নাই, কি কারণে ঠিক বলিতে পারি না। তুমি জন, আমি সাধারণতঃ ইংরাজ জাতিকে ভালবাসি না, তাদের চাল-চলন দৃষ্টক্ষে দেখিতে পারি না, তাহাদের সকল বিষয়ে বর্ণিকবৃত্তি আমি মনের সহিত ঘৃণা করি, তথাপি একটা কি আছে যাহা এই সকল বিরুদ্ধভাবকে খণ্ডন করিয়া দিতেছে; ইংলণ্ড ছাড়িয়া কলিকাতায় যাইতে কোন মতেই আমার মন উঠিতেছে না।”

অবশেষে বাধ্য হয়ে তাঁকে বাড়ী ফিরতে হ'ল : যেদিন ফিরে এলেন আমার বেশ মনে পড়ে, ছেলেদের সে মহোৎসবের দিন, কেননা তিনি আসবার সময় তাদের জন্মে

নানা রকম খ্যালনা নিয়ে এসেছিলেন। সেগুলি আমাদের মধ্যে বিতরণ করা 'হ'ল, আমি একটা কলের ময়ূর পেয়েছিলুম।

ছোটকাকার কাছে অনেকানেক লোক যাওয়া আসা করত—রমাপ্রসাদ রায়, কিশোরীচাঁদ মিত্র, রাজেন্দ্রলাল মিত্র—পুরাকালের সব খ্যাতনামা পুরুষ—এ সবাব মধ্যে তাঁর দুজন মুসলমান বন্ধু ছিল, বজলু নবরৌ ও বজলু নবরৌম। তাঁদের নিয়ে অনেক আমোদ প্রমোদ হ'ত, কখনও বা ইংরাজি মোগলাই মিশ্রিত খানা দেওয়া হ'ত। তার ভাগ আমরাও কিছু কিছু পেতুম। এ থেকে প্রমাণ হচ্ছে, তখনকার কালে হিন্দু মুসলমানে যেমন হস্ততা ও মেলামেশা ছিল এখন তা তুলত-দর্শন।

বিলাত থেকে ফিরে আসবার পরে ছোটকাকা দেখলেন আমাদের কার-ঠাকুর কোম্পানি হাউস তখনো বেশ চলছে। ভিতরে ভিতরে তার যে অসার টলমল অবস্থা তা বুঝতে না পেরে তার সঙ্গে জড়িয়ে পড়েছিলেন। শেষে সেই হাউস ফেল হওয়াতে তিনি অশেষ ঋণভারে আক্রান্ত হয়ে পড়লেন। তিনি ও তাঁর মধ্যম ভ্রাতা গিরীন্দ্রনাথ উভয়েই স্বভাবত বায়শীল ছিলেন। এই বিষয় পিতার জীবনীতে এইরূপ বর্ণিত আছে—

“এত দিনে, এই দশ বৎসরে আমাদের ঋণ অনেক পরিশোধ হইয়া গিয়াছে। পিতৃঋণের মহাভার আমার অনেক কমিয়াছে। কিন্তু আমার আর এক প্রকার নূতন বিপদভার, ঋণভার আমাকে জড়াইতে লাগিল। গিরীন্দ্রনাথ যখন জীবিত ছিলেন তখন তিনি তাঁহার নিজের খরচের জন্ত অনেক ঋণ করিয়াছিলেন। আমি তাঁহার কতক ঋণ পিতৃঋণের সঙ্গে পরিশোধ করিয়াছিলাম। এখন আবার নগেন্দ্রনাথ তাঁহার নিজ ব্যয়ের জন্ত অধিকাধিক ঋণ করিতে আরম্ভ করিলেন। কেবল নিজের ব্যয়ের জন্ত নয়, এমন কি, ১০০০০ দশ হাজার টাকা ঋণ করিয়া তিনি আর একজনের আত্মকল্যাণ করিতেন—তিনি এমনি পরহুঃখী ও দয়ালু ছিলেন। তাঁহার বদান্যতা, তাঁহার প্রিয়ব্যবহার লোকের মনকে অতিমাত্র আকর্ষণ করিয়াছিল।” (ত্রিংশ পরিচ্ছেদ)

তিনি উল্লিখিত নানা কারণে বিলাত থেকে ফিরে এসে অবধি একটা উচ্চ পদের সরকারী চাকরীর সন্ধানে ফিরছিলেন। যে সকল বড় বড় সাহেব তাঁর পিতার বন্ধু ছিলেন তাঁদের সাহায্য প্রার্থনা করে পত্র লেখেন; অনেক সাধ্য সাধনার পর তিনি ৬ই মার্চ ১৮৫৪ সালে কন্ট্রোল কলেক্টরের সহকারীরূপে নিযুক্ত হন। কিন্তু সে পদ তাঁকে অধিক দিন ভোগ করতে হয় নাই। ১৮৫৬ সালে জুন মাসে তিনি ইন্তুফা পত্র দিয়ে তাঁর কলেক্টর Young সাহেবকে লিখেছেন—

“আজ আমার অবকাশের দিন সমাপ্ত হইল। দুঃখের সহিত নিবেদন করিতেছি,

গত তিন মাস ধরিয়া আমার বিষয় কর্ণের স্বল্পাট মিটাইবার সাধ্যমত চেষ্টা করিয়া তাহাতে যদিও অনেকটা রুতকার্য হইয়াছি কিন্তু সম্পূর্ণরূপে হইতে পারি নাই। আরো তিন সপ্তাহকাল সময় না পাইলে এই সমস্ত গোলযোগ নিষ্পত্তি করিয়া আমার কর্ণে ফিরিয়া যাওয়া আমার পক্ষে একপ্রকার অসম্ভব। আপনি আমার পুনঃ পুনঃ ছুটির আবেদন গ্রাহ্য করিয়া আমাকে অনুগ্রহীত করিয়াছেন, গবর্ণমেন্টও যথেষ্ট অনুগ্রহ করিয়াছেন ; পুনরায় ছুটির দরখাস্তে ( একদিনের জন্তও ) আপনাদিগকে বিরক্ত করা আমি নিতান্ত অশ্রায় বিবেচনা করি, অতএব একান্ত বাধ্য হইয়া গবর্ণমেন্টের নিকট আমার এই চাকরীর ইন্তফা-পত্র প্রেরণ করিতেছি। যখন প্রথমে আমি গবর্ণমেন্টের এই চাকরী স্বীকার করি, তখন তাহার বেতনের প্রতি আমার দৃষ্টি ছিল না কিন্তু এই-কক্ষে আমার যেরূপ বৈষয়িক অবস্থা এখন তাহাতে আমার ঔদাসীন্য করা ঠিক হয় না। আমার এই যে দুর্বস্থা ঘটিয়াছে তাহা আমার নিজের দোষে নয় কিন্তু আমার স্বর্গগত ভ্রাতার স্বর্ণভার আমার উপরে পড়িবার দরুণ আমি একান্ত বিরক্ত হইয়া পড়িয়াছি। এক্ষণে প্রার্থনা এই যে গবর্ণমেন্ট আমার প্রকৃত অবস্থা অবগত হইয়া যাহাতে ভবিষ্যতে আমাকে ক্ষতিগ্রস্ত হইতে না হয় সেই বিষয়ে রূপাদৃষ্টি করেন।”

Young সাহেব এই পত্রের উত্তরে লেখেন—“তুমি লিখিতেছ যে তিন সপ্তাহ সময় পাইলে তুমি তোমার পাণ্ডানাদারদের সঙ্গে বোঝাপড়া করিয়া এই দায় হইতে মুক্ত হইতে পার। তা যদি হয় তাহা হইলে আমার পরামর্শ এই যে একেবারে ইন্তফা না দিয়া তুমি আর এক মাসের অবকাশ প্রার্থনা করিয়া গবর্ণমেন্টে দরখাস্ত কর ; উত্তর পাইলে যথাকর্তব্য স্থির করিবে। আপাতত আমি তোমার এই ইন্তফা-পত্র গবর্ণমেন্টে না পাঠাইয়া আগামী কল্যা পর্য্যন্ত তোমাকে মনঃস্থির করিবার সময় দিতেছি।”

কলেক্টর সাহেবের পরামর্শ অনুসারে ছোটকাকা কার্য্য করিয়াছিলেন বলিয়া বোধ হয় না। ইহার কয়েক মাস পরেই দেখা যায় তাঁর শরীর অসুস্থ হইয়া পড়ে ও স্বাস্থ্যলাভ-মানসে তিনি বোম্বাই নাসিক ইন্দোর উত্তর পশ্চিম প্রদেশে ভ্রমণে বাহির হন।

কলিকাতা হ’তে বিদায় নিয়ে তিনি বিদেশ থেকে তাঁর বন্ধুবান্ধবদের যে সকল পত্র লিখেছিলেন তা হ’তে তাঁর এই ভ্রমণবৃত্তান্ত আত্মোপাস্ত সমস্তটাই পাওয়া যায়— তাহা সংক্ষেপে এই :—

বোম্বাই, ১৩ই ডিসেম্বর ১৮৫৬

তিনি স্মৃতি-পথে দিয়া বোম্বাই যাত্রা করেন। বোম্বাই পৌঁছিয়া Elephanta ও মালসেটের গুহামন্দির ও অন্যান্য হিন্দুকীর্ত্তি দর্শন করিয়া তলঘাট পর্য্যন্ত প্রব্রীজ : ধ্য দিয়া পিম্পলগামে উপনীত হন।

পিম্পলগাম, ১৩ই ডিসেম্বর ১৮১৬

“মারওয়াড় প্রদেশের মধ্য দিয়া চলিতেছি—এই দেশ রাজপুতবীর ও বীরাক্ষনাগণের বঙ্গভূমি। কিন্তু হায়! সে সব কীর্ত্তি কোথায়? যাইতে যাইতে মনে হইতেছে, “Tis Greece but living Greece no more”—গ্রীস বটে কিন্তু সে জীবন্ত ভাব তাহাতে নাই।

পরে তথা হইতে নাসিকে উত্তীর্ণ হইলাম, যাহা শিবাজীর অযোগ্য প্রতিনিধি বাজীরাওয়ের বাসস্থান। সঙ্গে কোন ভৃত্য নাই, বন্ধু নাই, মনে অশান্তি, শরীর অপটু এই অবস্থায় ডাক্তার পথ দিয়া সহস্র সহস্র ক্রোশ নিরাপদে অতিক্রম করিতে পারিব এরূপ আশা করি নাই।”

মালেগাম, ২১এ ডিসেম্বর

“চান্দোর দেখিলাম। অত্যাচ্ছ পর্বত পরিবৃত্ত মনোজ্ঞ দুর্গম স্থান। যে সকল প্রদেশ মরাঠা ও পিণ্ডারী যুদ্ধে ব্রিটিশ সৈন্যের গোলাগুলি বর্ষণে ক্ষতবিক্ষত হইয়াছে, তাহাদের মধ্যে ইহা অন্যতর, ইহার গাঙ্গে সেই ক্ষতচিহ্ন সকল অগ্ন্যপি বর্তমান। বাজবাটী (বঙ্গমহল) দর্শন করিলাম। ইহার ভিতর প্রথম হোলকারের গদা রক্ষিত আছে, একটি সামান্য কঠোর গদা, সেই অশ্বাবোহী বীরসেনার যোগ্য আসন বটে। চান্দোর ত্যাগ করিয়া দিনের আলো থাকিতে থাকিতে তলঘাটের শোভা সন্ধান করিলাম। চারিদিকে পাহাড় শ্রেণী—কি চমৎকার দৃশ্য! এত পর্বতমালায় উপর দিয়া যে রাস্তা গিয়াছে তাহার নিষ্কাশন কৌশল কি আর বর্ণনা করিব—যে কারিগরের ইহা মনঃকল্পনা তাহার প্রতিভা স্বরণ করিয়া দিতেছে এবং স্পষ্টাক্ষরে প্রকৃতির উপরে বিজ্ঞানের জয় ঘোষণা করিতেছে। ঘাট হইতে নামিয়া দেখি উপত্যকা ভূমির দৃশ্যও অতি মনোহর—স্বামল শস্তক্ষেত্রে যেন মথমল বিছাইয়া দিয়াছে। চতুর্দিক কুঞ্জবন আবার বিহঙ্গদলের মধুর গানে প্রতিধ্বনিত—এ সকল দ্রব্যপত্র নাই মনোমুগ্ধকর। কিন্তু ভাই সে যাহাই চোক, বাড়ীর দিকে আমার মন পড়িয়া রহিয়াছে—মনে হইতেছে আমার সেই কোণের ঘরটি পৃথিবীর সকল স্থানের মধ্যে সেরা।”

ইন্দোর, ২৮এ ডিসেম্বর

ইন্দোর হইতে আমার পিতাকে যে পত্র লেখেন তাহাতে তলঘাটের শোভা সৌন্দর্য্য পুনর্ব্বার উদ্ভাপন করিয়া লিখিতেছেন, “আমি Alps পর্ব্বতে ভ্রমণ করিয়াছি, তাহার উপর দিয়া যে পথ কাটিয়া গিয়াছে তাহা প্রশংসাযোগ্য, তবুও এই গিরিপথের নিকট তাহাকে হার মানিতে হয়। এই সকল পথ দিয়া ভ্রমণ করা অতিশয় প্রাস্তিজনক। আমি বাল্য হইতে ভ্রমণে অভ্যস্ত না হইলে এতটা কষ্ট সহ্য করিতে পারিতাম না।”

তঁার আর এক বন্ধুকে লিখিতেছেন—“আমি ইন্দোর সহর দেখিলাম। বিশেষ কিছু দ্রষ্টব্য নাই। রাস্তা ঘাট পাথরে বাঁধানো, ভাল শ্রিত্তের গাড়ীর পক্ষে একেবারে অচল। ঘিঞ্জী সহর, বাজার যেমন আমাদের বড় বাজার, সরু সরু গলী, ময়লা ধুলিময়, ঠিক আমাদেরই পুণ্য নগরীর অনুরূপ। রাজপ্রাসাদে গিয়া সমস্ত দেখিলাম; ছোট ছোট ঘর, সন্ধ্যা সিঁড়ি, ঠিক যেন একটি কয়েদখানা। দেখিবার মধ্যে স্থবিখ্যাত অহল্যাবাইয়ের সমাধি মন্দির, প্রস্তর নির্মিত, নানা মূর্তি খোদিত, ইহার কারুকার্য বাস্তবিক স্তম্ভর ও প্রশংসনীয়। আমার ভ্রমণকালে আমার দেশীয় লোকেরা আমাকে যে আদব যত্ন করিয়াছে তাহা কখনও ভুলিব না।” (To Jadub Kissen Sing.)  
আগ্রা, ৫ই জাহুয়ারি ১৮৫৭

“ইন্দোর হইতে যখন তোমাকে পত্র লিখি তখন স্বপ্নেও ভাবি নাই যে আগ্রায় আসিয়া আমি এরূপ বোগাক্রান্ত হইয়া পড়িব। আসল কথা হচ্ছে, এ সকল স্থানে ব্যাড়াইবার আরাম নাই, রাস্তা ঘাট দুর্গম, গাড়ীর ঝাঁকানি, আবহাওয়াও পীড়াদায়ক। এই শরীর লইয়া কোন রকমে যে আগ্রায় পৌঁছিয়াছি, হাত পা ভাঙ্গিয়া যায় নাই, এই আশ্চর্য্য! সাত দিন সর্দি কাশীতে শয্যাগত ছিলাম—গলার আওয়াজ বন্ধ, অস্ব করিতে হইল। এখন একটু ভাল হইয়াছি, কল্যাই কলিকাতার অভিমুখে রওয়ানা হইব। আগ্রায় আসিয়া তাজ দেখিয়াছি—আমার যে এতটা পথের কষ্ট—এত অর্থব্যয় এই তাজ দর্শনে তাহা সার্থক বোধ হইতেছে।”

১৮৫৪ সালে ছোটকাঁকার বিবাহ হয়। যখন তিনি ‘তৃত্বী শ্রামা শিখরিদশনা’ যশোহরের একটি বালিকার পাণিগ্রহণ করেন তখন আমার বয়ঃক্রম ১২ বৎসর—ষট্টিটি আমার বেশ মনে পড়ে। বিবাহের পর তাঁহার বৈলাতিক বন্ধুরা তাঁহাকে পত্র দ্বারা অভিনন্দন করেন। Duke of Inverness লিখিতেছেন—“আমি ইংলণ্ডে তোমাকে অতি বালক দেখিয়াছিলাম—ইহার মধ্যে তোমাকে বিবাহিত বলিয়া কিছুতেই মনে করিতে পারি না। তুমি যে আমাদের দৃষ্টান্তে এক পত্নী লইয়াই সংসার করিবার মানস করিয়াছ, ইহা বড়ই আহ্লাদের বিষয়, কেননা বহু বিবাহে গৃহ অশান্তির আলয় হইয়া উঠে, নিদান আমার তাই বিশ্বাস।”

বিবাহের অল্পকাল মধ্যেই তিনি সরকারী চাকরী গ্রহণ করেন ও কি কারণে পদত্যাগ করলেন তাহা পূর্বেই বলা হয়েছে। কথ্যে ইন্তকা দিয়েই দেশভ্রমণে বাহির হন—কিন্তু সেই ভ্রমণে তাঁর শরীর শোষণরান দূবে থাকে তিনি ক্লিষ্ট ক্লান্ত রোগগ্রস্ত হয়ে বাড়ী ফিরে আসেন। এই যে তাঁকে রোগে ধরল তার হস্ত হ’তে তিনি আর মুক্ত হতে পারলেন না। এই জীর্ণ শীর্ণ কল্প শরীরে তাঁর শেষজীবন অতিবাহিত হয়। তাঁর উপর দিয়ে কত ডাক্তারী হাকিমী চিকিৎসা পরীক্ষিত হ’ল কিন্তু কিছুতেই কিছু

হ'ল না। একজন হাকিম মুক্তাচূর্ণ ঘটিত এক বহুমূল্য ঔষধ প্রস্তুত করে আনে ও তিনি সেই ঔষধ সেবন করেন কিন্তু তাহার মূল্যের অসুস্থরূপ গুণের কোন পরিচয়ই পাওয়া গেল না। তাঁর সেই পীড়িত অবস্থায় আমি তাঁর সঙ্গে এঁড়েদহ বাগানে কিছু দিন বাস করেছিলুম, ক্রমে তাঁর পীড়া বৃদ্ধি হ'তে লাগল। তাঁর শরীর ক্ষীণ হ'তে ক্ষীণতর হয়ে এল, অবশেষে আমাদের সকলকে শোকসাগরে ভাসিয়ে অকালে কালগ্রাসে পতিত হ'লেন।

### গিরীন্দ্রনাথ ঠাকুর ( মেজকাকা )

মেজকাকা মহাশয় স্বরসিক অমায়িক সৌখীন পুরুষ ছিলেন। যেন বিলাসিতা মস্তিমান। তাঁর সখের বাগানটি ফলে ফুলে সুশোভিত—আম্রের বাতাবী নেবু পীচ প্রভৃতি বাছা বাছা ফল, আর চম্পা চামেলী মালতী, বেল জুই রজনীগন্ধা গোলাপ বকুল কত রকম সুগন্ধ ফুলের গাছ। একটি ছোটজাতের জুই ফুলের ব্যাড়া ছিল, রোজ বিকেলবেলা সেই সব জুই ফুল আমরা রাশি রাশি কুড়িয়ে আনতুম। যেমন কলাবিচার প্রতি তেমন বিজ্ঞানের দিকেও তাঁর আন্তরিক অস্বরাগ ছিল। তিনি অনেক সময় বৈজ্ঞানিক Experiments নিয়ে আমোদ করতেন ও আমাদের ডেকে আমোদ দিতেন। রাসায়নিক বৈদ্যুতিক ক্রিয়ার প্রদর্শনের মধ্যে যা মনে আছে তা হচ্ছে Galvanic Batteryর প্রয়োগ, তাড়িতপ্রবাহযোগে আমার যে সর্ব্বাঙ্গ কম্পমান হ'ত সে সহজে ভোলবার নয়। সে সব বৈজ্ঞানিক ভেদীবাঙ্গীতে আমাদের খুবই আমোদ হ'ত। যেমন বিজ্ঞানে তেমন সাহিত্যক্ষেত্রেও মেজকাকার গতিবিধি ছিল। তিনি যে কতকগুলি সঙ্গীত রচনা করেছিলেন তার মধ্যে একটি শিখেছিলুম—সে এই :—

ললিত

দুখে গেল সুখনিশি প্রাণনাথ কৈ এল

সুখের শয়ন আজু নয়নজলে ভেসে গেল।

আকাশেরি শোভা তারা, আকাশে মিশাল তারা,

রমণীর দুখতারা সুখতারা প্রকাশিল।

মেজকাকা “বাবুবিলাস” নামে একটি নাটক রচনা করেছিলেন, একবার তার অভিনয় হয়েছিল। তাঁর মোসাহেবদের মধ্যে দীননাথ ঘোষাল বলে একটি চালাক চতুর লোক ছিল সেই ‘বাবু’ সেজেছিল। অভিনয় কি রকম গুত্তরাল বিশেষ কিছু



বলতে পারি না। আমরা ত আর সে মজলিসে আসন পাইনি, উকি ঝুঁকি দিয়ে যা কিছু দেখা। ‘কামিনীকুমার’ বলে তার একখানি পছন্দোপাখ্যানেরও সেকালে বেশ আদর ছিল।

মেজকাঁকার সব দিকেই চৌকোষ বুদ্ধি ছিল। বিষয়কর্মে তার যে দক্ষতা মহর্ষির আত্মজীবনী থেকে তাঁর কতক পরিচয় পাওয়া যায়।

উপরে দীননাথ ঘোষালের নাম উল্লেখ করেছি। তিনি আমাদের ভারী প্রিয়পাত্র ছিলেন, তাঁকে হাতের কাছে পেলে তার কাছ থেকে রামায়ণ মহাভারতের গল্প আদায় না করে কিছুতেই ছাড়তুম না। তিনিও কথক ঠাকুরের মত গল্পের ঘটায় আমাদের মনোরঞ্জন করতেন। রামায়ণ ও মহাভারত ছেলেবেলায় এইরূপ মুখেমুখে শুনেই আমাদের এক রকম শেখা হয়ে গিয়েছিল।

### দ্বিজেন্দ্রনাথ ঠাকুর ( বড়দাদা )

ছেলেবেলায় বড়দাদা আমার সঙ্গে সঙ্গী ছিলেন, আমার কনিষ্ঠ ভ্রাতা হেমেন্দ্রনাথ প্রথম বয়সে আমাদের সঙ্গে সমকক্ষভাবে মেশবার অধিকারী ছিলেন না। বড়দাদা যখন খুব ছোট তখন থেকে তাঁর ছবি-আঁকার নৈপুণ্য ও কবিত্ব শক্তি প্রকাশ পায়—কিন্তু হায়! এই দুই বিচার কোনটিই তাঁর জীবনে স্থায়ীভাবে কার্যকরী হ’ল না। তাঁর বাল্যকালের কবিত্বোচ্ছ্বাসে দুইটি কাব্যরত্ন প্রসূত হয়—মেঘদূতের পদ্মাবাদ ও স্বপ্নপ্রয়াণ, তা ভিন্ন গুচ্ছাক্রমণ কাব্য \* ও অগ্ন্যাগ্ন ছোটখাট কবিতা অনেক আছে যা সেই সময়কার ভারতী প্রভৃতি পত্রিকা খুঁজলে পাওয়া যেতে পারে। কিন্তু কি জানি কি কারণে, বাগ্দেরী চপলা লক্ষ্মীর ন্যায় তাঁর নিকট হ’তে সহসা অন্তর্ধান হলেন, বড়দাদা কাব্যায়ত্তপান হ’তে বিরত হয়ে তত্ত্ববিজ্ঞানশীলনের দুরূহ চিন্তা ও ধ্যানে মগ্ন হ’লেন, চিত্রকলায় চর্চাও ঐখানে থেমে গেল। তত্ত্বজ্ঞান আলোচনার সঙ্গে সঙ্গে আর দুইটি সৌখীন কলা তাঁর মনোবাস্য অধিকার করে বসল—বাস্তুরচনা প্রণালী, আর রেখাঙ্কর বর্ণমালা। এতে এত সময় নষ্ট করা হ’ল কেন? জিজ্ঞাসা করলে বড়দাদা হেসে বলেন, এ শুধু ছেলেখেলা নয়, এ দুই বিজ্ঞা সাহিত্যেরই অঙ্গীভূত। লিখতে বসলে লেখবার নানা সরঞ্জাম চাই, কাগজ, কাগজ রাখবার

\* পড়ে যেই লোক এই শ্লোক, পায় সে গুণলোক ইহার পরে।

যথা গুণধারী ভাবি ভাবি, গোপের সেবা করি স্নেহে বিচরে॥

• রাজনারায়ণ বসুর প্রতি লক্ষ্য করিয়া এই কাব্যরচিত হয়।

বাস্তব, পকেট বই—এই সকল সামগ্রী আগে থাকতে সংগ্রহ করতে হয়—তাই লেখাপড়ার দিনকতক ক্ষান্ত দিয়ে বড়দাদা লেখবার জিনিস তরোরির কাজে মন দিলেন। একদিকে যেমন কাগজের কারুকার্য, অন্যদিকে লিখনপ্রণালী সংস্কারের প্রতি মনোনিবেশ করে রেখাক্ষর বর্ণমালার সৃষ্টি করলেন। সাহিত্য ব্যবসায়ীর যাতে সময় সংক্ষেপ হয় তাই উদ্দেশ্য। এই দুই সখের বিজ্ঞায় তাঁর বিস্তার সময় ও পরিশ্রম ব্যয় হ'ল। এই দুই বিজ্ঞা যদিও সামান্য তবু বড়দাদা অসামান্য ধৈর্য্য ও অধ্যবসায়সহকারে তাদের আয়ত্ত করতে নিযুক্ত রইলেন। তার জন্তে চিন্তা শিক্ষা ও সাধনা যা কিছু প্রয়োজন কিছুই বাকী রাখেন নাই। বাস্তবত্বের জগৎ সমুদায় গণিতশাস্ত্র মন্বন করে তাঁর কাজের উপযোগী বিষয় সকল সংগ্রহ করতে হয়েছে, সেই সংক্রান্ত নূতন নিয়মাবলী প্রস্তুত করতে হয়েছে। সেই নব গণিতশাস্ত্র বারংবার সংস্কারের পর এইক্ষণে কোন এক আমেরিকান পণ্ডিতের হস্তে সমর্পিত হয়েছে, পরীক্ষার ফল কি হয় দেখবার জগৎ বড়দাদা পথ চেয়ে আছেন। এই ত গেল বাস্তব-প্রকরণ। রেখাক্ষর, সেও এক অপূর্ব বস্তু, তাতে কত কবিত্বরস, কতরকম রেখাপাতের কৌশল ছড়াছড়ি, না দেখলে তার মর্যাদা বোঝা যায় না। সম্প্রতি এই রেখাক্ষর পদ্ধতি পুস্তকাকারে মুদ্রিত হয়েছে—এ বিষয় কেহ জানতে ইচ্ছা করলে অনায়াসে কোঁতুহল চারিতার্থ করতে পারবেন। দুঃখের বিষয় এই যে তাঁর কোন ছাত্র রেখাক্ষর লেখায় এ পর্য্যন্ত কৃতিত্ব দেখাতে পারলে না। এখনকার সময়ে কোন হুনিপুণ রেখাক্ষর-লেখক পেলে আমরা অনেকে ভাগ্য মনে করি।

আমি বাল্যকালে রেখাক্ষর লিখনপদ্ধতি অভ্যাস করি নাই, কেবল নিজের সঙ্কেত লিপিতে টুকে নিয়ে অনেকানেক বক্তৃতা লিপিবদ্ধ করেছি। আদি ব্রাহ্মসমাজের বেদী হ'তে পিতৃদেব যে সকল উপদেশ দিতেন সেগুলি বলবার সময় আমি অমনি নোট করে নিতুম, পরে অবসর মতে বিস্তার পূর্বক লিখে দিলে তিনি সংশোধন করে ছাপাতে দিতেন, পর সপ্তাহে সেই ছাপা কাগজগুলি উপাসকমণ্ডলীর মধ্যে বিতরণ করা হ'ত—সেইগুলি 'ব্রাহ্মধর্মের ব্যাখ্যান' আকারে প্রকাশিত হয়েছে। সে সময়ে কেশবচন্দ্র ব্রহ্মানন্দ ব্রাহ্মসমাজে যোগ দিয়েছেন; নূতন নূতন বক্তৃতা, নূতন ব্রাহ্মসঙ্গীত—ব্রাহ্মসমাজে যেন নবজীবন সঞ্চার করেছে। ধর্মশিক্ষার জন্য ব্রাহ্মবিদ্যালয় নামক একটি বিদ্যালয় প্রতিষ্ঠিত হয়, তাতে কেশবচন্দ্র সেন ইংরাজীতে ও আমার পিতা বাবুলায় উপদেশ দিতেন। পিতৃদেবের প্রদত্ত উপদেশগুলি পূর্বোক্ত প্রণালীতেই লিপিবদ্ধ ও পরে 'ব্রাহ্মধর্মের মত ও বিশ্বাস' নামক গ্রন্থাকারে প্রকাশিত হয়। আমি ইংলও যাবার পর পিতৃদেবের বক্তৃতা তুলে নেবার কাজে হেমেন্দ্রনাথ আমার স্থান অধিকার করেন।

বড়দাদা আর আমি দুজনে মিলে কোন কোন সময় গান রচনা করতুম।  
ব্রহ্মসদীতের কতকগুলি আমাদের যুক্তরচনা, কতক বা আমাদের নিজস্ব রচনা।

তা ছাড়া বড়দাদা অনেকগুলি ভাল ভাল হৈয়ালি রচনা করেছিলেন। তার  
অনেক ভুলে গিয়েছি; দু একটি যা মনে আছে তা এই :—

১। বল দেখি তিন অক্ষরের কথা,

প্রথম অক্ষর দিয়ে সব যায় বঁধা

শেষ দু অক্ষরে আর সব যায় বেঁধা ;

সবটাতে দুই পারে—বেঁধা আর বঁধা ;

মুখে কি বলিতে পারে পণ্ডিতের ধাঁধা—(রসিক)

২। বল দেখি দুটি ফল,—

তার ভিতরে পাওয়া যায়

ব্রহ্মাণ্ডের যা কিছু সকল।—(বেল-কুল)

৩। ইংরাজিতে যাহা বলে প্রথম অক্ষর,

বাঙলায় তাহা বলে দ্বিতীয় অক্ষর,

প্রথমে দ্বিতীয়ে তথা জানায় আপত্তি,

সবতাতে ঘাড়নাড়ে, বিষম বিপত্তি।

দু অক্ষরে ফল এ কি বল দেখি তাই,

কেহ বলে বড় মিষ্টি কেহ বলে ছাই।—(নোনা)

বড়দাদা আমাদের বাড়ীর কবি ছিলেন। আমাদের অনেক ঘরাণ্ড কথা তাঁর  
কবিতার মধ্যে স্থান পেত। তিনি তাঁর স্বপ্নপ্রয়াণ কাব্যে আমাদের ভাইদের এইরূপ  
বর্ণনা করেছেন : --

ভাতে যথা সত্য হেম, মাতে যথা নীর,

গুণজ্যোতি হরে যথা মনের তিমির।

নব শোভা ধরে যথা সে ম আর রবি,

সেই দেব-নিকেতন আলো করে কবি।

পণ্ডিত মহাশয়।

যখন উপর হতে প্রচণ্ড পণ্ডিত

ডাকিতে লাগিল হ'য়ে বিষম কুপিত,

হাসিখুঁসি ঘুরে গেল তখন সবার

দল সাথে স্নান মুখে চলেন সন্সার।

পণ্ডিত মুহূর্ত্ত পরে আইল সেখানে ।  
 চসমা বাহির ক'রে পরে সাবধানে ॥  
 খসিবার ভয়ে তাহা পরিল কসিয়া,  
 তার পরে যুত করে লইল বসিয়া ।  
 শিষ্যদের আরম্ভিল পরে শিক্ষা দিতে ;  
 ভূত পালাইয়া যায় কথার ভঙ্গিতে !  
 “এস দেখি তোমাদের দেখি একবার ।  
 তোমাদের সঙ্গে হ'ল পেরে ওঠা ভার ।  
 আজ কাল তোমাদের অনিয়ম ভারি,  
 বাবুকে না বলে আর থাকিতে না পারি ॥”  
 “ভারি নাকি অনিয়ম” ছাত্র এক কয় ।  
 পণ্ডিত হাসিয়া বলে “অনিয়ম নয় ?  
 লজ্জা করে না তোমার বলিতে ও কথা ?  
 পড়া শুনা ত্যাগ করি ছিলে সব কোথা ”  
 দেখ দেখি চেয়ে কত হইয়াছে ব্যালা ?  
 ছি ছি ছি বিস্তার প্রতি এত অবহেলা ।  
 যাও প'ড়ে কাজ নাই, কর গিয়ে খ্যালা ।”  
 এই ব'লে ঘাড় ধ'রে দিল এক ঠালা ॥  
 কৈলাস মুখ্যো ছিল ব'সে এক কোণে,  
 মুচকি মুচকি হাসি সব কথা শোনে ।  
 একজন চুপে কহে “হাসিছ যে বড় ?”  
 কৈলাস ইঙ্গিতে কহে “কর্ত্তা থাপা বড় ।”  
 তেতলায় ছপ্পুর রাতি ।  
 গভীর নিশীথ মাঝে মাজে দ্বিপ্রহর ।  
 শ্রমশাস্তি স্থাপানে বজে চরাচর ॥  
 নিশির উদার স্নেহে ঢালি দিয়া বুক ।  
 ভুঙিতেছে বহুমতী বিশ্রামের সুখ ॥  
 শূন্তে করে ত'রাগণ জ্যোতির সঞ্চার ।  
 গাছপালা কোপে কোপে লুকাই আধার ।  
 কে কোথায় পড়ি আছে কোন চিহ্ন নাই !  
 নিশ্রায় মগন সবে নিজ নিজ ঠাই ॥

কাটপ তঙ্গের মাঝে খণ্ডোত কেবল,  
 পঞ্চভূত মাঝে বায়ু শিশির শীতল,  
 জীবের শরীরে আর নিশ্বাস পতন,  
 এই কয়ে যা আছে জীবের লক্ষণ ॥

বরহনগর উদ্গানে ।

নিশি অবসান প্রায়,      স্নেহে সবে নিদ্রা যায়,  
 শয্যা কেহ ছাড়িতে না চাহে ।  
 ॥ দিয়া হৃদয় মাঝে,      মঙ্গল আরতি বাজে,  
 বেণুধ্বনি কি মধুর তাহে ॥  
 দ্বিজরাজ হেন বেলা,      বাহির হ'ল একেলা  
 হৃদয় হ'তে স্মরণ উদ্গানে ।  
 নিঃশব্দ তরঙ্গবতী      চলে গঙ্গা স্রোতস্বতী  
 সনমুখ দিয়া সিদ্ধ পানে ॥  
 শশী অন্ত যায় যায়      কি দুর্দশা হায় হায়  
 কেবা তার দুঃখবহা দেখে ।  
 এমন যে বন্ধু তারা,      স্বচ্ছন্দে এখন তারা  
 তারে ফেলে যায় একে একে ॥  
 স্নিগ্ধ অতি এই কাল,      নহি কোন গোলমাল  
 নিস্তব্ধ ব্রহ্মাণ্ড সমুদয়,  
 কোপ ঝাপে অন্ধকার,      নভস্থল পরিষ্কার  
 লতাপাতা তিমবিন্দুয় ॥  
 পরপার যায় দেখা,      যেন এক চিত্রলেখা,  
 পশ্চিম দিগন্তে নভসীর ।  
 গাছে গাছে একাকার,      মাঝে মাঝে স্বহে আ,  
 দেবালয় প্রাসাদ কুটীর ॥  
 শাখা পত্র ঢুলাইয়া,      জলপুঞ্জ ফুলাইয়া,  
 বুলাইয়া মাঠ ময়দান,  
 সূর্যমন্ডল বায়ু বহে,      মনে মনে দ্বিজ কহে,  
 আহা কি স্বন্দর এই স্থান ॥

## শাস্তি নিকেতন ।

শাস্তি নিকেতন,                      শাস্ত হুশোভন,  
হৃভদ্র হরিত ক্ষেত্র জ্বামকান্ত নিভৃত কানন ।  
বিমল শোভায়,                      সরোবর ভায়,  
নভসীর বনত্রীর স্বচ্ছ দরপণ ॥

আমি যে পণ্ডিতের নিকট সংস্কৃত অধ্যয়ন করতুম বড়দাদা তার কাছে পড়তেন না,—তার সংস্কৃত অধ্যাপক ছিলেন রায়নারায়ণ পণ্ডিত, ‘বহুবিবাহ’ নাটক রচয়িতা । তাঁর শিক্ষাগুণে বড়দাদা সংস্কৃতকাব্যে লীঘ্রই ব্যুৎপত্তি লাভ কবেছিলেন । সংস্কৃত পণ্ডে একটি কলিকাতা বর্ণনা আছে সে তাঁর সেই সময়কার রচনা । তার কয়েকটি শ্লোক আমার যা মনে আছে তা এই :—

### কলিকাতা ।

ইংরাজ রাজরাজ্যং যৎ ত্রিলোকীতলবিশ্রুতং  
রাজধানীং হুবিস্তীর্ণাং কলিকাতাং বিভক্তি তং  
পয়ঃ পূরপ্রবাহিত্যা গঙ্গয়া পুণ্যসঙ্গয়া  
কলিকাতা পুরী ভাতি নিত্যং মেখলিনী বস  
রথ্যা রম্যাঃ হুগম্যান্ত যত্র ভাস্তি সহস্রশঃ  
দৃতিপাত্রগলদ্বারি-নিবারিতরজশচয়া  
শতশ্লীশতযুক্তেন দুর্গেণ দুর্গহারিভিঃ  
উত্তং বিদ্যুৎপ্রভাজ্জাল সৈন্তাশস্ত্রাশোভিনা ।  
ত্রিলোক বিশ্রুত এই ইংরাজ রাজ্যের মাঝে  
হুবিস্তীর্ণা রাজধানী কলিকাতা কিবা মাজে ।  
পূর্ণকারা পুণ্যতোয়া জাহ্নবী বহিয়া যায়,  
তারি অঙ্গে কলিকাতা মেখলিনীসম ভায় ।  
হুগম্য হুগম্য যথা                      শত পথ ব্যাপি রয়,  
চন্দ্রপাত্র গলদ্বারি                      ধূলিরাশি নিবারয় ।  
শত শত তোপযুক্ত                      দুর্গহ দুর্গ রক্ষিত,  
উত্তং বিদ্যুৎপ্রভাসম সৈন্তাশস্ত্রসম্ভিত ॥

বড়দাদা সংস্কৃত ছন্দে অনেক বাঙলা কবিতা রচনা করেছেন, তার কয়েক নমুনা দিচ্ছি :—

## প্রভাত বর্ণনা ।

বৃক্ষগণ হেলিত স্বশীতল সমীরণে,  
পুষ্প যত প্রস্ফুটিত পুষ্পময় কাননে ।  
মত্ত মধুপায়িদল আইল তরা করি,  
জাগিল বিহঙ্গকুল ভাগিল বিভাবরী ।

## টঙ্কাদেবী ।

ইচ্ছা সম্যক জগ দরশনে কিন্তু পাথ্যে নাস্তি,  
পায়ে শিক্তা মন উড়, উড় একি দৈবের শাস্তি ।  
টঙ্কাদেবী করে যদি রূপা না রহে কোন জালা,  
বিজ্ঞাবুদ্ধী কিছুই কিছু না খালি ভস্মে যি ঢালা ।  
মন্দাকান্তা

## ইন্দ্রবজ্রের বিনাত যাত্রা ।

বিনাতে পালাতে চটকট করে নব্য গোড়ে,  
অরণ্যে যে জন্তে গৃহগ বিহগ প্রাণ দোড়ে,  
স্বদেশে কাদে সে গুরুজন বশে কিছু হয় না,  
বিনা ছাটগা কোটটা পুতি পিরহনে মান রয় না  
পিতা মাতা ভ্রাতা মন শিক্ত অনাথা ভব করি,  
দিরাজে হুতাজে মশি মগিন কুষ্ঠা বুট পরি,  
সিগারে সিগারে মুহুর মুহু ধুগলহরী  
সুখ স্বপ্নে অগ্নে মূলুকপতি মাঝে হরি হরি । ২  
দিশনে নীচ রে বিবির্জন সনে স্কেটিঙ করি,  
বিষনে প্রাসাদে দুখিজন বসে জীবন পরি :  
ফিমেনে ফিমেনে অচনয় করে বাড়ি কিরিতে  
কি তাহে, উৎসাহে মগন তিনি সাহেব গিরিতে ।

যিশে এসে দেশে গল কলয় বেশে হটহটে.  
 গৃহে ঢোকে রোথে উলগতহু দেখে বড় চটে.  
 মহা আড়ী সাড়ী নিরখি চুলদাড়ী সব ছিঁড়ে  
 ছটা লাখে ভাতে ছরকট করে আসন পিঁড়ে ।৪  
 শিখরিণী

( রেখাকর বর্ণমালা হইতে )

বসন্ত

মধু ঋতু এল ধরণী মাঝে ।  
 হেলে দোলে লতা মোহন সাজে ॥  
 অমৃত বরিষে মৃদু সমীর  
 পরাণ লভয়ে মৃত শরীর ॥  
 বুক বুক বুক বহিছে বায় ।  
 ঝরিয়া পড়িছে বকুল তায় ॥  
 মধু মালতীর ফুটিছে কলি—  
 চারিদিকে আর ঘুরিয়া অলি  
 গুন্ গুনায়িছে নব রসিক ।  
 পহরে পহরে কুহরে পিক ॥  
 ফুলের কে পায় কুল কিনারা  
 অগণন যেন গগন তারা ॥  
 তরো তরো ফুল রঙ বেরঙ  
 শতেক ফুলের শতেক ঢঙ  
 কেহ বা দোলে কেহ বা ঝোলে  
 কেহ বা গন্ধে মাতায়ে তোলে ॥  
 কদম ছড়ায় কনক রেণু  
 রাখাল যথায় বাজায় বেণু ॥  
 রাশি রাশি ফুলে ভরিল সাজি ।  
 ঘরে ফিরি চল আর না আজি ॥



কৃষ্ণের বিরহে ।

কৃষ্ণ গেছে গোষ্ঠ ছাড়ি রাষ্ট্র পথে হাটে  
ভুজমুখ রাধিকার হৃদে বুক ফাটে ॥  
আনন্দের বৃক্ষাবন আজি অন্ধকার,  
গুঞ্জরে না ভৃঙ্গকুল কুঞ্জবনে আর ॥  
কদম্বের তলে যায় বংশী গড়াপড়ি,  
উপুড় হইয়া ভিক্ষা পক্ষে আছে পড়ি ॥  
কালিন্দীর কূলে ব'সে কাঁদে গোপনারী,  
তরঙ্গিণী তরাইবে কে আর কাণ্ডারী ॥  
আর কি সে মনোচোর দেখা দিবে চক্ষে,  
সিদ্ধি কাঠি থুয়ে গেছে বিচ্ছাইয়া বক্ষে ॥  
এত বলি হাহ্ব করে বাষ্প আর মোছে ।  
সবারই সমান দশা কেবা কারে পোছে ॥

মুখ-হস্তের অভিন্নতা ।

মুখে হাতে ভেদ নাই সাক্ষী তার তিন ।  
ভুজঙ্গ বিহঙ্গ আর মাতঙ্গ প্রবীণ ॥  
ভুজঙ্গের মুখখানি ( বরজিয়া দাঁত )  
কি স্তম্ভর মনোহর স্নকোমল হাত ॥  
সাপুড়ের তুঙ্গি যবে বাজে ঘুরি ঘুরি ।  
কেমন ঘুরায় হাত গোথুরা গোথুরী ॥  
হাতের কায়দা দেখি সব বলে “বা জী !”  
শেখ্যাও করিতে কিন্তু কেহ নহে রাজী ॥  
বিহঙ্গের চঞ্চুহাত কম নহে বড় ।  
ছলা-কলা না জাতক কাজে খুব দড় ॥  
কেউটে গোথুরা আদি মহা মহা ফণী,  
সারসের চঞ্চুহাতে ধোঁড়া যায় বনি ।  
হস্তীর হস্তটি এ যে মুখেরই লেজুড়,  
জানে না অবোধ লোকে তাই বলে শুঁড় ॥  
থগে নাগে সাক্ষী মানি লেখে তাই শাস্ত্রে—  
ভেদ নাই মুখে হাতে, দশনে নখাশ্ত্রে ॥

মহুয়া ।

জাতিতে যদিও বনের টিয়ে  
রতন মানিক মহুয়াটি এ ॥  
ছার কোয়েলিয়া ছার পাণিয়া ।  
মহুয়াটি মোর লাখ রূপিয়া ॥  
কেবা জানে কুহু কে জানে পিউ ।  
গাহে রসভরে চাহে যা জিউ ॥  
কাণে যাহা শুনে দু একবার,  
মন থেকে তা নড়ে না আর ॥

পেন্সিল-প্রকরণ ।

লেখনৌ শুজিয়া কাণে পেন্সিল্ ধর ।  
এখন লেখ, যা বলি—লেখ “হর হর” ॥  
পেন্সিল্ করিতে হয় অত কি ছুঁচালো ?  
অতিশূন্যে কোন কাজ উতরে না ভাল ॥  
সহজ মধ্যম স্বরে বাঁধিবে সেতার ।  
দপ্তমে বাঁধিলে হবে সামলানো ভার ।  
বেশী খাদ ভাল না, ভাল না বেশী জিল ।  
না সরু না মোটা করি কাটিবে পেন্সিল্ ॥  
রেখাকর হবে তবে আজ্ঞার অধীন ।  
চাপ দিলে মোটা হবে—টিল দিলে ক্ষীণ ॥  
পেন্সিল্ থাও তোমার মাসেক দুমাস—  
এলপত করিয়া চলিবে যেন হাঁস ॥  
এালের গতিকে তাহা হয়ে গেলে আধা,  
অবাধে চলিবে যেন রজকের গাধা ॥  
ঐ জন্তুটির মত মাস চাপি থাটি  
নূতন পেন্সিল্ দণ্ড লবে যবে কাটি’  
তখন তাহাকে হবে থামানো কঠিন ।  
ছুটিবে—পরাম ভয়ে যেমতি চরিত ॥

## সাধন পদ্ধতি ।

কেমনে পাকাবে হাত ওন সাবধানে ;  
শিশু জুটাইয়া আনি মন্ত্র দিবে কাণে ॥  
শিশুটিরে কাছে ডাকি সম্ভাষিয়া মিষ্ট  
সারস্বত যোগাসনে হ'য়ে উপবিষ্ট—  
লেখনী করিয়া হাতে সাজিবে লেখক,  
শিশুটি হইবে আর উত্তর সাধক ॥  
আউড়িবে সে ধীরে ধীরে সমাচার পত্র ।  
ভুলিতে থাকিবে তুমি ছত্র পিছু ছত্র ॥  
ছিটা ফোটা দিবে না রেথাই যাবে টানি ।  
সদ্র গুণে তরি যাবে অঙ্গহীন বাণী ॥  
রেথার পোকামাকড় কুমি বিটকাল,  
উচ্চিৎড়ি ফড়িং পিঁপড়া পালে পাল,  
ক্ষান্ত হোক রোসা আগে করি কিলিবিলা ;  
ধীরে স্থস্থে কোরো শেষে ফুটকুনি বিলা ।  
এক মেটে করিয়া করিবে কাজ ফতে ।  
দো মেটে করিবে শেষে অবকাশ মতে ॥

## সিদ্ধিলাভ ।

প্রথমে প্রথম থণ্ডে পাকাইবে হাত ।  
দ্বিতীয় থণ্ডের তবে উলটিবে পাত ॥  
মস্তকে মথিয়া লয়ে পুস্তকের সার ।  
হস্তকে করিবে তার তুরুক সোয়ার ॥  
হইবে লেখনী ঘোড়-দোউড়ের ঘোড়া ।  
আগে কিন্তু পাকা করি বাঁধা চাই গোড়া ॥

বড়দাদা গল্পেও প্রবন্ধাদি অনেক লিখেছেন কিন্তু হুঃখের বিষয় এই যে, সে সমস্ত একস্থানে পুস্তকাকারে মুদ্রিত হয় নাই । তাঁর গল্প-লেখা সামান্যতঃ দুই ভাগে বিভক্ত করা যেতে পারে—দার্শনিক ও সামাজিক । তাঁর সর্বপ্রথম দার্শনিক প্রবন্ধ ‘তত্ত্ব-বিজ্ঞা’ গ্রন্থাকারে প্রকাশিত হয় কিন্তু সে অনেককালের কথা, গ্রন্থখানি এখন পাওয়া যায় কি না সন্দেহ । সম্প্রতি কয়েকমাস ধরে ‘স্বীতাপাঠ’ নামক যে প্রবন্ধগুলি

‘প্রবাসী’ মাসিকপত্রিকায় আমরা ঔৎসুক্যলব্ধকাবে পাঠ করেছি—গীতাশাস্ত্রের এই যে অপূর্ব মৌলিক ব্যাখ্যা—এটি সম্পূর্ণ অবয়বে যখন বেরবে, তখন ইহা গীতাধ্যায়ীদের পথম আদরের সামগ্রী হবে সন্দেহ নাই। ‘তত্ত্ব-বিজ্ঞা’ হ’তে আরম্ভ করে এই ‘গীতাপাঠ’ যদি সমাপ্তির মধ্যে গণ্য করা যায়—এই দুইয়ের মাঝখানে বড়দাদার লিখিত বিবিধ দার্শনিক প্রবন্ধ আছে, যেমন “সারসত্যের আলোচনা”, “বিজ্ঞা এবং জ্ঞান”, “হারামণির অন্বেষণ”, “ঈশ্বরতত্ত্ববাদ”, “বিসৃতিবাদ” ( evolution ), “বৌদ্ধধর্মের ঘাতপ্রতিঘাত” ইত্যাদি—এদের কতক ছোট ছোট পুস্তিকাকারে প্রকাশিত হয়েছে, কতক বা সাময়িক পত্রে ইতস্ততঃ বিক্ষিপ্ত রয়েছে। উহাদের মধ্যে কোন কোন প্রবন্ধ অসম্পূর্ণ—হয়ত, কোন একটা বিষয়ের অবতারণা করে তাই আত্মোপাস্ত লিখে শেষ করা হয়নি, কোনটা অর্দ্ধাঙ্গ, কোনটা বিকলাঙ্গ, ভগ্নাবস্থায় অমনি পড়ে আছে—এ সকল ভাল করে দেখে শুনে গড়েপিঠে নেওয়া আবশ্যিক। দার্শনিক ছাড়া সামাজিক প্রবন্ধও অনেক এদিক ওদিক ছড়িয়ে আছে, যেমন সোনার কাটি রূপের কাটি, আর্য্যামি ও সাহেবিয়ানা, একটি প্রশ্ন ও উত্তর ইত্যাদি অনেকগুলি সারগর্ভ ও সুপাঠ্য। বড়দাদার এই লেখাগুলি উদ্ধার হয় আমার অনেকদিনকার সাধ—কিন্তু মনের ইচ্ছা মনেতেই রইল—তা পূর্ণ হবার কোন পছন্দ দেখিছিনে। আসল কথা হচ্ছে—এ তার নেয় কে? ছুটি লোক আমার মনে হচ্ছে—তঁার সুষোগ্য পুত্র ধীমান্ স্খদীন্দ্রনাথ এবং পৌত্র ত্রীমান্ দিনেন্দ্রনাথ, এঁরাই এই ভারগ্রহণের অধিকারী এবং উপবৃদ্ধ-পাত্র। উভয়েই সাহিত্যসেবী ও সাহিত্যজগতে স্বনামখ্যাত,—উভয়েরই সময় আছে, সামর্থ্য আছে, এই কার্যে বা যা চাই সকলি আছে—এঁরা বড়দাদার লেখা-গুলির সম্পাদকীয় ভারগ্রহণ করুন এই আমার একান্ত অনুরোধ। এ অনুরোধ কি ইহারা রক্ষা করবেন না? সাহিত্য ভাণ্ডারের এই বহুমূল্য বস্তুগুলি প্রলয়সাগরে ডুবিতে দেওয়া কি লজ্জার কথা নহে?

পছই বল, গছই বল, বড়দাদার লেখার যে একটি মাধুর্য্য, প্রসাদগুণ, একটি বিশেষত্ব, একটি মৌলিকতা আছে তা তাঁর নিজস্ব সম্পত্তি, অল্প কোথায় দেখা যায় না। দুর্ভাগ্য দার্শনিক তত্ত্ব সকল অতি সহজ ভাষায় জলের তায় প্রাঞ্জলভাবে লিখে যাওয়া তাঁর এক আশ্চর্য্য ক্ষমতা। তাঁর লেখাসকল যে পর্যন্ত নিরঙ্কর সারস্বত লোকেরও বোধগম্য না হয় সে পর্যন্ত তিনি সন্তুষ্ট থাকেন না। তাই কখন কখন আমরা দেখতে পেতুম তাঁর বড় বড় লেখা, যার কিছুমাত্র অক্ষরজ্ঞান নেই এমন লোককেও ভেঁকে শোনাতে তিনি উৎসুক—তাদের না শুনিয়ে তৃপ্ত হ’তেন না। যদিও তারা শোনবামাত্র ভাবগ্রহণ করতে পারত কি না বলা শক্ত। এই সম্বন্ধে

একটা মজার গল্প আছে। আমাদের একটি পুরাণো দাসী ( শিশুকালে যে আমাদের মাঝে করেছিল ), আমরা সকলে তাকে ‘কাল’ দাই’ বলে ডাকতুম—বড়দাদা তাকে তাঁর ‘স্বপ্নপ্রয়াণ’ থেকে একটি কবিতা শোনাচ্ছিলেন; তার কানে তা ঠাকুর দেবতার কথার মত কি যে সুধামাংখ্য মিষ্টি লাগল সে ভক্তির সহিত গড় হয়ে শ্রণায় না করে আর থাকতে পারলে না।

বড়দাদার কাছ থেকে কার্যগতিকে অনেক দিন পৃথক্ হয়ে পড়েছি কিন্তু তাঁর স্মৃতি আমার জীবনের সঙ্গে জড়িত, কখনই বিলুপ্ত হবার নয়। সে ভালবাসা, সেই অট্টহাস শিশুর ত্রায় সেই সবল অন্তঃকরণ, ফণে ডুই ফণে কুঠি, পুরাণো সে দিনের সে সব কথা কি কখন ভোলা যায়? ‘তৈ হি গো দিবসাগতাঃ,—সত্য কিন্তু মনোরাজ্যে সে সব দিন চিরদিনই জলস্ব হয়েচে। আমাদের সকালের দুএকটি ঘটনা মনে হচ্ছে। বড়দাদার একটি ভৃত্য ছিল, তার নাম কালী। তার উপর কত রাগ, কত উদ্দী, কত ঝড় তুফান গালি বর্ষণ হচ্ছে, আমরা দেখছি অনেক সময় অকারণে; চসমা খুঁজে পাচ্ছেন না তাকে কত ধমকান হচ্ছে, চীৎকার ধ্বনিতে আকাশ ফেটে যাচ্ছে অথচ সেই চসমা হয়ত নিজের পকেটে—পকেটে বলাটাও ঠিক হ’ল না, তাঁর চোখের উপর কপালে ঠাকান রয়েছে—আমরা দেখিয়ে দিলে শেষে হেসে অস্থির। এদিকে এক হাতে যেমন নিবন্ধার, পবক্ষণে অগ্র হাতে তেমনি পুরস্কার। এইরূপ ক্ষতিপূরণের কাজ চলেছে, কালীও এই গালি গালাজ চড়াটা চাপড়টায় কোন জ্বল্পে না করে মনের স্বথে কাজ করে যাচ্ছে।—বড়দাদার ভোলা স্বভাবের দক্ষণ যে কত লোকে বিপদে পড়ত তার ঠিক নেই। হয়ত কাউকে খাবার নিমন্ত্রণ করেছেন সে যথাসময়ে এসে উপস্থিত কিন্তু বড়দাদার কিছুই মনে নেই—তাকে খাওয়ান দূরে থাকুক তার সামনেই নিজের খাবার খেয়ে যাচ্ছেন অথচ তাকে তার ভাগ দেবার কোন কথাই নেই। সে বেচারা পালীকা করে আছে কখন তার জন্তে খাবার আসে—এদিকে রাত হয়ে যাচ্ছে—শেষে বড়দাদার ভুল ভেঙ্গে গেলে হাঁকাহাঁকি ডাকাডাকি পড়ে গেল।—একজন বড়দাদার সঙ্গে দেখা করতে এসেছে—বড়দাদা ঠিক সেই সময় বেরবার উত্তোঙ্গে আছেন—তাঁর বন্ধুর গাড়ী নিজের গাড়ী মনে করে তাতে চড়ে বেরিয়ে পড়লেন, সে বন্ধু বসেই আছে বসেই আছে—অনেকক্ষণ পরে বাড়ী ফিরে এসে দেখেন তাঁর বন্ধু এখনো সেখানে বসে—বড়দাদা শেষে কারণ জানতে পেরে অপ্রস্তুত ও হাসতে হাসতে তাঁর বন্ধুর পাঠ চাপড়ে তাকে সাব্বনা করলেন। বনের জন্তু পাখী বশ করবার বড়দাদার আশ্চর্য্য ক্ষমতা, যেমন সাধু তুকারামের কথা শোনা যায় সেই রকম। তিনি সকালে তাঁর এজলাসে বসে আছেন আর কত চড়াই, সালিক ও অগ্র পাখী তাঁর কাছে এসে তাঁর হাত

খেঁকে খাচ্ছে—‘চড়াই পাখী চাউল খাকী আয়না ঠোকরাণী’ এই আছুবে ভাবায় চড়াইকে ডাকছেন। কত কাঠবেড়ালী তাঁর গায়ের উপর দিয়ে নির্ভয়ে চলে যাচ্ছে। ইন্দুরও খাবার ভাগ পায়। কাকের ত কথাই নেই ওরা ‘নাই’ পেলে ত মাথায় চড়াইকে কিন্তু কাককে প্রাণ্য দিলে অল্প পাখীদের উপর জুলুম করা হয়। একদিন তিনি বিরক্ত হয়ে একটা দাঁড় কাককে মেরে তাড়িয়ে দিতে বলেছিলেন। পরদিন দেখেন সে কাক যথাসময়ে তাঁর মজলিসে হাজির নেই। এই দেখে হলস্থল বেধে গেল! সে কোথায় খোঁজ খোঁজ। খুঁজতে নানা দিকে চর পাঠান হ’ল, তারা গাথে সে কাক কোন একটা দূরের গাছে বসে আছে—তাকে আনিয়ে বড়দাদা তবে হুস্থির।

বড়দাদার যা নিত্য নিয়মিত প্রাতঃস্নান ঠাণ্ডা জলে—তা চিরকালই সমান চলছে—শীতে গ্রীষ্মে রোগে অরোগে তার আর বিবাম নাই। তাঁর জ্বর কি কোন অস্থখ হ’লে সেই স্নান বন্ধ করবার জন্তে কত সাধা সাধনা অহুন্নয় বিনয় করা যায় কিন্তু ভোরে উঠেই সেই ঠাণ্ডা জলে স্নান কিছুতেই নিবারণ করা যায় না। ঠাণ্ডার বদলে গরম জল কোন কালেই তাঁর মনোনীত হয় না। বড়দাদাকে ব্যামোর সময় ঔষধ পথা সেবন করানো এক বিষম দায়। তাঁর লেখায় মগ্ন হয়ে তিনি অনেক সময় আহার নিদ্রার নিয়ম ভুলে যান—এই বয়সে তাঁর শরীরে আর এ অত্যাচার সহ্য হয় না। এখন শরীর সেবায় বিশেষরূপে মনোযোগ দেবার সময় এসে পড়েছে। তিনি নিজেই তা বুঝতে পেরেছেন;—এক একবার বলেও থাকেন—আর না! কিন্তু কাজে এ কথার কোন পরিচয় পাওয়া যায় না।

### গণেশনাথ ঠাকুর (মেজদাদা)

ও-বাড়ীর মেজদাদার সঙ্গে আমার খুব ভাব ছিল। তখন এ-বাড়ী ও-বাড়ীর কোন প্রভেদ ছিল না, আমরা তাঁকে আমাদের সচোদর ভাইয়ের মতই দেখতুম। তিনি ছিলেন মেজদাদা, আমি সেজদাদা বা সেজবাবু, আর বড়দাদা, এই তিন জনে সবদাই আমরা একত্রে থাকতুম, একসঙ্গে খেলা করতুম—আমরা এই trinity তিনে এক একে তিন। মেজদাদা আমাকে বড় ভালবাসতেন, আমিও তাঁর প্রতি অত্যন্ত অহুরক্ত ছিলাম। আমরা দুটিতে তেতলার ছাতে বসে গান করতুম, গল্প করতুম, কোজাগর পূর্ণিমায় হেসে খেলে বাগানে বেড়িয়ে রাত কাটাতুম। মেজদাদা গান বাজনা বড় ভালবাসতেন—তিনি নিজেও অনেক সঙ্গত রচনা করেছেন—ব্রহ্মসঙ্গীত, জাতীয় সঙ্গীত, ইত্যাদি। “দীননাথ প্রেমসুধা দেহ হৃদে ঢালিয়ে” এ তাঁর গান।

তিনি সব দিকে চোকোব ছিলেন—সামাজিকতা, লোকলৌকিকতা, বড়দাদার যে দিকটা অভাব ছিল, তিনি সেই সকল গুণে পূর্ণমাত্রায় ভূষিত ছিলেন।

আমি বোঝায়ে কার্যারম্ভ করবার কিছু পরে কলিকাতায় এক ‘বদেশী’ মেলা প্রবর্তিত হয়। বড়দাদা নবগোপাল মিত্রের সাহায্যে মেলার সূত্রপাত করেন, পরে মেজদাদা তাতে যোগদান করায় প্রকৃতপক্ষে তার ঐশ্বর্য্য সাধন হ’ল। কলিকাতার প্রান্তবর্তী কোন একটি উজ্জানে বৎসরে তিন চারিদিন ধরে এই মেলা চলেতো। সেখানে দেশী জিনিসের প্রদর্শনী, জাতীয় সঙ্গীত, বক্তৃতাাদি বিবিধ উপায়ে লোকের দেশাহুঁরাগ উদ্দীপ্ত করবার চেষ্টা করা হ’ত। এই মেলা উপলক্ষে মেজদাদা কতকগুলি জাতীয় সঙ্গীত রচনা করেন আর সেই মেলাই আমার ভারত সঙ্গীতের জন্মদাতা—

মিলে সবে ভারত সন্তান  
একতান মনপ্রাণ,  
গাও ভারতেরি যশোগান।

এদিকে সঙ্গীতাদি কলাবিজ্ঞায় যেমন তাঁর পারদর্শিতা ছিল, সে সময়কার সাহিত্যিকদের মধ্যেও তিনি অগ্রগণ্য ছিলেন। তাঁর প্রণীত “বিক্রমোৎখাণী” নাটকের একটি সুন্দর অনুবাদ পাওয়া পিয়াছে। তাঁর ভ্রাতুষ্পুত্র গগনেন্দ্রনাথ এইটি উদ্ধার করে সাহিত্য সমাজে প্রচার করেছেন দেখে আমার অত্যন্ত আনন্দ হয়েছে। তাঁর লিখিত কতকগুলি ঐতিহাসিক প্রবন্ধ ছিল—আমি এক সময়ে তাঁর হাতের লেখা পুঁথি দেখেছি, আর তিনি আমাকে পত্রের লিখেছিলেন যে ভারত ইতিহাসের এক পৃষ্ঠা লিখতে আরম্ভ করেছেন—মোগল সাম্রাজ্য মনে হচ্ছে, —আক্ষেপের বিষয় যে এ সব লেখা কোথায় অদৃশ্য হয়ে গেল, কোনই সন্ধান পাওয়া যায় না— ‘কোন খানে লেশ, নাহি অবশেষ, সেদিনের কোন চিহ্ন’।

নাট্য অভিনয় বিষয়েও মেজদাদার বিশেষ উৎসাহ ছিল। আমি ইংলণ্ড থেকে ফিরে-আসবার দুই বৎসর পরে ছুটি নিয়ে কলিকাতায় এসে দেখি তাঁদের বাড়ীতে ‘নবনাটক’ অভিনয়ের প্রভূত আয়োজন হয়েছে—আমি সেই সমারোহের মধ্যে এসে পড়ি। রঙ্গমঞ্চ যবনিকার শিরোবেষ্টনী বিক্রমসভার নবরত্নের নামে অঙ্কিত—

ধনন্তরি রূপকামরসিংহ শকু-  
বোঁতালভট্ট ঘটকর্ণর কালিদাসঃ  
খাতো বরাহমিহিরো নৃপতেঃ সভায়াঃ  
রত্নানি বৈ বরকচি নব বিক্রমস্ত।

নবনাটকখানি রামনারায়ণ তর্করত্ন প্রণীত, বহুবিবাহপ্রথায় পারিবারিক দুঃখজালা অশান্তি প্রকটন সূত্রে লোকশিক্ষা দেওয়া ঐ নাটকের উদ্দেশ্য। আমাদের বাড়ীর ছেলেরা

আত্মীয় স্বজন বন্ধু সেই নাটকের পাত্রপাত্রী সেজেছিলেন। মেয়ের পাট অবিন্দি পুঙ্খের নিতে হয়েছিল। আমার পিতা এই অভিনয়ের সংবাদ পেয়ে কালীগ্রাম হ'তে মেজদাদাকে লিখছেন ; ( ৪ মাঘ ১৭৮৮ শক 16th January 1867 )

“তোমাদের নাট্যশালার দ্বার উদঘাটিত হইয়াছে—সমবেত বাঙা স্বারা অনেকের হৃদয় নৃত্য করিয়াছে—কবিজ রসের আশ্বাদনে অনেকে পরিতৃপ্তি লাভ করিয়াছে। নির্দোষ অমোদ আমাদের দেশের যে একটি অভাব, তাহা এই প্রকারে ক্রমে ক্রমে দূরীভূত হইবে। পূর্বে আমার মহনয় মধ্যমভায়ার উপরে ইতার জন্ত আমার অহুরোধ ছিল, তুমি তাহা সম্পন্ন করিলে। কিন্তু আমি স্বেচছন্দে তোমাকে সাবধান করিতেছি যে, এ প্রকার আমোদ যেন দোষে পরিণত না হয়।”

আমাদের বন্ধু অক্ষয় মজুমদার নাট্যের প্রধান নায়ক গবেশবাবু সেজেছিলেন—নাট্য অভিনয়ে সেই তাঁর প্রথম উত্তম ; পরে তিনি ঐ ক্ষেত্রে উত্তরোত্তর আরো উৎকর্ষ লাভ করেছিলেন—তাকে ছেড়ে আমাদের কোন অভিনয় সিদ্ধ হ'ত না। হাস্যরসের অভিনয়ে তিনি অস্বিতীয় ছিলেন।

এই নবনাটক আর মানময়ী নামক একটি গীতিনাট্য সর্বপ্রথম আমাদের বাড়ীতে অভিনীত হয়। পরে অলীকবাবু, হঠাৎ নবাব প্রভৃতি আরো অনেকগুলি নাটকের অভিনয় হয়। ‘বাল্মীকি প্রতিভা’ আর ‘রাজা ও রাণী’ এই দুই নাট্য আমাদের বাড়ীর মেয়ে পুরুষ সকলে মিলে গড়ে তোলা গিয়েছিল।

এক সময় ছিল যখন আমাদের বাড়ী আত্মীয় স্বজনে পূর্ণ ছিল। এ-বাড়ী ও-বাড়ীর সকলে আমরা একায়পরিবারভুক্ত ছিলাম। ক্রমে আমরা পৃথক হয়ে পড়লাম। মেজদাদা ও আমাদের মধ্যে যখন বিভাগ হ'ল আমার মনে ভারি বেদনা লেগেছিল। আমরা তেতলার বাড়ীতে ছিলাম—দোতলায় এসে পড়লাম। এই দোতলার বাড়ীই আমাদের আদিম বসবাস; তেতলার বাড়ী নির্মাণ পরে হয়। বাড়ীর বাগান ভাগ হয়ে গেল, পুকুরটা বৃষ্টি সাধারণ রইল। একদিন দেখি হাইকোর্টের একজন জজ এসে আমাদের বাড়ী তন্নতন্ন তদারক করে দেখে গেলেন, কি প্রণালীতে বিভাগ হবে তাই ঠিক করবার জন্তে। এই ছাড়াছাড়ি আমি অনেককাল ভুলতে পারিনি। ইংলণ্ড থেকে অনেক সময় চুখ করে মেজদাদাকে এই ধরণে পত্র লিখতুম। বাল্যকাল হ'তে আমরা একত্রে ছিলাম—তুমি ছিলে মেজদাদা আর এখনো পর্যন্ত আমার ছোটরা আমাকে মেজদাদা বলে ডাকে। আমাদের এক সঙ্গে গুঠাবসা, খালাধুলা, আমোদ প্রমোদ, আমরা স্বপ্নেও ভাবি নাই যে আমাদের মধ্যে বিবাদ বিচ্ছেদ মতান্তর উপস্থিত হবে। কত কু-লোকের মন্ত্রণায় এক এক সময় এইরূপ স্থখের সংসার ছারখার হয়ে যায়। যাহারা পরিবারের ভিতরে



এইরূপ অশান্তির বীজ ছড়াইবার চেষ্টা করে গৃহীদের মত দুঃখিত্তি আর কে আছে ? এক একবার দময়ন্তীর মত অভিশাপ দিবার ইচ্ছা হয়, যখন নলরাজা তাঁহাকে অরণ্যে ফেলিয়া চলিয়া গিয়াছেন—

অপাপচেতসং পাপো য এবং কৃতবান্ নলঃ

তস্মাদ্ দুঃখতরং প্রাপ্য জীবত্বমথজীবিকাঃ

“অপাপচিত্ত নলকে যে পাপাত্মা এইরূপ কার্যে প্রবৃত্ত করিল, সে তদধিক দুঃখতর জীবিকা পাইয়া জীবনধারণ করুক।”

বিলেত থেকে ফিরে এসে বোম্বাই যাবার পর মেজদাদার সঙ্গে বড় আমার দেখা শুনা হ’ত না কিন্তু আমাদের পত্র-ব্যবহার বন্ধ হয় নাই। ইংলণ্ড বোম্বাই আমি যেখানেই থাকি তাঁকে চিঠি লিখতুম আর তাঁর কাছ থেকেও স্নেহপূর্ণ পত্র পেতুম। ছুটিতে কলকাতায় এলে অসিদ্ধি আমাদের ঘন ঘন দেখা সাক্ষাৎ হ’ত। একবার আমি বাতরোগে আক্রান্ত হয়ে প্রায় দেড় বৎসরের ব্যামোর ছুটি নিয়ে কলকাতায় এসেছিলুম। সেই বাতে অনেক দিন শয্যাগত ছিলুম, তখন মেজদাদা সর্বদাই আমাকে দেখতে আসতেন, আমার যত্ন করতেন, গল্পস্বল্পে আমার মনোরঞ্জন করতেন। আমার একটি আরামের চৌকি ছিল তার চারিদিকে বন্ধুবান্ধবেরা ঘিরে বসতেন, ঠিক যেন একটি দরবার বসেছে। আমার মনে হ’ত ব্যামোর ভিতরেও যদি এত আরাম পাওয়া যায়, তাহলে ব্যামোয় পড়তে আপত্তি কি ?

O Pain ! where is thy sting ?

মেজদাদার অল্প বয়সেই মৃত্যু হয়। যে তাঁকে ভাল করে জানত সেই তাঁর গুণে মুগ্ধ হ’ত, তাঁর কেমন একটি আকর্ষণী শক্তি ছিল। অনেকে তাঁর উপর অনেক আশা ভরসা স্থাপিত করেছিলেন। ছোটকাকার তাঁর উপর কিরূপ স্নেহ মমতা ছিল তা আমরা তাঁর পত্রে দেখতে পাই। মেজদাদার বিজ্ঞানশিক্ষায় পাছে কিছুমাত্র অযত্ন হয় এই তাঁর ভাবনা। তিনি একপত্রে বলেছেন—“মাহুঘের মন রত্নখনি বিশেষ। সেই রত্নটি নিয়ে মেজে ঘলে উজ্জল করলে তবে তা মূল্যবান হয়—মনের উপর শিক্ষার কার্য্যও এরূপ।” ভবিষ্যতে গণেন্দ্রনাথ আমাদের গৃহস্থামী হয়ে পরিবারের কল্যাণসাধনে নিযুক্ত থাকবেন এই আশায় তিনি আশস্ত ছিলেন ; কিন্তু হয় ! তাব সে আশা পূর্ণ হ’ল না। যাঁরা ভাল লোক দেবতার শীল হই তাঁদের আপনাদের কাছে ভেকে নিয়ে যান, তাই তাঁর পিতার মৃত্যুর অনতিকাল পরে তিনিও অকস্মাৎ আমাদের সকলকে ছেড়ে পৃথালোকে চলে গেলেন।

Requiescat in pace !

তাঁর আত্মার শান্তি হোক !

## নবগোপাল মিত্র

উপরে যে জাতীয় মেলার কথা বলেছি তার প্রধান উদ্যোগী ছিলেন নবগোপাল বাবু। তিনি হিন্দু স্কুলে আমার সহাধ্যায়ী ছিলেন, স্কুলে ছেড়ে আমাদের সহকর্মী হ'লেন; আমাদের মধ্যে প্রণয় ও ঘনিষ্ঠতা আরো বাড়ল, তিনি সর্বদা আমাদের বাড়ীতে যাওয়া আসা করতে লাগলেন। তিনি ভারি চালাক চতুর, খুব একজন কাজের লোক ছিলেন। তিনি একটা অশ্বশালা খুলেছিলেন, তাকে সবাই বলত নবগোপালের Circus. তাতে আমরা কেউ কেউ ঘোড়ায় চড়া শিখতে যেতুম।

'Indian Mirror' পত্র যখন আমার পিতৃদেবের হাত হ'তে হস্তান্তর হ'ল, সেই পত্রের প্রতিযোগী 'National Paper' বলে একটা ইংরাজি সাপ্তাহিক পত্র আমাদের বাড়ী থেকে বেরতে লাগল, নবগোপাল বাবু তার সম্পাদক হয়েছিলেন। 'ব্রাহ্মবিবাহ' আইন যখন বিধিবদ্ধ হবার উপক্রম হয়েছিল তখন যারা আদি ব্রাহ্মসমাজের পক্ষ সমর্থন করার জন্য দিমলার পাহাড়ে প্রেরিত হন, নবগোপাল বাবু তাঁদের মুখপাত্র ছিলেন। আদি সমাজের বিরুদ্ধাচরণের ফলে দাঁড়াল এই যে, হিন্দু মুসলমান স্থান প্রভৃতি প্রচলিত কয়েকটি প্রধান প্রধান ধর্মসম্প্রদায়ের বাইরে না গেলে আর বেজিষ্ট্রী বিবাহ সিদ্ধ হয় না। সুতরাং আমাদের মধ্যে যারা এই আইনের শরণাপন্ন হ'তে চান তাঁরা আপনাদের অহিন্দু বলে প্রকাশে পরিচয় দিতে বাধ্য। এই আবর্তের মধ্যে পড়ে এখন আমরাই আর্ন্তনাদ ছাড়ছি—এই অহিন্দু Declaration উঠিয়ে দিয়ে বিবাহ আইন সংস্কারের জন্য সচেষ্ট হয়েছি। কিন্তু এখন আমাদের হাজার চেষ্টাতেও কোন ফল হচ্ছে না।

বোম্বাই থেকে আমি একবার ছুটিতে কলকাতায় এসে বোম্বাই প্রদেশের আচার ব্যবহার, রীতিনীতি, ধর্মসম্প্রদায়, তীর্থস্থান,—ইত্যাদি বিষয়ে একটা সভায় বক্তৃতা দিয়েছিলুম—ব্রহ্মানন্দ কেশবচন্দ্র সেন সভাপতির আসন গ্রহণ করেছিলেন। সেট বক্তৃতায় আমি কথায় কথায় বলেছিলুম বাঙালীদের যেমন প্রধান আহাৰ ভাত ওদেশে সেরূপ নয়, ভাতের ব্যবহার আছে বটে কিন্তু সাধারণ লোকের মধ্যে বেনীর ভাগ কুটিই প্রচলিত, কোথাও বাজরী (বজরা), কোথাও জোয়ারী বা গমের হাত-গড়া কুটি। তাহাই আমাদের যেমন প্রধান খাদ্য ওদেশে তেমনি কুটি। এই ভাতখোর ও কুটিখোর, দুইজাতির মধ্যে বলিষ্ঠ কোন জাতি? এই প্রশ্ন উঠল। আমি বলেছিলুম ভারতবর্ষের অন্যান্য অনেক জাতির তুলনায় বাঙালী দুর্বল। আবহাওয়াও গুণাগুণ এই পার্থক্যের এক কারণ হ'তে পারে, আহাৰের তারতম্যও আর আর কারণের মধ্যে ধরা অসম্ভব হয় না। যব ও গমের মত ভাত পুষ্টিকর খাদ্য নয়,

স্বতন্ত্র ভাষাতত্ত্বের বাঙালী যে দুর্বল তাতে আর বিচিত্র কি? এই কথা শুনে নবগোপাল বাবু মহা চটে উঠলেন। তিনি চীৎকার করে আপনার অমত প্রকাশ করে বলেন, “তা কখনই হ’তে পারে না। তোমরা যাই বল, আমরা একবার ভাত খাব, দুবার ভাত খাব, তিনবার ভাত খাব।” এ তর্কের আর কোন উত্তর নেই। “সভা হল নিস্তরঙ্গ।”

তখনকার কালে নবগোপাল ক্যাশনাল দলের দলপতি ছিলেন। তাঁর নেতৃত্বে জাতীয় মেলা সফলতা লাভ করেছিল; দুঃখের বিষয়, সে উৎসাহ অধিক দিন স্থায়ী হ’ল না। শীঘ্রই নিবে গেল। এই স্বদেশী ভাবের যে পুনরুদ্ধার হয়েছে এতাব যদি দেশময় বিস্তার লাভ করে শাস্তকাল স্থায়ী হয়, তাহলেই দেশের মঙ্গল প্রত্যাশা করা যায়।

পূর্বে বলেছি যে, পূর্বে আমরা দুই কাকার সঙ্গে একাম্ববন্তী পরিবারভুক্ত ছিলাম। তখন ঠাকুর পরিবারের অগ্রাঙ্গ শাখার মধ্যেও যথেষ্ট সম্ভাব ও ঘনিষ্ঠতা ছিল। ভিন্ন ভিন্ন বাড়ীর ছেলেরা আমাদের বাড়ীর দালানে গুরুমশায়ের কাছে ক’থ শিখতে আসত। গুরুমশায়ের কাছে আমাদের প্রাথমিক শিক্ষায় হাতে খড়ি। সেই উগ্রচণ্ডা গুরুমশায় বেত্রহস্তে শেখাতে বসেছেন, কখনো বা সে বেত তাঁর কোন ছাত্রপৃষ্ঠে চালিত হচ্ছে—সে চিত্র মন থেকে কখনো যাবে না। আমরা গুরুমশায়কে কি মহামহোপাধ্যায় পণ্ডিত মনে করতুম—ঠিক যেন Goldsmith-এর সেই গ্রাম্য গুরুমশায়—

And still they gazed and still the wonder grew

‘That one small head could carry all he knew.

অর্থাৎ হইয়া দেখে, না জানি কি ক’রে

অত বিজ্ঞা ওই ক্ষুদ্র মাথার ভিতরে।

আমরা গুরুমশায়ের কাছে ক’থ, বানান, নামতা, কড়াঙ্কে, ষটকে—এই সব শিখতুম, তাছাড়া চিঠিপত্র লেখা অভ্যাস করতুম। যত ওঁচা ফ্যালা, জিনিস মোড়বার মত ব্রাউন কাগজ আনা হ’ত,—শ্রীরামপুরে সাদা কাগজ যেদিন আসত খুব ভাগ্য মনে করতুম। এই কাগজের উপর বাঙলা কলম দিয়ে আঁচড়কাটা—সেই আমাদের পত্রলেখা। যতদূর মনে আছে পত্রের দুই পাঠ ছিল—‘সেবক শ্রী’ আর ‘অজ্ঞাকারী শ্রী’—দিনের পর দিন বদলে বদলে এই দুই পাঠ লেখা হচ্চে। এখন দেখতে পাই বাঙলা চিঠিতে পাঠ লেখা বড় সহজ ব্যাপার নয়। বয়োজ্যেষ্ঠ গুরুজন, স্নেহের সম্পর্কীয় কনিষ্ঠ, ছোট বড় আত্মীয় স্বজন বন্ধু, অপরিচিত দূরব লোক, formal informal—বাঙলায় কাকে কি পাঠ, ও কোন সময় কি পাঠ লিখতে হয় সে এক বিষম সমস্যা। গুরুমশায় এই বিষয় আমাদের মনোযোগ দিয়ে শেখালে

ভবিষ্যতে অনেক কাজ দেখত। তবে ওরূপ মূৰ্খ পণ্ডিতের কাছে বেশী কিছু প্রত্যাশা করা অশ্রায়, আমরা ঐ গুরুর কাছে লেখাপড়ায় বেশী দূর না এগিয়ে থাকি—নিদেন গোড়া পত্তন সেই।

### উপনয়ন

নয় বৎসর বয়সে আমার উপনয়ন হয়, ঘটনাটি বেশ মনে পড়ে। কর্ণভেদ শিরোমুণ্ডন এগুলি যদিও ভাল লাগেনি কিন্তু নাপিতের উপর বিদ্রোহাচরণ করেছিলুম বলে মনে হয় না। হবিষ্যায় ভোজনে বেশ তৃপ্তি লাভ করতুম, ভালই হোক মন্দই হোক রোজকার ভালভাতের চেয়ে কচিকর। ভিক্ষার ঝুলি কাঁদে করে ‘ভবতি ভিক্ষাং দেহি’ বলে উপবীতধারী ব্রহ্মচারী সাজা, তিন দিন ঘরে বন্ধ হয়ে থাকা—পাছে শূদ্রের মুখ দেখে ব্রাহ্মণত্ব নষ্ট হয়, এই চিরন্তন হিন্দুপ্রথা অল্পসারে আমার পইতা হ’ল। কারাবাস হ’তে মুক্তির পর গাড়া মাথায় বাড়ীময় ঘুরে বেড়ানো আর সকলের কাছ থেকে ব্রহ্মচারী বলে অভিবাদন পাওয়া—মনে মনে কত গর্ব হচ্চে—যেন আমি কি একটা ধনুর্ধর হয়েছি, অথচ ব্রহ্মচর্য্য কাকে বলে মানবক সে বিষয়ে সম্পূর্ণ অনভিজ্ঞ। ব্রহ্মচর্য্যের ব্যাখ্যা করে আমাদের পুরুষ্ঠাকুর কোন উপদেশ দেন নাই। কেহ আমাদের বলে নাই, ‘আচার্য্যধীনো বেদমধীশ্ব’—আচার্য্যধীন হইয়া বেদাধ্যয়ন কর,—অথবা ‘অধীহি, ভোঃ সাবিজ্ঞীং মে’—আমার নিকট গায়ত্রী শিক্ষা কর। ‘মা দিবা স্বাপ্নীঃ’—দিবানিত্রা যেয়ো না বলে আমাদের কেহ সাবধান করে দেয়নি, আর আমরা ও আরামের জিনিসটা অনেকদিন পর্য্যন্ত আঁকড়ে ধরেছিলুম। তিন দিন ঘরে বন্ধ থাকা—যে ষাদশ বৎসর গুরুকূলে বেদাধ্যয়ন করা—তা আমরা বুঝি নাই। ব্রাহ্মণ শূদ্রের মধ্যে যে জাতিগত পার্থক্য (বৈদিককালে যেমন আর্য্য আর দহ্ম্যর মধ্যে) সেই ভেদবুদ্ধি ফুটিয়া তোলা যদি ঐ নিয়মের উদ্দেশ্য হয়, সেটা সিদ্ধ হয়েছিল বলতে হবে। কতকগুলি সঙ্খ্যার মন্ত আকৃতি করতে শিখেছিলুম তার মানে না বুঝে।—এখন দেখছি যে শব্দগুলি আওড়াতুম তার অর্থ—বারিবন্দনা।

ও শব্দ আপো ধন্বন্তাঃ শমনঃ সন্ত কৃপ্যাঃ শব্দঃ সমুদ্রিয়া,—কুয়ার জল আমাদের মঙ্গল করুক, সমুদ্রের জল মঙ্গল করুক ইত্যাদি। কৃপাদাককে কথা শোনানো সহজ, সে জল পরিস্কার রাখা আমাদেরই হাতে; কিন্তু সমুদ্র সকল সময়ে রাস মানেন না,

টাইটানিক জাহাজ—ভুবিই তার জলন্ত প্রমাণ ! এই সন্ধ্যা ছবার আবৃত্তি করবার নিয়ম ; কিন্তু ঐ নিয়ম বৈশীদিন পালন করেছিলুম বলে বোধ হয় না। পরে আমরা মহর্ষির উপদেশে জানলুম যে, উপবীত গ্রহণের মূখ্য তাৎপর্য—গায়ত্রী মন্ত্রে দীক্ষা।—তা হ'তেই আমাদের নূতন জন্ম—তখন থেকে আমরা দ্বিজ। ব্রহ্মসংসারের অন্ধরণে গায়ত্রী মন্ত্রের উপর পিতৃদেবের কতটা আস্থা ছিল তা তাঁর আত্মচরিতে দেখে পাই। তিনি বলেছেন—

“পুরুষাত্মক্রে আমরা এই গায়ত্রী মন্ত্রে দীক্ষিত হইয়া আসিতেছি। এই মন্ত্র আমাদের শিরায় শিরায়। যদিও আমি বুঝিলাম যে, ব্রহ্মোপাসনার জন্য গায়ত্রী সাধারণের পক্ষে উপযুক্ত নহে, কিন্তু আমি সেই সাবিত্রী দেবীকেই ধরিয়া রহিলাম, কখনো পরিত্যাগ করিলাম না। গায়ত্রীর গূঢ় ভাবার্থ আমার মনে দিন দিন আরো প্রকাশ হইতে লাগিল। ক্রমে ক্রমে ‘ধিয়োয়োনঃ প্রচোদয়াৎ’ আমার সমস্ত হৃদয়ে মিশিয়া গেল। ইহাতে আমার দৃঢ় নিশ্চয় হইল যে, ঈশ্বর আমাকে কেবল মৃক সাক্ষীর ত্রায় দেখিতেছেন তাহা নহে। তিনি আমার অন্তরে থাকিয়া অমুক্ত আমায় বুদ্ধিবৃত্তি সকল প্রেরণ করিতেছেন। ইহাতে তাঁহার সহিত একটি ঘনিষ্ঠ জীবন্ত সম্বন্ধ নিবদ্ধ হইল।” ৪৫—৪৬ পৃঃ।

আমাদের মধ্যে উপনয়ন প্রথা সাধারণত যে ভাবে প্রচলিত আছে তাহা অর্থহীন আড়ম্বর মাত্র। বৈদিক ক্রিয়া সংক্ষেপে সারিয়া ফেলা—ঐ ক্রিয়ার সারভাগ পরিত্যাগ করে যেন শুধু খোলসটা রাখা হয়েছে। পিতৃদেব যে ভাবে উপনয়নকে পুনঃ প্রতিষ্ঠা করেছেন তাতে প্রাচীন প্রথার কাছাকাছি যতটা রাখা যেতে পারে তার চেষ্টা করা হয়েছে। আদি ব্রাহ্মসমাজের অমুঠান পদ্ধতির উপনয়ন-ভাগ দেখিলেই, তাহা স্পষ্ট বোধগম্য হয়।

এই অমুঠানে গায়ত্রী মন্ত্রের প্রেষ্ঠতা বক্ষিত হয়েছে। ব্রহ্মচারীর প্রতি উপদেশে এই মন্ত্রের বিশদ ব্যাখ্যা দৃষ্ট হবে। সেই উপদেশের সারমর্ম এই :—

“গায়ত্রী মন্ত্র তোমাদের ইহকালের অবলম্বন, পরকালের সম্বল। সেই মন্ত্র দ্বারা ঈশ্বরকে মনন করিবে, তাঁর জ্ঞান শক্তি ধ্যান করিবে। ও বলিয়া ব্রহ্মকে অন্তরে জানিবে এবং ভূত্বঃ স্বঃ বলিয়া স্বর্গমর্ত্য অন্তরীক্ষ বহির্জগতে তাঁহার আবির্ভাব দেখিবে। তিনি এই বিশ্বসংসার রচনা করিয়া আমাদের কাহারো নিকট হইতে মুখে নাই—তিনি আমাদের অন্তরে থাকিয়া আমাদের প্রত্যেককে শুভবুদ্ধি প্রেরণ করিতেছেন—‘ধিয়োয়োনঃ প্রচোদয়াৎ’।” গায়ত্রী মন্ত্রের অর্থ এই।

## পূজা

আমাদের বাড়ী দুর্গা ও জগদ্ধাত্রী—এই দুই পূজা হ'ত। দুর্গোৎসব মহাসমারোহে সম্পন্ন হ'ত। আমাদের উঠানের উপর সামিয়ানা খাটানো আর তিন দিন ধরে নৃত্য গীত আমোদ প্রমোদ, আমাদের আনন্দের আর সীমা থাকতো না। সেই তিন দিন আমরা যেন কল্পনাপ্রসূত এক নূতন রাজ্যে বাস করতুম—নূতন দেশ, নূতন ঋতু, আলো বাতাস সব নূতন। প্রথম যখন প্রতিমার কাঠাম নির্মাণ আরম্ভ হ'ত তখন থেকে শেষ পর্যন্ত সমুদায় নির্মাণ-কার্য আমরা কৌতুহলের সহিত পর্যবেক্ষণ করতুম। আমাদের চোখের সামনে যেন ছোটখাট একটি স্থিতি কার্য চলছে। প্রথমে খড়ের কাঠাম তার উপর মাটি, খড়ির প্রলেপ তার উপর রং, ক্রমে চিত্র বিচিত্র খুঁটি নাটি আর আর সমস্ত কার্য, সবশেষে অর্দ্ধচন্দ্রাকৃতি চালের পরে দেবদেবীর মূর্তি আঁকা, তাতে আমাদের চোখের সামনে বৈদিক, পৌরাণিক দেবসভা উদ্ঘাটিত হ'ত। ইন্দ্র চন্দ্র বায়ু বরুণ, ব্রহ্মা বিষ্ণু মহেশ্বর, কৃষ্ণলীলা, রাম-বাবণের যুদ্ধ, কৈলাসে হর-পার্বতী, নন্দী ভৃঙ্গি, হনুমান ও গন্ধমাদন, বীণাহন্তে নারদ মুনি, গন্ধর্ভবান বিষ্ণু, বিষ্ণুর অনন্ত শয্যা, নৃসিংহ অবতার, কিষ্কর-গন্ধর্ব্ব-মিলিত ইন্দ্রসভা, গীতাং একাদশ সর্গে যেমন বিশ্বলোকের বর্ণনা আছে, আমাদের এই চর্চা চক্ষে সেট বিশ্বলোক আবিস্কৃত হ'ত। রাংতা দিয়ে যখন ঠাকুরদের দেহমণ্ডন, বসন ভূষণ সাজসজ্জা প্রস্তুত হ'ত, আমাদের দেখতে বড়ই কৌতুহল হ'ত। লক্ষ্মী সরস্বতীর চমৎকার বেশভূষা। লহোদর গজানন, গণেশ ঠাকুরের মুখিক তাঁর স্থল দেহের আড়ালে লুকিয়ে থাকত; কিন্তু কার্তিকের প্যাখাম-ধরা ময়ূরের যে বাহার তা আর কহ্তব্য নয়। কার্তিক ঠাকুরের অপূর্ব সাজসজ্জা, তাঁর গুচ্ছজোড়া, আকৃতি, বেশভূষা, ফিনফিনে শাস্তিপুরে ধুতি—দেখে মনে হ'ত যেন একজন বাদ্গালী বাবু ময়ূরের উপর এসে অধিষ্ঠান করেছেন। মহিষাসুং বেচারার অবস্থা বড় শোচনীয়, সিংহের কামড়ে তার দক্ষিণ হস্ত অসাড়, এদিকে আবার সিংহবাহিনী দশভুজার বর্ষাবিদ্ধ হওয়ায় তার আর নড়ন চড়ন নেই, এ সম্বন্ধে তার মুখে Milton-এর সয়তান সদৃশ কেমন একটা অদম্য বীরত্ব ফুটে বেরছে।

পূজার সময় যাত্রা হ'ত। কত রকম যাত্রার দল এসে মহাজ্ঞা দিত, তাদের মধ্যে যা সেরা তাই বেছে নেওয়া হ'ত। যাত্রায় বহুলোকসমাগম হ'ত, উঠানটা লোকে লোকারণ্য। আমরা আত্মোপাস্ত সমস্তটা দেখতে পেতুম না, কেবল প্রথম ও শেষ ভাগে এসে বসতুম। প্রহ্লাদ চরিত্রে যে ছেলেটি প্রহ্লাদ সাজত তার বড় মিষ্টি গলা, তার গানে সকলে মোহিত হয়ে যেত। প্রহ্লাদ কত প্রকার উৎপীড়ন সহ্য

করছে, আমরা তার দুঃখে অশ্রুপাত করতুম। এত উৎসাহেও তার ভক্তির স্থান নেই। সে আপনাকে শোধরাবার কত চেষ্টা করছে কিন্তু সহস্র চেষ্টাতেও তার চিরকালের অভ্যাস কোথায় যাবে ?

কালী কালী বলে ডাকি সন্ধ্যা এই বাসনা  
অভ্যাসে দোষেতে তবু কৃষ্ণ বলে রসনা ।

কিন্তু যাত্রার গানের চেয়ে আমাদের সং দেখতে বেশী আমোদ হ'ত। রামায়ণের পালাতে সন্ডের আসল ঘটনা—এদিকে রাবণ কুম্ভকর্ণ প্রভৃতি রাক্ষসের দল, ওদিকে আবার রামের বানর সৈন্য,—সবই সঙ্গীন ব্যাপার। আমরা সারারাত কিছু সভায় থাকতুম না, রাত্রিশেষে আমাদের ঘুম থেকে উঠিয়ে আনা হ'ত। কোন ভাল অভূত রকম সং আসছে তাই দেখবার জন্তে আমরা তাড়াতাড়ি উঠে আসতুম। দেখতে দেখতে তিন দিন চলে গেল—বিজয়া এল, প্রতিমা ভাসান দিতে নিয়ে যাবে—কি আপশোষ! দুর্গা অশ্রুপূর্ণ নয়নে বিদায় নিয়ে চলেন, মনে হ'ত সত্যিই দেবীর চক্ষে জল এসেছে। বিজয়ার দিন প্রত্যুষে আমাদের গৃহগায়ক বিষ্ণু আগমনী ও বিদায়ের গান করতে আসতেন। যাত্রার গান যেমন প্রাকৃত বিষ্ণুর তেমনি Classical—সে কি চমৎকার ঠেকত, শুনে শ্রোতৃমণ্ডলী মোহিত হয়ে যেত। বিষ্ণুর একটি আগমনী গান আমার এখনো মনে আছে—

আজু পরমানন্দা । আনন্দ । মম গৃহে আলো ।  
যাও যাও সহচরী  
আন ডেকে পুরনারী  
বরবারে বরণ করি বিলম্ব কি ফল ।  
এস উমা করি কোলে,  
যাকে মা' কি ভুলে ছিলে,  
এত দিন পরে এলে বুঝি মনে ছিল ।  
মা হয়ে মমতা মার,  
জাননা গো উমা আমার  
পাষণ স্বভাব তোমার কিছু থাকা ভাল ॥

তখনকার পূজার আমোদ প্রমোদ যাত্রা উৎসবের মধ্যে সাম্বিক ভাব, আধ্যাত্মিকতা কি ছিল এক একবার ভাবি। দালানে গিয়ে সন্ধ্যার আরতি দেখতে যেতুম, তাতে ধূপধূনা বাজধ্বনির মধ্যে আমরা ঠাকুরকে প্রণাম করে আসতুম। এত বাহ্য আড়ম্বরের মধ্যে এই যা ভিতরকার আধ্যাত্মিক জিনিস। আমাদের বৈষ্ণব পরিবারে কি ভাগ্যি পশুবলির বীভৎস কাণ্ড ছিল না সেই রক্ষা—পশুর বদলে কুমড়া বলি হয় এই

তনতুম। আধ্যাত্মিক ভাবের আর যা কিছু দেখা যেত সে বিজয়া দশমীর বিসম্বদ উপলক্ষে। বিজয়ার রাতে শান্তিভল সিকন ও ছোট-বড় সকলের মধ্যে সম্মানে কোলাকুলি, এই অস্থানটি বাস্তবিক হৃদয়গ্রাহী মনে হ'ত,—‘মধুরেণ সমাপয়েৎ’ এই বাক্য যেন ঠিক ফলেছে।

এই পৌত্তলিক উপাসনার মধ্য হ'তে আস্তে আস্তে অলক্ষিত ভাবে আমাদের পরিবারে অমুর্তের উপাসনা প্রতিষ্ঠিত হ'ল। অল্প বয়স থেকেই মূর্তিপূজার উপর আমার কেমন বিতৃষ্ণা ছিল—যাকে ইংরাজীতে বলে ‘Iconoclast’ আমি তাই ছিলাম—তার কারণ পৈতৃক সংস্কারই বল—আর যাই বল। এক সময়ে আমাদের বাড়ী সরস্বতী পূজা হ'ত। মনে আছে একবার সরস্বতীর প্রতিমা অর্চনায় গিয়েছি—শেষে ফিরে আসবার সময় আমার হাতে যে দক্ষিণার টাকা ছিল তাই দেবীর উপরে সম্বোধন নিক্ষেপ করে দে ছুট! তাতে দেবীর মুকুট ভেঙ্গে পড়ল। এই অপরাধে তখন কোন শাস্তি পেয়েছিলুম কি না মনে নাই, কিন্তু হাতে হাতে সাজা না পেয়ে থাকি তার ফলভোগ এখন বুঝতে পারছি। বীশীতে ছিদ্র দেখা দিয়েছে। আমার বুদ্ধির তীক্ষ্ণতা ক্ষয়ে যাচ্ছে—স্মৃতিভ্রংশ হ'তে আরম্ভ হয়েছে। আমি যে আমার সর্বিসের সর্বোচ্চ শিখরে উঠতে পারিনি সেও ঐ কারণে। সরস্বতী প্রসন্ন থাকলে হাইকোর্টের আসন অধিকার করে পদত্যাগ করতে পারতুম—আমার ভাগ্যে আর তা হ'ল না!

## ব্যায়াম

ছেলেবেলায় আমাদের ব্যায়াম চর্চার অভাব ছিল না। ভোরে উঠে ঘোড়াসাঁকো থেকে গড়ের মাঠ ববাহনগর প্রভৃতি দূর দূর পাল্লা পদব্রজে বেড়িয়ে আসতুম। সেই আমাদের Morning Walk—তাছাড়া ঘোড়ায় চড়া, Cricket, সাঁতার দেওয়া এ সব ছিল। আমাদের বাড়ীতে একটা পুকুর ছিল, তাতে আমরা অনেক সময় সাঁতার দিতে যেতুম। বাজী রেখে সাঁতার দেওয়া আমাদের এক রকম খেলা ছিল। আমরা তিন ভায়ে মিলে যেতুম—কলার গাছ আমাদের ভেলা। সেই ভেলায় চড়ে মাঝখান পর্যন্ত গিয়ে দেখা যেত কে কাকে সিংহাসন-চ্যুত করতে পারে। সেই কলার বাহন কেড়ে নেওয়া চাই—আরোহী সাধ্যমত চেষ্টা করছে আততায়ীকে হটিয়ে দিতে—চোখে জল ছিটিয়ে হোক আর যে কোন উপায়েই হোক তার আক্রমণ হ'তে আপনাকে রক্ষা করতে হবে।—বলপূর্বক সেই কলাবাহন যে দখল করতে পারবে তারই জিৎ। এই রকমে সাঁতারে আমরা খুব পরিপক্ব হয়ে উঠেছিলাম। বাবামশায়ের সঙ্গে যখন



গঙ্গার ব্যাড়াতে যেতুম তখন সাঁতার দিয়ে জানে আমার বিশেষ আমোদ হ'ত। আমি সাঁতার দিতে দিতে অনেক দূর পর্যন্ত চলে যেতুম, বাবামশাই তাতে কোন আপত্তি করতেন না, বোধ করি যদিও এক একবার তাঁর মনটা অস্থির হয়ে উঠত।

বড়দাদা সাঁতারে সর্বাপেক্ষা মজবুৎ ছিলেন। তাঁর রেখাকরের মত সাঁতারেও তিনি যে কত রকম কারদানী করতেন তার ঠিক নেই। যখন গঙ্গার ধারের বাগানে থাকতেন তখন মাঝে মাঝে সাঁতার দিয়ে গঙ্গাই পার হ'তেন ; আর সকলে ভয়ে অস্থির হয়ে পড়ত।

হীরাসিং বলে এক পালওয়ানের কাছে আমরা কুস্তী শিখতুম, তাতে আমার খুব উৎসাহ ছিল। ডনের পর ডন, বড় বড় মুগুর ভাঁজা—আর কত রকম কুস্তীর দাঁও, মার পৌঁচ শিক্ষা। আমি কুস্তীতে একজন ওস্তাদ হয়ে উঠেছিলুম। কেউ আমার সঙ্গে সহজে পেরে উঠত না। হীরাসিংহের চালাদের মধ্যে অনেকে আমার সমবয়স্ক ছিল, তাদের সঙ্গে কুস্তী হ'ত—তাদের মধ্যে যারা বড় তাদেরও আমার কাছে হার মানতে হত, সহজে কেউ আমাকে ধরাশায়ী করতে পারত না। অথচ আমার বল যে বেশী তা নয়—এই কুস্তীতে শুধু বলীর জয় তা নয়, ছলে বলে কৌশলে যে কোন প্রকারে প্রতিপক্ষকে ধরাশায়ী করতে পারলেই জিৎ। একদিন কুস্তী করতে করতে বেকায়দায় পড়ে আমার হাত মুচকে গিয়েছিল। কাউকে কিছু না বলে সেটা ঢেকে রাখবার চেষ্টা করা গেল। আমার ওস্তাদের টোটকা গুণে সেবে যাবে এই ভেবে ছোলা ভিজিয়ে হাত বেঁধে রাখলুম ; কিন্তু তাতে কোন ফল হ'ল না। শেষে ডাক্তার সাহেবের রীতিমত চিকিৎসায় তবে আরাম হ'ল। তখন থেকে সেবারকরে মত আমার কুস্তী বন্ধ। এই সব বিষয়ে আমি অল্পেতে সন্তুষ্ট থাকতুম না, সবাই বলত “যা করবে সব তাতেই বাড়াবাড়ি—এ তোমার কেমন স্বভাব!” তার ফল ভোগও করতে হ'ত—হাত পা ভাঙ্গা, মাথা ভাঙ্গা কত বিপত্তি যে আমার উপর দিয়ে গিয়েছে তার অস্ত নেই। অথচ এখনো পর্যন্ত ত বেঁচে আছি। এত প্রকার বিয় বিপত্তির মধ্যে শিশুজীবন যে কি করে রক্ষা পায়, বিধাতার এ এক আশ্চর্য্য বিধান। সে যাহা হোক, একথা বলা যেতে পারে ‘কোন বিষয়েরই বাড়াবাড়ি ভাল নয়’—এটা বড় ঠিক কথা। অতিবিক্ত শরীরিক পরিশ্রমে অনেক সময় উন্টা উৎপত্তিই হয়। তার সাক্ষী আমাদের ওস্তাদ হীরাসিং। তার কুস্তীর বিরাম নেই, যখনই দেখি কোন না কোন কঠোর ব্যায়ামে নিযুক্ত ; কিন্তু তার শরীর বেশী দিন টিকল না, শীঘ্রই ভেঙ্গে পড়ল। শুনেছি এই সব পালওয়ানেরা দীর্ঘজীবী হয় না। শরীর রক্ষা করতে হ'লে আহার বিহার ব্যায়াম এ সকল বিষয়ে মিতাচারী হওয়া আবশ্যক।

ঐতানির্দিষ্ট মধ্যপথই প্রশস্ত—

বুজাহার বিহারস্থ বৃত্ত চেষ্টক কৰ্ম্ম

বৃত্ত ব্ৰহ্মবোধস্ত বোগো ভবতি হুঃখহা ।

নিয়মিত আহার বিহার, নিয়মিত কৰ্ম্ম চেষ্টা, নিয়মিত নিদ্রা ও আগরণ—ইহাতেই  
হুঃখহারী যোগ সাধন হয় ।

## শিক্ষা

আমি ইতিপূৰ্বে পাঠশালায় গুরুমহাশয়ের কাছে আমার প্রাথমিক শিক্ষার কথা  
কলছি, তার পরের ধাপ হচ্ছে পণ্ডিত মহাশয়ের নিকট সংস্কৃত অধ্যয়ন । পিতৃদেব  
যে চারজন পণ্ডিতকে বেদশিক্ষার জন্তে কাশীতে পাঠান—বাণেশ্বর বিজ্ঞানস্বায় তার  
মধ্যে একজন । ইনিই আমার সংস্কৃত পণ্ডিত ছিলেন । যদিও আমার শিক্ষক, কিন্তু  
এঁর উপাধির উপযুক্ত পাণ্ডিত্যের যদি সার্টিফিকেট দিতে হয় তাতে আমার সঙ্কোচ  
বোধ হবে । এঁর শিক্ষাগুণে সংস্কৃতশাস্ত্রে আমার যে বিশেষ বুৎপত্তি জন্মেছিল তা  
বন্ধতে পারি না । মুখ্যবোধ ব্যাকরণের ‘সহর্ষেধঃ’ ‘চপোদিতা কানিতার্থঃ’ প্রভৃতি  
শব্দ ও তত্ত্ব বৃত্তিগুলি কণ্ঠস্থ ও আবৃত্তি করতেই সব সময় যেত । তিনি বলতেন—

‘স্বাবৃত্তিঃ সৰ্বশাস্ত্রাণাং বোধাদপি গরীয়সী ।

অর্থাৎ আবৃত্তিই সৰ্বশাস্ত্রের সার, বোঝা আর না বোঝা তাতে কিছু যায় আসে  
না । কাব্যের মধ্যে রঘুবংশের কয়েক সর্গ বই আর বেশীদূর এগোয় নি । আমি  
ষতদিন বিজ্ঞানস্বায়ের কাছে সংস্কৃত শিখেছিলুম, ততদিন যদি আর একজন ভাল  
পণ্ডিতের কাছে,—ওকথা থাক্ আর শুকনিলা করব না । তাঁর নিকট শিক্ষায় আমার  
একটা লাভ হয়েছিল স্বীকার করতেই হবে । সংস্কৃত ভাষায় বিস্তৃত উচ্চারণ এক  
প্রকার আয়ত্ত করে নিয়েছিলুম । কাশীতে সংস্কৃত অধ্যয়নের ফলে আর কিছু না  
হোক তাঁর ঐটুকু পাণ্ডিত্য—ঐ উচ্চারণ শুদ্ধিটুকু উপার্জিত হয়েছিল, আর তাঁর  
ছাত্রও অল্পবিস্তর তার ফলভাগী হয়েছিল । বাঙ্গলা দেশে সংস্কৃত উচ্চারণ যে কি  
বিকৃত তা সকলেরই জানা আছে, সে উচ্চারণ ত আমার কাণে তারি অপ্রাণ্য  
ঠাকৈ । আমাদের মধ্যে বড় বড় দিগ্‌গজ পণ্ডিতদেরও উচ্চারণ শুনে মাথা হেঁট  
করতে হয় । আমাদের যেমন একপ্রকার ‘বাবু’ ইংরিজি আছে যা নিয়ে ইংরাজেরা  
কিঙ্গপ করে, তেমনি ‘বাবু’ সংস্কৃত উচ্চারণ শুনে না জানি তৈলঙ্গী বা মহারাষ্ট্রীয়  
পণ্ডিতেরা কি মনে করেন ! সংস্কৃত কালেজের একজন ভূতপূৰ্ণ অধ্যাপকের সহিত  
আমার এই বিষয়ে কথা হয় । আমি বিনীতভাবে নিবেদন করেছিলুম যে, কালেজের  
বিভাগীদের বিস্তৃত সংস্কৃত উচ্চারণ শেখাবার একটা ব্যবস্থার প্রয়োজন । তিনি

আমার একথা হট করে উড়িয়ে দিলেন। বল্লেন, এদেশে যে উচ্চারণ চলিত তাই ঠিক—মেডুয়াবাদীদের কাছে আমরা আবার উচ্চারণ কি শিখব? আর কোন্ প্রদেশকেই বা উচ্চারণের মানদণ্ড বলে গ্রহণ করা যেতে পারে?’

কিন্তু এ তর্কের মীমাংসা গায়ের জোরে হয় না। সংস্কৃতের কোন্ বর্ণের কি উচ্চারণ তা পরীক্ষা করবার অনেক উপায় আছে, আর সে পরীক্ষায় বাঙ্গলা-সংস্কৃত উচ্চারণের ভ্যাঙ্গাল ধরা পড়বেই। “ভাষা বিজ্ঞানের পারিপাট্যে সংস্কৃত অতুলনীয়। ভাষায় যতগুলি উচ্চারণ ঠিক ততগুলি বর্ণ সংস্কৃত বর্ণমালায় স্থান পাইয়াছে। প্রত্যেক বর্ণের একটিমাত্র নির্দিষ্ট উচ্চারণ।” কিন্তু এদেশে আমরা কি সংস্কৃত বর্ণের যথা-নির্দিষ্ট উচ্চারণ রক্ষা করি? তা ত নয়। আমরা বগীয় জ, অন্তহ্য য, ছই ব, মূর্দ্ধণ্য ণ, দন্ত্য ন, তালব্য মূর্দ্ধণ্য ও দন্ত্য স এই সকল ভিন্ন ভিন্ন বর্ণের উচ্চারণে কোন প্রভেদ মানি না। যুক্তাক্ষরে প্রতি বর্ণের পৃথক উচ্চারণ না করে বাঙলা ধরনে এক বিকৃত উচ্চারণ করে থাকি; যথা—

কৃষ্ণ ( ষ্ণ ) = ক্রিষ্ট। আত্মা = আত্মা।

স্নান = স্তান। ক্ষীর ( ক্ষীর ) = ক্ষীর ইত্যাদি।

অন্ত্যস্থ ‘য’ পৃথক উচ্চারণ বাঙ্গলায় আদৌ নাই, যুক্তাক্ষরেও নহে। সংযুক্তবর্ণে ‘য’কারের উচ্চারণ হয় না—যে অক্ষরে সংযুক্ত থাকে তার বিকৃতির মত উচ্চারণ হয়, যেমন—

সত্য = সত্ত। বাণ্ড = বান্দ ইত্যাদি।

বাঙ্গলার অনেক স্থলে ‘অ’কারের উচ্চারণ প্রাকৃত হ্রস্ব ‘ও’কারের মত, যথা—অরি অসি ইত্যাদি। সংস্কৃত উচ্চারণের বেলাতেও আমরা এই নিয়ম অনুসরণ করি। বাঙ্গলা উচ্চারণের নিয়ম সংস্কৃত উচ্চারণে আরোপিত হয় বলে এখানে সংস্কৃতের উচ্চারণ এরূপ দূষিত হয়েছে। তাই বলছি সংস্কৃতের মত ঠিক উচ্চারণ করতে হ’লে আমাদের রীতিমত সংস্কৃত উচ্চারণ শিক্ষার প্রয়োজন। একথা সত্য যে ভারতবর্ষের অগ্রাগ্র প্রদেশে সংস্কৃত উচ্চারণের বিশুদ্ধতা কোন কোন অংশে নষ্ট হয়েছে, কিন্তু এ বিষয়ে বাঙ্গলা দেশের কাছে আর সকলকেই হার মানতে হয়। এদেশে সংস্কৃত উচ্চারণ যেকোন বিকৃতি ধারণ করেছে এমন আর দেখি নাই। বারাণসী বল, দাক্ষিণাত্য বল, এ সকল স্থানের যে কোন পণ্ডিত হোন তাঁদের উচ্চারণ যে আমাদের তুলনায় বিশুদ্ধ সে বিষয়ে কোন সন্দেহ নাই। দু’একটি ব্যতিক্রম থাকতে পারে; যেমন মহারাষ্ট্রে দেখেছি ‘দ’ এ ‘ন’এ ‘জ’র উচ্চারণ হয়; কিন্তু সেগুলি ধর্মব্যবহার মধ্যে নহে। অতএব এ ক্ষেত্রে আমরা নিশ্চয়ই ওসকল স্থানের সংস্কৃতজ্ঞদের গুরুস্থানীয় বলে মেনে নিতে পারি। সে যা হোক, আমার মনে হয় বঙ্গদেশে সংস্কৃতের উচ্চারণ-সংস্কার

নিতান্তই প্রয়োজনীয় হয়ে উঠেছে এবং আমাদের সংস্কৃতাহুবাগী বিশ্বব্রহ্মাণী এবিষয়ে মনোযোগ করুন, এই আমার সবিনয় নিবেদন।

বিদ্যালয়কার মহাশয়ের নিকট-সংস্কৃত সাহিত্যে আমার যা কিছু জ্ঞানলাভ হয়, সিভিল সার্ভিস পরীক্ষায় সেই বিজ্ঞানটুকু আমার বিলক্ষণ কাজে এসেছিল। আমার সময় সংস্কৃত ও আরব্য ভাষায় ৫০০ মার্ক পূর্ণমাত্রা নির্দ্ধারিত ছিল। এই ৫০০ মার্কের মধ্যে আমি সংস্কৃতে ৩৫০-এরও উপর পেয়েছিলুম। আমার পরীক্ষক ছিলেন ভট্ট যোক্ষমূল্য। তিনি আমাকে যথেষ্ট স্নেহ করতেন। বোধ করি আমার লেখা পরীক্ষা করবার সময় আমার কাগজটার উপরে একটু সদয়ভাবে চোখ বুলিয়েছিলেন, নইলে অত উচ্চ লংখ্যা পাবার আমার আশা ছিল না। আমি সিভিল সার্ভিস পরীক্ষায় ল্যাটিন গ্রীকের পরিবর্তে আমাদের দুই Classic—সংস্কৃত ও আরব্যক নিয়েছিলুম। ওখানকার ছাত্রদের নিজের ভাষায় অথবা ওদের চিরাভ্যন্ত ল্যাটিন গ্রীক ভাষায় যদি আমাকে পরীক্ষা দিতে হ’ত আর আমাদের ক্লাসিকসর তালবেতালরূলে যদি আমার সহায় না থাকত তাহলে ঐ পরীক্ষায় আমার জয়লাভের কোন সম্ভাবনাই থাকত না।

### ঈশ্বরচন্দ্র নন্দী

Oriental Seminary-র হেড মাষ্টার ঈশ্বরচন্দ্র নন্দী আমাদের ইংরাজি শিক্ষক ছিলেন।—ধীর শাস্ত্রপ্রকৃতি, সুবিদ্বান—তার কি এক মোহিনী শক্তি ছিল আমরা সহজেই তাঁকে মনে চলতুম, আমাদের উপর তাঁর কোন জোর জবরদস্তী করতে হ’ত না। আমাদের কাছে তাঁর ডাক-নাম ছিল কেবলমাত্র “Sir—‘Sir’ এসেছেন তখনলেই আমরা গিয়ে হাজির। বিদ্যালয়ে আমাদের যে সকল পাঠ্য পুস্তক ছিল তা ছাড়াও তিনি আমাদের অনেক বই পড়তে দিতেন। তার মধ্যে উল্লেখযোগ্য—Gibbon’s Decline and Fall—‘রোম রাজ্যের অবনতি ও পতন’ যার পত্র পত্র ঘোরতর রাষ্ট্র-বিপ্লব, রোম সম্রাটের অমাহুতিক কাণ্ডকারখানা—গিবনের যুদ্ধজগন্ময় ভাষায় পড়ে স্তম্ভিত হ’তে হ’ত। এতদ্বিন্ন ইংরাজি প্রবন্ধাদি লেখা, বক্তৃতাди অভ্যাস করা, এ সকলের প্রতিও তিনি মনোযোগ দিতেন। যাতে আমাদের ইংরাজি ভাল বলবার ক্ষমতা জন্মে সেই উদ্দেশ্যে তিনি আমাদের জন্য এক বক্তৃতা-সমিতি স্থাপন করেছিলেন; প্রতি সপ্তাহে তার অধিবেশন হ’ত এবং পৃথিবীর প্রধান প্রধান ঐতিহাসিক ঘটনা—নেপোলিয়ন প্রভৃতি মহা মহা বীরদের বীরত্ব-কাহিনী অবলম্বন করে আমরা বড় বড় তর্কবাক্তি একত্র হয়ে বাগ্মিতা ফলাবার চেষ্টা করতুম। সর্বশেষে সভাপতি

মহাশয় আমাদের তর্কবিতর্কের স্বন্দর মীমাংসা করে দিতেন। এই সভার কার্য অনেক দিন বেশ নিয়মপূর্বক চলেছিল। মাষ্টারমশায়ের প্রতি আমাদের প্রগাঢ় ভক্তি ভালবাসা ছিল, তিনিও পিতার স্থায় আমাদের সর্বদাক্ষীণ উন্নতিসাধনে যত্নবান ছিলেন। তাঁর শিক্ষাশুণে আমি ঐ সময়ে প্রেসিডেন্সি কলেজের কোন এক সভায় “প্রাচীন ভারতের রণনীতি” বিষয়ক একটি ইংরাজি প্রবন্ধ পাঠ করি—কেশবচন্দ্র সেন সেই অধিবেশনে একজন প্রধান বক্তারূপে উপস্থিত ছিলেন।

সাত বৎসর বয়সে আমি হিন্দু স্কুলে ভর্তি হই, তখন তার নাম ছিল ‘হিন্দু কলেজ।’ প্রথম দুই বৎসর একাদিক্রমে দুইটি প্রাইজ পাই—দ্বিতীয়খানি সচিব Robinson Crusoe—বালকের পক্ষে এমন সুপাঠ্য পুস্তক আছে কি না সন্দেহ। দুবৎসর পরে বনমালী বাবুর ক্লাসে উঠি। তিনি একজন অতি কঠোর প্রকৃতির মাষ্টার ছিলেন। ছেলেদের উপর বড়ই উৎপীড়ন করতেন, সব চেয়ে যে স্থূল বালক সেও তাঁর প্রচণ্ড চপেটাঘাত এড়াতে পারত না। বন্ধুবর তারকনাথ পালিত তাঁর চপেটাঘাতে একবার ঘুরে পড়ে গিয়েছিলেন। আমরা তাঁকে যমের স্থায় ভয় করে চলতুম—যমদূতের মত তাঁর সেই ভীষণ কৃষ্ণমূর্তি মনে করলে এখনো ভয় হয়।

### তারকনাথ পালিত

বনমালী বাবুর ক্লাসে আমার পড়াশুনা কেমন হ’ত মনে নাই কিন্তু একটি জিনিসের জন্তে সে বৎসরটি আমার চিরস্মরণীয় থাকবে—সে কি না বন্ধুলাভ। আমার মহাধ্যায়ী শিক্ষার্থীদের মধ্যে আমি যে একটি বন্ধুরত্ব পেয়েছিলুম তিনি আমার চিরজীবনের সঙ্গী হয়ে রইলেন। ছেলেবেলায় তিনি আমাকে কত ভালবাসতেন, আমাকে ভাল ভাল পাখরা—লব্ধ মুক্কী লোটন গলাফোলা এনে দিয়ে কত রকমে আমাকে স্থূল করবার চেষ্টা করতেন, স্কুলে ও বাড়ীতে সর্বদাই আমরা মাণিক জোড়ের মত এক সঙ্গে থাকতুম। আমার ছেলেবেলাতে একবার এমন বাত হয়েছিল যে চলতে কষ্ট হ’ত—তখন তাঁর কাঁধে ভর দিয়ে দিয়ে চলতুম। বড় হয়ে যখন তাঁর কাছ থেকে বিচ্ছিন্ন হয়ে পড়লুম তখনো আমরা বন্ধুত্বস্থজে বাঁধা। আমি বিলাত যাই ১৮৬০ খৃষ্টাব্দে, বয়স তখন ১২; বিলাতে থাকতে আমাদের পত্র ব্যবহারে কোনদিন ক্রটি হয়নি। যখন আমি বোম্বায়ে কাজ আরম্ভ করি তখনও তারক বিলাত যাননি। তিনি বিলাত যান—আমি বিলাত থেকে ফিরে আসার বছর দুই পরে—১৮৬৭ খৃষ্টাব্দে। ব্যারিষ্টার হয়ে দেশে ফিরে আসতে আসতেই প্রায় তিনি ব্যারিষ্টারীতে

প্রতিপত্তি লাভ করেন। আমি যখন বিদেশে কর্মস্থলে তখন তিনি এখানে থেকে আমাদের বিষয়-কর্ম সংক্রান্ত সকল বিষয়ে পরামর্শদাতা ও সর্বতোভাবে হিতচিন্তক ছিলেন। আমাদের পরিবারের সবাইকে আপনার মত করেই দেখতেন। তাঁর ভালবাসার চিহ্নসকল আমার জীবনময় ছড়ানো রয়েছে আর তাঁর কাছ থেকে সময়ে অসময়ে যে সকল উপকার পেয়েছি তার জগু আমি তাঁর নিকটে চিরঋণী। আমার জীবনের উপর দিয়ে কতশত ঘটনা গিয়েছে, অবস্থার কত পরিবর্তন হয়েছে, কত লোকের সঙ্গে আলাপ পরিচয় বন্ধুতা হয়েছে যাদের নাম স্মৃতি মাত্রই রয়ে গিয়েছে, কিন্তু এই যে বন্ধুতার কথা বলছি এ এখনো পর্যন্ত অক্ষুণ্ণ রয়েছে।

আমি যাঁর কথাগুলি এই লিখছি আমার সেই প্রিয়স্বহৃৎ এ সময়ে রোগশয্যা় শয়ান। ৫, ৬ বৎসর পরে তিনি উৎকট পীড়ায় কষ্ট পাচ্ছেন কিন্তু পীড়ার যন্ত্রণায় তাঁর স্বাভাবিক স্মৃতি কখনো গ্লান হ'তে দেখিনি। কোন দিন একটু ভাল কোন দিন মন্দ, এই উত্থানপতনের মধ্যে তিনি ধীরভাবে দিনযাপন করছেন। এই দুঃখ কষ্টে তাঁর ধৈর্য অসীম, তাঁর বীর্য ও সাহসের হ্রাস নাই। তাঁর কি রোগ, চিকিৎসার কি কি প্রয়োজন, তিনি এ সকলি তন্ন তন্ন করে জেনেছেন আর ডাক্তারেরা ঔষধ পথ্য যা কিছু ব্যবস্থা করেন, যাতে তার তিলমাত্র ব্যতিক্রম না হয় তিনি নিজেই তার তত্ত্বাবধান করেন। বলতে গেলে তিনি আপনিই আপনার চিকিৎসক, আপনিই আপনার ধাত্রী। একজন ইংলওপ্রবাসী বন্ধু এদেশে এসে তাঁর এই অবস্থা দেখে বলছিলেন, “ভারক যেন যমের সঙ্গে যুদ্ধ করছেন”—সত্যই করছেন—যমের সঙ্গে যুদ্ধ করেই তিনি এতদিন পর্যন্ত জীবিত রয়েছেন।

ডাক্তার Lukis বলতেন, “পালিত কেবল তাঁর Will-power-এর জোরে বেঁচে আছেন—আমাদের ডাক্তারি শাস্ত্রের সবই যেন উল্টে দিয়েছেন।”

মৃত্যু আত্মক তাতে তাঁর কোন ভয় নাই, কেবল ভয় এই যে, যে মহাৎকার্য সমাধা করতে তিনি উৎসুক, পাছে মৃত্যুতে সে কাজের কোন ব্যাঘাত হয়। তিনি তাঁর ষোপার্জিত প্রভূত ঐশ্বর্য দেশের কল্যাণরূপে উৎসর্গ করেছেন, তা কারো অবিদিত নাই। আমাদের দেশে যাতে বিজ্ঞান-শিক্ষার প্রচার হয়, বিজ্ঞান-বলে যাতে কৃষিশিল্পের উন্নতি এবং ঐ সঙ্গে দেশীয় লোকের অর্থোপার্জননের সহস্র দ্বার উন্মুক্ত হয়, এই তাঁর আন্তরিক ইচ্ছা। তিনি প্রথমে তাঁর ধনবল একত্র করে জাতীয় শিল্পবিদ্যালয় প্রতিষ্ঠার সহায়তা করেন, পরে যখন সেই বিদ্যালয়ের ব্যবস্থা তাঁর মনঃপূত হ'ল না, তার স্থায়িত্বের প্রতি সন্দেহান হ'লেন তখন সেখানকার দান উঠিয়ে নিয়ে বিশ্ববিদ্যালয়ে বিজ্ঞান-কলেজ সংস্থাপন উদ্দেশে নূতন দান ব্যবস্থা করলেন—সামান্য দান নয় স্থাবর সম্পত্তি ছিলে সাড়ে সাত লাখ টাকারও উপর। দানপত্রের

ব্যবস্থা ছু কথায় এই যে, প্রস্তাবিত বিজ্ঞান-কলেজে—পদার্থ-বিজ্ঞা ও রসায়ন-বিদ্যা এই দুই বিভাগ দুইটি আসন প্রতিষ্ঠিত হবে—এই প্রথম। দ্বিতীয়, ইহাও বিশেষরূপে উল্লেখযোগ্য যে এই শিক্ষাকার্য্যে দেশীয় লোকেরাই অধ্যাপকের পদে নিযুক্ত হবেন। যদি তাঁদের যোগ্যতা অর্জনের নিমিত্ত বিদেশে শিক্ষালাভ করা আবশ্যক হয় তাহলে এই ব্যবস্থাপত্রের কর্তৃপক্ষদের বিবেচনায় যাহা ধার্য্য হয় সেইরূপ শিক্ষা দিবার ব্যবস্থা করা হবে। কিছুদিন পূর্বে এই নিয়মগুলি লিপিবদ্ধ ও দানপত্র গঠিত করে বিশ্ববিদ্যালয়ে সমর্পিত হয়েছিল। সম্প্রতি আবার প্রায় আরও আট লক্ষ টাকার বিষয় তিনি লেখাপড়া করে সেনেটের হাতে সমর্পণ করেছেন। এই শুভকার্য্য সুসম্পন্ন করে এখন তিনি নিকষ্মিণ মনে তাঁর শেষ দিন প্রতীক্ষা করে রয়েছেন, ভৃত্য যেমন মাসের শেষে আপনার বেতন প্রতীক্ষা করে থাকে—“কালমের প্রতীক্ষিত নির্দেশং ভৃতকো যথা।”

এই বিরাট দান উপলক্ষে যুনিবারসিটির Vice-Chancellor মহোদয় বলেছেন :—“প্রেমচাঁদ রায়চাঁদ, প্রসন্নকুমার ঠাকুর, গুরুপ্রসন্ন ঘোষ, দ্বারবন্ধাধিরাজ প্রভৃতি মহাত্মাগণ বিশ্ববিদ্যালয়ে লাখে লাখে টাকা দান করিয়া আমাদের গৌরবের পাত্র হইয়াছেন সত্য কিন্তু তারকনাথ পালিত মহাশয় তাঁর এই অপমাত্র্য বদান্ততাপ্রণে আর লকলকে পরাস্ত করিয়া এই দাতৃমণ্ডলীর শীর্ষস্থানীয় হইয়া রহিলেন।”

ছেলেবেলা থেকেই তারকনাথ পালিত তেজস্বী, এইখানে তাঁর বাল্যকালের তেজস্বিতার একটি পরিচয় প্রদান করি। আমরা দুই বন্ধু প্রেসিডেন্সি কলেজ থেকে মেডিকেল কলেজে কেমিস্ট্রীর লেকচার শুনতে যেতুম। একদিন প্রোফেসর আসার আগে আমরা দুজনে একটু চেষ্টায় কথা কচ্ছিলুম। মেডিকেল কলেজের একজন ফিরিকীর বাচ্ছা তাইতে রুডস্থরে বলে—“This is not a Bazar. Don't make such a row”—তারক তাই শুনে ভারী রেগে উঠলেন আর বেশ হুকথা শুনিষেও দিলেন। তখনই প্রোফেসর আসায় তখনকার মত বিবাদটা এখানেই থেমে গেল, কিন্তু লেকচার হয়ে যাবার পর ৫৬ জন ফিরিকীপুত্রব দল বেঁধে তাঁকে আক্রমণ করতে এল, তিনি তাতে ভয় না পেয়ে দেওয়ালের দিকে পিঠ করে সর্ক্যাগ্রে দলপতিকে এক ঘুসি বসিয়ে দিলেন। তখন চেলাগণ হাঁ হাঁ করে তাঁর উপর এসে পড়লো, ৪৫ জনে মিলে তাঁকে কিল চড় বর্ষণ করতে লাগলো। কিন্তু আমার বন্ধুটি ত কিছুতে দমবার পাত্র নন, তাহলে তিনি আজ এই দেশপুঞ্জ তারকনাথ পালিত হ'তে পারতেন না। তিনি দুই হাতে শত হস্তের ব'ল ধরে তাদের উপর ঘুসি চড় কিল বর্ষণ করতে ছাড়লেন না। খুব মার খেলেন সত্য—কিন্তু মারতেও কিছুমাত্র কস্বর করেন নি। আসলে যে তাঁরই জয় লাভ হল একথা মুক্ত কণ্ঠে স্বীকার করতে

হবে। কিন্তু তার পর দিন আমাদের প্রেসিডেন্সি কলেজের ছাত্রেরা এই খবরে ভারী রেগে গেল। রমানাথ নন্দী বলে একজন ছোকরা আমাদের দলের চাই হয়ে Awake, arise or be for ever fallen—এই লাইনটা কাগজে লিখে সকলকে উত্তেজিত করতে লাগলো। পর দিন দল বেঁধে মারামারি করতে যাওয়া ঠিক হয়ে গেল। তারক প্রথমটা এতে অমত করলেন, বলেন, কার্যক্ষেত্রে তারাও মেরেছে আমিও মেরেছি। শোধবোধ হয়ে গেছে—আবার এরকম সেজেগুজে মারামারি করতে যাওয়াটা ঠিক হবে না। কিন্তু সকলে যখন স্থির করলে যে, না, মারতেই হবে তখন তিনিও আশ্রয়ান হয়ে দাঁড়ালেন। তার পর যখন দেখা গেল ফিরিঙ্গী অনেক তখন সর্বাগ্রে আমাদের উত্তেজক মহাশয় বণে ভঙ্গ দিলেন ; অনেকেই তার অহসরণ করলে,—আমরা যে দুতিন জন শেষ পর্যন্ত অটল ছিলাম তার মধ্যে ভৈরব ঝাড়ুঘো একজন। তিনি আমাদের একজন অন্তরঙ্গ বন্ধু ছিলেন। আসলে হার হ’ল আমাদের এই দ্বিতীয় দিনে, এদিনে তারক খুবই মার খেয়েছিলেন। তবুও ফিরিঙ্গীরা তাকে apology করতে পারেনি। তাদের এ প্রস্তাবে তিনি বলেছিলেন, “আমি মরে যাব তবু apology করব না।”

প্রেসিডেন্সি কলেজের প্রিন্সিপ্যাল তখন ছিলেন সার্ভিক সাহেব, তিনি আমাদের খুব ভালবাসতেন। মেডিকেল কলেজের প্রিন্সিপ্যাল ইটুয়েল তাঁকে লিখে পাঠালেন যে, আমরা দল বেঁধে মেডিকেল কলেজের ছোকরাদের মারতে গিয়েছিলুম। প্রিন্সিপ্যালের কৈফিয়ৎ তলবে তারক তখন সমস্ত খুলে বলেন। সেই ফিরিঙ্গী কি রকম রুঢ় ব্যবহার করেছিল—যা থেকে এই মারামারির উৎপত্তি—একলা তাঁকে তারা ৬৫ জন মিলে কি রকম আক্রমণ করেছিল—সব শুনে সার্ভিক সাহেব নেপথ্যে বলেন—Served him right—, যাহোক প্রকাশ্যে দুজনেরই জরিমানা হয়ে মামলা মিটমাট হয়ে গেল।

আর কয়েক বৎসর পরে হিন্দু স্কুল থেকে কিছুকালের জন্তে St. Pauls’ School এ গিয়ে ভর্তী হই। সেখানে ইংরাজ ফিরিঙ্গী আরমানী ছেলেরা আমার সহাধ্যায়ী ছিল ; তাদের সঙ্গে যে, সকল সময়ে মিলে মিশে সন্তোষ থাকতুম তা বলতে পারি না, কখন কখন টকরাটকরি খুসোখুসিও হ’ত। এই রকম স্বস্তির কথার আমার মনে আছে। একটি ছেলের সঙ্গে আমার হাতহাতি ব্যাপারের কথা Rector-এর কাণে গিয়েছিল। কার দোষ সে বিষয় অহসজ্ঞান না করেই বোধ করি আমাকেই প্রথমটা তিনি দোষী বলে সাব্যস্ত করে থাকবেন। কেননা আমাদের কিছু আগে একটা পরীক্ষা হয়ে গিয়েছিল তাতে আমার যে প্রাইজ পাবার কথা ছিল তা বন্ধ করবেন বলে শাসিয়েছিলেন, কিন্তু প্রকৃত পক্ষে আমার সেরূপ কোন



শাস্তি হয় নাই। আমি ইংরাজি সাহিত্যে বেশ ভাল রকমই পরীক্ষা দিয়েছিলুম। Goldsmith-এর একটি সেট বই তাতে প্রাইজ পাই। আমার ক্লাসে ছেলের সন্তুষ্ট করবার এক সহজ উপায় ছিল—তাদের মসলা বিতরণ করা। আমার পকেটে স্থপারি এলাচ লবঙ্গ প্রভৃতি মসলা থাকত, তাই খেতে তারা খুব ভালবাসত, কাজেই আমার সঙ্গে তাদের ভাব রাখতে হ’ত। মাষ্টারেরাও আমাকে ভালবাসতেন—Pridham সাহেব আমাকে বড় অনুগ্রহ করতেন—তাঁর ঘরে নিয়ে গিয়ে আমাকে ছবি দেখাতেন আর তিনি নিজে যখন ছবি আঁকতেন তখন আমি বসে বসে দেখতুম। অক্সফোর্ড ছেলের মত মাষ্টারদের কাছ থেকে আমাকে বেত্রাঘাত সহ্যেতে হ’ত না। এক একটা মাষ্টার ভয়ানক গোঁয়ার ছিল—ছেলেরা তাঁর বেত্রাঘাতের ভয়ে সর্বদাই সশঙ্কিত থাকত। আর দুই একটি ছেলের প্রতি তাঁর বিশেষ ক্রোধকটাক্ষ দেখতুম, তাদের প্রতি অকারণ অত্যাচার দেখে আমার ভারি কষ্ট হ’ত। বেচারাদের পিঠের চামড়া বোধ করি কোনখানে অক্ষত ছিল না।

সেটপল ছেড়ে পুনর্ব্বার হিন্দু স্কুল। সেখান থেকে প্রবেশিকা পরীক্ষায় উত্তীর্ণ হবার পর প্রেসিডেন্সি কলেজে প্রবেশ করি।

### রামচন্দ্র মিত্র

কলেজে আমাদের যে সব শিক্ষক ছিলেন তাঁদের মধ্যে রামচন্দ্র মিত্র উল্লেখযোগ্য। তাঁর কাছে আমরা শ্রীমাচরণ সরকারের বাঙ্গালা ব্যাকরণ ও অক্সফোর্ড বাঙ্গালা বই পড়তুম। তাঁর সম্বন্ধে অনেকগুলি প্রবাদ আছে; অনেকগুলি অদ্ভুত অদ্ভুত ঘটনাও আমাদের স্বচক্ষে দেখা;—তাঁর চেহারা ধরণ ধারণ সকলি কৌতুকবহ। কোন বড় লোকের সঙ্গে আলাপ করতে হ’লে পায়ে পা ঠেকিয়ে ‘I beg your pardon’ বলে ক্ষমা প্রার্থনা করা হ’ত; সেই আলাপের সূত্রপাত। ক্লাসের ছেলেরা দুই মিনি করে অনেক সময় তাঁকে জ্বালাতন করত কিন্তু কোন ছেলের প্রতি কিরূপ ব্যবহার করতে হবে—কোথায় নরম কোথায় বা গরম—তা তাঁর পাকা জ্ঞান ছিল। পাড়ারগৈয়ে ছেলের উপর তাঁর ভারি আক্রোশ, কেননা তিনি বেশ জানতেন তারা মুখের উপর কোন জবাব করতে সাহসী হবে না। অথচ অল্প অব্যাহা দুই ছেলে যাদের এক কথা বললে মুখের উপর দুকথা শুনিয়ে দেবে তাদের প্রতি অতি মন্থ ব্যবহার। ‘শক্তের ভক্ত নরমের গরম’ তাঁর সম্বন্ধে অবিকল খাটত।

একদিন আমাদের ক্লাসের একজন পাড়ারগৈয়ে ছেলে পাঠ্য বই আনেনি এই নিয়ে

তিনি তার প্রতি মহা খাল্লা হয়ে কটুকাটব্য বর্ষণ করছেন দেখে তারক বলেন, “ওকে ও বকম গালাগালি দিচ্ছেন কেন ? ও কি করেছে ? জানেন আমরা ফাট ইয়ার ক্লাসে পড়ি।”

তখনই তিনি নরম হয়ে অতি মৃদুস্বরে বলেন—“ও বই আনিনি তাই শাসন করলুম।” তারক উত্তর করলেন, “আমিও ত বই আনিনি আমাকেও কি ঐ বকম করে শাসন করবেন ?” রামমিত্র বলেন (মৃদুস্বরে) “ওঃ তুমি বই আনিনি—তা পাশের ছোকবার বই দেখে পড়।”

ছেলেরা যখন তারি গোল করেছে কিছুতেই বাগ মানে না তখন তিনি তাদের খামাবার একটি বিচিত্র উপায় অবলম্বন করতেন। নানা বকম মুখভঙ্গী করে কেদারা থেকে উঠে বোর্ডে খড়িতে বড় বড় অক্ষরে লিখতেন Silence ! Silence ! Silence ! চূপ চূপ চূপ ! তার পর চৌকিতে বসে বলতেন, “এখন কে গোল করবে কক্ক ক দেখি !”

আমরা বিজ্ঞাপিকার প্রণালী অনেক বকম শুনতে পাই, ওবিষয়ে নানা নুনির নানা মত—কিন্তু রামমিত্রের শিক্ষাপ্রণালী সম্পূর্ণ নূতন, আর কারো সঙ্গে তার তুলনা হয় না। দুএকটি নমুনা দিচ্ছি :—

পৃথিবী গোল কি করে মনে রাখতে হয় ? বসগোলা খেতে খেতে তার গোলাকার ধ্যান করা।

ভূগোল শেখার সহজ উপায় কি ? ট্রান্সার্টের জিওগ্রাফিখানি ২০ আনা মুখস্থ করা—লেখার সময় চার আনা ভুলে গেলেও—১৬ আনা মনে থাকবে।

Composition ভাল লিখতে হয় কি করে ? ভাল ভাষায় প্রকৃতি বর্ণনা করতে গেলে সুশীতল সমীরণ এই দুটি কথা লিখতে হবে। তবে যেখানে সাধুভাষা মনে না আসে সেখানে ‘ঠাণ্ডা বাতাস’ বলিয়ে দেবে। কলসের স-টা কোন্ স যদি মনে না থাকে তাহলে সেখানে ‘ঘট’ শব্দটা করলেই ল্যাটা চুকে যাবে। ইত্যাদি ইত্যাদি।

একবার পরীক্ষা দেবার সময় কোন ছাত্র তাঁকে জিজ্ঞাসা করেছিল—মশায় এই বইটার কোন্ কোন্ অংশ ভাল করে দেখে রাখা চাই, আমাকে বলে দিন।

উত্তর—(খানিকক্ষণ চিন্তা করিয়া)

Mark the first page ! Mark the second page !!

বলতে বলতে বইটার কোন ভাগই বাদ গেল না, সে বেচারী ‘ছেড়ে দে যা বেঁধে গাটি’ বলে প্রস্থান করলে।

রামমিত্রের নামে অনেক গল্প আছে, আর কত বলব। কেশবচন্দ্র তাঁর নকল

কল্পতে বিলক্ষণ পটু ছিলেন। কেশববাবু রামমিত্রের সম্বন্ধে একটি গল্প বলতেন, সেটি হচ্ছে এই :—

একদিন রামমিত্র ছেলেদের বটানিকাল গার্ডেনে বেড়াতে নিয়ে গেছেন। বাগানের মধ্যে যে একটা গাছের ঘর আছে সেইখানে তাঁর দলবল নিয়ে তিনি যেমন প্রবেশ করেছেন—অমনি সেখানে উপস্থিত একটা রক্ষ মেজারের ইংরাজ বেগে তাঁকে সম্বোধন করলে—“Who the devil are you ?” তিনি ভীত হয়ে বলেন—“Professor Ram Chandra Mittra, Professor Presidency College—”

আমরা সকলে একবার সিংহলে ব্যাড়াতে গিয়েছিলুম। ষ্টীমারে আমাদের সঙ্গে ছিলেন কেশববাবু আর কালিকমল গাঙ্গুলী বলে একটি আমুদে মজলিসী লোক,—‘কোলাই কোমল গাঙ্গুলী’ বলে আপনার পরিচয় দিতেন। সমুদ্রের উপরে রামমিত্রের গল্প আমাদের এক প্রধান খোরাক ছিল। সে সব কথা শুনে হাসতে হাসতে আমাদের নাড়ী ছিঁড়ে যেত।

‘কোলাই কোমল’ শেষে আমাদের ভাষি মুঞ্চিলে ফেলেছিলেন। দেশে ফেরবার সময় তিনি কি একটা কাজের ছুতো করে বোটে উঠে ডাক্তার নেমে গেলেন। এই আসছি বলে কোথায় যে অন্তর্ধান হলেন তার আর কোন সন্ধান পাওয়া গেল না। তাঁকে ছেঁড়ে ষ্টীমার চলে গেল। তার ছ এক-সপ্তাহ পরে তবে কলকাতায় আবার তাঁর দেখা পাই।

### বিলাত যাত্রা

প্রেসিডেন্স কলেজ থেকে আমার বিলাত যাত্রা। আমি কখনও স্বপ্নেও যা ভাবি নাই আমার ভাগ্যে তাই ঘটল। আমাদের জীবনে পদে পদে দেখা যায়—দৈবের কি বিচিত্র গতি! এক একটা অদৃষ্টপূর্ব আকস্মিক ঘটনা এসে কত সময় আমাদের জীবনশ্রোতকে কোন্ এক অজ্ঞাত নূতন পথে যেন বলপূর্ব্বক টেনে নিয়ে যায়—যার পূর্ব্বভাস কিছুই পাওয়া যায় নাই। আমার জীবনে এ কথা সপ্রমাণ দেখতে পাই। আমি বাল্যকালে একভাবে শিক্ষিত হচ্ছিলুম, আমার জীবন একভাবে গঠিত ও নিয়মিত হচ্ছিল, দৈবঘটনার কোন এক বন্ধু-মিলনে সে সমস্তই উটে গেল, আমার জীবন-প্রবাহ অল্প দিকে বিবর্তিত হ’ল। সেই বন্ধুর মন্ত্রণায় আমার বিদেশযাত্রা, ইংলণ্ডে গিয়ে সিভিল সার্কিসের পরীক্ষা দেওয়া ইত্যাদি কারণে আমার পূর্ব্ব-নির্দিষ্ট জীবনের সম্পূর্ণ পরিবর্তন ঘটল।

বাল্যকাল হ'তে ব্রাহ্মসমাজের সঙ্গে আমার জীবন-স্বত্ব গ্রথিত ছিল । কিন্তু অনেকদিন পর্যন্ত আমাদের এই সমাজ এমন মুহূ মন্দ গতিতে চলছিল যে, তার প্রভাব বিশেষ অনুভব করতে পারিনি । আমার পিতা সিমলা পাঁহাড় থেকে ফিরে আসবার পর এমন এক ঘটনা উপস্থিত হ'ল যাতে সেই সমাজের ইতিহাসে এক নূতন পৃষ্ঠা উদ্ঘাটিত হ'ল । সেই ঘটনা হচ্ছে কেশবচন্দ্রের সঙ্গে মিলন । কেশবের আগমনে আমাদের সমাজে নবজীবনের সঞ্চার হ'ল । তিনি কোন্ সূত্রে প্রথমে আমাদের এহু দলে প্রবেশ করলেন তা আমার বেশ মনে পড়ে । তিনি প্রথমে আমার সঙ্গে এসে সাক্ষাৎ করেন—আমি তাঁকে আমার পিতার নিকটে নিয়ে যাই । তিনি আপনাদের কুলাচার অনুসারে গুরুমন্ত্র গ্রহণ করবেন কিনা এই বিষয় নিয়ে তাঁদের মধ্যে মহা আন্দোলন উপস্থিত হয়েছিল । পিতার সহিত তিনি এই বিষয় পরামর্শ করতে আসেন । পরামর্শে স্থির হ'ল যে, এই মন্ত্রে যখন তাঁর বিশ্বাস নাই তখন তাহা গ্রহণ করা যুক্তি-সিদ্ধ নয় । মন্ত্র গ্রহণ না করাই তিনি স্থির করলেন । সেই অবধি তাঁর উপর তাঁর বাড়ীর লোকদের অত্যাচার আরম্ভ হ'ল এবং পরিশেষে তিনি সব ছেড়েছুড়ে সস্ত্রীক আমাদের বাড়িতে আশ্রয় গ্রহণ করলেন—পিতাও তাঁকে স্নেহপূর্বক আপনার পুত্ররূপে বরণ করে নিলেন । সেই সময় থেকে কেশবচন্দ্র ও তাঁর পত্নী আমাদের পরিবারভুক্ত হয়ে আমাদের বাড়ীতে কিছুকাল বাস করেন । ব্রাহ্মসমাজের সেই মধ্যাকাল ;—কেশবের প্রভাবে সমাজ এক নূতন মূর্তি ধারণ করলে । আমিও সেই উৎসাহ-তরঙ্গে গা ঢেলে দিলুম । ব্রাহ্মসমাজের বেদী হ'তে পিতার হৃদয়ভেদী প্রার্থনা ও উপদেশ, আব আমাদের রচিত নব নব ব্রহ্মসঙ্গীত মিলে সমাজে সাপ্তাহিক উপাসনার মধ্যে এক নূতন শ্রী, নূতন প্রাণ সঞ্চারিত হ'ল । আমি এই সব নিয়ে মেতে আছি এমন সময় মনোমোহন ঘোষ আমাদের বাড়ী অতিথি হয়ে থাকতে এলেন । যেন একটা বোমা আকাশ থেকে পড়ে সব ভেঙ্গে চূরে দিয়ে গেল ।

### মনোমোহন ঘোষ

মনোমোহনের সঙ্গে আমাদের পৈতৃক সঙ্ঘর্ষ । তাঁর পিতা বামলোচন ঘোষ আমার পিতামহ ষারিকানাথ ঠাকুরের পরম বন্ধু ছিলেন, ঐ বন্ধুতা সূত্রে মনোমোহনের সঙ্গে আমারও বন্ধুতা জন্মেছিল । একজন ইংরাজ মাষ্টার আমাদের পড়াতে আসতেন, তিনি মনোমোহনের সঙ্ঘর্ষে বলতেন, “An old head on young shoulders”—যুবাব ধড়ে বুড়ার মাথা । বাস্তবিক তাই । তিনি আমার চেয়ে কিছু ছোট ছিলেন, তাঁর

বয়স তখন ১৭ হবে অথচ Indian Mirror সাপ্তাহিক পত্রের সম্পাদকীয় ভার তিনি অকাতরে স্বীকার করেন। ঐ বয়সে তাঁর মাথায় Civil Service পরীক্ষার কল্পনা খেলছিল। দুঃখের বিষয় এই যে তাঁর মনের সাধ পূর্ণ হ'ল না। তিনি ভেবেছিলেন এক, বলবন্তর দৈব তাঁকে অন্য দিকে নিয়ে গেল। আমার জীবনকেন্দ্র বোম্বাই, তাঁর হ'ল বাঙালা দেশ; আমার কর্ম গবর্ণমেন্টের চাকরী, তাঁর স্বাধীন আইন ব্যবসা; তিনি যে ক্ষেত্রে জয়লাভ করলেন সেই তাঁর উপযুক্ত ক্ষেত্র, আমিও আমার উপযুক্ত কর্মক্ষেত্র পেলুম। কেবল দুঃখ রইল আমাদের একযাত্রায় পৃথক ফললাভ ঘটল।

আমাদের বিলাত যাওয়া একরকম ঠিক হয়েছে এমন সময় আমরা একদিন Botanical Garden-এ বেড়াতে যাই। পার হবার সময় একটা ষ্ট্রিমারের ধাক্কায় আমাদের নৌকা উল্টে গেল। আমি সঁতার জানতুম, নৌকার একভাগ কোনরকম করে আঁকড়ে ধরে রইলুম কিন্তু মনোমোহন নৌকার তলায় পড়ে হাবুডুবু খেতে লাগলেন, তাঁর আর উদ্ধারের কোন উপায় ছিল না। শেষে অনেক ভাকাভাকির পর পান্দুর মাঝি তাঁকে টেনে ওঠালে। আমরা কাউকে কিছু না বলে সেই ভিজে কাপড়ে আমাদের গম্য স্থানে চলে গেলুম—সেখানে কাপড় শুকিয়ে বেড়িয়ে চেঁড়িয়ে স্বাধা সময়ে বাড়ী ফিরলুম। এই বৃত্তান্ত বাবামশাইয়ের কর্ণগোচর হওয়াতে আমাদের বিলাত যাওয়া বন্ধ হবার উপক্রম হয়েছিল। তিনি বলেন, “তোমরা এখানেই আপনাদের আপনার সামলাতে পার না তোমাদের ঐ দূরদেশে পাঠান যায় কি করে? তোমাদের কেউ সঙ্গী নেই, রক্ষক নেই, আপনার উপরে নির্ভর করেই যেতে হবে, তোমরা তা পেরে উঠবে কিনা এখন আমার সম্বন্ধ হচ্ছে।” বাস্তবিক ভাবে দেখতে গেলে আমরা অসমসাহসের কাজে প্রবৃত্ত হয়েছিলুম বলতে হবে। আমরা ছুটি তরুণ-বয়স্ক বালক আর তখন ইংলণ্ডে যাওয়া এখনকার মত এপাড়া ওপাড়া নয়। Suez Canal তখন প্রস্তুত হয় নাই, Suez থেকে Alexandria পর্যন্ত রেলপথ। এই পথের সমুদায় বিঘ্নবাধা অতিক্রম করে যাওয়া আমাদের মত বালকের পক্ষে সহজ ছিল না। তখনকার কালে লোকে ‘কালাপাণি’ পার হওয়া এক অসাধ্য সাধন মনে করত—অকারণে নহে; কেননা আমাদের মধ্যে প্রথম যে দুইজন যাত্রী বান, রামমোহন রায় ও হারিকনাথ ঠাকুর, তাঁদের আর দেশে ফিরে আসতে হয় নাই। কাজেই লোকদের ধারণা ছিল যে ও-দেশে গেলে আর ফিরতে হবে না—

“The land from whose bourne  
no traveller returns”

যা হোক শেষে আমাদের যাওয়াই সাব্যস্ত হ'ল। আমি ত আমার প্রিয়জনকে

কাছ থেকে বিদায় নিয়ে অক্ল পাথারে ভেসে পড়লুম। আমার সে সময়কার একটি  
বিদায়ের গান এই :—

কেমনে বিদায় লব থাকিতে জীবন  
কোন প্রাণে চলে যাব বিজন গহন।  
কেমনে ছাড়িব তাঁরে সদা প্রাণ চাহে যারে,  
কেমনে সহিব বল বিচ্ছেদ মহন ॥  
শরীর যদিও যাবে, মন সদা হেথা রবে,  
যার ধন তারি কাছে রবে অমূল্য ॥  
দিবস ফুরায় যত, ছায়া যায় দূরে তত,  
কড়ু না ছাড়য়ে তবু পাশপ-বন্ধন ॥

আমরা পথের সমুদায় বিস্মবাধা অতিক্রম করে ভালয় ভালয় আমাদের গম্যস্থানে  
গিয়ে পৌঁছলুম, আমাদের জাহাজ Southampton বন্দরে নোঙর করবারাত্র আমার  
আত্মীয় জ্ঞানেন্দ্রমোহন ঠাকুর \* আমাদের নিতে এলেন। আমরা তাঁর সঙ্গে নগুনে  
গিয়ে তাঁর বাড়িতে উঠলুম। তাঁর জী কমলা ও ছই কন্যা আমাদের সাদরে অভ্যর্থনা  
করে ডেকে নিলেন। তাঁদের অতিথি হয়ে কিছুকাল স্থখে কাটান গেল। তাঁদের  
বাড়ী খুঁট-মিসনারিদের এক আড্ডা ছিল, তা ছাড়া সেখানকার অস্তান্ত লোকেদের সঙ্গে  
আলাপ পরিচয় করবার সুবিধা পেলুম। সেখানে Hodgson Pratt নামক একটি  
ভরতহিতৈষী মহাত্মার সঙ্গে আমাদের পরিচয় হ'ল, তিনি অভিভাবকের দ্বায় আমাদের  
অত্যন্ত যত্ন করতেন। তাঁরই পরামর্শে আমরা মাসকতক পরে Windsor-এর নিকট-  
বর্তী একটি পল্লীতে এক সম্ভ্রান্ত ইংরাজ পরিবারের মধ্যে বাস করে আমাদের পরীক্ষার  
উপযোগী পাঠাভ্যাসে নিযুক্ত রইলুম। গৃহটি ছাত্রাবাস ধরণের স্থান, আমরা ছাড়া  
আরো কয়েকজন ছাত্র ছিল। যিনি গৃহস্থামী তিনি আমাদের ইংরাজী শিক্ষক,  
সংস্কৃত, আরব্য, ক্লেঞ্চ প্রভৃতি অস্ত্র বিষয়ের জন্য অস্ত্রান্ত্র শিক্ষক নিযুক্ত ছিল। Dr.G.  
একজন কৃষ্ণ প্রকৃতির লোক ছিলেন, তাঁর জীও সেইরূপ মুখরা। বৃড় বৃড়ীর মধ্যে  
যে খুব বনিবনাও ছিল তা নয়, মাঝে মাঝে প্রায়ই খিটিখিটি চলত। তাঁদের কস্তারত্ন  
—একটি প্রাপ্তবয়স্ক কুমারী গৃহের স্ত্রীস্বরূপা ছিলেন, তিনি অনেক পরিমাণে এই  
অশান্তির প্রতিবিধান করতেন। আমাদের পড়ার মাঝে যা কিছু সময় থাকত  
তাঁরই সংসর্গে কাটাতুম। কাছে একটি ছোট্ট নদী ছিল, তাতে আমরা কেহ কেহ  
বোটে করে ব্যাড়াতে বেরতুম। মনে আছে একবার আমি কৌতুকক্রমে তাঁর মনে  
ভারি আঘাত দিয়েছিলুম। তিনি আমাকে একটি ফুল উপহার দেন—সময়ে আমার  
বুকের উপর কোটে পরিয়ে দিয়েছিলেন। দূর্ভাগ্যক্রমে ফুলটি শীঘ্র শুকিয়ে গেল।  
কে একজন জিজ্ঞাসা করলেন—“এর মধ্যে ফুল শুকিয়ে গেল—এর কারণ কি?”

আমি উত্তর দিলুম, “ভিতর থেকে রস পায়নি বলে বোচারা অত শীঘ্র মূবড়ে পড়েছে।” Miss G. মনে করলেন আমি তাঁর উপর কটাক্ষ করে এ কথা বল্লুম—যদিও আমি কেবল কথার কথামাত্র বলেছিলুম, কোনই গুঢ় অভিপ্রায় ছিল না। যা হোক আমার এই অনবধানের উক্তির দৰুণ আমি তাঁর বিরাগভাজন হয়েছিলুম—কত সাধ্য সাধনার পর তাঁর মানভঞ্জন হ’ল। এই ছাত্রাবাসে থেকে পাঠাভ্যাসে আমাদের বিস্তর খাটতে হ’ত; মাঝে মাঝে একটু বিশ্রাম নিয়ে সন্ধ্যা সকাল পৰ্বন্ত নিয়মিত পরিশ্রম করতে হ’ত; এই অতিরিক্ত পরিশ্রমে যে আমার শরীর ভেঙ্গে পড়েনি এই আশ্চর্য্য। এই পরিশ্রমের কুফল হওয়া দূরে থাকুক সত্ত্ব সত্ত্বই সুফল ফললো। ১৮৬২ সালে আমি সিভিল সার্কিস পরীক্ষায় উত্তীর্ণ হলাম। যখন পরীক্ষায় ফল প্রকাশ হয় তখন আমি মনোমোহনের সঙ্গে য়ুরোপে ভ্রমণে বেরিয়েছি—প্যারী নগরীতে ‘পাস’ হওয়া সংবাদ আমার হাতে এল। আমি ‘পাস’ মনোমোহন ফেল। আমি প্রথম বৎসরেই পরীক্ষোত্তীর্ণ হ’তে পারব একরূপ আশা করি নাই। আমার আশাতীত ফল লাভ হ’ল তাতে আমার আনন্দ কিন্তু আমার বন্ধুর নৈরাশ্র সংবাদে সে এক রকম ‘হরিষে বিবাদ’ বোধ করলুম। সে যাই হোক আমাদের মনের কথা মনেই রইল। তখন আমরা ভ্রমণে বেরিয়েছি—আমাদের ত্রত উদযাপন করা প্রথম কাজ। প্যারী হ’তে আমরা Switzerland প্রবেশ করলুম। ‘প্যারী’ এই নামের সঙ্গে কি মধুর স্মৃতি জড়িত আছে। নগরটি কি সুন্দর! দুই বৃক্ষ শ্রেণীর মধ্য দিয়ে প্রশস্ত পথ গিয়েছে—(Boulevards), বিপণিগুলি সুসজ্জিত, কি লোভনীয়! প্রাসাদ চিত্রশালা সকলি মনোরম, প্যারীর কি এক সম্মোহন মন্ত্র আছে বিদেশীর মন লগুন অপেক্ষা সহজে আকর্ষণ করে। লগুন এক প্রকাণ্ড ব্যাপার, তার ভিতরে অনেক দেখবার জিনিস, অনেক শেখবার বিষয় আছে—তার সঙ্গে পরিচয় হওয়া বিস্তর সময়সাপেক্ষ; কিন্তু প্যারীর সৌন্দর্য্য প্রথম দর্শনেই নয়নমন হরণ করে। প্যারী হ’তে Swiss-দের দেশে গিয়ে সেখানকার দর্শনীয় প্রধান প্রধান স্থানগুলি দেখে নিলুম। সর্বোত্তমের ক্রোডলোন জেনেবা নগরী; Lausanne যেখানে গিবন তাঁর রোম সাম্রাজ্যের ইতিহাস সমাপন করেন;—Chillon দুর্গ যার বন্দী কাহিনী বাইরণের কবিতায় বর্ণিত,—রিগির পাহাড় যার উপর থেকে সূর্য্যের উদয়াস্ত শোভা দেখবার জন্তে যাত্রীরা দলে দলে সমাগত হয়। তখন পাহাড়ের শৃঙ্গ পর্যন্ত রেলগাড়ী প্রস্তুত হয় নাই, পদব্রজে ওঠানামা প্রাস্তিজনক কিন্তু উপরে গিয়ে সূর্য্যাস্তের চমৎকার শোভা দর্শনের ফলে সকল শাস্তি দূর হয়। Switzerland-এর পার্বত্য দৃশ্য অতি সুন্দর। গিরি সর্বোত্তম সমন্বিত চমৎকার শোভা। সেখানকার পাহাড়গুলি হিমালয়ের মত বিরাট

ইনিই প্রথম বাঙ্গালী ব্যারিষ্টার;—অনেক হয়ত তা জানেন না!

মূর্তি নয়—তারা অপ্রভেদী দেব আত্মা ভীষণ দর্শন নহে—সে গিরিঙ্গী অস্তরূপ, যেন আমাদের অপেক্ষাকৃত আয়ত্তের ভিতর—ঘরের জিনিস। ও-দেশের ধ্বলগিরি হচ্ছে Mont Blanc—সেও ‘সত্যত ধ্বলাকৃতি বিশাল অটল।’ তার তুষারমণ্ডিত গাত্র দিয়ে ঠঠানামা করে মনের সাথে বেড়িয়ে বেড়াইতুম।

শাহুনি হ’তে সেই গিরিরাজের সম্মুখীন হয়ে কবি কোলরিঞ্জের স্তব মনে পড়ত—

“O dread and silent Mount ! I gazed upon thee,  
Till thou, still present to the bodily sense,  
Did’st vanish from my thought. Entranced in prayer,  
I worshipped the Invisible alone !—”

হে গিরিরাজ, তোমাকে ভুলিয়া সেই অমূর্তের ধ্যানে মগ্ন হইলাম।

শেষে ষ্টিমারে করে Lucerne সরোবরের উপর পরিভ্রমণে আমাদের ভ্রমণের পালা লাগ হ’ল। যুরোপের মুক্তক্ষেত্র হ’তে আবার আমরা ক্ষুদ্র ছাত্রাবাসে প্রত্যাবর্তন করলুম। বাড়ী গিয়ে আমার এই জয়বার্তা ঘোষণা করবার জন্ত মন ছটফট করছে কিন্তু এই গেল প্রথম পরীক্ষা, দ্বিতীয় পরীক্ষার জন্ত আর এক বৎসর অপেক্ষা করতে হবে। সে বৎসর লগুনে University Hall গৃহে সেই পরীক্ষার উপযোগী পড়াশুনায় সময় কেটে গেল। সেও এক ছাত্রাবাস কিন্তু প্রথমোক্ত পরীতে আমরা যে-ভাবে ছিলুম এখানে তা হ’তে স্বতন্ত্র বন্দোবস্ত। পারিবারিক শৃঙ্খলার অভাব। যিনি আমাদের প্রিন্সিপাল ছিলেন তিনি নির্লিপ্তভাবে দূরে দূরে থাকতেন—তার সঙ্গে খাবার টেবিলে যা আমাদের দেখা হ’ত। আমাদের সব নিজের নিজের গোছগাছ করে নিতে হ’ত। ছ একটি ছাত্রের সঙ্গে আমার খুব হৃদয়তা হয়েছিল। তাদের মধ্যে এখন কেবল একটির নাম (Schwanne) দেখতে পাই, যিনি এক্ষণে পার্লামেন্টের মেম্বর। দ্বিতীয় পরীক্ষা শেষ হয়ে গেলে আমার দেশে ফেরবার সময় এল। তখন আমার বন্ধুর কাছ থেকে বিদায় নিয়ে কবির আশীর্বাদ সহকারে ভারত অতিমুখে যাত্রা করলুম। মনোমোহন ‘মন্ত্রের সাধন কিম্বা শরীর পতন’ পণে সে দেশেই পড়ে রইলেন। কবির আশীর্বাদ—

হরপুরে সশরীরে, শুরকুলপতি  
অজ্জুন, স্বকাজ যথা সাধি পূণ্যবলে  
কিরিলা কাননবাসে ; তুমি হে তেমতি  
বাণ্ড হুখে কিরি এবে ভারত মণ্ডলে,  
মনোভানে আশালতা তব ফলবতী !



ধন্ত ভাগ্য, হে হুন্ত্য, তব ভবতলে !

যাও ক্রতে, তরি

নীল মণিময় পথ অপথ সাগরে !

অদৃশ রক্ষার্থে সঙ্গে যাবেন হৃদয়ী

বঙ্গলক্ষ্মী। যাও, কবি আলীকাদ করে !\*

আমি আগেই বলেছি যে ছেলেবেলায় বাবামশায়ের কাছে আমরা অল্প সময়ই থাকতুম। একালে যেমন পিতাপুত্রে অপেক্ষাকৃত স্বাধীনভাবে মেলামেশা দেখি, তখনকার কালে তেমনটি ছিল না, ছোটবা বড়দের অত্যন্ত সমীহ করে চলতো। আমাদের যা কিছু আমোদ আহ্লাদ মেলামেশা সে পিতার পরিষদবর্গের সহিত, তাঁদের কাছেই মন খুলে কথা কবার সুযোগ হ'ত।

### দেবেন্দ্রসভা

দেবেন্দ্রসভায় নানা লোকের সমাগম ছিল, তার মধ্যে কতকজন খাস-দরবারের লোক। আম-দরবারে যে সব লোক যাওয়া আসা করত তাদের কথা পাড়বার আবশ্যক নেই। এইমাত্র বলে রাখি যে, এক সময়ে ব্রাহ্মসমাজে যাঁরা ঘন ঘন যাওয়া আসা করতেন তাঁদের মধ্যে অনেকে ছিলেন সম্ভ্রান্ত স্বর্ণবণিক শ্রেণীর লোক। এখন আর সে দলের লোক দেখতে পাই না—এমন হ'তে পারে যে, এক্ষণে কাক্কিন-দেবতার আরাধনায় মগ্ন থেকে তাঁরা আর উচ্চতর সাধনার সময় পান না। যে সকল লোক এক সময়ে দেবেন্দ্রসভার অন্তরঙ্গ ছিলেন তাঁদের দু'চারজনের কথা বলছি যথেষ্ট হবে।

বৈকুণ্ঠনাথ দত্ত—ছোট মানুষটি কিন্তু তাঁর ব্যবসাবুদ্ধি তীক্ষ্ণ ছিল। তাঁর মাথায় কতরকম speculation খেলত কিন্তু দুর্ভাগ্যক্রমে কিছুতেই সাফল্যলাভ করতে পারতেন না। আজ চায়ের ব্যবসা, কাল বই, পরশু কাপড়—তাঁর কথা শুনে মনে হ'ত এবার বুঝি সোনার কাটি হাতে পেয়েছেন—যাতে হোঁয়াবেন সোনা ফলবে। শেষে দেখা যেতো কোনটাতেই তাঁর মনোমত ফললাভ হ'ল না।

আর এক ছিলেন রাজা কালীকুমার ; জাতিতে স্বর্ণবণিক, হুটপুট, শুচিবাইগ্রস্ত লোক, যিনি সন্দেশ ধুয়ে খেতেন। তিনি পারশ্ব সাহিত্যের অম্লবাগী ছিলেন—তাঁর

\* মাইকেল মধুসূদন দত্ত—চতুর্দশপদী কবিতাবলী।

সহচর একটি মুসলমান যুবক সঙ্গে সঙ্গে ফিরত। তাঁর ফারসী বয়েং আওড়ানো মনে পড়ে—একটি স্তোত্র মনে আছে, তা এই :—

তু জান পাক-অর সববসর বে আব থাক, অদি নাজ্‌নি  
( তুমি প্রাণ, পবিত্র সর্বশঃ, না আপ মাটি, হে প্রিয়তম )  
বল্লা জ্‌-জ্‌! হম্‌ পাকতর রুহে ফদাক্‌ অদি নাজ্‌নি  
( ও আল্লা প্রাণ হ'তেও পবিত্রতর লীন হে প্রিয়তম )

তুমি প্রাণ, তুমি ওহে পূর্ণ পুণ্যময়।  
প্রপঞ্চ অতীত তুমি, ওহে প্রিয়তম।  
প্রাণ হ'ত পুণাতর তুমি হে মহেশ,  
একাত্মা তুমি ও আমি ওহে প্রিয়তম ॥  
বড়দাদা রাজ্জার নাম রেখেছিলেন 'সন্তোগ বিলাস।'  
সন্তোগ বিলাস নামে মাংসের টিবি  
মধো শিবে নেড়ে আর গুড়গুড়ি জ্বাবী।

### নবীনচন্দ্র বন্দ্যোপাধ্যায়

নবীনবাবু ছিলেন দেবেঙ্গসভার বিচূষক। তিনি আমাদের সকলকে নিয়ে খুব হাস্ত পরিহাস করতেন। আমাদের ডাকতেন 'পক্ষী' বলে। তিনি কখনো কখনো আমাদের কোন মিষ্টানের ভাগ দিয়ে বলতেন—

অর্দ্ধ কটি যদি খায় ঈশ্বরের জন  
তাহার অর্দ্ধেক করে অশ্বে বিরতণ।

কত পাগলামী ছড়া আওড়াতেন সব মনে নেই। ছু একটা বলি—

### অজসা গরসা

দুই সাপ—এই কালীয়দমনের দুই সর্দার রাম ও শ্রাম—

ধন্ত ধন্ত রাম শ্রাম তোমাদের কার্য  
তোমাদের কার্য সকলের অনিবার্য  
বখন তোমরা গিয়া চড় যার ঘাড়ে  
অজসা গরসা আদি সব তারে ছাড়ে।

অজসা গরসা যেন ছাড়ল, এখন রামশ্রামের হাত থেকে রক্ষা করে কে ?

## সাপ ও বেঙের কথোপকথন

সাপ—“জিহ্বা লিডি বিডি সিডি কিচডি করি কুপ—”

( আমি যদি কুপ করে তোকে খেয়ে ফেলি ? )

ব্যাঙ—“হু যদি পানিমে ডুব গয়া ভুসম ভুসডি খায়া গুজডি মুজরি করি গুপ—”

( আমি যদি গুপ করে জলে ডুবে যাই ? )

নবীনবাবু চার রকম ভিন্ন প্রকৃতি লোকের কথা বলতেন—

বেগবেগা, বেগচেরা, চেরবেগা, চেরচেরা। মরণশাক্তর তারতম্যে এই চার রকম লোক হয়।

বেগবেগা,—যে শীঘ্র শেখে শীঘ্র ভুলে যায় ;

বেগচেরা,—যে শীঘ্র শেখে চিরদিন মনে রাখে ;

চেরবেগা,—যে দেরীতে শেখে শীঘ্র ভুলে যায় ;

চেরচেরা,—যে দেরীতে শেখে দেরীতে ভোলে।

এর মধ্যে অবশ্য বেগচেরা হওয়াই প্রার্থনীয়। তার নীচে চেরচেরা। চেরবেগাই অধম। উপরে নবীনবাবুকে বিদুষককপেই চিত্রিত করে দেখান গেল, কেননা তাঁর ঐ দিকটাই আমাদের চোখের সামনে থাকত ; কিন্তু তা ছাড়া আর আর দিকেও তিনি ব্যাখ্যানযোগ্য। সাহিত্য-সমাজে তাঁর প্রতিপত্তি সামান্য ছিল না। কেবল আমাদের ঐ বয়সে তাঁর বিজ্ঞানসাধ্যের সর্বাকীর্ণ মর্যাদা আমরা বুঝতে পারতুম না। শ্রীযুক্ত অক্ষয় কুমার দত্ত প্রথমে তত্ত্ববোধিনী পত্রিকার সম্পাদক ছিলেন। তিনি অবসর নেবার পর নবীনবাবু সম্পাদকীয় ভার গ্রহণ করেন ও দক্ষতাসহকারে কয়েক বৎসর সেই কার্য সম্পাদন করেন। তত্ত্ববোধিনী ভিন্ন তখনকার অগ্রাগ্র সংবাদপত্রেও তাঁর প্রবন্ধাদি প্রকাশিত হ’ত। ঐতিহাসিক তত্ত্বাবলীতে তাঁর বিশেষ বৃৎপত্তি ছিল এবং বিশ্বকোষের পাতা উন্টে দেখলে তাঁর পাণ্ডিত্যপূর্ণ অনেকগুলি লেখা দেখতে পাওয়া যায়।

## অক্ষয় কুমার দত্ত

ইনি ছিলেন আমাদের সাহিত্যগুরু। ১৮৪৩ লালে তিনি তত্ত্ববোধিনী পত্রিকার সম্পাদকরূপে নিযুক্ত হন, সেই সময় থেকে আমাদের বাড়ী তাঁর যাওয়া আসা।

এই কার্যে নিযুক্ত হওয়ার বিবরণ আমার পিতার আত্মচরিতে যা লেখা আছে তা এই :—

“আমি ১৭৬৫ শকে তত্ত্ববোধিনী পত্রিকা প্রচারের সঙ্কল্প করি। পত্রিকার একজন সম্পাদক নিয়োগ আবশ্যিক। সভ্যদিগের মধ্যে অনেকেরই রচনা পরীক্ষা করিলাম কিন্তু অক্ষরকুমার দত্তের রচনা দেখিয়া আমি তাঁহাকে মনোনীত করিলাম। তাঁহার এই রচনাতে গুণ ও দোষ দুইই প্রত্যক্ষ করিলাম। গুণের কথা এই যে, তাঁহার রচনা অতিশয় হৃদয়গ্রাহী ও মধুর। আর দোষ এই যে, ইহাতে তিনি জটাজুটমণ্ডিত ভাষাচ্ছাদিতদেহ তরুতলবাসী সন্ন্যাসীর প্রশংসা করিয়াছিলেন। কিন্তু চিহ্নধারী বহিঃসন্ন্যাস আমার মতবিরুদ্ধ। আমি মনে করিলাম, যদি মতামতের জন্ত নিজে সতর্ক থাকি, তাহা হইলে ইহার দ্বারা অবশ্যই পত্রিকা সম্পাদন করিতে পারিব। ফলতঃ তাহাই হইল। আমি অধিক বেতন দিয়া অক্ষরবাবুকে ঐ কার্যে নিযুক্ত করিলাম। আমি তাঁহার দ্বায় লোককে পাইয়া তত্ত্ববোধিনী পত্রিকার আশাভরূপ উন্নতি করি। অমন রচনার সৌষ্ঠব তৎকালে অতি অল্প লোকেরই দেখিতাম। তখন কেবল কয়েকখানা সংবাদপত্রই ছিল। তাহাতে লোক-হিতকর জ্ঞানগর্ভ কোন প্রবন্ধই প্রকাশিত হইত না। বঙ্গদেশে তত্ত্ববোধিনী পত্রিকায় সর্বপ্রথমে সে অভাব পূরণ করে।”

অক্ষর বাবুর একটা উচু Standing desk ছিল ঘরের মধ্যে পদচারণা করতেন আর দাঁড়িয়ে দাঁড়িয়ে পত্রিকার জন্ত প্রবন্ধ লিখতেন—“ব্রহ্মাণ্ড কি প্রকাণ্ড ব্যাপার।”

তখনকার কালে অক্ষরকুমার দত্ত আর ঈশ্বরচন্দ্র বিদ্যাসাগর এঁরা বঙ্গভাষার দুই স্তম্ভ ছিলেন। যখন তাঁরা সেই ভাষা গড়ে তুললেন তখন তা সংস্কৃতবহুল হয়ে দাঁড়াল। বিদ্যাসাগর মহাশয় ও অক্ষরবাবু “উভয়েই সংস্কৃত ভাষাভিজ্ঞ ও সংস্কৃত ভাষাভরাগী ছিলেন, সুতরাং তাঁরা বাক্যলাকে যে পরিচ্ছদ পরালেন তা সংস্কৃতের অলঙ্কারে পরিপূর্ণ হ’ল। অক্ষরবাবুর লেখার এক নমুনা আরম্ভে দিয়েছি, আর একটি নমুনা এখানে দিচ্ছি, তা হ’তেই এ কথার যথার্থ্য সপ্রমাণ হবে।

### সূর্যোদয়ের বর্ণনা

“অনন্তর বিশ্বলোচন তিমিরমোচন তরুণ বিভাকর, যবাকুসুম-সদৃশী আশ্চর্য্যময়ী মহীয়সী মূর্তি ধারণপূর্ব্বক, পূর্ব্বদিকস্থিত সুরাগ-রঞ্জিত প্রবাল-মণ্ডিত স্বরম্য প্রাসাদ হইতে ক্রমে ক্রমে বহির্গত হইতেছে এবং স্বকীয় স্ববর্ণময় রশ্মিজাল বিকীর্ণপূর্ব্বক,

নবপঞ্চব-পরিবেষ্টিত সমুদ্রত তরুণী সৰল অতি মনোহর হিরণ্য মূৰ্ত্তে ভূষিত করিতেছে এই আশ্চর্য্য দর্শন দর্শন করিয়া ইত্যাদি।”

“১৮৪৩ হইতে ১৮৫৫ সাল পর্য্যন্ত অক্ষয়বাবু স্বদক্ষতাসহকারে তত্ত্ববোধিনীর সম্পাদন কার্য্যে নিযুক্ত ছিলেন, ইতিমধ্যে অর্থোপার্জনের কত উপায় তাঁর হস্তের নিকট এসেছে, তিনি তাহার প্রতি দৃকপাতও করেন নাই। এই কার্য্যে তিনি এমন নিমগ্ন ছিলেন যে, এক একদিন জ্ঞানালোচনাতে ও তত্ত্ববোধিনীর প্রবন্ধ লিখতে সমস্ত রাত্রি অতিবাহিত হইয়া যাইত, তিনি তাহা অশ্রুভবও করিতে পারিতেন না।”

“অক্ষয়বাবু আমাদের ব্রাহ্মসমাজের জ্ঞানমার্গের প্রহরীরূপে দণ্ডায়মান ছিলেন। তাঁহারি প্রভাবে ব্রাহ্মধর্ম গ্রন্থবাদ প্রভৃতি ব্রাহ্ম মত হ’তে সুরক্ষিত হয়েছিল। ব্রাহ্মসমাজের ধর্ম্ম অগ্রে বেদান্তধর্ম্ম ছিল। ব্রাহ্মগণ বেদের অভ্রান্ততায় বিশ্বাস করতেন। অক্ষয়কুমার দত্ত মহাশয় এই উভয়ের প্রতিবাদ করিয়া বিচার উপস্থিত করেন। প্রধানতঃ তাঁহারি প্ররোচনাতে মহর্ষি দেবেন্দ্রনাথ ঠাকুর উক্ত উভয় বিষয়ে গভীর চিন্তা ও শাস্ত্রানুসন্ধানে প্রবৃত্ত হন। অবশেষে বহু অশ্রুসন্ধান ও চিন্তার পর অক্ষয়বাবুর অবলম্বিত মত যুক্তিসিদ্ধ জানিয়া বেদান্তবাদ ও বেদের অভ্রান্ততাবাদ পরিত্যাগ করিলেন।”\*

বেদোপনিষদ ব্রাহ্মধর্ম্মের প্রতিষ্ঠাভূমি হয় মহর্ষির ঐকান্তিক ইচ্ছা ছিল, তাঁহাকে বেদান্তধর্ম্ম ও বেদের অভ্রান্ততা হইতে বিচলিত করিতে অক্ষয়বাবুকে বহুপ্রয়াস পাইতে হইয়াছিল। পিতার আশুচরিতে এই বিষয়ে তাঁর মনোগত ভাব ব্যক্ত হইয়াছে। তিনি বলিতেছেন—“প্রথমে বেদ ধরিলাম, সেখানে ব্রাহ্মধর্ম্মের ভিত্তি স্থাপন করিতে পারিলাম না, তাহার পরে প্রামাণ্য একাদশ উপনিষদ ধরিলাম, কি দুর্ভাগ্য! সেখানেও ভিত্তি স্থাপন করিতে পারিতেছি না। তবে এখন আমাদের কি করিতে হইবে? আমাদের উপায় কি? ব্রাহ্মধর্ম্মকে এখন কোথায় আশ্রয় দিব? বেদে তাহার পত্তনভূমি হইল না—উপনিষদেও তাহার পত্তনভূমি হইল না। কোথায় তাহার পত্তন দিব? দেখিলাম যে আশুপ্রত্যয়-সিদ্ধ জ্ঞানোজ্জলিত বিত্ত্বজ্জ্বল হৃদয়েই তাহার পত্তন ভূমি।” \* \* \* “উপনিষদ হইতেই প্রথমে আমার হৃদয়ে আধ্যাত্মিক ভাবের প্রতিধ্বনি গাইয়াই আমি সমগ্র বেদ এবং সমস্ত উপনিষদকে ব্রাহ্মধর্ম্মের প্রতিষ্ঠা করিতে যত্ন পাইয়াছিলাম; কিন্তু তাহা করিতে পারিলাম না, ইহাতেই আমার দুঃখ। কিন্তু এ দুঃখ কোন কার্য্যের নহে, যেহেতু সমস্ত খনিতে কিছু স্বর্ণ হয় না। খনির অসার প্রস্তরখণ্ড সকল চূর্ণ করিয়াই তাহা হইতে স্বর্ণ নির্গত করিয়া লইতে হয়।

\* রামতনু লাহিড়ী—পণ্ডিত শিবনাথ শাস্ত্রী শ্রবিত।

অক্ষয়বাবুর শেষ জীবনের কথা শাস্ত্রীমাশায়ের বই থেকে এইখানে বলে এ ভাগ শেষ করি—

“ইহার পরেও অক্ষয়বাবু কয়েক বৎসর কার্যক্ষেত্রে দণ্ডায়মান ছিলেন। মধ্যে নর্থাল বিদ্যালয় স্থাপিত হইলে কিছুদিনের জন্য তাহার শিক্ষকতা করিয়াছিলেন বটে, কিন্তু প্রিয় তত্ত্বাবোধিনীর সংস্রব একেবারে পরিত্যাগ করেন নাই। অবশেষে ১৮৫০ সালের আষাঢ় মাসে সন্ধ্যার পরে একদিন ব্রাহ্মসমাজের উপাসনাতে উপস্থিত আছেন, এমন সময়ে হঠাৎ মুচ্ছিত হইয়া পড়িয়া যান। তখন অনেক যত্নে তাঁহার চৈতন্য সম্পাদন হইল বটে, কিন্তু দুই দিবস পরে একদিন তত্ত্বাবোধিনী প্রবন্ধ লিখিতেছেন, এমন সময়ে মস্তিষ্কে একপ্রকার অভূতপূর্ব জ্বালা হইয়া লেখনী ত্যাগ করিতে হইল। তদবধি সে লেখনী আর ধারণ করিতে পারেন নাই।”

“ইহার পরে একপ্রকার জীবন্ত অবস্থাতে থাকিয়াও তিনি গ্রন্থ প্রচার করিয়াছেন। অধিক কি, তাঁহার ‘ভারতবর্ষীয় উপাসক সম্প্রদায়’ নামক সুবিখ্যাত ও পণ্ডিত্যপূর্ণ গ্রন্থ এই অবস্থাতেই সঙ্কলিত। তাঁহার মুখে শুনিয়াছি, তিনি প্রাতঃকালে স্নানসময়ে শয্যাতে শয়ন করিয়া কোন দিন এক ঘণ্টা, কোন দিন দেড় ঘণ্টা করিয়া মুখে মুখে বলিতেন, এবং কেহ লিখিয়া যাইত; এইরূপ করিয়া ঐটো মহাগ্রন্থ সঙ্কলিত হইয়াছিল।”

ধন্য তাঁর ধৈর্য ও অধ্যবসায়! এই গ্রন্থখানি অক্ষয়কুমারের অক্ষয় কীর্তিরূপে বঙ্গ সাহিত্য সমাজে চিরদিন বিরাজমান থাকিবে।

এইরূপে যখন তিনি শিরঃপীড়ায় অবসন্ন হয়ে পড়লেন, তখন তাঁর সঙ্গে আমি কাশীপুরে গঙ্গার ধারের এক বাগানে মাস দুই কাটিয়েছিলুম। কি পরিবর্তন! আগেকার সেদিন আর নাই, সে ক্ষুধা, সে উৎসাহ নির্বাসিত হয়েছে—সে অক্ষয় আর নাই। শরীরে তৈল মর্দন, ওজন করে ঔষধ সেবন, মাপ জোক করে আহাষের ব্যবস্থা—এই প্রকার শরীর সেবাতেই দিনযাপন করতেন। সেই প্রথর জ্ঞানোজ্জ্বল চিত্ত সংশয় অন্ধকারে আচ্ছন্ন।

“জীবনের অবসানকালে তিনি বালিগ্রামের গঙ্গাতীরবর্তী এক উদ্যান-বাটীতে থাকিয়া এইরূপে গ্রন্থ রচনা করিতেন; এবং অবশিষ্ট কাল উদ্ভিদতত্ত্বের আলোচনা ও সমাগত ব্যক্তিদিগের সহিত জ্ঞানাহুশীলনে কাটাতে। সেখানে ১৮৭৬ সালের ১৫ই জ্যৈষ্ঠে তাঁহার দেহান্ত হয়।” ২০৭—২০৮ পৃঃ

দেবেন্দ্রসভার সভাসদ আরো অনেক ছিলেন, তাঁদের কথা বলবার আর প্রয়োজন নাই। একবার আমরা বাবামাশায়ের সঙ্গে এই সব দলবল নিয়ে বরাহনগরের

একটি উদ্যানে কিছুদিন যপেন করেছিলুম। স্থূখের দিন আমার স্মৃতিপটে চিত্রিত আছে। রাজা কালিকুমার ও পরিজনবর্গের আরো অনেকে তথায় উপস্থিত ছিলেন। পিতৃদেব এই দলবলে বেষ্টিত হয়ে একটি ধবল প্রান্তরাসনে বসতেন, তাঁর বর্ণনা বড় দাদাব একটি কবিতায় আছে—

শুভ্রমূর্ত্তি কান্তিমান্,      শুভ্র বেশ পরিধান,  
 উন্নত শরীর সুগঠন,  
 বেষ্টিত স্বজনগণে,      ধবল প্রান্তরাসনে,  
 এদিয়া ব্রহ্মর্ষি উপোথন ।  
 সংসার দুর্দ্দিনে ঝড় অসামান্য ঘোর  
 দিবারাত তাঁহার উপরে করে জোর ।  
 অস্থির আশ্রিত গাছপালা অতিশয়,  
 অচল অটল তবু একই ভাবে রয় ॥

এখানে আমার জীবনস্মৃতির এই একপালা সাড় হ'ল। এখনো পাঠকদের কাছ থেকে 'আমার কথাটি ফুরলো' বলে বিদায় নেবার সময় হয়নি, পরে আর এক ভাগ আরম্ভ করা যাচ্ছে।

-----

## পূর্বভাষ

গতবৎসর রোগশয্যায় পড়িয়া যখন এই পুস্তকের লিখিত কথা মনে মনে আলোচনা করিয়াছিলাম, তখন স্থির করিয়াছিলাম, ইহার নাম দিব “আমার শেষ কথা”। সেইজন্য এই পুস্তকের ভিতরে ঐ তিনটি শব্দ আছে। কিন্তু সেদিন বুঝিয়াছিলাম আমার পুত্রবয়স্ক এবং কয়েকজন বন্ধুর ইচ্ছা নয় যে ঐ তিনটি শব্দ থাকে। কেন ইচ্ছা নয় তাহাও বুঝিয়াছি। ভয় পাছে সত্য সত্যই উহা আমার শেষ গ্রন্থ হইয়া পড়ে। তাই এ গ্রন্থের উপরিভাগে ঐ তিনটি শব্দ দিলাম না। আমি কিন্তু গুরুপ মনে করিয়া ঐ নাম দিব ভাবি নাই। আমার বাঙ্গালা লিখিবার এই একটা রীতি বা নিয়ম আছে যে, বাঙ্গালায় যাহা কেহ কখনও লেখে নাই এমন ভাল কথা বলিবার থাকিলেই আমি লিখি, নহিলে লিখি না। এই জন্য আমি লিখিয়া গেলাম বড় অল্প, কিন্তু যাহা লিখিয়া গেলাম এদেশে তাহা আর কেহ লেখেন নাই। আর এই গ্রন্থে যে কথা লিখিলাম তাহা যে কেবল অল্প বাঙ্গালা গ্রন্থে দেখি নাই, এমন নয়, কোন ইংরাজী গ্রন্থেও দেখি নাই। অল্প কোন ভাষায় লিখিত আছে বলিয়াও অবগত নহি। এবং এই কথার অপেক্ষা বড় কথা কি হইতে পারে এখন তাহা কল্পনাও করিতে পারি না। অথচ আমি চিরকাল যে রীতি অনুসরণ করিয়াছি তদনুসারে ইহার অপেক্ষা বড় কথা না পাইলে আর লিখিবও না। এইজন্য ভাবিয়াছিলাম এই পুস্তকের নাম দিব “আমার শেষ কথা”। এত বাঁচিব না যে আর বই লিখিতে পারিব না এরূপ ভাবিয়া ঐ নাম দিব মনে করি নাই। এই গ্রন্থের কথাগুলি কেবল আমার স্বদেশবাদীকে বলিলাম না, মনুষ্যমাত্রকেই বলিলাম। ১০২ পৃষ্ঠার ত্রয়োদশ পংক্তি হইতে শেষ পর্যন্ত \* আমার পুত্র প্রকাশ নাথের লিখিত। তিনি বড় তত্ত্বাবহসন্ধিস্থ এবং তত্ত্বকথার আলোচনায় তাঁহার বড় আনন্দ

ইতি—

এনং রঘুনাথ চট্টোপাধ্যায় স্ট্রীট,

শ্রীচন্দ্রনাথ বসু

কলিকাতা। ২১শে ফাল্গুন, ১৩১৫

\* বর্তমান গ্রন্থে ত্রয়োদশ পংক্তির আরম্ভ এই—“দুঃখের আর এক ব্যাপক মূর্তি আছে”।



## উৎসর্গ

ভুলুমা !

জন্মচক্রে ঘুরিতে ঘুরিতে তোমার একবার বাপমায়ের আদরের মেয়ে হইয়া জন্মবার ইচ্ছা হইয়াছিল। তাই সেদিন আমাদের কাছে আসিয়াছিল। আমাদের আদরে বোধ হয় তোমার তৃপ্তি হয় নাই। তাই বড় শীঘ্র চলিয়া গেল। ইহাতে আমাদের যে দুর্দশা হইয়াছে তাহা বলিলে তোমার বড় কষ্ট হইবে, মা। আমাদের কাছে যে কয়দিন ছিল, অবিরাম রোগযন্ত্রা ভোগ করিয়াছিল, মা। কোন চিকিৎসাতে তাহা কমাইতে পারি নাই। তাই জগদম্বা তোমাকে লইয়া গেলেন। তাঁহার কোলে কাহারো কোন যত্ন থাকে না। সেই কোলেই অনন্তকাল থাকিয়া অনন্ত সুখভোগ কর, মা ! জগদম্বা তোমার মঙ্গলের জন্য তোমাকে লইয়া গিয়াছেন। তোমার মঙ্গলেই আমাদের মঙ্গল। করুণাময়ী জগদম্বা মঙ্গল ভিন্ন অমঙ্গল করেন না।

তোমার চাতু কাতু বেশ ভাল আছে। আর বাবাজী সর্বদা তাহাদিগকে দেখিতে আসেন।

বাবাজী কাতুটাদকে কত কি কিনিয়া দিয়াছেন। একবার দেখিতে আসিবে না, মা ? যদি আস, দুই একদিন আগে আমাকে জানাইও, মা। বড় রোজের সময়ে গিয়াছিলে মা। তোমার জন্য ঠাণ্ডা সরবৎ প্রস্তুত করিয়া রাখিব। ইতি—

সস্ত্রীক

শ্রীচন্দ্রনাথ বসু

### আমার শেষ কথা

আমার বয়স যখন ৩৫ বৎসর, তখন প্রথম আমার চোখের দোষ হয়। দূরে ভাল দেখিতে পাইতাম না। এ দোষকে তখন short sight বলা হইত ; এখন near sight বলে। Short শব্দের পরিবর্তে near শব্দ ব্যবহার করিয়া কি লাভ হইয়াছে, বুঝিতে পারি না। ইংরাজেরা এখন এইরূপ অনেক পরিবর্তন করিতেছেন, পরিবর্তনপ্রিয়তা ভিন্ন তাহার অন্য কারণ দেখিতে পাই না—Change for the sake of change—ইংরাজদের একটা রোগ, একটা বাস্তবিক, একটা নেশা হইয়া পড়িয়াছে। চিরকাল তাহাদিগকে বলিতে ও লিখিতে দেখিয়াছিলাম—“He did his best,” এখন তাহাদিগকে বলিতে ও লিখিতে দেখি—“He did his

level best”; “level” শব্দটা কেন ঢোকানো হইল, বুঝিতে পারি না। আমার প্রিয়তম বন্ধু স্বর্গীয় কালীচরণ বন্দ্যোপাধ্যায় খুব ভাল ইংরাজী জানিতেন, এবং খৃষ্টধর্ম অবলম্বন করিবার পর অনেক ইংরাজের সহিত তাঁহার ঘনিষ্ঠতা হইয়াছিল। তাই তাঁহাকে একদিন জিজ্ঞাসা করিয়াছিলাম—“level” শব্দটা জুড়িয়া দেওয়া হইতেছে কেন? তিনি বলিতে পারিলেন না। তাই বলি, আগেকার “short sight” ছাড়িয়া এখনকার “near sight”-এ আর কিছুই বুঝায় না, কেবল ইংরাজের একটা বাতিক বুঝায়। বাতিকের জন্ত অনেক ভাল জিনিসও মন্দ হইয়া যায়। দূরে ভাল দেখিতে না পাওয়াকে short sight বলিলে তাহা যেমন পরিষ্কার বুঝায়, near sight বলিলে তেমন পরিষ্কার বুঝায় না। Change for the sake of change যাহাদের সংসার-ধর্মের একটা মূলমন্ত্র হইয়া দাঁড়াইয়াছে, তাহাদের সংস্রবে থাকিয়া আমরাও অনেক ভাল জিনিস ছাড়িয়া মন্দ জিনিস ধরিতেছি—আর ঐ বাতিকগ্রস্তদের জায় মনে করিতেছি যে, আমাদের নিজ্জীবিতার পরিবর্তে সজীবতা হইতেছে। আমার short sight হইয়াছিল বটে, কিন্তু তজ্জন্ত আমি চস্মা লই নাই। দুই কারণে লই নাই। তখন চস্মাধারী দেখিলেই লোকে তাহাকে ব্রাহ্ম বলিয়া ধরিয়া লইত। সে রূপে দূত হওয়া আমার ইচ্ছা ছিল না—কেন ছিল না, নাই বা এখন বলিলাম। অপর কারণ এই যে, অনেকে আমাকে বলিয়াছিলেন—ও দোষটা আপনা আপনি সারিয়া যাইবে, চস্মা লইলে বোধ হয় সারিবে না। ঔষধে বুদ্ধি উপকার অপেক্ষা অপকারই বেশী হয়, এই ভাবিয়া আমি চস্মা লই নাই। চারি পাঁচ বৎসরে দোষটা সত্য সত্যই সারিয়া গিয়াছিল। পরে কিন্তু উহার পরিবর্তে একটা দোষ জন্মিল—নিকটে আর ভাল দেখিতে পাইতাম না। ইহাকে বলে long sight। Long sight হওয়াতে বড় অসুবিধা হইতে লাগিল। গবর্ণমেন্টের কাজ করিয়া দিতে বিলম্ব হইলে তাঁহারী বড় রাগ করেন। ইংরাজ নিজে যেমন ঘোড়ায় জিন দিয়া থাকিতে ভালবাসেন, তাঁহাদের চাকর বাকরেরাও তেমন ঘোড়ায় জিন দিয়া না থাকিলে তাঁহারী ক্ষেপিয়া উঠেন। চাকরী হইতে বিতাড়িত হইবার ভয়ে তখন ভাক্তারদের পরামর্শ লইলাম। তাঁহারী বলিলেন—চোখ strain করা ভাল নয়, আপনি চস্মা লউন। আমি চস্মা লইলাম। ভাক্তারেরা যখন আমাকে চস্মা লইতে বলেন, তখন আর একটি কথা বলিয়াছিলেন, রাত্রে লেখাপড়া করিবেন না। এটা বড় চমৎকার উপদেশ। আমাদের দায়ে পড়িয়া লেখাপড়া করিতে হয়, যদি ইচ্ছাস্থখে লেখাপড়া কবিতো হইত, তাহা হইলে দেখিতে, পৃথিবীতে একটি ছেলেও লেখাপড়া করিত না। আফ্রাদে আটখানা হইয়া আমি রাত্রে লেখাপড়া বন্ধ করিলাম। সন্ধ্যার পরই আমার শয়নগৃহের একধারে একটি ডবল বোনা বালান্দ্য মাদুর পাতিয়া

আর একটা তাকিয়া লইয়া চক্ষু বুজিয়া পড়িয়া থাকিতে লাগিলাম। দুই চারিদিন এই রকম পড়িয়া থাকিতে থাকিতে দেখিলাম, মনে নানা কথা ওঠে, উঠিয়া আবার চলিয়া যায়, আবার ওঠে, আবার চলিয়া যায়, যেন শৃঙ্খলাহীন, বন্ধনহীন, এলোমেলো, কিন্তু বড়ই মোহকর, বড়ই আনন্দজনক। টপ্ টপ্ করিয়া আসে, ঝপ্ ঝপ্ করিয়া যায়, কিন্তু যাইয়াও যায় না, আর পাঁচটাকে আনিয়া দেয়। আনিয়া আমাকে জ্বালে জড়ায়। দুই চারিদিনের মধ্যেই ইহাকে চিনিয়া ফেলিলাম—ইহাকে Reverie বলিয়া চিনিলাম। ইংরাজ চিনাইয়া না দিলে আমরা এখন আর কিছুই চিনিতে পারি না। আমাদের বেদবেদান্তগুলিও আর চিনিতে পারি না। তাই ঐ এলোমেলো ব্যাপারটাকে যখন ‘reverie’ বলিলাম, তখন মনে হইল, ওগুলোকে নিজেও চিনিয়াছি, অপরকেও চিনাইয়াছি।

এখন ঐরূপ কথা ছুট্টাএকটি বলি :—এই রকম করিয়া চক্ষু বুজিয়া পড়িয়া থাকিতে থাকিতে একদিন আমার বাল্যকালের কথা মনে উঠিতে লাগিল। তখন আমার বয়স ৮/১০ বৎসরের বেশী নয়। আমি তখন পাঠশালায় পড়ি, আমার স্বভাব কিছু চঞ্চল, কিন্তু আমি ছুঁই বা ছুরন্ত নই। আমার চঞ্চলতা দেখিয়া আমাদের এক বয়স্ক কুটুম্ব আহ্লাদ করিয়া আমাকে বিচু বুলিয়া ডাকেন। তাহাতে আমি ভারী খুসী। তখন আমার চক্ষু আর এক রকম ছিল কিনা, বলিতে পারি না, কিন্তু একথা বলিতে কিছুমাত্র বিধা হয় না যে, তখন যাহাই দেখিতাম,—রোদ্দ, জ্যোৎস্না, গাছপালার বড়, মাটা, মাঠ, ঘাস—যাহাই দেখিতাম, তাহাই যেন এখন হইতে ভিন্ন রকম দেখিতাম—বড় মধুর, বড় মিঠা, বড় বিস্ময়, বড় সুগন্ধ, বড় সরল, বড় নির্দোষ, বড় পবিত্র, বড় সজীব। কিছুতেই মনে অপবিত্র বা আবিলভাব উঠাইয়া দিত না; সকলই আমার মনে একটা কোমল, কলুষহীন আনন্দের ভাব তুলিয়া দিত। সে আনন্দের বর্ণনা হয় না, যে অহুতবাক্যকরিয়াছে, সেই বুঝিতে পারে, সে কি অপূর্ণ, কি অনিন্দ্য জিনিস, কত নির্মল, কত শীতল, কত সাদাসিধে। সেই আনন্দে ভাসিতে ভাসিতে কতবেলা অবশি মাঠে মাঠে কত বেড়াইতাম, দূরে চাষার গান শুনিতাম, আশেপাশে গরুর হাখারব শুনিতাম। বুঝিয়াছি, ব্রহ্মচারীর চক্ষে না দেখিলে বাহ্য প্রকৃতির সে মূর্তি দেখিতে পাওয়া যায় না। যখন প্রথম যৌবনোদগম (puberty) হইয়াছিল, এবং সেইজন্য মনে ভোগস্পর্শা জন্মিয়াছিল, তখন হইতে যাহাই দেখিয়াছি, তাহাই বাল্যকালের সেই নির্মলতা, সেই অপূর্ণত্ব, সেই পবিত্রতাহীন, সেই সজীবতা শূন্য দেখিয়াছি, তাহা যেন সেই বাল্যদৃষ্ট স্বর্গীয় জিনিস নয়, তাহা যেন একটা আবিল জগতের আবিল জিনিস। যাহা নিখরকিচ ছিল তাহাতে যেন একটা থিরাঁকচ ঢুকিয়াছে। আবিল পৃথিবীকে চিরকাল নির্মল স্বর্গ রূপে অল্পভব করিতে হইলে,

চিরকাল ব্রহ্মচর্য রক্ষা করিতে হয়। সমস্ত জীবন অসীম আনন্দ উপভোগ করিতে হইলে চিরকাল ব্রহ্মচর্য রক্ষা করিতে হয়। সমস্ত জীবন অসীম আনন্দ উপভোগ করিতে হইলে সমস্ত জীবন ব্রহ্মচারী থাকিতে হয়, বিধাতার এই বিধান। এই সব ভাবিতে ভাবিতে আবার যেন সেই জন্মস্থানে সেই রকম বালক হইয়া সেই রকম বাল্যলীলায় মত্ত হইয়া ঠিক সেই রকম নির্মল বাল্যানন্দে ভরপুর হইয়াছি—কি স্বথ, কি নির্মল, নিদোষ ঠাণ্ডা, বিশুদ্ধ স্বথ! বাল্যকালের সৌন্দর্য্য বালকে বৃদ্ধিতে পারে না, বৃদ্ধে বৃদ্ধিতে পারে। বৃদ্ধে যখন বৃদ্ধিতে পারে, তখন বাল্যকালের সৌন্দর্য্য আরও সুন্দর হইয়া দাঁড়ায়; যৌবন ও বার্দ্ধক্যের আবির্ভাব অম্লভূত হইয়া যাওয়ায়, যাহা নির্মল, যাহা বিশুদ্ধ, তাহার আদর আরও বাড়িয়া যায়, তাহার পবিত্রতা আরও বেশী অম্লভূত হয়। তখন বার্দ্ধক্যের রোগ শোক দুঃখ কোথায় চলিয়া যায়, তৎপরিবর্তে সেই আনন্দপূর্ণ বাল্যকাল আবার আসিয়া পড়ে। সেই সঙ্গে আবার সেই অপূর্ণ নির্মল আনন্দ উপভোগ হইতে থাকে। নোনাপেতা, মনসাপোতা, ধনপোতা, চারিদিকে ধানক্ষেত, মাঝখানে খানিকটা করিয়া উচু জমি, তাহাতে চাষ হইত না, গরু চরিত, আর আমরা খেলা করিতাম। নোনাপেতা আমাদের বাড়ীর অতি নিকটে, ঘরে শুইয়া বসিয়া দেখিতাম। সেখানে বড় বড় অশ্বখ গাছ আছে, নোনা গাছ কখনও দেখি নাই। মধ্যে মধ্যে শুকনা পাতা ঘুরিতে ঘুরিতে উড়িত, আর রাত হইলে আপনা আপনি জলিয়া উঠিত। তাই প্রোচা ও বৃদ্ধারা বলিতেন, নোনাপেতায় ভূতপ্রেত আছে। আমরাও নোনাপেতার নামে একটু কাঁপিয়া উঠিতাম—তাই ভাবিয়া এখন কত আনন্দ। যে নোনাপেতায় ভূতপ্রেতের বাস, সেই নোনাপেতায় বলদেৱা তাঁবু ফেলিয়া\* দু এক দিন করিয়া বাস করিত। যতক্ষণ তাহারা থাকিত, ততক্ষণ আমরা নোনাপেতাকে ভয় করিতাম না। প্রভাত্রে উঠিয়া গিয়া তাহাদের তাঁবুর ভিতর বসিয়া থাকিতাম। দেখিতাম, এক যায়গার ধান চাল আর এক যায়গায় যাইতেছে; বৃদ্ধিতাম না কেন যায়। কিন্তু যাহারা লইয়া যাইত, তাহাদিগকে দেখিয়া, আমরা শিশু, আমাদের ভূতের ভয় পর্য্যন্ত পলাইয়া যাইত। এখন বুঝিয়াছি ক্ষুধার্তের মৃত্যুভয় পলাইয়া যায়। মনে মনে বাসনা হইত, তাহারা যেন ঘন ঘন আমাদের ভূতের ডাকায় তাঁবু ফেলে। সেই নোনাপেতায় আমার ভাইপো শ্রীমান সর্বেশচন্দ্র সম্প্রতি একটা হাট বসাইয়া বহু গ্রামের বহু লোকের প্রভূত কল্যাণ সাধন করিয়াছেন। তিনি দীর্ঘজীবী হউন। মনসাপোতা আমাদের বাড়ী হইতে কিছু দূরে। শীতকালে প্রায় প্রতিদিন সূর্য্যাস্তের কিছু পূর্বে সেখানে যাইতাম। এবং প্রকাণ্ড হরিষ্রণ মাঠের আইলের উপর দিয়া যাইতে যাইতে দুই দিকের ধানক্ষেত হইতে ধানের শীষ ছিঁড়িতাম। তাহার পর

মনসাপোতায় প্রকাণ্ড হরিষর্ষ মাঠে সূর্যাস্ত জনিত প্রকাণ্ড ছায়া, খেঁকশিয়ালের খেলা ও অদূরে বাগ্দিদের ঘরের চাল ভেদ করিয়া ধোঁয়া উঠিতে দেখিয়া কি যে নিখিল আনন্দ উপভোগ করিতাম, তাহা প্রকাশ করিতে পারি না ; কিন্তু চক্ষু বুজিয়া এই বকম করিয়া ভাবিতে ভাবিতে এই বৃদ্ধ বয়সে আবার তখনকার অপেক্ষা আমি অধিকমাত্রায় আনন্দ উপভোগ করি। মনসাপোতায় গোটা কতক গর্তে খেঁকশিয়াল থাকিত। আমরা সেখানে গিয়া দেখিতাম, একটা কাঁকড়া মুখে করিয়া, একটা মাছ মুখে করিয়া, বোঁ করিয়া দোঁড়াইয়া আসিয়া গর্তে ঢুকিতেছে, তাই দেখিয়া আমরা হাততালি দিয়া উঠিতাম। মনপোতা মনসাপোতার খানিক দক্ষিণে। উহার নিকটে মাহুঘের বাস দেখা যাইত না, সেখানে যাইতে গাটা যেন একটু ছম্ ছম্ করিত। একদিন একলা গিয়াছিলাম, বড় ভয় করিয়াছিল। তবু কিন্তু কতকগুলো লাল কুঁচ তুলিয়া আনিয়াছিলাম। লাল কুঁচ দেখিলে এখন ভয় করে। অল্পজ অক্ষয়চন্দ্রের একটা ছেলে আমার দেওঘরের বাসায় একটা কথা বলিয়াছিল, সেই কথাটা মনে পড়ে, আর ভয় করে। সে কথাটা এই, “রক্তে ডুবু ডুবু কাজলের ফোঁটা, এ হেন স্কন্দরী বনে কেন দেখা ?” রক্তে ডুবু ডুবু কাজলের ফোঁটা, একি সেই Lady Macbeth না কি ? আমি তবে ভারি দুঃসাহসিক, একলা Lady Macbeth-পোতায় গিয়াছিলাম ! তখন Lady Macbeth-পোতায় গিয়া ভয় হইয়াছিল, সেই কথা ভাবিতে এখন আনন্দের সীমা থাকে না। মাহুঘের জীবন সত্যসত্যই আনন্দময়। আর একটা আনন্দের কথা বলি। সেই পূজার আনন্দ—৭ই আশ্বিন সপ্তমীপূজা। ঐষ্ঠা আশ্বিন ইচ্ছুল করিয়া ছুটা হইবে। আমরা এই আশ্বিন বাড়ী যাইব। এই আশ্বিনের জন্য আমরা ধড়ফড় করিতেছি। আজ ২০শে শ্রাবণ। আমরা সাতটা সমবয়স্ক ছেলে এক বাড়ীতে থাকিতাম। আমার অগ্রজ ঝারকানাথ, আমার দুই ভাইপো প্রিয়নাথ ও অঘোরনাথ, আমার জাঠতুত ভাই উমেশচন্দ্র, আমার মাসতুত ভাই রাধিকাপ্রসাদ এবং আমার জাঠতুত ভাই বৃন্দাবনচন্দ্রের কনিষ্ঠ শ্রালক বৈষ্ণবাটা নিবাসী গিরিশচন্দ্র মিত্র। ঝারকানাথ, প্রিয়নাথ, অঘোরনাথ ও উমেশচন্দ্র চলিয়া গিয়াছেন। আছি কেবল আমি, রাধিকা এবং গিরিশ ভায়া। কর্তারা আমাদেরকে ব্রাহ্ম নয়টার সময় শুইবার অহুমতি করিয়াছিলেন। কিন্তু পরদিনের পড়া যতক্ষণ না নিষ্পন্ন হইত, ততক্ষণ আমরা শুইতাম না। শুইতে কোন দিন ১০টা, কোন দিন ১১টা, কোন দিন ১২টা বাজিয়া যাইত। তথাপি পূজা যখন নিকটবর্তী হইত, তখন আমরা কয়েক জনে সূর্য্যোদয়ের বহু পূর্বে উঠিয়া একত্র হইতাম, এবং বাড়ী যাইবার আর ৩৫ দিন

---

\* মহামহোপাধ্যায় হইলে লিখিতাম,—‘তাবু গাড়িয়া।’

আছে, এই বলিয়া গা-টেপা-টেপি করিতাম, আর একটু চাপা বকম থিল্ থিল্ করিতাম, আর ৩৭ দিন আছে, আর গা-টেপা-টেপি ও থিল্ থিল্ করিতাম। এই রূপে যখন ৪৪টা আশ্বিন আসিত তখন আবার সূর্য্যোদয়ের ঘণ্টা দুই পূর্বে উঠিয়া তেমনি একত্র হইয়া “কাল হে কাল” মহোৎসবে এই কথা বলিতাম, আর শব্দ না হয় এমনি করিয়া নাচিতাম, কারণ কর্তারা তখনও নিদ্রিত। এই সব কথা মনে উঠিলে ঠিক সেই সময়ে গিয়া পড়িতাম, দ্বারকানাথ, প্রিয়নাথ, অঘোরনাথ ও উমেশচন্দ্র, যাঁহারা চলিয়া গিয়াছেন, তাঁহারা যেন আবার সশরীরে কিরিয়া আসিতেন, আর সকলে জড়াজড়ি করিয়া “কাল হে কাল” বলিয়া আবার সেইরূপ উল্লাস উপভোগ করিতাম। এইরূপ পূর্ব্বকথা মনে উঠিলে, পূর্ব্বের সেই আনন্দ ও উল্লাসও যেন শরীর প্রাপ্ত হইয়া মনের ভিতর আসিত, বৃদ্ধ বয়সে আবার ঠিক সেইরূপ বালক হইয়া বাল্যকালের সেই নির্মল শরীরে আনন্দ ও উল্লাস প্রত্যক্ষ করিয়া অসীম আনন্দ ও উল্লাস উপভোগ করিতাম। আজ এই আশ্বিন আজ বাড়ী যাইব। কেমন অশ্রদ্ধ করিতে করিতে যাইতাম, Oriental Miscellany নামক একখানি ইংরাজী মাসিক পত্রে একবার লিখিয়াছিলাম। সেই লেখাটুকু প্রথম ক্রোড়পত্রে তুলিয়া দিলাম। পূজার সময় বাড়ী যাইবার যে এত আনন্দ, তাহা কার্তিকের জন্ত ভাল পাগড়ি কিনিয়া লইয়া যাইতাম বলিয়া কত যে বাড়িয়া যাইত, তাহা আর কি বলিব! ইহুলে জল খাইবার জন্ত যে পয়সা পাইতাম, তাহাই বাঁচাইয়া বাঁচাইয়া কার্তিকের জন্ত ভাল পাগড়ি এবং আটচালায় জ্বলাইবার জন্য একটা লণ্ঠন কিনিয়া লইয়া যাইতাম। কর্তাদের প্রতিমার সাজসজ্জার দিকে বেশী দৃষ্টি ছিল না, তাঁহাদের বেশী দৃষ্টি ছিল কাকালী বিদ্যায়ের দিকে, এবং লোকজনের ভোজনের দিকে। আমরা তখন বালক, প্রতিমার সাজসজ্জা ভাল হয়, আমাদের তখন বড় ইচ্ছা তাই আমরা আপন হাতে প্রতিমা সাজাইতাম, এবং কার্তিকের জন্য ভাল পাগড়ি কিনিয়া লইয়া যাইতাম। আর কর্তাদের বাহারের দিকে দৃষ্টি ছিল না বলিয়া আমাদের তত বড় আটচালায় চারটির বেশী বড় লণ্ঠন জলিত না। সেটা আমাদের ভাল লাগিত না। তাই আমরা প্রতি বৎসর একটা করিয়া ছোট লণ্ঠন কিনিয়া লইয়া যাইতাম। আর সেই লণ্ঠনটি যখন জলিত, তখন ভাবিতাম আমাদের খুদে লণ্ঠনটি সরকারী বড় বড় লণ্ঠনগুলির চেয়েও বড়। এই সব করিয়াও যে ক্ষোভটুকু থাকিত, তাহা মিটাইবার জন্য সপ্তমী, অষ্টমী, নবমী ও দশমী, চারিদিন খুব ভোরে উঠিয়া স্নান করিয়া আটচালায় সমস্ত নৈবেদ্য প্রস্তুত করিয়া দিতাম। এইরূপে আমরা volunteer-এর কাজ করিতাম।

এ কাজ করিয়া যে পবিত্র আনন্দ অহুভব করিতাম। তাহার বর্ণনা হয় না, কিন্তু এই বৃদ্ধ বয়সেও এই রকম করিয়া আবার অহুভব করিয়াছি। বিধাতার কি অপূর্ণ মঙ্গলময় বিধান! তিনি বুড়ো মানুষকেও বালক করিয়া বাল্যকালের নির্মল পবিত্র আনন্দের অধিকারী করেন! কয়দিনই সন্ধ্যার আরতি হইয়া গেলে, আমরা মহা আনন্দে আটচালায় নাচিতাম। আর গাহিতাম—ষড়ানন ভাই, তোর কেন নবাবী এত, তোর ঘরে নাইক অষ্টরম্ভা, পরের বাড়ী কৌচা লম্বা, তোর মা সেই জগদম্বা, পেটের জ্বালায় ছাগল খেত। ঢুলি নাচের বাজনা বাজাইত, আর আমরা নাচিতাম। চক্ষু বুজিয়া ভাবিতে ভাবিতে ঠিক সেই নাচানাচি, এবং ঠিক সেই আনন্দ অহুভব করি। হায়! দেশের কি দুর্ভাগ্য! এখনকার বালকে বুড়োর মত হইয়াছে, লজ্জায় ও গাশ্বাখে এক কিছু তকিমাকার জীব। যাহাদের বালকে আনন্দ ও উল্লাস করিতে পারে না, তাহাদের মঙ্গল হওয়া কি সম্ভব? তখন বুড়াতেও বালকের ন্যায় আনন্দ করিত। আমাদের সেই পরাণ জেঠা বয়সে প্রায় সত্তর; কিন্তু আনন্দে উল্লাসে আমাদের সঙ্গে নাচিত ঠিক আমাদেরই মতন বালক। নবমীর বলিদানের পর যে কাদামাটি হইত পরাণ জেঠাই তো তাহার প্রাণস্বরূপ ছিলেন। নিজে কলসী কলসী জল ঢালিয়া নিজে প্রথমে গড়াগড়ি আরম্ভ করিতেন। আমরা অমনি নাচিয়া উঠিতাম। ১০।১৫ জনে গড়াগড়ি আরম্ভ করিতাম, সর্ব্বাঙ্গে কাদা, সেই কাদা-মাখা গায়ে পরাণ জেঠার সঙ্গে পাড়ার অন্য অন্য পূজাবাড়ীতে গিয়া সেখানে আবার কাদামাটি করিতাম, আমাদের ঢাক ঢোল আমাদের সঙ্গে যাইত। ক্রমে অন্যান্য বাড়ীর ঢাক ঢোলও আমাদের সঙ্গে লইত। যখন শেষ বাড়ীতে কাদামাটি করিয়া নাচিতে নাচিতে পুকুরে নাইতাম তখন ঢাক ঢোলের শব্দে দশ খানা গ্রাম কাঁপিয়া উঠিত, দশখানা গ্রামের লোক ছুটিয়া দেখিতে আসিত। তখন আমাদের বড় পুকুরে ঝপাং ঝপাং করিয়া পড়িয়া পুকুর তোলপাড় করিতাম ও গাবাইয়া ঢুলিতাম। সেই সেকালের উল্লাস, কিন্তু বুড়ো বয়সে এই রকম করিয়া চক্ষু বুজিয়া যেন শরীরীবাং আবার দেখিয়াছি, দেখিয়া তাহার সহিত আবার সেই তখনকার মতন মাতামাতি করিয়াছি। মানুষের স্ব্থের সীমা আছে কি? মানুষের স্ব্থের ভাঙার ফুরাইবার নয়। সকলেরই জীবনে, বিশেষ বাল্যকালে, এইরূপ আনন্দোপভোগ হইয়া থাকে। বুড়া হইয়া সকলেই যদি আমার মতন চক্ষু বুজিয়া সেই বাল্যানন্দের ছবি মনে ফলাইয়া তোলেন, সকলকেই স্বীকার করিতে হয় যে, কৃপায় ভগবানের

মঙ্গলময় বিধানে পৃথিবীতে সকলেরই স্থখের ভাণ্ডার যথার্থ্যই অসীম অনন্ত অফুরন্ত।  
লোকে যে এখন বলিতে আরম্ভ করিয়াছে, পৃথিবীতে স্থখ নাই, “অনেক দুঃখ  
আছে হেথা, এ জগৎ যে দুঃখে ভরা”, এ কেবল কুশিক্ষা, কুদৃষ্টান্ত এবং ঈশ্বরপরায়ণ-  
তার অভাবের ফলে বলিতেছে। ঐ যে ইংরাজ কবি বলিয়াছেন—

Our sweetest songs are those that tell of saddest thought—

ওটা এখনকার ইউরোপের একটা ঢং ; সুতরাং ইংরাজী ওয়ালা বাদালীর বড় ভাল  
লাগে, এবং ইংরাজী ওয়ালা বাদালীর বাদালা সাহিত্যে এত প্রবল এবং আদৃত  
হইতেছে। তা নয়, তা নয় ; এই বুড়ো বয়সেই বালাকালের অসীম, নির্মল আনন্দের  
সাক্ষাৎ পাইয়া আমি জোর করিয়া বলিতেছি—এ জগৎ স্থখ ভরা, মানুষের স্থখের  
পরিমাণ হয় না—ভগবানের দয়া ও কৃপা প্রত্যক্ষ করিতে হইলে বৃদ্ধ বয়সে আমার  
বর্ণিত প্রণালীতে বালাকালকে মুর্ত্তিমান করিয়া বালায়ানন্দ প্রত্যক্ষ করা আবশ্যক। কাজ  
অতি সহজ। চক্ষু বুজিয়া ধ্যানস্থ হইলে ভগবানেরই নিয়মে অতি সহজে সম্পন্ন হয়।

পূজার কথা ভাবিতে ভাবিতে, সন্ধিপূজার ভীষণতা-পূর্ণ আনন্দের কথা মনে  
উঠিল। গভীর রাত্রে সন্ধিপূজা না হইলে আমাদের মন খারাপ হইত। গভীর  
রাত্রে হইলে আমাদের আনন্দের সীমা থাকিত না। সন্ধিবলিদান একটা বিষম ব্যাপার।  
ঠিক মুহূর্ত্তে না হইলে মায়ের পূজা একরকম পণ্ড হয়, গৃহস্থের ঘোর অনিষ্টের সম্ভাবনা।  
মুহূর্ত্ত-মাহাত্ম্য সকল মহৎ কাজেই আছে ; কিন্তু আমাদের সন্ধিপূজায় যেমন দেখিয়াছি,  
আর কিছুতেই তেমন দেখি নাই। একটু বলি :—

সন্ধিপূজা ও বলিদান আমাদের দুর্গাপূজার সর্বপ্রধান অংশ। আজ রাত্রে সন্ধি-  
পূজা ও বলিদান। সকাল হইতে মেয়ে পুরুষ, পাড়া প্রতিবেশী সকলেরই মুখে কেবল  
ঐ কথা—সকলেই যেন ভীত সন্ত্রস্ত। সন্ধ্যার সময় তাঁবি বসিল। সেটা কি, বোধ  
হয় অনেকে জানেন না। যখন ঘড়ি ছিল না, তখন সন্ধিপূজা ও বলিদানের মুহূর্ত্ত  
নিরূপণ করিবার জন্ত তাঁবি পাতা হইত। ঘড়ির চলন হইলেও, পুরাতন বুনিয়াদি  
বাড়ীতে তাঁবি পাতা হইত। আমাদের বাড়ীতে এখনও পাতা হয়। আমাদের  
পাড়ার আচার্য্যেরা চিরকাল আমাদের বাড়ীতে তাঁবি পাতিতেছেন। এখনও  
তাঁহাদেরই একজন পাতেন। ঠিক সূর্যাস্তের সময়, বৈঠকখানায় একটা নূতন হাড়িতে  
এক হাড়ি জল বসান হয়। একটা পাতলা তামার বাটীর তলায় এমন একটা ক্ষুদ্র  
ছিদ্র থাকে যে, বাটীটা হাড়ির জলের উপর বসাইয়া দিলে যতক্ষণ জলপূর্ণ হইয়া



ডুবিয়া যায়, ততক্ষণে ১ দণ্ড হয়। ডুবিবামাত্র উহা তুলিয়া আবার বসাইতে হয়। উহান্ন  
 যতবার ডোবে, হাঁড়ির গায়ে ততবার এক একটা চূণের দাগ দিতে হয়। তাহাতে  
 দণ্ডের সংখ্যা ঠিক থাকে। রাত্রি যত দণ্ড হইলে সন্ধিপূজা আরম্ভ হয়, হাঁড়ির  
 গায়ে ততগুলি চূণের দাগ পড়িলেই পূজারী মহাশয়কে চৈতন্য বলা হয়, মহাশয়  
 এতবার তাঁবি পড়িয়াছে। সন্ধিপূজা আরম্ভ হইবে শুনিলে, আমি তাঁবির জায়গা  
 ছাড়িয়া চণ্ডীমণ্ডপে সন্ধিপূজার মন্ত্র শুনিতে যাইতাম। চণ্ডীমণ্ডপে গিয়া দেখিতাম,  
 বহু গোষ্ঠীর সমস্ত স্ত্রীলোক সেখানে গলায় কাপড় দিয়া ঘোড়হাত করিয়া দাঁড়াইয়া  
 আছেন, চণ্ডীমণ্ডপ ধুনীর ধোঁয়াতে পরিপূর্ণ, মাকে প্রায় দেখিতে পাওয়া যায় না,  
 আর চণ্ডীমণ্ডপে ৮কালীপূজার দীপাঙ্কিতার স্রাব অসংখ্য দুর্গাপ্রদীপ জলিতেছে—  
 কারণ, সন্ধিপূজায় মায়ের চামুণ্ডা রূপে পূজা করা হয়,—বড় শক্ত পূজা, সেই ক্ষুদ্র  
 মুহূর্ত্তের মধ্যে, দুই একটা নয়, কোটি যোগিনীর পূজাও শেষ করিতে হয়, আর  
 সন্ধি বলিদানের সময় মহিষের শৃঙ্খোপরি রক্ষিত সরিষা যতটুকু সময় থাকে, ততটুকু  
 সময়ের জন্ত মায়ের একবার আবির্ভাব হয়, এবং সেই আবির্ভাব কালের মধ্যে যাহাতে  
 সন্ধিবলিদান হয়, তাহাও করিতে হয়। বড় ভয়ানক, বড় শক্তপূজা! ঐ যে  
 মহিষের শৃঙ্খের উপর সরিষার কথা, ওটা অতুলনীয় কবিকৌশল। সেই ভীষণ  
 পূজার দুই একটা মন্ত্র শুনুন; শুনিলে বুঝিবেন, এ পূজার কল্পনা যাহাদের মনে  
 উদ্ভিত হইয়াছিল, সংসারে তাহাদের অসাধ্য কিছুই নাই, অস্ততঃ অসাধ্য হওয়া  
 উচিত নয়। এমন ভীষণতা যাহাদের এত প্রিয়, এত মনের ও হৃদয়ের সামগ্রী,  
 তাহাদের কিছুতেই ভীত ব্রন্ত হওয়া উচিত নয়; তাহারা ভীত ব্রন্ত হইলে বুঝিতে  
 হয়, তাহাদের সারবত্তা ফুরাইয়াছে তাহারা মরিয়া গিয়াছে। এত স্ত্রী ও পুরুষ, কিন্তু  
 কাহারও মুখে কথাটা নাই, এমন কি চপল চঞ্চল বালকেরা পর্য্যন্ত নির্ভীক নিস্তক,  
 আমি যেন সে বিচ্ছু নই, সে বালক নই, রোমাঞ্চিত হইয়াছি; ঢাকী ঢুলী ঢাক  
 ঢোল খাড়ে করিয়া তাহাদের সেই একচালাখানি ছাড়িয়া আটচালার ধারে আসিয়া  
 দাঁড়াইয়াছে, স্ত্রীলোকেরা থাকিয়া থাকিয়া “মাগো” “মাগো” শব্দ করিতেছেন,  
 ইংরাজীওয়ালারা পর্য্যন্ত তাকিয়া, সটকা ছাড়িয়া যেন স্তম্ভিত হইয়া বসিয়াছেন,  
 ধুনীর ধোঁয়ায় আটচালা পর্য্যন্ত আচ্ছন্ন হইয়াছে, আমি কাঁপিয়া উঠিয়া আনন্দে মগ্ন  
 হইয়াছি, এমন সময়ে যেন সমস্ত ব্রহ্মাণ্ড ভীত ব্রন্ত করিয়া তত্ত্বধারক ঘোষাল মহাশয়  
 মন্ত্রপাঠ করিলেন :—

জটাজুটসমায়ুক্তাং মৰ্দ্দেদুকৃতশেখরাম্ ।  
 লোচনত্রয়সংযুক্তাং পূৰ্ণেন্দুদৃশাননাম্ ॥  
 অতসীপুষ্পবৰ্ণাভাং সুপ্রতিষ্ঠাং শূলোচনাম্ ।  
 নবযৌবনসম্পন্নাং সৰ্ব্বাভরণভূষিতাম্ ॥  
 'সুচাকদশনাং তদ্বৎপীনোন্নতপয়োধরাম্ ।  
 ত্ৰিভঙ্গস্থানসংস্থানাং মহিষাসুরমৰ্দ্দিনাম্ ।  
 মুণালায়তসংস্পৰ্শ-দশবাহসমধ্বিতাম্ ।  
 ত্ৰিশূলং দক্ষিণে ধ্যেয়ং খড়্গং চক্ৰং ক্রমাদধঃ ॥  
 তীক্ষ্ণবাণং তথা শক্তিং দক্ষিণে সন্নিবেশয়েৎ ।  
 খেটকং পূৰ্ণচাপঞ্চ পাশমকুশমেব চ ॥  
 ঘণ্টাং বা পরশুং বাপি ব.ম.তঃ সন্নিবেশয়েৎ ।  
 অশস্ত্ৰাঃ মহিষং তদ্বিদ্ধিশিৰস্কং প্রদৰ্শয়েৎ ॥  
 শিরশ্ছেদোদ্ভবং তদ্বদানবং খড়্গা পাণিনম্ ।  
 হৃদি শূলেন নিভিন্নং নিৰ্যদস্তবিভূষিতম্ ॥  
 বক্তবক্তীকৃতাদঙ্ক বক্তবিস্মুরিতেক্ষণম্ ।  
 বেষ্টিতং নাগপাশেন ভ্রুকুটীভীষণাননম্ ॥  
 সপাশবামহস্তেন ধৃতকেশঞ্চ দুৰ্গয়া ।  
 বমক্ৰধিববক্ত্ৰঞ্চ দেব্যাঃ সিংহং প্রদৰ্শয়েৎ ॥  
 দেব্যান্ত দক্ষিণং পাদং সমং সিংহোপরিস্থিতম্ ।  
 কিঞ্চিদুৰ্দ্ধং তথা বামমঙ্গুষ্ঠং মহিষোপরি ॥  
 ক্লৃয়মানঞ্চ তদ্রূপমমৰৈঃ সন্নিবেশয়েৎ ।  
 উগ্রচণ্ডা প্রচণ্ডা চ চণ্ডোগ্রা চণ্ড নায়িকা ॥  
 চণ্ডা চণ্ডবতী চৈব চণ্ডরূপাতিচণ্ডিকা ।  
 অষ্টাভিঃ শক্তিভিস্তাভিঃ সমন্নাং পরিবেষ্টিতাম্ ।  
 চিস্তয়েজ্জগতাং ধাত্রীং ধৰ্ম্যকামাৰ্থমোক্ষদাম্ ॥

ইহা দুৰ্গাপূজা নয়, কালীপূজা নয়. ইহা চামুণ্ডাৰ পূজা—যে মূৰ্ত্তিতে মা অসুৰ নাশ  
 কৰেন ; ইহা মায়েৰ সেই চামুণ্ডা মূৰ্ত্তি । এ মূৰ্ত্তিৰ ধাৰণা আমাদেৰ আৰ হ'ব  
 না—ভীষণতা যতদিন আমবা এমনই কৰিয়া আবার ভোগ কৰিতে না পাৰিব,

ভীষণতায় যতদিন আবার এমনই করিয়া ধ্যানস্থ হইয়া থাকিতে না পারিব, ততদিন আমাদের এ মূর্ত্তির ধারণা আর হইতে পারিবেও না। আমরা এখন বছর বছর শক্তি, আত্মশক্তির পূজার কথা कहিয়া থাকি, কিন্তু সে কেবল ফাঁকা কথা। আত্মশক্তির মর্ম্ম আমরা ভুলিয়া গিয়াছি, ভুলিয়া গিয়া আমরা বেজায় মোলায়েম হইয়া পড়িয়াছি, মোলায়েম হইয়া আমরা আর কষ্ট সহিতে পারি না, সুতরাং কঠোর হইতেও পারি না। তাই আজ পিতৃ-মাতৃবিয়েগে এক মাস কাল কষ্টকর অশৌচ পালন করিতে অশক্ত ও অনিচ্ছুক বলিয়া সভা করিয়া পৈতা লইয়া ক্ষত্রিয় ভাণ করিয়া অশৌচকাল কমাইয়া ১২ দিন করিবার জগ্গ উঠিয়া পড়িয়া লাগিয়াছি। তাই আমরা ভীষণতা দেখিয়া পূর্বের জ্ঞান আনন্দে ভরপুর না হইয়া ভীত ভ্রস্ত হই—বলিয়া থাকি, ও ছাগবলি বন্ধ কর, ও রক্তপাত বড় নিষ্ঠুরতা। আরে দেবার্চ্চনায় রক্তপাত যদি নিষ্ঠুরতা তবে উদবার্চ্চনার জগ্গ রক্তপাতে নিষ্ঠুরতা দেখ না কেন? যাহারা এই ভীষণ পূজার কল্পনা করিয়াছিলেন, তাঁহাদের করুণা কোমলতার কথা এখনি বলিব, শুনিও।

সন্ধিপূজা শেষ হইলেই দেখিলাম, আটচালায় হাড়িকাঠ পৌতা হইয়াছে, বৃদ্ধ কালী কামার স্নান করিয়া ছাগল নাওয়াইয়া আনিয়া মায়ের সম্মুখে উপস্থিত। আমি অমনই চণ্ডীমণ্ডপ হইতে নদীর ধারে গেলাম। আমাদের বাড়ীর পূর্বদিকেই কৌশিকী নদী। আমরা ৪।৫ জনে সেই নদীর ধারে গিয়া বসিলাম। ঘড়ি দেখিয়াও সন্তুষ্ট নয়, তাঁবি পাতিয়াও সন্তুষ্ট নয়, শুনিতে হইবে হরিপালের রায়েদের বাড়ীর বন্দকের শব্দ। সেখানে যেমন সন্ধিবলিদানের কোপ হয়, চিরকাল অমনই বন্দুক ছোঁড়া হয়। যেমন বন্দকের শব্দ শুনা, অমনই টেঁচাইয়া বলা—বন্দুক হইয়াছে। অমনই পুরোহিত হাড়িকাঠ পূজা করিলেন—কর্ত্তারা তন্ত্রধারক ঘোষাল মহাশয়ের অনুমতি চাহিলেন—ঘোষাল মহাশয় বলিলেন—হাঁ, ঠিক সময় হইয়াছে, অষ্টমী দণ্ড কাটিয়াছে। অমনই মা মা শব্দে সেই ভীষণতা ভীষণতর হইয়া উঠিল। ঈশ্বর দাদা ও কানাই জেঠার বাড়ীর লোক সেই সংবাদ লইয়া ছুটিল। খুঁটি ছাড়, খুঁটি ছাড় শব্দ উঠিল; বৃদ্ধ কালী কামার সেই বৃহৎ খাঁড়া তুলিয়া কোপ করিল—বলিদানের বাজনা বাজিয়া উঠিল—যে সকল বাড়ীতে পূজা, সর্কারই সন্ধিবলিদানের বাজনা বাজিয়া উঠিল। ঘর দ্বার গাছপালা পথঘাট স্ত্রী-পুরুষ বালক বালিকা—সমস্ত গ্রাম যেন কাঁপিয়া উঠিল। কিন্তু নির্ঝিল্লি যে সন্ধিবলিদান হইয়া গেল, ইহাতে সমস্ত গ্রাম আনন্দে ভরপুর হইয়া নিশ্বাস ফেলিয়া বাঁচিল। এমন তন্ন তন্ন করিয়া যাহারা ভীষণতার

সাধনা করিতে পারিয়াছিলেন, বাঙ্গালী হইলেও তাঁহারা প্রকৃত হিন্দু, প্রকৃত মাহুয, মাহুয মধ্যে যথার্থ আর্ধ্য। ভীষণতা লইয়া যে খেলা করিতে ভালবাসে সেই পৃথিবী লাভ করে—প্রকৃত মাহুয হয়। আটলান্টিকরূপ ভীষণতার সহিত খেলা করিতে পারিয়াছিল বলিয়াই ইউরোপ আমেরিকার অন্নভাণ্ডার লাভ করিয়াছে। আর উত্তমাশা অন্তরীপের ভীষণতার সহিত খেলা করিতে পারিয়াছিল বলিয়া ইংলও ভারতের স্বর্ণভাণ্ডার লাভ করিয়াছে। তাত্ত্বিক সাধক ভীষণতা লইয়া খেলা করে বলিয়া সাধকের মধ্যে শ্রেষ্ঠ—মাহুযের মধ্যে jelly নয়, লোঁহদণ্ডবৎ কঠিন ও শক্ত। ঋব ছিলেন তাত্ত্বিক সাধক। তাই বিধাতার নিকট হইতে ঋবলোক আদায় করিতে পারিয়াছিলেন। তাত্ত্বিকের শবসাধনাদি বড় ভীষণ সাধনা। বোধ হয়, প্রহ্লাদও তাত্ত্বিক সাধক ছিলেন। তেমন অষ্টপৃষ্ঠে দড়—জলে ডোবে না, আগুনে পোড়ে না, বিষ খাইয়া হজম করে, হাতীর পদভরে ভাঙ্গে না—তাত্ত্বিক সাধক না হইলে হইতে পারে কি? ভবানীর বরপুত্র ছত্রপতি শিবাজী তাত্ত্বিক সাধক ছিলেন। আমরা jelly হইয়া পড়িয়াছি—তাই কষ্ট দেখিলে কাতর হইয়া পড়ি, কঠোরতাকে বর্জ্যতা বলি, আর কঠিন কাজে পশ্চাৎপদ হই। আমাদের দুর্গোৎসব, দুর্গোৎসব নয়, আমাদের দুর্গোৎসব পৃথিবীর সর্বশ্রেষ্ঠ মহাকাব্য—Iliad অপেক্ষা বড়, AEnied অপেক্ষা বড়, Paradise Lost অপেক্ষা বড়, Inferno অপেক্ষা বড়, Jerusalem Delivered অপেক্ষা বড়। এই মহাকাব্য যাহাদের হৃদয়োদ্ভূত, আমরা তাহাদের উপযুক্ত বংশধর নহি। যদি জগতে আবার উঠিতে হয় আমাদেরকে তাত্ত্বিক সাধক হইতে হইবে—তাত্ত্বিকসাধনায় ইন্দ্রিয় জয় করিতে হইবে। সে সাধনায় ইন্দ্রিয়পরায়ণতা বাড়ে, ওটা ভুল কথা। ইন্দ্রিয়জয়ের জগুই সে সাধনা। আমরা বড় ইন্দ্রিয়পরায়ণ হইয়াছি। তাই আমাদের তাত্ত্বিক সাধনার প্রয়োজন হইয়াছে। আমাদেরকে লোহার সমান কঠিন হইতে হইবে।

আবার ভোরে বাজনা শুনিয়া ঘুম ভাঙ্গিল—অমনই প্রাণ যেন কাঁপিয়া উঠিল—আজ যে বিজয়া দশমী—মা আজ বাড়ী যাবেন। স্নান করিয়া নৈবেদ্য করিয়া দিলাম। কিন্তু আজ নৈবেদ্যের সংখ্যা অল্প, প্রধান নৈবেদ্য একেবারেই নাই—মন বড় খারাপ; আনন্দের পরিবর্তে আজ ঘোর নিরানন্দ—কিন্তু বড় আনন্দময় নিরানন্দ। আনন্দময়ী তিন দিন—তিন দিন কেন—তিন মাসের অধিক আনন্দ দান করিয়া বাড়ী যাইবেন বলিয়া আজ আনন্দময় নিরানন্দ—আনন্দাত্মক বিষাদ। চতুর্থমুখে দর্পণ বিসর্জন

আরম্ভ হইল। স্ত্রীলোকেরা আজ মলিন বস্ত্র পরিয়া গলায় কাপড় দিয়া সেখানে দাঁড়াইয়া বস্ত্রাঞ্জে চক্ষু মুছিতেছেন। কর্তারা বৈঠকখানা ছাড়িয়া চণ্ডীমণ্ডপে আসিয়া গলায় কাপড় দিয়া দাঁড়াইয়াছেন—আটচালায় অসংখ্য গ্রামবাসী গলায় কাপড় দিয়া দাঁড়াইয়া রহিয়াছেন। তত্ত্বধারক ঘোষাল মহাশয় মন্ত্রোচ্চারণ করিতেছেন। ঘোষাল মহাশয়ের গলা বড় মিষ্ট ছিল, এবং অমুরাগভরে কথা কহিলে সে গলা একটু কঁপিত। সেই মিষ্ট গলায় দ্বৈধ কল্পিত স্বরে ঘোষাল মহাশয় মন্ত্রোচ্চারণ করিতেছেন :

গচ্ছ গচ্ছ পরং স্থানং স্বস্থানং পরমেশ্বর।

সংবৎসরব্যতীতে তু পুনরাগমনায় চ ॥

মন্ত্র শুনিয়া সকলেরই চক্ষু ফাটিয়া জল বাহির হইল। সকলেই ফৌস ফৌস করিয়া কঁাদিতে লাগিল। কচি মেয়েটি বিবাহের পর দিন যখন প্রথম স্বস্তরবাড়ী যায়, তখন বিবাহবাড়ীতে কেবলই যেমন ফৌস ফৌসানি, আজ বিজয়া দশমীর দিন বাঙ্গালীর বাড়ীতে তেমনই কেবল ফৌস ফৌসানি। দুর্গতিনাশিনী দুর্গা তো আমাদের দেবী নহেন, আমাদের ঘরের মেয়ে, আমাদের সতীসাম্প্রদায়িকদের গর্ভের সন্তান। তাই ত আজ বৈকালের সেই অপূর্ব, অনন্তবনীয়, অনির্বচনীয়, অতুলনীয় ব্যাপার। মায়ের প্রতিমা নদীতে নিক্ষেপ করিবার সময় হইয়াছে। প্রতিমা চণ্ডীমণ্ডপ হইতে আটচালায় নামান হইয়াছে। পুরুষেরা বাটীর বাহিরে গিয়াছেন—চাকী ঢুলী বাটীর বাহিরে গিয়া বিসর্জনের বাজনা আরম্ভ করিয়াছে। সদর দরজা বন্ধ করা হইয়াছে। স্ত্রীলোকেরা মাকে বরণ করিতে আসিয়াছেন। জলের ঝারা দিয়া তাহারা প্রতিমা প্রদক্ষিণ করিলেন। তাহার পর মাকে বরণ করিলেন। তাহার পর কঁাদিতে কঁাদিতে মায়ের, লক্ষ্মীঠাকুরাণীর, সরস্বতীর, গণেশের, কান্তিকেশর, সিংহবাহিনীর সিংহের, মায়ের বর্ষাবিদ্ধ অম্বরের পর্য্যন্ত মূখে সন্দেশ গুঁড়া করিয়া এবং ছেচাপান টিপিয়া টিপিয়া দিলেন, এবং প্রত্যেককে মাথার দিয়া দিয়া চোখের জলে ভাসিতে ভাসিতে আবার আসিতে বলিলেন, সর্ব্বশেষে আপন আপন বস্ত্রাঞ্জে সিংহটি অম্বরটির পর্য্যন্ত প্রত্যেকের পদধূলি পরম পদার্থ বলিয়া গ্রহণ করিলেন—তাহার পর আবার কঁাদিতে লাগিলেন। সর্ব্বশেষে আমার মা প্রতিমার পিছনে দাঁড়াইয়া বস্ত্রাঞ্জল পাতিলেন, আমার পিতা সম্মুখ দিক হইতে তাহাতে কনকাঙ্কলি অর্থাৎ থালা শুদ্ধ চাল ও টাকা ফেলিয়া দিলেন। তখন পুরুষেরা প্রতিমা নদীতীরে লইয়া গেলেন। আচার্য্যদিগের নদীতে চিরকাল আমাদের প্রতিমা বিসর্জন হয়। সেই নদীতীরে

প্রতিমা বসান হইল। অনেকক্ষণ রাখা হইল। কারণ নদীর অপরপারে অনেক স্ত্রীলোক মাকে দেখিবেন বলিয়া আশিয়াছেন। তাঁহারাও কাঁদিতেছেন। তাহার পর প্রতিমা নদীর জলে নিমজ্জিত হইল। আমরা বালক—তুই একখানা ডাক খুলিয়া লইলাম। তাহার পর ঢাকী ঢুলী সঙ্গে লইয়া নীলকণ্ঠ পাখী দেখিতে যাওয়া হইল। ঢাক ঢোল কিন্তু বাজিতেছে না। প্রতি বৎসরই নীলকণ্ঠ পাখী দেখিয়া তবে বাড়ী ফেরা হয়। চিরকাল শুনা আছে যে, বিসর্জনের পর মহাদেব নীলকণ্ঠ পাখীর রূপ ধারণ করিয়া একবার দেখা দিতে আসেন। প্রতি বৎসরই বাগ্দীপাড়ায় একটা নয় আর একটা গাছে নীলকণ্ঠ পাখী দেখিয়াছি। দেখিতে পাওয়া গেলেই ঢাক ঢোল বাজিয়া ওঠে, আর পাখী উড়িয়া যায়। সকলে পাখীকে প্রণাম করিয়া বাড়ীতে ফিরি। বাড়ীতে ঢুকিয়া চণ্ডীমণ্ডপ শূন্য দেখিয়া বুক ফাটিয়া যায়। কিন্তু তখনই আবার আহ্লাদে বুক নাচিয়া উঠে। সে কিসের আহ্লাদ বলি শুন। বিজয়া দশমীর দিন প্রতিমা-বিসর্জনের পর সমস্ত বাঙ্গালার স্ত্রী পুরুষ বালক বৃদ্ধ শিশুকন্যা শিশুপুত্র ধনী নিধন সকলেই আপন আপন অবস্থানুসারে আজিও নৃতন বস্ত্রাদি পরিয়া থাকে। আমরাও তখন পরিতাম। কিন্তু সে জন্ত তখন আমার এত আহ্লাদ হইত কেন? সমস্ত বৎসর ধরিয়া সেই আনন্দোপভোগের প্রতীক্ষায় থাকিতাম কেন, খুলিয়া না বলিলে তোমরা বুঝিতে পারিবে না। আমি এবং আমার দাদা দ্বারকানাথ আমাদের বাপের দুইটি মাত্র পুত্র ছিলাম। বাবা আমাদেরকে কখন ভাল কাপড় জুতা দিতেন না। আমরা সংবৎসর মোটা কাপড় পরিয়া, মোটা মার্কিন থানের পিরাণ এবং মুড়ি শেলাই চাদর গায়ে দিয়া এবং নাগরী জুতা পায় দিয়া স্থলে বল, নিমন্ত্রণে বল, সর্বত্রই যাইতাম। কেবল পূজার সময় বাবা আমাদের দুই ভাইকে এক খানি করিয়া ঢাকায় কাপড় ও চাদর, একটি করিয়া সাদা ফুলতোলা কাপড়ের জামা, একজোড়া করিয়া সাদা মোজা এবং এক জোড়া করিয়া জরিয়া জুতা দিতেন। সেগুলি আমরা বিজয়া দশমীর দিন প্রতিমা-বিসর্জনের পর পরিয়া যাত্রা করিয়া আসিয়া সদরবাটীতে শান্তিঙ্গল লইয়া সকলকে প্রণাম করিয়া বেড়াইতাম। সেই কাপড় জুতা পরিবার আনন্দের প্রত্যাশায় সংবৎসর থাকিতাম। তাই আজ বিসর্জন-জনিত অত বিষাদের মধ্যেও অত আনন্দ। চক্ষু বুজিয়া যখন বিজয়া দশমীর কথা ভাবি, তখন সেই অতুলনীয় বিষাদও যেমন, সেই অপরিমিত আনন্দও তেমনই শরীর লাভ করিয়া আবার আমার কাছে আসে, আর তখনকারই মতন আমাকে উৎফুল্ল করিয়া দেয়।

সেটাকত প্রত্যক্ষবৎ বলি শুন। একদিন চক্ষু বুজিয়া খিল খিল করিয়া হাসিয়া উঠিলাম। আমার স্ত্রী বলিলেন—শুধু শুধু অত হাসি কেন? আমি বলিলাম—শুধু শুধু নয়। ও আমার বাল্যকালের হাসি। স্ত্রী—সে আবার কি রকম? আমি—তবে বলি শুন। আমরা নয়ান চাঁদ দন্তের গলির একটা বাড়ীতে অনেকদিন ছিলাম। তখন ইস্কুলে পড়িতাম। কিন্তু বৃন্দাবন দাদার এমনই শাসন ছিল যে, ইস্কুলে যাইবার সময়ে ভিন্ন অত্র কেনও সময়ে আমরা সদর দরজার চৌকাঠের বাহিরে পা দিতে পারিতাম না। একটা রবিবারে বেলা ৮টা কি ৯টার সময় চৌকাঠের উপর বসিয়া আছি, এমন সময় একটি লোক আসিল। কিছু দীর্ঘাকার, ঘোর কৃষ্ণবর্ণ, তাহার চক্ষু দুইটি এত বড় যে, ঘুমাইলেও বোধ হয় সমস্তটা বুজিত না। বোধ হয় নেশা করিবার দরুণ তাহার চক্ষু এরূপ হইয়াছিল। কোন্ নেশায় চোখ ওরূপ হয় বলিতে পারি না। নেশাখোর ও ডাক্তারে বোধ হয় বলিতে পারেন। সে প্রতিদিন আমাদের বাড়ীতে তিলকুটো সন্দেশ দিয়া আসিত। সেদিন কিন্তু তাহার হাতে সন্দেশের হাঁড়ি ছিলনা। আমি মনে করিলাম—বোধ হয় সন্দেশের দাম পাওনা আছে, তাহাই আদায় করিতে আসিয়াছে। এমন সময়ে আমার গিরিশ ভায়া আসিয়া তাহার সেই স্বাভাবিক উদ্ভূত ভাবে বলিলেন—কে হে তুমি, যাও, যাও, যাও। সে কিন্তু গম্ভীরভাবে তাহার সেই মোটা গলায় আধ বোজা চক্ষে উত্তর করিল—চিন্তে পারবে কেন? চিন্তে পারবে কেন? হাঁড়ি নাই যে। হাঁড়ি নাই যে। আমরা খিল খিল করিয়া হাসিয়া উঠিলাম। এ সেই হাসি; বুঝিলে? আটচালা জুড়িয়া সপ পাতা হইয়াছে। চণ্ডীমণ্ডপে স্ত্রীলোকেরা বসিয়াছেন। ঘোষাল মহাশয় এবং আমাদের কুলপুরোহিত ৬ঈশ্বরচন্দ্র বালিয়াল মহাশয় এবং আমাদের পাড়ার ৬কালীচাঁদ আচার্য্য মহাশয় সর্বজ্যেষ্ঠ হইতে আরম্ভ করিয়া সর্বকনিষ্ঠ পর্য্যন্ত প্রত্যেকের মস্তকে মায়েয় অর্ঘ্য বুলাইয়া ছোঁয়াইয়া, মায়েয় ফুল দিয়া আত্মশাখা দ্বারা সর্বশরীরে শাস্তিজল সেচন করিতেছেন। তাহার পর নূতন দেশী কাগজে নূতন লাল কালি দিয়া নূতন কলমে তিনবার করিয়া এইরূপে দুর্গানাম লেখা হইত।

শ্রীশ্রীদুর্গা

শ্রীশ্রীদুর্গা

শ্রীশ্রীদুর্গা

শরণং

শরণং

শরণং

সর্বজ্যেষ্ঠ হইতে আরম্ভ করিয়া সর্বকনিষ্ঠ পর্য্যন্ত পর পর দুর্গানাম লিখিত হইত। তাহার পর জ্যেষ্ঠ কনিষ্ঠ অল্পম্বয়ে কনিষ্ঠ জ্যেষ্ঠদ্বিগকে প্রণাম করিত, তাহাদের পায়ের

ধূলা ও আশীর্বাদ লইয়া তাঁহাদের সহিত কোলাহুলি করিত। তাহার পর অন্তরে গিয়া জ্বীলোকদিগকে প্রণাম করিতাম, এবং তাঁহাদের পায়ের ধূলা লইতাম, তাঁহারাও আমাদিগকে আশীর্বাদ করিতেন এবং চিরকাল বেঁচে থাক, বিজ্ঞা হউক, ধন হউক চিরকাল এমনি করিয়া মাকে আনিও, এই বলিয়া আমাদের দাড়িতে হাত দিয়া চুমো খাইতেন। আমরা আর এক যায়গায় যাইতাম, সেখানেও ঐরূপ হইত, এবং বসকরা বা খেঁচুর একটু একটু খাইতাম। বাগ্দোপাড়ায়, মুসলমান পাড়ায় এবং চাষাপাড়ায় গিয়াও এইরূপে প্রণাম করিতাম, পায়ের ধূলা লইতাম, হইল বা মিষ্টমুখ করিতাম, আর প্রাণভরা আশীর্বাদ লইয়া নাচিতে নাচিতে বাড়ী ফিরিয়া আসিতাম। তখন রাত্রি প্রায় দুই প্রহর। সে যে কি অপূর্ব সুখ, এখনকার লোকে তাহা জানেন না, জেনেন না বলিয়াই কাহারও সুখে সুখামৃতব, কাহারও দুঃখে দুঃখামৃতব করেন না। বঙ্গ বিজয়া দশমী আর হয় না। বঙ্গ সুখে সুখী দুঃখে দুঃখীও আর নাই। বাদশাহীর উত্থান বড় কঠিন সমস্যা হইয়াছে। কিন্তু বলি ভিন্ন বল ও বিভব অসম্ভব। তাই সন্ধি বলিদানের কথা বাঙ্গালীকে বলিলাম। ভীষণতায় ভীত হইলে, ভীষণতায় উন্নত না হইলে, আমরা বলি দিতে পারিব না, বলি দিতে না পারিলে বড় হইতেও পারিব না। “শক্তিপূজা” “শক্তিপূজা” করিলে কিছুই হইবে না। বলি দিতে হইবে। বলিট যে শক্তিপূজার সার বস্তু। বলি দিতে শেখ, সন্ধিবলিদানের ত্রায়, ভীষণ বলি দিতে শেখ, তবেই শক্তি লাভ করিবে, নহিলে কিছুই হইবে না। তান্ত্রিক বাঙ্গালীর তান্ত্রিক প্রণালীতে মায়ের পূজা হউক, শক্তি সামর্থ্য স্তুতিস্বর্গ্য আসিয়া পড়িবে।

আর একটা আনন্দের কথা বলি। বৈশাখ মাসে ইঙ্গলে গ্রীষ্মের ছুটি হইলে পাড়ী যাইতাম। গিয়া দেখিতাম, কৌশিকী শুষ্কপ্রায়া। নদীতে মাছ ধরিবার সুবিধা। নদীর এপার হইতে ওপার পর্যন্ত ৪৫ হাত অন্তর দুইটা মাটির বাঁধ দেওয়া হইত। তাহাকে আমরা ডেঁ বলিতাম—আমি প্রব্রতস্ববিৎ মহামহোপাধ্যায় হইলে নিশ্চয় বলিতাম, ইউরোপে হলাও দেশকে সমুদ্রের আক্রমণ হইতে রক্ষা করিবার জন্য যে ডাইক (dyke) আছে, আমাদের এই ডেঁ শব্দ গ্রিম সাহেবের নিয়মামুসারে তাহারই অন্বয়। দুই বাঁধেই একটা করিয়া ঘূনি বসান হইত। দুই দিক হইতে চূণা মাছ আসিয়া ঘূনিতে ঢুকিত, মধ্যে মধ্যে ঘূনি তুলিয়া তাহা ঝাড়িয়া লওয়া হইত। ঐরূপ করিয়া প্রতিদিন ১০ মণ ১১০ মণ করিয়া চূণা মাছই ধরা হইত। আর বেয়াল প্রভৃতি বড় বড় মাছ দুই দিক হইতে জোরে আসিতে আসিতে বাঁধের ধা পাইয়া বাঁধের মধ্যস্থিত খানে লুকাইয়া পড়িত। অমনিই চাবিজালে\* গ্রেপ্তার

\* চাবিজাল কাহারও বনে, যিনি না জানেন, তাঁকে মিনতি করিয়া বলি আপনি এই পাড়ার্গেয়ে লোকের পাড়ার্গেয়ে কথা না পড়িলেই ভাল হয়।



হইত। কাঁচা তেতুল দিয়া সেই বোয়াল মাছের অন্ন রাখা হইত—তাহা খাইতে অমৃততুল্য হইত—রাশি রাশি খাইতাম, কিছুমান্ন অস্থখ হইত না। এখন ইন্দুল পাঠশালার স্বাস্থ্য বিষয়ক গ্রন্থে পড়িয়া আমরা শিখিতেছি যে এ-মাছ যে মাছ খাইলে অস্থখ হয় তাই মাছ খাওয়ায় সেকালের লে বীরত্ব আর নাই। প্রকৃতার্থে স্বাস্থ্যবিষয়ক গ্রন্থগুলিতে স্বাস্থ্যের বড় হানি করিতেছে আর কিছুতে তত করিতেছে কিনা সন্দেহ। ভেঁতে যখন আর বেশী মাছ পড়িত না, তখন তাহা ভাদ্রিয়া কেলিয়া সমস্ত নদী গাবান হইত; অর্থাৎ নদীর জল এমনই আলোড়িত করা হইত যে, তলার পাক উপরে উঠিয়া পড়িত, সমস্ত জল বোলা হইত, আর সমস্ত মাছ তাড়া পাইয়া ভাদ্রিয়া উঠিত। আমরা ছেলেরা নদী গাবাইতাম, আর সেই মাছ ধরিতাম। অধিকাংশই টেংরা মাছ। কিন্তু টেংরার কাঁটার ভয় করিতাম না। টপাটপ ধরিতাম, আর কৌচড়ে ফেলিতাম। উপরে অসংখ্য চিল উড়িতেছে, জলে অসংখ্য মাছ ছুটিতেছে, আমরা অদম্য সাহসে এবং অসীম আনন্দে একবেলা ধরিয়া পাক ভাদ্রিয়া মাছ ধরিতেছি, আর সেই ডুমুর গাছের তলায় মাকাল ঠাকুরের পূজা হইতেছে। শেওড়াফুলি হইতে তারকেশ্বর পর্য্যন্ত রেল বসিয়াছে। পোড়া রেল রাস্তার জন্ত আমাদের সেই ডুমুর গাছটি মাঝা গিয়াছে। পোড়া পথটা এখানে দু'হাত বাঁকাইয়া লইয়া গেলে আমাদের মনে এত ঘা লাগিত না। একটু বিবেচনা করিয়া লোকের প্রিয় বস্তুর প্রতি একটু একটু লক্ষ্য রাখিয়া রেলপথ নির্মান করিলে উহা এত অভিশাপগ্রস্ত হয় না; লোকের মর্মান্তিক দুঃখের কারণও হয় না। কি আনন্দের ব্যাপার, এই বৃদ্ধ বয়সে চক্ষু বুজিয়া তাহা আবার প্রত্যক্ষ করিয়াছি—সেই অতুলনীয় নির্মল আনন্দ শরীরী হইয়া আবার আমার কাছে আসিয়া আমাকে কোল দিয়াছে। বিধাতার কি করুণা, মাহুকের জন্য তিনি অসীম সুখের কি সহজ, সুন্দর ব্যবস্থা করিয়া রাখিয়াছেন। তবু মাহুশ বলে, জগতে সুখ নাই, কেবলই দুঃখ। মাহুশ বড়ই নিম্নকহারাম, ঈশ্বরে অনন্তাবান্—নহিলে শৈশব হইতে মৃত্যু পর্য্যন্ত সুখের স্রোতে ভাসিত, আনন্দের ঢেউ সামলাইতে পারিত না। আর কবি—

Our sweetest songs are those that tell of saddest thought.  
এরূপ গান না গাহিয়া গাহিতেন,—

Our sweetest songs are those that tell of purest thought.

বাল্যকাল অতিক্রম করিয়া যৌবনে প্রবেশ করিয়া দেখিয়াছি, যাহাকে Puberty বা যৌবনোত্তেদ বলে, তাহা ঘটিলে বুকিতে পারা যায়, মন মলিন হইয়া পড়িয়াছে। শৈশবের লে রোজের সেই রং, উজ্জ্বলের সেই রং, বাতাসের সেই সুন্দর শান্তিময় নিশ্বাস আর নাই—অন্তর্জগৎ বহির্জগৎ সবই যেন মলিন বা আবিল হইয়া উঠিয়াছে।

কিছুই যেন পূর্বের জায় নিখরকিচ নাই, সকলেতেই যেন কি বকম একটা খিরকিচ আসিয়া ঢুকিয়াছে। তখন শৈশবের সেই আনন্দে আমার আর কুলাইল না। অল্প আনন্দের স্মৃতি হইল। বিবাহ করিবার ইচ্ছা হইল। বিবাহ হইল। বিবাহ করিয়া যত সুখ যত আনন্দ পাইব মনে করিয়াছিলাম—বিবাহ করিবার পর তাহার অপেক্ষা অনেক অধিক সুখ ও আনন্দ পাইলাম। যাঁহার সহিত বিবাহ হইল, তিনি আমাতে এত মিশিলেন যে, তাঁহাকে একদিন না দেখিলে আমি অস্থির হইয়া পড়িতাম। এই যে ৪৫ বৎসর তাঁহার সহিত মিলিত হইয়াছি, ইহার মধ্যে ২৫ দিন মাত্র তাঁহার কাছ ছাড়া থাকিয়াছি। এই ২৫ দিনের মধ্যে ১২ দিন তাঁহাকে দেওঘরে রাখিয়া কলিকাতায় আসিয়া ছুটি মজুর করাইতে লাগিয়াছিল। ২০ দিনের দিন দেওঘরে ফিরিয়া গিয়া তাঁহাকে আর দেখি নাই, তাঁহার কেবল ককালখানা দেখিয়াছিলাম। তবুও ঐ ১২ দিনে কলিকাতা হইতে তাঁহাকে ১২ খানা পত্র লিখিয়াছিলাম। যখন ডেপুটি ম্যাজিস্ট্রেট হইয়া ঢাকায় গিয়াছিলাম, তখন তাঁহাকে ছাড়িয়া যাইতে পারিব না বলিয়া আমার গুণের পরিমাণ বাড়াইয়াছিলাম। যখন জয়পুর কলেজের অধ্যক্ষ হইয়া যাই, তখনও ঠিক তাই করিয়াছিলাম। সে গুণ আমার শোধ হইয়াছে। তাঁহাতে এত মিশিবার কারণ এই যে, তাঁহার গুণে তিনি আমাকে অভিভূত করিয়া কেলিয়াছিলেন। সচরাচর যাহাকে রূপসী বা রূপবতী বলে তিনি তাহা নহেন, কিন্তু তাহার মতন ঝিট মুখশ্রী আর কোন স্ত্রীলোকের দেখি নাই। সে কেবল তাঁহার গুণের বাহ্য অভিব্যক্তি বলিয়া। তাঁহার কোনও পাখিব কামনাই দেখি নাই। কখনও আমার কাছে একখানি অলঙ্কার কি একখানি ভাল কাপড় কি নিজ প্রয়োজনে একটি টাকা চান নাই। তীর্থে যাইতে বলিলে, বলেন, তুমিই আমার তীর্থ, আমি তীর্থে যাইব না। তাই সস্ত্রীতি আমার মেজ মেয়ে, নাহুমা, আমার বাড়ীতে আসিয়া গঙ্গান্নানের কথায় বলিয়াছিল, মাকে একদিনও গঙ্গা নাইতে বা কালীঘাটে যাইতে দেখিলাম না। যখন জয়পুরে ছিলাম, তখন পুষ্কর তীর্থ আমাদের অতি নিকটে, কিন্তু আমার পত্নী সাবিত্রীর মাধ্যম সিঁদুর দিবার অভিলাষ প্রকাশ করেন নাই। যখন জয়পুর হইতে ফিরিয়া আসি, তখন এলাহাবাদে এক আত্মীয়ের বাড়ীতে ২ দিন ছিলাম। কিন্তু তখনও তিনি গঙ্গাঘরুনাগন্ধে ডুব দিতে চাহেন নাই। এইরূপ পত্নী পাইয়া আমি চিরজীবন সেই বালাকালের নির্মল আনন্দের জায় আনন্দে ভরপুর হইয়া আছি। আমার যোগশোকের এত যে বাহুল্য, তাহাতে আমি সেইজন্ত কাতর নহি। আমার পত্নীর সন্তান বলিয়া আমার হরনাথ, আমার প্রকাশনাথ, আমার নাহু, আমার বুলা আমার এত প্রিয়। ইহাদের ভালবাসা ভক্তি আর সেবার আমি চরিতার্থ। ইহাদিগকে সন্তানরূপে

পাইয়া আমার জন্ম ও জীবন সার্থক হইয়াছে। ভগবান ইহাদিগকে চিরকাল স্থখে ও সাধুতায় রক্ষা করুন। ইহাদের সাধুতায় আমি সর্বস্থখে স্থখী। বিধাতার পৃথিবী স্থখে ভরা। আর প্রিয়তমা হইয়াছিল আমার সেই ছলুমা সে আজ কয়মাস মাত্র স্বর্গে গিয়াছে। আমার মহালক্ষ্মীর চক্ষে জল পড়িতেছে। এমন পুণ্যবতীর এমন শোক কেন হয়? কেন হয়, বুঝিয়াছি। আমি মহাপাতকী—আমার সহধর্মিণী হইয়াছেন বলিয়া তাঁহার এমন শোক, আমার পত্নীর গ্রায় আমার মেয়েগুলিরও ভাল বজ্রালঙ্কারের কামনা নাই। ভগবানের অসীম রূপায় আমার তিনটি পুত্রবধুও সর্বপ্রকার স্পৃহাশূণ্য—ভাল জামা, ভাল অলঙ্কার কিছুই চান না, গরীবের পুত্রবধুর ন্যায় দিনরাত কেবল সংসারের কাজ করেন। বিধাতার রূপায় আমার তিনটি জামাই এক একটি রত্ন। তিন জনেই অর্থাৎ শ্রীমান উমাপতি, শ্রীমান জ্ঞানেন্দ্রলাল, এবং শ্রীমান আশুতোষ, তিন জনেই সুশিক্ষিত সচ্চরিত্র, তিনজনেই মিল্কলরু। আমার এখন পাঁচটি পুত্র—উমাপতি, জ্ঞানেন্দ্রলাল, আশুতোষ, হরনাথ এবং প্রকাশনাথ। পাঁচটি পুত্রের চরিত্রের বিশুদ্ধতা ও সর্বপ্রকার সাধুতার জন্য আমি অসীম স্থখে অধিকারী। ইহাদের কাহারও ভোগবিলাসের স্পৃহা নাই। হরনাথ কিছু সৌখীন বটে, কিন্তু তাঁহার গ্রায় পরোপকারপ্রিয় হৃদয়বান্ উদারচেতা সদাশাপী সামাজিক মহামনা বালক আমি আর দেখি নাই। গৃহস্থালী কক্ষে প্রকাশনাথ অভুলনীয়। তাঁহাকে মুটেও বলিতে পার, মজুরও বলিতে পার। অল্পবয়সে আশুতোষের ঘাড়ে বৃহৎ সংসারের ভার পড়িয়াছে। কিন্তু তিনি অতি সাবধানে অতি সুবোধের গ্রায় সেই ভার বহন করিতেছেন। জ্ঞানেন্দ্রলাল স্বাধীনচেতা পিতার স্বাধীনচেতা পুত্র—তীক্ষ্ণবুদ্ধি ও অধ্যয়ন প্রিয়; উমাপতি অল্প বয়সে বড় ঘা পাইয়াছেন, কিন্তু তাঁহার মনের মাটা শক্ত, তিনি অটল অবিচলিত থাকিতেন। ইঁহারা সকলেই দরিদ্রের মহামনা সন্তানের গ্রায় দরিদ্রতা জ্ঞাঘাব বস্ত্র মান করেন, এবং দরিদ্রের গ্রায় মোটা চালচলনে জীবন যাপন করিতে ভালবাসেন। আমার এখন যে পাঁচটি কন্যা আছেন—অর্থাৎ তিন পুত্রবধু ও দুই কন্যা—ইঁহারা এখনকার মেয়ের গত নহেন; ভাল গহনা, ভাল কাপড়, ভাল জামা, গন্ধদ্রব্য, এই সকলই অভাবে ইঁহারা অস্থখী বা অসন্তুষ্ট নহেন, এবং এ সকল থাকিলেও তত্বতে ইঁহাদের একরূপ অনাদর—এই সকল গুণের জন্য আমি ইঁহাদের পাইয়া অনন্ত স্থখে স্থখী। আমার স্থখের কি পরিমাণ আছে? আমার দুইটি বড় নাতিনী—ইন্দুবালা এবং সরস্বতী বা চমু—ইঁহারাও ইঁহাদের ঠাকুরমা, মা, খুড়ী জেঠাইয়ের মতন সর্ব্বরকমে নিম্পৃহ—সদাই গৃহকাজে ব্যাপ্ত, এবং বুড়ো ঠাকুরদাদার সেবায় নিযুক্ত। আর আমার জামাই-গুলির গ্রায় আমার নাতিনী জামাই, আমার ইন্দুরাণীর পতি, দাদা অমূল্যচন্দ্র মিত্রও

নানাগুণের অধিকারী,—শিক্ষিত সচ্চরিত্র, নিষ্কলঙ্ক, চরিত্রের বিশুদ্ধতায় বৃথাভিমান-  
শূন্যতায় এবং চলচলনের নম্রতায় আমার অমূল্যচন্দ্র যথার্থই অমূল্য। আমার  
নাতিনী সরস্বালা বা চমুদাগীর পতি পঙ্কজভায়া বিশুদ্ধ চরিত্র ও বিনয়ী এবং শ্রেষ্ঠে  
শ্রদ্ধাবান্। আমার পৌত্র শ্রীমান মহেন্দ্রনাথ অল্পবয়সে পিতৃহীন, কিন্তু প্রলোভন-  
পূর্ণ কলিকাতা সহরে নিষ্কলঙ্ক আছেন। আমার স্বথের সীমা নাই। আমি বড়  
ভাগ্যবান্। আমার উপর বিধাতার বড়ই রূপা। আমার কর্মফলে দুই চারিটা  
শোক পাইয়াছি বলিয়া বিধাতার নিন্দা করিলে বা তাহার উপর রাগ করিলে আমার  
নিমকহরামীর সীমা থাকিবেনা, পরকালে আমাকে নিরয়গামী হইতে হইবে। বিধাতা  
পরম স্বধদাতা—পৃথিবী নানা স্বথে পরিপূর্ণ। কে বলে জগতে স্বথ নাই! যে  
বলে, সে সংসারের শত্রু, ভগবানের শত্রু।

চন্দ্র বুজিয়া ভাবিতে ভাবিতে মন ভরিয়া গেল, সেই কালীপূজার আনন্দে।  
দুর্গাপূজা হইয়া গেল, স্থলের ছুটি ফুরাইল, সবুও কিন্তু অমরা দেশেই রহিয়াছি।  
কালীপূজা আসিল—কালীপূজার দিন আজ্ঞোঁ পাঁজো না করিয়া কলিকাতায় আসা  
হইতে পারে না। পাঁকাটির আজ্ঞোঁ পাঁজো ত হইবেই। তাহার উপর একটা বৃত্ত  
অগ্নিকাণ্ড করিতে হইবে। আজ প্রায় এক মাস ক'ল ধরিয়া আমরা শুকনা তালপাতা  
কুড়াইয়াছি, এবং ১৫।২০ হাত লম্বা একটা বাঁশে সেইসকল তালপাতায় বাঁধিয়াছি,  
এবং আমাদের বড় পুকুরের পশ্চিম পাড়ে সেই বাঁশটা পুঁতিয়াছি। আজ কালী-  
পূজা; সন্ধ্যার পরই পাঁকাটির আঁট জালাইয়া আজো পাঁজো করিয়াছি—আজো  
পাঁজো করিতে করিতে সমস্তের চাঁৎকার করিয়াছি :—

আজোরে পাঁজোরে বুড়ো বাপ্পারে।

ডাব নারিকেল চিনির পানা থাওরে।

পাঁকাটির আজো পাঁজো শেষ করিয়া নাচিতে নাচিতে বড় পুকুরের ধারে গিয়া সেই  
তালপাতায় আগুন দিয়াছি, শুকনো তালপাতা জলিয়া সমস্ত কৈকলাব মাঠ আলোকিত  
করিয়াছি—কি আফ্লাদ বল দেখি! শুনিলাম মাঠের অপর পারের দুলা প্রভৃতি  
গ্রামের লোকেরা সেই ভীষণ আলোক দেখিয়া ভীত হইত। তাহাতেই আমাদের  
আরও মজা, আরও আফ্লাদ! সেই আফ্লাদ যেন জমাট বাঁধিয়া ফিরিয়া আসিয়াছে,  
সেই জমাট বাঁধা এবং শরীরী আফ্লাদের সঙ্গে কোলাকুলি করিয়াছি। তেমনই আর  
একটা আফ্লাদের কথা বলি শুন। বৈশাখ মাস গ্রামের ছুটিতে বাড়ী আসিয়াছি।  
কালবৈশাখী আরম্ভ হইল। তেমন কালবৈশাখী এখন আর হয় না। দিগন্তব্যাপী  
ক'লো মেঘ, তাহার পরেই ঝড়। অমনই মেয়ে পুরুষ বালক বৃদ্ধ সকলেরই আঁব  
বাগানে যাওয়া। ঝড়ে আঁব পড়িতেছে—সেই আঁব কুড়োনো—যত আনন্দের কথা

মনে ওঠে, এ আনন্দ সে সব আনন্দের চেয়ে বেশী। আঁধার আকাশের নীচে  
আঁধার পৃথিবীতে আঁব পড়িতেছে—দেখা বাইতেছে না। আঁব খুঁজিতেছি,  
আর চাঁৎকার করিতেছি,—

খুঁজি খুঁজি নারি, যে পায় তারি।

এমন করিয়া কত আঁব কুড়াইয়াছি, বলিতে পারি না। সেই মাছ ধরিবার আমোদ  
ও আঁব কুড়াইবার আমোদের ঝটকা এত বেশী ছিল যে, সহ্য করিয়া উঠা যাইত না।  
এই দুইটা আমোদ, আমোদের কালবৈশাখী ছিল। বড়প্রচণ্ড আমোদ। আর একদিন  
একটা পবিত্র ও প্রশান্ত আমাদের কথা মনে উঠিয়াছিল। সেই পৌষ মাসের  
সংক্রান্তিতে মাঠে লক্ষ্মীপূজার আমোদের কথা। প্রতিদিন সকালে ঘুম ভাঙিলে গাণ্ডা  
চারেক গুড়পিঠা বা নূতন গুড়ের পরমায় দিয়া কুড়িখানা সরুচাকলি বা স্বরজি  
পরয়া গুড় দিয়া ১০।১২ খানা বাসি লুচি না খাইয়া বাড়ীর বাহির হইতাম না। সে-  
দিন কিন্তু ঘুম ভাঙিলে মুখ ধুইয়া কাপড় ছাড়িয়া আমরা ৪।৫ জনে ধানের শীষের এক  
একটা মোটা আটি বা গোছা হাতে লইয়া মনসাপোতায় যাইতাম। গিয়া দেখিতাম,  
রাইপিসী এবং কুড়ুনী দিদি আসন নৈবেদ্য ফুল তুলসী শাক ঘণ্টা কাঁসর প্রভৃতি  
সব আনিয়াছেন। একটু বেলা হইলে ব্রাহ্মণ আসিয়া লক্ষ্মীপূজা করিতেন। আমরা  
আহ্লাদে এত জোরে কাঁসর বাজাইতাম যে, দুই একবার কাঁসর ফাটিয়া গিয়াছিল।  
তাহার পর আমাদের খাওয়া আরম্ভ হইত। একজন ময়রা একটা ধামায় করিয়া  
নূতন গুড়ের মুড়কী, মোয়া প্রভৃতি বেচিতে আসিত। ধানের শীষের গোছা বা আটি  
তাহাকে দিয়া আমরা খাবার কিনিয়া খাইতাম, এবং যে সব গরীব-বাগদীর ছেলে  
মেয়ে পূজা দেখিতে আসিত, তাহাদিগকে খাওয়াইতাম। খানিক পরে কুড়ুনী দিদি  
আমাদিগকে চড়ুইভাতি বাঁধিয়া খাওয়াইতেন। যে বালক চড়ুইভাতির আমোদ  
উপভোগ না করিয়াছে তাহার জন্য বুধা হইয়াছে। সেই জন্তই ত নিম্ন-পাঠে চড়ুই-  
ভাতির কথা লিখিয়াছি। এক একদিন সেইরূপ আর একটা আমোদে মন ভরিয়া  
উঠে। শীতকালের প্রত্যবে খেজুর রস খাইবার আমোদ। কালকেতুসদৃশ কুববর্ণ  
বগা পরাণ মাল খেজুর গাছ চাঁচিয়া রস সংগ্রহ করিত। ভোরে কামারদের বাড়ীর  
সম্মুখের খোলা জায়গায় পরাণ সমস্ত রাত্রির রসে জাল দিত। সেই মিহি,  
অনির্বচনীয় সৌরভে দশখানা গ্রাম মাতিয়া উঠিত। আমাদেরও ভোরে ঘুম ভাঙিয়া  
যাইত। আমরা মুড়ি এবং দুই একটা করিয়া ঘটি ও বাটি লইয়া সেইখানে গিয়া  
আশুন পোহাইতাম, এবং তাতরসিতে মুড়ি ভিজাইয়া মহা আনন্দে খাইতাম। গ্রামের  
বিস্তর লোককে সেখানে দেখিতাম। তাহারা তামাক খাইত, আর নানা কথা  
কহিত। এখন বোধ হয় যে, তাহারা সেইখানে আশুন পোহাইতে পোহাইতে মনের

স্থলে oillage politics অর্থাৎ দলাদলি প্রভৃতির আলোচনা করিত। পরাণ বড় ভাল লোক ছিল। আমাদেরিগকে বিস্তর রস দিত; আমরা ঘটি বাটি করিয়া তাহা বাড়ীতে আনিতাম। এই ব্যাপার মনে করিয়া আমার নিয়পাঠে রামধনের খেজুর রস, এই নামের একটা পাঠ দিয়াছি। পরাণ মালের কথাই আর একটা আনন্দের কথা আর একদিন মনে উঠিয়াছিল। আমি যখন শিশু, তখন কর্ত্তার বাগবাজারের ৮৭৯বলোচন দস্তের বাড়ীতে থাকিতেন। কি স্ত্রে থাকিতেন, জানি না; তাহাদিগকে কখনও জিজ্ঞাসা করি নাই। জিজ্ঞাসা করা বালকের বেবাদবি মনে করিয়া জিজ্ঞাসা করি নাই। দস্ত মহাশয়ের বাড়ীর অতি নিকটে এক কলুর বাড়ী ছিল। সেখান হইতে আমি প্রতিদিন তেল নুন কিনিয়া আনিতাম। এই কারণে কলুর সহিত ভাব হইয়াছিল। কলু বেশ মাহুষ; আমাকে তাহার ঘনি-গাছে বলিয়া ঘুরিতে দিত। সেটা ভারি একটা আমোদ ছিল। আমাদের কৈকালার পাশেই চোতাড়া গ্রাম। তখনকার খাঁটা সরিষার তেলের রং যেমন ছিল কটা কলুর গায়ের রংও তেমনি ছিল। তাই তাহাকে কটা কলু বলা হইত। তেল আনিবার জন্ত তাহার বাড়ীতে সর্বদা যাইতাম। সেও আমাকে তাহার ঘনি-গাছে বলিয়া ঘুরিতে দিত। ভারি আনন্দ। এইরূপে অনেক নিম্নশ্রেণীর লোকের সহিত আমার ঘনিষ্ঠতা হইয়াছিল। তাহাতে বড় সুখ; আমার মনে সেই স্থখের স্মৃতি বড় প্রবল বলিয়া সিমলার বাজারে এখনও বাজার করিবার সময় চাবীদের সহিত মিষ্টালাপ করিয়া থাকি। দেখি, তাহারা স্থলর লোক, আলাপ করিলে কত কথাই কয়, কত সম্ভাব-হারই করে। তাহাদের জন কয়েকের নাম না বলিয়া থাকিতে পারিতেছি না,— যুধিষ্ঠির, গয়ারাম, ভুলু, অধর, অধোর, নিবাস বক্সী, তিনকড়ি, ঈশান। গয়ারাম বড়ই ভাল মাহুষ কিন্তু বুড়া হইয়া বাজারে আসিতে অসমর্থ হইয়াছে। তাহার পুত্র নগেনটি বড় ভাল ছেলে—বাপের বেটা বটে, কিন্তু তাহাকেও ৫৬ মাস বাজারে আসিতে না দেখিয়া বড় ভাবিত হইয়াছি। নিবাস গয়ারামেরই স্ত্রায় ভাল মাহুষ। কলু কখনও মন্ড জিনিস ভাল বলিয়া বেচে না, ভাল জিনিস না থাকিলে আমাকে শইই বলে—আপনাকে দিবার মতন জিনিস আজ নাই। তাহারা আমাকে নমস্কার করে। আমিও তাহাদিগকে নমস্কার করি। যুধিষ্ঠিরকে নমস্কার করিলে সে একদিন একটু অসন্তোষ প্রকাশ করিয়াছিল—বলিয়াছিল সে কি? আপনি আমাকে আশীর্বাদ করুন, নমস্কার করিতেছেন কেন? আমি বলিলাম,—দেখ যুধিষ্ঠির! সকলেরই ভিতর ভগবান আছেন। অতএব সকলেই সকলকে নমস্কার করিতে পারে। পাঁচ বছরের ছেলেকেও নমস্কার করিতে পারা যায়। বোধ হয়, যুধিষ্ঠির কথাটা বুঝিয়াছিল। সেই অবধি নমস্কার করিলে আর কিছু বলে না।

হাসিতে হাসিতে আমাকেও নমস্কার করে। আর ভাল জিনিস যাত্রা থাকে, তাহা আমাকে দেখায়। এই সকল মূৰ্খ সাদা সরল লোকের সহিত সদালাপে বড়ই সুখ হয়।

আর পরীক্ষাস্তের সেই আমোদ কি বিস্ময়, কি মনোমগ্নতা! পরীক্ষার বহু পূৰ্ব হইতে কেবলই পড়িতেছি, পড়িয়া পড়িয়া ক্লান্ত, তবু একটু বিশ্রাম নাই—কাহারও সঙ্গে দুইটা কথা কহি; অথবা দিবসে দুই পা বেড়াই, এমন অবসর নাই। না খাইলে নয়, তাই মৌনীর গায় খাই; না শুইলে নয় তাই শুই, শুইয়াও কেবল সেই পড়ার কথা ভাবি। আমি প্রতিদিনই সমস্ত পঠিত বিষয়ের আত্মোপাস্ত পুনরাবলোচনা করিতাম। তাই ঘরে পড়ার সুব্যবস্থার জন্য আমার একখানি কুঠিন থাকিত; যথা,—প্রাতে ৬টা হইতে ৭টা পর্য্যন্ত ইতিহাস। ৭টা হইতে ৮টা পর্য্যন্ত ভূগোল। ৮টা হইতে ৯টা পর্য্যন্ত ইংরাজী—তাহার পর স্নানাহার ও কলেজ গমন। বৈকালেরও ঐকপ নিয়ম ছিল। ইহার এক চুল এদিক্ ওদিক্ করিতাম না। সন্ধ্যার পর মশা ধূমধূম করিয়া বাড়ীর সুমুখ দিয়া একটা বর গেলেও তাহা দেখিবার জন্য এক মিনিটের জন্যও বই ছাড়িতাম না। এই প্রণালীতে পড়িতাম এই জন্য যে, আমার একটা সঙ্কল্প ছিল যে, যখনই পরীক্ষা দিতে বলিবে, তখনই পরীক্ষা দিব। জন্য প্রস্তুত থাকিব, দু'ঘণ্টা পরে পরীক্ষা দিতে হইলেও পশ্চাৎপদ হইব না। প্রতিদিনই এইরূপে পড়িবার কয়েকটি সুবিধা দেখিতাম। আমাকে কখনও রাত্রি জাগিয়া বা midnight oil পোড়াইয়া পড়িতে হইত না। তখন সন্ধ্যার পর ৯টার সময় হে'প পড়িত। তাপ পড়িলেই আমি শুইতে পারিতাম। অল্প সময়ের মধ্যে অধিক পাঠ করিলে পাঠে যে স্বল্পাধিকার অবশ্যজাবী, আমার বোধ হয়, তাহা ঘটিত না। পরীক্ষার্থ পাঠ্য নয় এমন অনেক পুস্তক পড়িবার সময়ও পাইতাম। আমার পাঠের প্রণালীর আর একটি লক্ষণ ছিল। আমি important unimportant দরকারী অদরকারী প্রভেদ করিয়া পড়িতাম না, সমস্তই important দরকারী ভাবিয়া সমস্তই পড়িতাম। এই জন্য পরীক্ষা গৃহে কোন প্রশ্ন দেখিয়া হাঁ করিয়া ভাবিতে হইত না, এটা আবার কি। অত কম বয়সে একপ প্রভেদ করণ ও নিরাপদ নয়। আর যে সে একপ প্রভেদ করিয়া দিলে তাহা মানিয়া লওয়া সমাচীন নয়। পরীক্ষার কয়দিন সন্ধ্যার পর ৮টার সময় শুইতে পারিতাম। আর সন্ধ্যার রাত্রি ৩টার সময় উঠিয়া ২ ক্রোশ ২০ ক্রোশ বেড়াইয়া সূর্যোদয়ের সময় বাড়ীতে ফিরিতাম। have not for tomorrow what can be done today—আজ যে কাজ করিতে পারা যায়, কাল করিব বলিয়া তাহা মাথিয়া দিও না পাঠোদ্ধৃতিতেও এই উপদেশান্তরের কার্য্য করিতাম, চালবী করিবার সময়ও করিতাম। করিয়া দেখিয়াছি, কি পড়ায়, কি কন্মবাজে কতক ছাড়াইবে এমন অস্বার্থ উপায় আর

নাই। মাসের পর মাস এইভাবে চলিতেছে, আর যেন পাশ ফায় না,—মনে হয়, আর না, পরীক্ষা দিব না,—এত কষ্ট আর সহ্য হয় না, কিন্তু বুকের ভিতর কেমন করে। পরীক্ষার কয়দিন কি কষ্টে, কি ভয়ে গেল, বলা যায় না। কিন্তু পরীক্ষা যে দিন শেষ হইল, আর বুঝা গেল, পরীক্ষা মন্দ দেওয়া হয় নাই, সেদিনের সেই আনন্দ কত গাঢ়, কত গভীর, কত মিশ্রল, কত ব্যাপক,—তাৎহাতে আকাশ ও পৃথিবী যেন আমারই স্রায় বন্ধনমুক্ত, আহার মিষ্টা যেন নূতন জিনিস, কত মিষ্ট, কেমন স্বচ্ছন্দীন! যে সে আনন্দ অনুভব করিয়াছে, কেবল সেই তাহার ধ্যান ধারণা করিতে পারে। ১৮৬৫ সালে প্রেসিডেন্সী কলেজের পুস্তকাগার ছিল, সেই ঘরে আমাদের এম. এ., পরীক্ষা হয়। পরীক্ষক ছিলেন Lobb সাহেব, এবং Macrindle সাহেব। পরীক্ষার শেষ দিনে প্রবন্ধ লিখিতে হইয়াছিল। প্রবন্ধের বিষয় ছিল,—on the causes of the comparative moderation with which the English Revolution of 1688 was on the whole affected. বুঝিয়াছিলাম, প্রবন্ধ মন্দ লেখা হয় নাই। পূর্বের কয়দিনের লেখাও মন্দ হয় নাই। তাই শেষ দিন কাগজ দিয়া চলিয়া আসিবাম সম্মত ঘরের ভিতরেই চাঁৎকার করিয়া উঠিয়াছিলাম—“হরিবোল দাও।” কি আনন্দ বল দেখি! বুড়া বয়সে আবার ঠিক সেই যৌবনের আনন্দ! কম সৌভাগ্য কি! বিধাতার কি কম রূপা! আর একদিন চেখ বুজিয়া ভাবিতে ভাবিতে আর একটা সুন্দর কথা মনে উঠায় আপনাকে কৃতার্থ ভাবিয়া পরম আনন্দ অনুভব করিলাম। ইস্কুল কলেজের ছুটিতে যখন দেশে থাকিতাম, তখন মধ্যাহ্ন ভোজনের পর খানিক ঘুমাইতাম। ঘুম ভাঙিলে দেখিতাম, অনেকগুলি প্রৌঢ়া ও বৃদ্ধা আমার ঘরে বসিয়া আছেন। আমার কাছে রুত্তিবাস কান্দীদাস, কলঙ্ক ভঞ্জন প্রভৃতি শুনিবার জন্য তাহারা প্রতিদিন আসিতেন। আমাকে স্বর করিয়া পড়িতে হইত। চোখে মুখে জল দিয়া কাঠাখানেক নুড়ি এবং এতকাল মোহনভোগ খাইয়া আমি পড়িতে আবস্থ করিতাম, এবং সন্ধ্যা পর্যন্ত পড়িতাম। তাহারা আমার পড়ার খুব তারিফ করিতেন, তাহা শুনিয়া আমিও যে একটু ফুলিয়া উঠিতাম না, এমন নয়! জটিল কুটিলার দর্পনাশের কথা শুনিয়া তাহাদের ভাবি উল্লাস হইত। বলিতেন,—বেশ হয়েছে, খুব হয়েছে, সতীত্বের আবার নাড়া কি লা! জিনিস না মরবে মেয়ে, উড়বে ছাই, তবে মেয়ের কলঙ্ক নাই। বেশ হয়েছে, খুব হয়েছে, আমাদের রোজ রোজ শুনাইও হইত। আমিও রোজ রোজ শুনাইতাম। তাহাতে আমার বড়ই আনন্দ হইত। চোখ বুজিয়া এখনও সেই আনন্দ ভোগ করিবার কোনও বাধাই দেখি না। সর্বাপেক্ষা দৈবী আনন্দ হয়, আমাদের জন্মীকে সকাল সন্ধ্যায় সেই দৈবালের গন্ধার বন্দনা স্বর করিয়া পড়িয়া শুনাইবার কথা মনে করিয়া। এই বন্দনার স্রায় সুন্দর



জিনিস বাঙ্গালার আর দেখি নাই, উহা যথার্থই বাঙ্গালীর লেখা বাঙ্গালী কবিতা। কোটি কোটি বাঙ্গালী নরনারীর চিরপোষিত আন্তরিক আশা আকাঙ্ক্ষা উহাতে অতি সহজ, অতি সাদা, অতি সরল, অসংকরশূন্য, আফালন বর্জিত ঘরের ভাবায় ব্যক্ত। ঐরূপ কবিতাই বঙ্গের জাতীয় (National) বা স্বদেশী কবিতা। এখনকার রচনা হইলে উহা অসীম, অনন্ত, উত্তাল, অপ্রভেদী, কুলপ্লাবী, উর্ধ্ব, হিমাচল প্রভৃতি লোকসাধারণের—বিশেষতঃ বঙ্গমহিলার অচেনা শব্দের দাপটে একটা কিছূতকিমাকার জিনিস হইত। এইরূপ কবিতা পড়িতে পড়িতে অর্থাৎ কৃত্তিবাস, কালীদাস, গঙ্গার বল্লভা প্রভৃতি পড়িতে পড়িতে মনে হয়, এ সকল আমাদের ঘরের কথা, ঘরের লোকের দ্বারা ঘরের ভাষায় লিখিত। মাইকেল, হেমচন্দ্র, রবীন্দ্রনাথ, নবীনচন্দ্র প্রভৃতির কবিতা, নানা গুণ সত্ত্বেও, যেন আমাদের ঘরের লোকের দ্বারা লিখিত ঘরের কথা নয়। সুতরাং মাইকেলের, হেমচন্দ্রের, নবীনচন্দ্রের, রবীন্দ্রনাথের কবিতাতে বাঙ্গালী নরনারীর অন্তরের কথা নাই, যুগযুগান্তর হইতে সঞ্চিত আশা আকাঙ্ক্ষা দেখি না। তাই বলি, তাঁহাদের কবিতা বাঙ্গালীর জাতীয় (National) কবিতাও নয়, স্বদেশী কবিতাও নয়; সর্বাঙ্গের ভয়ের কথা, বাঙ্গালী ভক্তের কবিতাও নয়। বঙ্গ এখন আর ভক্ত জন্মিতেছে না, রামপ্রসাদের পর ভক্ত হয় নাই বলিলেই হয়। একবার মাত্র দুই দিনের জন্ত কেবল পরমহংসদেব দেখা দিয়াছিলেন। সুতরাং মর্ম্মস্পর্শী কবিতা বা গান আর রচিত হইতেছে না। একটা গল্প মনে পড়িল। বঙ্কিম দাদা হুগলীর ভিণ্ডুটি। ঘোড়াঘাটের উপর তাঁহার বৈঠকখানা। একদিন সেইখানে বসিয়া বলিয়াছিলেন—মাইকেল পড়িলাম, ভাল লাগিল না। হেম পড়িলাম, ভাল লাগিল না। তখন শুনিলাম, এক ডিক্‌শনারী ডিক্‌শনারী বাহিয়া যাইতেছে, আর গাহিতেছে,—“সাধ আছে মা মনে, দুর্গা বলে প্রাণ ত্যজিব জাহ্নবী জীবনে।” গান বড় ভাল লাগিল। তাই বলিতেছি, বাঙ্গালী সাহিত্যেব সংস্কার সাধন করিতে হইলে, উহাতে সঞ্জীবনী শক্তি সঞ্চারিত করিয়া দিতে হইলে, বাঙ্গালী গান বদলাইতে হইবে, নূতন করিয়া গান রচনা করিতে হইবে। নব্য বাঙ্গালায় এখনও জাতীয় এবং স্বদেশী কবিতা লিখিত হয় নাই। এখনও কেবল বিজাতীয় বিদেশী কাব্য ও কবিতা লিখিত হইতেছে। যখন দেখিব, বঙ্গের নূতন কাব্য বা কবিতায় সুপরিচিত ঘরের কথা দেখিয়া দোকানী পশারী পর্য্যন্ত গাছতলার বসিয়া কালীদাস, কৃত্তিবাস যেমন মুগ্ধ হইয়া পড়ে, তেমনি মুগ্ধ হইয়া পড়িতে আরম্ভ করিয়াছে, তখন বুঝিব, বঙ্গ বাঙ্গালীর জাতীয় ও স্বদেশী কাব্য বা কবিতা লিখিত হইতেছে। সাহিত্য যখন মূর্খের মন পর্য্যন্ত অবিকার করে, তখনই উহা শক্তিশূন্য হইয়া সমস্ত জাতির মনে শক্তি সঞ্চারিত করে, তাহার আগে করে না। আমাদের কালীদাস ও কৃত্তিবাস বহুকাল শক্তিরূপ ধারণ করিয়াছেন।

পণ্ডিত, মূৰ্খ, স্ত্রী পুরুষ, সকলকেই অধিকার করিয়াছেন। মেঘনাদবধ, বুজসংহার এবং কুকক্ষেত্র, এখনও শক্তিশালী হয় নাই। কখনও হইবে কি না সন্দেহ। আর যাঁহার “জানালার ধারে”, “কপাটের ফাঁকে”, “পদ্মার আড়ালে”, “আকাশ পানে”, “আর বলিৰ না” প্রভৃতি উদ্ভূটে নাম দিয়া ক্ষুদ্র ক্ষুদ্র কবিতা লেখেন, তাঁহাদের কূল কিনারাই খুঁজিয়া পাই না। এইরূপ কবিতা, এমন কি মাইকেল প্রভৃতি পর্য্যন্ত পড়িতে পড়িতে মনে হয়,—এসব বাহিরের লোকের লিখিত বাহিরের কথা, কৃত্তিবাসাদির জ্ঞান এবং সেই গঙ্গার বন্দনাদির জ্ঞান ঘরের লোকের লিখিত ঘরের কথা নয়। বাহিরের কথা লিখিলে যে মহাপাতক হয় তাহা নয়; কিন্তু বাহিরের কথা ঘরের কথার মতন করিয়া না লিখিলে মহাপাতক হয় বৈ কি। বাঙ্গালা সাহিত্য যখন এখনও বৈদেশিকতায় পরিপূর্ণ, তখন কেমন করিয়া বলি যে, বাঙ্গালী স্বদেশভক্ত ও স্বদেশপ্রিয় হইয়াছে? কাজেই বলিতে হয়, এই যে স্বদেশী স্বর শুনা যাইতেছে, ইহা জোর করিয়া গাওয়া স্বর। বাঙ্গালা সাহিত্যে এখনও বৈদেশিকতার বিরাট মূর্ত্তি দেখিতেছি। তাই বলিতে বাধ্য হইতেছি যে, স্বদেশী আন্দোলনের সময় এখনও বঙ্গ হয় নাই। বি.এ. পরীক্ষায় উত্তীর্ণ হইয়া আমি বিবাহ করিয়াছিলাম। কাজেই যে সকল মহিলাকে কৃত্তিবাসাদি পড়িয়া শুনাইতাম, তাঁহাদের মধ্যে আমার সহধর্ম্মিণী থাকিতেন না। এখন তিনি নিজেকে একটু একটু পড়েন। বলেন রামায়ণ, মহাভারত যতবারই পড়ি, ততবারই ভাল লাগে। অস্ত্র বই একবার পড়িলে আর ভাল লাগে না। এইজন্য আমার অন্ধর মহলে, অর্থাৎ যেখানে আমার পত্নীর প্রভুত্ব, সেখানে নবেলের বড় একটা দৌরাঙ্গ্য নাই। অমিত্রাক্ষর ছন্দে উপর তিনি কিছু বিরক্ত। বোধ হয় কূল কলেজে পড়া জ্বীলোক ছাড়া অপর সকল জ্বীলোকই কিছু বিরক্ত। আমারও উহা মিষ্ট লাগে না। আমার মনে হয়, ঐ ছন্দে কবিতা লিখিয়া মাইকেল একটা জঞ্জাল ঘটাইয়া গিয়াছেন। সেই সেকালের পন্নর ও ত্রিপদী আমার বড়ই ভাল লাগে। কিন্তু এখন ঐ সকল সোজা পবল ছন্দ কিছু স্থানিত, মূৰ্খের ছন্দ বলিয়া উপেক্ষিত। হেমচন্দ্র মিষ্ট পন্নর লিখিতে পারিতেন। মাইকেলের হৈপায় না পড়িলে বোধ হয় সমস্ত বুজসংহারখানা পন্নরে লিখিয়া বঙ্গে যথার্থই বাঙ্গালীর প্রিয় বাঙ্গালা কাব্য একখানা রাখিয়া যাইতেন। আর সেই কাব্যখানাকে বাঙ্গালী জাতীয় (National) এবং স্বদেশী কাব্যজ্ঞানে পুলকিত হইত। রঙ্গলালের পদ্মিনী উপাখ্যান এবং নীনবন্ধুর স্বরধূনী কাব্য পুরাতন ছন্দে লেখা। পড়িতে পড়িতে সকলেই আমাদের ঘরের দ্বারা লিখিত ঘরের কথা বলিয়া অহুত্বব করে। রঙ্গলালের কাব্যে হিন্দু রমণীর সত্যীস্বরক্ষার আপন প্রাণ বিলজ্জনের কথা সেকালের ধরণে লিখিত হইয়াছে। আর স্বরধূনী কাব্যের ত কথাই নাই। আমাদের

গঙ্গামায়ের উৎপত্তিস্থান হইতে সাগরসঙ্গম পর্য্যন্ত মায়ের যে কূলে যত স্থানে আমাদের ধনধান্য বিভাগ্য অতিথিশালা পণ্ডিতসমাজ দেবালয় রাসমঞ্চ দোলমঞ্চ শিবমন্দির প্রভৃতি বিশাল হিন্দু সভ্যতার অগণ্য নিদর্শন আছে, আমাদের ঘরের কথায় তাহার অপূর্ণ বিবরণ দেখিতে পাই। যথা,—

(১)

কাটোয়া বিখ্যাত গঙ্গা, কত মহাজন,  
সারি সারি ঘাটে তরী বাণিজ্য বাহন,  
সরিষা, মসিনা, মুগ, কলাই মস্তপি,  
চাল, ছোলা বিরাজিত দেখি ভরি ভরি।

(২)

বাসুদেব সার্বভৌম বিহার ভাণ্ডার,  
লোকালীত মেধামতি অতি চমৎকার।

(৩)

অগ্রদ্বীপে উপনীত অর্ণবসুন্দরী,  
বিরাজেন গোপীনাথ এই পুণ্যধামে,  
সেবা ছেতু জমিদারী লেখা তাঁর নামে,  
সুগঠিত স্মৃশোভিত মন্দির স্তম্ভর  
অতিথির বাস জল বহুবিধ ঘর ॥

শ্রী, শি০, বাণিজ্য, বিভাগ্য, অতিথিশালা, দেবালয়, দেবমন্দির প্রভৃতি আমাদের সভ্যতা ব সমস্ত ইতি। স এই স্বরধুনী কাব্যে দেখিয়া মোহিত ও উল্লসিত হইতে হয়। কোটা নদীর ধারে একটা বিরাট জমিদারি নিবাট ইতিহাস চিত্রিত—এক সামান্য জিনিস। মনে হয়, যেন আমাদের ঐশ্বর্য্যকপিণী, ঐশ্বর্য্যশালিনী, ঐশ্বর্য্যদায়িনী। যেরূপ দুই কল আমাদের বিপুল সভ্যতা দ্বারা বাঁধানো। আর মা আমাদের উচ্ছ্বসিত প্রাণে যখন সেই বাধ ছাপাইয়া যান, তখন মাঠকে মাঠ, গ্রামকে গ্রাম, জেলাকে জেলা গায়েব সোনার জলে ডুবিয়া যায়, আর যথাসময়ে সেই জল স্বর্ণ বর্ণেব শস্যাবশিষ্টে পরিণত হয়। এমন মা কি আর কাহাবও আছে! যেরূপ মায়ের দুইটি বসমাত্র দেখিয়া সকলেরই একটা বৃহৎ বৃহৎ সভ্যতার প্রকৃতি বুঝিতে পারে। সেরূপ মা কি আর কাহাবও আছে। ঘরের কথায় পুণ্যতীর্থে স্বরধুনী মন্দির কীর্ত্তন করিয়া লীনবন্ধ অক্ষয় পুণ্য সঞ্চয় করিয়া গিয়াছেন। ধিক আমাদের, আমরা কীভাবে নাটক লইয়া উন্নত, কিন্তু স্বরধুনী কাব্য পড়ি না। স্বরধুনী কাব্য কেবল

কাব্য নয়, ভারতবর্ষের অমন সম্ভাব্য, সুন্দর নংকিপ পবিত্র ইতিহাসে আমি ত আর দেখিতে পাই না !

স্বরধুনী কাব্যের কথায় আমার স্বর্গীয় মাতৃরূপিণী জ্যোষ্ঠা ভগিনীর কথা মনে হইল। তাঁহারও নাম ছিল স্বরধুনী। মায়ের আদর, মায়ের স্নেহ, মায়ের যত্ন, মায়ের সোহাগ তাঁহার কাছে পাইতাম। মনে মনে এখনও পাই। আমার সৌভাগ্য-বলে দ্বিদি আমার শাখা সিঁদুর পরিয়া স্বর্গারোহণ করিয়াছিলেন। আমার মেজ ভগ্নী মন্দাকিনী অতি নিরীহ সরল প্রকৃতি ছিল। সাত কাহাকে বলে, তাহাও সে জানিত না, পাঁচ কাহাকে বলে, তাহাও জানিত না। আমার সৌভাগ্যক্রমে সেও শাখা সিঁদুর পরিয়া স্বর্গারোহণ করিয়াছিল। এখন কেবল আমার কোলের বোন বরদাসুন্দরী আছেন। তিনি কোমল-নিবাসী ডাক্তার অমৃতলাল দেবের পত্নী। তিনি বড় বুদ্ধিমতী। আমার পূজ্যপাদ বন্ধু ডাক্তার প্রাণধন বহু তাহাকে বাড়িতে চিকিৎসা করিয়া আসিয়া আমাকে বলিয়াছিলেন, “আপনার ভগ্নীর মত বুদ্ধিমতী স্ত্রীলোক আমি দেখি নাই।” কিন্তু অমৃতভায়া বহুমূত্র রোগে আমারই চিকিৎসা হইয়াছেন। কখন আছেন, কখন নাই বলা যায় না। তাই ভগবানকে কাছে প্রার্থনা করি, আমার বরদাসুন্দরীও যেন আমার অপরি ছুই ভগিনীর স্থায় শাখা সিঁদুর পরিয়া স্বর্গারোহণ করেন।

আমাদের শেষ পয়ার-প্রিয় ছিলেন অক্ষয়ভায়াব সর্বজন সম্মানিত স্বর্গীয় পিতা রামসাগর চন্দ্রচরণ। তাঁহার কবিতা পড়িতে পড়িতে মনে হয়, আমাদের ঘরের লোকের দ্বারা লিখিত আমাদের ঘরের ও মরমের কথা পড়িতেছি। আর মনে করিলে সেই রকম কবিতা লিখিতে পারেন অক্ষয়ভায়া নিজে। বিশেষ, বঙ্গ ও বাঙ্গালী তিনি যেমন জানেন ও বোঝেন ও ভালবাসেন, তেমন আর কেহ নহে। সুতরাং মনে করিলে তিনি বঙ্গের কথা অতুলনীয় কবিতায় লিখিয়া যাইতে পারেন। কিন্তু তিনি মনে করিয়ে বলিয়া আমার আশা নাই। এ জন্মটা তিনি ঘটি ঘটি ভাল থাইয়া এবং লম্বা লম্বা টেকুব তুলিয়াই কাটাইয়া দিলেন। পথে দবীক্ষনাথের অসুখ কিছুই নাই। কি জানি কেন, আমার এখনও কিন্তু মনে হয় যে, তিনি বাঙ্গালার ঘরের কথা এবং মনের কথা ভক্তের গায় ভালবাসেন না। তিনি বাঙ্গালী কবিতাকে জাতীয় ও স্বদেশী করিয়া তুলিবেন বলিয়া আশা হয় না। এক অক্ষয়চন্দ্র বাঙ্গালীর ঘরের কথা ও মনের কথা ভক্তের গায় ভালবাসেন, এবং পাতি পাতি করিয়া দেখেনও বাটে। কিন্তু তাহার বিরাট আলস্যের কথা কথা মনে হইলে তাহার কাছে যাইতে সাহস হয় না। তাঁহার বঙ্গপ্রিয়তার কথা একদিন কহিবার ইচ্ছা আছে। কহিতে পারিও কিনা, জানি না। অক্ষয়চন্দ্রের হৃদয় যে অতলম্পর্শ।

আমার বড়াই করিবার কথা একটা আছে। কথাটা সৰ্ব্বদাই মনে হয়, আর মনে হইলেই আনন্দ এবং একটু অহঙ্কারও হইয়া থাকে। আমার বয়স যখন ১২ কি ১৩ বৎসর, তখন আমাকে একবার কৈকালী হইতে একক কলিকাতার আসিতে হইয়াছিল। অগ্রহায়ণ মাস, অল্প শীত পড়িয়াছে। প্রাতে বেলা ৯টার সময় ভাত খাইয়া রওনা হইলাম। মাকে ছাড়িয়া আসিতেছি, এবং সঙ্গে কেহ নাই, নিতান্ত একলাটি আসিতেছি, এইজন্য মন বড় বিষন্ন। কিন্তু ইন্ডুলের ছুটি অনেকদিন ফুরাইয়াছে, বাবা বারবার কলিকাতায় আসিতে লিখিতেছেন, হুতরাং বুক বাঁধিয়া আসিতেছি। আসিব বৈজ্ঞানী স্টেশনে—কৈকালী হইতে পাকা ৮ ক্রোশ। বেলা ১১টার সময় বৈজ্ঞানী স্টেশনে গাড়ী আসিবে। তাহা হইলে কলিকাতায় আসিব। বৈজ্ঞানীতে বেলা ১টার পরেই আসিলাম। দোকানে বসিয়া রহিলাম এক ঘণ্টার কম নয়। তাহার পর গাড়ি আসিলে কলিকাতায় চলিয়া আসিলাম। চারি ঘণ্টায় পাকা ৮ ক্রোশ পথ হাঁটিয়াছিলাম। ১২ বছরের বালকের পক্ষে এটা একটা বিক্রম বলিয়া মনে করিয়া একটু অহঙ্কার অনুভব করি। অন্তায় করি কি! এখনকার বয়স্কেরা চারি ঘণ্টায় ৮ ক্রোশ হাঁটিতে পারেন কি?

আর একটি কথা মনে হইলে বড়ই বিমল আনন্দ অনুভব করি। Branch Oriental Seminary-তে পড়ি। বয়স ১৪ বৎসর। আমাদের শ্রেণীতে একটি নূতন মাষ্টার নিযুক্ত হইলেন। Main ইন্ডুলের হেডমাষ্টার স্বর্গীয় কৈলাসচন্দ্র বহু মহাশয় অর্থাৎ Star বিয়েটারের অমৃতলালের পিতা শিক্ষকটিকে আনিয়াছিলেন। তাঁহার সব ভাল, কিন্তু বয়স বড় কম। তাঁহার অপেক্ষা বয়সে বড় এমন অনেক দুর্দান্ত ছেলে আমাদের শ্রেণীতে পড়িত। তাহারা নূতন শিক্ষকের শক্ততা করিতে লাগিল। ইহা নয় যে, তাহাদের অপেক্ষা কম বয়সের লোক তাহাদের শিক্ষকতা করে। তাহাতে তাহাদের লজ্জাবোধ হয়। সেইজন্য তাহারা তাঁহাকে নানারূপে জ্বালাতন করিতে লাগিল। আহিরীটোলার ছেলেদের দুষ্ট বলিয়া অখ্যাতি ছিল। শিক্ষকটির নাম মনে নাই—বোধ হয়, সারদা। তিনি পড়াইতে আসিলেই বিদ্রোহী বালকগুলি গোল করিয়া তাঁহাকে পড়াইতে দিত না। তিনি এন্ট্রান্স পাস করিয়াছিলেন। আহা, বেচারী একদিন এন্ট্রান্সের সার্টিফিকেটখানি আনিয়া সকলকে দেখাইয়াছিলেন, এন্ট্রান্সের সার্টিফিকেটে উত্ত লেখা এখন থাকে না; তখনকার সার্টিফিকেট foolscap কাগজের আখানা ছিল, খরচ কমাইবার জন্য এখনকার সার্টিফিকেট এক চিলতে কাগজ—দেখিলে অপ্রীতি হয়। বোধ হয়, আশা করিয়াছিলেন যে, উহা দেখিলে সকল ছেলেই তাঁহাকে ভক্তি প্রদা করিতে আরম্ভ করিবে। কিন্তু তাহা হইল না। বিদ্রোহীরা তেমনই বিদ্রোহচরণ করিতে লাগিল। তিনি হতাশ হইয়া পড়িলেন।

তাঁহার মুখ দেখিলেই তাহা বুঝিতে পারিতাম। তাঁহার জন্য আমার বড় দুঃখ হইল। আমি অনেককে বুঝাইলাম। কিন্তু কিছুই হইল না। তিনি কৈলাসবাবুকে জানাইলেন। কৈলাসবাবু আমাদের ক্লাসে আসিলেন। কে বিরুদ্ধাচরণ করে। আমাকেই জিজ্ঞাসা করিলেন। দেখিলাম, আমার উপর বড় বড় কটাক্ষ পড়িতে লাগিল। আমি কিন্তু নির্ভয়ে তাহাদের নাম বলিয়া দিলাম। কৈলাসবাবু নৌপের বাম প্রান্ত কামড়াইতে কামড়াইতে চলিয়া গেলেন। এক মনে চিন্তা করিবার সময় ঐরূপ করা তাঁহার রীতি ছিল। দণ্ডের কি ব্যবস্থা করিয়াছিলেন, জানি না। কিন্তু তাহার পর দিন হইতে গরীব শিক্ষকটিকে আর কেহ বিরক্ত করিল না। বুঝিলাম একটি অতি সুশিক্ষিত কর্তব্যপরায়ণ অন্নহীনের অন্ন বজায় রহিল। এরূপ না হইলে তাঁহাকে ছেলেগুলোর আলায় চাকরী ছাড়িয়া পলাইতে হইত। আর তাঁহাকে সেই বিপদে রক্ষা করিবার জন্য কিঞ্চিৎ করিতে পারিয়াছিলাম মনে হইলে এখনও কি একটা আনন্দ জন্মে, তাহা বর্ণনা করিতে পারি না। আমার মনই জানে, সে কি আনন্দ! আর জানেন সর্বস্বত্বদাতা বিধাতা। তাই মনে হয় যে, ইহলোক হইতে প্রস্থান করিয়া যখন পরলোকের ঘরে গিয়া উপস্থিত হইব, তখন বোধ হয় সেখান হইতে আমাকে বিতাড়িত হইতে হইবে না। হইলেই বা কি করিতে পারিব? যাহা ঘটবে, তাহাই কর্তৃকল বলিয়া ছুটিচিন্তে গ্রহণ করিতে হইবে। কিন্তু এই যে আত্মপ্রসাদটুকু, এটুকু বোধ হয় মারা যাইবে না। না গেলেই আমার যথেষ্ট হইবে। তাহার বেশী পাইবার অধিকার বা প্রয়োজন আমার আছে, এরূপ বিশ্বাস বা ধারণা আমার এ পর্যন্ত নাই।

আর একদিন চক্ষু বুজিয়া ভাবিতে ভাবিতে মাধব কাকার সেই খাওয়ার কথা মনে হইল। আমাদের পাড়ায় মাধবচন্দ্র বসু এবং ঈশানচন্দ্র বসু নামে আমার দুই কাকা ছিলেন। কাকারা এবং কাকীরা আমাদেরকে বড়ই ভালবাসিতেন, প্রতিদিন সন্ধ্যার সময় আমরা তাঁহাদের বাড়ীতে যাইতাম, গল্প করিতাম, মুড়ি চালতাজা খাইতাম, ইত্যাদি। একদিন সন্ধ্যার সময় গিয়া শুনিলাম যে, আজ মাধব কাকা দিগম্বর দাদার সঙ্গে বাজি রাখিয়া নাকি ১ সের ময়দার কুটী খাইবেন। নাকি ২ সের ময়দার কুটী হইল। প্রতি সেরে ৪১১ খানা করিয়া মাঝারি কুটী হইল। মাধব কাকা ১ সের ময়দার কুটী খাইতে বলিলেন। বাকী ১/১ সের ময়দার কুটীতে আমাদের ৫৭ জনের জলযোগ হইল। কুটীর সঙ্গে মাধব কাকা পোয়া তিনেক দুধ, খানিকটা গুড়, আর আধসের আড়াই পোয়া তরকারি লইলেন। দুধে খান আটেক কুটী কেলিলেন। তারপর খাইতে আরম্ভ করিলেন। যখন অর্ধেকেরও বেশী খাওয়া হইল, তখন বোধ হইল যেন মাধব কাকার কিছু কষ্ট হইতেছে। তাঁহার বড় মেয়ে প্রসন্নময়ী তাই দেখিয়া

আমাদিগকে বলিলেন, বাবাকে ভোরে ভাত খাইয়া কলিকাতায় যাইতে হইবে। উত্থাকে আর খাইতে বারণ কর, আমি পাঁচ টাকা দিব। মাধব কাকা শুনিয়া বলিলেন—তোদের ভাবিতে হইবে না, তোরা ভোরে আমার জন্ত ভাত রাখিস, আমি খাইয়া কলিকাতায় বাইব। খানিক পরে মাধব কাকা সেই কটীর কাঁড়ি, দুধ, গুড় ও তরকারি শেষ করিলেন। আমরা মহোৎসবে শাঁক ঘণ্টা কাঁসর বাজাইলাম। খুব প্রত্যুষে উঠিয়া মাধব কাকার বাড়ীতে ছুটিয়া গেলাম। গিয়া শুনিলাম, তিনি অনেক আগে যেমন ভাত খাইয়া থাকেন, তেমনি ভাত খাইয়া কলিকাতায় চলিয়া গিয়াছেন। আমাদের আহ্লাদের সীমা রহিল না। কিন্তু সেই কথা মনে হইলে এখন কেবল ভয় ভাবনা হয়। আমাদের সে খাওয়া কোথায় গেল, ভাবিয়া বিষাদে মগ্ন হই। আমাদের ভোজনশক্তি যে কমিয়াছে, হীরেন্দ্রনাথ নাকি তাহার প্রমাণ সংগ্রহ করিতেছেন। তাহাকে জানাইবার জন্ত মাধব কাকার খাওয়ার কথা লিখিলাম।

চক্ষু বুজিয়া ইহার অপেক্ষা উচ্চতর গাঢ়তর আনন্দ উপভোগ করিয়া থাকি। উহা মানুষের পরার্থপরতা, পরোপকারপ্রিয়তা এবং মহত্ত্ব দেখিবার আনন্দ। যাহারা আমাকে বাঁচাইয়া রাখিবার জন্য, এবং যাহাদের প্রাণ লইয়া আমার প্রাণ, তাঁহাদের প্রাণ রক্ষা করিবার জন্য আপন আপন স্বার্থ পর্যাঙ্ক ভুলিয়া যান, এজন্মে তাঁহাদিগকে ভুলিতে ন পারিবই না, অধিকন্তু তাঁহাদের মহত্ত্ব ভাবিয়া অতুলনীয় আনন্দ উপভোগ করিব, এবং কখন করিবা মনুষ্য মধ্যে ব্রাহ্মণ্য লাভ করিতে হই, তাহাও শিখিব। তাঁহাদের কয়েকজনের নাম না কবিয়া থাকিতে পারিগেই না :-

- (১) স্বর্গীয় ডাক্তার হীরেন্দ্রনাথ সরকার।
- (২) স্বর্গীয় ডাক্তার অমৃতচরণ বসু।
- (৩) ভারতের প্রথম শ্রমিক অস্ত্রচিকিৎসক শ্রীমুরেশ প্রসাদ সর্বাধিবাসী।
- (৪) পূজাপাদ ডাক্তার প্রাণধন বসু।
- (৫) অসংখ্য শত্রে অস্থিহীনের পুষ্টিত কবিরাজ অরুণপ্রসাদ সেন।
- (৬) আয়ুর্বেদীয় চিকিৎসক অসংখ্য প্রসিদ্ধিসম্পন্ন মহামহোদ্যায় কবিরাজ বিজয়রত্ন সেন।

- (৭) কবিরাজ ডাক্তার হীরেন্দ্রনাথ সরকার।
- (৮) কবিরাজ গোপাল কৃষ্ণ বসু।
- (৯) কবিরাজ প্রমোদচন্দ্র সেন।
- (১০) ডাক্তার হেমচন্দ্র সেন।
- (১১) হোমিওপ্যাথিক ডাক্তার শ্রী অক্ষয় কুমার দত্ত।
- (১২) পঞ্চম হোমোপ্যাথ ডাক্তার শ্রীমহাশয় ডাক্তার চন্দ্র চৌধুরী।

আর যাঁহারা আমার ভাবনার ভাবিত হন, আমার কঠিন পীড়া হইলে আকুল হইয়া পড়েন, তাঁহাদের সংখ্যা করিতে পারি না। যতদিন বাঁচিয়া থাকিব, ততদিন তাঁহারা হৃদয়ে প্রতিষ্ঠিত থাকিবেন। তাঁহাদেরও নাম করিতে ইচ্ছা হয়। কিন্তু তাঁহাদের নামের তালিকা পাঠকের বিরক্তিকর হইবার সম্ভাবনা। তাঁহারা আমার আত্মীয় নহেন, কিন্তু আত্মীয় অপেক্ষাও আত্মীয়; আমি তাঁহাদের কাহারও কোন উপকার করি নাই, তথাপি আমার প্রতি তাঁহাদের অসীম স্নেহ। তাঁহাদের কার্যকলাপ দেখিয়া বুঝিয়াছি যে, মানব-প্রকৃতিতে এখনও মহত্ত্ব পরার্থপরতা প্রভৃতি শ্রেষ্ঠ গুণ-সকল বিद्यমান আছে; মানুষ এখনও নীচ হয় নাই; মনুষ্যকুলে এখনও বহু আশ্রয় জন্মিতেছেন। তাঁহাদিগকে দেখিয়া বড় আনন্দিত, বড় উৎসাহিত হইতে হয়। বিধাতার সৃষ্টিকৌশল এতই সুন্দর যে, উচ্চনীচ মধ্যবিত্ত সকলেরই ভাগ্যে শ্রেষ্ঠ প্রকৃতির মানবের সংসর্গ ঘটিয়া থাকে। সুতরাং এরূপ সুখ ও আনন্দ কাহারো দুশ্রাপ্য নয়। উনিয়াছি, বিজ্ঞানাগর মহাশয় শেষ দশায় মানুষের অভাব চরিত্র সম্বন্ধে Misanthropic হইয়া পড়িয়াছিলেন, কেন হইয়াছিলেন তাঁহার জীবনচরিতে লেখে না। তাঁহার একখানি জীবনচরিত পড়িয়াছি। তাহাতে ওকথা দেখি নাই। উহা চণ্ডীচরণ বন্দ্যোপাধ্যায় রচিত জীবনচরিত। জীবনচরিতে এরূপ কথাই আবশ্যক থাকা। কিন্তু আমাদের বাঙালী সাহিত্যের দুরদৃষ্টক্রমে উহা প্রায়ই বাজে কথায় পরিপূর্ণ থাকে। আমি যাঁহাদের কাছে চিরঞ্জীবী, তাঁহাদের ২৪ জনের কথা আমাকে বলিতেই হইবে। যাঁহাদের কথা বলিলাম না, তাঁহারা সকলেই কিন্তু আমার হৃদয়ে প্রতিষ্ঠিত থাকিয়া আমাকে জগতের আনন্দময় কোবে রাখিয়া দিলেন।

আমার আর্থিক অবস্থা যখন বড়ই শোচনীয়, এবং আমার ঋণের পরিমাণ চারি পাঁচ হাজার টাকা, তখন আমি হাইকোর্ট যাই। কিন্তু হাইকোর্ট আমার ভাল লাগিল না। সেখানকার হাওয়া খ্রীতিকর নয়। উকিলেরা শিক্ষিত, কিন্তু তাঁহাদের মধ্যে সম্ভাব অপেক্ষা অসম্ভাবই বেশী। তাঁহারা পরাম্পরের কুৎসা করেন, এবং অনিষ্টের চেষ্টা করেন। বড় ঈর্ষাপরায়ণ। সেখানে যত টাকা আপীল করিবার পারিশ্রমিক পাওয়া যায়, মোক্তার মহাশয়কে তাহার অনেক অধিক টাকার রসিদ লিখিয়া দিতে হয়। একদিন আমার কাছে আমার মুহুরী একটা খাস আপীলের কাগজপত্র আনিয়াছিল। কিরূপ অপদার্থ অজুহাতে খাস আপীল দাখিল করা হয়, আমি জানিতাম। আমি দেখিতাম উকীল মহাশয়রা নিয় আদালতের বিচারে দোষ-ত্রুটি হইয়া থাকিলে তাহার প্রতিকার করাইবার জন্য যত না হউক, আদালত দ্বারা তিরস্কৃত হইতে না হয় এমননি কৌশল করিয়া আপীলের দরখাস্ত রচনা করিয়া গোটাকিন্তক টাকা হাতাইবার জন্য বেশীর ভাগ আপীলের দরখাস্ত দাখিল করেন।



আমার টাকার বড় দরকার। স্ত্রীরাং কাগজপত্র দেখিয়া বলিলাম, আপীল দাখিল করিব, কিন্তু ২৫ পারিশ্রমিক লইব। মগসাকেস সম্মত হইয়া ষ্টাম্প কিনিতে গেল; কিন্তু আজও গেল, কালও গেল। আমার মুহুরীকে অহুসন্ধান করিতে বলিলাম। মুহুরী আসিয়া বলিল, অমুক উকীল ২০ টাকায় করিয়া দিব বলিয়া তাহাকে ভাড়াইয়া লইয়াছে। তুমি আমার বিজাতীয় যুগা হইল। এক ব্যক্তি নিজের মকদ্দমা নিজে আমার কাছে আনিয়াছিল অর্থাৎ তাহার সঙ্গে মোক্তার ছিল না। মোক্তার থাকিলে আমি ২০ কি ২৫ টাকার বেশী পাইতাম না। কিন্তু মোক্তার নাই দেখিয়া হুবিধা বুঝিয়া কোপ করিয়াছিলাম, ২৫ টাকার স্থলে ১২৫ টাকা লইয়াছিলাম। বুঝিয়াছিলাম এ ব্যবসায়ের প্রলোভন বড়। এ ব্যবসায় দরিরদের পক্ষে মারাত্মক। আমি দরিদ্র। এ ব্যবসায় ছাড়িয়া দেওয়া কর্তব্য বিবেচনা করিলাম। এ সকল কথা ভাবিতে ভাবিতে স্বর্গীয় কৃষ্ণদাস পালের কথা মনে হইল। তাঁহার একখানি চিঠির জোরে আমি ডিপুটী মেজেষ্টারী পাইলাম। পাইয়া ঢাকায় গেলাম। যখন যাই, বন্ধিমদাদা আমাকে বলিলেন,—যাইতেছ যাও, কিন্তু টিকিতে পারিবে না। টিকিতে পারিও নাই। দেখিয়াছিলাম, হাকিম পুলিশের আজ্ঞাবহ ভূতাস্বরূপ। পুলিশের মনোমত জেল জরিমানা না করিলে, কর্তৃপক্ষের অসন্তোষ ভাজন হইবার সম্ভাবনা। একটা মোকদ্দমায় পুলিশ আমাকে শাসাইয়া এক ব্যক্তিকে দণ্ডিত করিবার চেষ্টা করিয়াছিলেন, সে চেষ্টা অগ্রায় না হইয়া থাকিতে পারে। কিন্তু পুলিশের আচরণ যে নিতান্ত অসভ্য, অসম্মানজনক ও উদ্ধত হইয়াছিল, তাহাতে আমার সন্দেহ ছিল না। আমি মেজেষ্টার সাহেবের কাছে পত্র লিখিয়া নালিশ করিয়াছিলাম। তিনি লিখিলেন,—I see no reason to interfere। আমি বুঝিলাম, পুলিশের মন যোগাইয়া চলিতে না পারিলে ডিপুটিগিরি করিতে পারা কঠিন। ডিপুটিগিরি ছাড়িয়া দিলাম। এইবারে স্বর্গীয় শ্রায়ত্ত্ব মহাশয়ের কথা আমার মনে উঠিল। টাকা হইতে কলিকাতায় আসিবার পূর্বেই তিনি আমাকে জয়পুর কলেজের অধ্যাপকের পদ গ্রহণ করিবার জন্ত অহুরোধ করিয়াছিলেন। কলিকাতায় আসিয়া জয়পুরে গেলাম। পথথরচের জন্ত জয়পুর হইতে একশত টাকা আসিল। কিন্তু তাহাতে সপরিবারে অত দূর যাওয়া হয় না। পত্নীকে কলিকাতায় রাখিয়া যাইতেও পারিব না। আবার দেনা করিয়া সপরিবারে জয়পুর গেলাম। সেখানে কাঙ্ক্ষিবাবু আমার বড়ই আদরযত্ন করিয়াছিলেন, বলিয়াছিলেন আমাকে খুব বড় করিবেন। তা তিনি করিতে পারিতেন। তিনি তখন জয়পুরের রাজা বলিলেই হয়। Conscience টাকে একটু মুচড়াইয়া ৫/৭ বৎসর থাকিলে আমি মত্ত ধনী হইয়া যাইতাম। কিন্তু জয়পুরের তাত আমার সঙ্গ হইল

না, এবং রাজসভার হাওয়াও ভাল লাগিল না। সেখানে সাহেব ও ভক্তিন নামে অভিহিত চরিত্র শ্রীহানাদের প্রতিপত্তি কিছু বেশী। একটা ঘটনায় ইহাও বুঝিলাম যে, স্বাধীনতা রক্ষা করিয়া আমার জয়পুরে থাকা সম্ভব হইবে না। আমি দু'মাসের ছুটি লইয়া কলিকাতায় আসিলাম। তখনকার মহারাজ রায় সিংহকে বড় বিনয়ী ও অমায়িক দেখিয়াছিলাম, এবং উৎকোচাদি লয়েন না বলিয়া অনেকের মুখে কান্তি-বাবুর স্থাতিও শুনিয়া আসিয়াছিলাম। জয়পুরে কেবল পাহাড় ও বালি—আমি ভারতের উদ্ভাসদূশ বন্ধের মাহুব, সে কঠোর দৃষ্টি আমার ভাল লাগিল না। সহর দেখিতে বড় সুন্দর, কিন্তু তাহাতে একটি তৃণ বা এক ফোঁটা জল দেখিতে পাইবার জো নাই। আমি দু'মাসের ছুটি লইয়া কলিকাতায় আসিলাম। মনে মনে সঙ্কল্প করিলাম জয়পুরে আর যাইব না। না থাইয়া মরি, সেও ভাল, তবু যাইব না। বিধাতার রূপায় না থাইয়া মরিতে হইল না। সেই সময়ে বন্দী গভর্নমেন্টের লাইব্রেরীর অধ্যক্ষ Lawler সাহেবের মৃত্যু ঘটিল। আমি তাহা জানিতে পারি নাই। আমার পরম হিতৈষী কৃষ্ণদাস পাল আমাকে সে কথা জানাইলেন। আমি সেই কর্ণের জন্ত শিক্ষাবিভাগের অধ্যক্ষ Croft সাহেবের কাছে দরখাস্ত করিলাম। দরখাস্ত লিখিয়া নিজেই লইয়া গেলাম। আমাকে দেখিয়াই তিনি বলিলেন,—Shall I guess why you have come? আমি বলিলাম,—আপনি ঠিক বুঝিয়াছেন। বুঝিলাম,—কর্মটি তিনি আমাকে দিবেন। আমি বলিতে বলি নাই, তথাপি স্বর্গীয় কৃষ্ণদাস ঐ কর্মটি আমাকে দিবার জন্ত Croft সাহেবকে অহরোধ করিয়াছিলেন। Croft সাহেব জানিতেন, আমি ভিপুটিগিরি ছাড়িয়াছিলাম, এবং জয়পুর কলেজের অধ্যক্ষগিরিও ছাড়িয়াছিলাম। তিনি আমার হিতৈষীকে বলিলেন,—“If he again proves a rascal, the responsibility will be both yours and line.” আমার হিতৈষী উত্তর করিয়াছিলেন, “He is not to blame. He cannot settle down to what he does not fully like.” Croft সাহেব ছুটি লইয়া বিলাতে গেলেন। আমার শিক্ষাণ্ডক তাঁহার কাছে বসিলেন। লাইব্রেরীর জন্ত লোক নির্বাচনের ভার এখন তাঁহার হাতে। তিনি আমাকে ঐ কর্ম দিলেন। বেতন ২০০ হইতে ২৫০। আমি কিন্তু চিরকালের জন্ত বাঁচিয়া গেলাম। এবং বিধাতার কাছে এখনও Croft ও Tawney সাহেবের মঙ্গল প্রার্থনা করিতেছি।

আমার চাকরী হইলেই আমার পাওনাদারেরা টাকার জন্ত পীড়াপীড়ি করিতে আরম্ভ করিল। কিন্তু তাহাদিগকে টাকা দিই কেমন করিয়া? মাসে দুই শত করিয়া টাকা ঘরে আনিতে লাগিলাম বটে, কিন্তু আমার খরচের অবশি ছিল না। তখন তিনটি পরিবারের উদরারের ভার আমার উপর। তাহাদিগকে অনাহারে

বাঁথিয়া আহাৰ কৰিতে হইলে আমাৰ শূকরের বিষ্ঠা ভোজন করা হইত এবং হৃদয়ের যন্ত্রণায় আমাকে ছটফট করিয়া মৰিতে হইত। ঐ কয়টি পৰিবারকে মাসে মাসে কিছু টাকা দিতাম। অনেক জীলোকের বিশ্বাস যে স্বামীৰ উপার্জিত অৰ্থে জী ভিন্ন আৰ কাহাৰো অধিকাৰ নাই, এবং অপরকে স্বামীৰ উপার্জিত অৰ্থেৰ ভাগ পাইতে দেখিলে তাঁহাৰা মহা গণ্ডগোল বাধাইয়া থাকেন। স্বামীকে তাঁহাদের অৰ্থ সাহায্য কৰিতে না দিয়া তাঁহাদিগকে বিষম অনশন কষ্টে ফেলিয়া দেন, এবং স্বামীৰ যন্ত্রণায় একশেষ কৰিয়া থাকেন। ভগবানের অসীম কৃপায় এবং আপন স্বভাবের গুণে আমাৰ পত্নী আমাকে কখনও ঐ সকল অনশনশ্লিষ্ট পৰিবাৰেৰ অৰ্থসাহায্য কৰিতে নিবেধ করেন নাই। নিবেধ করা দূৰে থাকুক, কোন্ পৰিবাৰেৰ জন্ত কত টাকা দিতাম, তাহা আমাকে কখনও জিজ্ঞাসাও করেন নাই। এবং এখনও জানেন না। তাহাদিগকে অৰ্থসাহায্য কৰিতাম, তাহাদের কাহাৰো কাহাৰো সহিত তাঁহাৰ একটু দা-দেয়িজিৰ ভাব ছিল। তিনি যদি আমাকে ধৰিয়া বসিতেন, উহাদিগকে তুমি কিছুতেই টাকা দিতে পারিবে না, তাহা হইলে নিরুপায় হইয়া আমাকে অনশনেৰ কষ্ট দেখিয়া মৃত্যু-যন্ত্রণা ভোগ কৰিতে হইত। কিন্তু আমাৰ পত্নীৰ জন্ত তাহা ভোগ কৰিতে হয় নাই। ইহা কি সাধাৰণ স্ত্ৰ ? এ স্ত্ৰেৰ পৰিমাণও হয় না। কল্পনাও হয় না। বিধাতাৰ কৃপায় আমাৰ পত্নীভাগ্য অতুলনীয়। তাঁহাৰ এইৰূপ মহত্ব না থাকিলে এজন্মটো আমাকে মহাশূন্যমধ্যে চণ্ডাল হইয়া এবং চক্ষুৰ জলে ডুবিয়া থাকিতে হইত। আশীৰ্বাদ কৰি, এবাৰ জন্মগ্ৰহণ কৰিয়া আমাৰ মহালক্ষ্মীকে যেন আমাৰ মৃত মহাপাতকীয় সহধৰ্ম্মিণী হইবাৰ ফলে চোখেৰ জল ফেলিতে না হয়। অথবা আমি কি এমন মাৰুষ যে, তাঁহাকে আশীৰ্বাদ কৰিব ? তিনিই আমাকে আশীৰ্বাদ কৰুন, আমি যেন জন্ম জন্ম তাঁহাকে পাইবাৰ আশা আকাঙ্ক্ষা রাখিতে পাৰি। যে কয়টি পৰিবাৰকে ভাত দিতে হইত, আমাৰ পত্নীৰ পুণ্যবলে তাহাদিগকে আমাৰ আৰ অৰ্থ সাহায্য কৰিতে হয় না, তাহাৰা আপনাদের অন্ন আপনাৰ বিধাতাৰ কাছে পাইতেছে ; প্রাৰ্থনা কৰি, চিরকাল পাউক। কিন্তু তাহাদের কাহাকে কত টাকা দিতাম, আমাৰ পত্নী তাহা এখনও জানেন না, আমাকে জিজ্ঞাসাও করেন না, আমিও বলি নাই। বলিবও না। তাঁহাকে কেহ (অবশ্য একটু কুয়তলবে) জিজ্ঞাসা কৰিলে তিনি বলিয়া থাকেন,—“ওসব টাকাকড়িৰ কথা, আমি কি জানি বোম ? ওসব পুৰুষেৰা জানেন। জানিতে ইচ্ছা হয়, তাঁকে জিজ্ঞাসা কৰিও।” বড় ভাগ্যবান না হইলে, এমন সহধৰ্ম্মিণী পাওয়া যায় না। আৰো একটু বলি :

দেনা শোধ হয় কেমন কৰিয়া কৰিব ভাবিতে লাগিলাম। দেনা ৪/৫ হাজাৰেৰ কম নয়, এবং প্রতিদিন হৃদ বাড়িতেছে। পত্নী বলিলেন,—আমাৰ গহনা বন্ধক দিয়া যে

ঋণ করা হইয়াছে, আগে সেই গহনা বিক্রয় করিয়া তাহা শোধ করা হউক। আমি বলিলাম, তা আমি পারিব না। একে তোমার গহনা অল্প, তাও বেচিয়া কেদিব ? আমার দ্বারা তাহা হইবে না। তিনি বলিলেন, স্ত্রীলোকের স্বামীর চেয়ে গহনা আর নাই। তুমি বিক্রয় কর। তাহা হইলে তোমার দেনা আর বড় বেশী থাকিবে না, অল্প টাকা কজ্জ করিলেই লম্বা পয়সার হইয়া যাইবে। বলিতে বলিতে তাঁহার চক্ষু জল দেখা দিল। আমি আর অমত করিতে পারিলাম না। তাঁহার ইচ্ছানুসারেই কার্য হইল। হইয়াও কিন্তু এত দেনা রহিল যে, টাকা কজ্জ না করিলে তাহার পরিশোধ হয় না। তখন উপায়ান্তর না দেখিয়া ৬ প্রসন্ন কুমার ঠাকুরের ইষ্টেটের ম্যানেজার এবং গৌরমোহন আচ্যের ইন্সুলের সেক্রেটারী আমার চিরস্থায় এবং জ্যেষ্ঠ সহোদরতুল্য বেচারাম চট্টোপাধ্যায় মহাশয়কে ধরিলাম। তিনি অল্প স্বদে অর্থাৎ শতকরা ৬ টাকা স্বদে আমাকে হাজার টাকা কজ্জ দেওয়াইলেন। কজ্জ দিলেন ৮ রাধাকান্ত দেব বাহাদুরের দৌহিত্র সাধু সুপণ্ডিত সর্বশাস্ত্র বিশারদ ৮ অমৃতলাল মিত্র মহাশয়ের দ্বিতীয় পুত্র আমার চিরকৃতজ্ঞতাভাজন শ্রীকৃষ্ণলাল মিত্র মহাশয়। প্রতি মাসে স্বদ সহ পঞ্চাশ টাকা করিয়া পরিশোধ করিতাম। আমার বৃহৎ সংসার পালনের জন্ত দেড়শতেরও কম টাকা থাকিত। আমার পত্নী তাহাতেই সংসার চালাইয়া প্রতিমাসে আমার হাতে কিছু কিছু দিতেন। সংসারে কাহারো কষ্ট বা অসন্তোষ ছিল না। এইরূপে চারি পাঁচ হাজার টাকার ঋণ পরিশোধ করিয়াও যে ভাবে ছিলাম, তাহাতে লোকে মনে করিত, আমার অবস্থা বেশ স্বচ্ছল। ঋণ পরিশোধ হইলে যে আনন্দ হইয়াছিল, তাহার তুলনাও জানি না, পরিমাণও করিতে পারি না। বাল্যকালের সেই সব আনন্দ অপেক্ষাও তাহা বেশী। এ আনন্দের সহিত তুলনায় সে সব আনন্দ অতি সামান্য। সাধে শাস্ত্রকার বলিয়াছেন, অক্ষণী অগ্রবাসী চ ইত্যাদি ? এখন আমার প্রবাসও ঘুচিল, ঋণও ঘুচিল। আমার আনন্দ বড় বেশী হইবার কারণ এই যে, আমার ঋণ পরিশোধে আমার পত্নী আমায় বড় সাহায্য করিয়াছিলেন। আমার যখন ঋণ ছিল তখন তিনি ছেঁড়া কাপড় পরিয়া থাকিতেন। তাঁহাকে একবার এক জোড়া নূতন কাপড় কিনিয়া দিয়াছিলাম। তিনি বলিলেন,—তুমি দেবতা সাক্ষী করিয়া আমার চিরকালের ভাত-কাপড়ের ভার লইয়াছ !—ও দেবতার দেওয়া কাপড়, দাও, আমি মাথায় করিয়া রাখি, কিন্তু পরিব না। জিজ্ঞাসা করিলাম,—পরিবে না কেন ? উত্তর,—তোমার দেনা থাকিতে নূতন কাপড় পরিব না। এখন আমার দেনা নাই, তথাপি কিন্তু তিনি রাজে মাথায় বালিশ না দিয়া নেকড়ার বোচকা মাথায় দেন, শীতকালে রাজে লেপ গায়ে না দিয়া ছেঁড়া মশারি এবং দিনের বেলা কেবল ছেঁড়া কাপড় পাট করিয়া গায়ে দেন। এমন সহধর্মিণী পাইয়াছি বলিয়া

অঞ্চলী হইতে পারিয়াছি। একটু চেষ্টা করিলে অনেকে এইরূপ সহধর্মিণী গড়িয়া লইয়া অঞ্চলী থাকিতে পারেন। শাস্ত্রকারেরা বালিকাদের বাল্যবিবাহের ব্যবস্থা করিয়াছেন বলিয়া এইরূপ সহধর্মিণী গড়িয়া লইবার সুবিধা হয়।

আমার পত্নী সম্বন্ধে একটি আশ্চর্য কথা বলিতে বাকি আছে। শিশু সম্ভান অধিক কাঁদিলে বা ঘুমাইতে না দিলে প্রায় সকল জ্ঞীলোকেই বিরক্ত হইয়া তাহাদিগকে থামাইবার নিমিত্ত—বিশেষতঃ রাত্রিকালে টিপ্‌টিপ্ বা চটাচট্ মারেন, বা ঠোনা মারেন, বা টিপুনি দেন। তাহাতে তাহারা এমন ককাইয়া ওঠে যে, শুনিলে বড় কষ্ট হয়, এবং সময়ে সময়ে দম বন্ধ হইয়া মারা যাইবে বলিয়া ভয়ও হয়। ইহাতে অশান্তির সীমা থাকে না। আমার সৌভাগ্যবলে ওরূপ অসুখ অশান্তি আমাকে একেবারেই ভোগ করিতে হয় নাই। ছেলেতে মেয়েতে আমাদের ১২টি হইয়াছিল। কোনটির জন্যই আমার পত্নী আমাকে দাস বা দাসী নিযুক্ত করিতে বলেন নাই। কেবল অস্বরোগে তাঁহাকে জীর্ণ দেখিয়া আমি আপনিই তাহার দুইটি পুত্রের জন্য দুইটি দাসী নিযুক্ত করা আবশ্যক বিবেচনা করিয়াছিলাম। বাকী সবগুলিকে তিনি স্বয়ং পালন করিয়াছিলেন। পুত্র কন্যা নাতি নাতিনী কাহাকেও তাঁহাকে কখনও দিবাভাগে বা রাত্রিকালে মারিতে দেখি নাই। সকল দেশেই জ্ঞীলোক ছেলে ঠেকায়। আমার ঘরে কোনও ছেলেই মার খায় না। ইহা আমার যেন সুখ ও সৌভাগ্য। তবুও কিন্তু ইহাদের অনেকগুলি আমাদের শাস্তিময় ঘর ছাড়িয়া পলাইয়া গিয়াছে। ইহা তাহাদিগের দুর্ভাগ্য, আমার কি আমার শাস্তিদায়িনীর দুর্ভাগ্য নয়। আমার স্ত্রীর এই গুণের কথা তাহার বড়াই করিবার অভিপ্রায়ে বলিলাম না। স্ত্রী প্রকৃতিতত্ত্বে একটা রহস্যময় কথা হৃদী ব্যক্তিমাজেই এবং আমার বিদুষী পাঠিকাগণ বুঝিয়া দেখিয়া বুঝাইবেন, এই আশায় বলিলাম। ইহা যথার্থই স্ত্রীপ্রকৃতিগত একটা রহস্য। এ রহস্য কেবল আমার ঘরে নাই। অনেক ঘরে আছে। শুনিলে আমার অহ্লাদের সীমা থাকিবে না। আর শিশুকুলের সৌভাগ্য বৃদ্ধিতে শিশুশিক্ষারও সুবিধা হইবে। যে রমণী শিশুকে মারিতে পারেন না, বড় রাগ বা বিরক্তি হইলে কেবল একটু বকেন, বোধ হয় দেবতাদের কাছে তাহার আদর ও সম্মান কিছু বেশী হয়। এই সমস্ত কারণে আমার পত্নী চির আরাধ্যা হইয়া আছেন। জামতাড়া হইতে আসিয়া একটু অসুখ হইয়াছিল। হোমিও-প্যাথিক ডাক্তার অক্ষয়কুমার দত্তের সহিত পরামর্শ করিবার জন্য তাঁহাকে ডাকিয়াছিলাম। তিনি আসিয়া ঔষধের ব্যবস্থা করিবার পর একথা সেকথার মধ্যে বলিয়াছিলেন :—আপনাদের মত couple (দম্পতি) আমি আর দেখি নাই, আপনাদের কথা আমি অনেকের কাছে বলি। তিনি কিন্তু আমাদের ভিতরের

কথা কেমন করিয়া বুঝিলেন, তাহা জানি না—তাহাকে জিজ্ঞাসা করিবও না। আপন ইচ্ছায় বলেন, ত শুনিব।

উপরে লিখিয়াছি যে, বড় অনটনের সময় একবার হাইকোর্টে গিয়াছিলাম। কেন গিয়াছিলাম, এইবার বলিব। এখনও যেমন তখনও তেমনি, ইংরাজী শিখিলে সকল যুবকেরই আদালতের দিকে দৃষ্টি পড়ে—তাহারা বোধ হয় মনে করে যে, আদালতে টাকা ছড়ানো আছে, গেলেই যত ইচ্ছা পাইতে পারা যাইবে। এ বিশ্বাস এখনও আছে, তাই অনেকেই এখনও ওকালতী করিতে যায়। শিক্ষিত অনেকে গড্ডলিকার লক্ষণাক্রান্ত বলিয়া উপহাস করে। আমার বিবেচনার একপ উপহাস অস্ত্রায়। তাহাতে ২/৪ জন কৃতকার্য হয়, দশজনের তাহা করিতে যাওয়া সকল দেশেই স্বাভাবিক কার্য, অতএব ২/৪ জনকে ওকালতী দ্বারা টাকা উপার্জন করিতে দেখিয়া অনেকেই যে আদালতের দিকে ছোট্ট, সেটা আমাদের অস্ত্রায় কাজ নয়। আমার কিন্তু মনে হয় যে, আমাদের আদালতে ছুটিবার ইহা অপেক্ষাও একটা গুরুতর কারণ আছে। আমার বেশ মনে আছে যে, আমাদের বিশ্ববিদ্যালয়ে পরীক্ষা দিবার জন্ত যাহা অধ্যয়ন করিতে হইত, তাহাতে স্বাধীন ভাবে কাজকর্ম বা কারবারের দিকে মন যায় না, এমন কি, একখানা দোকান করিয়া দুটাকা উপার্জন করিবার প্রবৃত্তিও জন্মে না। অর্থাৎ বিশ্ববিদ্যালয়ের পরীক্ষার নিমিত্ত যে শিক্ষা লাভ করিতে হয়, তাহা সম্পূর্ণ Literary শিক্ষা, তাহাতে কোনওরকম Practical প্রবৃত্তির উদ্ভব হইতে পারে না। প্রধানতঃ এই কারণে আমরা দলে দলে আদালতে ছুটি। National কলেজে নানাবিধ শিল্প-শিক্ষার ব্যবস্থা হইয়াছে। দেখা যাক্ যাহারা তথায় পড়িতেছেন, তাহাদের মধ্যে একটু practical tendency দেখা দেয় কিনা। আমার শিক্ষা সম্পূর্ণ literary শিক্ষা হইয়াছিল বলিয়া আমিও টাকার জন্ত হাইকোর্টে গিয়াছিলাম। কিন্তু সেখানে আমার টাকা হয় নাই। কেন হয় নাই, পূর্বে বলিয়াছি। অপরের দ্বারা আমারও হাইকোর্টে যাইবার আর একটা কারণ ছিল। স্বাধীন থাকিয়া অর্থোপার্জন করিব, চাকরীতে গিয়া পরাধীনতা স্বীকার করিয়া মহত্ত্ব নষ্ট করিব না, এই ইচ্ছাই সেই কারণ। এই ধারণাটা যে বিষয় ভ্রান্ত ও অনিষ্টকর ধারণা, তাহা এখন বুঝিয়াছি। চাকরীতে মহত্ত্ব যায়, অতএব চাকরী করিব না, Bengal library-র অধ্যক্ষতা গ্রহণ করাতেই আমার এ প্রতিজ্ঞা ভঙ্গ হয়। অথচ ঐ চাকরী করিয়া আমার তৃপ্তিলাভ হয় নাই। বেঙ্গল লাইব্রেরীর কাজ বেশীও নয়, কঠিনও নয়, একরকম চোখ বুজিয়া বুজিয়া সম্পন্ন করিতাম। সুতরাং কাজের মতন কাজ বলিয়া বোধ করিতাম না। কাজেই চাকরীতে যে স্থগা ছিল, ঐ কাজ করাতে তাহা বাড়িয়াই গেল। কিন্তু এই কাজ করিবার পর যে কাজ উপস্থিত হইল, তাহার

কঠিনতা ও পরিমাণ দেখিয়া আমার ভয় হইল। তাহা বন্ধাবাদের কাজ। ঐ কাজ করিয়া অল্প Robinson সাহেব বহুত্ব রোগে মারা গিয়াছিলেন, এবং তাঁহার পরে আমার ভ্রাতৃসম অল্পসদৃশ রাজকৃষ্ণ মুখোপাধ্যায়ও ঐ রোগে মারা গিয়াছিলেন। তাই ঐ কাজ লইতে আমার ভয় হইয়াছিল। তাই আমি ঐ কাজের জন্ত দরখাস্তও করি নাই। Croft সাহেবের উপর ঐ কাজের জন্ত লোক নির্বাচনের ভার ছিল। তিনি আমাকে নানা রকমে ঐ কাজ লওয়াইবার চেষ্টা করিয়াছিলেন। আমিও অবশেষে লইয়াছিলাম। কাজের মতন কাজ বটে। পরিমাণও যেমন বেশী, প্রকৃতিও তেমন কঠিন। ইংরাজী আইনের বাংলা অম্ববাদ কি দ্রুত ব্যাপার, যিনি না করিয়াছেন, তিনি বুঝিবেন না, বুঝাইলে বুঝাইতে পারিবেন কিনা সন্দেহ। অনেককে বন্ধাবাদকের অম্ববাদের ঠাট্টা করিতে দেখিয়াছি। ঠাট্টা করা যাইতে পারে না, এমন নয়। কিন্তু অম্ববাদকে যে সকল নিয়ম পালন করিয়া অম্ববাদ করিতে হয়, সেই সকল নিয়ম লঙ্ঘন না করিয়া স্বয়ং বৃহস্পতি অম্ববাদ করিলে, তাঁহার অম্ববাদেরও যে ঠাট্টা করিতে পারা যায়, ইহা আমি বুক ঠুকিয়া বলিতে পারি। না জানিয়া না শুনিয়া না বুঝিয়া ঠাট্টা বিজ্ঞপ করা এখনকার একটা রোগ হইয়া দাঁড়াইয়াছে—বড় বেয়াড়া, বড় দুশ্চিন্তাস্য রোগ। আমরা প্রত্যেকেই এখন ভাবি আমরা সকলের চেয়েই পণ্ডিত, তাই অপর সকলকে ঠাট্টা করিতে কুণ্ঠিত হই না। অম্ববাদকের কাজ লইয়া দেখিলাম—কাজের পরিমাণের যেমন সীমা নাই, উহার প্রকৃতিও তেমন কঠিন। আর ঐ কাজ করিয়া দিতে বড় তাড়াতাড়ি করিতে হইত; দুই দিনের কাজ দু'ঘণ্টায়, ১০ দিনের কাজ পাঁচ ঘণ্টায়, ইত্যাদি। আদেশমত কাজ সম্পন্ন করিয়া দিবার জন্ত প্রাণপণে চেষ্টা করিতাম। কখনও একটি কৈফিয়ৎ দিতে হয় নাই। কোনও কাজ করিয়া দিতে একটু বিলম্ব হইলে, যে আপিসের কাজ, সে আপিস হইতে non-official enquiry মাত্র হইত, অর্থাৎ কাজ কত দিনে হইবে জানিয়া যাইবার জন্ত একজন কর্মচারী প্রেরিত হইত। কখনও কড়া চিঠি আসিত না। এই কাজ যখন লইয়াছিলাম, তখন গবর্ণমেন্টের সহিত সর্ভ করিয়াছিলাম যে, ছয় মাস কাজ করিয়া দেখিব, যদি শরীর না বয়, ছয় মাসান্তে লাইব্রেরীর কাজে ফিরিয়া যাইতে পারিব। কাজ কিন্তু এত অধিক ও কঠিন যে, ৩৪ দিন মাত্র করিয়া আমার মাথা এত ঘুরিয়াছিল যে, ভয় পাইয়া Croft সাহেবের কাছে গিয়া বলিয়াছিলাম—এ কাজ আমার দ্বারা হইবে না, আমাকে লাইব্রেরীতে ফিরিয়া যাইতে দিন। তিনি আমাকে নিকুংসাহ করিলেন না, কিন্তু কৌশল করিয়া আমাকে একাঙ্গে এক মাস রাখিলেন। কৌশল এইরূপ, যে দিন সাহেবের কাছে লাইব্রেরীতে ফিরিয়া যাইবার অজ্ঞমতি চাহিয়া আসিলাম,

তাহার পরদিন প্রাতে রাধিকাবাবু আমাকে ডাকাইয়া বলিলেন,—কাল Croft সাহেবের কাছে গিয়া দেখিলাম, তিনি বড় বিবলভাবে বসিয়া আছেন। জিজ্ঞাসা করিলাম,—অমন করিয়া বসিয়া আছেন কেন? তিনি বলিলেন,—চন্দ্রনাথের মাথা ঘুরিতেছে, সে Library-তে ফিরিয়া আসিতে চায়। কিন্তু অল্পবয়স্কের পদের উপযুক্ত লোক আর দেখিতে পাইতেছি না, তাই ভাবিতেছি। তা তাই, এত শীঘ্র Libraryতে ফিরিয়া গেলে, Croft সাহেবের বড় দুঃখ হইবে, এবং গবর্নমেন্টের কাছে তাঁহাকে অপ্ৰতিভ হইতে হইবে। তিনি আমাদের হিতৈষী—গবর্নমেন্টের কাছে তাঁহাকে অপ্ৰতিভ করা আমাদের বড় অন্তায় হইবে। তুমি অন্ততঃ এক মাস এই কাজ কর। রাধিকা দাদার উপদেশ যে বড় সমীচীন, তাহা বুঝিলাম। বুঝিয়া বলিলাম, যতই কষ্ট হউক, এক মাস এই কাজ করিবই করিব। আমাকে এ কাজে এক মাস রাখিলেন। এক মাস এই কাজ করিতে করিতে আমার শৈথল্য আসিল, ধৈর্য্য আসিল, সাহস আসিল, কষ্টসহিষ্ণুতা আসিল, শ্রমে শক্তি বাড়িতে লাগিল, আর এই ধারণা জন্মিল যে, একাজ ভগবানের কাজ। গবর্নমেন্টের সহ মাছুষের কাজ নয়। তখন এই কাজ ভাল লাগিতে লাগিল, আর আলস্য গেল, শ্রমকাতরতা গেল, শ্রমে আনন্দ ও উৎসাহ হইতে লাগিল। স্নাতক তখন ২ দিনের কাজ ১ দিনে; ১০ দিনের কাজ ৬ ঘণ্টায় শেষ করিয়া এতই আনন্দ হইতে লাগিল যে, প্রতিজ্ঞা করিলাম যে, চাকরী যদি করি, তবে এইরূপ চাকরীই করিব। এইরূপ প্রতিজ্ঞা করিয়া এবং ভগবানের চাকরী করিতেছি ভাবিয়া, এই চাকরী করিতে লাগিলাম। তথাপি বুঝিলাম, একাজে থাকিলে শীঘ্রই আমার স্বাস্থ্যভঙ্গ হইবে। Tawney সাহেব তখন Croft সাহেবের কাজ করিতেছেন। আমি তাঁহাকে ইচ্ছা পত্র পাঠাইয়া দিলাম। তিনি তাহা লইলেন না। আমাকে আরো ছয় মাস থাকিতে বলিলেন। বলিলেন,—আমি লোক পাইতেছি না, তুমি আরো ছয় মাস থাক। আমি গবর্নমেন্টে লিখিয়া তোমার কাজের পরিমাণ কিছু কমাইয়া দিব। তাহাই দিলেন।

তিনি আমার শিক্ষাগুরু, আমি আর না বলিতে পারিলাম না। কাজ যাহা কমাইয়া দেওয়া হইল, তাহাতে আমার নিজের শ্রমের লাভ হইল না। আমার আপিসের পণ্ডিত মহাশয়ের কিছু আসান হইল। তাহাতেই সন্তুষ্ট হইয়া আমি কাজ করিতে লাগিলাম। রাত দিন কাজ। রবিবারেও কাজ। প্রাতিদিন প্রাতে কাজ। পূজার ছুটিতে আপিস বন্ধ করি, কিন্তু বাড়ীতে কাজ করি। সকল ছুটিতেই তাই। অল্প হইলেও কাজ করি, না থাইয়াও কাজ করি। কাজ আমার জপমালা হইয়াছিল। হুইবার ছুটি লইয়া হাওয়া থাইতে বধুপুত্র ও বৈদ্যনাথ গিয়াছিল—কিন্তু সেখানেও



রাশি রাশি কাজ করিতে হইয়াছিল। ইং ১৯০১ সালের ২৫ ফেব্রুয়ারী তারিখে আমার জ্যেষ্ঠ পুত্র পরেশনাথের পরলোক হয়। কলিকাতার বাড়ীতে আর কেহ থাকিতে পারে না। এই কথা শুনিয়া প্যারী দাদা (রাজা প্যারীমোহন মুখোপাধ্যায়) আমাদিগকে যেন কোলে তুলিয়া লইয়া তাঁহার গঙ্গাতীরস্থ হুন্দর বাড়ীতে লইয়া গিয়া বসাইয়া দিলেন, এবং সপরিবারে আমাদের অশেষ আদর যত্ন করিতে লাগিলেন। সে আদর যত্ন আমরা তুলিতে পারিব না। আমাকে প্রাতে তাঁহার কাছে গিয়া কাজ করিতে দেখিয়া, তিনি বলিলেন, এখানে আসিয়াও নিষ্কৃতি নাই? আমি কোনও উত্তর করিলাম না, কিন্তু মনে মনে বলিলাম,—“টেকি স্বর্গে গেলেও ধান ভানে।” কাজ ছাড়িয়া দিব শুনিয়া আমার এক বন্ধু (আহা, তিনি আর ইহলোকে নাই!) একজন মহামহোপাধ্যায় আমাকে বলিয়াছিলেন,—সংবাদপত্রের রিপোর্ট অত বেশী করিয়া নাই লিখিলেন, কম করিয়া লিখিলে কেহত ধরিতে পারি না। এমন কাজটা ছাড়িবেন কেন? আমি বলিলাম, তা আমি পারিব না। আর কেহ ধরিতে পারিবে না বটে—কিন্তু আমার মন যে আমাকে ধরিবে। ফলতঃ ভগবানের কাছে অপরাধী না হই এমন করিয়া কাজ করিয়াছিলাম বলিয়াই এতদিন এই কঠিন কাজ আমার নিজের সম্ভাবজনক রূপে করিতে পারিয়াছিলাম। এবং পেন্সন লইবার পর Croft সাহেবকে এইরূপ লিখিতে পারিয়াছিলাম—Looking backward, I cannot call to mind a single item of work, big or small, regarding which I could not wish that, given the time and the staff, I had done it better or more carefully, না, আমার মনের কোথাও কিঞ্চিৎ আত্মশ্রম নাই। বিধাতা পুরুষ স্বয়ং অহুসঙ্কান করিলেও আমার কাজে অমনোযোগ, অসাবধানতা, বা অবহেলার নিদর্শন খুঁজিয়া পাইবেন না। কেমন করিয়া পাইবেন, আমি যে তাঁহারই চাকরী করিতেছি তাবিয়া গবর্নমেন্টের চাকরী করিয়াছিলাম। সকলকেই বলি,—বিধাতার চাকরী করিতেছ তাবিয়া যাহার ইচ্ছা তাহার চাকরী করিও, চাকরীতে হীনতা দেখিবে না, গৌরবই দেখিবে, আর নিখুঁত কাজ করিয়া ও ধার্মিকের দ্বারা কাজ করিয়া যে আত্মপ্রসাদ লাভ করিবে, এবং নিশ্চল, অকস, পবিত্র স্থল ভোগ করিবে, তাহার তুলনা পাইবে না।—বলিতেও ভয় করে, কিন্তু না বলিয়াও থাকিতে পারি না, সচিদানন্দের আনন্দ বৃষ্টি সেই প্রকৃতির আনন্দ। অহুসঙ্কানকে বাজালা সংবাদ-পত্রের রিপোর্ট গবর্নমেন্টকে প্রতি সপ্তাহে দিতে হয়। ৩০।৭০ খানা কাগজ স্বয়ং অহুসঙ্কানকে আদ্যোপান্ত পড়িয়া রিপোর্ট করণার্থ চিহ্নিত করিয়া দিতে হয়। সহকারীরা চিহ্নিত অংশগুলির রিপোর্ট লিখিলে অহুসঙ্কান স্বয়ং তাহা পড়িয়া ও মূলের সহিত মিলাইয়া আবশ্যক মত সংশোধন করিয়া দেন। কোনও

কোনও কাগজে বলা হয় যে, সংবাদপত্রের রিপোর্ট অনেক সময় ঠিক হয় না, এবং গবর্নেন্টের মনে সেইজন্য সংবাদপত্র সম্বন্ধে প্রাঙ্গণ বা অস্বাভাবিকতা জন্মিয়া থাকে। কিন্তু সংবাদপত্রের রিপোর্ট যে কত সাবধানতার সহিত প্রস্তুত করা হয়, তাহা আমি বলিয়া শেষ করিতে পারি না। উহা ভাল না হইলে অর্থ হইবে—উহাতে দোষ বা ত্রুটি হইলে অমুবাদকের ইহকাল পরকাল নষ্ট হইবার সম্ভাবনা—এইরূপ ধারণা বশবস্তী হইয়া সংবাদপত্রের রিপোর্ট করা হয়। আমি সতের বৎসর রিপোর্ট করিয়াছি—একটিও অস্বাভাবিক রিপোর্ট করিয়াছি বলিয়া আমার মনে কাটা বেঁধে না। বড় আদালতে আমার অমুবাদের ফড়া ছেঁড়া হইয়াছে, তথাপি আমাকে আশাত পাইতে হয় নাই, লেখকেরা আপনারা দোষ করিয়া অমুবাদকের ঘাড়ের দোষ চাপাইয়া নিজেরা নিষ্কৃতি পাইবার অসাধু চেষ্টা করিয়া থাকেন। তবে অমুবাদকের যে একটিও ভুল হয় না, এমন কথাও বলি না। হয় বই কি, বিশেষ slang বাঙ্গালার বা খ্যাচড়া বাঙ্গালার লেখা কাগজের অমুবাদে ভুল হইবার বড়ই সম্ভাবনা। তবে দৃঢ়তা সহকারে বলিতে পারি যে, নিরতিশয় সাবধানতা সহকারে রিপোর্ট করিলেও অমন ভুল হইয়া থাকে। সকল দেশেই হয়, সকলেই হয়। তজ্জন্ত অমুবাদকে গালি দেওয়া বা ঠাট্টা করা অতি অসঙ্গত, এবং অসঙ্গততার কাজ। একজন সংবাদপত্র লেখক আপন সম্পাদিত কাগজে বাঙ্গালার ঠিক ইংরাজী অমুবাদ হইতেই পারে না ইত্য প্রতাপ করিবার ইচ্ছা করিয়া লিখিয়াছিলেন :—

চাকি ডুবুডুবু (আর মনে নাই)

কক্কর দেখি কে ইহার ইংরাজী অমুবাদ করিতে পারে? আমি ইহার অমুবাদ করিয়াছিলাম :—

চাকি ডুবুডুবু—The sun's disc is about to sink, বাহা মনে নাই, তাহারও অমুবাদ করিয়াছিলাম। অমুবাদ অসাধ্য হইয়াছিল, এইরূপ মনে হয় না।

কল কথা, ইংরাজীতে একটু অধিকার না থাকিলে বাঙ্গালার, বিশেষতঃ নীচতাছুট (slang) বাঙ্গালার ঠিক ইংরাজী অমুবাদ করিতে পারা বড়ই কঠিন। কিন্তু বাঙ্গালী সংবাদপত্রে আজকাল নীচতাছুট বা slang বাঙ্গালার প্রাচুর্য বড় বেশী। ইহার এইকল হইয়াছে যে, এখনকার বাঙ্গালী সকল দিকেই মর্যাদাহীন এবং অভদ্র হইয়া পড়িতেছে এবং সংবাদপত্র গবর্নেন্টের বোধগম্য হইতেছে না বলিয়া গবর্নেন্ট আমাদের মনের কথা বুঝিতে পারিতেছেন না, এবং সংবাদপত্রের বিরুদ্ধে রাজপ্রোহের অভিযোগ বাড়িতেছে। সংবাদপত্রে অভদ্র বা নীচতাছুট বাঙ্গালার পরিবর্তে সাধু ভাষার ব্যবহার বড়ই আবশ্যক হইয়াছে। নহিলে আমরা অভদ্র (ungentlemanly) হইয়া উঠিব। ইহারই মধ্যে অভদ্র বা ungentlemanly হইয়াছি।

স্বভাব অভঙ্গ বা নীচ হইলে ভাষাও ভ্রোচিৎ হইতে পারে না। বাঙ্গালা ভাষার এই যে অভ্রোচিৎ ভাব এত প্রবল হইতেছে ইহা আমাদের ভয় ভাবনার কারণ সম্ভেদ নাই। নীচতাছুষ্ট রচনা অবিলম্বে পরিত্যক্ত হওয়া আবশ্যক। এখন অনেকেই চলিত বা colloquial বাঙ্গালার পক্ষপাতী হইয়াছেন। ইহা দোষের কথা নয়। ভাষা colloquial না হইলে সাহিত্য মূর্খের আরও বা বোধগম্য হয় না; সুতরাং সমস্ত লোকের সমান হিতকর হয় না। কিন্তু colloquial বাঙ্গালা লিখিবার একটা বিষয় দোষও আছে। colloquial বাঙ্গালা লিখিতে লিখিতে slang বাঙ্গালা আসিয়া পড়ে, অর্থাৎ নীচতাছুষ্ট বাঙ্গালা আসিয়া পড়ে। আমাদের মধ্যে আসিয়াছেও তাই। সেইজন্য অনেক বাঙ্গালা সংবাদপত্র পড়া অনেক সুশিক্ষিত স্বকচিসম্পন্ন ভ্রলোকের অতিশয় বিরক্তিকর, এমন কি ঘৃণাজনক হইয়া পড়িয়াছে, এবং সমস্ত সমাজে একটা নীচতাপ্রিয়তা জন্মিয়া গিয়াছে। ইহার সংস্কার সর্বাগ্রে আবশ্যক। এইরূপ এবং অগ্রাগ্র কারণে অনেক বাঙ্গালা সংবাদপত্রে আমাদের ইষ্ট অপেক্ষা অনিষ্টই অধিক হইতেছে। এই অনিষ্ট নিবারণ করা বড় আবশ্যক। এ বিষয়ের অধিক আলোচনা এখানে হইতে পারে না। স্থানান্তরে ও সময়ান্তরে করিবার ইচ্ছা রহিল।

এই কঠিন কাজ সতের বৎসর করিয়াছিলাম। তাহার পরে পেন্সন লইয়া চাকরী হইতে অবসর গ্রহণ করি। এমন কঠিন চাকরী এত দীর্ঘকাল করাতেও কিন্তু আমার অন্তরাত্মা বিরুদ্ধ বা প্রতিকূল সাক্ষ্য দিয়া আমাকে কখনও কষ্ট বা যন্ত্রণা দেন নাই। বরং অল্পকূল সাক্ষ্য দিয়া আমাকে আশ্বস্তই করিয়াছেন। যদি কেহ বলেন যে, আমার অন্তরাত্মা আমার নিজের লোক, আমার দিকে টানিয়া কথা কহিবেন ইহা বিচিত্র নয়। তাঁহাদের বিশ্বাস হইতে পারে, এই আশায় আমি অন্তরাত্মার সাক্ষ্যের অপর অল্পকূল বা পোষক সাক্ষ্য (corroborative evidence) দিতেছি। আমি ৩৫ বৎসর বয়সে চাকরীতে গিয়াছিলাম, পেন্সন আইন অনুসারে আমার :৭৫ টি টাকা পেন্সন প্রাপ্য হইয়াছিল। তাহাতে আমার সংসার চলিবে না বলিয়া আমি special বা অতিরিক্ত পেন্সনের দরখাস্ত করিয়াছিলাম। আমার কাজকর্ম দেখিয়াছিলেন, এমন অনেক বড় বড় কর্মচারীর অভিমত এই দরখাস্তের সঙ্গে দিয়াছিলাম। অতিরিক্ত বা special pension ষ্টেট সেক্রেটারীর অনুমতি ভিন্ন হইতে পারে না। বেঙ্গল গবর্নেন্ট ষ্টেট সেক্রেটারীকে পত্র লেখেন। সেই সকল পত্র এবং কর্মচারীদিগের অভিমত হইতে কিছু কিছু উদ্ধৃত করিলাম :—

The work of the Bengali translator requires capacity of a high order, good judgement, and scrupulous fairness. All

these qualifies have been continously exhibited by Babu Chandra Nath Bose. The selecting of passages for translation from the various vernacular newspapers makes large demands upon the discretion and good faith & the officer entrusted with the work ; and in this important matter this officer has rendered very marked services to Government.—  
বেঙ্গল গবর্ণমেন্টের সেক্রেটারী আবল্ সাহেবের পত্র হইতে উদ্ধৃত ।

We agree with the Government of Bengal in its estimate of the high qualities required for the efficient conduct of the duties of its Bengali translator, and in its appreciation of the loyalty and ability with which Babu Chandra Nath Bose has discharged those duties \* \* \* In the performance of both these ordinary and these special duties, Babu Chandra Nath Bose has displayed great ability and fairness, sometimes at the cost of much obloquy from his countrymen—সুপ্রীম কোর্টের সদস্য অ্যাড্বোকেট, কিচেনার, ল, এলিস, অরওয়েল, ইবেটসন্ ও রিচার্ড সাহেবদিগের স্বাক্ষরিত পত্র হইতে উদ্ধৃত ।

They were always faithfully and efficiently discharged, and his work was ever animated by a deep sense of responsibility and distinguished by conscientious accuracy—কটন সাহেবের প্রশংসা-পত্র হইতে উদ্ধৃত ।

In the delicate and difficult duties that you have to discharge as translator to Government, and especially in that branch of your work which deals with the weekly report on the vernacular newspapers, you have displayed equal judgement and fearlessness. The annual and other special reports that you have from time to time submitted on this subject have shown remarkable insight into the currents of thought and feeling which sway the writers in the vernacular press, and have elicited the warm commendations of Government, to whom they afforded material help.

Your personal character for independence and probity stands so high that it is quite needless for me to do more than refer to it.—শিক্ষাবিভাগের ডিরেক্টর ক্রফ্ট সাহেবের প্রদত্ত প্রশংসাপত্র হইতে উদ্ধৃত ।

I was delighted to hear from your letter of the 4th August that the Government had granted you a special pension. No man has deserved it better than you, and I offer you my hearty congratulations. It is not the amount that I value, but the recognition of thoroughly good and scholarly work continued for many years.—ক্রফ্ট সাহেবের লিখিত পত্র হইতে উদ্ধৃত ।

I know nothing but good of your work and have several times had occasion to notice that it was faithfully and conscientiously done—ম্যাকফার্সন সাহেবের প্রদত্ত প্রশংসাপত্র হইতে উদ্ধৃত ।

I have always had the highest opinion of your ability and trust worthiness ; and I believe that Sir John Edgar held the same opinion.

Your office as official translator is one of very considerable difficulty and delicacy, You have not escaped attacks by same newspapers from time to time for doing your duty loyally to Government.—হুসন সাহেবের প্রদত্ত প্রশংসাপত্র হইতে উদ্ধৃত ।

I have much pleasure in testifying, as you ask me, to the able and conscientious manner in which you always discharged your duties in the responsible post of translator to Government while I was under Secretary to Government in the political and Judicial departments. \* \* \* your retirement will be a loss to the Government in my opinion.—গল্ডহাম সাহেবের প্রদত্ত প্রশংসাপত্র হইতে উদ্ধৃত ।

Your work as Bengali translator always seemed to me excellent.—কগটন সাহেবের প্রদত্ত প্রশংসাপত্র হইতে উদ্ধৃত ।

এই সকল অভিমত পড়িয়া বুঝিয়াছি যে, এতদিন এই কঠিন কাজ করিয়াছিলাম, কিন্তু অর্থ করি নাই, গবর্নেন্ট এবং বড় বড় কর্মচারী সকলেরই এই ধারণা, এবং সেই জন্য সকলেই আমার উপর সন্তুষ্ট । এইজন্যই ত আজ আমার স্বপ্ন এত নির্দগ্ধ, এখন

অবিনশ্বর। এ স্থখের হ্রাস নাই। এ স্থখে তরঙ্গ নাই। এ স্থখের বিনাশ নাই। আমি হাসি, কান্দি, দুঃখ পাই ;—কিন্তু সবই আমার সেই নিত্য নির্বিকার স্বরূপ জমির উপর করি। যেমন এক যন্ত্ররূপ জমির উপর নানাবিধ ফুল প্রভৃতি তোলা হয়, তেমনি আমার এই অনন্ত স্বরূপ জমির উপর হাসি কান্না সবই ফোটে। তাই ত মনে হয়, সচ্চিদানন্দের বুঝি এই প্রকৃতির আনন্দ, ধর্মজ্ঞান অঙ্গুর রাখিয়া এবং যতদূর সাধ্য প্রবল রাখিয়া কঠিন চাকরী করিয়া আমি অক্ষয় ও অনন্ত স্থখের অধিকারী হইয়াছি। কিন্তু দু'দিনের জন্য স্বাধীনতা ফলাইতে গিয়া যে আত্মমানি সঞ্চয় করিয়াছিলাম, তাহা এখনও যায় নাই ; বোধ হয়, এ জীবন থাকিতে যাইবে না। কেবল চাকরীর এই স্থখে উহা কতকটা চাপা পড়িয়াছে। কিন্তু কঠিন দায়িত্বপূর্ণ চাকরী করিয়া এহঁ যে চিরস্থায়ী আনন্দ লাভ করিয়াছি, ইহার অপেক্ষাও একটা বড় ফলপ্রাপ্ত হইয়াছি। সে ফলের নাম discipline—নিয়মাত্মবৃত্তি। এই কঠিন চাকরী করিতে করিতে যেন হৈর্য্য আসিয়াছিল, কষ্টদহিস্ততা আসিয়াছিল, তেমনি আলস্য, অস্থিরতা, শ্রমকাতরতা, চঞ্চলতা প্রভৃতি দোষ কাটিয়া গিয়াছিল। সংসার-যাত্রায় ঐ সকল গুণও যেমন আবশ্যক, ঐ সকল দোষের পরিহারও তেমনি প্রয়োজনীয়। নহিলে সংসার-যাত্রায় বিপদ বিভাট অশান্তি অমঙ্গলের সীমা থাকে না। অর্থাৎ কঠিন চাকরী কঠোরভাবে সম্পন্ন করিলে, মহুস্তোচিত গুণ আপনা-আপনিই জন্মিয়া থাকে। অর্থাৎ, অপরক মানুষ পরিপক হয়। অপর দিকে পবিশক মানুষ স্বাধীনতা ফলাইতে গেলে উচ্ছৃঙ্খল হইয়া পড়ে। কঠিন চাকরীতে মানুষ গড়ে, স্বাধীন ব্যবসায় মানুষকে নষ্ট করে। এমন কঠিন কাজ যে হুমস্পন্ন করিতে পারিয়াছিলাম তাহার প্রধান কারণ এই যে, আমার সহকারীরা, নারায়ণ চন্দ্র, রাজেন্দ্র চন্দ্র, বিধুভূষণ, মন্থন নাথ, জ্ঞানেন্দ্রলাল, প্রবোধপ্রকাশ সকলেই ভক্তের জায় প্রাপণপণে আমার সহকারিতা করিয়াছিলেন। প্রবোধ প্রকাশ অল্প বয়সে আমাদেরিগকে কান্দাইয়া চলিয়া গিয়াছেন। ভগবান অপর সকলের মঙ্গল করুন।

এই স্থানে আর একটা কথা বলা আবশ্যক। আমার সহকারীদের ছুটা লওয়া আবশ্যক হইলে তাঁহাদের পরিবর্তে কার্য্য করিবার নিমিত্ত আমি ইংরাজী সাহিত্য ও দর্শনের প্রথম শ্রেণীর এম্, এ উপাধিধারী নিযুক্ত করিয়া দেখিয়াছি, তাঁহারা বাঙ্গালা হইতে ইংরাজী করিতে এবং ইংরাজী হইতে বাঙ্গালা করিতে সমান অপটু। ১৭ বৎসর অহুবাদকের কর্ণে থাকিয়া অস্বাধীনরূপে নিযুক্ত কেবল তিনটা ছেলেকে ভাল ইংরাজী লিখিতে দেখিয়াছিলাম—(১) আমার প্রজ্ঞানন্দ বন্ধু ক্ষেত্রমোহন সেনগুপ্তের পুত্র প্রবোধপ্রকাশ সেনগুপ্ত (২) প্রখ্যাভ্যাসা রাখাল দাস হালদার মহাশয়ের পুত্র অকুশার হালদার এবং আমার সহপাঠী ঐউমাকান্ত চট্টোপাধ্যায়ের

অকালমৃত পুত্র যছনাথ চট্টোপাধ্যায়। বিশ্ববিদ্যালয়ের literary education-এ literary যোগ্যতাও বেশী হয় না।

প্রকৃত স্বাধীনতা চাকরীতে নাই। উহাতে হীনতাও নাই। হীন কাজ না করিলে কিছুতেই হীনতা নাই। আমাকে একবার একটা হীন কাজ করিতে বলা হইয়াছিল। আমি তৎক্ষণাৎ ফৌস করিয়া উঠিয়া একটা ছোবল মারিয়াছিলাম। আর আমাকে কেহ কখনও হীন কাজ করিতে বলিতে সাহস করে নাই। ওকালতীতে টাকার গোলামী করিতে হয়—চাকরীতে তাহা হয় না। টাকার গোলামী সকল গোলামীর অধম। ৫/৬ বৎসর হইল, কলিকাতার দুইজন সম্ভ্রান্ত আইন-ব্যবসায়ী অধিকন্তু ধনীলোকেও বটে, আমাকে বলিয়াছিলেন,—আর দু'বছরের বেশী এ ব্যবসা চালাইব না—কিন্তু এখনও চালাইতেছেন। আমি পেন্সন লইবার পর ভাই রাসবিহারী আমাকে একদিন বলিয়াছিলেন, you acted wisely in leaving the legal profession আমি এখনও chained like a galley slave তাই বলি, চাকরীতে স্বথও যেমন, স্বাধীনতাও তেমনি, আর discipline শিক্ষা হয় বলিয়া মহুশ্যত্বের উন্নতিও তেমনি; ওকালতীতে অনেকের পক্ষে অধীনতাই বেশী এবং মহুশ্যত্বের অপলাপ হয় ও প্রতিবন্ধক ঘটে। স্বাধীন বৃত্তিরূপ মাকাল ফলের প্রেয়াসী হইয়া স্বথ শাস্তি মহুশ্যত্ব প্রভৃতি সমস্ত স্পৃহনীয় পদার্থে জলাঞ্জলি না দিয়া ধর্মজ্ঞানে কঠিন দায়িত্বপূর্ণ চাকরী করিও। ব্যবসা বাণিজ্য দ্বারা আপনাদের অভাব আপনারা মোচন করিতে পার, অগ্রে তাহাই করিও, তাহা না পার, চাকরী করিও। সচ্চিদানন্দের আনন্দের আশ্বাদ পাইবে, সংসার-যাত্রার সূচাক্ষ নিক্ষেপ হইবে, সকল গুণ না থাকিলে হয় না, তাহা লাভ করিবে, প্রকৃত মহুশ্যত্বের অধিকারী হইবে, এবং প্রকৃত স্বাধীনতা ভোগ করিবে।

এই অল্পম আনন্দ এখন আমার দিন কাটিতেছে। শোক দুঃখ আমার আছে, বিশেষতঃ আমার ছলু মায়ের বিয়োগবশতঃ। কিন্তু যখন ত্রিযুগমান হইয়া বলিয়া থাকি, আর আমার সহধর্মিণী নিঃশব্দে আমার অজ্ঞাতসারে আমার ঘরে আসেন, বলিতে পারি না, কেমন করিয়া আমার বিষন্নতা আমার অজ্ঞাতসারে কাটিয়া যায়। অক্ষয়কুমার আমাকে আর একদিন দেখিতে আসিয়া বলিয়াছিলেন,—আপনার জোরে তিনি আছেন; তাঁর জোরে আপনি আছেন। এত গুপ্ত কথা অক্ষয় কেমন করিয়া জানিলেন, বলিতে পারি না। কিন্তু কথা বড়ই সত্য। বাল্যকাল হইতে শুনিয়াছি; খ্রীষ্ট পুরুষের শক্তি—শিবের শক্তি শিবানী, ব্রহ্মার শক্তি সাবিত্রী, বিষ্ণুর শক্তি রমা। শুনিতাম, কিন্তু বুঝিতাম না। এখন বুঝিয়াছি। বুঝিয়া কৃতার্থ হইয়াছি। কৃতার্থ হইয়াছি এইজন্ত যে, আমার সকলেই ত শক্তির সৃষ্টি করিয়া লইয়া স্বথশাস্তির অধিকারী হইতে পারি। এখন

বুঝিয়াছি, প্রেম, ক্রেম বড় কাজের কথা নয়, এক মুহূর্তে হয়, এক মুহূর্তে যায়। তক্তির উপর প্রতিষ্ঠিত না হইলে উহাতে তেমন কাজ হয় না। তক্তির অভাবে প্রেম পবিজ হয় না, স্তত্রাং সমাজের প্রকৃত মঙ্গলজনকও হয় না। ঐক্ককের সহিত ঐরাধার প্রেম তক্তিমূলক, রামচন্দ্রের সহিত সীতার প্রেম তক্তিমূলক, দুঃখের সত্তিত শকুন্তলার প্রেম তক্তিমূলক, পাণ্ডবদের সহিত দ্রৌপদীর প্রেম তক্তিমূলক, দার্শনিক মিলের সহিত কুমারী হেলেন টেলরের প্রেম তক্তিমূলক। বর্তমান বাঙালা সাহিত্যে বর্ণিত প্রেম তক্তিমূলক নয়, লালসামূলক। বাঙালা কবিতা ও উপন্যাসে তক্তিমূলক প্রেম বর্ণিত হইলে, বাঙালা সাহিত্য সাহিত্যের মধ্যে উচ্চতম ও অধিতীয় হইবে।

চক্ষু বুজিয়া ভাবিতে ভাবিতে বাল্যকালের যে সকল কথা এবং অধিক বয়লের হিতৈবীদিগের যে সকল কথা মনে উঠিয়া মন স্ত্রখে ও আনন্দে ভরাইয়া দেয়, অনেকেরই ভাগ্যে সেরূপ ঘটনাডি হইয়াছে এবং হইয়া থাকে। অতএব পৃথিবীতে স্ত্রখ বা আনন্দ নাই বলিয়া কাহারও দুঃখ করিবার বা বিধাতার উপর দোষারোপ করিবার কারণ নাই। এই যে এখন একটা স্ত্রর উঠিয়াছে যে জগৎ দুঃখময়, ইহাতে স্ত্রখ নাই—এটা মানবের ঘোর দুঃখতির ফল। ইহাতে মানুষকে ঈশ্বরে অনাস্থাবান করিয়া জগতে ঈশ্বরপরায়ণতার ধর্কতা করিতেছে। ঈশ্বরপরায়ণতার ধর্কতাতে শুধু নাস্তিকতা বাড়ি তা নয় স্বার্থপরতা এবং মানবের মধ্যে অসন্তাবও ঘটে। চক্ষু বুজিয়া reverieতে যেরূপ পুরাতন কথা পাইয়া এত স্ত্রখ ও আনন্দ উপভোগ করিয়াছি এবং করি, বিনা আয়াসে সকলেই সেইরূপ পুরাতন কথা পাইয়া অতুলনীয় স্ত্রখ ও আনন্দ উপভোগ করিতে পারেন, এখন বোধ হয় বলিতে পারি যে, ইংরাঞ্জীতে যাহাকে reverie বলে বাঙালায় তাহাকে রোমন্থন বলিলে ভুল করা হয় না। রোমন্থক জন্তদিগের রোমন্থনের প্রকৃতি দেখিলে বোধ হয় প্রথম গ্রাস অপেক্ষা রোমন্থনের গ্রাস তাহাদের বেশী মিষ্ট লাগে। আমিও দেখিলাম, বাল্যকালের সেই আনন্দ অপেক্ষা বৃদ্ধ বয়লের সেই আনন্দের রোমন্থন বেশী আনন্দজনক। কিন্তু বাল্যকালে আমি গ্রামে থাকিয়া যেরূপ আনন্দভোগ করিয়াছিলাম, এখনকার ছেলেদের সেরূপ আনন্দোপভোগের আর উপায় নাই। কারণ ম্যালেরিয়া প্রভৃতির জন্ত পল্লীবাস আর আমাদের নাই বলিলেই হয়। স্তত্রাং আমাদের ছেলেদের পল্লীবাসও নাই। পল্লীবাসনের অভাবে আমাদের কি সর্কনাশ হইতেছে তাহা বোধ হয় এখন আর কাহারো বুঝিতে বাকী রহিল না।

সহর ছাড়িয়া যাহাতে আবার পল্লীতে বাস করিতে পারি অপর সমস্ত কাজ ফেলিয়া রাখিয়া আমাদের সকলেরই এখন প্রাণপণে সেই চেষ্টা করা আবস্তক হইয়াছে। এ চেষ্টা ফলবতী করিতে হইলে আমাদের বর্তমান শিক্ষাপ্রণালীর



কিছু কিছু পরিবর্তন করা আবশ্যিক হইবে। কি কি পরিবর্তন আবশ্যিক সকলে ভাবিয়া দেখুন। ম্যালেরিয়ার সহিত সংগ্রাম আমাদের কাছে করিতে হইবে। গবর্ণমেন্ট করিবেন মনে করিয়া বসিয়া থাকিলে আমাদের চলিবে না। গ্রামে গ্রামে গিয়া সকলকে এই কথা বুঝাইতে হইবে এবং এই কাজে প্ররম্বিত করিতে হইবে। একাজের সহিত রাজনীতি জড়ান হইবে না। জড়াইলে গবর্ণমেন্ট আমাদের কাছে এ কাজ করিতে দিবেন না। এখন ইহাই আমাদের সৰ্ব্বপ্রধান কাজ এই কাজ। করিবার সামর্থ্য লাভের জন্ত স্বদেশীর যত প্রয়োজন, উদরারের জন্ত তত প্রয়োজন নয়। যাহাদের উদরায় আছে তাহারাও যে ম্যালেরিয়ায় মরিতেছে। বিস্তৃত পানীয় জলের অভাবেই এখন আমাদের সৰ্ব্বনাশ হইতেছে। ভাল পানীয় জল পাইলে সকল রোগেরই উপশম হইবে, ম্যালেরিয়াও কমিবে। বাহাতে গ্রামে গ্রামে বিস্তৃত পানীয় জলের সংস্থান হয় এবং বহু জল নিকাশের উপায় হয় সকলের সমবেত চেষ্টায় সেই কাজ করাই আমাদের এখন সৰ্ব্বপ্রধান কাজ। সে কাজের জন্ত যদি স্বদেশীও একটু চাপা রাখিতে হয় তাহাও করিতে হইবে। কারণ একসঙ্গে দুইটা বড় কাজ করিবার শক্তিসামর্থ্য আমাদের নাই। আমাদের কাছে একটা একটা করিয়া কাজ করিতে হইবে।

পৃথিবীতে স্ব্থের যদি সীমা নাই তবে কি তথায় দুঃখ নাই। আছে বৈকি, খুবই আছে। লোকমধ্যে সেইজন্তই স্ব্থের পিপাসা এত প্রবল এবং স্ব্থের অন্ত-সন্ধানে কাহারো বিরাম নাই। কিন্তু যিনি অসীম স্ব্থের ব্যবস্থা করিয়াছেন তিনি এত দুঃখের সৃষ্টি করিয়াছেন কেন? তিনি কি তবে নিষ্ঠুর ও নির্দয়? অনেকে তাই বলেন বটে। সেদিন বৈকালে একটা ভিখারী বালক “দয়াময়ি! কোন্ গুণে তোমায় দয়াময়ী বলে” অতি করুণ কণ্ঠে এই গানটা গাহিয়া আমার কাঁদাইয়া গিয়াছিল। তেমন কারা অনেকেই কাঁদিতে হয়। এমন দয়াময় এমন নির্দয় কেন, এত কাল বুঝি নাই। রোগ যন্ত্রণা দেখিয়া ও ভুগিয়া এবং গোটাকতক শোক পাইয়া বুঝিয়াছি যে দুঃখেই বিধাতার পরম রূপার উৎকৃষ্ট ব্যবস্থা, বুঝিয়াছি যে দুঃখের জ্ঞান আর স্ব্থ নাই। আমাদের ছলুমার শোকে আমরা পতি-পত্নী বড়ই কাতর। কিন্তু সেদিন আমার পত্নী বলিতেছিলেন—“সে থাকিতে তাহার যে সব কথা মনে হইত না, এখন তাহা মনে হয়।” ঠিক কথা, শোকে স্মৃতিশক্তি বাড়াইয়া দেয়। তাহিত শোকসন্তপ্ত হৃদয়ে আমার সেই মায়ের কথা ভাবিতে যত স্ব্থ হয়, বোধহয় মা আমার চিত্তান্ত হইতে উঠিয়া আসিয়া আমার সামনে দাঁড়াইলেও তত স্ব্থ হইবে না। তাই বলি, শোকের জ্ঞান স্ব্থ আর নাই। এবং সেইজন্ত পুত্র শোকাভুগা নিরাকরা বজীয়া জনমীর ক্রন্দনে এত করুণা ও কবিত্ব নির্গত হয় এবং ঘুরাইয়া কিরাইয়া শোকের

কথায় এত নৈপুণ্য বা চমৎকারিত্ব দৃষ্ট হয়। শোকময় মানব-মানবীর শোকের কথা ভিন্ন অল্প কথা ভাল লাগে না, অল্প কথায় তাঁহার বিরক্ত হন। তাঁহাদের ধ্যান বড় গাঢ় ও গূঢ়—তখন স্বপ্ন এক জগদ্ব্যবস্থার ধ্যান ভিন্ন অল্পকোন ধ্যানে আছে কিনা সন্দেহ। আমার দৃঢ় ধারণা এই যে, দুঃখের জ্ঞান পবিত্র বস্তু আর নাই—আর পবিত্রতম বলিয়াই ইহার জ্ঞান স্বত্বের ধ্যানও নাই। কেন একথা বলিলাম এখনই বুঝিবে। আর একটা কথা। দুঃখ না থাকিলে জীবন যন্ত্রণাময় হইয়া উঠে। নিরবচ্ছিন্ন স্বপ্ন ভাল লাগে না। নিছক মিষ্ট বোম্বাই আব নিবীৰ্য্য বালকের ভাল লাগে; কিন্তু বীৰ্য্যবান বয়স্কের অন্নমধুর ন্যাংড়াই কচিকর। দিন রাত তাকিয়ায় ঠেস দিয়া বলিয়া থাকিলে তাকিয়া কটকের বস্তা হইয়া উঠে। জীবনের পথ দুঃখ না হইলে জীবনযাত্রা স্বত্বের হয় না। সহজ প্রেমের উত্তর লিখিয়া পরীক্ষায় উত্তীর্ণ হইলে পরীক্ষায় উত্তীর্ণ হইয়া তৃপ্তি হয় না। কঠিন প্রেমের উত্তর লিখিয়া পরীক্ষায় উত্তীর্ণ হইলে তবে পরীক্ষা দিয়া স্বপ্ন ও গৌরব বোধ হয়। জীবনযাত্রায়ও তেমনি যদি নানা দুঃখকষ্টে পড়া যায় এবং সেই সব দুঃখ-কষ্ট অতিক্রম করিয়া ওঠা যায় তবেই দেখা যায় যে, মনের বল বাড়িয়াছে এবং যাহাকে মনুষ্য বলে তাহারও উন্মেষ হইয়াছে। এবং মনুষ্যত্বের উন্মেষ হইলে সকল দিকেই উন্নতি সম্ভব হয়। তোমার একটা ছেলের জ্বর-বিকার চলিতেছে। তুমি নানা বিজ্ঞানিক দেখিতেছ। যদি অধীর অস্থির ভীতিবিহ্বল হও তবে চিকিৎসা বিজ্ঞান ঘটাইয়া নিশ্চয়ই তোমার বিপদ বাড়াইয়া ফেলিবে। কিন্তু যদি ধৈর্য্য ধৈর্য্য রক্ষা করিয়া চিকিৎসা বিজ্ঞান না বাধাও তাহা হইলে বিপদে তুমি কুল পাইবে। এইরূপে বিপদে কুল পাইতে হইলে মনের যে শক্তির প্রয়োজন তাহা লাভ হইলে যে মানুষ নয় সেও মানুষ হইয়া যায়। শোকে মানুষকে বিহ্বল করিয়া থাকে। কিন্তু শোক সংযত ও অবিকলিত থাকিতে যে মানসিক শক্তির প্রয়োজন তাহা লাভ হইলে প্রকৃত মনুষ্য লাভ হয়। তাই বলি দুঃখ-কষ্টে মানবের পরম মঙ্গলের বীজ নিহিত থাকে। অতএব দুঃখ-কষ্ট পাইতে হয় বলিয়া বিধাতাকে গালি দিও না বা তাঁহার নিন্দা করিও না। বিধাতা অমঙ্গল হইতে মঙ্গল আনিয়া দেন। তাঁহার চরণে কোটি কোটি প্রণাম! কঠিন ও কঠোর না হইলে শক্তিশালী হওয়া যায় না; মনুষ্য লাভে অক্ষম হইতে হয়। দুঃখ-কষ্টে স্থির ধীর ও অবিকলিত থাকিতে হইলে কঠিন ও কঠোর হইতে হয়। নহিলে ভাঙিয়া পড়িতে হয়। দুঃখে মানুষ গঠিত হয়, স্বপ্নে মানুষ এগাইয়া যায়। যীশুখ্রীষ্ট বড় কষ্ট সহিয়াও, শত্রুর জন্ত ঈশ্বরের কাছে ক্ষমা প্রার্থনা করিয়াছিলেন বলিয়া আশ্বখানা পৃথিবীর আরাধ্য দেবতা হইয়া আছেন। সীতা দেবী বিষম কষ্ট সহিয়াছিলেন তাই আজ সমস্ত পৃথিবীর আদর্শ রমণী। শ্রীমদ্ভগবৎ পিতৃসত্য পালনার্থ অমান মুখে চোদ্ধ বৎসর বনবাস কষ্ট সহিয়াছিলেন বলিয়া চিরকাল

মানবের মধ্যে প্রধান পুরুষ হইয়া আছেন ও থাকিবেন। যুষ্টিরাতির এত যে সৌরক  
 সেও সেই জন্ত। মানবের হিতার্থই বিশেষ বিধাতার হৃৎকের সৃষ্টি। হৃৎক ভোগ করিতে  
 শেখ, হৃৎক অতিক্রম করিবার শক্তি যাহাতে জন্মে তাহা কর, মানুষ হইয়া যাইবে।  
 আমার মধ্যম জ্যেষ্ঠমহাশয়ের জ্যেষ্ঠ পুত্র বৃন্দাবন চন্দ্র বসু প্রথমে ট্রেজারিতে ৮০ টাকা  
 বেতনের চাকরী করিয়াছিলেন। তদপেক্ষা বেশী বেতনের একটা চাকরী খালি  
 হইলে সাহেবেরা তাঁহাকে তাহা না দিয়া আর একজনকে দিয়াছিলেন। বৃন্দাবন  
 দাদা রাগ করিয়া চাকরী ছাড়িয়া দিয়াছিলেন। তাহাতে আমাদের সংসারের বড়  
 কষ্ট হইয়াছিল। আমার পিতা তখন আমাদের সংসারের কর্তা ছিলেন। তিনি বৃন্দাবন  
 দাদাকে তিরস্কার করিতে লাগিলেন। বৃন্দাবন দাদা এক বন্ধুর কাছে কিছু টাকা  
 কল্ক করিয়া কন্ট্রাক্টের কাজ আরম্ভ করিলেন। তাহাতে কিন্তু তাঁহার লোকসান  
 হইল। তখন তাঁহার ছরবছার সীমা রহিল না। তিনি অজ্ঞাতবাস আরম্ভ করিলেন  
 কোথায় ছিলেন আমরাও জানিতে পারি নাই। বোধ হয় সেই সময়ে প্রতিজ্ঞা  
 করিয়াছিলেন যে, ধনাঢ্য না হইলে লোকালয়ে আর মুখ দেখাইবেন না। হইলও  
 তাই। তিনি বড় বুদ্ধিমান ও ক্ষমতাশালী মানুষ ছিলেন। তাঁহার বন্ধু ছিলেন আমার  
 আচার্য্যদেব শক্তিউপাসক শক্তিশালী ভূদেব মুখোপাধ্যায়। অজ্ঞাতবাসের ২/১ বৎসর  
 পরেই বৃন্দাবন দাদা রুতী লোক বলিয়া কলিকাতায় প্রতিষ্ঠা লাভ করিয়াছিলেন। কষ্টে  
 পড়িয়া তাঁহার মানসিক শক্তির অসাধারণ বিকাশ হইয়াছিল—সেইজন্ত যে কাজে  
 হাত দিতেন তাহাতেই রুতকার্য্য হইতেন। সেইজন্তই ত যখন আউথ ও রোহিলনন্দ  
 রেলপথ প্রস্তুত হইতেছিল তখন ডাক্তার মেফ্রে ( Dr. Alexander Macrae )  
 বৃন্দাবন দাদাকে অংশীদার করিয়া ঐ রেলপথ নির্মাণার্থ দ্রব্য সরবরাহের জন্য  
 Alexander Bose & co.—এই নামে রাধাবাজারে হৌস করিয়াছিলেন। এইজন্ত  
 আমার শক্তিশালী আচার্য্য এবং বৃন্দাবন দাদা হরিহরাত্মা হইয়া উঠিয়াছিলেন।  
 হৃৎক-কষ্টে পড়িলে বিধাতাকে গালি দিও না, বৃন্দাবন দাদার মত হৃৎক-কষ্ট অতিক্রম  
 করিবার শক্তি সঞ্চয় করিও, মানুষ বলিয়া গণ্য হইবে। যে মাঝি বার বার তুক্ষানে  
 পড়িয়া নৌকা রক্ষা করিতে পারে সেই পাকা মাঝি হয়। যে মাঝি কখনও তুক্ষানে  
 পড়ে না সে কাঁচা মাঝি—তাহার নৌকায় উঠিতে সাহস হয় না। সংসারের তুক্ষানে  
 ভীত না হইয়া শক্ত করিয়া মনের হাল ধরিয়া থাকিও, দেখিবে তুক্ষান ঠেলিতে কত  
 শক্ত! কত আনন্দ! পৃথিবীতে অসীম সুখত আছেই, আবার যে হৃৎক আছে  
 তাহাতেও কি উচ্চ আনন্দ! এমন পৃথিবী কি আর হয়! আর তুক্ষান ঠেলিতে  
 ঠেলিতে জীবনযাত্রা যখন শেষ হইয়া আইসে তখন উহা কেবল ছেলোখেলা হয় নাই  
 ভাবিয়া রুতার্থ হইতে হয়।

দুঃখের আর এক ব্যাপক মূর্তি আছে। কিন্তু সে রূপ দেখা সকলের সাধ্যায়ত্ত  
 নহে। আত্মপর ভেদ না তুলিলে তাহার কল্পনাও হইবে না। সাধনা বলে যাঁহারা  
 লোকাতীত দৃষ্টির সাহায্যে সেই বিরাট দুঃখের বিরাট চিত্র প্রত্যক্ষ করিয়াছিলেন—  
 আমরা অযোগ্য হইলেও আমাদের জন্ত তাঁহারা অবিনশ্বর তুলিকায় যে চিত্র আঁকিয়া  
 গিয়াছেন। আইস দেখি সে ছবি কেমন? সে এক অপূৰ্ণ নারীমূর্তি—সাধক  
 তাঁহাকে ধ্যানে দেখিয়াছিলেন। ত্রিভুবনের যাবতীয় স্বন্দর বস্তু হইতে যেমন তিল  
 তিল সৌন্দর্য্য আহরণ করিয়া দেব সুন্দরী তিলোত্তমার সৃষ্টি—সে নারীরও তেমনি  
 পদনখর হইতে কেশাগ্র পর্য্যন্ত দুঃখে গড়া—তাঁর বেদনার চরণ, বেদনাময় কর,  
 বাধাভরা ব্রহ্মাণ্ডজোড়া বুক। সাধক তাঁহাকে ভাবের ঘোরে অনন্ত পুরাইয়া অনন্ত  
 মাতাইয়া মা বলিয়া ডাকেন। বিশ্বের দুঃখে দ্রবময়ী সে মায়ের আললায়িত কেশ,  
 বিগলিত বেশ—তাঁর অঙ্গে অঙ্গে, তিলে তিলে নয়, পুঞ্জ পুঞ্জে রাশিতে রাশিতে  
 সমুদয় জগতের সমগ্র বেদনার একত্র সমাবেশ। তাই তিনি মসিবার্ণা—সাধকের  
 বড় সাধের কাল মেয়ে কালী। সাধক তাঁহাকে ব্রহ্মলোকে পান নাই—গোলোকে  
 দেখেন নাই—দেখিয়াছিলেন দুঃখের লীলানিকেতন শ্মশানে—দুঃখের সঙ্গিনী ভূত-  
 ঘোগিনীর সনে। যখন মনে হয় সব ফুটাইল—মুষ্টিমেয় ভস্ম এবং কয়েক খণ্ড  
 অস্থিমাত্র অবশেষ রাখিয়া—আশা-আকাঙ্ক্ষার আধার জীব শূন্যে লীন হইল—তখন  
 সাধক দেখেন সেই উপেক্ষিত অস্থি—সেই অনাদৃত ভস্ম একজন অতি সমাদরে সংগ্রহ  
 করিতেছেন—শ্মশানের ধূলিতে তাঁর রাঙা পা ধুসরিত। সেই অস্থির হাড় গাঁথিয়া তিনি  
 বক্ষে ধারণ করেন—সেই ভস্ম সর্ব্বাঙ্গে মাখিয়া তিনি অন্তরের জালা জুড়ান। এত ধীর  
 মমতা তাঁর জীবন নাকি আবার লোপ পায়! মায়ের অঙ্গে উঠিয়া দুঃখের কি অপরূপ  
 রূপ ফুটিয়াছে বল দেখি! এ দুঃখ যদি পতিতপাবন না হয়—তবে পতিতপাবন কাহাকে  
 বলে জানি না। ইহাই তত্ত্বকারের ধ্যানলব্ধ দুঃখের প্রতিমা। এই দুঃখরূপীকেই  
 তিনি অজ্ঞা, অসংখ্য প্রজার জননী এবং ব্রহ্মাণ্ড প্রসবিনী বলিয়া নির্দেশ করিয়াছেন।  
 ইহা শুধু কবিকল্পনা নহে—এ নির্দেশের গুরুত্ব যে কত তাহার ইয়ত্তা করা যায় না।  
 কর্ণবাদীর নিকট শুনিয়া থাকিবে বিশ্বের কৰ্ম্মেই উৎপত্তি—কৰ্ম্মেই স্থিতি—কৰ্ম্মেই  
 লয়—অনাদি কৰ্ম্মপ্রবাহ অনন্তকাল প্রবাহিত। বিশ্ব তাহাতেই একবার উঠিতেছে  
 একবার ডুবিতেছে। সাংখ্যকারও বুঝাইয়াছেন—সমস্তই প্রকৃতির কার্য্য অণু হইতে  
 মহৎ পর্য্যন্ত সবই এক অব্যক্তের বিকার—তিনিই ভোগ-মোক-বিধায়িনী। আবার  
 বিবৰ্জবাদী বৈজ্ঞানিকের মুখে শুনি :

“জগচ্চিত্রং স্বঠৈচত্রে পটে চিত্রমিবাপিতং মায়া” —জগৎ মায়ার লীলা,  
 ঐজ্ঞানালিকের ইজ্ঞানালবৎ এক অনির্বাচ্য বস্তুর খেলামাত্র। তাত্ত্বিক-সাধক তাঁর

জননী মূর্তিতে দুঃখের আকাশে এই বেদান্তের মায়া, সাংখ্যের প্রকৃতি কণ্ঠবাদীর কণ্ঠের পূর্ণরূপ প্রত্যক্ষ করিয়াছিলেন। তাই তিনি তাঁর সেই ব্যথাময়ীকেই ব্রহ্মের অরুণোভিনী আনন্দময়ী বলিয়া অর্চনা করেন।

বাস্তবিক সমগ্র তত্ত্বই জীবনিস্তারার্থ এই মায়ের অলৌকিক উৎকর্ষায় পূর্ণ। তন্ময় যে স্থান ইচ্ছা খোল দেথিবে—মা প্রেমের পর প্রেম করিতেছেন বিরাম নাই, বিশ্রাম নাই, ছেদ নাই। বিষ্ণুপাত্যোদ্ভূতা সুরধুনীর জায় তত্ত্বকে মাতৃহৃদয়োল সমবেদনার এক নিরবচ্ছিন্ন ধারা বলিলেও হয়। জীবের জন্ত এত ব্যাকুলতা এত সহানুভূতি এত ভাবনা আর কোথাও মিলে কিনা। সম্ভেদ—মিলিবার কথাও নয়। মহেশ্বরী প্রেম করিতেছেন উত্তর দিতেছেন স্বয়ং সদাশিব। এই প্রেমোত্তর প্রসঙ্গে মহেশ্বর একস্থলে বলিয়াছেন :

“কৃত্তে বিশ্বহিতে দেবি বিশেষঃ পরমেশ্বরি।

প্রীতো ভবতি বিশ্বাত্মা যতো বিশ্বং তদাপ্রিতম্ ॥”

‘সাম্বিয়া বিশ্বের হিত তোব বিশ্বাত্মায়’—হিতের দ্বারা অহিতের অর্চনা করিতে হয়—স্বথের উপচারে দুঃখের পূজা করিতে হয়—মঙ্গলের দ্বারা অমঙ্গলের সেবা করিতে হয়; সর্বমঙ্গলা যে মঙ্গলামঙ্গল উভয়েরই জননী, কোনটাই ত তাঁহার উপেক্ষণীয় নয়। যতদিন দ্বৈতবোধ, ততদিন ‘এ আমি হাঁসে কীদে ভাবে কত নানা ছাঁদে’ ততদিন মঙ্গলামঙ্গলের বিরোধ ঘটাইও না। একের অভাব অন্নের দ্বারা পূরণ করিতে কুলিও না। দ্বৈত জগতে দুঃখ স্বথকে খোঁজে—অমঙ্গল মঙ্গলকে চায়—অহিত হিতের জন্ত ব্যাকুল। সাধক বুঝিয়াছিলেন,

মা বাসনা বিহগীবশে, আসে যায় হৃদাকাশে

স্বথ দুঃখ দুই পক্ষ করিয়া বিস্তার—

তাই তিনি কাহাকেও উপেক্ষা করেন না, কাহাকেও অনাদর করেন না।

সাধনমার্গে চলিতে আরম্ভ কর—আরও কত সংবাদ পাইবে। সে মার্গে স্তরের পর স্তর—সোপানের পর সোপান সাজান আছে—যত পার চলিয়া যাও সে পথের শেষ পাইবে না। যতই অগ্রসর হইবে ততই নানা স্তর নব নব সোপান আবির্ভূত হইতে থাকিবে। কিন্তু এ পথও যেমন অক্ষুরন্ত মায়ের পাথের বিধানও তেমনি অপূর্ণ। লীলাময়ী আপন লীলা আপনি সংবরণ না করিলে, আপনাকে আপনি চিনাইরা না দিলে, কে তাঁহাকে চিনিতে পারে—কে এ পথের অন্ত পায়? জীবকে তিনি ভ অনন্তকাল নির্নিমেষ নয়নে দেখিতেছেন :

“কৌড়ন্তং কালিকং কালং পীডা মোহময়ীং সুরাম্

পশ্যন্তি চিরয়ী দেবী সর্বলাক্ষ্মিস্বরূপিণী ॥”

কিন্তু জীবিত তাঁহাকে দেখে নাই। তিনি দেখা না দিলে দেখিবেই বা কেমন করিয়া? তিনি নিজের ঘোমটা নিজে না খুলিলে খুলিবে কে? একজন মাত্র সক্ষম। তিনি ভূতভাবন ভূতপতি। তাঁহারই হাত দিয়া মা নিজের ঘোমটা নিজেই খোলাইয়া সেই অবগুষ্ঠন অপসারণের প্রণালী তাঁহারই মুখ দিয়া বলাইয়াছেন। উহাই তন্ত্রের কুলাচার।

“জীবঃ প্রকৃতি তত্ত্বঞ্চ দিককালাকাসমেবচ

ক্ষিত্যপ্তেজো বয়বশ্চ কুলমিত্যভি ধীয়তে।”

জীব, প্রকৃতিতত্ত্ব, দিক্, কাল, আকাশ, ক্ষিত্তি, অপ, তেজ ও বায়ু—এই সকলের নাম কুল। ইহাকে কুল বলিব কি অকুল বলিব তাহা বুঝিতে পারি না—তবে একথা নিশ্চিত যে ইহাই মায়ের ঘোমটা খোলা ছবি—ইহারই অভ্যন্তরে আত্মকল্লব পর্যন্ত সকলই নিহিত।

“ব্রহ্মবুদ্ধ্যা নির্বিকল্পমেতেষাচরণঞ্চ যৎ

কুলাচার স এবাঞ্চে ধর্মকামার্থ মোক্ষদঃ।”

ব্রহ্মবুদ্ধিতে এই সকলের ভাবনারই নাম কুলাচার।

পঞ্চতত্ত্বের দ্বারা তত্ত্বময়ী কুলেশ্বরীর অর্চনা করিয়া যেদিন সাধক কুলাচারে সিদ্ধ হন সেদিন তাঁহার জীবন্ত ঘুচিয়া শিবন্ত লাভ হয়। সেদিন তাঁহার স্মৃতির হাট এবং হৃৎকের মেলা উভয়েরই অবসান ঘটে এবং মেঘের কোলে বিদ্যুতের মত “যতো বাদে নিবর্ত্যন্তে অপ্রাপ্য মনসা সহ” সেই অদ্বৈত তত্ত্বে তাঁর চৈতন্যপ্রপঞ্চলীন হইয়া যায়।

১৩১১ সালে প্রকাশিত হরিমোহন মুখোপাধ্যায় সম্পাদিত “বঙ্গভাষায় লেখক প্রথম ভাগ” গ্রন্থে চন্দ্রনাথ বসুর সংক্ষিপ্ত আত্মজীবনী প্রকাশিত হইয়াছিল। তা ছাড়া নিম্নে উদ্ধৃত হইল—

সন ১২৫১ সালের ১৭ই ভাদ্র হগলী জেলার ত্রীরামপুর মহকুমার অধীন হরিপাল ধানার অন্তর্গত কৈকালী গ্রামে আমার জন্ম হয়। আমার পিতা ৮সতীনাথ বসু, পিতামহ ৮কাশীনাথ বসু। ধর্মনিষ্ঠ ক্রিয়াবান্ হিন্দু বলিয়া সে অঞ্চলে আমার পিতামহের বড় প্রসিদ্ধি ছিল! পিতৃদেবকে পিতামহের পদাঙ্কানুসরণ করিতে দেখিগাছি। আমি তাঁহাদের কাহারও পদাঙ্কানুসরণ করিতে পারি নাই।

হগলী, বর্তমান প্রভৃতি ভাগীরথীর পশ্চিমকূলস্থিত জেলা সকল তখন অতিশয় স্বাভাবিক স্থান ছিল। কলিকাতায় পীড়া হইলে, আমরা গ্রামে চলিয়া যাইতাম, এবং বিনা চিকিৎসায় তথায় সম্পূর্ণ স্বাস্থ্য লাভ করিতাম। এবং মহোদ্যাসে খাইয়া খেলাইয়া বেড়াইতাম। স্থল কালেজের ছুটি হইলেই দেশে যাইতাম, সেখান হইতে আর কিরিয়া আসিবার ইচ্ছা হইত না, ছুটি ফুরাইলে একমাস দেড় মাস পূর

কলিকাতায় আসিতাম—তাও একরকম কঁাদিতে কঁাদিতে। আমার পুত্র পৌজাদি সে গ্রামও দেখিলনা, সে গ্রাম্য স্থলের আশ্বাদও পাইল না। তাহাদের জীবন অসম্পূর্ণ ও অজহীন হইল। সে গ্রাম্য-জীবন যাহাদের হইল না, বঙ্গদেশ কি জিনিস তাহারা তাহা জানিতে পারিল না। তাহারা যথার্থই হতভাগ্য।

কৈকালী তখন জনপূর্ণ ছিল। তথায় প্রায় একশত ঘর ব্রাহ্মণ এবং প্রায় চারি শত ঘর তান্ত্রিক ছিল। কায়স্থ এবং অন্যান্য জাতিও অনেক ছিল। সকলেই এক রকম স্বচ্ছন্দে ছিল। কারণ ধান চাল সস্তা ছিল এবং স্বাস্থ্য-স্থলে কেহ বঞ্চিত ছিল না। কৈকালী মিহি মোটা বিস্তর বস্ত্র বয়ন হইত—সে বস্ত্রের বড় আদর ছিল, খুব নাম ছিল, খুব কাঁটতি ছিল। কৈকালী প্রকৃত ধনাঢ্য তান্ত্রিক ছিল। কৈকালী গ্রামে কুড়ি পঁচিশখানা পূজা হইত, কত ঘরে দোল দুর্গোৎসব হইত। কিন্তু কৈকালী আজ ম্যালেরিয়ায় প্রায় জনশূন্য—গত ৪০ বৎসরে বোধ হয় শতকরা ৭৫ জন চলিয়া গিয়াছে—গ্রামে গৃহ অতি অল্পই আছে। পথের দুই ধারে কেবল কাঁতড়া পড়িয়া রহিয়াছে। তান্ত্রিক দুই দশ জন মাত্র আছে—তাহারা এখনও কাপড় বুনিতেছে, চাবড়ার হাটে তাহাদের কাপড়ের আদর এখনও আছে—কিন্তু দুই দশজন বৈ নয়, তাও ম্যালেরিয়ায় মৃতবৎ। কয়খানা কাপড়ই বা বুনবে, কয়টা টাকাই বা পাইবে? সমস্ত গ্রামে এখন একখানি মাত্র পূজা হয় (বস্ত্রবাড়ীতে)—তাহাতেও ব্রাহ্মণভোজনের সময় কুড়ি পঁচিশটার অধিক ব্রাহ্মণ পাওয়া যায় না। বাগদী-ছলে সব মরিয়া গিয়াছে—তারকেশ্বর রেল রাস্তা নির্মাণার্থে অল্প স্থান হইতে আনীত কুলী-মজুর—কোল সাঁওতাল—তাহাদের স্থান অধিকার করিয়াছে। গ্রামে জঙ্গল বাড়িয়াছে, বস্ত্র শূকরাদি হিংস্র জন্তু দেখা দিয়াছে। ম্যালেরিয়ার জন্য প্রায় চল্লিশ বৎসর সোনার কৈকালী যাই নাই। এত দিনের পর অবসর গ্রহণ করিলাম। আজ সেই সোনার কৈকালী বসিয়া সেই বাল্যস্থল উপভোগ করিব। কিন্তু তাহা আর হইল না। কি জানি কে শত্রুতা সাধন করিল—আমার সেই সোনার কৈকালী হাটা করিয়া দিল। অথবা বিধাতাই আমাদের প্রতি বিমুখ!

পঞ্চমবর্ষে যথারীতি হাতে খড়ি হইলে পর আমি পাঠশালায় প্রবেশ করি। আমাদের বাড়ীতেই পাঠশালা ছিল। উদয় নামক এক ব্যক্তি আমাদের গুরুমহাশয় ছিলেন। (তাহার অসাক্ষাতে) তাঁহাকে আমরা উদো মোশাই বলিতাম। তিনি আমাদের বড় ভালবাসিতেন। সদর বাটীতে পাঠশালা বসিত। সেখান হইতে আমাদের অন্যর বাটী কিছুদূর। মনে আছে, একদিন অপরাহ্নে বৃষ্টি হইতেছিল বলিয়া গুরুমহাশয় একটি গোলপাতার ছাতা রাখায় দিয়া আমাকে কোলে করিয়া অন্যরবাটীতে রাখিয়া আসিয়াছিলেন। আমার বয়স যখন আট বৎসর, তখন আমার

পিতামহের চারি পুত্রের মধ্যে কেবল কনিষ্ঠ, আমার পিতৃদেব বর্তমান ছিলেন। তিনি তাঁহার ভ্রাতৃপুত্রদ্বিগকে লইয়া কলিকাতায় বাসা ভাড়া করিয়া থাকিতেন। ইংরেজী শিখাইবার জন্য তিনি আমাকে হেদোর স্কুলে পাঠাইয়াছিলেন। তখন আমাদের বাসা শিমলার বাজারের প্রায় সম্মুখে। স্ততরাং ঐ স্কুলের অত্যন্ত নিকটে ছিল বলিয়াই বোধ হয় তথায় পাঠাইয়াছিলেন। খৃষ্টানদিগের স্কুল, হয় ত আমাকে খৃষ্টান করিয়া ফেলিবে, আমার সর্বদা এই ভয় হইত আমাদের মাষ্টার নশ্ত লইতেন। তাঁহার চাতে একটি নশ্ত দান থাকিত। আমি মনে করিতাম, উহাতে গোমাংস আছে। কবে জোর করিয়া আমাকে খাওয়াইয়া দিবে। আমার স্বর্গীয় পিতামহীর নিকট এই কথা বলিয়াছিলাম। ছয় বাস মাত্র হেদোর স্কুলে রাখিয়া পিতা আমাকে ওরিয়েন্টল সেমিনারির শাখা স্কুলে ভর্তি করিয়া দিয়াছিলেন। ওরিয়েন্টল সেমিনারি স্বর্গীয় গৌরমোহন আচ্যের প্রতিষ্ঠিত। তখন বড়ই প্রসিদ্ধ, এখন খর্ব হইয়াও স্মৃদভাবে পরিচালিত। তখন উহার দুই তিনটি শাখা ছিল—একটি কলিকাতায়, উহারই নিকটে, আর একটি ভবানীপুরে, আর একটি বেলঘরিয়ায়। মূল ও শাখা স্কুল কয়টিতে বোধ হয় দেড় হাজার বালক শিক্ষালাভ করিত। মূল স্কুলে ইংরাজী সাহিত্যের বড়ই আদর ছিল। উচ্চন্য উহার যেরূপ প্রসিদ্ধি ছিল, বোধ হয় কলিকাতায় আর কোন স্কুল বা কলেজের সেরূপ প্রসিদ্ধি ছিল না। অল্প ও বাঙ্গালায় তত মনোযোগ ছিল না। এণ্ট্রান্স ক্লাসে উঠিবার এক বৎসর পূর্বে শাখা স্কুল হইতে মূল স্কুলে গিয়াছিলাম। তাহার কারণ, হেড মাষ্টার মহাশয়কে দুই চারিটা কথার অর্থ জিজ্ঞাসা করিয়াছিলাম, তিনি অর্থ জানিতেন না, আমাকে নিরস্ত করিবার জন্য চড় মারিয়াছিলেন। তখন আমার Pope's Iliad পড়া হইয়া গিয়াছিল। মূল স্কুলের প্রধান শিক্ষক স্বর্গীয় কৈলাসচন্দ্র বসু মহাশয় (বিবাহবিভ্রাট প্রণেতা আমার স্নেহানন্দ অন্ততালার পিতা) আমাকে এত ভালবাসিতে লাগিলেন যে, আমার ক্লাসের কয়েকটি ছেলে আমাকে তাড়াইবার জন্য প্রতিদিন টেবিল চাপড়াইয়া আমাকে বিজ্ঞপ করিয়া গান গাহিত। আমি চুপ করিয়া শুনিতাম—একটা কথাও কহিতাম না, কৈলাসবাবুকেও কিছু বলিতাম না। গানের গোড়াটা মনে আছে—

“চতুরঙ্গের কিবা ছিবি মরি হায় হায় .

পেট মোটা গলা সুরু, বেটা যেন বামনের গুরু ॥”

তাহার দিন কতক এইরূপ করিয়া আপনাই পলাইয়া গেল। তখন স্কুলের স্বাধিনিতা গৌরমোহন আচ্য লোকান্তরিত হইয়াছিলেন। তাঁহার কনিষ্ঠ ৮ হরেরক আচ্য মহাশয় স্কুলের অধিকারী ও অধ্যক্ষ জ্যেষ্ঠের কীৰ্ত্তি বক্ষণে বড়ই বদনীল উচ্চ শ্রেণীতে তিনি বড় বড় ইংরাজ ইউরোপীয় শিক্ষক নিযুক্ত করিতেন। প্রসিদ্ধ



কাপ্তান রিচার্ডসন, হার্মান জেকবস, কাপ্তান নামার, উইলিয়ম কার্‌প্যাট্রিক, রবার্ট ম্যাকেন্সি—এইরূপ লোকে উপরে অধ্যাপকতা করিতেন। আর নিম্নতম শ্রেণীর শিক্ষকতার বৈকল্পিক বন্দোবস্ত ছিল, সেরূপ বোধহয় আর কোন স্কুলে কখন হয় নাই। বাল্যলী বালকের ইংরাজী উচ্চারণ প্রায়ই অন্তর্দ্বন্দ্ব হয় বলিয়া ওরিয়েন্টাল সেমিনারের নিম্নতম শ্রেণীতে একজন ফিরিঙ্গি শিক্ষক নিযুক্ত হইতেন। তাহাতে ছোট ছোট ছেলেবা প্রথম হইতেই শুদ্ধ ইংরেজী উচ্চারণ শিক্ষিত এবং সংখ্যায় অধিক হইলেও সুশাসনে থাকিত।

যখন জুনিয়র ডিপার্টমেন্টের দ্বিতীয় শ্রেণীতে অর্থাৎ Preparatory ক্লাসে পড়িতখন রিচার্ডসন সাহেব আমাদেরকে দুই একদিন পড়াইয়া ছিলেন। এণ্ট্রান্সের পাঠ্যের মধ্যে Roger's Pleasures of Memory নামক কাব্য ছিল। প্রথম দিন সাহেব Rogers' Goldsmith, Campbell, Akenside, Thomson প্রভৃতি descriptive কাব্য প্রণেতাদিগের দোষগুণ সম্বন্ধে সাধারণভাবে যে কথাগুলি বলিয়াছিলেন তেমন কথা আর কখন শুনি নাই। দুর্ভাগ্যবশতঃ তাঁহার কাছে দুই চারিদিনের বেশী পড়া হয় নাই—তিনি বিলাতে চলিয়া গেলেন। দুই দিনেই কিন্তু বুঝিয়াছিলেন যে, ইংরাজী সাহিত্যে তাঁহার মতন অধ্যাপক বন্ধে আর আসেন নাই।

আমাদের একটি ক্লাব ছিল—নাম ওরিয়েন্টাল ডিবেটিং ক্লাব। কেবল ছাত্রদিগের ক্লাব। আমরা আপনাবাই পর্যায়ক্রমে প্রবন্ধ লিখিয়া পাঠ করিতাম এবং আপনাবাই তর্কবিতর্ক করিতাম। বার্ষিক অধিবেশনেও আমরাই প্রবন্ধ পাঠ করিতাম। এখন অনেক লাইব্রেরী ও রিডিং রুম হইয়াছে। তথায় বড় বড় সাহেব ধরিয়৷ আনিয়া তাঁহাদের বক্তৃতা শ্রবণ করা হয়। সত্যোবা আপনাবা প্রবন্ধ পাঠ, তর্কবিতর্ক কিছুই করেন না। আমাদের সেই ক্লাবের পদ্ধতি অবলম্বন করা তাঁহাদের কর্তব্য।

ইং ১৮৬০ সালের ডিসেম্বর মাসে এণ্ট্রান্স পরীক্ষায় দ্বিতীয় শ্রেণীতে উত্তীর্ণ হই। কেমন করিয়া উত্তীর্ণ হইয়াছিলাম এ পর্য্যন্ত বুঝিতে পারি নাই, অঙ্কে ও বাঙ্গালায় এতই কাঁচা ছিলাম, উত্তীর্ণ হইবার পর স্থির হইল যে, আমাকে কেবাণীগিরিতে নিযুক্ত হইয়া কিছু কিছু উপার্জন করিতে হইবে, পিতৃদেব মাসে দশ টাকা করিয়া বেতন দিয়া আমাকে প্রেসিডেন্সি কলেজে পড়াইতে পারিবেন না। কিন্তু বিধাতা একটু অমূল্য হইলেন। Atkinson সাহেব তখন শিক্ষা-বিভাগের ডিরেক্টর বা অধ্যক্ষ। তিনি বড় উদারচেতা ছিলেন। হরেকৃষ্ণবাবুকে লিখিয়া পাঠাইলেন যে, তাঁহার বিভাগস্থ হইতে উত্তীর্ণ একটা ছাত্রকে আট টাকা মূল্যের একটা ছাত্রবৃত্তি দিবেন। হরেকৃষ্ণবাবু আমাকে তাঁহার বাটীতে ডাকাইয়া পাঠাইলেন এবং সাতলোচনে ঐ কথা বলিলেন। ১৮৬১ সালের প্রারম্ভেই আমি প্রেসিডেন্সি কলেজে ভর্তি হইলাম।

প্রথম বার্ষিক শ্রেণীতে ৬প্যারীচরণ সরকার আমাদেরকে ইংলণ্ডের ইতিহাস পড়াইতেন। অতি অল্প অধ্যাপককেই তাঁহার জ্ঞান যত্ন ও পরিশ্রম করিয়া পড়াইতে দেখিয়াছি। প্রতি সপ্তাহে দুইদিন করিয়া তিনি আমাদেরকে ইতিহাসের প্রশ্ন দিতেন, আমরা বাড়ী হইতে উত্তর লিখিয়া লইয়া যাইতাম, তিনি সেই সত্তর আশিখানা উত্তর সাবধানে সংশোধন করিয়া ফিরাইয়া দিতেন। Carnduff নামক একজন অধ্যাপকও মধ্যে মধ্যে আমাদেরকে লেখাইতেন, শুনিতে পাই, ঐরূপ লেখাইবার প্রথা এখন আর নাই। দ্বিতীয় বার্ষিক শ্রেণীতে অধ্যাপক কাউয়েলের নিকট পড়িয়াছিলাম। তেমন অধ্যাপক বুঝি আর হয় না—পাণ্ডিত্য যেমন বহু বিষয়ব্যাপক তেমনই প্রগাঢ়, ছাত্রের প্রতি স্নেহ ও যত্ন বর্ণনাতীত। ১৮৬২ সালে ফার্ট আর্টস পরীক্ষা দিয়া উত্তীর্ণ ছাত্রদিগের মধ্যে পঞ্চম স্থান লাভ করিয়াছিলাম—প্রথম স্থান লাভ করিয়াছিলেন রাসবিহারী। যখন দ্বিতীয় বার্ষিক শ্রেণীতে পড়ি, তখন ওরিয়েন্টাল ডিবেটিং ক্লাবের ক্লাস প্রেসিডেন্সি কলেজেও আমাদের একটি ক্লাব ছিল। ক্লাবেও আমরা আপনারাই প্রবন্ধ লিখিয়া পাঠ করিতাম, আপনারাই তর্কবিতর্ক করিতাম, বাহিরের লোক আনিতাম না। যখন চতুর্থ বার্ষিক শ্রেণীতে পড়ি, তখন আমরা Calcutta University Magazine নামক একখানি ইংরাজী মাসিক পত্র বাহির করিয়াছিলাম। আমার প্রিয় বন্ধু শ্রীযুক্ত মৌলবী সৈয়দ হোসেন বেঙ্গ্রামী, যিনি এখন নিজামের রাজ্যে শিক্ষাবিভাগের অধ্যক্ষ, উহার একজন প্রধান উদ্যোগী ছিলেন। ঐ পত্রে on the importance of the study of histroy নামক যে প্রবন্ধ লিখিয়াছিলাম তৎসম্বন্ধে Englishman সম্পাদক লিখিয়াছিলেন—We trust this article is from a native pen, thought we doubt it। আর বলিয়াছিলেন যে উহাতে খুব originality of thought ছিল। একথা এতদিন কাহাকেও বলি নাই, এখন বলিতে হইল। কাগজখানি পনের মাসের অধিক স্থায়ী হয় নাই। তাহাও কেবল ৬ প্যারীচরণ সরকারের অহুগ্রহে হইয়াছিল। তিনি কাগজখানি আপনার প্রেসে ছাপাইয়া দিতেন। আমরা সংসারানভিজ্ঞ—মূল্য আদায়ে বিশৃঙ্খল ঘটাইতাম। ছাপিবার ব্যয় প্রায় চারিশত টাকা দেওয়া হয় নাই, প্যারীবাবু কখনও চাহেন নাই।

১৮৬৫ সালের জাহুয়ারী মাসে বি-এ পরীক্ষা দিয়া আমি প্রথম স্থান অধিকার করিয়াছিলাম। রাসবিহারী এবং মৃত অধ্যাপক ব্রকমান সাহেব দ্বিতীয় স্থান অধিকার করিয়াছিলেন। কিন্তু বকিমবাবু একবার আমাদেরকে বলিয়াছিলেন—“তুমি পরীক্ষার ব্রকমান অপেক্ষা বড় হইয়াছিলে। কিন্তু ব্রকমান আইন আকবরীর জ্ঞান গ্রহণনা অভ্যবাদ করিয়া ফেলিলেন। তুমি কি কাজ করিলে? বকিমবাবু ঠিক কথাই

বলিয়াছিলেন—আমরা কেবল পরীক্ষা দিতে পারি। ১৮৬৬ সালে এম-এ এবং ১৮৬৭ সালে বি. এল পরীক্ষা দিয়াছিলাম। শেষোক্ত পরীক্ষায় রাসবিহারী প্রথম স্থান অধিকার করিয়াছিলেন। আমি দ্বিতীয় স্থান অধিকার করি।

বি. এল. পাস করিয়া সকলে যেমন আদালতে ছোট, আমিও তেমনই ছুটিয়া-ছিলাম। চাকরী করিয়া স্বাধীনতা নষ্ট করিব না, তখন মনের ভাব এইরূপ ছিল। কিন্তু হাইকোর্টে গিয়া দেখিলাম, সেখানকার হাওয়া ভাল নয়। মামলা মোকদ্দমা আমার ভাল লাগিত না। শীঘ্রই বুঝিলাম, অনেকে ন্যায় অজ্ঞানের দিকে দৃষ্টিপাত না করিয়া বৈরসাধনার্থ অথবা জিগীষার বশবস্তী হইয়া অর্থ নাশ করে। এমন কি সর্বস্বান্ত হয় এবং সমাজে বিষম অসন্তোষ এবং মনোমালিন্যের সৃষ্টি করে। মক্ষ্মল হইতে আমার নিকট মোকদ্দমা পাঠাইবার লোকও ছিল না। মোক্তারদিগের খোসামোদ করিতেও পারিতাম না। ওকালতিতে কিছু হইল না দেখিয়া অগত্যা চাকরীর চেষ্টা করিতে হইল। অধ্যাপকতা করিবার ইচ্ছা হইল। তখন উড়ো সাহেব শিক্ষাবিভাগের অধ্যক্ষ। তিনি বড় সজ্জদয়তা প্রকাশ করিলেন। কিন্তু যখন বিদ্যায় গ্রহণ করণার্থ উঠিয়া দাঁড়াইলাম। তখন তিনিও উঠিয়া দাঁড়াইয়া আমার মাথায় হাত দিয়া বলিলেন—আমি যদি তোমার পিতা হইতাম, তাহা হইলে তোমাকে এ বিভাগে আসিতে নিষেধ করিতাম। এ বিভাগে কাহারও কিছু হয় না। তেমন করিয়া কথা তাঁহার জ্ঞায় কর্মচারীরা এখন কহেন কিনা জানি না। তিনি পাঁচ সাত দিন পরেই আমাকে কটক কলেজে দুইশত টাকা বেতনের একটা অধ্যাপকতা দিতে চাহিয়াছিলেন। কিন্তু যখন শুনিলেন যে, আমার একটা ডিপুটি মেজেষ্টরী পাইবার সম্ভাবনা হইয়াছে তখন আপনিই বলিলেন—না, অধ্যাপকতা লইও না, ডিপুটি মেজেষ্টরী লও। ১৮৭৮ সালে ঢাকায় ডিপুটিগিরি করিতে যাই। ডিপুটিগিরি ভাল চাকরী বলিয়া বোধ হইল না। ছয় মাস পরে ছাড়িয়া দিয়া কলিকাতায় আসিলাম। আসিবা-মাত্র ন্যায়রত্ন মহাশয় আমাকে বলিলেন—জয়পুর কলেজের প্রিন্সিপাল নাই, কান্তিবাবু আপনাকে চান, যাইবেন কি? আমি যাইলাম। জয়পুরের জায় হুন্দর শহর ভারতবর্ষে আর নাই। জয়পুর মহারাজ জয় সিংহের স্থাপিত। উহার গঠন-প্রণালী বিজ্ঞান-নামক একজন বাদ্বালীর উদ্ভাবিত। বিজ্ঞানবিরোধী বলিয়া জয়পুরে এখনও একটি রাজপথ আছে। জয়পুরের দেবালয়ে বাদ্বালী পুরোহিতের সংখ্যাই অধিক। জয়পুরের রাজকার্যে অনেক দিন হইতে বাদ্বালীর প্রাধান্ত। দেখিলাম কান্তিবাবুই জয়পুরের প্রকৃত রাজা। জয়পুরে বিস্তর বাদ্বালী দেখিলাম। ৬য় জুনাথ সেন মহাশয়ের বাড়ীতে একটা বিবাহে নিমন্ত্রিত হইয়া গিয়াছিলাম। বালক-বালিকাসহ প্রায় দেড়শত বাদ্বালী ভোজনে বলিয়াছিলাম। জয়পুরে থাকিলে অনেক টাকা করিতে পারিতাম। যেদিন

সেখানে যাই তাহার পরদিনই কান্তিবাবু বলিয়াছিলেন—কলেজের কর্ণে কিছুই হইকে  
 না, শীঘ্রই আপনাকে শাসন বিভাগে আনিব। কিন্তু দেখিলাম, রাজসভার হাওড়া  
 বড় ভাল নয় এবং আপন স্বাধীনতা রক্ষা করাও কঠিন। সহরটাও দেখিলাম বড় শুষ্ক  
 ও কক্ষ দর্শন। তিনদিকে তৃণশূন্য পাহাড়, সমতল স্থান তৃণশূন্য, বারিশূন্য, বালুকাময়।  
 আমি বাঙ্গালার ন্যায় বিশাল উদ্যানবিহারী, সুজলাং সুফলাং মলয়জ্ঞশীতলাং  
 বঙ্গের বাঙ্গালী, জয়পুরের দৃষ্ট আমার ভাল লাগে নাই। তিন মাসের ছুটি লইয়া  
 বাড়ী আসিলাম—বিধাতাকে বলিতে বলিতে আসিলাম, ঘরেই যেন আমার যৎকিঞ্চিৎ  
 হয়। বিধাতা রূপা করিলেন। ছুটি ফুরাইবার আগেই বেঙ্গল লাইব্রেরী অধ্যক্ষের  
 পদ খালি হইল। কয়েকজন ঐ পদের প্রার্থী হইলেন। স্ত্রীর আলফ্রেড ক্রফট  
 বলিলেন—চন্দ্রনাথ যদি প্রার্থনা করেন, আর কেহ এ কর্ণ পাইবেন না। তাঁহার  
 কাছে আমি পড়ি নাই। তাঁহার। কিন্তু উপাধিধারীদের সংবাদ রাখিতেন, তাঁহাদের  
 ন্যায় শিক্ষাবিভাগের পদস্থ সাহেবেরা এখন রাখেন কি! ১৮৭২ সালের ৭ই অক্টোবর  
 তারিখে আমি ঐ কর্ণ পাই। পাইয়া ৭ বৎসর কয়েকমাসে বিস্তর বাঙ্গালা পুস্তক  
 পড়িয়াছিলাম। তাহার আমার সহোদর সদৃশ রামকৃষ্ণ মুখোপাধ্যায় অতি অকালে  
 স্বর্গারোহণে করায় ১৮৮৭ সালের ১লা জানুয়ারী তারিখে আমি বেঙ্গল গভর্ণমেন্টের  
 অল্পবাদকের পদ প্রাপ্ত হই। অল্পবাদকের কাজ যেমন কঠিন, তেমনই অপ্রীতিকর।  
 পরিমাণে প্রায় অসীম। বড় অনিচ্ছায় এই কর্ণ গ্রহণ করিয়াছিলাম। কিন্তু গ্রহণ  
 করিবার পর ইহাকে ধর্মচর্চায় তুল্য ভাবিয়া প্রাণপণে কর্তব্য পালন করিয়া বিগত  
 ১লা জানুয়ারীতে অবসর গ্রহণ করিয়াছি।

গৌরমোহন আঢ্যের স্কুলে বাঙ্গালা শেখা হয় নাই। প্রেসিডেন্সি কলেজে প্রথম  
 দুই বৎসর যাহার কাছে বাঙ্গালা পড়িয়াছিলাম তিনি বাঙ্গালী বটে, কিন্তু বাঙ্গালা  
 জানিতেন না, তথাপি বিশ্ববিদ্যালয়ের পরীক্ষায় আটক পড়িতে হয় নাই। বাঙ্গালার  
 পরীক্ষা শব্দ-গত না হইয়া এত অর্থ-গত হইত। তৃতীয় ও চতুর্থ বর্ষে পণ্ডিতবর  
 কৃষ্ণকমল বাঙ্গালা পড়াইয়াছিলেন। ভালই পড়াইয়াছিলেন। কিন্তু গোড়া কাঁচা ছিল,  
 তাঁহার অধ্যাপনায় বিশেষ ফল পাই নাই। তিনিও সংস্কৃত বেল অল্পরূপে প্রদর্শন  
 করিয়াছিলেন। আমাদেরকে সংস্কৃত শিখাইয়াছিলেন। কিন্তু সংস্কৃত আমাদের  
 পরীক্ষার্থ নির্দিষ্ট ছিল না। সুতরাং উহাতে তত মনোযোগী না হইয়া, পাঠ্য নয়  
 এমন ইংরাজী পুস্তক বহুল পরিমাণে পড়িতাম। ইংরাজীতে বেশী আকৃষ্ট হওয়ায়  
 মনটাও কতক ইংরাজী ভাবাপন্ন হইয়াছিল। একদিকে যেমন দেবদেবীতে বিশ্বাস  
 ঘুচিয়া গিয়াছিল, অন্যদিকে তেমনই বাঙ্গালা লিখিতে অপ্রস্তুতি হইয়াছিল। তখন  
 ইংরাজী লিখিয়া বড় সুখ হইত। যখন বি-এ পাস করি নাই তখন ৬গিনিশচন্দ্র

বোম্বের Bengalee কাগজে লিখিতাম। এম্-এ পাশ করিয়াই on the life and character of oliver Cromwell নামক একটি প্রবন্ধ পড়িয়া ছাপাইয়াছিলাম। এইরূপ যাহা লিখিতাম, ইংরাজীতেই লিখিতাম। বঙ্গদর্শন পড়িতে ভাল লাগিত, ইচ্ছা হইত উহাতে লিখি; কিন্তু লিখিতে সাহস হইত না। তাহার পর বাঙ্গালায় মন গেল, এবং কলিকাতা রিবিউ নামক ত্রৈমাসিক ইংরাজী পত্রে বাঙ্গালা গ্রন্থের সমালোচনা করিতে লাগিলাম। কৃষ্ণকান্তের উইলের সমালোচনা পড়িয়া বঙ্কিম-বাবু বাঙ্গালা লিখিবার জন্ত পাড়াপাড়ি করিতে লাগিলেন। তখন বঙ্গদর্শন সঞ্জীব-বাবুর হাতে বঙ্গদর্শনে অভিজ্ঞানশকুন্তলের আলোচনা লিখিতে আরম্ভ করিলাম। কিন্তু লিখিবার পূর্বেই আলোচনা আরম্ভ হইয়াছিল। সুপ্রসিদ্ধ বাম্পীকি ক্রেস যে বাড়ীতে ছিল বাম্পীকির রামায়ণের অনুবাদক আমার স্ববিতুল্য বন্ধু পণ্ডিত হেমচন্দ্র বিহারী সেই বাসায় থাকিতেন। তাহার অনুবাদ কার্য তখন চলিতেছিল। প্রায় প্রতিদিন সন্ধ্যার সময় আমরা দুই চারিজন তাঁহার নিকট যাইতাম এবং রাত্রি দশটা এগারটা পর্যন্ত সাহিত্য শাস্ত্র প্রভৃতি নানা বিষয়ের আলোচনা করিতাম। অভিজ্ঞানশকুন্তলের আলোচনাও হইত। শকুন্তলা তত্ত্ব লিখিবার পর সরকারী কার্যের জন্ত ভিন্ন আর ইংরাজী লিখি নাই—লিখিতে আর ইচ্ছাও হয় নাই—এখন সম্পূর্ণ অনিচ্ছা হইয়াছে। লিখিতে হইলে মাতৃভাষায় লেখার গ্রাম অত্বেকোন ভাষায় লেখা স্বাভাবিক ও সুখকর নয়। যখন বাঙ্গালায় লিখি তখন যাহা লিখি তাহা সম্মুখে মুর্ত্তিমান দেখি; যখন ইংরাজীতে লিখি, তখন লিখি তাহার এবং আমার মনশ্চকুর মধ্যে যেন একখানা পর্দা বিলম্বিত দেখি।

যখন কলেজে পড়ি, তখন আমার দেবদেবীতে বিশ্বাস ছিল না, আমি সত্যধর্ম খুঁজিতাম। তখন কেশববাবুর ধর্ম্মান্দোলনের ধুম পড়িয়াছিল; অনেক যুবক তাঁহার চেলা হইয়াছিল। প্রেসিডেন্সি কলেজে আমার সঙ্গে তাঁহার কয়েকজন উত্তমশীল চেলা পড়িতেন। আমি মধ্যে মধ্যে ব্রাহ্মসমাজে যাইতাম—কেশববাবুর বক্তৃতা শুনিতাম। কিন্তু তাহাতে Reed, Hamilton, Kant, Victor cousin প্রভৃতি ইউরোপীয় দার্শনিকদিগের কথাই অধিক থাকিত, আমি কিছুই বুঝিতে পারিতাম না। তাহার পর অগস্ত কোমতের দুই একখানি গ্রন্থ পড়ি এবং স্বর্গীয় মহাপুরুষ স্বারকানাথ মিত্রের সহিত বন্ধুত্ব হয়। দেখিলাম কোমতের প্রণালীতে আমাদের সমাজ প্রণালীর অনেক সমর্থন আছে। বড় আস্থা হইল, কিন্তু কোমতের ঈশ্বর নাই দেখিয়া তাঁহাতে আমার তৃপ্তি হইল না। স্বারকানাথকে বলিলাম। মহামনা মহাপুরুষ বলিলেন—তবে জোরে ঈশ্বরকে ধরিয়া থাক। আমার সত্যধর্ম খুঁজিতে লাগিলাম। ইংরাজীতে দেখিতাম, ইংরাজের মুখে শুনিতাম, Religion কেবল ঈশ্বর

লইয়া, আর কিছু লইয়া নয়। ভাবিতাম—তবে ঈশ্বর ছাড়া এত বস্তু ব্যাপার  
 রহিয়াছে ইহাদের দ্বিহিত তবে কি মানুষের কোন ধর্মমূলক সম্বন্ধ নাই? বহু-  
 বাবুর বাসায় প্রতি রবিবার আমরা এই সকল আলোচনা করিতাম। সেই সময়  
 পূজনীয় শ্রীশশধর তর্কচূড়ামণির নাম শুনা গেল। ইচ্ছানাথকে বলিয়া বহু-  
 চূড়ামণি মহাশয়কে একদিন আপন বাসায় আনাইলেন। চূড়ামণি মহাশয় ধর্মকথা  
 কহিলেন। তিনি যেমন বলিলেন—ধৃ-ধাতু হইতে ধর্ম, অর্থাৎ যাহা ধারণ করে  
 তাহাই ধর্ম—অমনি আমার সকল সংশয় দূর হইল, বিশেষ যাহা কিছু আছে সকলই  
 ধর্মের অন্তর্গত দেখিলাম, বিশেষ যাহা কিছু আছে বিশ্বনাথ হইতে তাহা স্বতন্ত্র  
 রাখিয়া দিলে বিশ্বনাথকে পাওয়া যায় না বুঝিলাম, কারণ বিশ্ব তাহা হইলে  
 আমাদেরকে রক্ষা না করিয়াই বিনাশ করে; যাহা এত অশেষণে পাই নাই তাহা  
 পাইলাম। আমার আনন্দের সীমা রহিল না। পূর্বে যখন দেবদেবীতে বিশ্বাস  
 ছিল না ইংরাজী ভাবাপন্ন ছিলাম তখন আমাদের সবই মন্দ মনে হইত। ঠিক মনে  
 নাই, বোধ হয় ১৮৭৭ সালে Betheme Society নামক সভায় High Education  
 in India নামক একটি প্রবন্ধ পাঠ করিয়াছিলাম। তাহাতে আমাদের জাতিভেদ  
 প্রণালীর নিন্দা করিয়াছিলাম। কিন্তু তাহার পর শাস্ত্রের কথা গুলিয়া এবং সামাজিক  
 জীবন পর্যবেক্ষণ করিয়া ঐ প্রণালীর যৌক্তিকতা বুঝিয়াছিলাম। বুঝিয়া অক্ষয়চন্দ্রের  
 “নবজীবনে” জাতীয় চরিত্র বর্ণভেদ প্রণালী শীর্ষক একটি প্রবন্ধ লিখিয়াছিলাম। উহা  
 পড়িয়া বহু-বাবু বলিয়াছিলেন—“আমিও জাতিভেদটাকে অত্যন্ত জঘন্য জিনিস মনে  
 করিতাম, কিন্তু তোমার প্রবন্ধ পড়িয়া আমার মত উন্টাইয়া গিয়াছে।” নবজীবনের  
 ঐ প্রবন্ধটি সংপ্রণীত ত্রিধারা নামক পুস্তকে সন্নিবিষ্ট করিয়াছি। বঙ্গদর্শন, প্রচার,  
 নবজীবন, নব্যভারত, ভারতী, সাহিত্য প্রভৃতি মাসিক পত্রে যাহা লিখিয়াছিলাম  
 তাহার প্রায় সমস্তই ক্রমে ক্রমে পুস্তকাকারে শঙ্কুস্তলাতবে, ফুল ও ফলে, ত্রিধারায়,  
 হিন্দুধর্ম, সাবিত্রীতর্ক প্রকাশিত করিয়াছি। কঃ পদ্মঃ শ্রীমান গোবিন্দলাল দত্তের  
 সাবিত্রী লাইব্রেরীর অধিবেশনে পাঠ করিয়াছিলাম। হিন্দু সভ্যতা এবং ইউরোপীয়  
 সভ্যতার মধ্যে কোনটী মনোযোগিত, উহাতে এই প্রশ্নের আলোচনা করিয়াছি। বর্তমান  
 বাঙ্গালা সাহিত্যের প্রকৃতি নামক একটি প্রবন্ধ বঙ্গীয় সাহিত্য পরিষদে পাঠ করিয়া-  
 ছিলাম। পরিষৎ তখন রাজা বিনয়কৃষ্ণের বাড়ীতে ছিল এবং দ্বিজেন্দ্রবাবু উহার  
 সভাপতি ছিলেন। কি জল্প উহা পরিষৎ পত্রিকায় সন্নিবিষ্ট হয় নাই বলিতে পারি  
 না। আমি উহা পুস্তকাকারে প্রকাশিত করিয়াছি। সাধু ও অসাধু দুই প্রকার বাঙ্গালা  
 ভাষার মধ্যে বঙ্গের সকল স্থানের স্থবিধা ও উন্নতির জল্প এবং বাঙ্গালীর সর্বপ্রকার  
 একতা বর্জনার্হ সাধু ভাষায়ই অবস্থানীয়, এই প্রবন্ধে এই মত স্থাপন করিবার চেষ্টা

করিয়াছি। একখানি জাতস্বাক্ষরিত মাসিক পত্রের ভিন্ন এ পর্য্যন্ত আর কোথাও এ প্রবন্ধের প্রতিবাদ দেখি নাই। উক্ত পত্রের প্রতিবাদ অনেক চেষ্টা করিয়াও বুঝিতে পারি নাই। অথচ বিকল্প মতাবলম্বীরা তখনও যেমন অসাধু ভাবার ব্যবহার করিতেন এখনও তেমনই করিতেছেন। হিন্দুসে হিন্দুর মানসিক বিশেষত্বের এবং সভ্যতার শ্রেষ্ঠত্বের নির্দেশ করিয়াছি এবং জাতিভেদ প্রথা, হিন্দু বিবাহ প্রণালী, সাকার পূজা প্রভৃতির যৌক্তিকতা বুঝাইবার চেষ্টা করিয়াছি। যে সকল স্থানে এই সকল মতের প্রতিবাদ দেখিব মনে করিয়াছিলাম সে সকল স্থানে এ পর্য্যন্ত প্রতিবাদ দেখি নাই। অথচ এই সকল মত গৃহীত হইবার লক্ষণ কোথাও দেখি না। ‘বেতালে বহু বহন্ত’ সঙ্কে এখন কোন কথা বলিতে পারি না—আরও কিছুদিন অপেক্ষা করিতে হইবে।

পিতা-পুত্র





## ৮ন্যায় গজাচরণ সরকার বাহাদুর ও শ্রীঅক্ষয়চন্দ্র সরকার

আমার ও পিতৃদেবের জীবনী লিখিতে আমি অনেক দিন হইতে অল্পকষ্ট ছিলাম ; সম্ভ্রতি শ্রীযুক্ত রবীন্দ্রনাথ ঠাকুর ও শ্রীযুক্ত বীণেশচন্দ্র সেন, শ্রীযুক্ত আনন্দমোহন বসু এবং শ্রীযোগেন্দ্রনাথ বসু প্রভৃতি আমাদের সাহিত্য-জীবনের কথা বিশেষ করিয়া লিখিতে অল্পরোধ করিয়াছেন । এই সকল অল্পরোধ রক্ষার চেষ্টা করিতেছি ।

আপনার জীবনী, আপনি লেখা,—বড়ই কঠিন ব্যাপার । বিশেষ আমি কোন কাজ করিলাম না, কোন কৰ্ম করিলাম না, আমার আবার জীবনী কি ?

যখন স্থলে পড়িতাম, তখন Rule of Three খুব সম্বন্ধে কসিতে পারিতাম । Bernard Smith-এর সামুকের (snail) অঙ্ক অনেকে কসিতে পারে নাই, আমি কসিয়াছিলাম—এই সকল কারণে আমাকে তখন Genius বলিত । এ সকল কথা কাগজে, কালি-কলমে বা ছাপাইয়া জগতে প্রচার করা, ভাল কি মন্দ তাহা ত বুঝিতে পারি না ।

যৌবনে ‘সাধারণীতে’ যেক্রমে তথা কথিত বাস্তবীতির চর্চা করিয়াছিলাম, সেরূপ ভাবে, সেরূপ কথার স্বর্দি এখন পুনরাবৃত্তি যাত্র করি, তাহা হইলে বার্ককো শ্রীষর বাসের বিবরণ আবার ভবিষ্যতে লিখিতে হইবে । তাহা ত পারিব না ; হতয়াং যৌবনের কৌস্তি-অকৌস্তি পুনরাগোচনা চলে না ।

প্রোফে ও বার্ককো আমার জীবন—যমে যাহাযে টানা-টানির পালা । কখন যম জিতিতেছে, কখন আমি জিতিতেছি । কলিকাতা, কটক, চুঁচুড়া, ইটোয়া, বৈষ্ণনাথের ঘরের কোণে, নিভৃত, নীরবে, বিনা আড়ম্বরে—এই যে কব-জাপান সময়, ইহার বিবরণ তোমাদের পড়িতে ভাল লাগিবে কেন ? অন্তত ভাল লাগিবে না, আমি বুঝিয়াছি ; সেরূপ বুঝিয়া, আমি লিখিতে যাইব কেন ?

অতএব আপনার জীবনী লিখিব না । পিতৃদেবের জীবনীর ছই চারি কথা বলিব, আর তাঁহার আমার জীবনের যে ভাগের সহিত বাঙ্গালা সাহিত্যের সম্বন্ধ, তাহাও কিকিৎ লিখিতে চেষ্টা করিব । আমার সহিত বাঙ্গালা সাহিত্যের সম্বন্ধে, শিল্পার কথাই বলিব, পরীক্ষার কথা একটু আঁধটু থাকিবে যাত্র ।

একটা কথা গোড়ার বলিয়া রাখা ভাল । অনেক বয়সে পিতৃদেবের মুখে সে কথাটা শুনিয়াছিলাম । পেন্সন প্রাপ্ত হইয়া পিতৃদেব ঢাকা হইতে মখন আসিলেন, তখন মহা আড়ম্বরে তাঁহাকে বিদায় দেওয়া হইয়াছিল । সেইরূপ একটা বিদায়

সভার মুখপাত্র বাবু কালীপ্রসন্ন ঘোষ পিতৃদেবের প্রশংসা করে বলিয়াছিলেন, যে গঙ্গাচরণ বাবু গুরুতর রাজকর্মের ভার লইয়াও বঙ্গ-সাহিত্য সেবা হইতে কখন বিরত থাকেন নাই, প্রত্যুত যত পূর্বকই বঙ্গ-সাহিত্য সেবা করিয়াছেন। এই জন্ত সাধারণত বাঙ্গালিরা, বিশেষত ঢাকা-বাসীরা, তাঁহার কাছে ঋণী এবং এক মুখে তাঁহার প্রশংসা করিতে অক্ষম। বাগ্মীপ্রবর বিশেষ দক্ষতা সহকারে ঐ কথার ব্যাখ্যা করেন এবং সভাস্থ সকলেই করতালি প্রদানে পিতৃদেবের প্রশংসা কীৰ্ত্তন করেন। সকল বক্তার সকল কথা শেষ হইলে পর পিতৃদেব উত্তরে বলেন “আপনারা আমাকে ভালবাসেন, সুতরাং প্রশংসা করিবেন, তাহা কিছু বিচিত্র নহে। ঐ সকল প্রশংসাবাদ আমি ভালবাসার পরিচয় বলিয়া গ্রহণ করিতেছি। তবে বঙ্গ-সাহিত্য সেবার জন্ত আমার যে প্রশংসা হইয়াছে, তাহাতে আমি বিম্মিত। মাতৃসেবা না করিলে অধর্ম আছে, সেবা করিলে যে কিছু বাহাদুরী বা প্রশংসা আছে এ কথা আমি জানি না, ও মানি না।”—ঐ কথাই সর্বোপরে সকলের নিকটে আমিও বলিতেছি। মাতৃভাষা সেবার কথা বলিব, কিন্তু বাহাদুরীর জন্ত অথবা প্রশংসা প্রয়াসে বলিয়া কেহ গ্রহণ করিবেন না। এ বয়সে এতটুকু বুঝিতে পারি, যে শ্রীযুক্ত রাসবিহারী ঘোষের মত একজন, শত জন, বা সহস্র জন বাঙ্গালা ভাষায় চর্চা করেন না বলিয়া, আমি করি, তুমি কর, তিনি করেন—আমাদের কিছু বাহাদুরী বা গৌরব নাই।

আমাদের অন্তত সাত আট পুরুষের ওলন্দাজি চুঁচুড়ার বাহিরে গঙ্গা ধারে বাস ছিল। আমার ঠাকুর দাদা ইংরাজী নবীশ ছিলেন। এই জন্ত তাঁহার নাম ছিল রামবল্লভ মাষ্টার। কথিত আছে রামবল্লভ মাষ্টার ঘাসের ফুলের পর্য্যন্ত ইংরাজী নাম জানিতেন। পিতার মাতামহালয় খজ্ঞানের নিকট শর্শ। আমার ঠাকুরমা ছেলে বেলা Amateur শিল্প কবির দলে কবির গান বাঁধিয়া দিতেন।

ত্রিশ সালের বক্তার বৎসর বক্তার সময় অর্থাৎ বাঙ্গালা ১২৩০ সালের আশ্বিন মাসে, পিতৃদেবের জন্ম হয়। অনেকেরই এখনও মনে থাকিতে পারে, যে অতি সামান্ত কথাতেও পিতৃদেব রসের অবতারণা করিতে পারিতেন। তাঁহার জন্ম সময়ের এই ঘটনা লইয়া তিনি বলিতেন যে “ওহে! তোমরা যদি আমার কেহ জীবনী লিখিতে যাও, তবে তোমাদের আরম্ভ করিবার বড় সুবিধা হইবে। স্বচ্ছন্দে লিখিতে পারিবে, যে দামোদর নদের ও ভাগীরথী নদীর যুগলং তীরণ প্রাবনে যখন সমগ্র বঙ্গভূমি জলে জলময়, অধিবাসীরা যখন স্বীয় স্বীয় ধন-প্রাণ আবাস ভবন লইয়া মহা ব্যাকুল, তখন সেই কুলপাবিনী স্বরধুনীর তটভূমি হইতে অতি নিকটে ক্যাকলিয়ালীর একটি কুটীরে একটি সচপ্রস্থত কুম্বর্ণ শিল্প তদীয় কুম্বর্ণা মাতার অঙ্ক শোভিত করিয়া বিকট ক্রন্দন করিতেছিল। ইত্যাদি ইত্যাদি।”

ত্রিশ সালে অর্থাৎ এখন হইতে আশী বৎসর পূর্বে বাঙ্গালা লেখার চর্চা ছিল, শুক মহাশয়ের পাঠশালে, বাবসাহাবের খাতায় আর আত্মীয় স্বজনকে 'বন্ধুবান্ধবকেও নয়' পত্র লেখায় ; পড়ার চর্চা যথেষ্ট ছিল। কেবল পাঠশালে বলিয়া নয়, সকলেই বামায়াণ মহাভারত পাঠ করিত। বৃদ্ধ গঙ্গাতীরে ঘাটে বলিয়া, মুন্দি মুন্দিখানার পাটে বলিয়া, পুরোহিত ঠাকুর শিবের মন্দিরের ধারিতে বলিয়া, মোসাহেব মুকুযো মহাশয় বড় মাছুষের বৈঠকখানায় বলিয়া অবাধে দশবার জন শ্রোতৃমণ্ডলি মধ্যে, কুস্তিবাস, কাশীদাস পাঠ করিতেন। গোস্বামী ঠাকুর বিষ্ণুমন্দিরের দাওয়ায়, বাবাজী ঠাকুর আকড়ার আঙ্গিনার বৃক্ষতলে, বৈষ্ণব গৃহস্বামী পূজার দালানের দরদালানে, সেইরূপ শ্রোতৃমণ্ডলি মধ্যে চৈতন্ত চরিতামৃত পাঠ করিতেন। এতদ্ভিন্ন কবিকঙ্কণের চণ্ডী, রাধেশ্বরের শিবায়ন, ঘনরামের ধর্মমঙ্গল, দুর্গা প্রসাদের গঙ্গাভক্তি তরঙ্গিনী প্রভৃতি গ্রন্থ এইরূপই নিয়ত পঠিত হইত।

এই ১২৩০ সাল ইংরাজী ১৮২৩ সাল। এই সময় হইতে সাধারণের শিক্ষার উপর গবরনমেন্টের নজর পড়িল। ক্যার সাহেব কৃত Review of Public Instruction গ্রন্থের পঞ্চম অধ্যায়ের প্রথম বিভাগে দেখা যায় ;—

“Previous to 1823 comparatively little had been done for the advancement of Native Education. The number of Institutions was very limited, and they attracted very little interest. There was no organized system of superintendence. All matters connected with education were under the general control of the Government. But about this time the subject of Native Education began to receive a greater share of attention. \* \* \* In July 1823, several of the most experienced officers of Government residing in Calcutta were formed into a Committee of Public Instruction.

কলিকাতায় তরঙ্গ উঠিল বটে কিন্তু সে তরঙ্গ চূঁচুড়ায় আসিতে ১২১৩ বৎসর লাগিয়াছিল। এই সময়ের মধ্যে পিতার বালাজীবনে একটি বিষয় সঙ্কট ঘটনা ঘটয়াছিল, পিতৃদেবের বয়স যখন পাঁচ বৎসর হাতে খড়ি হইয়াছে বা হয় নাই, তখন আমার ঠাকুরদাদার যুড়া হয় ; ঠাকুরমা সহযত্না হন। আমাদের নিকটে বটতলার ঘাটে, এই কাণ্ড হয়। সে বটগাছটি এখন আর নাই বলিলেও চলে ; এই বৎসর প্রায় শুকাইয়া গিয়াছে। সেই “ক্যাকলীয়ালা ঘাটের বটবৃক্ষ”-কে সন্ধান করিয়া ১২২১ সালের ১৬ই বৈশাখের সাধারণীতে পিতৃদেব যে পত্র লেখেন তাহার কিয়দংশ এইখানে উদ্ধৃত করিতেছি।

\* \* \* \* \*

আরো তুমি এই স্থানে, দেখিরাছ সন্নিধানে, কত সতী লয়ে মৃত পতি ।  
 স্বামীভক্তি অল্পবসে, চিতার জলস্তানলে, হস্তমুখে হইয়াছে সতী ॥  
 তবু তব জানা আছে, তবু ত্যজে তব কাছে, পতি শয়ে যে সব রমণী ।  
 তার মাঝে এক সতী, পতিব্রতা গুণবতী, এ দীনের ছিলেন জননী ॥  
 বহুকাল হ'ল গত, বৎসর অর্ধেক শত, ততুপরি আর পাঁচ ছয় ।  
 গতাস্থ হলেন পিতা, মাতা হন সহমৃত্যু, শৈশবেতে আমি নিরাশ্রয় ॥  
 এ ঘটনা বহুদিন, হয়েছে কালেতে লীন, পুরাকথা মাঝে প্রবেশিত ।  
 আমি কিন্তু নাহি ভুলি, আশানের সেই চুলী, মমহৃদে আছে জাগরিত ॥  
 সেই কাণ্ড দরশন, করিবারে আগমন, নরনারী হল উপস্থিত ।  
 তীর চর উপকূল, আবরিলা নর কুল, ঘাটে তরী কত উপনীত ॥  
 আইল বিধর্মী কত, মুসলমান শত শত, আর কত ফিরিকী ইংরাজ ।  
 দারোগা মুহুরী সনে, ইষ্ট বুঝি দৃষ্ট মনে, অগ্রসর হয় বর্কন্দাজ ॥  
 জনতার পারাবার, নদী তটে সুবিস্তার, কোলাহলে উথলে কল্লোল ।  
 বহুল বিকচ ছাতা, উস্তাপে রাখিতে মাথা, জনার্গবে তরঙ্গ হিল্লোল ॥  
 হেথা হয়ে ভক্তিমতী, সাত পাক ফিরি সতী, লয়েছেন চিতায় আসন ।  
 রক্ত চেলী পরিহিতা, সিদ্ধূরে শোভিছে সীতা, মুক্তকেশী অপূর্ব দর্শন ॥  
 গলে দোলে পুষ্পমালা, প্রেতভূমি করি আলা, শব পাশে শোভিছে স্নানরী ॥  
 আশানে শঙ্কর যেন, ঘোর ঘূমে অচেতন, বামে বসে আছেন শঙ্করী ॥  
 নয়ন প্রফুল্ল অতি, ভাতিছে ভক্তির জ্যোতি, মুখপদ্মে হর্ষের উচ্ছ্বাস ।  
 অটল বিশ্বাস মনে, লভিবে পতির সনে, অবিলম্বে স্বর্গে চিরবাস ॥  
 পরে সতী এ জগতে, ঐহিক বাসব হতে, একে একে লইয়া বিদায় ।  
 পুত্রে আশীর্বাদ করি, পতি শব বক্ষে ধরি, প্রেমানন্দে স্তলেন চিতায় ॥  
 মম হাতে হুড়া জলে, মস্ত দ্বারা পুত হলে, মুখদ্বয়ে দিলাম ফেলিয়া ।  
 অনেক স্বজন আসি, দেয় তবে তপ রাশি, বাড়ে অগ্নি প্রবল হইয়া ॥  
 পর্ত্ত প্রমাণ হয়ে, শত শত শিখা লয়ে, ভীমাকারে জলিল অনল ।  
 হরিবোল দেয় লোকে, আমি ভয়ে কিঞ্চি শোকে, ফেলিলাম নয়নের জল ॥

\* \* \*

এই সহমরণের পর সরকারদেব সংসারে রহিলেন একজন বাট বৎসরের বৃদ্ধ  
 মদনমোহন সরকার আর তাঁহার শিশু পৌত্র গঙ্গাচরণ ! সে বেশ সংসার নয় ! কিছু  
 দিন পরে পিতা অবশ্য পাঠশালে ঘাইতে লাগিলেন । এই সময়ে পাঠশালার সংস্কার

মিশনরির কোথাও কোথাও মনোযোগী হইয়াছিলেন। একজন আমেরিকান মিশনরি মিটার আদাম (Adam) চুঁচুড়ার পাঠশালা সংস্কারের প্রধান উদ্যোগী হন।

বাঙ্গালার অস্বাস্থ্যের কল্যাণে বৈজ্ঞানিক দেওঘরে এখন অনেকেরই গতিবিধি হইয়াছে। বৈজ্ঞানিক পাদরিগী বুড়ী মেমকে অনেকেই দেখিয়া থাকিবেন। এক থানি ছোট টেলো গাড়ীতে বুড়ী মেম আধ শোয়া আধ বসা ভাবে আছেন; দুই জনে সেই গাড়ী টানিতেছে, আর একজন ছাতা ধরিয়া তাঁহার মুখে ছায়া করিয়া গাড়ীর সঙ্গে সঙ্গে দৌড়িতেছে। তিনি (Miss Adam) মিস্ আদাম। তাঁহারই পিতা মিটার আদাম চুঁচুড়ার পাঠশালার প্রথম সংস্কারক। অথবা বিস্তৃত প্রণালী-সম্বন্ধ পাঠশালার সংস্থাপক। আমাদের বাড়ির নিকটে মনসাতলার কাছে, সেইরূপ একটি পাঠশালা ছিল। তাহাতে পিতা পড়িয়াছিলেন, সেই পাঠশালে পিতার সহায়্যায় যত্নাধ বহুর এই বৎসরে মৃত্যু হইয়াছে। সাধারণ পাঠশালা হইতে এই সকল পাঠশালার প্রভেদ ছিল যে, এখানে স্ব-গত বা বর্ণভুক্তি শিখিতে হইত এবং ছাপার বই পড়িতে হইত। বাবার বাঙ্গালা শিক্ষার এই স্মৃতিপাত। যদিও পাঠশালার সম্বন্ধে রিপোর্ট লিখিতে গবর্ণমেন্ট ১৮৩৫ খৃঃ অব্দে ঐ আদাম সাহেবকে নিযুক্ত করিলেন; কিন্তু এই সকল পাঠশালার প্রণালী গবর্ণমেন্টের ভাল লাগিল না। রিপোর্টে লেখা হইয়াছে “The plan of Village Schools had been tried at the Chinsurah, Dacca, Bhagalpur, Saugor and in the Ajmeer district; but in every instance, the result was unsatisfactory and discouraging.” ইংরাজীর সঙ্গে সঙ্গে বাঙ্গালা চালান স্থির হইল। ইহার বহু পূর্বে হইতেই চুঁচুড়াতে স্কুল ছিল। “১৮১৪ খৃষ্টাব্দে খৃষ্টান মিশনরি রেবেরেণ্ড মে সাহেব চুঁচুড়াতে একটি মিশনরি স্কুল সংস্থাপন করেন। এতদেশীয় (অর্থাৎ বঙ্গদেশের) ইংরাজি স্কুলের মধ্যে এই স্কুলটি সর্বপ্রথম সংস্থাপিত হয়। মে সাহেব গবর্ণমেন্ট হইতে সাহায্য প্রার্থনা করেন। তাঁহার প্রার্থনা সফল হয়। পরে কোন বিশিষ্ট হেতুবশত সেই সাহায্য রহিত হয়।” তাহার পর প্রান্তঃস্বদেশীয় মহম্মদ মহসিনের বিপুল সম্পত্তির একাংশের সরকার বাহাদুর ষ্ট্রী হইলেন। ১৮৩৬ খৃঃ অব্দে ১৬ শ্রাবণ চুঁচুড়াতে College of Mahammad Mahsin খুলিল। ইহাকেই এখন হুগলী কলেজ বলে, যে দিন খুলিল সেই দিনই পিতা স্কুলে ভর্তি হইলেন। শুনিয়াছি, সেদিন,—কলেজ খুলিয়াছে—ছেলেরা পড়িতে যাইতেছে—দেখিবার নিমিত্ত লোকে লোকাবণ্য হইয়াছিল। তখন ভর্তি হওয়ার কোনরূপ সেলামি ত লাগিতই না, স্কুলের মাহিনাও ছিল না। কাগজ, কলম, কালী, খাতা, পড়িবার সমস্ত পুস্তক, অধ্যক্ষেরা ছাত্রগণকে বিনামূল্যে দিতেন। তখন ছিল শিক্ষাদান, তাহার পর এতকাল চলিল শিক্ষা বিক্রয়, এখন আবার শুনিতেছি শিক্ষার

অতিরিক্ত নাম চড়াইয়া, লাট সাহেব নাকি শিক্ষার গৌরব বৃদ্ধি করিবেন। সম্ভাব্য তিন অবস্থা আর থাকিবে না।

পিতৃদেবকে শিক্ষার অল্প কখন কিছু ব্যয় করিতে হয় নাই। ইহার কিছুকাল পরে তাঁহার পিতামহের মৃত্যু হইয়াছিল। এখনকার দিন হইলে, সেই অসহায় নির্ধন বালকের লেখাপড়াই হয়ত হইত না।

মদনমোহন মৃত্যুর কিছুকাল পূর্বে, পিতার বিবাহ দিয়া যান। তাঁহাদের সংসারে আমার মাতা, মাতামহী এবং প্রমাতামহী ছিলেন মাত্র। শিশু পিতৃদেব, তাঁহাদের অভিভাবক হইলেন, আর তাঁহার স্বস্তি ও স্বাভাবিক অভিভাবিকা রহিলেন। আমরা এখন যে বাড়ীতে কদমতলায় বাস করি, এই বাড়ী তাঁহাদের। আর যে কুটীরে পিতা ভূমিষ্ঠ হন, সেই জায়গাগুলি আমাদের আছে; তাহাতে দুই এক ঘর প্রজ্ঞা এবং একটা শিবের মন্দির আছে। সে স্থানটা গন্ধার অতি নিকটে।

১৮০৬ সালে পিতৃদেব স্থলে ভর্তি হইয়া ছিলেন। ১৮৪৫ সালে জুনিয়ার স্কলারশিপ পরীক্ষাতে, বৃত্তি পাইয়াছিলেন। বোধ করি ৪৬ সালে সিনিয়ার বৃত্তি পান, হুগলী কলেজে মাতৃভাষা শিক্ষা ভালরূপই হইত। পিতৃদেবদিগের সময়েও হইত, আমাদের সময়েও হইয়াছিল। আমাদের সময়ে যে ভালরূপ হইত, তাহার সাক্ষী, ইন্দ্রনাথ বন্দ্যোপাধ্যায় আছেন। মধ্য সময়ে যে হইত, তাহার সাক্ষী বঙ্কিম বাবু ছিলেন। প্রথম সময়ে যে হইত, তাহার সাক্ষী হুগলীর হরচন্দ্র ঘোষ ছিলেন। পিতৃদেব সেই সময় কলেজে অধ্যয়ন কালেই যে ভালরূপ বাঙ্গালা শিখিয়াছিলেন, তাহার ধাতুস্বর সাক্ষী (Medal) আমাদের বাড়ীতে আছে। তাহার এক পিঠে হুগলী কলেজের ছবি, অল্প পিঠে Gangacharan Sarkar. Bengali Essay. 1845. খোদিত আছে। ইতিপূর্বে ইংরাজী-অভিজ্ঞের বাঙ্গালা ভাষার অনভিজ্ঞতার একটা বিজ্ঞপাত্তক গল্প ছিল। লোকে বলে কোকিলের জ্বালিঙ্গ লিখিতে হইলে, তাঁহার নাকি লিখিতেন ‘মেদীকোকিল’। এ দুর্নাম প্রধানত এ কলেজে হরচন্দ্র ঘোষ ও পিতৃদেব কর্তৃক দূরীকৃত হয়। যে ফিরিক্তী বাঙ্গালার লাহুনা এখন অনেকের মুখে শুনিতে পাওয়া যায়, সেই লাহুনা প্রথমে তিনিই প্রচার করিয়াছিলেন। “রাণী! ও মহারাণী! বাহকগণ, বিশেষত তোমার বাহকগণ, হয় খ্যাতিাপন্ন ভাঙ্গতে কুশল কালেজের”। হুগলী কলেজের অধ্যক্ষ সদারলাও সাহেবের বাশবেড়ের রাণীকে লেখা একখানি ইংরাজী পত্রের মোসাবিদা হইতে ঐ কলেজের কেরাণী জীবনকৃষ্ণ বন্দ্যোপাধ্যায় মহাশয় ঐ অতি উজ্জল বাঙ্গালা অম্ববাদ করেন, তাৎকালিক পরম মেধাবী ছাত্র, আমার পিতৃদেব গজাচরণ সরকার তখনই তাহা মুখস্থ করিয়া ফেলেন এবং পরে তাহা কৃষ্ণনগর প্রভৃতি অঞ্চলে তাঁহার অনন্ত গল্পের মধ্যে প্রচার করেন। এই অপূর্ণ ইতিহাস সকলে জানেন

না। অতএব লোকহিতার্থ তত্ত্ব পুত্র, অধ্যক্ষ শ্রীমন্তরায় সরকার, আমি ইহা লোক-  
স্বার্থে অল্প প্রকাশ করিলাম।

ভাষায় রসসঞ্চার হইলে, তখন তাহাকে সাহিত্য বলা যায়, ভাষায় লেখা পড়া সৃষ্টি  
হইবার পূর্বে সাহিত্য সৃষ্টি হওয়া বিচিত্র নহে। সাহিত্যের সর্ব প্রথম অবস্থা গান।  
গানের সঙ্গে কখন কখন ছড়া থাকে। গান ও ছড়া একত্র আমরা পাঁচালি বলি।  
বাঙ্গালার আদি গীতিকাব্য সংস্কৃত-প্রধান গীতগোবিন্দ-জয়দেব। মৈথিলি-প্রধান  
বিজ্ঞাপতি। খাটি বাঙ্গালা-গীতিকাব্য-চণ্ডীদাস। সর্বপ্রধান পাঁচালিকার কুন্তিবাস;  
পরে মুকুন্দরাম ও কান্দীদাস। শ্রীগৌরানন্দের পর হইতেই বাঙ্গালায় এক প্রকার খুচরা  
গল্প সাহিত্যের সৃষ্টি হয়। খুচরা বলিয়া তাহাকে 'কড়চা' বলে। সেইগুলি ছাড়িয়া  
দিলে, প্রথম গল্প লেখক, রাজীবলোচন রায়। তিনি আশ্বাজি ১৭২৫ খৃঃ অব্দে  
কৃষ্ণনগরের রাজবংশের একখানি ইতিহাস প্রণয়ন করেন। দ্বিতীয় গল্প-গ্রন্থকার  
রায়রাম বসু। তিনি প্রতাপ আদিত্যের জীবন চরিত লেখেন। এই দুই গ্রন্থই  
বিলাতে লগুনে ছাপা হয়। এখন দেখিতে পাওয়া যায় না। দুই খানির একখানি  
সমগ্র গ্রন্থও আমরা দেখি নাই। কিছু কিছু অংশ নানাস্থান হইতে দেখিয়াছি মাত্র;  
তৃতীয় গল্প গ্রন্থকার মৃত্যুঞ্জয়\* তর্কালঙ্কার। ১৭৬২/৬৩ খৃঃ অব্দে মেদিনীপুরে মৃত্যুঞ্জয়  
জন্মগ্রহণ করেন। প্রায় তাঁহার জীবনকাল যাবৎ মেদিনীপুরে উড়িষ্যার অন্তর্গত ছিল।  
মৃত্যুঞ্জয় কিন্তু রাষ্ট্রীয় ব্রাহ্মণ; খনের চাটুতি, শ্রীকরের সম্ভান। মেদিনীপুরে তখন  
একভাগ বাঙ্গালা এক ভাগ হিন্দি, এক ভাগ উড়িয়া, সুতরাং মেদিনীপুরে একরূপ  
ত্র্যাহসিক ভাষা প্রচলিত ছিল। মৃত্যুঞ্জয় নাটোর-রাজের সভাপণ্ডিতের নিকট তখনকার  
অর্দ্ধ বাঙ্গালার রাজধানী নাটোর নগরে, বিদ্যালিক্ষা করেন। এবং পরে যৌবনে  
কলিকাতায় বাস করেন। সুতরাং তাঁহার ভাষা একরূপ পঞ্চগব্যায়ী হইবে তাহা আর  
বিচিত্র নহে। তাহাতে দধি দুগ্ধের সহিত, গোমূত্র, গোময়ের অন্তর্ভাব নাই। নাই  
খাকুর, তথাপি হিন্দু সংস্কার বশে আমরা মৃত্যুঞ্জয় গল্প সাহিত্য অতি পবিত্রভাবে গ্রহণ  
করিয়াছি। পবিত্রভাবেই গ্রহণ করিতে পাঠককে অনুরোধ করিতেছি। মৃত্যুঞ্জয়  
কলিকাতার সুপ্রিয়কোর্টে চীক পণ্ডিত ছিলেন। ১৮০০ খৃঃ অব্দে লর্ড ওয়েলেসলি  
সিবিলিয়নদের বাঙ্গালা প্রভৃতি দেশীয় ভাষা শিক্ষার জন্য কোর্ট উইলিয়ম কলেজ প্রতিষ্ঠা  
করিলে, মৃত্যুঞ্জয় সেই কলেজে দেশীয় ভাষা বিভাগের প্রধান পণ্ডিত হইলেন।†

\* এখন দেখিতেছি তাহাকে মৃত্যুঞ্জয় বিদ্যালঙ্কারও বলে।

† Lord Wellesley, finding the Civil Servants imperfectly acquainted with the  
language of the country, established the College of Fort William in Calcutta,  
in the year 1800...Able pundits were retained: and various works in Bengalee



মৃত্যুঞ্জয় “প্রবোধ চন্দ্রিকা” ও “রাজাবলী” নামে দুইখানি গ্রন্থ প্রণয়ন করেন । এবং সংস্কৃত হইতে পুরুষপরীক্ষা ও হিন্দি হইতে “বজ্রিণ সিংহাসন” অম্বুবাদ করেন । ১৮৩৫ সালে প্রথম কাউন্সিল অফ এডুকেশন বসিল ।\* পনের জন সভ্যের মধ্যে রাজা রাধাকান্ত দেব বাহাদুর ও প্রসিদ্ধ বসময় দত্ত এইজন মাত্র বাঙ্গালী ।

বঙ্গবিষেবী মেকলে সাহেব এই সভার সভাপতি । সেই বৎসরেই মৃত্যুঞ্জয়ের মৃত্যু হইল । কিন্তু তাঁহার ‘প্রবোধ চন্দ্রিকা’ ও ‘পুরুষ পরীক্ষা’ স্থল কলেজে পাঠ্য বলিয়া গৃহীত হইল । এই দুই গ্রন্থই কলেজে অধ্যয়ন কালে পিতার ও তাঁহার সহাধ্যায়ীদের প্রধান সম্বল ছিল । ঐ প্রবোধ চন্দ্রিকার ভাষার একটু নমুনা দিতেছি । “ভোজপুরে বিশ্ববঞ্চক নামে একজন থাকে, তাঁহার ভাষার নাম গতিক্রিয়া, পুত্রের নাম ঠক । সে ব্যক্তি ঘরের ঘটেতে ছাই ধুলা অঙ্কার পুরিয়া, উপরে এক আধ সের ঘি দিয়া, দেশে দেশে শহরে শহরে অনিয়মিত বেশে ভ্রমণ করিয়া ঘড়া শুদ্ধ তৈলাইয়া দিয়া সম্পূর্ণ মূল্য লয় । কেহ যদি ঘড়া ভাঙ্গিয়া দুই তিন সের ঘৃত লইতে চাহে, তবে তাহাকে দেয় না, বলে যে এ হৈয়ঙ্গবীন অভ্যন্তর ঘৃত, দেবতাদের হোমের উপযুক্ত, আমি এ ঘড়া হইতে তোমাকে কিছু দিতে পারি না ।...বিশ্ববঞ্চকের এই বাক্য শ্রবণ করিয়া ক্রেতারা কেহ কহে আমার অল্প ঘৃতের প্রয়োজন, দুই এক সের আজ্য যদি দিতে তবে লইতাম, অধিক হবির কার্য্য নাই ।... ( বিশ্ববঞ্চক ) তাদৃশ সর্পিকৃষ্ট মস্তকে করিয়া ভ্রমণ করত ক্লান্ত হইয়া ঐ তরুমূলে উপস্থিত হইল ।” পাঠক দেখিবেন হৈয়ঙ্গবীন, আজ্য, হবি, ঘৃতের এই তিনটি প্রতিশব্দ বক্তাদের অবস্থোচিত না হইলেও কেবল ছাত্র শিক্ষার্থ প্রয়োজনীয় বলিয়া প্রযুক্ত হইয়াছে । আর এক স্থানে দেখুন ;—

“উজ্জয়িনীপতি মহারাজ কাশ্মীর তুরঙ্গমৌ কথার সমস্ত তাৎপর্য্য অবগত হইয়া কালিদাসকে হস্তে ধরিয়া বেলাবসানে উপবনে চলিলেন । উজ্জানে গিয়া যাতি, যুথী, মালতী, মল্লিকা, নবমল্লিকা, শেফালিকা, পাটল, সেবস্তিকা, নাগকেশরী, পুন্নাগ, সরোজ, কুমুদ, কল্লার, কেতকী, চম্পক, কনকচম্পক, টগর, গন্ধরাজ, বক, করবীরাদি, পুষ্পমালঞ্চ শোভাদর্শনে ও ভ্রমরগণগুঞ্জিত কোকিলাদির গানেতে ও স্থনীতল স্রগন্ধি

and other language, were compiled and printed : and thus a new impulse was given to the improvement of the country. The learned Mrityunjoy, a native of Orissa, was appointed chief of the Native Department, and reflected high honour on the institution by his great talents etc. etc. etc.

Marshman's History of Bengal Section XVIII page 252.

\* হুগলী কলেজ প্রথম হইতেই এই কৌনসিলের তত্ত্বাবধায়নে রহিল ।

The Superintendence of the general Committee, now called the council of Education, was confined to the institutions in Calcutta, including the college at Hoogly and its Branch Schools.

মন্দ মন্দ বায়ু স্বত্বেপর্শেতে ও শিষ্টালাপায়িত রসধারাতে পরমাণ্যায়িত কালিদাসকে সানন্দচিত্তে প্রতিভ্রত পারিতোষিক লক্ষ স্বর্ণ মূদ্রা দিয়া স্বস্থানে বিদায় করিয়া স্বয়ং সন্ধ্যাদি নিত্য ক্রিয়া করিতে দেবালয়ে গমন করিসেন।" এখানেও দেখিবেন কতকগুলি নায় শিখাইবার চেষ্টা হইয়াছে।

মৃত্যুঞ্জয় নবাকুরিত বঙ্গ গদ্যসাহিত্যের একজন প্রথম পথ প্রদর্শক। তাঁহার আশ্চর্য্য প্রতিভাবলে তিনি স্বয়ং ভাষার সকলরূপ গতি, সকলরূপ পদ্যা স্বয়ং দ্বিবা চক্ষে দেখিতে পাইয়াছেন এবং সকলকে দেখাইয়া দিয়াছেন। নানারূপ রচনাভঙ্গি প্রবোধচক্রিকার বিরাজমান। এক এক স্থানের রচনা ভঙ্গিতে স্তম্ভ হইতে হয়। "শার্দূলের ভয়ঙ্কর গর্জনাকর্ণন বিসঙ্কট-বদন-ব্যাধন বিকট-দংষ্ট্রা-কড়মড়ি, ঘন ঘন লাক্সলাঘাত চট চট শব্দ ভীম লোচনধয়ের ঘূর্ণনেতে অত্যন্ত সংক্ৰান্ত" বাস্তবিকই যেন পাঠককে হইতে হয়। আবার "তরুণী-স্তন-সুন্দর-ইন্দীবর কৈরব-কোরক সুন্দরী-মুখ-মনোহর আন্দোলিত ফুল্লরাজীব নির্মল সুস্নিগ্ধ জল পুঙ্খরিণী তটস্থলে বট বিটপী ছায়াতে নিদ্রাধিকালীন দিবাবসান সময়ে" যেন সত্য সত্যই আমরা শীতল সমীরণ সঞ্চারে সুস্নিগ্ধ হই। মৃত্যুঞ্জয় বঙ্গগণের একজন আদি গ্রন্থকার বলিয়া সামান্য নহেন, তাঁহার রচনায় আমরা এখনকার শাখা প্রশাখাময়ী বঙ্গভাষার সকল অঙ্গের অঙ্কুর দেখিতে পাই।

অন্ততঃ পাঠ্য পুস্তক পুরুষ-পরীক্ষা। এখানি বিজ্ঞাপতি রচিত সংস্কৃত গ্রন্থের অম্বুবাদ। এই গ্রন্থের কোন না কোন অংশ প্রতিবর্ষে প্রবেশিকা পাঠ্য বলিয়া নির্দ্ধারিত হওয়াতে উহা সর্ব পরিচিত হইয়াছে, স্ততরাং ঐ পুস্তক সম্বন্ধে আর কিছু বলিব না।

মৃত্যুঞ্জয় যে সময়ে অপোগণ্ড বঙ্গগণের লালন পালন ভার গ্রহণ করেন, তৎকালে সত্য সত্যই ভাষা পিতৃমাতৃহীনা বালিকার মত অনাদৃত ধূল্যবলুষ্ঠিত বিষয়ী ব্যক্তির অবহেলায় ভ্রিন্নমাণা, সংস্কৃত পণ্ডিতমণ্ডলীর ঘৃণায় অবজ্ঞায় বোকাহীন। সেই সময়ে মৃত্যুঞ্জয়ের মত প্রতিভাশালী পণ্ডিত "তুমি সমস্ত প্রাকৃত ভাষার মধ্যে উৎকৃষ্ট ভাষা" বলিয়া আদর করিয়া, গৌরব বাড়াইয়া, মুখ চুষন করিয়া, কোলে না লইলে এবং ক্রমাগত শৈশবকাল কোলে পীঠে করিয়া মাছুর না করিলে, আজি এই সাগর তরঙ্গের তেজধারিণী, অক্ষর ভূষণে ভূষিতা, হেম-ভূষণে জড়িতা, বস্ত্রিম-ভঙ্কিমা-শালিনী অপূর্ণ দেবীমূর্ত্তি দর্শন করিয়া পবিত্র শ্রীচরণে ভক্তির পুষ্পাঞ্জলি প্রদান করিয়া আপনাদিগকে কৃতার্থ করিতে পারিতাম না।

কলেজে বাঙ্গালা শিক্ষার জন্ত ঐ দুখানি প্রধান পুস্তক ছিল। তদুত্তিন্ন পিতৃদেব সংস্কৃত হিতোপদেশ কালেজেই শিক্ষা করিয়াছিলেন। হিতোপদেশের সেই সংস্করণে ইংরাজী ও বাঙ্গালা অম্বুবাদ ছিল। এই গ্রন্থ ১৮৩০ সালে ছাপা হয়। সংস্কৃতভাগ

লক্ষ্মীনারায়ণ জ্যাকালকারের তত্ত্বাবধানে ছাপা হয়। ইংরাজী অল্পবাদক কে তাহা বলিতে পারিনা। ম্যাক্সমুলার বলিতেছেন,—

“The reason why I preferred the text of Lakshmi Narayan Nyalankar, the Bengali editor and translator of this Indian School-book, to any single Ms. of the Hitopadesa, was, as I stated before, of a purely practical nature—I wished there should be, as far as possible, a certain uniformity in the text-books used in England and in India.”

সেই সময়ে বটতলায় ছাপান ছাড়া বাঙ্গালায় আর কোন পুস্তকগ্রন্থই প্রকাশিত হয় নাই। বটতলার কাশীদাস, কুন্তিবাস, বজ্রিশ-সিংহাসন,—সংস্কৃত এবং বাঙ্গালা পুস্তক অল্পবাদিত অদ্ভুত রামায়ণ, শিবুরায়ের কুমারলীলা প্রভৃতি সকল পুস্তকগ্রন্থই পিতৃদেব পাঠ করিয়াছিলেন। ভারতচন্দ্র একরূপ অভ্যস্তই ছিল। তখন ইংরাজী সাহিত্য, বিজ্ঞান, দর্শন, ইতিহাস প্রভৃতির কিরূপ চর্চা হইত, তাহা নিম্নোক্ত কালেজের উচ্চতর ও নিম্নতর শ্রেণীর পাঠ্যপুস্তক দেখিলেই বুঝিতে পারা যায়।

## SENIOR CLASSES

### LITERATURE

Milton.

Shaksepeare.

Bacon's Essays.

„ Advancement of Learning.

„ Novum Organum.

### MORAL PHILOSOPHY AND LOGIC.

Smith's Moral Sentiments.

Steward's Philosophy of the Mind,

Wheateley's Logic,

Mill's Logic.

### HISTORY.

Hume's England.

Mill's India,

Elphinstone's India.

Robertson's Charles V.

## MATHEMATICS.

Potter's Mechanics.

Evan's three Sections of Newton.

Hymer's Astronomy.

Halls's Differential and Integral Calculas.

## JUNIOR CLASSES.

### LITERATURE.

Richardson's Selections from English Poems,

Addison's Essays.

Goldsmith's Essays.

MORAL PHILOSOPHY AND LOGIC,

Aborcrombies Intellectual Powers.

„ Moral Powers.

Wheateley's Easy Lessons in Resoning.

### HISTORY.

Russell's Modern Europe.

Tytler's Universal History,

## MATHEMATICS.

Euclid, Six Books,

Hind's Algebra.

„ Trigonometry.

১৮৪৫ সালে তৎকালিক ইংরাজি কৃতবিজ্ঞগণের মধ্যে বাব্বালা রচনায় সর্বোৎকৃষ্ট হইয়া পিতা যে মেডেল পাইলেন, তাহা হইতেই তাঁহার চাকরীর নৃত্যপাত হইল। ১৮৪৬ সালে তিনি সিনীয়ার স্কলারশিপ মাসিক ৪০ টাকা পাইতেছিলেন, আর চুঁচুড়াতে এবং কলিকাতায় আইন পড়িতেছিলেন। তখন আইনের সকল বিষয়ে অধ্যাপনা হুগলী কলেজে হইত না, কোন কোন বিষয়ের শিক্ষা কলিকাতায় গিয়া করিতে হইত এবং পরীক্ষা কলিকাতাতেই হইত। এই সময়ে নদীয়ার কালেক্টারির সেরেস্তাদারী পদ শূন্য হইল। কালেক্টার আলেনজোয়নি সাহেব মেডেলিট গলাচরণকে নিয়োগপত্র দিয়া সে পদে একেবারে লইয়া গিয়া বসাইয়া দিলেন। ১৮৪৬ সালে

স্বাস্থ্য গচ্ছাচরণ সরকার বাহাদুর কোথায় কত বেতনে কি কর্তৃক করেন,—ভাষায় ভাষিকী

কোন অফিসে	কর্তৃক	মাহিনা	অতিরিক্ত মাহিনা	কাহারস্তর তারিখ	কত বৎসরের চাকরী	কাহারস্তর তারিখ	মন্তব্য
নবীম জেলার কালেক্টরীতে ই	সেরেস্তাদার	৭৫		২৩শে মে, ১৮৭৬	৩ বৎসর	অজ্ঞাত	
কুন্সনগর কলেজ	শেখার	৫০		অজ্ঞাত	১৮ দিন	ই	
নবীর জঞ্জের কোর্ট	হেড কেরানী	৪০		ই		ই	
দেওয়ানী	মুন্সেফি (হাসখালি)	১০০		১৩ই জুন, ১৮৭২		১২ জুন ১৮৭২	
	উলা বা বীরনগর						
	রাপাখাট পানিঘাটা						
	পূর্ণিমা জাহানাবাদ ও						
	সাতক্ষীরা						
আলিপুর	মুন্সেফর বনের বন্দোবস্ত	১০০		২৪শে ফেব্রুয়ারি	১২ বৎসর	২৩শে ফেব্রুয়ারী ১৮৬২	
	ডেপুটিকালেক্টর	২০০		১৮৬২	৮ মাস ১১ দিন		
দেওয়ানী	মুন্সেফর জরীপুর	১৫০		৪ঠা জুন, ১৮৬৩	১-৩-৬	৩য় জুন ১৮৬৩	
ই	একটি নী সদর মুন্সেফ ও					১২শে জুলাই ১৮৬৪	
	সদর আমিন ;						
	সাহাবাদ, (আরা)	২০০	২৫	২০শে জুলাই	১-১-২৩	২২শে সেপ্টেম্বর ১৮৬৫	
ই	সদর আমিন ও সদর	২৫০ পরে		৪৬			
	মুন্সেফর মুনিয়াবাদ	১৮৬৭ সালের		২০শে সেপ্টেম্বর			
		প্রারম্ভ হইতে		১৮৬৬			
চাকর	একটি নী প্রধান সদর	৪০০	৭৫	২০শে মার্চ	৪-৬-১২	২৮শে মার্চ ১৮৭০	
	আমিন	২৫০		১৮৬৭	৬ মাস		
কটক	ই হোট আমলাতের	৪০০	১৫৫	১৪ই অক্টোবর	৩ মাস		
	জজ ;			১৮৭১			

এই সময় হইতে তিনি এই সকল স্থানে একটিনীকরণে কার্য করিয়াছিলেন।

ভাগলপুর

চব্বিশশরণী আলিপুর

যশোর

চট্টগ্রাম, যশোর ও ঢাকা

ঐ সব জন্ম ;	১০০,	১৫৬,	৫ই এপ্রেল ১৮৬২	২ মাস	
ঐ ই	৪০০,	১৫৬,	২২শে জুন ১৮৭০	৩ মাস	
একটিনী ছোট আমাকতের জন্ম	৪০০,	১৫৬,	৩১শে ডিসেম্বর ১৮৬২	৩ মাস	
সাব জন্ম ;	৬০০, ২২শে মার্চ, ১৮৭০, ইইতে ; ৭০০, ৮ই জুলাই ১৮৭২, ইইতে ; ৮০০, ওরা আগষ্ট ১৮৭৪ ইইতে ; এবং ১০০, ১৩ই অক্টোবর ১৮৭২ ইইতে ।		২২শে মার্চ ১৮৭০	১২-৯-২	এই সময় ইইতে তিনি এই সকল স্থানে স্থায়ীভাবে কার্য করেন ।
					৩১শে ডিসেম্বর ১৮৮২ সালে তিনি কার্য ইইতে অবসর গ্রহণ করেন ।
				৩৬-৭-৭	

২৬শে মে এই নিয়োগ হইল। সুতরাং বহুদিন স্থলারসিপ্ ভোগ করা, পিতৃদেবের ভাগ্যে হয় নাই। সেই ২৬শে মে ১৮৪৬ সাল হইতে, ১৮৮২ সালের ৩১শে ডিসেম্বর পর্যন্ত ৩৬ বৎসর ৭ মাসের কিছু অধিক কাল সমানে একটানে তিনি সরকারী চাকরী করেন। ৭৫ টাকায় আরম্ভ করেন; শেষের তিন বৎসর হাজার টাকা পাইয়া, চাকরী শেষ করেন। কোথায় কতদিন চাকরী করেন এবং কোন সময় হইতে কত কাল কিরূপ বেতন পান এবং কখন পদোন্নতি এবং বেতন বৃদ্ধি হয়, তাহার একটি ফর্দ আমরা এই স্থানেই যোজন্য করিয়া দিলাম। বঙ্গসাহিত্য চর্চার কথা পক্ষে ক্রমে বলিব।

নিয়োগ আরম্ভ। ১৮৪৬, ২৬ মে।

নদীয়ার কালেক্টারীর সেরেষ্টাদার—বেতন ৭৫,

” ” পেঙ্চার ” ৫০,

কৃষ্ণনগর কলেজের শিক্ষক ” ৪০,

” জজ আদালতের হেডক্লার্ক ” ১০০,

নিয়োগ শেষ। ১২ জুন, ১৮৪২।

অর্থাৎ তিন বৎসর আঠার দিন পিতৃদেব কৃষ্ণনগরে থাকেন ও আমলাগিরি ও শিক্ষকতা করেন। এই কালের মধ্যে একদিনও বিরাম ছিল না। এক নাগাড় চাকরী ছিল। এই সময়ের অর্থাৎ কৃষ্ণনগরে পিতা যখন ছিলেন তখনকার একটি হাঙ্গর ঘটনার কথা এইস্থলেই লিপিবদ্ধ করিলাম। কৃষ্ণনগরে জনকয়েক ভদ্রলোক জুটিয়া আপোষে সর্ভি খেলিতেছিলেন, কতকগুলি কাপড় চোপড় ‘মাল’ ছিল। দুইজন দুইটি হাঁড়ি হইতে ‘টিকিট’ তুলিতেছিলেন। কাহারও কাহারও নাম ডাকার পর মাল উঠিতেছিল। কিছুক্ষণ পরে একটি হাঁড়ি হইতে টিকিট একখানি তুলিয়া একজন পড়িলেন ‘গঙ্গাচরণ সরকার’ অল্প হাঁড়ী হইতে আর একজন শাদা কাগজের মোড়া খুলিয়া বলিলেন ‘ফর্সা’। পিতা, মহা আনন্দে হাস্য করিতে লাগিলেন। কারণ জিজ্ঞাসা করিলে বলিলেন “আমার বাপ মায় আমায় আদর করিয়াও কখন ‘ফর্সা’ বলেন নাই। আমি এমন সভামধ্যে ‘ফর্সা’ সাবাস্ত হইলাম, ইহা অপেক্ষা আনন্দ আর কি হইতে পারে?” পিতৃদেব কৃষ্ণনগরে গেলে পর, ১৮৪৬ সালে ২৭শে অগ্রহায়ণ চুঁচুড়ার বাড়ীতে আমার জন্ম হয়। আমার জন্মের সময় বা অন্নপ্রাশনের সময় পিতৃদেব বাড়ী আসিতে পারেন নাই। ছুটি পান নাই। এই তিন বৎসরের মধ্যে আইনের শেষ পরীক্ষা দিয়া ছিলেন। শেষ পরীক্ষায় পাসের ফল, সদর দেওয়ানির ওকালতী বা মুনসেফী। ১২ই জুন, ১৮৪২ কৃষ্ণনগরের জজ আদালতের হেডক্লার্কের কর্ম শেষ হইল। ১৩ই জুন ১৮৪২ অর্থাৎ পর দিন হইতেই, মুনসেফী চাকরী আরম্ভ

হইল। মুনসেফ হইলেন ঐ নদে জেলারই-চৌকি হাঁসখালির। কাছারী হাঁসখালিতে হইত না, হইত উলায় বা বীরনগরে। ১৮৫৬ সালে উলায় মহামারী পড়িল, তেমন মহামারী ইদানীং দেখা যায় না। উলা তখন খুব গণ্ডগ্রায় ছিল বটে, কিন্তু প্রত্যাহ দুই তিন শত করিয়া লোক মরিলে গ্রামের গৌরব আর কতদিন থাকে ? ঐ বৎসর পূজার ছুটির পর, পিতৃদেব কাছারী উঠাইয়া রাণাঘাটে লইয়া আসেন। সেই অবধি এখনও রাণাঘাটে মুনসেফি আছে।

মহামারীর পূর্ব পর্য্যন্ত উলা অতি সভ্য স্থান ছিল। বহুতর ভদ্র লোক এই স্থানে বাস করিতেন। কাষস্থ পরিবারের সংখ্যা আঙ্গুলে গণা যাইত, কিন্তু সেই কাষস্থগণের মধ্যে শ্রীযুক্ত চন্দ্রশেখর বসু ছিলেন। তখন হইতে তাঁহার বান্ধালা ভাষায় গ্রন্থ লিখিতে প্রবৃত্তি ছিল, তাহার পরে ‘অধিকার উক্ত’ ‘বেদান্ত’ ‘সৃষ্টি’ প্রভৃতি নানা প্রসিদ্ধ গ্রন্থ প্রণয়ন করেন। সৌভাগ্যের বিষয় তিনি এখনও জীবিত আছেন। রাষ্ট্রীয় ব্রাহ্মণের সংখ্যা বহুতর ছিল। মাঝের পাড়ায়, উত্তর পাড়ায় কতকগুলি বারেন্দ্র ব্রাহ্মণও ছিলেন। আর বহুতর নবশাখ ও শৌণ্ডিক প্রভৃতি পতিত জাতি ও পটো, বাইতী, চুয়রী প্রভৃতি ইতর জাতি অনেক লোক ছিল। উলায় বামনদাস বাবুর তখন প্রবল প্রতাপ। প্রতাপে বাঘে গোকুলে জল খায়, তিনি স্বয়ং অতিশয় ক্রিয়াবান পুরুষ ছিলেন। বার মাসে তের পার্কণ ও নিতা নিয়মিত অতিথি-শালাও ছিল ; স্নানযাত্রা, বধ, ও জগদ্ধাত্রী পূজায় মহা ধুমধাম হইত। বধের আট দিন দিবা-রাত্রি একদিকে যেমন নাচ, গাওনা, যাত্রা, কবি হইত, অন্যদিকে সেইরূপ মধ্যাহ্ন হইতে মধ্যরাত্রি পর্য্যন্ত “দীপ্ততাং ভুজাতাং” শব্দে ভূরি ভোজন চলিত। স্নানযাত্রার সময় সত্যসত্যই অঙ্গ, বঙ্গ, কলিঙ্গ, কাশী, কাবী, মহারাষ্ট্র, দ্রাবিড় হইতে নিমন্ত্রিত ব্রাহ্মণ পণ্ডিতগণের সমাগম হইত। তখন রেল হয় নাই, ষ্টীমার চলাচল ছিল না ; সেই সময়ে দূরদেশাগত এক একজন ব্রাহ্মণ পণ্ডিতের জন্ত কত যে পাথের ব্যয় হইত, তাহা সহজে অনুমান করা যাইতে পারে। আগি তখন অতি বালক, এখন জু-বাগানে গিয়া যেমন সিংহ দেখি, উলায় আগত দ্রাবিড়ী, স্ববাটী ব্রাহ্মণ পণ্ডিতকে তখন সেইভাবেই দেখিতাম ; সেইজন্য বেশ মনেও আছে।

উলায় তখন সঙ্গীতের চর্চা খুব ছিল, প্রসিদ্ধ গান-বিলাস মহাশয়ের পুত্র, হরচন্দ্র তখন বিগ্গমান। দুই তিনজন ভাল মৃদঙ্গী ছিলেন ; দ্বীনে ঢুলী ছিল ; কয়জন বেশ ভাল সানাইওলা ছিল, নাম মনে পড়িতেছে না। অধিকাংশ ভদ্র লোকই মিষ্টভাষী, সদালাপী ও স্বরসিক ছিলেন। এখন যেমন দশজন এক সঙ্গে একস্থানে বসিলেই, বৃষ্টি হইল না, কুয়াসায় আম কাটিয়া গেল, ইউনিভারসিটি বিলে সর্বনাশ করিল, বন্ধচ্ছেদে উত্তমাক্ষ ছেদ হইল, ছেলে বেটা অবাধ্য, চাকর বেটা কেবল ঘুমায়,—



অকারণ সকারণ—সময়ে অসময়ে—এইরূপ কথারই জল্পনা হইয়া থাকে, তখন সেরূপ কদাচিৎ হইত। তখন দশজন একত্র হইলে, সঙ্গীতের চর্চা হইত, খোস গল্প চলিত ; কেহ কেহ বা বড় বড় কেসসা, কাহিনী বলিলে, সকলে শুনিত, সেই গল্পের রস উপভোগ করিত, আনন্দ পাইত, আনন্দ দান করিত। সন্ধ্যার পর পিতৃদেবের বাসায় মহা মজলিস হইত। মন্ত্রণাগৃহ নহে ; দুঃখ-দারিদ্র জ্ঞাপনের স্থান নহে ; পরনিন্দা, পরকুৎসা প্রসার করিবার কেন্দ্র নহে ; দুর্ব্বিসহ রাজনীতি চর্চা করিবার ক্ষেত্র নহে ; রাণ্ডির ত্রাণ্ডির প্রমোদভবন নহে ; কিন্তু মজলিস, ভোরপুর মজলিস—গম্গমে মজলিস। জুলুস শব্দ হইতে মজলিস। জলসা শব্দে উজ্জলতা। সেই মজলিস কতই না উজ্জল ! তাহাতে আনন্দই কত ! সেরূপ হাসির গরুরা, সেরূপ আনন্দের উচ্ছ্বাস—আর ত এখন কোথাও দেখিতে পাই না। ছেলে-পুলেরা কখন দেখিতে পাইবে কিনা তাহাও বলিতে পারি না।

এই শাস্ত্র মজলিসে বিদ্বদ্ভ সঙ্গীতের সঙ্গে সঙ্গে, বঙ্গসাহিত্যের চর্চা বিশেষরূপে হইত। সেই সময়ে বিভাসাগর মহাশয়ের বেতাল পঁচিশ, জীবনচরিত—প্রকাশিত হইল। তিনি “কৃষ্ণনগরের মূলপুস্তক দৃষ্টে” ভারতচন্দ্রের অন্নদামঙ্গল, বিভাসন্দর, মানসিংহ প্রকাশিত করিলেন। তারশঙ্করের কাদম্বরী প্রকাশিত হইল। এই সকল পুস্তক এবং সেই সময়ের অগাধ পুস্তক—ভাল অক্ষরে ছাপায়, ভাল সংস্করণে, যেমন প্রকাশিত হইত, পিতা একখণ্ড ক্রয় করিতেন ; আর এই সাক্ষা সম্মিলনে পঠিত, আলোচিত, আন্দোলিত হইত। সেই সাহিত্যের আন্দোলনে আনন্দের ফুয়ারা উঠিত।

আমার মনে পড়ে যেদিন তারশঙ্করের কাদম্বরীর প্রথমে পাঠ আরম্ভ হইল। [শ্রীরামচন্দ্র বিবাহ করিয়া অযোধ্যায় আসিতেছেন, পশ্চিমধ্যে বাঙ্গালীকি সগৌরবে পবনরাশির অবতারণা করিয়াছেন। যৌবনে তাহা পাঠ করিয়াছিলাম, সে গৌরবও বোধ হয় ভুলিতে পারি। প্রৌঢ়ে রসিকদাস কীৰ্ত্তনিয়া মহাগৌরবে, মহাআড়ম্বরে জয়দেবের ‘বদন’ গানের অবতারণা করিয়াছিল, তাহাও হয় ত ভুলিয়া যাইব, কিন্তু বাল্যে সেই যে পিতৃদেব কর্তৃক কাদম্বরীপাঠ, তাহার গৌরব, তাহার মর্যাদা কিছুতেই ভুলিতে পারিব না। সেই যে শ্রোতৃবর্গ বাঙলিনীপ্তি না করিয়া তামাক টানিতে ভুলিয়া গিয়া, হুকা হস্তে, বিস্ফারিত নয়নে, একমনে এক ধ্যানে, পিতৃদেবের মুখপানে চাহিয়া আছেন, আর ঘেন সর্বাঙ্গে কাণ পাতিয়া, সেই কাদম্বরী স্বধা পান করিতেছেন, সাহিত্য-সেবার সেরূপ জাঁক-পসার, সেরূপ তন্ময়তা, সেরূপ একাত্মতা, কখন ভুলিতে পারিব না। মনে পড়িতেছে, “পূর্বকালে শূত্রক নামে অসাধারণ ধীশক্তিসম্পন্ন অতি বদান্ত এক নরপতি ছিলেন। বিদিশানারী নগরী তাঁহার রাজধানী ছিল। যে স্থানে বেত্রবতী নদী, বেগবতী হইয়া তাগীরখীর উপর উপহাস

করত, ইত্যাদি ইত্যাদি।” বাবার সেই গানভরা আওরাজ, প্রাণভরা উৎসাহ, আনন্দপূর্ণ চক্ষু, আর শ্রোতাদের সেই ঐকান্তিক আগ্রহ, সকলেই মনে পড়িতেছে। তখনকার সাহিত্য-সেবা যেন দেবতার পূজা। এখনকার আমাদের সাহিত্য-সেবা যেন এনাটমিক্যাল ডিসেকশন্। অস্থিমাংস চর্খের ব্যবচ্ছেদ। একখানি সাহিত্য গ্রন্থ পাইলে, আমরা করি কি, দুই ছত্র পড়িতে না পড়িতেই সমালোচনার ছুরি বাহির করিয়া, তাহার ভাষা চিরি, তাহার ভাব চিরি, তাহার অলঙ্কার চিরি, ইতিহাস চিরি, খণ্ড খণ্ড করি, তাহার পর আবার বোতলে পুরিয়া মেডিক্যাল কলেজে পাঠাইয়া দিই। বলি, আমি ত সামান্য ডাক্তার, এই করিয়াছি; তুমি সাহিত্য-জগৎ,—কেমিক্যাল এক্সামিনার, রাসায়নিক পরীক্ষক,—তুমি একবার এসিড দিয়া, ঘৃণা দিয়া, অবজ্ঞা দিয়া পরীক্ষা করিয়া দেখ না কেন, ইহার মধ্যে কি আছে? আমাদের এখনকার কালের সাহিত্য-সেবা এইরূপ, আর তখনকার সেই কাদম্বরী পাঠ যেন বারাগসীর বিধেধরের আরাতি। সাহিত্য তখন উপভোগের সামগ্রী, আরাধনার বস্তু। কত আয়োজনে, কত যত্নে, কত পরিশ্রমে, তখন সাহিত্য-সেবা হইত। সাহিত্য-সেবায় লোক ভক্তিতে গম্ভীৰ্ব হইত, আনন্দে অশ্রু-পরিপ্লাবিত হইত। ভক্তি, আনন্দ, উচ্ছ্বাস এই সকল লইয়া তখন সাহিত্য-সেবা, সাহিত্যচর্চা, সাহিত্যপূজা। এখনকার মত ছুরি কাঁচি বরষা লইয়া সাহিত্য ভেদ, সাহিত্যবেধ, সাহিত্য-ব্যবচ্ছেদ, তখন ছিল না! হায়! আমরা কি সাহিত্য-সেবাই শিখিয়াছি!!!

পিতৃদেব স্বয়ং উদ্যোগী হইয়া, অধিনায়কতা করিয়া, তৎকালিক শিক্ষা-বিভাগ পরিচালিত করিয়া উলা গ্রামে তিনটি বাঙ্গালা পাঠশালা ও একটি ইংরাজি বিদ্যালয় স্থাপিত করেন। এইজন্য তাঁহাকে সভা করিয়া বক্তৃতা করিতে হইয়াছিল। তখন ইংরাজিতে রামগোপাল ঘোষ বড় বক্তা। কিন্তু ইহার পূর্বে স্থল স্থাপনের জন্য বা এইরূপ কোন কারণে কেহ যে বাঙ্গালা ভাষায় বক্তৃতা করিয়াছিলেন, এমন কথা শুনি নাই। সেই বক্তৃতার উদ্বোধনভাগের নমুনা দিতেছি।

“অন্ত রজনী কি সুখদায়িনী! যে রজনীতে আমরা বৈষয়িক ব্যাপারের ব্যস্ততা হইতে নিরন্ত হইয়া ক্ষণিককাল সুখে সম্বরণ করণ কারণ এক সাতিশয় সদালোচনার প্রবৃত্ত-চিন্ত হইয়াছি। যে রজনীতে এই বীরনগরের ভারী মৌভাগ্যের সমুন্নতি-হেতু অত্রতা সাধু ও সমৃদ্ধ জনসমাজের সমাগমন হইয়াছে। যে রজনীতে মদীয় বহুদিবঙ্গীয় মনোরথ পূর্ণ হওনের বিলক্ষণ স্নলক্ষণ সমীক্ষণ করিয়া মন্থানস আনন্দ-সাগরে নিমগ্ন হইতেছে।”

বিলক্ষণ, স্নলক্ষণ, সমীক্ষণ, লিখিতে গিয়া পিতার পৌজ হাসিলেন। সে কথা ত পোপ সাহেব বলিয়াছিলেন,—

"We think our fathers fools, so wise we grow,  
Our wiser sons shall surely think us so."

ভাষা পুরুষে পুরুষে পরিবর্তন হইতেছে। ঈশ্বর গুপ্তের গল্পে, মৃত্যুঞ্জয়ের স্থানে স্থানে, তারানাথের সমস্ত, এইরূপ বিলক্ষণ স্থলক্ষণ অল্পপ্রাসে ভরা। তখন বাঙ্গালা গল্পের শিশুকাল। তখন পায়ে দিবে চারি গাছা মল,—কোমরে দিবে বোরপাটা, নিমকল,—কাণে দিবে বীরবোলি,—পিঠে ঝুলিবে কাঁপা,—হাতে দিবে বাজুবন্দ,—মাথায় দিবে পুঁটে—বেড়াবে ছুটে ছুটে,—তখন কি অলঙ্কার এড়ান যায়? না বালচাপলোর নিবৃত্তি হয়? তাহা ত হয় না। হিন্দী, মহারাষ্ট্রী, উড়িয়া, মাগধী এখনও অলঙ্কারের ছটা লইয়া বিরত। আমরা যে কাটাইয়া উঠিয়াছি, আড়ম্বরশূন্য, অলঙ্কারশূন্য, সহজ, সরল, অথচ সতেজ, সুন্দর গল্প লিখিতে আমরা যে পারি, সেই ত বাঙ্গালির কৃতিত্ব, সেই ত বাঙ্গালির গৌরব। তাহাই ত বাঙ্গালির মহতী কীর্তি।

এই তিনটি বাঙ্গালা স্কুলে প্রায় ৫০০ ছাত্র হইল। সংস্কৃত কলেজ হইতে কাব্য-সাহিত্যে উত্তীর্ণ এক জন করিয়া ছাত্র প্রধান শিক্ষক, অর্থাৎ হেড পণ্ডিত। নিম্নতর শ্রেণীর জ্ঞান এক জন করিয়া গুরুমহাশয় আর এক জন করিয়া জরিপ ও পরিমিত-অভিজ্ঞ বাঙ্গালা শিখাইবার পণ্ডিত। তখন বাঙ্গালা দেশে নন্দাল স্কুল স্থাপিত হয় নাই, জরিপ জানা দ্বিতীয় পণ্ডিতদের বড়ই অভাব হইল। উলারই একটি ক্ষেত্র লোককে পিতা জরিপ শিখাইতে লাগিলেন। সঙ্গে সঙ্গে তাঁহাকে দক্ষিণ পাড়ার দ্বিতীয় শিক্ষকের পদে নিযুক্ত করিলেন। দক্ষিণ পাড়ার বারইয়ারী পুজার বৃহৎ আট-চালায় ঐ বাঙ্গালা স্কুল হইত। সেই আটচালা আমাদের বাসার অতি নিকটে ছিল। ঐ দ্বিতীয় শিক্ষক মহাশয় স্কুলের সময়ের পূর্বে এবং পরে আসিয়া পিতৃদেবের কাছে পাঠ গ্রহণ করিতেন। ছয় মাসে তাঁহার শিক্ষা হইল। ইন্সপেক্টর প্রথমে তাঁহাকে প্রবেশনরী পদ দিলেন, পরে পরিমিতির পরীক্ষা করিয়া পাকা পদে নিযুক্ত করিলেন। তিনি অষ্টাপি জীবিত আছেন। তিনি উলার ব্রজনাথ মুখোপাধ্যায়; তিনি পাথোয়াজে সিদ্ধহস্ত। মিঠে হাত এবং তালে দোরস্ত। তখনকার কালের আর একজন লোক বাঁচিয়া রহিয়াছেন, সেই জ্ঞান এই কথাটা এত দীর্ঘজন্মে বলিলাম।

ইংরাজি স্কুলে চারি পাঁচজন শিক্ষক নিযুক্ত হইলেন। হেড মাষ্টার হইলেন পিতার এক জন ছাত্র। পূর্বেই বলিয়াছি পিতৃদেব কৃষ্ণনগর-কলেজে কিছুকাল শিক্ষকতা করেন। এইসকল মাষ্টার-পণ্ডিত-সমাগমে, আমাদের সেই সাক্ষ্য সভা আর এক প্রকার জমাট হইল। সংস্কৃতজ্ঞ পণ্ডিতগণের সমাগমে সংস্কৃত সাহিত্যের চর্চা হইতে লাগিল। এবং যে দিন হেড মাষ্টার মহাশয় আসিতেন সেদিন দেশপুত্রের প্রভৃতিরও চর্চা হইত।

সঙ্গীতের চর্চা নিত্যক্রিয়া ছিল। পিতৃদেব ব্রজনাথ মুখোপাধ্যায়ের নিকট পাখোয়াজ শিক্ষা করিতেন। সভাভঙ্গের পর গুরু শিল্পে মিলিয়া এই কাণ্ড হইত; রাজি ছিপ্রহর হইয়া যাইত; তৎপূর্বেই আমি অবশ্য শয়নাগারে গমন করিতাম।

এই যে স্কুল-পাঠশালা-প্রতিষ্ঠা ইহাতে পিতৃদেবের কৃতিত্ব ত ছিলই, সরকার বাহাদুরের সাহায্য এবং উৎসাহদান বিলক্ষণ ছিল। সংস্কৃত কলেজে তখন বিজ্ঞানাগর মহাশয় অধ্যক্ষ। তিনি সেই অধ্যক্ষতার সঙ্গে সঙ্গে বাঙ্গালা স্কুল স্থাপনের, রক্ষণের ও শাসনের ভার কয়েকটি জেলার মধ্যে পাইয়াছিলেন। হেডপণ্ডিত তিনজনকে তিনি পাঠাইয়া দেন। নদীয়া জেলার ডেপুটি ইন্সপেক্টর হইয়াছিলেন, পাণ্ডুরা নিকট বেলুনের রামলাল মিত্র। তিনি সংস্কৃত কলেজের সংস্কৃতজ্ঞ ছাত্র। কাজ চালানমত ইংরাজি অবশ্য জানিতেন; কি ইংরাজি, কি বাঙ্গালা, কি পেনে, কি শরে, তিনি মুটকলমে, কলমের উপর তর্জনির ভর দিয়া লিখিতেন। উড়েরা সকলেই এইরূপ লেখেন; বাঙ্গালা টোলের ছাত্রেরা কখন কখন ঐরূপ লেখেন। সাহায্য-প্রাপ্ত স্কুল স্থাপনার জন্ত ভার পাইলেন হজ্জস্নু প্রাট্ট। তাঁহার দক্ষিণ হস্ত ছিলেন শ্রীরামপুরের কালিদাস মৈত্র। সেই সময় বাঙ্গালাময় স্কুল বসাইবার ধুম পড়িয়া গেল। এখানে স্কুল, সেখানে স্কুল, চারিদিকে স্কুল, বিজ্ঞাবিতরণের জন্ত সরকার বাহাদুরের ব্যগ্রতা ও ব্যয়-বাহুল্য দর্শনে লোকে বিস্মিত হইল, মহাকৃতজ্ঞতা প্রকাশ করিল। এখনকার দিনে হইয়াছে, মাছি পড়িয়াছে জাল গুটাও গুটাও। লেখাপড়া শিখিয়া লোকে বিদ্রোহী হইতেছে, বাচাল হইতেছে; লেখা পড়ার বিস্তার কমানই ভাল। তাই এখনকার দিনে সেই পুরাণ কথাগুলি মনে পড়ে, আর মনে হয়, সেই এক দিন, আর এই এক দিন। যেমন সাহায্যপ্রাপ্ত বিজ্ঞানয় বসিল, তেমনই সঙ্গে সঙ্গে হজ্জস্নু প্রাট্ট সংবাদপত্রে সাহায্যদান করিতে অগ্রসর হইলেন। তৎপূর্বে যে সংবাদপত্র ছিল না এমন নহে এবং সংবাদপত্রের যে প্রসার-প্রতিপত্তি ছিল না তাও নহে। তবে গবর্ণমেন্টের কথা লোককে বুঝাইবার জন্ত একখানি সংবাদপত্রের প্রয়োজন বোধ হওয়াতে গভর্ণমেন্ট ওব্রাইনন্ শ্বিথকে সাহায্য দান করিতে প্রতিক্ষিত হইলেন, ওব্রাইনন্ শ্বিথ সংবাদপত্র প্রকাশিত করিলেন।

তখন খৃষ্টানির সংবাদপত্র ছিল, জ্ঞানকিরণোদয় প্রভৃতি। ধর্মের জন্ত ছিল, এক পক্ষে সমাচারচক্রিকা। উহা দৈনিক। অত্র পক্ষে ছিল, তত্ত্ববোধিনী পত্রিকা। উহা মাসিক। আর সাধারণ সংবাদ বহন রসভাষ সঞ্চালনের জন্ত ছিল, এক দিকে প্রভাকর, অত্র দিকে ভাস্কর। তখন আমি চক্রিকা দেখি নাই। পড়িতাম তত্ত্ববোধিনী ও মাসিক প্রভাকর। দৈনিক প্রভাকরে সংবাদ আদি থাকিত আর সন্নিফসেলের বিজ্ঞাপন থাকিত। উহা আমি বড় পড়িতাম না। প্রতি মাসের প্রথম

দিনের প্রভাকরে প্রচুর পশু থাকিত। তাহাই পাড়তাম, নাড়িতাম-চাড়িতাম, মুখস্ত করিতাম। প্রতি বৎসরের ১লা বৈশাখের প্রভাকর অবসরবে ছয় ভাগের কলিকাতা গেজেটের মত পুরু। সৎসরের প্রধান ঘটনাবলী, স্বং বিরং পশ্চে, ঈশ্বর গুপ্তের সেই সরল সতেজ লেখনীতে প্রকাশিত হইত।

পূর্বেই বলিয়াছি ১৮৪৬ সালে অগ্রহায়ণ মাসে আমার জন্ম হয়। ১৮৫৬ সালের আশ্বিন মাসে উলা ছাড়িয়া আসি। তখন আমার বয়স পুরা দশ বৎসর হয় নাই। ইতিমধ্যে তিনবারকার বার্ষিক প্রভাকর আমি পড়িয়াছিলাম; অর্থাৎ সপ্তম বর্ষে আমি প্রভাকর পড়িয়াছি, বুঝিয়াছি, মুখস্ত করিয়াছি। ঐ তিন বৎসরের মধ্যে অন্নদামঙ্গল, তিন খণ্ড চাকপাঠ, বাহুবল্লব সহিত মানব প্রকৃতির সম্বন্ধ-বিচার, কাদম্বরী, মুক্তারাম বিদ্যাবাগীশের আরবীয়োপাখ্যান ও সেক্সপীয়র হইতে অপূর্বোপাখ্যান পাল বর্জিনিয়া প্রভৃতি পাঠ করিয়াছিলাম। *Honi soi qui maly pense.*

এই নয় বৎসর মধ্যে তিনজন ডেপুটি ইন্সপেক্টরকে উলায় দেখিয়াছিলাম। একজনকার নাম করিয়াছি—বেলুড়ের রামলাল মিত্র; দ্বিতীয়—কৃষ্ণনগরের ব্রজনাথ মুখোপাধ্যায়। ইনি কৃষ্ণনগরের ব্রজ বাবু বলিয়া বিখ্যাত এবং পরে কৃষ্ণনগরে স্বয়ং স্কুল স্থাপনা করেন। তৃতীয় ব্যক্তি গরিফার চন্দ্রশেখর গুপ্ত; বিখ্যাত বি. এল. গুপ্তের পিতা। ইহার পত্নী অর্থাৎ বি. এল. গুপ্তের মাতা হৃন্দর সাধুভাষায় বাঙ্গালা লিখিতে পারিতেন। আমি তাহার লেখা পত্র তৎকালে দেখিয়াছিলাম; একটু বেশী সাধুভাষা তাহাতে ছিল,—“পদবীতে পদার্পণ” প্রভৃতি বেতালপঁচিশী পদ সেই পত্রে ছিল। তাহা ঠাকুর, কিন্তু লেখা অতি প্রাঞ্জল, হৃন্দর ও সরল। পিতা সেই পত্র আদর্শরূপে আমার মাতাকে দেখাইয়াছিলেন, আমার বেশ মনে পড়িতেছে। কলিকাতার খবর, তখন ত জানিতামই না, এখনও ভাল জানি না। তখনকার কালে আমাদের গঙ্গার দু ধারের পল্লীর মধ্যে বেহায়া বাবুর মাতার মত কেহ যে লিখিতে পারিতেন, এমন বোধহয় না। ১৮৫৬ সালে মার্চ মাসে চন্দ্রশেখর গুপ্ত মহাশয় উলার বিদ্যালয় সকল পরিদর্শন করিতে যান। অবশ্য আমাদের বাসাতেই ছিলেন। আমি কোন স্কুলে পড়িতাম না, গুপ্ত মহাশয় আমাকে পৃথক পরীক্ষা করেন এবং বিদ্যালয়গর মহাশয় লিখিত “জীবনচরিত” পরীক্ষায় সন্তুষ্ট হইয়া আমাকে পারিতোষিক দেন। সে বইখানি আমাদের বাড়িতে আজিও আছে। এখানি তৃতীয় বারের ছাপা। প্রথম বারে ১৭৭১ শকে ভাদ্র মাসে ছাপা হয়। দ্বিতীয় বারে ১৭৭৩ শকে চৈত্র মাসে, আর তৃতীয় বারের এই সংস্করণ ১৭৭৭ শকের বৈশাখ মাসে ছাপা হয়। প্রাইন্ড পাইয়া অবশ্য আমি জীবনচরিত পাঠ করিয়াছিলাম।

কোকাল ডিস্ট্রিক্ট পদার্থটা কি, কাহাকে বলে, তাহা অবশ্য তখন কিছুই বুঝি

নাই, কিন্তু বাঙ্গালা শিখিয়াছিলাম, “আধিভ্রমণিক ব্যবধি।” পঞ্চপাদিক মানে বুঝিয়াছিলাম, যাঁহার পরিমাণ পাঁচ ফুট। ইত্যাদি ইত্যাদি।

বহু পরে শুনিয়াছি, যে সময়ে জীবনচরিত রচিত হয়, সে সময়ে কৃষ্ণবন্দ্যের বায়েভারেও কে. এম. ব্যানার্জীর বাঙ্গালা ভাষায় পাঠ্য স্থিরীকরণ বিষয়ে একাধিপত্য ছিল। বিজ্ঞানাগর মহাশয়ের এই জীবনচরিত, তিনি নাকি ভাষা-ছুট বলিয়া দূরীকৃত করেন। এবং পরে বিজ্ঞানাগর মহাশয় নানারূপ চেষ্টা করিয়া তবে জীবনচরিতকে পাঠ্যপুস্তক মধ্যে সন্নিবিষ্ট করিতে সফলকাম হন।

গরিফার চন্দ্রশেখর বাবুর কথা পড়াতে গরিফার একজন তাত্ত্বিক গ্রন্থকারের নাম ও তাঁহার গ্রন্থের কথা মনে পড়িল। ১৮৫২ সালে গরিফার বৈজ্ঞানিক নন্দকুমার রায় ব্যাকরণদর্পণ নামে একখানি পুস্তক ব্যাকরণ প্রণয়ন করেন। আমি মুখে মুখে সন্ধি করিতে শিখিয়াছিলাম; আর এই ব্যাকরণদর্পণ পড়িয়াছিলাম ও অনেক স্থানই মুখস্থ করিয়াছিলাম, ব্যাকরণদর্পণের ছন্দের লক্ষণগুলি বেশ সুন্দর।

চারি চারি বর্গ সারি তিন বার রয়,

কহি শেষ, অবশেষ দুই শেষ হয়।

সারি সারি মিল ধারি বর্গ চারি পাবে,

সর্ব স্তম্ভ বর্গ চৌদ্দ ইথে লক্ষ হবে।

চতুঃসপ্ত বর্ণে দশাদ্যো বিহারি,

ভুক্ত প্রয়াতে হবে ত্রিশ চারি।

নন্দকুমার রায় কৃত আর একখানি পুস্তক সেই সময়ে পাঠ করিয়াছিলাম। সেখানি অভিজ্ঞানশব্দকুস্তলা নাটকের বঙ্গানুবাদ। সংস্কৃত যেখানে শ্লোক আছে, বঙ্গানুবাদে সেই সেই স্থলে পয়ার বা ত্রিপদী ছিল। লেখা অতি প্রাঞ্জল ও সুশ্লীল। সংস্কৃত নাটকের বঙ্গানুবাদ এইখানি বোধ করি, সর্বপ্রথম হইবে। আমি তখন নাটকের কায়দা, কারচুপি সে সকল কিছুই জানিতাম না। পিতা বুঝাইয়া দিবার কোন চেষ্টাও করেন নাই। ভাষা ছাড়া আর কিছু যে কেভাবে বুঝিতে হয়, তাহা আমি বুঝিতাম না; তবে ভাষা বুঝার পরে আমার সেই বালক-হৃদয়ে যে কিছু বসগ্রহ হইত না, এমন কথা বলিতে আমি প্রস্তুত নহি। কৃষ্ণবন্দ্যের ভাষাও ত ভাষা; তাহা পড়িতে একেবারেই ভাল লাগিত না; আর বিজ্ঞানাগর, অক্ষয় কুমার, তারতচন্দ্র, নন্দকুমার ইহাদের সে ভাষাই বা পড়িতে ভাল লাগিত কেন? অক্ষয় কুমারের কথা সকল—অতি গভীর, লেখা-প্রগাঢ়, ভাব-গম্ভীর, তবু সে ভাল লাগিত, অথচ কৃষ্ণবন্দ্যের রাজোপাখ্যান কেবল গল্প বই ত নয়, তাহা ভাল লাগিত না। কেন? কাজেই বলিতে হইতেছে, আমি বাল্যজীবনে যে কেবল ভাষাই শিখিতেছিলাম এমন নহে,

না বুঝিয়া না শুঝিয়া, একটু একটু সাহিত্যও শিখিতেছিলাম। রস-রচনা কাহাকে বলে তখন না বুঝি, কিন্তু রসের স্বাদ গ্রহণ করিতে অভ্যস্ত হইতেছিলাম। প্রভাকরের পঞ্চ উচ্চ অঙ্গের সাহিত্য না হইলেও সহজ সরল সরস রচনা বটে। নন্দকুমারের শকুন্তলার অন্তরবাদ খুব সহজ না হইলেও সরল সরস রচনা।

আমার জন্মের দুই বৎসর পূর্বে—১২৫৩ সালে, আমার জন্ম হয়, ১২৫১ সালে, —মহাত্মা রাজনারায়ণ মিত্র “কায়স্থ-কৌশ্তভের” প্রথম ও দ্বিতীয় সংখ্যা প্রচারিত করেন। আমার জন্মের দুই বৎসর পরে ১২৫৫ সালে তৃতীয় সংখ্যার কায়স্থ-কৌশ্তভ প্রকাশিত হয়। কায়স্থ জাতির ক্ষত্রিয়ত্ব প্রতিপাদন এই গ্রন্থের উদ্দেশ্য। তৃতীয় পৃষ্ঠায় নারায়ণের পদতলস্থ “একবিংশতি চিত্রের চিত্র বিচিত্র রূপ প্রকটিত” ছিল। আমি অতি শিশুকালে সেই সকল অপূর্ণ চিত্র বিচিত্র পাইয়া মনের সহিত কায়স্থ-কৌশ্তভ লইয়া খেলা করিতাম। সে পুস্তকখানি এখনও আমার আছে; সে তৃতীয় পৃষ্ঠার ছবিগুলিও আছে। ৬০ বৎসর পূর্বে এরূপ পরিষ্কার চিত্র খোদিত হইত, আমার সে বইখানি না দেখিলে, আপনারা বিশ্বাস করিবেন না। যাউক সে কথা, আসল কথা কায়স্থ ক্ষত্রিয় এই কথাটা মাতৃদুগ্ধের সহিত আমার উদরস্থ হইয়াছে। তখন এ বিষয়ে তুমুল আন্দোলন হইয়াছিল। সুনীতে পাওয়া যায়, ঝাঁতুলের রাজারা, এই বিষয়ে নাকি লক্ষ টাকা ব্যয় করিয়াছিলেন। বিষপুঙ্করিণীর পীতাম্বর তর্কভূষণ, শোভাবাজারের সভাপণ্ডিত ভগবানচন্দ্র জায়রত্ন, কোন্নগরের তারাচরণ তর্কবাগীশ, সোনামুখীর বৈষ্ণনাথ জায়ালাল্লার, ভট্টপাড়ার হলধর তর্কচূড়ামণি, সংস্কৃত কলেজের জয়নারায়ণ তর্কপঞ্চানন প্রভৃতি এতদেশীয় মহামহোপাধ্যায় পণ্ডিতগণ কায়স্থের ক্ষত্রিয়ত্ব বিষয়ে মত প্রদান করেন। আমি অতি বালককালে এইসকল কথা গলাধঃ-করণ করিয়াছিলাম। কায়স্থ-কৌশ্তভ প্রকাশের ৬০ বৎসর পরে, এখনও সেই কথা সমানে চলিতেছে। এখনকার কায়স্থসভায় আমি কয়দিন যাতায়াত করিয়াছিলাম। আমার বোধ হইতেছে ৬০ বৎসর পূর্বে কথাটা যেখানে ছিল, সেইখানেই আছে। কায়স্থ ক্ষত্রিয়, ব্রাতা হইয়াছে, যাগযজ্ঞাদি করিলে সেই ব্রাত্যত্ব খণ্ডিত হইতে পারে। আমি বুঝিতে পারি না যে পঞ্চাশ বাট বৎসর অন্তর একখাটা এরূপ করিয়া আলোড়ন করার ফল কি? যদি হিন্দু বলিয়া আপনাকে গৌরবান্বিত মনে কর, যদি জাতি বলিয়া কোন সভ্য পদার্থ আছে মানিতে পার, তবে এ কথার আন্দোলনে অর্থ আছে, নতুবা “তুমি যে তিমিরে তুমি সেই তিমিরে”।

তখন পক্ষে যেমন প্রভাকরের প্রসার, গল্পে তেমনই তত্ত্ববোধিনীর গৌরব। ১৮৪৩ সাল হইতে তত্ত্ববোধিনী প্রকাশিত হয়। ১ম ভাগ ১ম সংখ্যা হইতে তত্ত্ববোধিনী আমাদের বাটীতে ছিল। এক দিকে অক্ষয় কুমারের ভাষা হইতে যেমন গভীর

রচনার ভঙ্গি শিক্ষা করিলাম, অল্প দিকে গুপ্তের সেই সরল চটুল চকচকে পত্রে  
ভাষাও শিক্ষা করিতে চেষ্টা করিতে লাগিলাম। তখন প্রভাকরের প্রভূত পসার।  
লোকে কথায় কথায় প্রভাকরের পত্ত আঙড়াইয়া কোন বিষয়ের মীমাংসা করে,  
তামাসা করিতে হইলে প্রভাকরের ভাষায় বলে,—এই গৌরব এই আদর দেখিয়া  
বালকদ্বয়ে একরূপ বুকিয়াছিলাম, যে সহজ সরল বাঙ্গালা একটা ফেলনা জিনিষ  
নয়। অক্ষয় কুমার হইতে একদিকে যেরূপ মুখস্ত করিয়াছিলাম—“ঘন বিজ্ঞান কানন  
বা তরুশূণ্য মরুদেশ, গভীর সিঁজুগর্ভ বা অনাকীর্ণ রাজধানী, প্রথম রশ্মিপ্রদীপ্ত মধ্যাহ্ন  
সময় বা ঘোরা ষিপ্রহরা তামসী বিভাবরী, তরুণ যৌবন বা পরিপক প্রবীণকাল,  
স্বপ্নীতলসমীরসঞ্চালিত প্রভাত সময় বা বিহঙ্গকোলাহলকলিত শ্রান্তিহর সায়াংকাল,  
সর্বস্থানে, সর্বকালে, সর্বাবস্থায় পরাংপর পরমেশ্বরকে সাক্ষী স্বরূপ দেখিয়া, ভক্তিমানের  
চিত্ত ভক্তিভরে দ্রবীভূত হয়। অল্প দিকে সেইরূপ,—

“কে বলে ঈশ্বর গুপ্ত ব্যাপ্ত চরাচর।

যাহার প্রভায় প্রভা পায় প্রভাকর।

ইত্যাদি এবং “বিবিজ্ঞান চলে জ্ঞান লবেজ্ঞান করে” ইত্যাদি মুখস্ত করিয়াছিলাম।  
তাহার ফল এই হইয়াছে, সহজ বাঙ্গালা আমি এখনও ফেলনা জিনিষ মনে  
করি না।

যে সাহায্যপ্রাপ্ত সংবাদপত্রের কথা বলিতেছিলাম তাহা এডুকেশন গেজেট ও  
সাপ্তাহিক বার্তাবহ। এখনও সেই সাহায্য চলিতেছে, কিন্তু সে আকার নাই, সে  
প্রকার নাই। এখনকার দিনের মত নয়, অপেক্ষাকৃত বৃহৎ অক্ষরে ছাপা প্রথম খণ্ড  
প্রথম সংখ্যা এডুকেশন গেজেট প্রকাশিত হইল, আমার বেশ মনে পড়িতেছে।  
ওব্রাইনন্ শ্বিথ স্বত্বাধিকারী ও সম্পাদক, কালিদাস মৈত্র সহ-সম্পাদক। তাঁহার দুই  
তিনজন আত্মীয় উল্ল্য থাকিতেন, তাঁহারা হর্ষে গৌরবে, তাহা পাঠ করিতে  
লাগিলেন,—সকলে একটু ঠাণ্ডা হইলে আমি চুপি চুপি তাহা হইতে যাদব-মাধবের  
কথোপকথন পাঠ করিতে লাগিলাম। গেজেট কথাটা আমি তৎপূর্বে শুনিয়াছিলাম।  
বাঙ্গালা গেজেট দেখিয়াও ছিলাম। এডুকেশন কথাটা তৎপূর্বে আমার কাণে উঠে  
নাই। বাবাকে জিজ্ঞাসা করিলাম, “এই কথাটা কি?” বাবা বলিলেন “ওটা  
ইংরাজি কথা—অর্থ ‘শিক্ষা’। আমি বলিলাম “তবে শিক্ষা গেজেট বলিল না  
কেন?” পিতা একটু হাস্ত করিলেন। বোধ হয় শৈশবে আমার সমালোচনার  
প্রবৃত্তি দেখিয়া, তিনি হয়ত একটু আত্মদ্রুতি অথচ বিচলিত হইতেছিলেন। আমি  
পঞ্চাশ বৎসর কথাটা শুনিতেছি, কিন্তু শিক্ষা-বিভাগের মুখপত্রের নাম এডুকেশন  
গেজেট এ বিভ্রমলা কষ্টক এখনও প্রাণে খচ্ করিয়া উঠে।



তখন বিদ্যাসাগর মহাশয় সংস্কৃত-কলেজের অধ্যক্ষ। শিক্ষা বিস্তারের সহায় এবং বাঙ্গালা পাঠ্য-পুস্তকের প্রণেতা। কিন্তু আমার বর্ণপরিচয় ‘বর্ণ পরিচয়ে’ হয় নাই। আমার প্রথমে স্কুলবুক সোমাইটির বর্ণমালা পড়িয়াছিলাম। তাহাতে ছিল ‘জল পড়ে, ছাতা ধর’। মদনমোহনের শিশুশিক্ষা পড়িয়াছিলাম। তাহাতে ছিল ‘কাল কাক ভাল নাক’। ‘পাখী সব করে রব’। ‘কটু বাক্য কথা অহুচিত’। ‘বেগী বড় দুরন্ত বালক’। ‘ধার্মিক লোক পৃথিবীর অলঙ্কার’। আমরা দশজনে এখন কতরকম বাঙ্গালা লিখিতেছি। কেহ ঝাড়-ঝঙ্কার দিতেছি; কেহ ফুলে-ফলে শোভিত করিতেছি; কেহ পেঁচের পর পেঁচ লাগাইয়া ভাষার কায়দা বিজ্ঞাসে গোলকধাঁধা করিতেছি। কিন্তু মদনমোহনের সেই সুন্দর, সতেজ, সরল, সহজ, মিঠা-কড়া, মোলায়েম, জলের মত পরিষ্কার, স্বচ্ছ ভাষা লিখিতে পারি কি? বিদ্যাসাগর মহাশয়ের বর্ণপরিচয় প্রভৃতি পড়ি নাই বটে; সেই সময়ে পড়িয়াছিলাম, তাঁহার বেতাল-পঁচিশ। আমি মনে করিতেছি, উহাই তাঁহার প্রথম প্রকাশিত গ্রন্থ। বেতাল-পঁচিশ হইতেও নানা স্থানে মুখস্ত করিয়াছিলাম,—“যে স্থানে ত্রেতাবতার ভগবান রামচন্দ্র দশাননের বংশ ধ্বংস করণাভিপ্রায়ে মহাকায় মহাবল কপিবল-সাহায্যে শতযোজনবিস্তীর্ণ অর্ণোবোপরি কীৰ্ত্তি হেতু সেতু সংঘটন করিয়াছিলেন, তথায় উপস্থিত হইয়া দেখিলাম, কল্লোলিনীবল্লভ প্রবাহমধ্য হইতে, অকস্মাৎ এক ভুরুহ উখিত হইল, তদুপরি এক সকল-লোক ললামভূতা সর্বাঙ্গসুন্দরী চারুঙ্গী বীণাবাদনপূর্বক গান করিতেছেন।”

দক্ষিণে লক্ষ্মীস্বরূপা তত্ত্ববোধিনী, তৎপার্শ্বে উপবীতবন্ধে গণেশমূর্ত্তি বিদ্যাসাগর, বামে সাক্ষাৎ সরস্বতী স্বরূপ ভারতচন্দ্র, তৎপার্শ্বে মধুর-চূড়া, টেরি-কাটা কার্ত্তিক স্বরূপ ঈশ্বর গুপ্ত, মধ্যে সাক্ষাৎ মহা দেবতা পিতৃদেব, চালচিত্রে শিবরূপী মদনমোহন,—সাহিত্যে আমি এই মহা প্রতিমাঃ উপাসক। অনর্থক পিতৃ-গৌরব বৃদ্ধির জন্ত, পিতৃদেবকে মধ্যস্থানে অধিষ্ঠিত করিতেছি, এমন কেহ মনে করিবেন না। বাঙ্গালা লেখাপড়ায় আমার প্রবৃত্তি, পঞ্চাননসরণ, শিক্ষায় সাহায্য, ভ্রমে সংশোধন, প্রধানত তাঁহা হইতেই। তবে অন্য পঞ্চ দেবতার উপাসনা অতি শৈশবেও যেমন করিয়াছি, এখনও তেমনি করিতেছি। তারশঙ্করে ঝঙ্কার খুব। ঝঙ্কারে স্বর তাল ডুবিয়া থাকে। স্তনিতে মধুর, কাজে লাগে বড় কম। কাদম্বরী পাঠে মুগ্ধ হইতাম, স্তম্ভিত হইতাম, বিস্মিত হইতাম। কিন্তু কখন নিজের জিনিষ বলিয়া মনে করিতে পারিতাম না। কাদম্বরী চমক দিত, কিন্তু প্রাণে লাগিত না। কিন্তু অন্নদামঙ্গলের ছন্দ, ঈশ্বর গুপ্তের লহর, অক্ষয় কুমারের গান্ধীধ্বা, বিদ্যাসাগরের প্রসাদ গুণ, তখন হইতেই প্রাণে বাজিত, প্রাণে লাগিত, প্রাণে বসিয়া যাইত। তখন অবজ্ঞা জানিতাম না,

কাহাকে বলে প্রসাদ ঞ্ণ, কাহাকে বলে ওজোঞ্ণ । এখনও যে বেশ জানি সে কথা বলিয়া বুড়া বয়সে অধর্ম সঞ্চয় নাই করিলাম ।

আর প্রাণে লাগিত না কৃষ্ণমোহন বন্দ্যোপাধ্যায়ের বাঙ্গালা । অক্ষয় কুমার, বিজ্ঞানাগর, তারাপ্রসাদ, মদনমোহন প্রভৃতি সকলের পূর্বে বাঙ্গালার লেখকরূপে অবতীর্ণ হন, রেবারেও কৃষ্ণমোহন বন্দ্যোপাধ্যায় । সে হইল আমাদের জন্মের বহু পূর্বে ; তাহার পর আমাদের এল. এ., বি. এ পরীক্ষার বাঙ্গালার পরীক্ষক তিনিই ছিলেন । তাঁহার লিখিত বাঙ্গালা বহুকাল পুনঃপুনঃ এন্ট্রান্সের কোর্স ছিল, কিন্তু সেই যে ছেলেবেলা কৃষ্ণবন্দী বাঙ্গালা প্রাণে লাগে নাই, ভালবাসি নাই, সেইরূপ কখন উহা ভালবাসিতে পারি নাই । এখন বুঝিয়াছি কৃষ্ণবন্দ্যের বাঙ্গলায় প্রাণ নাই বলিয়া প্রাণে লাগে নাই । তাঁহার লেখা পণ্ডিত বাঙ্গালা, কিন্তু তাহাতে না আছে ভক্তি (টাইল) না আছে রস, না আছে আবেগ । মৃত্যুঞ্জয়ের পরে সকল গল্পলেখকের অগ্রে, কৃষ্ণমোহন ইংরাজিতে বাঙ্গালার, কোথাও ইংরাজির অল্পবাদ বাঙ্গালার, কোথাও বাঙ্গালার অল্পবাদ ইংরাজিতে, কোথাও ইংরাজি বাঙ্গালা দুই সংস্কর্তের অল্পবাদে,— এইভাবে দ্বিভাষিক গ্রন্থ সংখ্যাদি ক্রমে, ধারাবাহিকরূপে প্রকাশিত করেন । তাহার বাঙ্গালা নাম বিজ্ঞানকল্পক্ৰম, ইংরাজি নাম Encyclopædia Bengalensis, শৈশবে আমি তাহার তৃতীয় খণ্ড পড়িয়াছিলাম । সেই খণ্ড মাত্রই আমাদের বাড়ীতে ছিল, তাহাতে ছিল Arnoll হইতে রোমের ইতিহাসের কিয়দংশ, ইউক্লিডের জ্যামিতির কতকটা অল্পবাদ । আর রাজদূত বলিয়া একটি গল্পচ্ছলে ধর্মকথা । আমি অবশ্য কেবল বাঙ্গালা ভাগই পড়িতাম । জিওমেট্রির বাঙ্গালাও পড়ি নাই, সে হিজিবিজি ক, খ, গ আমার ভাল লাগিত না ।

ধাক এখন আমার কথা । পিতার সাহিত্য-সেবার আর একটি অঙ্গ বলি । যে সময়ের কথা বলিতেছি, সে সময়ে কবির গান প্রৌঢ়াবস্থা পাইয়াছে । হরু, নিলু প্রভৃতি ঠাকুরেরা,—চিন্তে, ভোলা প্রভৃতি ময়রায়া—বলাইচাঁদ, উদয়চাঁদ, কৃষ্ণদাস, প্রভৃতি আমাদের নিকটস্থ বৈরাগী কবিগুণ্ডালা—সকলেই প্রায় অন্তগত । একদিকে চিন্তামণি, অন্তদিকে পরাণচন্দ্র, বাদ-বিবাদ করিয়া কোনরূপে বাঙ্গালার আসন রক্ষা করিতেছিলেন । যাত্রার গানে বদন তখন ওস্তাদ হইয়াছেন ; গোবিন্দ অধিকারীর তখন খুব জাঁক-পসার ; গোপাল উড়ের তখন মৃত্যু হইয়াছে, প্রসিদ্ধ নৃত্যকারী কেশে ধোবা সেই দল তখন জাঁকে-জমকে রক্ষা করিতেছে । আর তখন জাঁকপসার পাঁচালীর । গুরু-দুহ, গঙ্গালঙ্কার তখন চলিয়া গিয়াছে বটে, কিন্তু কথার ছটায় শব্দের ঘটায় দাঁশরথি তখন বাঙ্গালা আচ্ছন্ন করিয়াছেন ; আর আমাদের নিকটে চুঁচুড়াক গাওনার জোরে, স্বর-তালের বলে, সন্ন্যাসী তখন দাঁশরথির সমকক্ষতা করিতেছেন ।

এই সন্ন্যাসীর দলে একজন তবলা-বাঁজকার ছিলেন ঠাকুরদাস সন্ন্যাস, আমাদের অতি নিকট প্রতিবাসী। উল্লাস-ধাকা সময়ের মধ্যে, এই ঠাকুরদাসের অঙ্কবোধে, পিতা তিন চারি পালা পাঁচালীর গান তাঁহাকে রচনা করিয়া দেন। ঠাকুরদাস সন্ন্যাসীর দল হইতে ভাঙ্গিয়া আনিয়া, সেই রচনার বলে, পৃথক দল করিয়াছিলেন। এক পালা শিবের বিবাহ; দ্বিতীয় পালা শুভ-নিশ্চুভ-বধ; তৃতীয় পালা বিরহ; চতুর্থ পালা আগমনী। আগমনীর ছড়া মনে পড়ে না, গান বলিতে পারি। পাঁচালীর একটু নমুনা দিতেছি।—

#### শিব-বিবাহের উপক্রমণিকা

“ভবানীর লীলা খেলা ভাবনা-অতীত।  
 যে ভাব ভাবিয়া ভব আপনি মোহিত।  
 দেখ দক্ষালয়ে দেহ করি পরিহার।  
 হিমাচলে লীলা ছলে কুমারী-আকার ॥  
 মহীয়সী মায়া তাঁর অপরূপ গণি।  
 মেনকারে মা বলেন জগতজননী ॥  
 গিরিরাগী কত্যা হেরে আনন্দ অন্তরে।  
 উমা নাম দেন তাঁর অসীম আদরে ॥  
 পৌরজনগণ সব পুলকে পূর্ণিত।  
 আনন্দে অচলালয় সদা আমোদিত ॥  
 বাড়িছেন শৈলবালা সম শশিকলা।  
 দিন দিন গিরিপুরী কবেন উজ্জ্বলা ॥”

এ পালার একটি গানেরও নমুনা দিতেছি

“( আজি ) গিরিবাসে জ্ঞান হর সাজি বর,  
 আনন্দ অপার, পরিহিত বাধাধর,  
 শিবের শোভে শশধর, উৎলিয়া গজাজল,  
 ঝরিছে ঝর ঝর।  
 অমর সকলে হইয়া মিলিত,  
 অশেষ আমোদে কত আমোদিত,  
 বরষাত্র জ্ঞান সবে বরের সহিত  
 যাহার বাহন যেই তাহাতে করি ভর।  
 ধাধুম কেটেতাক, ধাধুম কেটেতাক, বাজনা বাজিছে,

তাতা থৈ থৈ তাতা থৈ থৈ তাতা থৈ থৈ

ভূতগণ নাচিছে।

বম্ বম্ গালবাঁজ সকলে করিছে,

কোলাহলে কুতূহলে বলিছে হর হর ॥”

তখন বৈঠকি মজলিসে চুপি দেওয়ান মহাশয়ের মূর্শিদাবাদের কালী ভট্টাচার্য্যের, নদীয়ার রাজা শিবচন্দ্রের, আর বাঙ্গলায় বহু পূর্ব হইতে প্রচলিত রামপ্রসাদ নীলকমলের ঞ্চামাবিষয়িণী গীতি প্রায়ই গীত হইত। পিতার রচিত কতকগুলি ঞ্চামাবিষয়ের গান বিশেষ প্রচারিত হইয়াছিল। লক্ষ্য করিয়াছি, যে পিতৃ-কৃত একটি ঞ্চামাবিষয়িণী গীতি, রামপ্রসাদের গানের মতো, অবশ্য রামপ্রসাদের বলিয়াই ছাপা হইয়াছে। গানটি এই—

করে কাল কামিনী।

বাস-পরিহারিণী।

চরণে তরুণ অরুণ-নিকর, নখর নিভাতি নিন্দ্রি নিশাকর,

উরু তরু-বস্ত্রা নাতী মনোহর. নূর কটিতে কিঙ্কিণী।

শীঘ্র-পূরিত পীন পয়োধর, পানে পুলকিত স্বরাস্বর নর,

করে শোভে অসি মুণ্ডভয় বর, কিবা নর-মুণ্ডমালিনী।

তড়িৎ জ্বিনি হস্ত স্বচাক্র বদনে, খঞ্জন-গঞ্জন যুগল নয়নে,

শিখ-শব সব শোভিত প্রবণে, কিবা আধশশী-ভালিনী।

হেরে কাল কাস্তি এলো কুন্তলে, কাদম্বিনী কাঁদে বরিষণ ছলে,

বামা গঙ্গাধর হৃদি হৃদজলে, শোভে যেন নীল-নগিনী ॥

পিতার বালককালে গঙ্গাধর নাম ছিল; আমাদের বাড়ীর পাটাতেও ছিল। বৃদ্ধদিগকে গঙ্গাধর বলিতে আমি শুনিয়াছি। কুলে গঙ্গাচরণ লেখান হয়—স্বতরাং চাকরিতে, কাজেই সর্বত্র, তিনি গঙ্গাচরণ বলিয়াই পরিচিত। গানের ভণিতায় ‘গঙ্গাধর’ দিলে রস হয়, অনেক সময়ে শ্রোতৃ রস বৃদ্ধি হয়, সেই জন্য পিতৃকৃত সমস্ত ভণিতায়ুক্ত গানে, গঙ্গাধর ভণিতাই আছে।

অনেকগুলি কৃষ্ণবিষয়ক গানও ছিল। পুঁথি বাড়িয়া যায় বলিয়া নমুনা দিলাম না, তবে একটি কৃষ্ণবিষয়ক গান আমি গোবিন্দ অধিকারীকে আসরে গাহিতে শুনিয়াছি, সেটি উদ্ধৃত করিয়া দিতেছি।

(স্বর—ভুবন ভুলালে আজ ভুবনমোহিনী)

ভুবন ভুলালে হরি লীলার ছলেতে।

স্বরাস্বর নর-নাগ না পায় ভেবে মনেতে ॥

চক্রপাণি নীরদ তনু, কভু হাতে শর ধনু,  
 কভু ব্রজে বাজাও বেণু, চরাও খেদু গোঠেতে ॥  
 যারে প্রভু ধর পায়, কাকালিনী কর তায়,  
 কাকালিনী তব কৃপায়, বসে সিংহাসনেতে ॥

বৈঠকি গানে তখন টপ্পা গানেরও জাঁকজমক খুব। রামনিধি গুপ্ত বা নিধুবাবু টপ্পার রাজা। একদিকে শ্রীধর কথকের, অন্যদিকে ছাত্তুবাবুর টপ্পারও চলতি সে সময় খুব ছিল। পিতৃদেব কতকগুলি উৎকৃষ্ট টপ্পা গীত রচনা করেন। অনেকগুলি সে সময়ে খুব চলিত ছিল। ডই একটি এখনও চলিত আছে। স্বনামপ্রসিদ্ধ স্থলেখক আমাদের স্বগ্রামবাসী, আমার সৌন্দর্যপ্রতিম শ্রীযুক্ত দীননাথ ধর গান করিয়া থাকেন।

রাগিণী—ঝিঁঝিট, তাল-কাওয়ালি।

রমণি তোমার গুণে স্তম্ভময় এ সংসার,  
 জগতমোহিনী তুমি জগতের অলঙ্কার।  
 তুমি যদি এ মহীতে বিধুমুখে না হাসিতে  
 শশিশূন্য নিশিসম হত সব অলঙ্কার ॥  
 তুমি ধনি যেই নরে নাহি হের প্রেমভরে,  
 নরপতি হয় যদি সংসারে সন্ন্যাস তার।

গারা ভৈরবী-মধ্যমান।

না হয়ে পুরুষ যদি রমণী হইতে,  
 প্রেম যে কেমন ধন তবে প্রাণ জানিতে।  
 প্রাণ-প্রেম পরস্পর পুরুষে তা স্বতন্ত্র,  
 নারীর জীবন কিন্তু কেবল তার প্রেমেতে।  
 দেখহ পুরুষ যত থাকে নানা কাজে রত,  
 ধন, মান, আর কত, অভিলাষ করে চিতে।  
 রমণী নহে তেমন, প্রেমে মাত্র তার মন,  
 সে ধনে বঞ্চিত হলে, জানে কেবল কাঁদিতে ॥

তখন যাহাকে ব্রহ্মসঙ্গীত বলিত, সেরূপ গানও কয়েকটি পিতৃদেব রচনা করেন।  
 ডইটি নমুনা-স্বরূপ দিতেছি—প্রথমটি সন্দেহ দূরীকরণার্থ; যথা—

ভাবিতে তাঁহারে মন কেনরে সংশয় ?  
 অখিল ব্রহ্মাণ্ড যার সদা দেয় পরিচয় ॥

দিবসেতে দিবাকর, রজনীতে নিশাকর,  
 আর যত তারাগণ ভ্রমে আর এই কয়,  
 “এক সর্বশক্তিমান্ যিনি ব্যাপ্ত সর্বস্থান,  
 আমা সবার নির্দাণ সেই প্রভু হতে হয়” ।  
 যদি বল, তারা সবে, ভ্রমে সতত নীরবে,  
 কেমনে সঙ্গীত তবে তাঁর গুণ কয় ?  
 কিন্তু রে অবোধ মন কর জ্ঞান কর্ণার্পণ,  
 সে অপূর্ব কীর্তন শুনিবে নিশ্চয় ।  
 ভাবিতে তাঁহারে মন নাহিক সংশয়,  
 অখিল ব্রহ্মাণ্ড তাঁর সদা দেয় পরিচয় ॥

দ্বিতীয় গানটি ভক্তিভরে,—

আশ্চর্য তোমার কার্য্য বাক্যমনো পথাভীত,  
 ভাবিলে আনন্দ-সিদ্ধ হয় মনে উচ্ছ্বসিত,  
 এই দেখি প্রভাকরে ভুবন উজ্জ্বল করে,  
 ক্ষণেক বিলম্ব পরে সব তম আচ্ছাদিত ।  
 কভু প্রভু অকস্মাৎ হয় বজ্রাবজ্রপাত,  
 কভু মন্দ মন্দ বাত সৃষ্টি করে আয়োদিত ।  
 এইরূপ তবাদেশে কাল প্রদেশ বিশেষে,  
 প্রকৃতি বিবিধ-বেশে হয় প্রকাশিত ।  
 তুমি প্রভু মূল্যধার যা কর তা চমৎকার,  
 তব মহিমা অপার, তব কার্য্যে পরিচিত ।  
 আশ্চর্য্য তোমার কার্য্য বাক্যমনো পথাভীত,  
 ভাবিলে আনন্দ সিদ্ধ হয় মনে উচ্ছ্বসিত ॥

ব্রহ্মসঙ্গীতের কথায় সেই সময়কার ব্রাহ্মধর্মের কথা বলিতে হইতেছে । আর  
 পিতার সহিত ব্রাহ্মধর্মের সম্পর্কের কথাও বলিতে হইতেছে । পিতা তত্ত্ববোধিনী  
 সভায় নিয়মিত চাঁদা দিতেন ; তত্ত্ববোধিনী পত্রিকা নিয়মিতরূপে গ্রহণ করিতেন, পাঠ  
 করিতেন, আলোচনা করিতেন । ব্রাহ্ম ধর্মপুস্তক আমাদের বাড়ীতে ছিল । প্রথম  
 সংখ্যা হইতে তত্ত্ববোধিনী পত্রিকা ছিল ; আর পূর্বেই বলিয়াছি “বাহুবল্লব সহিত  
 মানব প্রকৃতির সম্বন্ধ বিচার” ছিল । হিন্দু ব্যবহারে, ব্রাহ্ম ব্যবহারে যে কিছু পার্থক্য  
 আছে, এরূপ কথা শৈশবে আমি জানিতাম না । পিতার ব্যবহারেও কিছু বুদ্ধিতাম  
 না । পত্র কিম্বা কোন কিছু লিখিবার পূর্বে, আমি তখন যত লোক জানিতাম,

সকলেই লিখিতেন—“শ্রীশ্রীহর্গা” বা ‘শ্রীশ্রীহরি’। কেবল পিতা লিখিতেন—‘শ্রীশো জয়তি।’ ইহা যে কেবল পত্রের শিরোভাগে লিখিতেন এমন নহে, সকালে কোন কিছু লিখিবার পূর্বে এক খণ্ড শাদা কাগজে দুই পঙ্ক্তিতে লিখিতেন শ্রীশো-জয়তি। আমি অতি বালককালেই, সাধারণ হইতে এই বৈলক্ষ্য লক্ষ্য করিয়াছিলাম; কখন জিজ্ঞাসা করি নাই। পিতার স্বল্পবর্গ মধ্যে কখন কখন কোন কোন ব্রাহ্মণ-পণ্ডিত ঐ কথা ধরিলে, পিতা বলিতেন, ‘শ্রীশঃ কি কোন দেবতারই নাম নহে?’ ও কথা ঐক্সপেই শেষ হইত। উলায় আমাদের বাসা বাড়ি। তবু সেখানে প্রতিমা গঠন করিয়া সরস্বতী পূজা হইত। এক শ্রীপঞ্চমীতে, সেইস্থানে আমার হাতে খড়ি হয়, বেশ মনে আছে। আমাদের বাসার অতি নিকটেই মুনসেফি কাছারী ঘর, মেটে আটচালা, খড়িটি করা। সেই কাছারীর খড়িটি করা দাওয়ার চারিদিকের মেঝেয় আমি হাতে খড়ির পরাদান, খড়ি দিয়া বড় বড় ক থ লিখিয়া ঘুরিয়াছিলাম, আমার বেশ মনে আছে। উলায় সরস্বতী পূজা হইত, দেশে হইত কান্তিক পূজা। পরে, দুর্গোৎসব হইত। সে ত পরের কথা। এখন কেবল ব্রাহ্মধর্মের সহিত পিতার সম্পর্ক দেখাইবার জন্য এই কথা পাড়িলাম। তখন ধর্মের টানে না হোক, তত্ত্ববোধিনীর ভাষার মায়ায় অনেকেই তত্ত্ববোধিনী সভার সভ্য ছিলেন। অক্ষয় কুমার,—বিছানাগর,—বাজলার ছটা বাধা ভালকো লেখক, তত্ত্ববোধিনীতে নিয়মিতরূপে লিখিতেন। তত্ত্ববোধিনীতে প্রভুতত্ত্ব, শাস্ত্রতত্ত্ব, বিজ্ঞান, পদার্থ বিজ্ঞা এই সকলের নিয়মিত আলোচনা হইত। স্বদেশ-হিতৈষী সাহিত্যাহুরাগী সকলেই তত্ত্ববোধিনীর একান্ত পক্ষপাতী ছিলেন। আর যদিও প্রথমে রাজা রামমোহন রায় পৌত্তলিকতার বিরুদ্ধে লেখনী চালনা করিয়াছিলেন, কিন্তু তত্ত্ববোধিনীতে পৌত্তলিকতার বিরোধ প্রকাশিত হইত না। তখন হিন্দুধর্মের ব্রণ বা বিস্ফোটকরূপে একরূপ ব্রাহ্মধর্ম ক্ষীত হইয়া উঠে নাই। মধ্যে সেইরূপ হইয়াছিল বটে, এখন বোধ হইতেছে সে ভাব আর নাই।

ব্রাহ্মধর্মের উপাসনা পদ্ধতি খৃষ্টানীর মত। সপ্তাহে, সপ্তাহে, স্থান বিশেষে সমবেত হইয়া আচার্য্যের অধিনায়কতায় সর্বশক্তিমানের শক্তি, মজলময়ের মাজলা স্মরণ করাই ব্রাহ্মসমাজের উপাসনা। তাহাতে হিন্দুর বিরক্তি বোধ করিবার কিছু ছিল না, কখন করেও নাই। অনাচারের আড়ম্বরে ব্রাহ্মধর্ম হইতে পৃথক হইয়া পড়ে; নেটা কলিকাতাতেই বেশী, মক্কেলে সে তরঙ্গ প্রায় যায় নাই। কৃষ্ণনগরে যৎকিঞ্চিৎ গিয়াছিল বটে; হুগলী, বর্ধমানে কিছুমাত্র ছিল না। অনাচারের সহিত আমাদের কোন সহানুভূতি ছিল না। অনাচারকে ধর্মের অঙ্গ মনে করিতে হইবে, এমন বিড়ম্বনাবুদ্ধি তখনকার কালে আমাদের পরিচিত কাহারও মধ্যে ছিল না। দীর্ঘলিখা শোভিত—, ত্রিপুরা-কধারী ব্রাহ্মণপণ্ডিত-মণ্ডলী মধ্যে, অথবা তুলসী-ত্রিকটি-গলভূষণ

গোবামী প্রভুকে লইয়া পিতৃদেব তত্ত্ববোধিনী পাঠ করিতেন ; সকলেই আগ্রহে শ্রবণ করিতেন ; এবং লিখিত কথার ভক্তিপূর্বক আলোচনা করিতেন। তবে রাজা রামমোহন রায় অনাচারী ছিলেন, বিলাতে গিয়া তাঁহার মৃত্যু হয়, ব্রহ্মবাদ যাহার তাহার জন্ত নহে, কলিকাতার ব্রাহ্মগণ জাতি মানেন না, আচার বিচার কিছু মানেন না, এ সকল কথাও সময়ে সময়ে হইত। পূর্বেই বলিয়াছি, বামনদাস বাবুর ক্রিয়া-শীলতার বীরনগর গ্রাম সনাতন ধর্মের এক প্রকার কেন্দ্রভূমি ছিল, কিন্তু পিতৃদেবের স্বভাবগুণে সেই কেন্দ্রভূমিতে তত্ত্ববোধিনীর প্রতিপত্তি প্রচারের ক্রটি হয় নাই।

তত্ত্ববোধিনী দ্বারাই বাঙ্গালা গল্পের সহিত ব্রাহ্মধর্মের বিশেষ একটু সংঘর্ষ ছিল। তত্ত্ববোধিনীতে বিজ্ঞানাগর মহাশয় এবং অক্ষয়কুমার দত্ত উভয়েই লিখিতেন। বিজ্ঞানাগর মহাশয়কে ব্রাহ্ম লেখক বলা যাইতে পারে না ; অক্ষয়কুমার দত্তকে বলিতেই হইবে। বিজ্ঞানাগর মহাশয় এবং অক্ষয়কুমার দত্ত উভয়েই সাধু বাঙ্গালার লেখক ; উহাদের ছইজন হইতেই বাঙ্গালা গল্পের গৌরব, সে বাঙ্গালা সাধুবাঙ্গালা। কিন্তু প্রচলিত বাঙ্গালা ভাষায় প্রথমে লেখনী চালনা করেন, পদ্মা প্রদর্শন করেন,—প্যারীচাঁদ মিত্র ওরফে টেকচাঁদ ঠাকুর। পূর্বে বলিয়াছি, আমি ঈশ্বর গুপ্তের পঞ্চ পড়িতাম, তাহাতেই বুঝিয়াছিলাম যে, প্রচলিত বাঙ্গালা অবহেলার সামগ্রী নহে। তাহার পর সেই সময়েই যখন প্যারীচাঁদ মিত্রের “মাসিক পত্র” পড়িতে পাইলাম, তখনই বুঝিলাম, সে সহজ সরল চলিত বাঙ্গালায়, বাঙ্গালা দেশের কথা, বাঙ্গালীর ঘরের কথা, বাঙ্গালীর মদাচার অনাচারের কথা, হাসি তামাসার কথা, লিখিলেও সুপাঠ্য গ্রন্থ হয়। অক্ষয়কুমারের বাহুবল্লভে জ্ঞানের কথা পড়িতাম ; সকল কথা বুঝিতে পারিতাম না। বিজ্ঞানাগরের বেতাল-পঁচিশে পূর্বকালের কথা পড়িতাম। “পূর্বকালে উজ্জয়িনী নগরে গন্ধর্ব্বসেন নামে এক নরপতি ছিলেন।” “বর্দ্ধমান নগরে রূপসেন নামে এক নরপতি ছিলেন” এইরূপ সকলই সেকালের কথা,—ছিলেন আর করিয়াছিলেন। কিন্তু টেকচাঁদ ঠাকুরে এই কালের, এই বাঙ্গালির প্রাত্যহিক জীবনের কথা, ঘরকন্নার কথা, সমাজের কথা, সহজ কথায় দেখিতে পাইলাম। সেই শিশুজীবনে অক্ষয়কুমার, বিজ্ঞানাগরের গান্ধার্য্যে, রচনাচ্ছটায়, ভাবের ঘটায় ভুলিয়াছিলাম। টেকচাঁদের বিনা আড়ম্বর সরলতায়ও সেইরূপ বিমুগ্ধ হইলাম। গল্পের গল্পায়মুনাস্রোত, আর ঈশ্বর গুপ্তের পঞ্চের সরস্বতী আমার বাল্যজীবনের প্রয়াগস্থলে সমানে বহিতে লাগিল। আমি সেই মহা সঙ্গমতীর্থে মহানন্দের সহিত হাদিতেহাসিতে কৃতার্থতা লাভ করিলাম।

ধর্মচর্চার জন্ত খুষ্টানদের বাঙ্গালা মাসিকপত্র ছিল। কলিকাতার ধর্মসভার মাসিকপত্র ছিল। তত্ত্ববোধিনীতে ধর্ম, সাহিত্য, বিজ্ঞান, দর্শনের চর্চা হইত। কিন্তু সামাজিক কথা লইয়া মাসিকপত্রে আন্দোলন প্যারীচাঁদ মিত্রই প্রথম করেন।



“মাসিকপত্র” খণ্ড প্রকাশিত হইত,—“আলালের ঘরের ঢুলাল” “মদ খাওয়া বড় দায়” “জাত থাকার কি উপায়” এবং “রামারঞ্জিকা”। পরে এই তিনখানি পৃথক পুস্তকরূপে প্রকাশিত হইয়াছে। আলালের ঘরের ঢুলালে সমাজের সর্বাঙ্গীণ চিত্র আছে। ভাল মন্দ দুই আছে। মদ খাওয়া প্রবন্ধে, মদের দোষ নানাতাবে, গল্পের ডালপালা দিয়া বুঝান হইয়াছে। রামারঞ্জিকার হরিহর পদ্মাবতী দম্পতি মধ্যে আপনাদের কন্যার শিক্ষার বিষয়ে কথোপকথনচ্ছলে জীশিক্ষার পক্ষ সমর্থিত হইয়াছে। এতৎপূর্বে কাদম্বরীকার তারাশঙ্কর জীশিক্ষার বিষয়ে একখানি ক্ষুদ্র পুস্তিকা লিখিয়া গবর্ণমেন্ট হইতে দুই শত টাকা পুরস্কার পান। তাহাতে সেকালে হিন্দুমহিলাগণের মধ্যে জীশিক্ষা প্রচলিত ছিল, ইহাই দেখান হয় এবং একালেও জীশিক্ষা প্রচলিত হওয়া উচিত ইহাও বলা হয়। রামারঞ্জিকাতে মিত্র মহাশয় সেই কথারই বিশদরূপে এবং বিস্তারিতভাবে সমর্থন করেন। আমি উভয় গ্রন্থই সমাদরের সহিত পড়িয়াছিলাম। আমার মাতৃদেব লেখাপড়া জানিতেন ; স্বতরাং জীশিক্ষা লইয়া এ ত গুণগোল কেন ? সেটা বড় বুঝিতে পারি নাই। মনে মনে ভাবিতাম বেটাছেলে যেমন লেখাপড়া শিখিবে, মেয়েরাও ত সেইরূপ লেখাপড়া শিখিবে, তবে আবার ইতরবিশেষ কেন ?

বিশুদ্ধ সহজ বাঙ্গালায় সুন্দর গল্প হয়, প্যারীচাঁদ মিত্র হইতে এইটী যে কেবল শিখিয়াছিলাম এমন নহে, শব্দের ছটা, ঘটনা করিয়া, সোজা কথাতেও যে অল্পপ্রাস আসে, আমি তাহা বেশ বুঝিতে পারিয়াছিলাম। আলালের ঘরের ঢুলালের আরম্ভ “বৈজ্ঞানিক বাবুরাম বাবু বড় বৈষয়িক ছিলেন”। এ ত টেনে বুনে অল্পপ্রাস নয় ; শব্দের ঘটচ্ছটায় মিলন নয় ; সহজ কথা সহজে বলিতে গিয়া অল্পপ্রাস হইয়াছে।

টেকচাঁদের সারল্যে মুগ্ধ হইয়াছিলাম বটে কিন্তু কেহ বলিয়া না দিলেও তাঁহার গ্রাম্য দোষ—তখন নাম টাম না জানিলেও—একটা দোষ বলিয়া বোধ হইয়াছিল ! শ্রামের নাগাল পালাম না গো সুই,—ওগো মরমেতে মরে রই,—টুক—টুক—পটাস—পটাস, মিয়াজান গাড়েয়ান এক একবার গান করিতেছে, টিটকারি দিতেছে ও শালার গরু চলতে পারে না বলে, লেজ মুচড়াইয়া সপাং সপাং মারিতেছে।” এই লেখা আমার আপনা হইতেই ভাল লাগে নাই। তাহার পর যখন পিতৃদেবের সঙ্কেতে ঐ অংশ পাঠ করিলাম, তিনি শুনিয়া উচ্চ হাস্য করিলেন। সেই একরূপ সমালোচনা। আমি বুঝিলাম এরূপ লেখা প্রশংসনীয় নহে।

এইরূপ হাশ্বে ও গাভীঘো আমার শিক্ষা লাভ। বালককালে কর্তব্যের কঠোরতায় বা শিক্ষকের তাড়নার ভয়ে ভয়ে দায়গ্রস্ত হইয়া আমাকে শিক্ষা লাভ করিতে হয় নাই। সেই আমার পরম সৌভাগ্য, এ সৌভাগ্য অনেকের অদৃষ্টে হয় না। এ সৌভাগ্যের সংযোজক পিতৃদেব। স্বদেশে বিদেশে বহুতর শিক্ষকের কাছে নানারূপ

শিক্ষা লাভ করিয়া বন্ধুবান্ধবের মধ্যে অনেকে সিদ্ধকাম শিক্ষক আছেন, আপনিও দিনকতক সখের শিক্ষকতা করিয়াছি, আর পাঁচটি পুত্র কন্যা থাকতে সর্বদাই শিক্ষকতা করিতে হয়, কিন্তু এ পর্য্যন্ত সেই পিতৃদেবের মত শিক্ষক আমি আর দেখিলাম না। পুত্র পিতাকে সার্টিফিকেট দিতেছে, সে সার্টিফিকেটের মূল্য বড় কম, তাহা বুঝি। কিন্তু তাঁহার জীবনীর দশ কথা লিখিতে বসিয়াও যদি এই কথাটা না লিখি, তাহা হইলে মহা অধর্ম হয়, মনে করি। তাঁহার গুণের সম্যক পরিচয় দেওয়া হইল না বলিয়া অধর্ম নহে, এই কথাটা ছাড়িয়া দিলে জীবনী লেখার যে প্রধান উদ্দেশ্য তাহাই বিফল হইয়া যায়। একটি জীবনের ঘটনা হইতে দশটা জীবন আংশিক গঠিত হইতে পারে। আজি কালি শিক্ষকতা দুর্লভ সামগ্রী হইয়াছে। পিতা পিতৃব্য প্রভৃতি বালকগণের স্বাভাবিক শিক্ষক। তাঁহারা অনেক সময়েই আপনাদের ‘কার্য্য’ লইয়া বাস্তব থাকেন। পুত্রের শিক্ষা দানরূপ অকার্য্যে কাজেই তাঁহারা মনোযোগ দিতে পারেন না। স্কুলের শিক্ষকেরা ডাইরেক্টর বা প্রিন্সিপল কি বলেন, কি করেন, কি ভাবে কোন কার্য্য করিতে বলেন, সেই চিন্তাতেই আব্বুল; ছাত্রগণ কোন কথা প্রকৃত প্রস্তাবে শিখিতেছে কিনা, তাহা অসুধাবন করিবার সময় তাঁহাদের নাই, প্রযুক্তি তাঁহাদের হয় না। কাজেই ছেলেপিলের শিক্ষা এখন একটা বিশেষ বিড়ম্বনার ব্যাপার হইয়া উঠিয়াছে। পিতার বিচার আচার, আমোদ প্রমোদ, শিক্ষা পরীক্ষা প্রভৃতি শত কার্য্য থাকিলেও, আমাকে শিক্ষাদান তাঁহার সর্ব প্রথম এবং সর্ব প্রধান কার্য্য বলিয়া মনে করিতেন। কাছারির সময় ছয় ঘটা ছাড়া, বাকি আঠার ঘটা, আমি নিয়তই তাঁহার সঙ্গে থাকিতাম। একত্রে স্নান করিতাম, একত্রে আহাৰ করিতাম, একত্রে শয়ন করিতাম, তাঁহার সেই সন্ধ্যাকালের সরগরম মজলিসের আমি বিনীত অথচ নিয়ত শিশু সভ্য ছিলাম। কখন বলেন নাই যে, “অক্ষয় তুমি ওখরে গিয়া পড়গে।” গান গল্প হাসি মজ্জরা, শিশু বসিয়া সমানে ভোগী হইতে পারিতাম না, কিন্তু ভাগী হইতাম। তোমরা বলিবে, ইহাতে শিক্ষার কি হইল? আমি বলি, তুমি সবজ্ঞ বাহাদুর বা ডেপুটি মহাশয় অথবা উকীল প্রবর, তুমি দিন কত তোমার একটি ছেলেকে এইরূপ সহবত করিয়া রাখ দেখি, দেখিবে, যে সংশিক্ষা এখন তুমি অসাধ্য মনে করিতেছ, উহা সুসাধ্য হইয়া উঠিবে।

একজন প্রবীণ আত্মীয় যদি একটি সুকুমার-মতি শিশুকে নিয়ত নিজের সঙ্গে রাখেন এবং সে কি করিতেছে না করিতেছে, তৎপ্রতি অনেক সময় দৃষ্টি রাখেন, তবে সেই বালকের সাধ্য কি যে, সে সেই প্রবীণের প্রদর্শিত পন্থা হইতে অল্পমাত্র বিচলিত হইবে। তাহার উপর, যদি সেই প্রবীণের মনে কোনপ্রকার হাঁচ থাকে, তবে সেই বালকের তবল মন সেই প্রবীণের হাঁচে কাজে কাজেই ঢালাই হইবে। একজনকার

হাঁদে আর একজনকে ঢালাই করাই—প্রকৃত গুরুমুখী এবং গুরুমুখী শিক্ষাই শিক্ষা।  
বালকের শিক্ষা অত্মকরণ ; গুরু ভাল হইলে, সেই শিক্ষা যত গুরুমুখী হয়, ততই প্রবল  
ও উজ্জ্বল হয়। অতএব প্রথম কথা শিক্ষা গুরুমুখী হওয়া চাই এবং সেজন্য গুরুর  
সাহচর্য্য একান্ত বাঞ্ছনীয়।

সাহচর্য্য সর্ব্বদা বাঞ্ছনীয় বলিয়া শাসন সামাজ্যত বাঞ্ছনীয় নহে। সে কালে শাস্ত্র  
যখন সজীব ছিল, তখন সমস্ত শাসনই শাস্ত্রে ছিল। পিতামাতার শাসন, রাজার  
শাসন, প্রভুর শাসন, শাস্ত্র হইতে স্বতন্ত্র পদার্থ বলিয়া গণ্য ছিল না। কোথাও পিতা,  
কোথাও প্রভু, কোথাও রাজা—শাস্ত্রের শাসন মাত্র, পুত্রের প্রতি, ভৃত্যের প্রতি,  
প্রজার প্রতি পরিচালনা করিতেন। স্বতরাং তখন ছিল শাসন—কর্তব্যাকর্ম্মের একটি  
অঙ্গ। এখন হইয়াছে অনেক স্থলে অনিষ্ট আশঙ্কায় ক্রোধের পরিচয়। আমার প্রতি  
সাহচর্য্যের শাসন ছাড়া অন্তরূপ শাসন প্রায়ই ছিল না ; তবে পিতার অপ্রীতি বা  
ক্রোধকে আমি বড়ই ভয় করিতাম। নিয়ত সাহচর্য্যে প্রীতি জন্মায় বা বদ্ধিত হয়।  
আর সম্পর্ক গৌরবজনিত একটি ভয়ভয়তাব সেই প্রীতির সঙ্গে সঙ্গে থাকে। সেইজন্য  
পিতামাতা গুরুজনের কাছ হইতে, সাহচর্য্য থাকিলেই, শিক্ষা অতি সহজেই হয়।  
ক্রীত শিক্ষক বা বেতনভোগী স্থল মাষ্টারের কাছে সেরূপ হইবার সম্ভাবন নাই।  
আমাদের এখনকার কালে দেখিতে পাওয়া যায় যে, নিকৃষ্ট পিতা পিতৃব্য যদিও  
আপনারা বালককে শিক্ষা দিতে স্বচ্ছন্দে পারেন, তথাপি তাহা না দিয়া একজন  
প্রাইবেট টিউটার হস্তে শিশুকে সমর্পণ করেন।

পঞ্চাশ বৎসর পূর্বে, একজন বাঙ্গালি ভদ্রলোকের একটা ভাল চাকরী হইলে,  
বিদেশে তাঁহার বাসায় আর দশজন আত্মীয় অনাত্মীয় ভদ্রসম্প্রদায় থাকিতেন। তাঁহাদের  
খাচার উদ্দেশ্য কাজ কর্ম্মের উমেদারী। তাহার মধ্যে ব্রাহ্মণ সম্ভানেরা আপনা আপনি  
পাকা দি ফ্রিয়ার বন্দোবস্ত করিয়া লইতেন, অপরেরা হাট বাজারের তত্ত্বাবধান ইত্যাদি  
করিতেন। তখন ভাল চাকর, অল্প বেতনে যথেষ্ট পাওয়া যাইত। পাচক ব্রাহ্মণ  
অল্প বা অধিক বেতনে, একেবারেই পাওয়া যাইত না। কৃষ্ণনগরের বা বর্দ্ধমানের  
রাজবাড়ীতে বেতনভুক পাচক ব্রাহ্মণ ছিল না, এমন কথা বলিতেছি না বা বাঙ্গালার  
কোন বড় মাছুষের বাড়ীতে বেতনভুক পাচক ছিল না, তাহাও বলিতেছি না, তবে  
সাধারণত বড় বড় উকীল, মোক্তার বা হাকিমের বাসায় যেক্রম ঘটিত, তাহাই  
বলিতেছি। আসল কথা, ভদ্র ব্রাহ্মণ-সম্প্রদায় বেতন লইয়া পাচকতা করা অত্যন্ত  
হীনবৃত্তি মনে করিতেন। স্বতরাং সে বৃত্তি সহজেই গ্রহণ করিতেন না। আমাদের  
বাসায় যখন আমার মাতা ও অন্যান্য মেয়েছেলেরা থাকিতেন, তখন আমি ও পিতা  
আমরা অন্তঃপুরে পরিবার মধ্যে পাচিত অন্ন গ্রহণ করিতাম। যখন তাঁহারা না

ধাকিভেন, তখন বহির্বাটিতে ঐ উমেদার গোষ্ঠীগণের পাচিত অন্ন আমরা সমানে স্বচ্ছন্দে গ্রহণ করিতাম। উমেদারগণের মধ্যে আহার বেলায়। গ্রামবাসী দীননাথ বহু আমার সম্পর্কে ঠাকুরদাদা ছিলেন। তিনি প্রাতঃকালে পিতার সমক্ষে, পৃথক আসনে বসিয়া, আমাকে কাছে লইয়া কসামাজা শিখাইতেন। পিতার দৃষ্টি আমাদের উপরে থাকিত; আমাদের মধ্যে সকল কথা তিনি শুনিতে পাইতেন ও শুনিতেন। সেই সময়ে তিনি দশজনের সঙ্গে নানা কথায় এবং নানাকার্য্যে ব্যাপৃত থাকিলেও আমাদের নাতি ঠাকুরদাদাকে কখন নজরছাড়া, মনছাড়া করিতেন না। ইহাও একরূপ প্রাইবেট টিউসন; কিন্তু দোতারা বৈঠকখানায় বাবু মহাশয়, আর দালানের পাশে নীচের ঘরে সঁাতা মেজের, মেণ্ডনের টেবিলের দুই পাশে ছাত্র এবং 'সার',— সেই একরূপ প্রাইবেট টিউসন।

পিতা শয়নে-ভোজনে আমাকে সঙ্গী করিতেন, তাহা পূর্বেই বলিয়াছি। ঐ সব সময়ে আমি ছিলাম তাঁহার সঙ্গী, আমার খেলার সময়, তিনি আমার সঙ্গী হইতেন। প্রত্যহ বৈকালে, আমার সমবয়স্ক স্কুলের ছেলেরা আসিয়া জুটিত, আমরা হাতে তৈয়ারি কাঠের বাট ও সেলাই করা লাকড়ার বল লইয়া ব্যাটম্বল খেলিতাম। পিতা কাছারী হইতে বাসায় গিয়া, কাপড় ছাড়িয়া, হাত মুখ ধুইয়া, জল খাইয়া, আমাদের খেলায় যোগদান করিতেন। কখন বাট দিয়া বল মারিতেন, কখন বোলারের কার্য্য করিতেন; অথবা খাটাখাটুনি কখন খাটিতেন না। তাঁহার মত গুরুজনের পক্ষে সেরূপ হওয়াই, স্বাভাবিক বলিয়া আমরা বুঝিয়া লইয়াছিলাম।

এক একদিন সান্ধ্য মজলিস—আমাকে লইয়াই হইত। ছেলেবুড়া আমরা সকলে মিলিয়া, পরস্পর পরস্পরকে হিঁয়ালী জিজ্ঞাসা করিতাম। কিছুকাল পরে দাঁড়াইয়া গেল যে, আমি একলা অভিমন্যুবৎ এক পক্ষ, আর মহামহা সম্ভরথী সকলেই আমার বিপক্ষ। কিন্তু অভিমন্যুর মত সকল সময় আমার পরাজয় হইত না; আমি এক একদিন লবকুশের গৌরব রক্ষা করিতাম। আমার পেটে সংস্কৃত, হিন্দি, বাঙ্গালা প্রাহেলিকা গজ্জ গজ করিত। ইংরাজী তখন শিখি নাই বলিলেই হয়, সুতরাং ইংরাজী হিঁয়ালীর ধার ধারিতাম না। কিন্তু

১। এক বর্গ সমুদ্ভূতচতুর্ভুজ ফলপ্রদঃ।

অম্বলোম বিলোমেন সদেব পাতঃ বঃ সদা ॥

২। আয় ব্রাহ্মার আজব দ্বিদম্ চাব্বরঙ্গী জানোয়ার।

শের পত্ন্য, চসম্ আহ, ফীল্ গর্দন, বাঙ্খর।

৩। প্রথম অক্ষর নিলাম না, শেষের অক্ষর সেই,

নিরাকার নির্মাজ ভেদ মাজ এই;

মধ্যের অক্ষর কহি শুন যায়,  
পাশীলোকে বলিলে স্বর্ণে তরি যায় ॥

৪। হরি হায়, গুণ করি হায়, নও লাথ মতি জড়ি হায়।

বাবুজিকা বাগ্মে দোশ লা উড়ুকে খড়ি হায় ॥

প্রভৃতি সংস্কৃত, পারসী, বাঙ্গালা, হিন্দি বহুতর প্রহেলিকা আমার কণ্ঠস্থ ছিল ; ক্রমে এমন হইল যে, আমাকে আর কেহ হৈয়ালীতে আঁটিয়া উঠিতে পারে না। নয় দশ বৎসরের একজন বালক, প্রকাণ্ড প্রহেলিকা-বাজ, বিত্তা দিগ্গজ হইয়া উঠিয়াছে। সাক্ষ্য মজলিসে এক একদিন আমাকে লইয়া শুভঙ্করীর চর্চা হইত। ক্রমে ক্ষুণ্ণতির সহিত চালনার গুণে, আমি শুভঙ্করীতেও কীর্তিমন্ত হইয়া উঠিলাম।

আমাদের মুনসেফি কাছারীর একজন উকীল ছিলেন—গুপ্তিপাড়ার নিকট আয়দার রামচন্দ্র দত্ত। তিনি দৌর্যাকার, বলবান, তেজস্বী পুরুষ। বাঙ্গালায় দলিল-দরখাস্ত আদি নাকি অতি সারগর্ভ ভাষায় সংক্ষেপে লিখিতে পারিতেন। একথা পিতৃদেবের মুখে পুনঃ পুনঃ শুনিয়াছিলাম বলিয়া বলিতেছি। সেরূপ ভাল মন্দ বুঝিবার ক্ষমতা আমার তখন ছিল না। তাঁহার হাতের বাঙ্গালা লেখা অতি পরিষ্কার ছিল। তিনি এক ইঞ্চি, সওয়া ইঞ্চি পরিমিত অক্ষরে আমাকে বাঙ্গালা কপি লিখিয়া দিতেন, আমি বড় বড় অক্ষরে গোটা গোটা করিয়া ছাপার ছাঁদে লিখিতাম। কি লিখিতাম, তাহা মনে আছে। লিখিতাম—“ঘোর মোহানন্দকার-হর ঐহিক পারত্রিক মঙ্গলাকর শ্রীগুরুদেব দেবাদি-দেব শ্রীচরণ সরসীকহ রাজেশ্বর।” এই গোটা গোটা লেখাতেও খেলা করিতাম। চাল চোয়াইয়া জলে ফেলিয়া, চোয়ানি জল তৈয়ার করিতাম। শাদা কাগজে, সেই ঈষৎ রক্তিম জলে, ঐ ঘোর মোহানন্দকার লিখিতাম। কাগজটি বেশ শুকাইলে, সমগ্র কাগজটির উপর কালীর ভূষা দিয়া, হাতে করিয়া মাড়িয়া মাড়িয়া, সমগ্র কাগজটা ঘোর চক্চকে কাল করিয়া ফেলিতাম। তাহার পর একটা বড় পীড়ের উপর সেই কাগজটা রাখিয়া, জলের ছাট মারা হইত। যে স্থানটা চোয়ানী জলের লেখন, সেই স্থানটা শাদা বাহির হইয়া পড়িত ; বাকি অমিটা ঘোরতর কৃষ্ণবর্ণ থাকিত। সেই কালর ভিতরে শাদা লেখা, আমার একটা খেলা।

আমার খেলার পরিচয় ঐরূপ, ব্যায়ামের পরিচয় ব্যাটম্বল। আর খেলা, ব্যায়াম ও আমোদের জন্ত পিতা আমাদের বাড়ীর উঠানে একটি ছোট খাত ফুলের বাগান করিয়া দিয়াছিলেন। আমি সেখানে অল্প-স্বল্প খোঁড়াখুঁড়ি করিতাম, বাস নিড়াইতাম ; চাকরেরা কূপ হইতে জল তুলিয়া দিলে, সেই জল লইয়া ফুলের গাছে দিতাম। বাগানে প্রজাপতির সঙ্গে খেলা করিতাম, কখন কখন চূপ করিয়া দশবাছ

চণ্ডীর সবুজ লীলা প্রাণ ভরিয়া দেখিতাম, কখন বা মল্লিকার মালা করিয়া আমাদের বৈঠকখানায় রাখিয়া আসিতাম ।

উলায় থাকিবার সময়ে, আমি ইংরাজী অতি অল্পই পড়িয়াছিলাম, কিন্তু যেটুকু পড়িয়াছিলাম বুঝিয়া-হুঝিয়া পড়িয়াছিলাম । আমি পড়িয়াছিলাম, ফাষ্ট নম্বর ও সেকেন্ড নম্বর স্পেলিং, ফাষ্ট নম্বর রিভারের বার আনা, সেকেন্ড নম্বর রিভারের অর্দেক । ইংরাজী ঐ পর্যন্ত, অঙ্ক বিষয়ে বাঙ্গালায় শিখিয়াছিলাম সমস্ত শুভঙ্করী ও ইংরাজী মতে সামান্তও দশমিক ভগ্নাংশ । বাঙ্গালায় পিয়ারসনের ভূগোল আর ইয়েটস্ পদার্থবিজ্ঞা ; বাঙ্গলা সাহিত্যের পরিচয় পূর্বেই দিয়াছি ।

আমার শিক্ষা বিষয়ে পিতৃদেব কি রকম উপকরণ উপস্থাপিত করেন ও কি রকম প্রকরণ-পদ্ধতি অবলম্বন করেন, তাহার কতক পরিচয় দেওয়া হইল । পদ্ধতির মধ্যে আর একটি বিশেষত্ব এই ছিল যে, আমি খেলাধুলা, আমোদ প্রমোদ যথেষ্ট করিতাম, কিন্তু সকলই পিতার সমক্ষে, তাঁহার নজরের উপর । উপকরণ সম্বন্ধে বিশেষত্ব এই যে, ভাল ছাপার ভাল কাগজে যে সকল গল্প, পুস্তক সে সময়ে প্রকাশিত হইয়াছিল, সে সমস্তই দেখিতে পড়িতে বাঁটিতে আমি পাইতাম ; বটতলার ছাপার একখানিও পুস্তক আমার সম্মুখে কখন আসে নাই । আমি দেখিতে বা পড়িতে পাই নাই । তাহার ফল এই হইয়াছিল যে, একদিকে যেমন কুংসিত পুস্তক একখানিও আমি পড়ি নাই, সেইরূপ কুস্তিবাস, কালীদাস, কবিকঙ্কণ প্রভৃতি সঙ্গ্রহ হইতে আমি বঞ্চিত ছিলাম । বিজ্ঞানাগর মহাশয়ের কুপার অন্নদা-মঙ্গল, বিজ্ঞানসম্মেলনের এবং ‘হু’ ‘কু’ আমার সকলই উদরস্থ ছিল ।

আমার লেখাপড়া শিক্ষার প্রকরণ ও উপকরণের কথা বলিলাম । আমার আচার-ব্যবহার শিক্ষার প্রধান উপকরণ—পিতা স্বয়ং । এই সকল শিক্ষা—চরিত্র গঠন—যেমন দৃষ্টান্তে হয়, এমন আর কিছুতেই নয় । পিতৃদেবে বিলাস, বাবুয়ানা, দস্ত, দর্প—এ সকল কিছুই ছিল না । শাদা-সিধা ভাল ভাত তরকারী, চলন-সই কাপড়, চাদর, জামা, জুতা—এই সকলই তাঁহার নিত্য ব্যবহারের সামগ্রী ছিল । ভাল খাওয়া হইত, অতিথি অভ্যাগত আনিলে । ভাল পরা পরিতাম, পূজা পার্বণে । নিত্য ব্যবহারে সকলই শাদা-সিধা । এই যে শাদা-সিধা কাপড়-চাদর ইহার মধ্যে বিলাতীর সংশ্রব ছিল না । তা যে একটা ধর্ম, বা কর্তব্য, বা দেশহিতৈষীতা, তা বলিয়া নয়, আপনা-আপনিই, তাহাই আমাদের অভ্যাস ছিল । বিলাতী কাপড়ের জামা ছিল,—কিন্তু সেটা যে একটা দূষণীয় পদার্থ, তাহা কখন ভাবি নাই, ভাবিতে কেহ বলেন নাই । আমাদের এখানে, চুঁচুড়া, ফরাস ডাক্তার, দেশী কাপড়-চাদরের অভাব ছিল না । থাকিতাম উলায়, শান্তিপুর অতি নিকটে, সেখানেও দেশী কাপড়-চাদর বিস্তর, কাজেই

আমরা দেশী বস্ত্রই ব্যবহার করিতাম। যে বৎসর পিতা সিনিয়র স্কলবুশিপ পরীক্ষা দিয়া শান্তিপুরে প্রথম বেড়াইতে যান, সেই বৎসর শান্তিপুর হইতে তিন লক্ষ টাকার খান রপ্তানি হইয়াছিল। এখন পালা উন্টাইয়া গিয়াছে। তাঁতিতে খান বুনিতে ভুলিয়াছে, দেশ হিঠেবীতার দোহাই দিয়া এখন ছেলে-পিলেকে দেশী কাপড় ব্যবহার করাইতে হয়। আমাদের একুপ বিচিত্র শিক্ষা হয় নাই।

পিতাকে প্রাণের সহিত ভালবাসিতাম; পিতাহি পরমং তপঃ—এ সকল জানিতাম না। শাস্ত্র জানিলে, তবে পিতৃভক্তি হয়—এ বিড়ম্বনাতেও কখন পড়ি নাই। পিতা—সরল, সংযমী, সদালাপী, মিতাচারী ছিলেন, আমি বালক হইলেও তাঁহারই মত স্বভাব পাইয়াছিলাম।

পূর্বেই বলিয়াছি, এই সময়ে পিতৃজীবনের প্রধান লক্ষ্য ছিল আমার সংশিক্ষা। তাঁহার গুরুতর রাজকর্মা তিনি নিকৃষ্ট বলিয়া মনে করিতেন। স্তত্রাং তাঁহার জীবনের এই ভাগের বর্ণনায় আমার শিক্ষার কথায় বেশী বলিতে হইল। তাহাতে বাঙ্গালা সাহিত্য-সেবায় তাঁহার অম্মুরাগও বৃদ্ধিতে পারা গেল।

এহ স্থলে আর একটি কথা বলা বিশেষ আবশ্যক। পঞ্চাশ বাট বৎসর পূর্বে, আদালতে বাঙ্গালা, এক বিকুৎসিত ব্যাপার ছিল। এক পৃষ্ঠা দরখাস্তে একটি সমাপিকা ক্রিয়া থাকিত। “এতাবত” “বিধায়” ইত্যাদি শব্দ দিয়া প্যাঁচের উপর প্যাঁচ লাগাইয়া বাঙ্গলা ভাষার এবারং বা ষ্টাইল একটি বিষম গোলকর্মাধা করিয়া তোলা হইত। বাঙ্গালা লেখার জ্ঞাত বস্ত্র গত্ত জ্ঞান থাকা আবশ্যক ছিল না। ঐয় আকার (।) দিয়া হঞা (হইয়া) ওয়ে আকার দিয়া হঙা (হওয়া) সর্বদাই থাকিত। লেখকেরা কেহ বিমুক্ত বানানের ধার ধারিত না। ব্যাকরণ কাহাকে বলে জানিত না। গেরর উপর গের দিয়া, প্যাঁচের উপর প্যাঁচ দিয়া, জটিল-কুটিল দুর্কোথ একটা কারখানা করিতে পারিলেই, লেখক বড় মুন্সি হইতেন। লেখক-দিগের বুদ্ধি ছিল না এমন নহে; কিন্তু ঘোর-ফের করিয়া যে যত ভাষা অম্পষ্ট করিতে পারিত, তাহার মুন্সিয়ানা বুদ্ধির ততই প্রশংসা হইত। তাহার পর নির্বুদ্ধিতাও যথেষ্ট ছিল। একজন উচ্চ কর্মচারী তাহার উপরিস্থ আর একজন উচ্চতর কর্মচারীকে লিখিলেন—“পুলিশ সাহেবের আশায় দস্যুরা পলায়ন করিল! বড় সাহেব বাহাদুর অভিধান দেখিয়া জানিলেন যে ‘আশা’ অর্থে ইচ্ছা; অতএব বুঝিলেন, পুলিশ সাহেবের ইচ্ছাক্রমে ডাকাতরা পলাইয়াছে। স্তত্রাং পুলিশ সাহেব সাসপেণ্ড হইলেন, মহাত্মুল হইয়া উঠিল। লেখা উচিত ছিল, “পুলিশ সাহেব আসাতে, তাহা না লিখিয়া ‘পুলিশ সাহেবের আশায়’ লেখাতেই এত গণ্ডগোল হইল।

একুপ সর্বদাই হইত। এই সকল বিড়ম্বনা দূরীকরণার্থ পিতা দৃঢ়-প্রতিজ্ঞ

হইয়াছিলেন। আহেলে মামলা, মুহুরি আমলা, উকীল যোক্তার সকলেরই কার্যে তাঁহাদের ক্রটি দেখাইয়া দিয়া, তাঁহাদের ভাষা সংশোধন করিয়া দিতেন; আর ভবিষ্যতে সেরূপ না হয়, তাহার জন্ত সং-উপদেশ প্রদান করিতেন। আমার শিক্ষা-তাঁহার প্রধান লক্ষ্য। যাহাদের লেখার প্রয়োজন, যাহাতে তাহারা সহজে সরলভাবে লিখিতে পারে, তাহার জন্ত তাহাদিগকে সর্বদা শিক্ষাদান, তাঁহার জীবনের দ্বিতীয় লক্ষ্য ছিল। পূর্বে বলিয়াছি, তিনি চারিটি বিদ্যালয় স্থাপিত করেন। কাছারী তাঁহার স্থাপিত নহে বটে, কিন্তু সেটি পঞ্চম স্কুল। সেখানে ষষ্ঠ, নব্বু ব্যাকরণ কিছু শিখাইতেন না বটে, কিন্তু লেখার রীতি, কায়দা ও লেখার মধ্যেও যে একটা কার্য্যকরণ সম্বন্ধ আছে, সেই ভাবটা—সর্বদাই বুঝাইয়া দিতেন। আর কোন বিষয়েই সংস্কারক বলিয়া পরিচিত হওয়া পিতৃদেব গৌরবের বিষয় বলিয়া মনে করিতেন না, তবে সাধারণত, যাহাতে শিক্ষা বিস্তার হয়, এবং চলিত লেখা-পড়ায় যাহাতে অধিকতর বিদ্বদ্ধি, সারল্য, প্রাঞ্জলতা এবং বুদ্ধি বিচার থাকে, তৎসমুদয় তিনি বিশেষ যত্নবান ছিলেন। এই স্থলেই তিনি সংস্কারক। যখন যে জেলায় গিয়াছেন, সেই খানেই যাহাতে ভাষার সংস্কার হয়, তাহার জন্ত বিশেষ চেষ্টা করিয়াছেন। যে ভাষায় তিনি সাক্ষীর জবানবন্দি লিপিবদ্ধ করিতেন, তাহা অবিকল সাক্ষীর কথা হইলেও বিদ্বদ্ধ বাঙ্গালা হইত। সাধারণ লোক কখন বাঙ্গালা বলিতে ভুলে না। আমাদের সহর-অঞ্চলে কখন কখন বলে বটে “ঠাকুর মহাশয় চলে গেল, তার জুতজোড়াটা পড়ে রইলেন” কিন্তু তখন তাহারা আমাদের অম্লকরণ করিতে যায়, অর্থাৎ সাধুভাষা বলিতে যায়, গিয়া ভুল করে।

তাঁহার সাক্ষীর জবানবন্দি অতি পরিষ্কার বিদ্বদ্ধ সহজ বাঙ্গালা। সমস্ত হকুম নিজে লিখিয়া দিতেন, সাধারণত মোকদ্দমার রায় বাঙ্গালাতেই লিখিতেন, তাহা অতি প্রাঞ্জল বাঙ্গালা হইলেও বিশেষ প্রগাঢ় হইত। তাঁহার সেই আদর্শ বাঙ্গালা লেখার সংক্রামকতা ছিল; এই সকল কথা—তাঁহার মুনসেফি অবস্থার কথা বলিতেছি। তিনি যখন সদর আলা হইলেন, তখন বাঙ্গালায় বিশ বৎসর বিদ্বদ্ধ বাঙ্গালার চর্চা হইয়াছে; ঢাকায় একজন এম, এ কে পিতৃদেব কিছুদিনের জন্ত সব জজের সেরেস্তাদারী পদে নিযুক্ত করেন। তখন আর বাঙ্গালার ভাবনা তাঁহাকে ভাবিতে হয় নাই। তখন বিদ্বদ্ধ বাঙ্গালা ভাষা দেশে শিকড় গড়িয়াছে। ছাত্রবৃত্তি পাশ শত শত যুবক রাজকীয় কর্ম্মাগারে নানা কর্ম্ম করিতেছেন। উলা, পানিআটা, জাহানাবাদ, সাতক্ষীরা, এই সকল স্থানে পিতৃদেবকে বাঙ্গালা ভাষার সংস্কারের কার্য্য করিতে হইয়াছিল। এই সংস্কার কার্য্যের প্রধান অধিষ্ঠান-ক্ষেত্র উলা, পূর্বেই বলিয়াছি, ব্রাহ্মণ-মণ্ডলীর আবাস ভূমি। ব্রাহ্মণ সম্ভানগণ সকলেই লেখা পড়া



শিখিতেন। হাতের লেখা গোটা গোটা পরিষ্কার উজ্জল ছিল। বালকেরা আগ্রহ-সহকারে স্থলে বসে ব্যাকরণ শিখিতে লাগিল। যুবক উমেদার-গোষ্ঠী, কাছারীতে আসিল, বাঙ্গলা লেখার এবারও দোরস্ত করিতে লাগিল। পূর্বেই বলিয়াছি উকীল রামচন্দ্র দত্ত বাঙ্গলা এবারতে খুব মজবুত ছিলেন, তিনিও খুব আগ্রহ সহকারে এবিষয়ে পিতৃদেবের সহায়তা করিতে লাগিলেন। প্রথম প্রথম হাকিমের মনোরঞ্জন-কারী বলিয়া কেহ কেহ ইঙ্গিতে তাঁহাকে বিদ্রুপ করিত। কিছু দিন পরে সংস্কারের প্রয়োজনীয়তা সকলেই উপলব্ধি করিল; এবং এই কার্যের জন্ত সকলেই পিতৃদেবকে ও রামচন্দ্র দত্তকে মনে মনে ভূয়সা প্রশংসা করিতে লাগিল।

আমার শিক্ষার জন্ত পিতৃদেব বিরূপ প্রকরণ-পদ্ধতি অবলম্বন করেন ও বিরূপ উপকরণ উপস্থাপিত করিয়াছিলেন, তাহা পূর্বেই বলিয়াছি। এখন আমার কীর্ত্তির একটু পরিচয় দিতে ক্ষতি কি? যে সকল পুস্তক পড়িতাম, সে সকল পুস্তকের মধ্যে যে সকল দুরূহ শব্দ থাকিত, সেইগুলি একখানি খাতায় একদিকে লিখিতাম ও শব্দার্থ পিতার নিকট জিজ্ঞাসা করিয়া লইয়া তাহার পার্শ্বে লিখিতাম। কখন কখন পিতৃদেব স্বহস্তেও পার্শ্বে অর্থ লিখিয়া দিতেন। এমনি করিয়া অনেকগুলি খাতা হইয়াছিল। বালক কালের মন,—বৃদ্ধাবস্থায় স্মৃতি ও মন দিয়া বিশ্লেষণ করা বড় কঠিন। সেই খাতাগুলি অভিধানরূপে প্রকাশ করিতে আমার ইচ্ছা হইয়াছিল। এই ইচ্ছার মধ্যে কতটা ছেলেমি ছিল, আর কতটা দুরাকাজ্ঞার বীজ ছিল ছিল, তাহা ঠিক করিয়া বলা একরূপ অসাধ্য। আমাদের বাড়িতে ‘শব্দসাগর’ অভিধান ছিল। আমি কাজে কাজেই, ‘শব্দসাগর’ সন্ধান করিতে সন্ধান করিলাম, সন্ধান মত কার্য্য হইল। অভিধানের পরিচয়-পৃষ্ঠা এইরূপ—

“শব্দসাগর”

শ্রীঅক্ষয়চন্দ্র সবকার কর্তৃক

প্রণীত।

সংবৎ ১২১৩

শকাব্দ ১৭৭৮

সাল ১২৬৩

খ্রীষ্টীয় শাক ১৮৫৬

এই গ্রন্থে নানাবিধ পুস্তক হইতে দুরূহ শব্দ সন্ধান পূর্বক তদর্থ তৎপৃষ্ঠে লিখিত হইয়াছে।”

বিশ্বাসাগর মহাশয় ‘কর্তৃক প্রণীত’ লিখিতেন, আমিও লিখিয়াছি। কেহ সংবৎ

কেহ শকাব্দা, কেহ সাল, কেহ খৃষ্টাব্দ দিভেন, আমি সবকটাই দিয়াছি। আর গ্রন্থের পরিচয় সৰ্বশেষে দিয়াছি। তবে “এই গ্রন্থ” শব্দের কারক কিরূপে মিটিল, তাহা বুঝা যায় না। দ্বিতীয় পৃষ্ঠায় এই গোল আরও স্পষ্টীকৃত হইয়াছে, সেই ভূমিকা পৃষ্ঠায় অবিকল প্রতিকূপ এই স্থানে সন্নিবেশিত করিলাম।

এখানে দেখিবেন কর্তৃবাচ্যে আরম্ভ হইয়া ভাববাচ্যে বাক্য শেষ হইয়াছে। আমার নামের পূর্বে অধীন শব্দটীও লক্ষ্যের বিষয়। অক্ষয় শব্দের মোড়া ‘অ’টি লক্ষ্যের বিষয়। মোড়া ‘অ’ দেবনাগর ‘अ’ তখন একটু আধটু চলিত। ‘ক’ পরে আছে, ‘ক’ টি দেবনাগর করিয়া দিলে, লেখাটি খুব ঘোরাল-ফেরাল হয়, এই জন্ত রামচন্দ্র দত্ত আমাকে ঐরূপ লিখিতে শিক্ষা দিয়াছিলেন। শব্দমাগরের শব্দসুন্দরা ভাগের যৎকিঞ্চিৎ পরিচয় দিব।

নান্দী	...	নাটকের প্রথমে আশীর্বাদ-সূচক
	...	বাক্য।
স্বত্বধার	...	প্রধান নট।
নেপথ্য	...	সাজঘর।
আখ্যা	...	প্রোষ্ঠা দ্বী।
আখ্যাপুত্র	...	স্বামী।
অভিনয়	...	ভাব প্রকাশ করা।
প্রস্তাবনা	...	আরম্ভ, ভূমিকা।
অপবাক্য	...	কিরিয়া।
বিকল্পক	...	প্রথমে পূর্ব কথার স্মরণ করিয়া দিয়া যে বিষয়ের অভিনয় হইবে - তাহার ভাবি কথার অংশকে যাহা সূচনা করিয়া দেয়। ইত্যাদি—।

অধিক নমুনা দেবার প্রয়োজন নাই।

ভুলিয়াছি নাকি, হাতের লেখায় মানব চরিত্রের পরিচয় পাওয়া যায়। মানব চরিত্রে বৈচিত্র আছে বলিয়াই, হাতের লেখায় বৈচিত্র আছে। যে ছোট ছোট গুণবুজ্জি লেখে, তাহার চিত্তও নাকি সমুচিত এবং জটিলতম। যে বড় বড় করিয়া দীর্ঘচ্ছন্দে গোটা গোটা লেখে, জোরাল টানে কলম টানে, তাহার নাকি উদার ক্ষমতা এবং বিশাল সাহস। নেপোলিয়ন খুব তেজ কলমে গোটা গোটা অক্ষরে নাম সহি করিতেন। ওয়াটারলুতে বিধ্ব বিপর্যাস্ত হইয়া, তাহার দস্তখতের টান নাকি নিস্তেজ হইয়াছিল। শেষের এন এর শেষ টান নাকি ঝুলিয়া পড়িয়াছিল। জানিনা, এ সকল

কথা কতদূর সত্য। আমার দশম বৎসরের জীবনের হিজিবিজির অবিকল প্রতিকল্প দিলাম। চরিত্রের পরিচয় এখন আপনারা বুঝিয়া লউন।

এই যে ভূমিকার তারিখ, শকাব্দা ১৭৭৮, ২৮শে আশ্বিন, আমার উলা জীবনের এই শেষ সময়। ইহার পর বেশীদিন আমরা আর উলায় ছিলাম না। আমি ত আর যাই নাই। যে রামচন্দ্র দত্ত আমাকে হস্তাক্ষর শিক্ষা দিয়াছিলেন, একদিন হঠাৎ স্তনিলাম তিনি অকস্মাৎ মহাপীড়িত। স্তনিয়া চাপরাসির সঙ্গে বৈকালে দেখিতে গেলাম। উলার প্রায় দক্ষিণ পশ্চিম নীমায় বাজারের সংলগ্ন একটি ছোট একতলা কুঠারিতে—তিনি বাস করিতেন। তখন পূজার পূর্বে উলার চারিদিকে জলে জলময়। চারিদিকের মাঠ ছাপাইয়া গ্রামে কানায় কানায় জল উঠিয়াছে। দস্তজার সেই দূরত্বটি দেখিলাম অত্যন্ত সৈত। সেই ক্ষুদ্র অক্ষকার ঘরে, একদিকে চৌকীর উপর সদাশয় দত্ত মহাশয় অসাড় পড়িয়া আছেন; চিত হইয়া পড়িয়া আছেন হস্তপাদাদি নাড়িতেছেন না। আমাকে চিনিতে পারিলেন—ছুটি চারিটি কথায় আশীর্বাদ করিলেন, চাপরাসি আমাকে লইয়া চলিয়া আসিল। যত্নের পূর্বগামিনী ছায়ায় সঙ্গে, সেই আমার প্রথম পরিচয়। উদাস প্রাণে নয়, ভরা প্রাণে আমি বাসায় আসিলাম! সে রাত্রি পড়িতে স্তনিতে পারিলাম না। পরদিন প্রত্যুষে স্তনিলাম, দত্ত মহাশয়ের মৃত্যু হইয়াছে। তিন দিনের জরে দত্ত মহাশয়ের মৃত্যু হয়। তখন কাছারীর ছুটি হয় নাই। পিতা ছুটির অপেক্ষায় দুই চারি দিন রহিলেন। আমি, মাতা ও পরিবারের আর আর সকলে চলিয়া আসিলাম। উলায় তখন বিষম মহামারী আরম্ভ হইয়াছে। আট লক্ষ লোক পূর্ণ কলিকাতায় কোন দিন দুইশত লোকের মৃত্যু হইলে মহা গণ্ডগোল উপস্থিত হয়; আর দশ হাজার অধিবাসীর বাসস্থান উলায়, প্রত্যহ দুই শত লোক নীরবে মরিতে লাগিল। পূজার পর পিতা রাণাঘাটে কাছারী উঠাইয়া লইয়া গেলেন। এখনও সেই রাণাঘাটে আছে।

এই যে আমরা উলায় ছিলাম, ইহা ক্লান্তভাবে বা এক লাগাড়ে নহে। ৮শারদীয়া পূজার ছুটি হইলে, পিতার সহিত বাড়ী আসিতাম, ভাতৃবিত্তীয়ার সময় পিতৃদেব চলিয়া যাইলেন, আমরা অর্থাৎ মাতা, আমি প্রভৃতি কান্তিক পূজা করিয়া, অগ্রহায়ণে নবান্ন সারিয়া, পৌষে পিঠা পার্জন খাইয়া, মাঘ মাসে উলায় যাইতাম। হেমন্ত ও শীত আমাদের চুঁচুড়ায় কাটিত। চুঁচুড়ার বাস, আমার সহরে বাস হইত। উলায় বাস আমার পল্লীবাস ছিল। চুঁচুড়ায় গঙ্গা দেখিতাম, কলেজ দেখিতাম, লাল গোরা পিল পিল করিতেছে, এমন বার্ষিক দেখিতাম; পালেদের বাড়ীর পার্শ্বে হোটেলের পুতিগন্ধের জ্বাণ লইয়া নাকে কাপড় চাপা দিতাম। দুর্গাপ্রসন্ন কাকা প্রভৃতি পাড়ার বর্ষায়ান বালকেরা, আমার সঙ্গী হইয়া আমার সহরে-জীবনের সার্থকতা সম্পাদন

করাইয়া দিতেন। দুইবার অগ্রহায়ণ, পৌষ, তাহা হইলেই হইল চারি মাস। আমি পাড়ার প্রেমচাঁদ মহাশয়ের পাঠশালায় পড়িয়াছিলাম। পৌষপাক্ষের পালায় ভিতর পড়িত, দুই বারই গুরুমহাশয়কে চাল, ডাল, নারিকেল, গুড়, তিল, তিলের ছাঁই, রান্ধা আলু, গোল আলু প্রভৃতি পৌষের সিধা দিতে হইয়াছিল, আমার বেশ মনে আছে। সিধার সঙ্গে এক এক বোঝা স্বর্দ্রী কাঠও দিতাম। শাস্ত্রমত তামাক চুরি করিয়া গুরুমহাশয়কে দেওয়া আমার অদৃষ্টে ঘটে নাই। বাড়ীর মধ্যে তামাক-থেক পুরুষ-সাধু চাকর। সে প্রত্যহ ১০ কড়ার তামাক পাইত, তাহা হইতে চুরি করিয়া গুরুমহাশয়কে দেওয়া বড়ই কঠিন ও নিষ্ঠুর কার্য হইত। এই সকল বুঝিয়া হুঝিয়াই বোধ করি ঐরূপ কার্যে গুরুমহাশয় আমাকে ব্রতী করেন নাই।

এবার যখন উলা হইতে ফিরিয়া আসিলাম, তখনত আমি দ্বিগুণ পণ্ডিত। পাঠশালার সমবয়সী ছেলেদের, বানানে ঠকাইয়া দিই, মানেতে ঠকাইয়া দিই। তবে দুই একজন তিলি-জাতীয় ছাত্রের হাতের লেখা আমাপেক্ষা ভাল হইয়াছিল। পূজার পর পিতৃদেব রাণাঘাটে চলিয়া গেলেন। তাঁহার নিকট হইতে সাক্ষাৎ সম্বন্ধে শিক্ষা প্রাপ্তির একরূপ সমাধান হইল। কুসংসর্গে নষ্ট না হইয়া যাই, একরূপ শিক্ষা তিনি আমাকে দিয়াছিলেন। সদা সত্য কথা কহিবে, মিথ্যা কথা কহিবে না। একরূপ করিয়া তিনি আমাকে কখন শিক্ষা দেন নাই। শিক্ষা হয় দৃষ্টান্তে, কেবল উপদেশে নহে। তিনি আমাকে যে বিচিত্রা শিক্ষা দিয়াছিলেন, সেই শিক্ষার স্বর্ণে আমি কুসংসর্গ প্রফ হইয়াছিলাম। কুসংসর্গে আমাকে নষ্ট করিতে পারিত না। এই শিক্ষার কথা বহুদিন পরে, পিতার মূখে শুনিয়া এবং বুঝিয়া, আমি সাধারণীতে প্রবন্ধ লিখিয়া ছিলাম এবং পরে, ‘আলোচনা’ পুস্তকে সেই প্রবন্ধ সন্নিবিষ্ট করিয়াছি। দুই পঙক্তি তাহা হইতে উদ্ধৃত করিতেছি। “মহুগুজীবনের প্রথম শিক্ষা—অহঙ্কার, আত্মগৌরব, আপনায় উপর জ্ঞান, আপনায় উপর বিশ্বাস। কুসংসর্গে লোক মন্দ হইয়া যায়, অর্থাৎ যাহার মনে নিয়মিত অহঙ্কার নাই, সেই উচ্ছিন্ন যায়।” পিতা জন্মের মধ্যে এই আত্ম-গৌরবের অঙ্গুর প্রবন্ধ করিয়াছিলেন, তাহাতেই চারি দিকে অনাচার অত্যাচারের বিষম দৃষ্টান্ত থাকিতেও, আমি দশ বৎসরের বালক, সেই সময় হইতে সমস্ত কিশোর কাল, অনড় অচল ছিলাম।

পূজার কিছুকাল পরেই কলেজের পরীক্ষার সময়। আমি একেবারে গ্রীষ্মের ছুটির পর, যেদিন সিপাহীরা ইংরাজরাজের বিরুদ্ধে বিষম বিদ্রোহ ঘোষণা করে, ১৮৫৭ সালের ২২ জুন, সেই দিন আমি হুগলী কলিজিয়েট স্কুলের ষষ্ঠ শ্রেণীতে সেকেণ্ড নম্বর রীভারের ক্লাসে ভর্তি হইলাম।

পর দশ বৎসরে, কিরূপে বিশ্ববিদ্যালয়ের বিরাট কলে, ষ্টুড ও পিষ্ট হইয়া একটা

অজুত ম্যালেরিয়া-পূর্ণ কৃষ্ণের জীবভাবে ১৮৬৮ সালে বিশ্ববিদ্যালয় হইতে নিষ্কাশিত হইলাম, পূর্বেই বলিয়াছিল, সে সকল কথা কিছু বলিব না। তবে এই দশ বৎসর কালের মধ্যে, বাঙ্গালা সাহিত্যের কি শিক্ষা পাইলাম, তাহা বলা কর্তব্য মনে করি।

তখন বাঙ্গালায় সঙ্গীত বলিয়া একটা জীবন্ত জিনিস ছিল। কবির গান নিস্তরঙ্গ ও ত্রিযমাণ হইয়াছিল বটে, কিন্তু যাত্রা পাঁচালী খুব আসর জমকাইয়া বসিয়াছিল। আমাদের পাড়াতেই পাঁচালীর দল ছিল। আর চুঁচুড়া করেমডাকায় যাত্রা, পাঁচালীর আড়ৎ ছিল। তাহা ছাড়া পথে ঘাটে সর্বদাই লোকে গান গাহিতে গাহিতে যাইত; রাত্রিতে ত বটেই। পড়িবার সময় ছাড়া, অল্প সময়ে, চারিদিক চাহিয়া দেখা ও সকল কথা কাণ খাড়া করিয়া শুনা, আমার অভ্যাস হইয়াছিল। বহুতর বাঙ্গালা গান আমার মুখস্থ হইয়াছিল। রাত্রি জাগরণ করিয়া যাত্রা শুনা,—বৎসরে দুই দিনও শুনিতাম না। এমনি দিবা ও সাক্ষ্য গানে, আমার মগজ ভরপুর ছিল। পূর্বেই বলিয়াছি, হুগলি কলেজে বাঙ্গালা শিক্ষার ব্যবস্থা ছিল। সেই ব্যবস্থা হইতে উপকার লাভ করিবার আমার ক্ষমতা হইয়াছিল। আমি উপকৃতও হইয়াছিলাম। আমরা পড়িতাম ‘সুখবোধ ব্যাকরণ।’ এই ব্যাকরণের কথা, শ্রীযুক্ত রামেন্দু হুন্দর ত্রিবেদী, একটা প্রব্র-তত্ত্ব-প্রবন্ধে সন্নিবিষ্ট করিয়াছেন। শত শত বালক ঐ ব্যাকরণ যে কণ্ঠস্থ করিত, তাহা বোধ হয় ত্রিবেদী কখন শুনে নাই। ত্রিবেদী-গ্রন্থকারের নাম লিখিয়াছেন—শ্রীভগবান্ চন্দ্র সেন। ঠিক কথা, কিন্তু ১৮৫৭ সাল হইতে মুদ্রিত পুস্তকে ‘শ্রীভগবৎচন্দ্র বিশারদ-প্রণীত’ বলিয়া ছাপা হইয়াছে। এই ভগবানচন্দ্র সেন বা ভগবৎচন্দ্র বিশারদের কাছে, আমরা এন্ট্রান্স ক্লাসে ১৮৬২ সালে পড়িয়াছিলাম। আর তাঁহার ব্যাকরণ সমস্ত কিশোর জীবনে অভ্যাস করিয়াছিলাম। সুখবোধ হইতে যে কৃৎ, তদ্ধিত, ও জ্যৈ পড়িয়াছে, তাহাকে বাঙ্গালা লেখায় হঠাৎ ব্যাকরণে ঠকিতে হয় না। হুগলী কলেজের নীচের ক্লাসে কয়েকজন ভাল ভাল পণ্ডিত ছিলেন। এখনকার প্রসিদ্ধ বিপিনবিহারী গুপ্তের পিতা ৮গোবিন্দ গুপ্ত তন্মধ্যে একজন। স্কুলে ভর্তি হইয়াই, তাঁহার হস্তে পড়িলাম। তিনি বড় মৎ শিক্ষক ছিলেন। তাঁহার কাছে আমি বিশেষরূপে ঋণী। সেইরূপ হরচন্দ্র ভট্টাচার্য্যের কাছেও ঋণী। ভগবৎচন্দ্রের নাম পূর্বেই করিয়াছি। তাঁহার উপর ছিলেন গোবিন্দচন্দ্র শিরোমণি। ইহার নিকট আমি মুদ্রবোধ শিক্ষা করিতাম। তিনি অগ্রে হেড পণ্ডিত ছিলেন, পরে প্রফেসর হন। পিতৃদেবও তাঁহার নিকট কলেজে পাঠ করিয়াছিলেন। আমরা দুই পুরুষে, তাঁহার নিকট ও প্রসিদ্ধ প্রফেসর ঈশানচন্দ্র বন্দ্যোপাধ্যায়ের নিকট ঋণী। সংস্কৃত বাঙ্গালার জ্ঞান আর আমি ছাত্র জীবনে শেষ ঋণী—৮গোপালচন্দ্র গুপ্তের নিকট ও শ্রীযুক্ত নীলাধর মুখোপাধ্যায়ের নিকট। সকলেই জানেন, তিনি এখন কলিকাতা

মিউনিসিপালিটির বাইস চেয়ারম্যান। কৃষ্ণবন্দ্যের ‘ষড়দর্শন সংবাদ’ আমাদের বি. এ-র অল্পতম পাঠ্য ছিল। তাঁহার পদমূলে বসিয়াই সংস্কৃত দর্শনে যৎকিঞ্চিৎ প্রবেশ লাভ করি।

স্কুলে ভর্তি হইয়া দেখিলাম, স্ববোধিনী নামে একখানি সাপ্তাহিক সংবাদপত্র কলেজের অতি নিকটে চৌমাথা হইতে প্রকাশিত হয়। সম্পাদক রামচন্দ্র দ্বিচ্ছিত — বাঙ্গালার হিন্দুস্থানী ব্রাহ্মণ। ওবারসিয়র পরীক্ষা পাস করা। সংস্কৃত, বাঙ্গালা বেশ জানিতেন। সরল, প্রাজ্ঞ, বিস্তৃত সাধুভাষায় স্ববোধিনী ছাপা হইত। ফুলছাপ আকারের কাগজ। দুই স্তম্ভে। যাহারা সাধারণী দেখিয়াছেন, তাঁহারা এখন সহজেই বুঝিতে পারিবেন, সে স্ববোধিনী আকারে প্রকারে সাধারণীর আদর্শ।

স্ববোধিনীতে ঈশ্বর গুপ্তের ছাত্রশ্রেণী অনেকেই পত্র লিখিতেন। তন্মধ্যে কৃষ্ণসখা মুখোপাধ্যায়কে এবং মাজ্রালের গোপালচন্দ্র মুখোপাধ্যায়কে বোধ হয় কেহ কেহ এখনও স্মরণ রাখিতে পারেন। অভয়চন্দ্র পাঁড়েকে বোধ হয়, সকলেই ভুলিয়াছেন। তিনি সম্পাদক রামচন্দ্র দ্বিচ্ছিতের মামাত কি পিতৃত ভাই ছিলেন। আর আমাদের তিন ক্লাস উপরে হুগলি কলেজের ছাত্র ছিলেন। পূর্বেই বলিয়াছি, সেটি সিপাহী সময়ের সময়। পাঁড়েকী পত্র লিখিতেছেন;—

“জয় ব্রিটিশের জয়      জয় ব্রিটিশের জয়  
যতেক বিজ্রোহিদল,      যাক্ সব রসাতল,  
প্রবল ব্রিটিশ বল,      হউক অক্ষয়,  
বল হউক অক্ষয়।

জয় ব্রিটিশের জয়,      জয় ব্রিটিশের জয়।”

স্কুলের প্রথমাবস্থায়, সংবাদপত্রের মধ্যে, এই স্ববোধিনী আমাদের প্রধান সম্বল ছিল। এডুকেশন গেজেট বা প্রভাকর আর দেখিতে বা পড়িতে পাইতাম না। এ অঞ্চলে কৃষ্ণিবাস কাশীদাসের ভূয়ো প্রচলন ছিল। ঐ সকল পুস্তক এবং বটতলার প্রকাশিত ‘রজনীকান্ত, জীবনভারা প্রভৃতি আরও অনেক পুস্তক আমি পাঠ করিয়াছিলাম। কাশীদাস কৃষ্ণিবাসের অনেক স্থলই মুখস্থ করিয়াছিলাম। এটি পড়িবে, উটি পড়িবে না, আমার মাথার উপর এমন কেহ বলিবার ছিলেন না, আমিও ভাল-মন্দ সমস্তই গলাধঃকরণ করিতাম। তখন একরূপ মুসলমানী বাঙ্গলা সাহিত্য, জীবন্ত ছিল। কাজি সফিউদ্দীন নামে কোন মুসলমান সেই সকল বটতলা হইতে প্রকাশ করিতেন। চাহার-দরবেশ, গোলে-বকোয়ালি, ইসপ-জেলেখী, হাতেম-তাই প্রভৃতি সেই সকল মুসলমানী বাঙ্গলা গ্রন্থও গলাধঃকরণ করিতে আমি ছাড়ি নাই।

স্কুলে পড়িবার সময়েই, বৈষ্ণব-সাহিত্য এবং সংকীর্ণনের দিকে আমার মন আকৃষ্ট

হয়। তবে তৎপূর্বে যে উলায় থাকিবার সময়েও ঐ টানের কিছু অঙ্কুর জন্মে নাই, এমন কথা নহে। উলায় দেওয়ান মুখ্যো মহাশয়দের নগর-সংকীৰ্ত্তন খুব ভক্তিপূৰ্বক শুনিতাম। পিতৃদেব দুই একটা নগর-সংকীৰ্ত্তনের গান বাঁধিয়াছিলেন; তাহাও মনে আছে। আর উলায় থাকিলেও, ৬৩র্গাপূজার সময় প্রতি বৎসরই বাড়ীতে থাকিতাম; দ্বিজয়া-দশমীর পরদিন হইতে একমাস কাল আমাদের বাড়ীতে নিয়ম সংকীৰ্ত্তন হইত। সেই অবধি এখনও হইয়া থাকে। আমাদের জন্মের পূর্বে, আমাদের পদ্বীতে, বাপ্পারাম কীৰ্ত্তনিয়া ছিলেন। তাহার সংকীৰ্ত্তন গানে মোহিত হওয়াতে, বাগনাপাড়ার বলরাম বিগ্রহের নাকি হস্ত-স্থিত শিক্ষা খসিয়া পড়িয়াছিল। সেই বাহ্যারামের দৌহিত্র গুরুদাস বাওয়াজি আমাদের বাড়ীতে নিয়ম-সংকীৰ্ত্তন করিতেন। আমাদের বৈঠকখানায় তাঁহাকে বেশ করিয়া বসাইয়া, পিতা তাঁহার গান শ্রবণ করিতেন। আমি এক মনে হা করিয়া শুনিতাম। আর যেদিন গোষ্ঠ-গান হইত, সেদিন বড়ই আনন্দিত হইতাম। এখন গুরুদাস-বংশ নির্বংশ হইয়াছে। চুঁচুড়ায় থাকিবার কালে, বৈষ্ণব-সাহিত্য সম্বন্ধে আর একরূপ শিক্ষা হইতে লাগিল। আমাদের পাড়ার সদ্‌গোপবংশীয় নিয়োগীরা সদ্‌ গৃহস্থ। সে সময়ে বর্ষায়ান্ কর্ত্তা জগমোহন নিয়োগী মহাশয় প্রত্যহই অপরাহ্নে দুই পাঁচজন প্রতিবেশী লইয়া চৈতন্ত-চরিতামৃত পাঠ নিজে করিতেন, কখন বা শুনিতেন। তিনি আমায় বড় ভালবাসিতেন। আমরা নিয়োগীদের বাড়ীতে সর্বদা ইংরাজী পড়া-শুনা করিতাম। চরিতামৃত-পাঠের সময় খেলা-ধুলা ইংরাজি বা অধকবা ছাড়িয়া জগমোহন ঠাকুরদাদার পার্শ্বে বসিয়া চৈতন্ত-চরিতামৃত পান করিতাম। মাঝে মাঝে জগমোহন দাদা বলিতেন, “মদন কাকার প্রপৌত্র, না হবে কেন? আকরে টান যে।”

পাড়ার চন্দ্রশেখর বৈদিক, পাটনা হইতে কি কার্য্য করিয়া ফিরিয়া আসিলেন। পাঁচ হাত জোয়ান, কবাতের মত বক্ষ, লাল চেহারা; যদি পান, প্রত্যহ একটা গোটা পাঁঠা খাইতে পারেন; কিন্তু প্রত্যহই অপরাহ্নে পাঠ করেন;—কানীরাহমদাসের মহাভারত। লাল লঙ্কো ছিটের তুলা-ভরা জামা বন্ধক আঁটিয়া গায়ে দিয়া, রামরক্ষিতের দালানে বসিয়া, চন্দ্রশেখর বৈদিক মহাভারত পাঠ করিতেন। নিজে মহা পাঁঠা-খোর; কিন্তু নাকে তিলক, গলায় তিনকণ্ঠী মালা, পাড়ার বৈষ্ণব প্রতিবেশীরা সকলেই আগ্রহ-সহকারে সেই মহাভারত শ্রবণ করিতেন। আর তর্ক-বিতর্ক হইত—বৈষ্ণবতত্ত্বের নিগূঢ় কথা লইয়া। যিনি যে দিক দিয়াই বলুন, ভগবানের নির্লিপ্তবাদ সকলেই স্বীকার করিয়া লইতেন। ও কথায় তর্ক চলে না সকলেই এইরূপ ভাবে কথা কহিতেন। আমিও সেই বালক কাল হইতে ঐ কথা মানিয়া লইয়াছি। এবং নিলিপ্তবাদে বিশ্বাস ক্রমে দৃঢ়ীভূত হইয়াছে। রাধাকৃষ্ণের

কথা নানারূপ জল্পনা হইত। আমি কিন্তু তৎকালে বা তাহার বহুপয় পর্য্যন্ত ভাল করিয়া কিছুই বুঝি নাই। এখনও যে বেশ করিয়া বুঝিয়াছি, সে সন্দেহ করিতেছি না।

আমার শিক্ষার কথা বলিতে হইলে, সেই সময়ের সমাজের কথা বলা একান্ত আবশ্যক। যখন যাহার কাছে, যেটুকু শিখিয়া থাকি, পিতা যেক্রমেই আমার চরিত্র গঠন করিয়া থাকুন, সে সময়ের সমাজের কথা না জানিলে, না বুঝিলে সেই সময়ের কাহারও শিক্ষার ভিত্তি বুঝা যায় না। মনুষ্য অদৃষ্ট হইতে কি পায়, না পায়, ঠিক বলিতে পারা যায় না। অতিজ্ঞাত হইতে কতকগুলি জিনিস পায়; নিকটস্থ আত্মীয় পিতা মাতা ভাই ভগিনী হইতে লালন-পালনে কতকগুলি সঞ্চয় করে। গুরু মহাশয় প্রভৃতির তাড়নায় অনেকে শিক্ষা করে। দীক্ষা গুরুর রূপায়, কেহ কিছু পায়, কেহ পায় না। এ সকল বিশেষ প্রাপ্তির কথা—কিন্তু সমাজ হইতেই সাধারণত সকলেই শিক্ষা করে। সমাজ—মনুষ্যের উপর নিঃশঙ্কে, বিনা আডম্বরে, গুরুগিরি করিয়া থাকে।

সেইজন্য বলিতেছিলাম, আমার কি কাহারও শিক্ষার কথা বুঝিতে হইলে, আমাদের বালাকালে, এই বঙ্গসমাজের কিরূপ অবস্থা ছিল, তাহা বুঝা একান্ত আবশ্যক।

আবশ্যক বটে, কিন্তু বুঝা বড় কঠিন। এখন মনে হয় যে, সমাজের মূলভিত্তি বুঝি বদলাইয়া গিয়াছে। ত্রিশ চল্লিশ বৎসরে জাপানের বাহু পরিবর্তনে জগৎ যেক্রমে চমৎকৃত হইয়াছে, আমাদের বঙ্গসমাজের আভ্যন্তরিক পরিবর্তন লক্ষ্য করিতে পারিলে, সেইরূপই বিশ্বয় বোধ হইবে। কিন্তু আভ্যন্তরিক পরিবর্তন লক্ষ্য করা বড় কঠিন; সেইজন্য কাহারও বড় বিশ্বয় হয় নাই। আমরাগিকে নাকি, সেই সমাজে শিক্ষা পাইয়া, এই সমাজে পরীক্ষা দিতে হইতেছে, - কাজেই এই আভ্যন্তরিক পরিবর্তন, আমরাগিরে, বিশেষ আমার, বিলক্ষণ লক্ষ্য হইয়াছে।

তখন বঙ্গসমাজের মূলে ছিল—সন্তোষ; এখন এই সমাজের মূলে দাঁড়াইয়াছে—অসন্তোষ, একেবারে চিতেন মোহাড়া উন্টাইয়া গিয়াছে। আমাদের শাস্ত্রে আছে—সমাজও বুঝিয়াছিল, সন্তোষ সকল হৃথের মূল। অর্থাৎ হৃথ হয় সন্তোষ হইতে। যুরোপ বলে, কাজেই অনেকে তাহা কার্যে মানিয়া লইয়াছে—সন্তোষ হইতে আশ্রয় হয়, আশ্রয় সকল হৃথের মূল। ইহার ফলে এই হইয়াছে, তৎকালিক শিক্ষিত সম্প্রদায় শুধু গড়ে ঢেঁ কীতে পাদ দিবেন, তবু চাবে মন দিবেন না।

পণ্ডিত, অপণ্ডিত, জ্ঞানী, মুর্থ, ব্রাহ্মণ, কায়স্থ, কাষার, কুমার, চাষা-ভূষা সকল জ্ঞেয় পনের আনা লোক থাকিত—আপন অবস্থার সন্তুষ্ট; অবস্থার উন্নতির চেষ্টা পিতা-পুত্র—৪



করিত না ? করিত বৈ কি । যাহার উন্নতি করিবার উপায় থাকিত, সেই করিত । আকাশে ফাঁদ পাতিয়া চাঁদ ধরিতে যাইত না, শুধু হাঁড়িতে পাত বাধিয়া, ব্যবসায়ের ধুমধাম করিত না । দরিদ্র ? ভদ্র সম্ভানের মধ্যে এখন অপেক্ষা দরিদ্রের সংখ্যা অনেক বেশী ছিল ; কিন্তু লক্ষ্মীছাড়ার সংখ্যা অত্যন্ত কম ছিল । ভদ্র-শ্রেণীর মধ্যে ছিল না বলিলেই হয় । ‘লক্ষ্মীছাড়া’ ‘ছোট লোক’ প্রায় একই পর্যায়ের গালি ছিল ।

আমাদের পাড়ার পঞ্চু চাটুঘো মহাশয় অতি দুঃখী ছিলেন । তাঁহাকে দীন দুঃখী না বলিয়া, দিন-দুঃখী বলিলে বোধ করি ঠিক হয়, কেননা তিনি প্রতিদিনই দুঃখী । চাটুঘো মহাশয়ের ঘরে কিছু নাই, সকাল করে সন্ধ্যা আদিক মারিয়া আটহাতী কাপড়খানির কৌচাটি বাম হাতে ধরিয়া, ডান হাতে তুড়ী দিতে দিতে, নিজের পদস্থ চটির তালে গুনগুন ঐরিয়া গান করিতেছেন, ও একটু প্রকাশ্য পথে পাদ-চারণা করিতেছেন । সেই চটি কত দিনের কেহ বলিতে পারিত না ; শুকর সময় চাটুঘো মহাশয়ের পদানত, বর্ষাকালে চালের বাতায়,—শির্ষহানীয় । তবে একপাশে বটে । তখন লোকে ভিজা জুতা পায়ে দিবার ম্যানিটেশন পর্ব পাঠ করে নাই । চাটুঘো মহাশয়ের সেই চট্‌চট্‌ পাদ-চারণাতেই বুঝা যাইতেছে, তাঁহার গৃহ অল্প তত্ত্বল-কণা-শূন্য । তখন সমাজদার লোক ছিল, দরদেব দরদী ছিল ; উহারই মধ্যে একজন চাটুঘো মহাশয়কে গোপনে ডাকিয়া লইয়া গিয়া একটি ছয়ানি বা দুই সের তত্ত্বল দিল । চাটুঘো মহাশয় হাসিবেন, কি আশীর্বাদ করিবেন, স্থির করিতে পারিতেন না । শেষে বাম হাতে চাল বা পয়সা সামলাইয়া, সেই তুড়ী দিবার দক্ষিণ হস্ত তুলিয়া যৌন আশীর্বাদ করিয়া হাশ্বমুখে হন্ হন্ করিয়া চলিয়া গেলেন । আহাবের পর অশীতিপর বৃদ্ধ তাদের সঙ্গে গান গাহিতেছেন, হাশ্ব করিতেছেন, নৃত্য করিতেছেন—কাল যে আবার কি খাইবেন, খাওয়াইবেন, দে জ্ঞাননা কখন নাই ।

আমরা সেই সমস্তাবের সমাজে, সেই স্বথের সমাজে, সেই আনন্দের সমাজে, সমস্তাষেই গড়া-পিটা হইয়াছিলাম । তখন সেই সমস্তাষ থাকাতো, সমাজে কতই না ক্ষুধা, কতই উৎসাহ, গান বাজনা, খেলা-ধুলা, কৃষ্টি করতল,—কতই না ছিল ! কাঁড়েই আমরা বুকিয়াছিলাম—স্বথই জগতের নিয়ম, দুঃখ ব্যভিচার মাত্র । স্বথের চোখে সকলই স্বন্দর দেখায় । অতি বাল্যকালে, ঘোর কজ্জার সহিত বজ্র ফোট হইলে, বুক ধড় ধড় করিত, কিন্তু সেই বৃকের ভিতর তবু একরূপ আনন্দ উপভোগ করিতাম । পিতার নিকট গুনিতাম,—গ্রহ উপগ্রহ নক্ষত্র তারকা সকলই মহাশূন্যলায় আবদ্ধ ও নিয়োজিত—আকাশের সৌন্দর্য্য বুকিতাম, শূন্যতা মানিয়া লইতাম । পিতা দেখাইতেন, দুঃখের অপেক্ষা স্বথ অনেক গুণে বেশী । বুকিয়াছিলাম জগৎ স্বন্দর,

হুশ্মল ; পরে বুঝিলাম—ভগবান মঙ্গলময় । ইহাই বৈকব ধর্মের বাণ : আমার  
বালা কৈশোরের শিক্ষা ঐ বীজ পর্য্যন্ত ।

স্কুল কলেজে পড়িবার সময় আমি আগ্রহ সহকারে সকল বাঞ্ছনীয় পুস্তকই পাঠ  
করিতাম, চর্চ্চা করিতাম । সে সকলের আত্মপুষ্কিক পরিচয় দেওয়া অসাধ্য । তবে  
সাত আট জন গ্রন্থকারের নাম এবং তাঁহাদের গ্রন্থ হইতে কিরূপ ফল পাইয়াছিলাম,  
তাহা বলা আবশ্যিক ।

প্রথমেই বলিল,— রাজেন্দ্রলাল মিত্র কতৃক সম্পাদিত বিবিধার্থসংগ্রহের বিষয় ।  
আমি প্রথম খণ্ড প্রথম সংখ্যা হইতে, তিন চারি বৎসরের বিবিধার্থসংগ্রহ পাইয়াছিলাম ।  
অত্যন্ত ভক্তিপূর্ব্বক সেই সকল পাঠ করিতাম । বিচিত্র জুড়িদার পাইয়াছিলাম—বৃদ্ধ  
অধিকাচরণ মুখোপাধ্যায় মহাশয়কে ; তিনি পিতা অপেক্ষা বয়সে বিস্তর বড় ছিলেন ।  
সন্ধ্যা আত্মিক পূজা পার্শ্ব প্রভৃতি নিত্যকর্মে রত থাকিতেন আর অবকাশ পাঠলেই  
পাঠ করিতেন—বিবিধার্থসংগ্রহ । পূজার সময় পিতা আসিলে, আমরা দুই অপূর্ব্ব  
জুড়িদারে সেই পাঠের পরিচয় প্রদান করিতাম । পিতা আমাদের লইয়া নানা  
কৌতুক করিতেন । বিবিধার্থ সংগ্রহ হইতে জ্ঞান পাইয়াছিলাম বহুতর । কিন্তু  
রাজেন্দ্রলাল মিত্র মহাশয়ের রচনায়, সাহিত্যশিক্ষার কোন সুবিধা পাই নাই ; বলিতে  
কি, ভাষা শিক্ষারও নহে ।

এই সময়ে মহা ধুমধামে চুঁচুড়ায় কুলীনকুলসর্ব্বস্ব নাটকের অভিনয় হইল । তখনও  
কলিকাতায় নাটক অভিনয় আরম্ভ হয় নাই । প্রসিদ্ধ গায়ক এবং গাথক রূপচাঁদ  
পক্ষী আসিয়া গান বাঁধিয়া দিলেন, তালিম দিলেন ; একদিন নিজে গাহিয়াও দিলেন ।  
নাটকের নটীর গান হাটে বাজারে গীত হইতে লাগিল ।—“অধিনীয়ে গুণমণি পড়েছে  
কি মনে হে ?” গ্রন্থকার রামনারায়ণের রচনার সহিত আমার প্রথম পরিচয় হইল,  
তাঁহার নান্দী, নাপতে বৌ-এর পরিচয় ও তিনরূপ ফলারের লক্ষণ প্রভৃতি মুখস্ত করিয়া  
ফেলিয়াছিলাম । ফলার এখনও ভুলি নাই ।

তখন পুস্তকের ফেরিওলারা আমাদের এতৎ অঞ্চলের নগর পল্লীর অঙ্গিতে গলিতে  
সমস্ত দিন পুস্তক বিক্রয় করিত । কাশীদাস, কৃষ্ণিবাস, ভারতচন্দ্র, কবিকঙ্কণ,  
চরিতাবৃত্ত, প্রেম-বিলাস, হাতেম তাই, চাহার দরবেশ, প্রভৃতি বটলার প্রকাশিত  
গ্রন্থ, হিন্দু মুসলমান পুরুষেরা কিনিত । মেয়েরাও জীবনতারার, কামিনীকুমার প্রভৃতি  
গ্রন্থ ক্রয় করিত । বটল ছাড়া অন্ত্র ছাপা দুই একখানি গ্রন্থও হকারদের কাছে  
মিলিত । ফেরিওলাদের সঙ্গে আমার বড় পোট ছিল । আমি প্রতি যবিবারে,  
তাহাদের পুস্তক ষাঁটাঘাঁটি করিতাম । তাহারা আমায় কিছু বলিত না, আমি যে  
একজন বাঁধা খরিদার । এমন খরিদার চটাইবে কেন ? একদিন নাড়িতে নাড়িতে

একখানি এড়াতে চটি বই পাইলাম। গ্রন্থকাবের নাম নাই, কোথায় কবে ছাপা হইল, তাহার কিছুই নাই। দুইখানি শাদা কাগজের মলাট দুই দিকে, মধ্যে ৬২ পৃষ্ঠাব্যাপী একখানি ক্ষুদ্র গ্রন্থ; নাম “হরাকাজকের বুধা ভ্রমণ।” বহু পরে জানিয়াছি এখানি রামকমল ষ্ট্রাটার্ণের লেখা। এই ক্ষুদ্র গ্রন্থ মনোযোগের সহিত পাঠ করিয়া আমি যেন ভাষা রাজ্যের আর এক দেশে উপস্থিত হইলাম। এত কাদম্বরী নয়, বেতাল পঁচিশ নয়, তারাসঙ্করও নয়। প্যারীচাঁদও নয়,—এ যে এক নূতন সৃষ্টি। ইহাতে কাদম্বরীর আভাষ নাই, বিভাসাগরের সরসতা নাই, অক্ষয়কুমারের প্রগাঢ়তা নাই, প্যারীচাঁদের গ্রাম্য সরলতা নাই, অথচ যেন সকলই আছে। এবং উহাদের ছাড়া, আরও যেন কিছু নূতন আছে। আমি বার বার তিনবার পাঠ করিলাম। কিন্তু কিছুতেই ভাষার বিশেষত্ব আয়ত্ত করিতে পারিলাম না। এক স্থান হইতে উদ্ধৃত করিতেছি;—

“আমাদিগের জাহাজে সপ্তদশ-বর্ষ-বয়স্কা এক ফরাসি যুবতী ছিলেন। তাঁহার নাম জুলিয়া। তাঁহার স্বামীও এই জাহাজে ছিলেন। স্বামীর বয়সক্রম চল্লিশ বর্ষের নূন ছিল না। ব্যুতীতেই পার, এমন জীব এমন স্বামীর প্রতি কেমন অমুরাগ হয়। জুলিয়া দেখিতে অশি সুরূপা। তাহার অলকগুলি কৃষ্ণিত হইয়া এরূপ মধুরভাবে কপোলদেশে পতিত হইত যে, দেখিলে মোহিত হইতে হয়। নয়নযুগল উজ্জল বিশাল ও ভ্রমরের হ্রায় নীল। কপোল-তল এরূপ স্ফুট যে, মুখ দেখা যায়। আমি দেখিয়া অবশি যুবা-জন-সুপভ ভাবের অনধীন থাকি নাই। জুলিয়ার স্বামী আমার নবীন বয়স ও নির্ভয় ব্যবহার দেখিয়া অবশ্যই উদ্বিগ্ন এবং কোন বিষয় ঘটনার শঙ্কায় জড়ীভূত থাকিলেন। তিনি আমার প্রতি অতি অপরিচিত ভাবে ব্যবহার করিতে লাগিলেন, তথাপি তাঁহার পত্নীর সহিত আমার সাংসারিক বা কথোপকথন স্পষ্টরূপে নিষেধ করিতে পারেন নাই। ইউরোপের প্রথা, এদেশের মত, যুবতী জীব পরপুরুষের সহিত আলাপ করিতে নিষেধ করে না অতএব আমি জুলিয়ার প্রতি শিষ্টাচার প্রদর্শন করিতে বিমূখ হই নাই। এইরূপে আমাদিগের পথ অতীত হইতে লাগিল। কোনদিন একটি হাঙ্গর, কোনদিন জগন্নাথের মন্দিরের চূড়া, কোনদিন মছলী বন্দবে মাছলের বন, কোনদিন সাফা উম্মিমালায় আহত উপকূলে অধিষ্ঠিত মাস্কাজ নগরের প্রাসাদাগ্র—এই সকল দেখিতে দেখিতে আমরা বঙ্গোপসাগরের নীল জল ভেদ করিয়া যাইতে লাগিলাম।”

অনেকখানি উদ্ধৃত করিয়া দিলাম বটে, ‘কিন্তু হরাকাজকের বুধা ভ্রমণের’ তাহার বিশেষত্ব বোধ করি দেখাইতে পারিলাম না। বিশেষত্ব এই যে, সংজ্ঞাপদে এবং বিশেষণে, স্থলে স্থলে সংস্কৃতের মত। ক্রিয়াপদগুলি অনেক স্থলেই খাটি বাঙ্গালা।

কাহনীরিতে কঠোর সংকৃত দেখিয়াছিলাম বটে, কিন্তু “এলা-লতা-লিঙ্গিত হৃত ও তাহুল-বলী-পরিণত স্থপারি” এরূপ ঢং দেখি নাই।

বাকলা ভাষার ও বাকলা সাহিত্যের নানারূপ আলোচনা আলোড়ন হইতেছে ; কিন্তু এই ক্ষুদ্র পুস্তিকাখানির কথা কাহাকেও বলিতে তুমি না, বা লিখিতে দেখি না। অথচ আমার বিশ্বাস ছরাকাজ্জের ভাষা বঙ্কিমচন্দ্রের ভাষার জননী। হউক বা না হউক, এই ভাষার বিশেষত্বের দিকে সকলের দৃষ্টি আকর্ষণ করিতে ক্ষতি কি ?

আমি বাঙ্গলকালে এই গ্রন্থের ভাষায় যে কেবল মুগ্ধ হইলাম এমন নহে, ইহার ভাবেও মুগ্ধ হইলাম। গ্রন্থের সার কথা এই যে কতকগুলি আকাজ্জা লইয়া থাকিলে, আমি হেন করিব, আমি তেন করিব, ইংরেজ তাড়াইব, ভারতের উদ্ধার করিব, এইরূপ ছরাকাজ্জা সব হৃদয়ে পুষিলে, মানুষের স্বস্তি থাকে না, সুখ থাকে না, শাস্তি থাকে না। তাহাকে কিসে যেন ছটপাট করিয়া তাড়াইয়া লইয়া বেড়ায়। তাহার পর ঘা থাইয়া, ঠেকিয়া শিখিয়া, যখন মানুষ শাস্তির অন্বেষণ কবে, তখন দৈবক্রমেই হউক, আর যে রূপেই হউক, পারিবারিক স্বচ্ছন্দতা লাভ করিলে, তাহার শাস্তি হয়। আসল কথা সুখ দোড়-ঝাপে নহে, রাজনীতিতে নহে, ভারত-উদ্ধারে নহে, সুখ পারিবারিক শাস্তিতে। একথা বাঙ্গলার অতি প্রাচীন কথা। বাঙ্গলার মজ্জাগত কথা। বাঙ্গালি কিছুকাল পূর্বে এই কথা বুঝিত বলিয়া, বাঙ্গালি পারিবারিক অধিষ্ঠানের যেরূপ সূত্রীকতা, সম্পূর্ণতা,—সম্পাদন করিয়াছিল, এমন কেহ কখন পারে নাই। অতি সামান্ত আরে বাঙ্গালি দেবতা-অতিথির সেবা করিয়া, গৃহপ্রাক্তন অপরিষ্কৃত রাখিয়া, দেহে স্বাস্থ্য মনে ক্ষুধা পরিপোষণ করিয়া, কিছুকাল পূর্বে অতি স্বচ্ছন্দে দিনপাত করিয়াছে। এইটিই বাঙ্গালির গৌরব ছিল। উন্নতি উন্নতি করিয়া দাক্ষণ দুর্দমনীয় ছরাকাজ্জায় সেই গৌরব চূর্ণ করিতে বসিয়াছে। বালককালে অবশ্য এ সকল কথা বুঝি নাই, ভাবি নাই, কিন্তু ছরাকাজ্জের বুধা ভ্রমণের উপদেশ হৃদয়ে বসিয়া গিয়াছিল। আমি বিচিত্রা শিক্ষা লাভ করিয়াছিলাম।

আর উহার গল্প বড়ই ভাল লাগিয়াছিল। পূর্বেই বলিয়াছি আমি চুঁচুড়া হইতে প্রকাশিত স্ববোধিনী পত্রিকার নিয়মিত গ্রাহক ছিলাম। তাহাতে ‘ভারতবর্ষীয় কুটীর’ নাম দিয়া একটি গল্প খণ্ডশ বাহির হইত। সেই গল্পে ছিল, জগন্নাথ ঘাইবার পথে—পথের একটু তফাতে, জটা-ঘটাসম্মতিত—এক মহাবটবৃক্ষ। তাহার তলদেশ নিতান্ত নিভৃত নিরালয়। সেখানে সূর্য্যরশ্মি প্রবেশ লাভ করিতে পায় না। ভীষণ বায়ু উপরে হ হ করিলেও তলদেশে মন্দ মন্দ বিচরণ করে। প্রচুর পত্রসন্নিবেশে সেখানে বৃষ্টিও পড়িতে পারে না। সেইখানে একটি ছোটখাট সামান্য কুটীর ; বাস করেন এক পড়িয়া বা চণ্ডাল বৃষ্টান, তাহার সহধর্ম্মিণী ও একটি ছোট কন্যা।

এ পুস্তকে পড়িলাম ছুরাকাজ্ঞ যখন মাজাজ, মহীশূর, মালব উলটপালট করিয়া সেই বটতলে উপস্থিত হইলেন, তখন পড়িয়ার সহধর্মিণী মরিয়াছে, কন্যা যুবতী হইয়াছে, দুইটি বিভিন্ন সময়ে, বিভিন্নরূপে প্রকাশিত গল্পের এইরূপ অপূর্ব মিল দেখিয়া। আমার বালকমনে বড়ই আনন্দ হইল। সমসাময়িক ঘটনার যতই বিবরণ পাঠ করিব, ততই এইরূপ আরও মিল দেখিতে পাইব, এইরূপ একটা আকাঙ্ক্ষা মনে উদয় হইল। এখন বুঝিয়াছি, গল্পের মিল ত দূরে থাকুক, দুইজন বাঙ্গালী গ্রন্থকার যদি একই ঐতিহাসিক ঘটনার বিবরণ লিখিতে বসেন, দুইজনে নিশ্চয়ই বিপরীত সিদ্ধান্তে উপনীত হইবেন। ভারতবর্ষীয় কুটীরে ও ছুরাকাজ্ঞের বৃথা ভ্রমণে, কেন যে মিল হইল, এখন তাহা জানি। দুই খানিই ইংরাজী রোমান্স অফ হিস্টরি হইতে সংলিখিত। কিন্তু না জানাই ভাল ছিল, কেননা না জানাতেই মহা আনন্দভোগ করিয়াছিলাম।

পঠদশায় আর একখানি পুস্তক আগাকে আলোড়িত করিয়াছিল। আনন্দও পাইয়াছিলাম। সেখানি কালীপ্রসন্ন সিংহের হতোমর্পেচার নক্সা। আলালের ঘরের দুলালেও অনেক স্থানে নক্সা বা ফটো তুলিবার চেষ্টা আছে বটে। কিন্তু তাহাতে পল্লী-সমাজের চিত্র যেমন পরিস্ফুট হইয়াছে, কলিকাতার অলি-গলির নক্সা তেমন ফুটন্ত হয় নাই। তেপায়া উচ্চ টুলের উপর কাচের বাস্ক বসাইয়া, হু পয়সা দাঁও, হু চক্ষু দিয়া দেখে, বলিয়া যেমন মেলায় মধ্যে নানাবিধ ফটো দেখায়, অপূর্ব ভাষার গাঁথুনিতে সেইরূপে কলিকাতার নানাবিধ নক্সা তুলিয়া পের্চা দেখাইতে লাগিল ও ফুলো গাল টিপিয়া বলিতে লাগিল, 'ইয়ে রাজবাড়ী কি নক্সা, বড় মজাদার ছায়, ইয়ে শোভাবাজার কি গাজন, বড় তামাসা ছায়, ইয়ে হাইকোটকা বিচার, আজব তাজ্জব ছায়।' আমরা তখন নিতান্ত বালক, তাহার ভাষার ভঙ্কিতে, রচনার রঞ্জেতে, একেবারে মোহিত হইয়া গেলাম। মনে করিলাম আমাদের বাঙ্গালা ভাষাতে বাজি খেলান যায়, ভুবড়ি ফুটান যায়, ফুল কাটান যায়, ফুয়ারা ছোটান যায়। মনে করিলাম, আমাদের মাতৃভাষা সর্বোচ্চে রঙ্গময়ী। ভাল কথা,—তোমরা কুতিসন্তান, তোমরা ত নানারূপে মাতৃভাষার সেবা করিতেছ, ভাষার নক্সা লিখিতে, ছবি আঁকিতে, ফটো তুলিতে চেষ্টা কর না কেন? পার না? না অবজ্ঞা কর? না, পার না বলিয়া, অবজ্ঞা দেখাও?

আমরা যখন চারি দিকের সন্ধান রাখিতে সমর্থ, তখন চুঁচুড়ায় নর্মাল স্কুল বসিয়াছে। ভূদেব বাবু নর্মাল স্কুলের প্রধান শিক্ষক হইয়াছেন। সপরিবার চুঁচুড়ায় ভাড়াটিয়া বাটীতে বাস করিতেছেন, শিক্ষাদান করিতেছেন, পুস্তক প্রচার করিতেছেন। তাঁহার ছাত্রদের হেড মাস্টারের কথা আমরা জানি না। তাঁহার পুরাবৃত্তসার তখন পড়ি নাই, তাঁহার প্রথম পুস্তক পাঠ করিলাম, ঐতিহাসিক উপন্যাসস্বরূপ। সঙ্কলন এবং অঙ্গুরীয়ক বিনিময়। এই দুই গ্রন্থও রোমান্স অফ হিস্টরি হইতে লিখিত।

কয়েক পংক্তিতে ক্ষুটরূপে স্বভাব বর্ণন করিয়া, নানারূপ স্বভাবজ শব্দের পরিচয় দিয়া, ভূদেববাবু উপসংহার করিতেছেন, “যেন জগৎ যত্নের মধুর লব-সজ্জিত হইতেছে।” লেখাটুকু কঠোরে মধুর, এই নূতন রসের আশ্বাস পাইয়া একরূপ অপূর্ব আনন্দ উপলব্ধি করিলাম। বাঙ্গাল সাহিত্য-চর্চায় ভূদেববাবু হইতে বিশেষ কোন শিক্ষা লাভ হইয়াছিল, এমন কথা নাই বলিলাম। সমাজ-তত্ত্বে তিনি সকল লেখকের শীর্ষ-স্থানীয়। যৌবনে আমরা অনেকেই তাঁহার শিষ্টাচার স্বীকার করিয়া জীবন সার্থক করিয়াছি।

বোধ করি বিবিধার্থসংগ্রহে, আমি মাইকেলের তিলোত্তমা-সম্ভব কাব্যের পরিচয় পাইয়াছিলাম। কিন্তু বালক কালে আমি মাইকেল কিছুই পড়ি নাই। একটু বড় হইলে, মাইকেলের অমিত্রাক্ষরে উপহাস করিতাম। তাঁহার লেখার ভাবে, অবহেলা করিতাম। তাঁহার প্রতি এক প্রকার মুখস্ত বিদ্বেষ দেখাইতাম। আসল কথা মধুসূদনকে লইয়া তখন দুইটা পক্ষ হইয়াছিল। এক পক্ষ বলিত, মাইকেলের মত অমন হয় নাই, হবে না। আর এক পক্ষ বলিত, উহা কেবল ছাই ভস্ম। উহাতে না আছে ছন্দ, না আছে মিল, ব্যাকরণে দুট, অলঙ্কারে দুট। বালক কালে এই বিতর্ক শুনিতাম। মনে মনে বিদ্রোহী পক্ষের দিকে একটু টান ছিল। তাহার পর এণ্ট্রান্স পরীক্ষায় সর্বোচ্চ স্থান অধিকার করিয়া, যখন আমি সায়েন্সে বিভাগ-দিগ্গজ বলিয়া পরিচিত হইলাম, তখন সেই বিদ্রোহী পক্ষের অধিনায়কতা, আমি না কেনন করিয়া, আমার স্বক্ষে আসিয়া পড়িল। ইহার বাহাদুরী এই, দুই-দশ ছত্র ব্যতীত তখন আমি মাইকেল ভাল করিয়া পড়ি নাই। তবে তুণ্ডে ছেলে কিনা, মাইকেলের পক্ষে কেহ কিছু বলিলে, আমি বিপক্ষে একটা না একটা ভাব দিতে পারতাম। মাইকেলকে ভেদ্যচাইয়া, অমিত্রাক্ষর পণ্ডা লিখিতাম। কিন্তু তখন বাস্তবিক জানিতাম না,—অমিত্রাক্ষর কাহাকে বলে। স্তরের শেষের দিকে মিল না থাকিলেই, অমিত্রাক্ষর বুঝিতাম। বাস্তবিক মিলে গরমিলে অমিত্রাক্ষর নহে। সাধারণত পর্যায়ে ২৮ অঙ্করে ভাব শেষ হয়। অমিত্রাক্ষরে সে নিয়ম নাই। মাইকেল অধিকাংশ সময় শ্লোকটা ২৮ অঙ্করে শেষ না করিয়া, ৪০, ৪৪, ৫০, ৫২ অঙ্করে ভাব শেষ করিয়াছেন।

বিধাতার নির্বন্ধে, বি. এ পরীক্ষার জন্য, বাঙ্গালার পঞ্চাংশে মাইকেলের মেঘনাদের শেষভাগ স্থিরীকৃত হইল। সংস্কৃত-ধ্যাপক গোপালচন্দ্র গুপ্তের সহিত, আমার নিত্য বন্দ চলিতে লাগিল। কিশোর-স্বভাব-মূলভ, অতিশয় উজ্জ্বলিত আমি বলিলাম যে, মাইকেলের সমস্তই চুপি, তাঁহার নিজের একটুও নয়। আর একথা মাইকেল নিজেই তাহা স্বীকার করিয়াছেন। কেননা তিনি স্বয়ং বলিয়াছেন “গাধি নূতন মালা” অর্থাৎ আমি ঢাকা করিতেছি,—ফুলগুলি তোমাদের পাঁচজনের,—গাধিনি গালি

আমার। তখন যে স্থানটা পড়া হইতেছিল, সে স্থানে ছিল “অন্ধকার ঘরে দীপ আছিল মৈথিলী”। অধ্যাপক বলিলেন—“দেখ দেখি, কেমন সুন্দর নূতন উপমা!” আমি বলিলাম ‘ও ত চাহার দরবেশে আছে। “আধারিঘরমে এক দিয়া না দিয়া।”

এল. এ পরীক্ষা দিয়া আমি পিতার কাছে আবার এক মাস কাল ছিলাম। পিতার কাচারীর সেরেস্তাদারকে আমি বিজ্ঞানাগর মহাশয়ের শব্দজ্ঞা পড়াইতাম, তিনি আমাকে উর্দু, অক্ষরে চাহার-দরবেশ পড়াইতেন। সেই টাটকা বিজ্ঞা লইয়া, এখন এই সাহিত্য সংগ্রামে মাইকেলের বিরুদ্ধে চাহার-দরবেশ-রূপ শব্দ-সংযোগ করিলাম। অধ্যাপক ও সঙ্গীথেরা হাসিতে লাগিলেন। এমন নিতাই হইত। কোনদিন বা আমি দারাবাদদের বা বিজ্ঞানাগর মহাশয়ের গল্প লইয়া স্তম্ভ সাজাইয়া, মিত্রাকরের মতন কবিতা দেখাইতাম। তাহাতেও হাস্য কোতুক হইত। দুই বৎসরের মধ্যে পরীক্ষার জন্য আমি মেঘনাদবধ পুস্তক কিনিলাম না। এইরূপে বহু-বিষয়ের পরাকাষ্ঠা প্রদর্শিত হইল। বলা বাহুল্য, এখন আমি, সেকপ বিদ্যেবী নহি। মাইকেলের ছন্দ, কবিতার হেনচক্রের অপেক্ষা সরল সতেজ, মোলায়েম, সহজ এবং সঙ্গীত-স্বাদ-বিশিষ্ট, তাহা বুঝিতে পারি।

পঠদশায় মাইকেলের মেঘনাদ বিষয় দেখাইবার জন্ত পুস্তক কিনি নাই বটে, কিন্তু মাইকেলের নাটক গ্রহণন সমস্তই পড়িয়াছিলাম। নাটকের ভাষায় বিশেষ কিছু শিখবার না থাকিলেও, সেই ভাষা সহজ সুমধুর বাঙ্গালা বটে; আর গ্রহণনের ভাষা, Just appropriate, যাহার মুখে যেমন দেওয়া উচিত, তাহার মুখে ঠিক তেমনি দেওয়া আছে। একথা তখনই লক্ষ্য করিয়াছিলাম। এই বিষয়ের জন্ত মাইকেলকে প্রশংসা করিতাম। মাইকেলের “একেই কি বলে সভ্যতা” ও “বুড় শালিকের ঘাড়ে রোঁ” প্রকাশিত হইবার কিছুকাল পরেই দীনবন্ধুবাবু প্রকাশিত করিলেন,—“সধবার একাদশী” ও “বিয়ে পাগলা বুড়”। শেষোক্ত দুই গ্রন্থ উপরোক্ত দুই গ্রন্থের অত্যকরণে বা টকর দিয়া লেখা বটে। অত্যকরণ অনেক সময় হীনবল হইলেও, সধবার একাদশী নামডাকে ‘একেই কি বলে সভ্যতাকে’ ছাপাইয়া উঠিয়াছিল। সেও নিম্নে দস্তের গুণে। নিম্নে দস্ত আবাব মধু দস্ত। হুতরাং মাইকেল মধুসূদন দস্তকে যদি দীনবন্ধু কোন স্থানে ছাপাইয়া থাকেন, সেও মধুসূদন দস্তের কৃপায়। অন্ততঃ মধুসূদন একজন প্রণয়কার; সধবার একাদশীতে মধু দস্ত বা নিম্নে দস্ত একজন পাত্র বা Dramatis Personae. কলিকাতার নন্দমায় পড়িয়া পাহারাওয়ার লণ্ডন দেখিয়া নিমটাদ Milton আওড়াইয়া বলিতেছে—

“Hail holy light! the offspring of Heaven first-born. Of the eternal so-eternal beam” ইত্যাদি—তিনিয়াছি এ সকল মাইকেল চরিত্রের

ঐতিহাসিক ঘটনা। ‘দস্ত কারো জুতায় নয়। That’s moral courage. (বুকে হাত দিয়া) আমি সেই moral courage এর ছেলে বাবা!’ ইত্যাদি অনেক কথাই মাইকেলের।

প্রহসনের কথায় প্রহসনের তীব্র সমালোচনার পরে, সমালোচকের হৃদয়শার গল্প মনে পড়িল। হুগলী কলেজ হইতে বি. এ দিয়া যখন কলিকাতায় পড়িতাম, তখন রেবরেণ্ড লালবেহারি দে ফ্রাইডে রিবিউ নাম দিয়া একখানি সাপ্তাহিক সংবাদপত্র সম্পাদিত করিতেন। বিলাতের স্ট্রাটারডে রিবিউতে সাময়িক সাহিত্যের যেমন তীব্র সমালোচনা থাকে, অথবা সেই সময়ে থাকিত, ফ্রাইডে রিবিউতেও দে মহাশয় সেইরূপ তীব্র সমালোচনার চেষ্টা করিতেন। সখবার এগাদশীর সমালোচনা করিলেন—“If this trash ever be put on the stage, we can not recommend a better place for its performance than Sonagachi and a fitter audience than its inmates and their patrons.” দীনবন্ধুবাবুর অবস্থা তেলে বেগুনে হইল। জলিয়া উঠিল; শিখা দেখা দিল—“জামাই বারিকের” তোতাশাম ভাটে। তোতারাম ভাট অর্থ তোতা বা টিয়া পাখীর মত মুখস্থ করিয়া যে ভাটের মত বলিতে পারে। রেবরেণ্ড লালবেহারী দে ইংরাজীতে স্ববক্তা বলিয়া প্রসিদ্ধ ছিলেন। তাঁহাকে তোতারাম ভাট নাম দিয়া দীনবন্ধুবাবু গায়ের জ্বালা মিটাইবার চেষ্টা করিয়াছেন। এতদিন পরে এ সকল কথা বলিবার প্রয়োজন কি? একটু প্রয়োজন আছে। দীনবন্ধুবাবুর গ্রন্থাবলী প্রকাশের অবসরে, ভূমিকা বন্ধিবাবু বলিয়াছেন “তোতারাম ভাট—দীনবন্ধুর কলঙ্ক।” কেন কলঙ্ক? কিরূপে হইল? সেই কথাই টীকা টিপ্তনী করিলাম। তোতারাম ভাটের সমালোচনটা, মুখস্থ ছিল বলিয়াই গোড়াগুড়ি বলিতে সাহসী হইলাম।

দীনবন্ধুবাবুর প্রহসনের পরিচয় বি. এ পাস করিয়া পাইল্যাম বটে, কিন্তু আমার এনট্রান্স পরীক্ষা দেবার এক বৎসর পূর্বে অর্থাৎ ১৮৬১ সালে প্রসিদ্ধ লং সাহেবের মকদ্দমা হয়। সেই সময়ে নীলদর্পণ নাটক ও নাটককার দীনবন্ধুবাবুর নাম বাঙ্গলায় টি টি হইয়াছিল। আমরা তখন নাটক পড়িতে পাই নাই; কিন্তু নাটক যে একটা বড় গুরুতর জিনিষ, নাটকের লেখাতে লোকের মান অপমান হয়, সাহেবরা পর্যন্ত রাগিয়া উঠেন—এরূপ কতকগুলি কথা, আমরা অনেকে ভাবিয়া চিন্তিয়া ঠিক করিয়াছিলাম।

ইদানীন্তন বাঙ্গালা সাহিত্যের সর্বশ্রেষ্ঠ লেখক বঙ্কিমচন্দ্রের সহিত আমাদের পৃষ্ঠদশার শেষভাগে পরিচয় হয়। তখন আমরা বাঙ্গালার ভক্তি বুঝিতে পারি, ভাল মন্দ বিবেচনা করিতে পারি, কোন্টা পথ, কোন্টা অপথ, কোন্টা কপথ, একটু একটু



চিনতে পারি। বঙ্কিমচন্দ্রের ভাষা পাইয়া আমার মনে পড়ে, আমি প্রথম দিনে আফ্রাদে আটখানা হইলাম। প্যারীচাঁদ মিত্রের গ্রন্থাবলী প্রকাশের অবসরে ভূমিকায় যে কথা বঙ্কিমচন্দ্র জগৎকে বুঝাইবার চেষ্টা করিয়াছেন,—স্পষ্টা করিতেছি মনে করিবেন না, সত্য কথা বলিতেছি, সেই কথা তখনই আমরা বুঝিতে পারিয়াছিলাম। বুঝিয়াছিলাম সংস্কৃতভাষারিণী বাঙ্গালা ভাষা অতি সূক্ষ্ম হইলেও বয়স্ক কুলীনকন্ডার মত যেন কেমন কেমন বোধ হইত। শীঘ্র ভিন্ন গোত্রা হউক, আপনার ঘর আপনি করিতে শিখুক, আপনার পথ আপনি দেখুক, এই প্রকার ইচ্ছা হইত। যখন টেকচাঁদ ঘটক সাজিয়া সোজা বাঙ্গালাকে বর সাজাইয়া সভাতে উপস্থিত করিলেন, তখনও পাত্র আপনাদের আশ্রয় হইলেও কেমন যেন ছোট ঘরের অপাত্র বলিয়া বোধ হইল। বঙ্কিমবাবু যখন স্বয়ং বরবেশে উপস্থিত হইলেন, তখন তাঁহাকেই উপযুক্ত সংপাত্র বলিয়া বোধ হইল। পাত্র মিলিল দেখিয়া, সেই আফ্রাদেই আফ্রাদিত হইয়াছিলাম। পরে দেখা গিয়াছে, আমাদের সেই আফ্রাদ বালকের আফ্রাদ হয় নাই। বঙ্গভাষায় বঙ্কিমচন্দ্র আত্মসমর্পণ করিয়া প্রভাবিত হন নাই। বঙ্কিমচন্দ্র ভাষার নানারূপ সেবা করিয়াছেন, বিবিধ ভূষণে ভূষিত করিয়াছেন এবং এক ভাষার গুণে বাঙ্গালীকে জগতের নিকট পরিচিত করিয়াছেন। তাঁহার গ্রন্থ ইংরাজী ফরাসীতে অনুবাদিত হইয়াছে।

আমাদের কলিকাতার কালেজ জীবনের শেষাবস্থায় বঙ্কিমচন্দ্রের “কপালকুণ্ডলা” প্রকাশিত হইল। এমন অচ্ছিন্ন, উজ্জল, বাচালতা-শূন্য অথচ রসপরিপূর্ণ হিন্দুভাবে অস্বিমজ্জার গঠিত, অদৃষ্টবাদের সূক্ষ্মতিসূক্ষ্ম রেখায় ওতপ্রোত—কাব্যগ্রন্থ, বাঙ্গালার আর নাই। কেবলমাত্র “কপালকুণ্ডলা” লিখিত-ই, কপালকুণ্ডলাকার কবি বলিয়া পরিচিত হইতেন। অল্প গ্রন্থ লিখিবার প্রয়োজন ছিল না। আমরা যৌবনের সেই ভাবোন্মেষ অবস্থায়, সংসার প্রবেশের সেই প্রথম উত্তমে, এই অপূর্ণ কাব্যগ্রন্থ বাঙ্গালা ভাষায়, বাঙ্গালির লেখায় পাইয়া, একেবারে চরিতার্থ হইলাম। প্রেসিডেন্সি কালেজের আইনেও তৃতীয় শ্রেণীতে, বঙ্কিমচন্দ্রকে আমাদের সহাধ্যায়ী পাইয়া, আপনাদিগকে গৌরবান্বিত মনে করিলাম। কিন্তু এই গৌরব। একটা কিন্তু পড়িল। এখন যেখানে সিটি কালেজ, তাহার পশ্চিম ধারের তেতালা বাড়ী হইতে অর্থাৎ, আপনার বানাবাড়ী হইতে, আন্দালিকে দিয়া ছাতা ধরাইয়া, বঙ্কিমচন্দ্র প্রেসিডেন্সি কালেজের আইন শ্রেণীর গ্যালারিতে আসিয়া উপস্থিত হইতেন। সূক্ষ্ম, সূক্ষ্ম-গঠন, পাতলা পাতলা দেহ, উন্নত নাসিকা, উজ্জল চক্ষু, ঠোঁটের আশে পাশে একটু একটু হাসি আছে। কিন্তু সেই হাসির সঙ্গে আছে প্রবল গরিমা জ্ঞান। আসেন, এক পার্শ্বে বসেন, চুপ করিয়া বসিয়া থাকেন, কাহারও সহিত কথা কহেন না। তৎকালিক সংস্কৃতভাষাপক

কৃষ্ণকমল ভট্টাচার্য্য মহাশয়। তিনিও ঐ তৃতীয় শ্রেণীতে আইন শিক্ষা করেন। অধ্যাপক বলিয়া সাহেব শিক্ষক উঠিয়া গেলে, তাঁহার অভাবোধে আমাদের রেজেন্টারী লইতেন। কৃষ্ণকমলবাবু প্রথম নামটি ধরিয়াছেন কি, বক্সিমবাবু অমনি উঠিলেন,— তাঁহার কানের কাছে গিয়া চুপি চুপি বলিলেন “আমাকে উপস্থিত লিখে লইবেন, মহাশয়!” কৃষ্ণকমল বলিলেন, “আচ্ছা”। অমনি বক্সিমচন্দ্র গোলদিঘির ধার দিয়া, ছাতা ধরাইয়া, সটানে সমানে চলিয়া গেলেন। আমাদের কাহার সহিত তখন বক্সিমবাবুর আলাপ হয় নাই। সেইটুকুই যা, কিছু কিছু। থাকুক ‘কিছু’, তখন বুঝিয়াছিলাম, এখনও বুঝিতেছি বক্সিমচন্দ্র আমাদের গৌরবাসিত করিয়াছেন।

আমরা বাঙ্গালা লেখা-পড়া সাজ হইল। অর্থাৎ কালেঞ্জের শিক্ষাও শেষ, বাঙ্গালা ভাষা ও সাহিত্যের শিক্ষাও শেষ—একত্রই হইল। আমার বক্তৃতাবা শিক্ষা করিবার কথা বলিব বলিয়া সঙ্কল্প করিয়াছিলাম। সেই সঙ্কল্প সিদ্ধ হইল। আমিও নিজের কথা নিজে বলিবার অধর্ম হইতে অব্যাহতি পাইলাম।

এখন পিতৃদেবের জীবনীর কথা বলা যাইতেছে। কিন্তু অদ্ভুত দোষে রাজনীতি সংঘটিত কোন কথা বলা ত চলে না। সুতরাং ছাড়িয়া ছুড়িয়া, কথা এড়াইয়া লিখিতে হইতেছে।

উলা হইতে চৌকি উঠাইয়া লইয়া, বাণাঘাটে গিয়া পিতৃদেব সেখানে অতি অল্পকালই ছিলেন। তাঁহাকে কিঞ্চিৎ “অপদস্থ” হইয়া পাণিঘাটায় যাইতে হয়। পাণিঘাটা নদীয়া জেলার দেবগ্রামের নিকট। তখন সেখানে চৌকি ছিল, এখন নাই। হঠাৎ এই পরিবর্তনের কারণ প্রকৃত-প্রস্তাবে রাজনীতি। তখন নীলকর বিষয়ের বাঙ্গালা জর্জরিত। ইডেন, হর্শেল, গ্র্যান্ট, তখনও নীলকরের বিরুদ্ধে আভ্যুত্থান করেন নাই। নদীয়া, মুর্শিদাবাদ, চব্বিশ-পরগণা, যশোহর জেলার অনেক স্থলেই তখন নীলকর সর্ব্বোৎসর্গ। তাহাদের দৌলত দংশন দেখে কে? এই নীলবরের একজনের সঙ্গে, পিতৃদেবের দুই একটি কি কথা হয়। নীলকর আপনাকে অপমানিত মনে করেন। অতি অল্পকাল পরেই পিতৃদেব বদলি হইলেন। বাণাঘাট হইতে পাণিঘাটা, পাণিঘাটা হইতে পূর্ণিয়ার সদর। দেখানে তখন উর্দু চলিত ছিল। তাঁহার পার্শী পড়ার ফল দেখিল। পূর্ণিমা হইতে, জাহানাবাদ। জাহানাবাদে তিনি ইংরাজী স্কুল স্থাপনা করেন। সে স্কুল এখনও আছে। আর ১৮৬১ সালে প্রেসিডে হিন্দু-হিঁতৈবী হরিশচন্দ্র মুখোপাধ্যায়ের মৃত্যু হইলে, একটি শোকসভা আহ্বান করিয়া, তদীয় স্বর্ণাৰ্ঘ চাঁদা সংগ্রহের জন্য একটি হৃদয় স্পর্শিত বক্তৃতা বাঙ্গালায় করেন। বহুদিন পরে বাঙ্গালা সাহিত্যের সহিত, তাঁহার আবার এই সংস্পর্শ।

ইংরাজি ৫৭ হইতে ৬১ এই চারি বৎসরে, আমাদের পিতা-পুত্র কেবল দুর্গোৎসব

ও মহরমের সময় মিলন হইতে। ৬১ সাল হইতে হয় শীতের ছুটিতে, না হয় গ্রীষ্মের ছুটিতে, আমি পিতার কাছে যাইতাম ও থাকিতাম। এইরূপে এক বৎসর আমি শীতের ছুটিতে জাহানাবাদে, আর এক বৎসর গ্রীষ্মের ছুটিতে, আবার পর বৎসর শীতের ছুটিতে কলিকাতায়, তাহার পর বৎসর ৬৩ সালে শীতের ছুটিতে জজিপুরে, ৬৪ সালে গ্রীষ্মের ছুটিতে আরায়, ৬৬ সালে মুর্শিদাবাদে পিতার নিকট গিয়াছিলাম। ৬৮ সালে আমার শিক্ষা সাক্ষ হইল। আমি পিতার নিকট বহরমপুরে ওকালতি করিতে গেলাম। ১৮৭০ সালে ২২শে মার্চ পর্যন্ত পিতা বহরমপুরে সদর ম্যাজিস্ট্রেট থাকেন, অথচ প্রায়ই একটির প্রধান সদর আমিনাতে, অথবা একটির ছোট আদালতের জজিয়তিতে, ঢাকা, কটক, ভাগলপুর, চব্বিশ-পরগণা (আলিপুর) এবং যশোহর এই সকল স্থানে দুই মাস ছয় মাস যাইয়া কাটাওয়া আদেন। দুই বৎসরের মধ্যে প্রায় এক বৎসর কাল, পিতাপুত্র, আমরা একত্র ছিলাম।

তখন বহরমপুরে বাঙ্গালা সাহিত্য-চর্চার বড় স্রবধা ছিল। ডাক্তার রামদাস সেনের বাড়ী সেইখানে। তাঁহার লাইব্রেরীতে বিস্তর বাঙ্গালা ও সংস্কৃত পুস্তক ছিল। আর ভারতবর্ষের সংস্কৃত ইংরাজি পুস্তকও বিস্তর ছিল। বাঙ্গালা-ভাষা ও সাহিত্যের ‘ইতিহাস লেখক’ পণ্ডিত রামগতি স্মারক, বহরমপুর কলেজের সংস্কৃত অধ্যাপক ছিলেন। পূর্বে বলিয়াছি, পিতৃদেব ঘুরিয়া ফিরিয়া বহরমপুরেই আসিয়া থাকিতেন। বাঙ্গালার ইতিহাস লেখক রাজকৃষ্ণ মুখোপাধ্যায়,—এই সময়ে বহরমপুরেই ওকালতি করিতেন। রায় দীনবন্ধু মিত্রবাহাদুর এই সময়ে এই বিভাগের পোষ্টাল ইন্সপেক্টর ছিলেন। প্রসিদ্ধ ব্যাকরণকার লোহারাম শিবোরত্ন মহাশয় বহরমপুর নর্থাল স্কুলের অধ্যাপক ছিলেন আর আমি যাবার কিছুকাল পরেই,—পিতৃপুত্র পিতৃ শেষ স্বয়ং বক্সিমচন্দ্র অস্ত্রতর ডেপুটি ম্যাজিস্ট্রেট হইয়া গেলেন। স্মরণ্য এ সময়ে বহরমপুরে বাঙ্গালা চর্চার মহেন্দ্রযোগ বলিতে হইবে। আমি মহেন্দ্রকণ্ঠের সুযোগ অবহেলা করি নাই।

আমি বহরমপুরে এক্ষণে যাইবার কিছু পূর্বেই, অর্থাৎ ওকালতি করিতে যাইবার কিছু পূর্বেই পঠদশায় একবার এক মাস মাত্র বহরমপুরে গিয়াছিলাম। সে কথা ধরিতেছি না। আমি বহরমপুরে প্রতিষ্ঠিত হইবার কিছু পূর্বেই জজ কাছারির সেরেস্তাদার মহাশয়ের ঘরে একটি নবরত্ন সভা প্রতিষ্ঠিত ছিল। সভ্যরা একটু সকাল সকাল গিয়া সভা বসাইতেন, জজ সাহেব আসিলেই, সভা-ভঙ্গ হইত। সাধারণত দিনে অর্ধঘণ্টা জীবন। কোন কোন দিন কাজের ভিড় থাকিলে, সে জীবনটুকুও হইত না। এই সভায় বিক্রমাদিত্য ছিলেন—জজ সাহেবের সেরেস্তাদার বৈষ্ণবনাথ নাগ। সে দ্বয়টি তাঁহারই ঘর। বহরমপুরের প্রসিদ্ধ উকীল স্মারকচরণ ভট্ট—বেতাল ভট্ট। বাবু বৈষ্ণবনাথ সেন (জাতিতে বৈষ্ণব স্মরণ্য)—ধর্মজয়ি। বহরমপুরের সরকারী উকীল দীননাথ

পাছলীক্ষণক। বোধ করি তিনি একটু রাগী ছিলেন মনে করিয়া, তাঁহাকে এই সম্মান দেওয়া হইবে। বনাম-প্রসিদ্ধ গুরুদাসবাবু তখন বহুসময়ের আইনাধ্যাপক ছিলেন; অবশ্য ওকালতিও করিতেন। তিনি ছিলেন—বরকচি, আর পিতৃদেব—কালিদাস। ভোরপূর আসরে যখন নবরত্ন সভা জাঁকাইয়া বসিয়া আছেন, তখন আমি ওকালতি করিতে গেলাম। কোন বেকান্দুি ছিল না যে আমি প্রবেশ করিতে পারি, অথচ নবরত্ন সভা আমার সহিত সম্পর্ক রাখিতে উৎসুক হইলেন। আমাকে উৎকট বিকট সম্মানের পদ প্রদত্ত হইল। আমি হইলাম—রাকস। আমি সমস্ত দ্বিত্যাম, নবরত্ন পূরণ করিতেন। নবরত্ন-অধিষ্ঠিত নব বিক্রমাদিত্যের সভায়, আমি একখানি অপোজিনন চেয়ার পাইলাম। প্রাচীন পুরাণ প্রথামত অনেক সময়ই, রাক্ষসের আক্রমণ হইতে কালিদাসই সভার সম্মান রক্ষা করিতেন।

পূর্বেই বলিয়াছি আমি কালেজে পঠদশার সময় হইতেই, কতক মনের সহিত, কতক মজা দেখিবার জন্ত, মাইকেলের বিদ্যেবী ছিলাম। এক-একদিন মেঘনাদের ছই দশ পংক্তি লইয়া নবরত্নকে ব্যাখ্যা করিতে দিতাম। মনের ভাবটা এই যে, অনেক স্থলে মেঘনাদ বধ কাব্যের ব্যাখ্যা করা যায় না। কেবল “ললিত-লবঙ্গ-লতা”, কথাত্তেই পরিপূর্ণ।—

“উদ্দীলা আদিত্য এবে উদয় অচলে,  
পদ্মপর্ণে স্তম্ভদেব পদ্মযোনি যেন,  
উন্মীলি নয়ন-পদ্ম-সুপ্রসন্ন ভাবে,  
চাহিলা মহীর পানে! উল্লাসে হাসিলা  
কুসুম-কুন্তলা মহী, মুক্তামালা গলে।”

আমি জিজ্ঞাসা করিলাম, পদ্মপর্ণ শব্দের অর্থ কি? হেয়বাবু টীকা করিয়াছেন, পদ্মপর্ণ—পদ্মপত্র। সেটা কি জিনিস—পদ্মের গাছের পাতা, না পদ্মের ফুলের পাপড়ি? যদি গাছের পাতা হয়, তা হইলে উপমা বুঝা যায় না। কেন না পদ্মপত্র হরিৎ-বর্ণ। উদয় অচল হরিৎ-বর্ণ নহে। আর যদি পদ্মপর্ণ মানে পদ্মের পাপড়ি হয়—সেই বা কি হইল। পদ্মের পাপড়িতে পদ্মযোনি-স্তম্ভ কেন? যদি বা কখন থাকেন, তবে উদয়াচলের সহিত সাদৃশ্য কি? থাক। ব্রজার নয়ন-পদ্মের উন্মীলনের মত, আদিত্যের উদয়। তবে ব্রজা কি একচক্ষু? আর স্তম্ভ পদ্মযোনিই বা সুপ্রসন্ন ভাবে মহীর পানে চান কেন? কোন পৌরাণিকী কাহিনী আছে কি? যদি না থাকে, তবে কি বুঝিব? আর মহীর বা এত উল্লাসে হাসি কেন? যদি বল প্রভাত হইয়াছে বলিয়া, তাহা হইলে ত সব গোলমাল হইল। সাধ্য-সম হইল। উপমান উপমেয়

পাটাপান্টি হইয়া গেল। এইরূপ নবরত্নের সহিত ঘোরতর রাক্ষস-মূলভা রাক্ষসী বিতণ্ডা করিতাম।

মাইকেলকে লইয়া ঘোরতর বিতণ্ডাই হইত। কোনপক্ষে জয় পরাজয় স্থির হইত না। আমি প্রকাশ্যত মাইকেল-বিদ্বেষী বটে, কিন্তু মাইকেলের কবিতা আবৃত্তি কালে, কাব্যের রসভঙ্গ করিবার জন্ত, আমি কোন প্রকার বিশেষ ভাব প্রকাশ করিতাম না। এ কথা সকলেই বলিতেন। এবং আবৃত্তিতে ছন্দ ও রস সম্পূর্ণরূপে রক্ষা হয়, এ কথা বলিয়া সকলেই আমার প্রশংসা করিতেন। বরকৃষ্ণি প্রধান আলঙ্কারিক। তিনি একদিন বলিলেন যে, মাইকেলের অহুপ্রাস বড়ই মিষ্ট। আমি বলিলাম, কি বলিতেছেন বুঝাইয়া দিউন; তিনি বলিলেন যেমন—“কিছা বিদ্যাদারা রমা অধুরাশি তলে।” আমি বলিলাম এইরূপ মিষ্ট অহুপ্রাস স্বচ্ছন্দে মুখে মুখে করা যাইতে পারে। তিনি বলিলেন, “একটা করুন।” আমি বলিলাম “কান্‌চেন-রাঘব-বাছা গাম্‌ছা আন‌চে কে‌টা ?” কেবল বিতণ্ডা নহে, এরূপ বিজ্ঞপ-ব্যঙ্গ সর্বদাই হইত।

একদিন বরকৃষ্ণি কালিদাসকে দ্বিজ্ঞাসা করিলেন যে “এমন কি পদার্থ আছে, যাহা ণাকা ভাল, কিন্তু পাওয়া মন্দ ?” কালিদাস ভুনিয়াই উত্তর করিলেন,—“কৃষ্ণ”। কৃষ্ণ ণাকা ভাল, কিন্তু কৃষ্ণপ্রাপ্তি মন্দ। উত্তর ঝটিতি বলাতে, এবং কৃষ্ণপ্রাপ্তি কথা ণাকাতে সকলেই হাস্য করিলেন, কিন্তু সজ্জ্বর হয় নাই বলিয়া সকলেই বিস্ময় করিলেন। বরকৃষ্ণি অবশ্য বলিলেন, তাঁহার প্রশ্নের উত্তর হয় নাই। পরদিন অস্থ্যানে কাছারি আসিতে আসিতে, কালিদাস, বরকৃষ্ণির বাসভবনের নিকট অস্থ্যান থামাইয়া, এই কবিতাটি তাঁহাকে শকট হইতে বলিয়া আসিলেন ;—

“প্রহেলিকা অর্থ তব স্তন হে রসিক,  
নর হতে নারী তাহা ধরয়ে অধিক ;  
বিশেষ কি কব আর বুঝে দেখে তাই ?  
কলা না বলিতে পারি পাইয়াছি তাই ॥”

তাঁহার পর সভায় আসিয়া কালিদাস বলিলেন “বরকৃষ্ণির প্রহেলিকার সন্মর্থ আমি তাঁহাকে বলিয়া আসিয়াছি। বলিয়া আবার কবিতাটি আওড়াইলেন। বিক্রমাদিত্য বলিলেন—“এ যে বড় দায় হইল—প্রহেলিকার অর্থ প্রহেলিকায়, এরূপ কতবার চলিবে ?”

একদিন রাক্ষস মহাদম্ভে নবরত্ন সভা আক্রমণ করিলেন। প্রহেলিকায় কবিতা আবৃত্তি করিলেন।

“বার দিন, মাস তিন, থাকে থাকে থাকে,  
আপনার পরিচয় দেয় যাকে তা’কে,

আপনি নির্ঝাঁক থাকি দেয় পরিচয়,  
 দিন দিন নব যুগে ধারণ করয় ;  
 সকলের হিত করে নিজ পরিচয়ে  
 প্রয়োজন সিদ্ধ হয় অনেক বিষয়ে ;  
 নবরত্ন-সভা মধ্যে বার মাস রয়,  
 না বুঝিয়া নবরত্ন হন পরাজয়।”

কত রকম কদম্ব, সন্দর্ভ, টানাবোনা অর্থ, গোলমেলে অর্থ, এক এক রত্ন, এক এক সময়ে, প্রকাশ করিতে লাগিলেন। রাক্ষস শির-সঞ্চালন করিয়া হস্তার দেন মাজ। এক দিন গেল, দুই দিন যায়, ক্রমে সভা হেট-তুণ্ড হইতে লাগিলেন। সে ক্ষুধা নাই, সে আনন্দ নাই, যেন সত্য সত্যই বিক্রমাদিত্যের সভা কোন রাক্ষসী আক্রমণ করিয়াছে। না পারিলে রাজ্যে প্রজা নষ্ট করিবে, হয়ত রাজাকেই কত কষ্ট দিবে। এমন যে রাক্ষসের মন, তাহাও টলিল। হৃদয় গলিল। নবরত্ন-সভাগৃহের প্রাচীর সংলগ্ন ধাতুময় ক্ষুদ্র যন্ত্রের দিকে লক্ষ্য করিয়া এবং সকলের লক্ষ্য সেই দিকে আকর্ষণ করিয়া, রাক্ষস নবরত্ন-সভার সম্মান রক্ষা করিলেন। সভাস্থ সকলে আরকিমিডিসের মত, Ureka, Ureka “প্রাপ্তোন্মি প্রাপ্তোন্মি” করিয়া উঠিলেন, আবার আনন্দের স্রোত বহিয়া উঠিল।

পূর্বে রামগতি নায়রত্ন ও লোহারাম শিরোরত্ন মহাশয়-দ্বয়ের নাম করিয়াছি। তাঁহারা ছাড়া আর একজন সংস্কৃতজ্ঞ পণ্ডিত, তৎকালে বহরমপুরে ছিলেন। তিনি ত্রিবেণীর প্রসিদ্ধ জগন্নাথ তর্কপঞ্চাননের পৌত্রের পৌত্র—উমাচরণ ভট্টাচার্য। তিনি নৈয়ায়িক অথচ বিশেষ কাব্য রসজ্ঞ ছিলেন। তাঁহার কাছে আমি কালিদাসের শকুন্তলা পড়িয়াছিলাম। সে গুরুদত্ত পুঁথিখানি এখনও আছে। যৌবনের প্রারম্ভে তিনি উত্তরপাড়ায় আশ্রয় করিয়াছিলেন,—“বিচারের ফলে বিদ্যায়ের পরিমাণ স্থির করিতে হইবে।” সে কথা কেহ শুনিব না। স্বতরাং তিনি ব্রাহ্মণ পণ্ডিতের ব্যবসা ছাড়িয়া দিলেন। সরকারী চাকরিতে প্রবৃত্ত হইলেন। অতএব এখন উমাচরণ ভট্টাচার্য, বঙ্কিমবাবুর চন্দ্রশেখরের মত—ব্রাহ্মণ এবং পণ্ডিত, ব্রাহ্মণ-পণ্ডিত নহেন।

তিনি তৎকালে বহরমপুরে সদরালার সেবেস্তাদার ছিলেন। সেবেস্তা ছাড়িয়া উঠিবার তাঁহার অবকাশ হইত না। রাক্ষসাধমকে নবরত্নের নিত্য-লীলার নিত্যবিবরণ ভট্টাচার্য মহাশয়ের কাছে পেশ করিতে হইত। তিনিও এক-একদিন সভার সমস্ত প্রেরণ করিতেন। দীনবন্ধু মিত্র মহাশয়ও কচিং সভার সমস্তা দিতেন। তাঁহার একটি সমস্তা মনে পড়িতেছে।

“একাকী দাঁড়ায়ে সতী, ভারতী-রূপিনী  
 যত থাকে, তত যায়, যামিনী শোভিনী।”

নবরত্ন সভা বসিতে বিলম্ব দেখিয়া, আমি ভট্টাচার্য্য মহাশয়ের সমীপে ইহা পেশ করিলাম। তিনি অনেক ভাবিয়া চিন্তিয়া, হয়ত কত নায়শাস্ত্র আলোড়িয়া, কত কাব্য-কলাপ মনে মনে আওড়াইয়া, শেষে সমাধা করিলেন,—“রজনীগন্ধা ফুলের ডাঁটা।” মিলাইয়া দিতেছেন, বলিতেছেন,—“রজনীগন্ধা ত যামিনী শোভিনী বটেই, শ্বেতবর্ণা বলিয়া ভারতী-রূপিনী, আর যত অধিক দিন থাকে, তত ফুল খসিয়া খসিয়া যায়।” আয়রা প্রহেলিকার অৰ্ণ শুনিয়া তাঁহার লক্ষ্য-শক্তির প্রশংসা করিতে লাগিলাম। পরে নবরত্ন প্রকৃত অর্থ ভান্দিয়া দিলেন—জলন্ত বাতি।

তাৎকালিক আমোদ-প্রমোদের কিছু কিছু পারচয় পাওয়া যায় বলিয়া এই সকল ফষ্টি-নষ্টি সংগ্রহ করিয়া, বহুদিন পরে প্রকাশ করিতেছি।

আমার বহরমপুরে যাওয়ার কিছুদিন পরে, বন্ধিমবাবু বহরমপুরে যান। তিনি একরূপ সভায় কখন মিশিতেন না। কেন তাহার আভাস, প্রেসিডেন্সি কলেজে, তাঁহার যাওয়া আসার পরিচয়ে একটু দিয়াছি। এখন আর একটু বলিতে হইতেছে। তাৎকালিক বন্ধিম-চরিত্র চিত্রিত করিতে গিয়া, তাঁহার অহঙ্কারের কথা না বলা, ঘোরতর বিড়ম্বনা। বন্ধিমবাবু আমাদের সমাজে, সাহিত্যে গোলাপ ফুল। গোলাপের কেবল পাপড়ির রং দেখিবে, মিঠা মিঠা দৌরভ দেখিবে, চল চল রূপ দেখিবে; গোলাপের বৃন্তে যে কাঁটা আছে, তাহা কি দেখিতে নাই? গোলাপে কাঁটা আছে বলিয়া, কি গোলাপের মর্যাদা কম?

“দেবের দুর্লভ নিধি,                      বিরলে বসিয়া বিধি  
সমাদরে সৃজন করেছে।

নরের নিষ্ঠুর করে                      পাছে লণ্ড ভণ্ড করে  
এই ভয়ে কণ্টকে ঘিরেছে।”

এই রূপ বর্ণনা করিয়া পিতৃদেব স্বত্ববর্ণনে গোলাপের মর্যাদা বুদ্ধি করিয়াছেন। বন্ধিম সম্বন্ধেও যদি তাই হয়? যদি সামাজিকদের হাতে “লণ্ড ভণ্ড” হইবার ভয়ে, বন্ধিমকে কেহ অহঙ্কারের আলোক আবরণ দিয়া, ঘিরিয়া রাখিয়া থাকেন?

অত কথা বুঝি আর না বুঝি, এই বুঝি যে, বন্ধিমকে অহঙ্কারী বলিলে তাঁহার মর্যাদা হানি করা হয় না। কোন সভ্য কথাতো, কাহারও হানি করা হয় না; বিশেষ বন্ধিম অহঙ্কারী ছিলেন বলিয়া, তিনি দাস্তিক ছিলেন, এমন কথা বলিতেছি না। পিতৃদেব ও আমার সহিত বন্ধিমচন্দ্রের পরিচয় কাহিনী গোড়া হইতেই বলা ভাল।

৩০.৬১ সালে পিতা যখন জাহানাবাদে য়ুনসেফ, বন্ধিমবাবুর মেজ দাদা সজীবচন্দ্র, তখন জাহানাবাদে সব রেজিষ্টার হইয়া গেলেন! সেই অবধি তাঁহাদের দুই জনে বন্ধুত্ব

হয়। বন্ধিমবাবু বহরমপুরে যাইতেছেন বলিয়া সস্ত্রীসবাবু পিতাকে পত্র লেখেন, আমাদের বাসায় উঠিবেন বলিয়া জানাইয়া রাখেন এবং কাছারির নিকট বন্ধিমবাবুর জন্য একটি বাটী ভাড়া করিবার জন্য অনুরোধ করেন। আমি অবশু পাঁচটা বাটী দেখিয়া শুনিয়া, একটি বাটী ঠিক করিয়া ঝাড়াইয়া ঝুড়াইয়া রাখিলাম; জল তুলাইয়া রাখিলাম; একটি ঠিকা চাকরও রাখিয়া দিলাম। পূর্বেই বলিয়াছি, বন্ধিমবাবুর কপালকুণ্ডলা পড়িয়া আমি কাব্যে গুণপনায় মুগ্ধ হইয়াছিলাম, হুতরাং কেবল আতিথ্যের খাতিরে নহে, প্রকৃত ভক্তিভরে, আনন্দ সহকারে, এই সকল কার্য করিয়াছিলাম। যথাকালে বন্ধিমবাবু আসিলেন, আহ্বাদি করিলেন, শুনিলেন যে, আমি গৃহবাসী গঙ্গাচরণ বাবুর পুত্র, বি-এল পাশ করিয়া বহরমপুরে ওকালতি করিতে আসিয়াছি। আহ্বারের পর বিশ্রাম করিলেন; বিশ্রামের পর বৈকালে আমরা পিতাপুত্রে গাড়ী করিয়া তাঁহাকে তাঁহার বাড়ী দেখাইতে লইয়া গেলাম। বাড়ী দেখিলেন, পছন্দ করিলেন, ঠিকা চাকর তিন খানা কেদারা বাহির করিয়া দিল, আমরা তিন জনে ক্ষণেক বসিয়া রহিলাম, বাসায় সকলে ফিরিয়া আসিলাম, বন্ধিমবাবু সে রাত্রি আমাদের বাসাতেই যাপন করিলেন। পিতার সহিত কথাবার্তা চলিল। পরদিন প্রাতে তাঁহার জিনিস পত্র, চাকর ব্রাহ্মণ লইয়া, গাড়ী করিয়া তিনি নিজ বাসায় গেলেন, আমি গাড়ী করিয়া দিলাম, গাড়িতে তুলিয়া দিলাম; হায়ে হায়! তখনকার কথা মনে পড়িলে, এখনও বুক ফাটে। এ পন্থায় বন্ধিমবাবু আমার সহিত একটি কথাও কহিলেন না; অধীনের প্রতি কপালকুণ্ডলাকারের করুণা কটাক্ষ হইল না। বাবা সব বুঝেন, সব জানেন, সব দেখিতেছিলেন, আমি কিরিয়া উপরে গেলে, বলিলেন “বন্ধিম গেল হে?” আমি বলিলাম “হী”। “তোমার সহিত দু’দিনে একটিও কথা হয় নাই?” আমি বলিলাম “কথা কি, আমি যে একটা জীব, এই বাসায় থাকি, সে খবর হয়ত, তাঁহাতে এখনও পৌছে নাই।” পিতা বলিলেন “তাই বটে।” বলিষ্ঠা উচ্চ হাস্য করিতে লাগিলেন। তাহার হাঁসির ফোয়ারায় আমার মনের ময়লা ধুইয়া গেল; পিড়গোরবে আমি গৌরবারিত, আমিও হাসিতে লাগিলাম।

কাছারীর কেবলতা পিতা-পুত্র দুইজনে বন্ধিমবাবুর স্তুতি-অস্তুতি কতদূর হইতেছে দেখিবার জন্য, বন্ধিমবাবুর বাসায় তাঁহাকে দেখিতে গেলাম। বন্ধিমবাবু “আত্মন” বলিয়া পিতাকে সর্জন্য করিলেন। এবার মনে হইল, পিতাকে আত্মনের সন্ধানেন, ব্রাহ্মণের মধ্যে আমিও যেন আছি। আমার নিযুক্ত সেই চাকর, সেইরূপ তিনখানি কেদারা বাহির করিয়া দিল; বন্ধিমবাবুর আদেশমত পিতাকে তাম্বাক দিল, আমরা তিন জনে বসিয়া রহিলাম। পিতার সহিত বন্ধিমবাবুর কথোপকথন হইতে লাগিল। আমি জনান্তিকে দুই এক কথার চোপ ফেলিতে লাগিলাম।



বন্ধিমবাবু কিন্তু টোপ ধরিলেন না। তবে আমি এবার বুক বাঁধিয়া গিয়াছি, বন্ধিম-  
বাবুর এই ভাব গারে কিন্তু মাখিলাম না; তবে মনে মনে এমন ভাবটা হইয়া  
থাকিবে যে,—

“দাদা মাথা সার হ’ল মোর, মাছ ধরা হল না।”

এই রূপে দিন যায়। বন্ধিমবাবু নিজেই বলিয়াছেন, দিন কাহারও জন্য বসিয়া  
থাকে না। আমারও দিন আটকাইয়া রহিল না। যতদিন পিতা বহরমপুরে ছিলেন,  
ততদিন বন্ধিমবাবু মাঝে মাঝে এক একবার আসিতেন, পিতার সহিত গল্প-গুজব  
করিয়া চলিয়া যাইতেন। তাহার পর পিতৃদেব চলিয়া গেলেন, আমি একা বাসায়  
বহিলাম। বন্ধিমবাবু আর আসেন না। আমিও অবশ্য যাই না।

কিসের একটা ৪।৫ দিনের ছুটি হইল। বন্ধিমবাবুও বাড়ী আসিবেন, আমিও  
বাড়ি আসিব। নলহাটিতে আমিরা দুইজনে দেখা সাক্ষাৎ। সাত সাত ঘণ্টা কাল,  
নলহাটিতে বিশ্রাম বা কষ্টভোগ করিতে হইবে, তাহার পর হয়ত ইষ্ট ইন্ডিয়ান পাড়ী  
আসিবে, নয়ত দুই ঘণ্টা বিলম্বেও আসিতে পারে। সেকেও ক্লাসের বিশ্রাম-ঘরে  
বসিয়া বন্ধিমবাবু ও আমি। দিন যায় ত, ক্ষণ যায় না। বহুদিন গিয়াছে, কিন্তু  
এবার বন্ধিমবাবু ক্ষণ কাটাইতে পারিলেন না। শুভক্ষণে, অতি শুভক্ষণে, বন্ধিমবাবু  
কথা কহিতে লাগিলেন। এ কথা, সে কথা, ও কথা, কোথা হইতে কিরূপ করিয়া  
পড়িল—বহুশ্রমকার রেনডেব কথা। তখন দুইজনে অসি-ধারে রেনডেব সুগুণাত  
করিয়া, বসিয়া বসিয়া তৃপ্তিপূর্বক, দুইজনে সেই মুড়ি চিবাইতে লাগিলাম। চরুণের  
সেই রসগ্রহে, দুইজনের ভিতরে সহৃদয়তা জন্মিল, দিন দিন, সেই সহৃদয়তা ক্রমে ক্রমে  
অবিচ্ছেদ্যে বিশেষ বন্ধুতায় পরিণত হইয়াছিল। তিনি বড়, আমি ছোট; তিনি বয়সে  
বড়, জাতিতে বড়, বিদ্যায় বড়, ক্রতিতে বড়, কিন্তু ছোট বড় বলিয়া বন্ধুত্বে কোন  
ব্যাঘাত হয় নাই। বন্ধিমবাবুও “বন্ধুবৎসলাতায়” পরিচয় চন্দ্রনাথ দাদা যথেষ্ট  
দিয়াছেন। আমি আর চন্দনে স্বগন্ধি প্রক্ষেপ করিব কেন? আমাদের এই নব  
বন্ধুতায় অচিরে একরূপ পরিণতি হইয়াছিল। দুই দিকে তাহার দুইরূপ ফল পাওয়া  
গিয়াছিল। সেই কথার একটু সন্নিহিত পরিচয় এক্ষণে দিব। পাঠক, আবার বলি,  
আমার আশ্চর্য্যবিত্ত আবার মার্জ্জনা করিবেন।

বহু পরে বন্ধিমচন্দ্র “লুপ্ত-বসোদ্ধারে”র ভূমিকায় বলিতেছেন,—“উহাতেই  
(আলালের ঘরের দুলাল হইতেই) প্রথম এ বাঙ্গলা দেশে প্রচারিত হইল যে, যে  
বাঙ্গলা সর্বজনমধ্যে কথিত ও প্রচলিত, তাহাতে গ্রন্থ রচনা করা যায়, সে রচনা স্মরণও  
হয়। \* \* \* বাঙ্গলা ভাষার এক সীমায় তারানন্দবের কাদম্বরীর অল্পবাদ আর এক  
সীমায় প্যারীচাঁদ মিত্রের আলালের ঘরের দুলাল। ইহার কেহই আদর্শ ভাষায় রচিত

নয়। কিন্তু আলানের ঘরের ছালালের পর হইতে, বাঙ্গালি লেখক জ্ঞানিতে পারিল যে, এই উভয় জাতীয় ভাষার উপযুক্ত সমাবেশ দ্বারা এবং বিষয়-ভেদে একের প্রবলতা ও অপরের যত্নতা দ্বারা, আদর্শ বাঙ্গলা গড়ে উপস্থিত হওয়া যায়।” চর্চেশনক্ষিনী, কপালকুণ্ডলা লিখিবার সময় বন্ধিমবাবু যে সম্যক প্রকারে এই সত্য উপলব্ধি করিতে পারিয়াছিলেন, এমন আমার বোধ হয় না। তাঁহার ভাষার “লক্ষ-তাগ” “নিজ্জা-গমন” প্রভৃতি সমস্ত পদ লইয়া কায়স্থ কলভূষণ রাজেন্দ্রলাল মিত্র বিবিধার্থ সংগ্রহে বিজ্ঞপাস্ত্রিক সমালোচনা করিয়াছিলেন। আর কায়স্থ-কুলাধম আমি, ভাষার একান্ত সংস্কৃতাত্মসারিণী ভক্তি লইয়া বন্ধিম বাবুর সহিত বিচার বিতর্ক করিয়াছি। যুদ্ধকটিকা নাটকে দেখিবেন, প্রাড়্‌বিবাকের পার্শ্বোপবিষ্ট কায়স্থ প্রাকৃত্তে কথা কহিতেছেন। কালীপ্রসন্ন সিংহ হউন, দীনবন্ধু হউন, প্যারীচাঁদ হউন, আর রাজেন্দ্রলালই হউন,—আমাদের প্রাকৃত্তের দিকে একটু টান আছে। আমরা বুদ্ধি ধর্ম্‌কার্থে, প্রত্নতত্ত্বে, ছটা-ছন্দ বিভূষিত কবিতায়, সেই কবিতার লালিত্যে ও মাদুর্য্যে, সংস্কৃতের প্রয়োজন। সংস্কৃত আমাদের গুরুজন; কিন্তু গুরুজন লইয়া ত সংসার হয় না। প্রধানত পুত্র-কলত্র, দাস-দাসী, বন্ধু-বান্ধব, এই সকল লইয়াই সংসার। এ সকল ত সংস্কৃত নয়, প্রাকৃত্ত। তা’ বলিয়া কেবল বিষয় কার্ণ্যের জন্য প্রাকৃত্ত বা বাঙ্গালার প্রয়োজন এমন নহে; জীবন্ত কাব্যের বাঙ্গলাই জ্ঞান অর্থাৎ প্রাণ।

যে কবিতা বুকের ভিতর দিয়া হৃদয়ে বসিয়া যায়, তাহা বাঙ্গালির পক্ষে বাঙ্গালাতেই হওয়া সম্ভব। সাধারণ বর্ণনায়, সাধারণ কথায় যেমন ভাব পরিস্ফুট হয়, সংস্কৃতাত্মসারিণী হইলে তেমন হয় না। এইরূপ কথার বিচার বিতর্ক অনেকদিন চলিল। বন্ধিমবাবু বিষবৃক্ষে “গরু ঠেঁকাইতে” লাগিলেন। বিষবৃক্ষে উভয়রূপ ভাষার সমাবেশ হইল। তখন বিষবৃক্ষ হাতের লেখায়,—ছাপান হয় নাই।

মধ্যবস্তিনী ভাষা-প্রচারের সূচনা হইতেই “বঙ্গদর্শন” প্রচারের সূচনা আরম্ভ হইল। কত দিন, কত জল্পনা চলিতে লাগিল। শেষে কয়জন লেখকের নাম দিয়া ভবানীপুরের খুঁটান ব্রজমধ্য বহু প্রকাশক রূপে, বঙ্গদর্শনের বিজ্ঞাপন প্রচারিত করিলেন।

লেখকগণের নাম বাহির হইল—

সম্পাদক—শ্রীযুক্ত বঙ্কিমচন্দ্র চট্টোপাধ্যায়।

লেখকগণ—শ্রীযুক্ত দীনবন্ধু মিত্র।

” ” হেমচন্দ্র বন্দ্যোপাধ্যায়।

” ” জগদীশনাথ রায়।

” ” তারাপ্রসাদ চট্টোপাধ্যায়।

” ” কৃষ্ণকমল ভট্টাচার্য্য।

” ” রামদাস সেন ।

এবং ” অক্ষয়চন্দ্র সরকার ।

আর সকলে নামজাদা, আমিই কেবল নাম-হীন। অথচ আমার নাম ছাপা হইল। ইংরাজী, সংস্কৃত, বাঙ্গলা—নানা পুস্তক বাঁটিয়া আমি “উদ্দীপনা” প্রবন্ধ প্রণয়ন করিলাম। বঙ্কিমবাবু বড় খুসি। আমি তাঁহাকে কিছু না বলিয়া চুপি চুপি রামগতি জায়দত্ত মহাশয়কে দেখাইলাম। ‘ভোগ্যা’ ‘ভোজ্য’ এই দু’টা কথায়, আমি একটা কি গোল করিয়াছিলাম। ব্যাকরণ ভুলই করিয়াছিলাম। তিনি সেটি সংশোধন করিয়া দেন। ব্রহ্মসাধন প্রথম সংখ্যায়, আমার সেই প্রবন্ধের টিকি কাটিয়া বাহির করিলেন। প্রবন্ধের মুখটুকুও দেখা গেল না। বঙ্কিমবাবু এপলজি করিলেন বটে, আমি কিন্তু মনে মনে চটিয়া লাল। ওদিকে পিতাকে বঙ্গদর্শন পাঠান হয় নাই। তিনি চটিয়া আমাকে লিখিলেন—“Why does not my friend Bankim Chandra send his Banga-darsan to me? I am able to understand it and can afford to pay for it.”

ঐ ক্ষুদ্র কথা কয়টিতে পিতার বঙ্গসাহিত্যের প্রতি অহুয়োগ এবং বন্ধুর সামান্য অবহেলায় “রাগ” বেশ বৃদ্ধিতে পারা যায়। অবশ্য বঙ্গদর্শন তাঁহার নিকট প্রেরিত হইল, এবং তিনি পাঠ করিয়া মহা আনন্দ প্রকাশ করিলেন।

১৮৭০ সালের ২২শে মার্চ, পিতা পাকা সবজ্জ হন। পাকা পদ পাইয়া প্রথমে চট্টগ্রামে গমন করেন। সেই সময়ে একটি অপূর্ণ ঘটনা হয়। বঙ্গসাহিত্যের সঙ্গে কোন সম্বন্ধ না থাকিলেও, সেটির উল্লেখ করা আমি কর্তব্য মনে করি। সাহিত্য কেবল মাত্র আধ্যাত্মিক ভাব লইয়া অর্থাৎ রস লইয়া, নাড়া চাড়া করে। সাহিত্যের এলেকা ছাড়া আরও অনেক গুরুতর আধ্যাত্মিক বিষয় আছে। সেইরূপ একটি আধ্যাত্মিক ঘটনার কথা বলিতেছি। ১২২৩ সালের প্রাণেব “নবজীবনে” যাহা লিখিয়াছিলাম, তাহাই উদ্ধৃত করিতেছি :—

ভবিষ্যতের ছোটখাট ঘটনা আমি কতবার স্বপ্নে দেখিয়াছি, তাহা বলিতেই পারি না। সাক্ষোপাঙ্গ একটি গুরুতর ঘটনা আমি একবার স্বপ্নে দেখিয়াছিলাম। আমি একরাত্রি বহরমপুরে থাকিতে হঠাৎ \* স্বপ্নে দেখি যে, পূজাপাদ পিতৃদেব যেন চট্টগ্রামে কর্ম করিতে যাইতেছেন, আর আমি তাঁহাকে কলিকাতায় রাত্রিকালে ধীমারে উঠাইয়া দিতে গিয়াছি। আলোর জাহাজ বক্ বক্ করিতেছে, খালসীরা কল্ কল্ করিতেছে, নীচে গঙ্গা কুল কুল করিতেছে, আর উপরে বায়ু বরবর করিয়া বহিতেছে।

\* হঠাৎ বলিবার ভাব এই যে, যে বিষয় স্বপ্ন দেখি, সে বিষয়ে জাগ্রত অবস্থায়, কোন তোলা পাড় করি নাই।

স্বপ্নের কথা দুই এক জনকে বলিয়াছিলাম। ইহার কয়মাস পরে, ঠিক সেইরূপ ঘটনা হইল। তেমনই আলো, তেমনই গন্ধা; আমার বোধ হইল, সেই যেমন নামা জাহাজই আমি স্বপ্নে দেখিয়াছিলাম। স্বপ্ন মিথ্যা আমি কখনই বলিতে পারি না।

১২৭২ সালের ১লা বৈশাখ 'বঙ্গদর্শন' প্রকাশিত হইল। সেই বৎসর চুর্গোৎসবের পর, মাতাঠাকুরাণীর বায়ু রোগ বৃদ্ধি পাওয়ায়, আমি ওকালতি ছাড়িয়া দিলাম। বহরমপুরে আর গেলাম না, বাড়ীতেই রহিলাম। ৮০ সালের বৈশাখ হইতে বঙ্গদর্শনের দ্বিতীয় খণ্ড বন্ধিমবাবুদিগের বাড়ী কাঁটালপাড়া হইতে প্রকাশিত হইতে লাগিল। সঞ্জীববাবু কাঁটাল পাড়াতেই প্রেস স্থাপিত করিলেন। ১২৮০ সালের ১১ই কাঠিক অর্থাৎ আমি বাড়ী বসিয়া থাকিতে আরম্ভ করার এক বৎসর পরে, 'সাধারণী' প্রকাশিত হইল। আর সেই মাস হইতে, আমি 'বঙ্গদর্শনের' প্রাপ্ত গ্রন্থের সংক্ষিপ্ত সমালোচনা করিতে লাগিলাম। 'সাধারণী'ও 'বঙ্গদর্শন যন্ত্রালয়ে' কাঁটাল-পাড়ায় ছাপা হইতে লাগিল। ৮১ সালের আশ্বিন মাসে, আমি চুঁচুড়ার কদমতলায়, আমাদের বাড়ীর সংলগ্ন, আমাদের আর একটি বাড়ীতে, 'সাধারণী যন্ত্রালয়' স্থাপনা করিয়া সাধারণী প্রকাশ করিতে লাগিলাম। ঐ সালের অগ্রহায়ণ মাসে পিতার "ঋতুবর্ণন" প্রকাশিত হইল। ঋতুবর্ণনের উৎসর্গপত্র অতি বিচিত্র বলিয়া এই স্থলে উদ্ধৃত করিলাম,—

প্রাণোপম প্রিয় পুত্র অক্ষয়চন্দ্র !

তুমি জান, আমাকে রাজকার্য্য-নিবন্ধন সময়ে সময়ে বিরল-বাক্য স্থানে অবস্থান করিতে হইয়াছিল; সেই সেই স্থানে অবকাশ কাল কথঞ্চিৎ সুখে যাপন করণার্থ, পশু রচনা করিতে চেষ্টা করিতাম, সেই চেষ্টার ফলস্বরূপ এই "ঋতুবর্ণন" অভিহিত গ্রন্থখানি হইয়াছে। গ্রন্থখানি সামান্য, এজন্য কোন বড় লোককে উৎসর্গ না করিয়া, ইহা তোমাকেই অর্পণ করিলাম। তুমি সন্তান, পিতৃদত্ত সম্পত্তি ভাল হউক, বা ভাল না হউক, তোমাকে আদরের সহিত গ্রহণ করিতেই হইবে।

অগ্রহায়ণ

১২৮১

}

শ্রীগঙ্গাচরণ সরকার।

৮২ সালের বৈশাখে বন্ধিমবাবু 'বঙ্গদর্শনে' 'ঋতুবর্ণন'ের সমালোচনা করিলেন। বলিলেন ঋতুবর্ণন রিয়ালিস্টিক। বৃত্তসংহার আইডিয়ালিস্টিক। তাঁহার কথা তিনিই বলুন না কেন?

"দম্পূর্ণতা-প্রাপ্ত বর্ণনা-কাব্যের উদ্দেশ্য, স্বরূপ বর্ণনা। জগৎ যেমন আছে, ঠিক তাহার প্রকৃত চিত্রের সন্ধান করিতে—এ শ্রেণীর কবিতা যত করেন।

আর এক শ্রেণীর কবিদিগের উদ্দেশ্য অবিকল স্বরূপ বর্ণনা নহে। তাঁহারা

প্রকৃতি সংশোধন করিয়া লয়েন—যাহা স্বন্দর, তাহাই বাছিয়া বাছিয়া লয়েন। যাহা অস্বন্দর তাহা বহিষ্কৃত করিয়া কাব্যের প্রণয়ন করেন। কেবল তাহাই নহে। স্বন্দরেও যে সৌন্দর্য্য নাই,—যে রস, যে রূপ, যে স্পর্শ, যে গন্ধ, কেহ কখন ইন্দ্ৰিয়গোচর করে নাই, “যে আলোক জলে স্থলে কোথাও নাই” সেই আত্ম-চিত্ত-প্রসূত উজ্জ্বল হৈমকিরণে সকলকে পরিপ্লুত করিয়া, স্বন্দরকে আরও স্বন্দর করেন—সৌন্দর্য্যের অতি-প্রাকৃত চরমোৎকর্ষের সৃষ্টি করেন। অতি-প্রাকৃত কিন্তু অপ্রাকৃত নহে। \* \* \* আমরা দুইজন বাঙ্গালি কবির কাব্যকে উদাহরণ স্বরূপ প্রয়োগ করিয়া এই কথাটি সম্পষ্ট করিতে চাহি। যে কাব্যের উদ্দেশ্য শোধান, হেমবাবু প্রণীত “বৃজসংহার” তাহার উৎকৃষ্ট উদাহরণ। তাহার কাব্যে প্রকৃতি পরিমিত হইয়া, মনোহর নবীন পরিচ্ছদ পরিধান করিয়া, লোকের মনোমোহন করিতেছেন। মানব স্বভাব সংস্কৃত হইয়া দৈব এবং আত্মিক প্রকৃতিতে পরিণত হইয়াছে; করুণ পৃথিবী পরিমিত হইয়া স্বর্গে ও নৈমিষারণে পরিণত হইয়াছে। যে জ্যোতিঃ দেবগণের শিরোমণ্ডলে, তাহা জগতে নাই—কবির হৃদয়ে আছে। যে জালা শতীর কটাক্ষে, তাহা জগতে নাই—কবির হৃদয়ে আছে। সংসারকে শোধান করিয়া, কবি আপনার কবিত্বের পরিচয় দিয়াছেন।

দ্বিতীয় শ্রেণীর কাব্যের উৎকৃষ্ট উদাহরণ বাবু গঙ্গাচরণ সরকার প্রণীত ঋতুবর্ণন। ইহাতে প্রকৃতির সংশোধন উদ্দিষ্ট নহে—প্রকৃত বর্ণনা, স্বরূপ চিত্র, বাহ্য জগতের আলোক চিত্র, ইহার উদ্দেশ্য। উভয়েই কৃতকার্য্য, উভয়েই সূকবি। কিন্তু প্রভেদও অতি স্পষ্ট; একটি উদাহরণে তাহা বুঝাইতে চেষ্টা করিব। উভয়েরই কাব্যে বিদ্যায় আছে—গঙ্গাচরণবাবুর কাব্যে বিদ্যায়, উৎকৃষ্ট রূপে আত্মকাব্য সম্পন্ন করে, যথা,—

“ঘনতম ঘোর ঘটা ক্রমে ঘোরতর।  
চতুর্দিকে অন্ধকার. অতি ভয়ঙ্কর।  
চপলা চমকি প্রভা করিছে বাহির।  
ভীষণ নিনাদে ঘন নির্ঘোষে গভীর।”

চারি ছন্দে এই চিত্রটি সম্পূর্ণ, ইহাতে অসম্পূর্ণতা কিছুই নাই। দোষ ধরিবার কথা কিছুই নাই। যাহা প্রকৃত, তাহার কিছুই অভাব নাই; তাহার অতিরিক্ত একটি কপদকও নাই। পরে হেমবাবুর বিদ্যায় দেখ,—

“কিধা গিৰিশঙ্ক রাজি, মধ্যো যথা তেজে মাজি,  
কণ-প্রভা খেলে রঞ্জে করি ঘোর ঘটা।  
খেলে রঞ্জে ভীম ভঙ্গি, শিখর শিখর লজ্জি,  
শৈলে শৈলে আঘাতিয়া ছুল তীক্ষ্ণ ছটা।”

নিমেবে নিমেবে ভঙ্গ, দঙ্ক গিরিচূড়া অঙ্গ,  
 অঙ্গিকুল ভঙ্গাকুল ছাড়ি ঘোর রাব ॥  
 বেগে দীপ্ত গিরি-কায়, বিদ্যুৎ আবার ধায়,  
 ছাডায়ে অঙ্গস্ত শিখা উল্লাসিত ভাব ॥

স্থানান্তরে বিদ্যুৎ আরও শোধিত, উৎকর্ষতা-প্রাপ্ত :-

“কেমনে ভুলিব বল, মেঘে ঘবে আখণ্ড  
 বসিত কার্ধ্যক ধরি করে ।

তুই সে মেঘের অঙ্গে, খেলাতিস্ কত রঙ্গে  
 ঘট। করি, লহরে লহরে ॥”

\* \* \* বাঙ্গালির সাহিত্যে শোধন এবং বর্ণন উভয়বিধ কাব্যেরই প্রাচুর্য  
 আছে । বিজ্ঞাপতি প্রভৃতি বৈষ্ণব গীতিকাব্য প্রণেতৃগণ শোধন-পট । বর্ণন-কাব্য-  
 প্রণেতৃগণ মধ্যে ঈশ্বর গুপ্ত একজন ।

ইহাও বক্তব্য যে গঙ্গাচরণ বাবু স্পষ্টতঃ দেখাইয়াছেন যে, তিনি শোধন কাব্যেও  
 অপটু নহেন । উদাহরণস্বরূপ ‘প্রভাত বর্ণন’ হইতে কিঞ্চিৎ উদ্ধৃত করিতেছি ।—

মরি কি তবল অমল কিরণে,  
 ঢল ঢল আভা ঢালিয়া ভুবনে,  
 প্লক-জনক আলোক জ্বলণে,  
 প্রাচী নভোধারে উষা উপনী :-  
 স্বরক্ত অধরে কিবা হাসি হাসে,  
 সে হাসি হিল্লোলে চরাচর ভাসে,  
 নিরাশ তামস মিশায় আকাশে,  
 হেরিয়া হইল অখিল মোহিত ।  
 মোহিনী মাধুরী করি দরশন  
 প্রণয়-প্রয়াসে আপনি তপন,  
 আদরেতে কর করে প্রসারণ,  
 রূপসীবে যেন হৃদয়ে ধরিতে ;  
 অপক্লপ কচি মানস-রঞ্জন,  
 শাস্তির সহিত শোভার মিলন,  
 সে কচি দেখাতে বিহঙ্গমগণ  
 জাগায় জগৎ রথুর ধ্বনিতে ।

স্থধীর গমনে সমীর শীতল  
 চলেছে জুড়াতে তাপিত ভূতল ,  
 প্রফুল্ল-আননে প্রসূন সকল  
 পরশনে তার নাচে ধীরে ধীরে ,  
 নন্দিনী নিকর তাহার হিল্লোলে,  
 কাচ-সম স্বচ্ছ সরসীর কোলে,  
 হাসি হাসি মুখে আধ আধ দোলে,  
 নিরখি গগনে নবীন মিহিণী ।

রীয়ালিস্টিক আইডিয়ালিস্টিক বলিয়া বিভেদ করা মন্দ নয় । দুখাইবার পক্ষে  
 ভালই বটে । কিন্তু “ঋতু বর্ণনে” গৃহদাহ বর্ণনায় এই যে,—

ধেতুপাল আল খান, উক মুক চাহিছে,  
 দক্ষ কাষ শারিকায় মুতুগীত গাহিছে ।

এই যে কবিতা, হযা রীয়ালিস্টিক ? না আইডিয়ালিস্টিক ? আমি মনে করি  
 ছুই-এর মিশ্রণ এবং তাহাই ভাল । “ঋতু বর্ণনে” সেকপ পড়েব অভাব নাই । যেমন  
 নিদাঘ নিশীথের বর্ণন,—

“হাসি হাসি স্রোতস্বতী,      করি ধাবি ধীর গতি,  
    নিজ নাথ সিদ্ধ পানে যায় ।  
 প্রতিবিম্ব তারকার,      যেন কম হারা হার,  
    নটিনীর অঙ্গে শোভা পায় ॥  
 লতিকারে কোলে লয়ে,      নিন্তাস্ত নীরব হয়ে,  
    স্থিরভাবে আছে তরুণ ।  
 প্রিয়তমা নিজা যায়,      পাছে বিষয় হয় তায়,  
    নাহি নড়ে কথা নাহি কয় ॥”

মধুর তান, বেগুর গান,—কিকপ শুভ্রন,—

“তখন বিপিনে হরি,      বিজাবরে বেগ ধরি,  
    ধরিলেন গোপী-গুণ গীত ।  
 চতুর্দিকে স্থাবরধে,      প্রাণীকুল পিয়ে হর্ষে,  
    চরাচর হয় চমকিত ॥  
 প্রভাতীয় কলরব,      না করে বিহঙ্গ সব,  
    আছে তারা শাখায় স্থহির ।





ভালবাসি বলিয়া, আমার শরীরে জ্বালা লাগে নাই।” এই অভিনয় রঙ্গে ৭৮টি গান ছিল ; দুই একটি আমার রুত ; আর অনেকগুলি সঙ্গীতবাবুর রচিত। তাহার একটি উল্লেখ করা আবশ্যিক। এক সময়ে এই গানটি আমি বৈষ্ণনাথ, বহরমপুর, নাটোর, কলিকাতা এবং আমাদের অঞ্চলে সমানে গাহিতে শুনিয়াছি।

পিলু, যৎ।

“আগে যদি জানিতাম কপাল আমার,  
দলিতাম আশালতা অঙ্কুরে তাহার।  
যত পেলৈ আঁখি জল, তত সে হ’ল প্রবল,  
এখন লতা ভরে—তরু মরে কে করে বিহিত তার ?”

বোধ করি, ১৮৭২ সালের গুডফ্রাইডের সময় চুঁচুড়ার প্রসিদ্ধ মল্লিক বাড়ীতে লীলাবতীর প্রথম অভিনয় হইল। কলিকাতা হইতে দীনবন্ধুবাবু প্রভৃতি, যশোহর হইতে পিতা প্রভৃতি, ভাটপাড়া হইতে ভট্টাচার্য্যগণ, কাঁটালপাড়া হইতে সঙ্গীতবাবু প্রভৃতি, আমাদের শ্রগ্রামের মহারাজ দুর্গাচরণ লাহা প্রভৃতি শ্রবণী রথীগণ শ্রোতা। বন্ধুবাবু গুডফ্রাইডের ছুটি পাইয়াও আসিতে পারেন নাই। বাগবাজারের নীলদর্পণের দল অর্থাৎ অমৃতলাল বসু প্রভৃতি তাঁহারাও নিমন্ত্রিত শ্রোতা।

খুব চুটিয়ে অভিনয় হইল। তখন থিয়েটারে “কোর্ভিন” প্রবেশ করে নাই, আমরা লীলাবতীর মুখে খাটি মনোহরসাহী স্বর লাগাইয়াছিলাম।—

“কে বলে গোরুলে আমার কানাই নাই ?  
আমি সতত তার অঙ্কুর মৌরভ পাই।  
আমার হিয়ার মাঝে, ও তার নৃপুৰ বাজে,  
ঐ কণু বৃহু বাজে, তোরা শোন গো সবাই।”

এই সুরে সকলে অশ্রুপাত করিতে লাগিলেন। পাউণ্ড শিলিং পেঙ্গ গণনার ঘাপিত-জীবন মহারাজকে সকলে কঠোর প্রাণ বলিয়া জানিত, তিনিও বালকের ন্যায় কাঁদিয়া আকুল। দীনবন্ধুবাবু আমাদের সাত খুন মাপ করিলেন, আমাকে আশীর্বাদ করিলেন। ভট্টাচার্য্য মহাশয়রা ত দুই হাতে দুই পায়ের ধুলা লইয়া, মহা আনন্দে মহা আশীর্বাদ করিলেন। বলিলেন “যেমনটা শ্রোতা ছেলাম, তেমনটাই শুাখলাম।” সে রাত্রিতে আমাদের কিস্তি অসম্পূর্ণতা ছিল। সলিত-লীলাবতীর মিলনের পরিচায়ক তেমন একটি ভাল গান বাধা হয় নাই। আমরা করিলাম কি, প্রাচীন খেমটা গান ভাঙ্গিয়া :

আয় আয় মকর গঙ্গাজল !  
লীলাবতীর বিয়ে হবে, সইতে যাব জল।

কোথা গো লবঙ্গলতা, কোথা গো উর্বশী কোথা,

ঘোমটার ভিতর খেমটা নাচ'ব কুম্ভমাইয়ে মল ।

এইরূপ একটা গান করিয়া, সেদিনের আসর-রক্ষা, মান-রক্ষা করিলাম । পরদিন পিতাকে অল্পরোধ করিলাম যে, সেক্ষপিয়ারের টেম্পেষ্ট নাটকের শেষ মিলনের গানটি যেমন প্রশংসিত উক্তিতে আছে, সেইরূপ লীলাবতীর শ্রীনাথ মামার উক্তিতে একটি গান আমাদের করিয়া দিতে হইবে । তিনি স্বীকৃত হইলেন । বিশেষ করিয়া শ্রীনাথ মামা বলিবার অভিপ্রায় এই যে, আমাদের স্বগ্রামবাসী দীননাথ ধর দাদা শ্রীনাথের রক্ষ করিতেন ; তিনি আমাদের অভিনয় সমিতির একজন অধ্যক্ষ ছিলেন এবং তাঁহার গান-শক্তিও বেশ ছিল । এখনও আছে ।

পিতা পরদিন যশোহর চলিয়া গেলেন । তার পরদিন পৌঁছন পত্রের সঙ্গে গান আসিল । পিতা গাড়াতেই গানটি রচনা করিয়াছিলেন । আমাদের গাওয়া সেই স্বর, সেই তাল—

“আজি কি স্থখের উদয় !

লীলার সঙ্গে ললিতের আজ দিলাম পরিণয় ॥

তুখ-তম তিরহিল, স্থখ-ভাষ প্রকাশিল,

বোদনের পুরী হলো আনন্দ আলয় ।

যদি সব সজা-জন, এই স্থখে স্থখী হন,

বুঝিবে সফল ভ্রম, সফল আশায় ॥

তাঁহার পরের কয়বারকার অভিনয়ে, আমরা এই গান গাহিয়া মাত্ করিয়াছিলাম ।

পিতা যশোহরে থাকার সময়, যশোহর স্থলের হেড মাস্টার ছিলেন—প্রসিদ্ধ নামা জগবন্ধু ভদ্র মহাশয় । তিনি বৈষ্ণব-সাহিত্য-সেবার নিতান্ত অনুরক্ত এবং বৈষ্ণব সাহিত্য সংগ্রহে একজন প্রথম পথপ্রদর্শক । বৈষ্ণব-সাহিত্যে আমার অনুরাগ-সৃষ্টির কথা পূর্বেই বলিয়াছি । বিবিধার্থ সংগ্রহে রাজেন্দ্রলাল মিত্র কর্তৃক উদ্ধৃত একটি মাত্র পাঠে সেই অনুরাগ বর্ধিত হয় । তাঁহার পর বহরমপুরে সদর মুনসেফির অন্ততম উকীল শ্রীযুক্ত বিষ্ণুচরণ রায় পরিষ্কার হাতের নেখায়, গোটা গোটা কাল কাল অক্ষরে একখানি ‘পদকল্পতকু’ আমাকে পাঠ করিতে দেন । সেইখানি নিয়ত নাড়িয়া চাড়িয়া, তুচ্ছ পদের ক্রমাগত অর্থ করিবার চেষ্টা করিয়া আমি সেই অনুরাগ পোষণ করিতে-ছিলাম । জগবন্ধুবাবু কর্তৃক পিতার নাম সম্বলিত “বিজ্ঞাপতির পদাবলী” পাইয়া আমি মহা আনন্দিত হইলাম । সেই আনন্দফলস্বরূপ শ্রীযুক্ত (জজ) সারদা চরণ মিত্র মহোদয়ের সঙ্গে আমি কর্তৃক প্রাচীন কাব্য সংগ্রহ প্রকাশ । অমৃত বাজারের হেমন্ত-

কুমার ঘোষ ও শ্রীযুক্ত শিশিরকুমার ঘোষের সহিত পিতার যশোহরেই আলাপ হয় এবং তাঁহারাই ঋতুবর্ণনের প্রথমার্ধ তাঁহাদের স্মৃতি যন্ত্রে ছাপাইয়া দেন।

বঙ্গসাহিত্যের কথাই আমি প্রধানত লিখিতেছি, পিতার সহিত সেই সাহিত্যের সম্পর্কের কথাই প্রধানত বলিতেছি। কিন্তু আর একটা কথা পরিশ্রুত করিয়া না বলিলে, পিতার জীবনী নিতান্ত অসম্পূর্ণ হয়। পূর্বেই বলিয়াছি, তাঁহার জীবনের সহিত রাজনৈতিক ঘটনার কথা বলিতে পারিব না, আর তাঁহার বিচার নীতির ও বিচার দক্ষতার সম্বন্ধ পরিচয় দিতে পারিব না বলিয়া, আপাততঃ লিখিব না, কিন্তু এ সকল ছাড়া আরও দুই একটা কথা বলা আবশ্যিক ; কেবল সাহিত্যের কথাই বলা প্রচুর নহে। উলা, বহরমপুর, যশোহর, ঢাকা—সর্বত্রই বহুতর ব্রাহ্মণ-পণ্ডিতের সহিত পিতার পরিচয় হয় ; এমন কি ঘনিষ্ঠতা ছিল। তিনি তাঁহাদিগের সহিত, নানা বিষয়ে ঘোরতর তর্ক করিতেন, কোন বিষয়ে ইংরাজি মতটা কি তাহা তাঁহাদিগকে বুঝাইবার চেষ্টা করিতেন ; কিন্তু সর্বদাই চেষ্টা থাকিত যে, ব্রাহ্মণ পণ্ডিতগণ যাহাতে লোভী, লালায়িত না থাকিয়া, বৈরাগ্যবলে পূর্বমত সমাজের উন্নত-পদবীতে অধিরোহণ করেন। শাস্ত্রচর্চা, ধর্মচর্চা, দেশে যাহাতে বহুতর বিস্তৃতি লাভ করে, সে পক্ষেও তাঁহার সমর্থক যত্ন ছিল। অমুস্বার, বিসর্গ দিয়া একটা সংস্কৃত শ্লোক আওড়াইলেই যে শাস্ত্র বলিয়া নত-মস্তকে গ্রহণ করিতে হইবে, এমনটা না হয়। বিচার হউক, বিতণ্ডা হউক, কিন্তু যে যতটুকু শাস্ত্র মানিতে পার, শাস্ত্রে বিশ্বাস করিতে পার, সে ততটুকু মান, বিশ্বাস কর,—ইহাই তাঁহার মত ছিল। ‘করকায় কাঠিঙ্গ ভ্রম’ এই কথা লইয়া তিনি নৈয়ায়িকগণকে বিষম উপহাস করিতেন। বলিতেন পদার্থ-বিজ্ঞা ওরূপে পরিচালনা করিতে নাই। কতকগুলি সূত্র আগে ধরিয়া লইয়া তাহার পর পদার্থের বিচার করা চকেনা। সে বিপরীতা বুদ্ধি। আগে পদার্থ বিশ্লেষণ করিতে হইবে। ভূরি ভূরি পরীক্ষার দ্বারা পরামর্শ জ্ঞান লাভ করিতে হইবে ; কোনটা ব্যাপক, কোনটা ব্যাপ্ত, তাহা বুঝিতে হইবে, তাহার পর সূত্র স্থির হইবে। ইহাই অদীক্ষণ এবং তাহাই প্রকৃত জ্ঞানশাস্ত্র।

নৈয়ায়িকগণ প্রকৃত পন্থা অবলম্বন করেন না বলিয়া, তিনি মহাদুঃখ প্রকাশ করিতেন। এইজন্য অনেকদিন হইতে ইচ্ছা ছিল যে, একজন সং-বুদ্ধি ব্রাহ্মণ পণ্ডিত লইয়া চুঁচুড়াতে একটি চতুষ্পাঠী করেন। যশোহরে জগবন্ধু ভট্টাচার্য্যের সহিত তাঁহার আলাপ হয়। ভট্টাচার্য্য মহাশয় মহাপণ্ডিত না হইলেও, সদাচারী ও সং-বুদ্ধিশালী। কথা স্থির হইল যে, তিনি চুঁচুড়ায় আসিয়া চতুষ্পাঠী করিবেন। তিনি এ দেশে আনিলেনও বটে, কিন্তু শ্রীযুক্ত হরপ্রসাদ শাস্ত্রী মহাশয়ের সাহায্যে তিনি আমাদের ওপারে গবীক্ষা গ্রামে চতুষ্পাঠী করিলেন ; সে চতুষ্পাঠী এখনও সেইখানে আছে।

পিতার প্রবাল ইচ্ছা ছিল জানিয়া, এবং নিতান্ত কর্তব্যবোধে আমি একটি চতুষ্পাঠী করিয়াছি।

এখন ব্রাহ্মণ-রক্ষার্থ, ব্রাহ্মণের গৌরব রক্ষার্থ, চারিদিকে চেষ্টা হইতেছে, চতুষ্পাঠী বসিতেছে। মহাত্মা ভূদেববাবু কর্তৃক বাকলা, বেহার, উড়িষ্যার চতুষ্পাঠীতে বিখ্যাত বৃত্তিদান, গোপালচন্দ্র বসু মল্লিক কর্তৃক বেদান্ত প্রচার উদ্দেশে দান, ব্রাহ্মণ-পণ্ডিত-মণ্ডলীকে প্রচলিত ব্যবহার শাস্ত্র শিক্ষাদান জন্ত, যোগেশচন্দ্র ঘোষের দান—এ সকলই ব্রাহ্মণের গৌরব-রক্ষার্থ কৌশল। কিন্তু ব্রাহ্মণ কিছুতেই বুঝিবেন না, কিসে তাঁহার গৌরব। ব্রাহ্মণ চেতী শ্রেষ্ঠী কাক্রা মারবারীর মত ধন-ধন করিয়া বাগ্ৰ। ব্রাহ্মণের গৌরব গোভ-হীনতায়, অল্পে সন্তুষ্টিতে। ‘অদৃষ্টে দ্বিজ নষ্ট’ হন তোমরাই ত বলিয়াছিলে? আর তোমরাই বা সে কথা ভুলিলে কেন। জীবন যাবৎ ঐ কথা বলিয়া পিতা স্বর্গারোহণ করিয়াছেন, আমারও আর কোথাও যাইবার দিন আগত প্রায়,—যদি একজনও ঋষি-বৃত্তি নির্লোভ ব্রাহ্মণ দেখিয়া যাইতে পারিতাম,—তবে জীবন-সার্থক বোধ করিতাম। ৩০৩২ বৎসর পূর্ব হইতে “সাধারণী”তে এই কথা লিখিয়াছি। ২০ বৎসর পূর্ব হইতে “নবজীবনে” পুনরুক্তি করিয়াছি, দশ বৎসর চতুষ্পাঠী করিয়াছি; এখনও ধান ভানিতে শিবের গীত গাহিতেছি। ব্রাহ্মণের কি চক্ষু কুটিবে না!

সাহিত্য সেবা উপলক্ষে বিংশতি বৎসর পূর্বে, নবজীবনে যে কথার পরিচালনা করিয়াছিলাম, এখনও সাহিত্য-সেবার ইতিহাস গ্রন্থন প্রসঙ্গে, সেই কথা পরিচালনা, করিতে দিন। সেই সমাচার নবজীবন হইতে উদ্ধৃত করিতে দিন। আমার দোষ মার্জন করিবেন; আমি আমার মজ্জার কথা বলিতেছি;—

ব্রাহ্মণ এখনও হিন্দুসমাজের শীর্ষস্থানীয়। ব্রাহ্মণের পুনরুত্থান সর্বপ্রথমে আবশ্যক; ব্রাহ্মণ উঠিলে, সকলের উদ্ধার কাজ সহজ হইবে। এই বিষয়ে, অগস্ত্যকোমতের মত অতি বিচিত্র। তিনি বলেন, ব্রাহ্মণ হইতে ভারতের পুনরুদ্ধার হইবে; তবে তৎকাল বিষয় বাসনা, এবং ঐহিক প্রভুত্ব লাগমা পরিত্যাগ করা ব্রাহ্মণের পক্ষে একান্ত আবশ্যক। তাঁহার সবিস্তার মত, সাহু্যাদ উদ্ধৃত করিয়া দিলাম।

Positivism must first regenerate the polytheists of India, then of China, lastly those of Japan.

Although it will act simultaneously on the three, whether through the direct agency of the West or indirectly through the Mussulman, it is impossible to doubt that the theocracy which has suffered the least from time will be the most open to the regenerative process. Besides

my lectures on this subject, I must refer to the preceding volume for explanations inconsistent with the limits of my present sketch, to show the latent pre-disposition of the Brahmins favor of the faith which will restore their moral nature and their mental organisation. ... .. Positivism will deliver it (the theocratic caste i. e. the Brahmins) from the oppression of the temporal power, to which it has been subjected for twenty centuries, an oppression which it bows to, more and more without ever losing its consciousness of its spiritual and the superiarity and the hope of seeing it definitively re-established. Such a restoration, it is a true, demands its complete renunciation of command and even of property, but the systematic guardians of human order will not be slow to accept conditions, in name of their social mission and of their individual dignity.

Positivism offers, them, the regenerate Brahmins the reorganisation of Brahminical body, but it offers them besides and nothing else does, gratification of the noble wish they have cherished to free their country from all foreign dominion. Appealing in fitting terms to the English nation, it will peacably remove a yoke which under whatever veil of illusion, justly inspires more antipathy than that of the Mussalmen,.....the great object of instituting that doctrine (the positive faith) being to enable the Brahmins who have become positivists to modify their theocratic milien.

Extract from Positive Polity Vol. IV Page 447.

বৈজ্ঞানিক ধৰ্ম প্ৰথমে ভাৰতবৰ্ষ, পৰে চীনেৰ, সৰ্বশেষে জাপানেৰ দেবোপাসক-গণকে পুনৰ্জীৱিত কৰিবে।

বৈজ্ঞানিক ধৰ্ম ঐ তিন জাতিৰ উপৰে একই সময়ে শক্তি চালনা কৰিবে বটে ; তা সাক্ষাৎভাবে য়ুৰোপীয়দিগেৰ দ্বাৰাই কৰুক, অথবা পৰোক্ষভাবে মুসলমানদেৰ দ্বাৰাই কৰুক, কিন্তু, যে জাতি কালবলে সকল অপেক্ষা অল্প পৰিবৰ্ত্তিত হইয়াছে, তাহাৰাই (ব্ৰাহ্মণেৰাই) বৈজ্ঞানিক ধৰ্মেৰ নবজীৱনী শক্তিতে শীঘ্ৰ সঞ্চালিত হইবে। এই বিষয়েৰ বিশদ ব্যাখ্যাৰ জন্ত আমাৰ অগ্ৰাহ্য বক্তৃতা এবং এই গ্ৰন্থেৰ পূৰ্বৰ্ধণ দেখিতে বলি ; এই ক্ষুদ্ৰ বিৱৰণে সকল কথা বিবৃত কৰা আৱশ্তি সাধ্য নহে ; ঐ সকল দেখিলে,

বুঝা যাইবে, যে, যে ধৰ্ম্মে ব্রাহ্মণদিগকে তাঁহাদের পূৰ্ব্বে সামাজিক গৌৰৱ দেয়, অৰ্থচ তাঁহাদের মানসিক প্রকৃতি সৰ্ব্বশুণ-সম্পন্ন করে, সে ধৰ্ম্মে বিশ্বাস করিতে ব্রাহ্মণদের গুঢ় প্রবৃত্তি আছে।

বিগত দুই সহস্র বৎসর ধরিয়া ব্রাহ্মণেরা রাজ-শক্তির অধীন হইয়া আছেন ; এই রাজশক্তির অত্যাচারের হস্ত হইতে বিজ্ঞানধৰ্ম্ম ব্রাহ্মণদিগকে উদ্ধার করিবে। ব্রাহ্মণেরা রাজশক্তির অত্যাচারের নিকট দিন দিন অধিকতর নত হইয়া আছেন বটে, কিন্তু তাঁহারা আপনাদিগকে আধ্যাত্মিকতায় অগ্ৰ জাতি অপেক্ষা অধিকতর উন্নত বলিয়া জানেন,—সে জ্ঞান তাঁহারা এক দিনের তরেও হারান নাই ; আর সৰ্ব্বতোভাবে সেই শ্রেষ্ঠতা পুনঃ গৃহস্থাপনের আশাও এক দিনের তরে ত্যাগ করেন নাই। আপনাদের গৌৰৱ পুনঃ স্থাপনের জন্য ঐহিক বিষয়ের প্রভুত্ব ও বিস্তারিত বাসনা সম্পূর্ণরূপে ত্যাগ করা,—ব্রাহ্মণের পক্ষে আবশ্যক ; নিশ্চয়ই ব্রাহ্মণেরা তাহা করিবেন। যাহারা এতকাল ধরিয়া ধারাবাহিক ক্রমে মানব সমাজের সুশৃঙ্খলা রক্ষা করিয়াছেন, তাঁহারা আপনাদের ব্যক্তিগত মহত্ব রক্ষার জন্য, এবং তাঁহাদের সামাজিক কর্তব্যসাধন জন্য, ঐরূপ পৰা অবলম্বন করিতে কিছুমাত্র কুণ্ঠিত হইবেন না।

ধৰ্ম্মযাজক সম্প্রদায় পুনর্গঠনের সুবিধা নবজীবন-প্রাপ্ত ব্রাহ্মণগণকে বিজ্ঞানধৰ্ম্ম প্রদান করে ; আর সৰ্ব্বপ্রকার বৈদেশিক আধিপত্য হইতে স্বদেশ উদ্ধার করিবার যে-আশা তাঁহারা এতদিন ধরিয়া পোষণ করিয়াছেন, সেই আশা ফলবতী করিবার সুযোগও বিজ্ঞান ধৰ্ম্মই তাঁহাদিগকে প্রদান করে,—সে সুযোগ আর কিছুতেই দেয় না। ইংরাজ জাতির নিকট কথোপকথন ভাবে আত্ম-বেদন জানাইয়া ইহারা বিনা বক্তৃতাতে ইংরাজের প্রভুত্ব হইতে আপনাদিগকে উন্মোচন করিবেন। ইংরাজের প্রভুত্ব যতই কেন কুহ কুহকে ঢাকা ঘেরা থাকুক না, মুসলমানের রাজত্ব অপেক্ষা বাস্তবিক অধিকতর অসন্তোষের নিদানীভূত।...বিজ্ঞান-ধৰ্ম্ম ভারতে প্রতিষ্ঠিত করার উদ্দেশ্যই এই যে, ব্রাহ্মণগণের মধ্যে যাহারা ঐ মতাবলম্বী হইবেন, তাঁহারা এতদ্বারা সহজে যাজক সম্প্রদায়ের প্রকৃতি পরিবর্তন করিতে পারিবেন।”

বিজ্ঞান-ধৰ্ম্মের বলে, ব্রাহ্মণ জাতির পুনরুত্থানের কথা,—সহজেই মনে করা যাইতে পারে, কোম্বতের নিজ প্রতিষ্ঠিত ধৰ্ম্মে গাঢ় অনুরাগের পরিচয় মাত্র। অথচ বিষয়-বৈভৱ-বাসনা পরিত্যাগ করিতে পারিলেই, ব্রাহ্মণ জাতি আবার পূৰ্ব্বে গৌৰৱ পুনঃ প্রাপ্ত হইবেন, এ কথাটিতে বড় আশা হয়, বড় আনন্দ হয়। কিন্তু যুরোপের সুদূর প্রান্ত হইতে, কঠোর বৈজ্ঞানিক কোম্ব ভারতের বিকৃত ইতিহাস পাঠ করিয়া যে কথাটি বুঝিতে পারিলেন, যাহাদের কথা, তাঁহারা শাস্ত্রের বিধিনিষেধ সহস্র স্থানে স্পষ্ট দেখিয়াও সেই কথা বুঝিতে পারেন না,—ইহাই আশ্চর্য্যের বিষয়, ইহাই আক্ষেপের

বিষয়। যখন তোমার বিষয়-বাসনা ছিল না, সামান্তে সন্তুষ্ট থাকিতে, তখন তুমি উৰ্দ্ধ  
হস্তে, কেবল আশীৰ্বাদ করিয়া, সমগ্র সমাজের উপর কর্তৃত্ব করিয়াছ, আর আজি  
তুমি বৈষয়িক বৈভবের জগ্ৰ ব্যস্ত, কাজেই আজি তোমাকে দক্ষিণার জগ্ৰ ধারে ধারে  
জোড় হস্তে পরিভ্রমণ করিতে হইতেছে। জানি না, কতদিনে তোমার চক্ষু  
উন্মীলিত হইবে।

ব্রাহ্মণগণ এখন যদি জাতি স্থিতির ভাবনা না ভাবিয়া, স্বজাতির উন্নতির জগ্ৰ চেষ্টা  
করেন, নিঃস্বার্থ-ধর্মজীবনের উচ্চ ব্রত অবলম্বন করেন, তাহা হইলে তাঁহারা তাঁহাদের  
পূর্ব-গৌরব লাভ করেন, এবং ভারতে সত্য সত্যই নবজীবন হয়। জানি না, ব্রাহ্মণের  
চক্ষু কবে উন্মীলিত হইবে। এমন করিয়া আর কতদিন চলিবে ?

যশোহরের পর পিতা ঢাকায় যান। ইংরাজী ৭৬ সাল হইতে ৮২ সাল পর্য্যন্ত কয়  
বৎসর ঢাকাতেই থাকেন। ঢাকায়, কথঞ্চিৎরূপে তাঁহার উচ্চপদের গৌরবে, কিন্তু  
প্রধানত তাঁহার গুণ-গৌরবে, তিনি সর্ব সম্প্রদায়ের শীর্ষ-স্থানীয় হয়েন। তিনি  
নিরস্ত্রিমান থাকিয়া সকল শ্রেণীর সহিত মিশিতে পারিতেন, নিরপেক্ষ হইয়া যথার্থ  
কথা বলিতে পারিতেন, চরিত্রে নিষ্কলঙ্ক থাকিয়া, সকলের সম্মান ও ভালবাসা আকর্ষণ  
করিতে পারিতেন ; তাহার উপর পদগৌরব ত ছিলই ; স্তত্রাং তিনি সকল সম্প্রদায়ের  
শীর্ষ-স্থানীয় হইয়াছিলেন ; ঢাকায় হিন্দু ব্রাহ্মে একটি ফুটন্ত অফুটন্ত ঘর্ষণ ছিল। এক  
দিকে হিন্দু ধর্ম্মরক্ষিণী সভা ছিল। অত্রদিকে স্বয়ং বিজয়কৃষ্ণ গোস্বামী প্রভু ব্রাহ্মধর্ম্ম  
রক্ষা করিতেছিলেন। পিতা অবগ্ৰ হিন্দু, ‘হিন্দু ধর্ম্মরক্ষিণী’ সভার সভ্য, কিন্তু তাহা  
বলিয়া কোন ব্রাহ্ম কখন তাঁহাকে ব্রাহ্ম বলিয়া মনে করেন নাই, অবজ্ঞা করাত দূরে  
থাকুক। ঢাকায় মুসলমানের অর্থ আছে, কাজেই সামর্থ্য আছে, কীর্ত্তিও আছে ;  
কিন্তু পিতৃদেবের নায়কতায় এই শক্তিসম্পন্ন মুসলমান সম্প্রদায়, হিন্দুর সহিত মিলিত  
হইয়া একটি সম্মিলন সভা করিয়া, যাহাতে উভয় জাতি মধ্যে পরস্পরের প্রতি প্রীতি  
ও প্রীতি সঞ্চারিত হয়, তাহার জগ্ৰ যত্ন করিতেন। সেই সভারও পিতা অধিনায়ক  
ছিলেন। উকীল সম্প্রদায় মধ্যে মনোমালিগ্ৰ এবং দলাদলি ছিল। পিতা ঢাকা  
ছাড়িলে, মিউনিসিপালিটি লইয়া এই মনোমালিগ্ৰ অতি কুংসিত আকারে ফুটিয়া  
উঠে। কিন্তু যতদিন পিতা ঢাকায় ছিলেন, এই মনোমালিগ্ৰ থাকিলেও, কাজে বা  
কথায় তাহা ফুটিতে পারিত না। হয়ত কোন এক রবিবারে, পিতা পদব্রজে ভ্রমণে  
বাহির হইয়া একজন নেতা উকীলের বাসায় গিয়া তামাক খাইলেন। তাহার পর  
তাঁহাকে সঙ্গে লইয়া অত্র পক্ষের নেতা উকীলের বাসায় গিয়া উপস্থিত হইলেন।  
নিয়ত-বন্দ-পরায়ণা লক্ষী সরস্বতীর মধ্যবর্তী নারায়ণের মত, সেই দুইজন কলহকারী  
উকীলকে লইয়া অনেক রাত্রি পর্য্যন্ত নানা গল্প-গুজবের পর, বাসায় ফিরিয়া আসিলেন।

এমন করিয়া একজন উচ্চপদস্থ ব্যক্তি, সত্তাহে সত্তাহে খাটিলে মনোমালিন্য হুটে ক্রিপে বল ?

তৎকালে, ঢাকায় ছুই এক জন উচ্চপদস্থ বর্ষচরীর একটু আধটু অনাচার অত্যাচারের দিকে, ভিতরে ভিতরে টান ছিল। পিতা সজ্ঞা হইতে না হইতেই, আপন বাসায় তাঁহাদিগকে আনাইয়া রাখিয়া, নানাবিধ গল্প-গুজবে অর্ধ রাত্রি অতি-বাহিত করিয়া ফেলিতেন। তাঁহারা উঠিয়া যাইবার ফুরসৎ পাইতেন না। এদিক ওদিক টান থাকিলেও, পিতার চরিত্রের টানে, প্রাণের টানে, আর তাঁহার মন-প্রাণ-মজান মিষ্ট কথার টানে, বাহিরের টান আর বল করিতে পারিত না। এই একরূপ সংশোধিনী সভা।

পিতা যখন প্রথম ঢাকায় গেলেন, তখন সাহিত্যরথী শ্রীযুক্ত কালীপ্রসন্ন ঘোষ সরকারী চাকরী করিতেছিলেন। তিনি সর্বদাই পিতার কাছে আসিতেন। সাহিত্য, অসাহিত্য, অনেক বিষয়েই পরামর্শ গ্রহণ করিতেন। বাস্তবের প্রশ্নে কালীপ্রসন্ন বাবুর কীর্ষি প্রসারিত হইল। তিনি বঙ্গের সর্বত্র কীর্ত্তিমান বলিয়া প্রথিত হইলেন। ঢাকায় বঙ্গসাহিত্যের বিশেষ চর্চা হইতে লাগিল। সঙ্গে সঙ্গে হিন্দু ধর্মের চর্চাও জীবন্ত মূর্ত্তি পরিগ্রহ করিল। ১২৮৬ সালের জ্যৈষ্ঠ মাসে ঢাকায় হিন্দু ধর্ম-রক্ষণী সভায়, পিতা হিন্দুধর্ম বিষয়ে বক্তৃতা করেন। বড় বড় অঙ্করে ৩২ পৃষ্ঠায় সেই বক্তৃতা পুস্তিকাকারে, সাধারণী যন্ত্রে আমরা চাপিয়াছিলাম। বক্তৃতার প্রধান কথা এই যে, হিন্দু ধর্মই হিন্দু জাতির জাতিব রক্ষা করিয়া আসিতেছে। অস্ত্রাত্ম জাতি যে কালমধ্যে মহাকাশের কবলে বিলীন হইয়াছে, হিন্দুধর্ম তাহার পূর্বকাল হইতে আরম্ভ করিয়া এখন পর্যন্ত আপনাব পক্ষ বিস্তার করিয়া হিন্দুজাতিকে রক্ষা করিতেছে। এই ধর্ম কেবল জনসাধারণের ধর্ম নহে, পরম পণ্ডিতগণ, পরম জ্ঞানিগণ এবং সাধুগণ এই ধর্মের পূজা করিয়া আসিয়াছেন। খৃষ্টানদিগের বাইবেল, অথবা মুসলমানদিগের কোরাণের ন্যায় হিন্দুধর্ম কেবল একখানি পুস্তকের বিবরণীভূত বস্তু নহে। বেদ-বেদান্ত, স্মৃতি, সংহিতা, পুরাণ, তন্ত্র, গীতা প্রভৃতি—সমস্ত গ্রন্থসমষ্টি এই ধর্মের ধর্মপুস্তক। ইহা এক প্রকার অধিকারীর ধর্ম নহে। কিন্তু সর্বল দুর্বল—সর্বপ্রকার অধিকারীর ধর্ম। ইহা যেমন প্রশস্ত, তেমনই উন্নত। ইহা যেমন ভক্তির আসন পরিগ্রহ করিয়াছে, তেমনই যুক্তির উপর অধিকার লাভ করিয়াছে। হিন্দুধর্মের কর্মকাণ্ডে বহুরূপা প্রকৃতির পূজা। হিন্দুসমাজ একটি বিরাট ধর্মমন্দির। ইহাতে অহরহ ধর্মের যাগ প্রভূতভাবে হইতেছে। প্রতিদিন উষাকাল হইতে যামিনী সন্মার্গ পর্যন্ত, প্রতিক্ষণেই হইয়া থাকে। এই ধর্মগুণে হিন্দুদিগের ভক্তি-তরঙ্গ কেবল ভেঁদে উচ্ছ্বসিত হয় নাই, ইহা সমাজে, সংসায়েও প্রাবিত হইয়াছে। হিন্দুধর্ম নিরীহ



অথচ উনার ধর্ম, অস্ত্র কোন ধর্মের প্রতি বিবেচ্য করে না। আপনার বিজ্ঞার করিবার অস্ত্র, কখন নর-শোণিতে হস্ত ধোত করে না। কর্মই হিন্দুধর্মের বল এবং মহিমা।

ঐ ১২৮৬ সালের আষাঢ় মাসে অর্থাৎ পর মাসেই ঢাকার কলেজ ভবনে পিতা বঙ্গসাহিত্য ও বঙ্গভাষা বিষয়ে প্রবক্তা পাঠ করেন। সেখানিও বড় বড় অক্ষরে ৭৪ পৃষ্ঠায় সাধারণী যন্ত্রে ছাপিয়াছিল। বিজ্ঞাপতি হইতে আরম্ভ করিয়া বঙ্কিমবাবু প্রভৃতি পর্যন্ত অধিকাংশ লেখকের লেখার ভঙ্গির সমালোচনা এই ক্ষুদ্র পুস্তিকায় অতি বিশদরূপে আছে। ইহার শেষ ভাগের দুই দশ পংক্তি উদ্ধৃত করিয়া নমুনা দিতেছি।

“বিজ্ঞাসাগর মহাশয়ের বেতাল পঞ্চবিংশতি ও জীবন-চরিতের পর, পণ্ডিতবর শ্রীযুক্ত তারাকর ভট্টাচার্য্য মহাশয়ের কাদম্বরী সাহিত্য সংসারে দর্শন দিল। কাদম্বরী তো কাদম্বরী! ভাষাকে যেন ক্ষণকালের অস্ত্র মাতাইয়া তুলিল। যেমন শব্দের ঘটা, তেমনি সমাসের ছটা, তেমনি উপমার আড়ম্বর। বাঙ্গালার জনসোনিয়ান্ ভাষা। বাঙ্গালায় গম্ভ-ছন্দে কাবোর উচ্ছ্বাস। কিন্তু মদিরার মত্ততা অধিকক্ষণ থাকে না। এই অস্ত্র কাদম্বরীর ভাষা যদিও বঙ্গসাহিত্যের কিছু শোভা সম্পাদন করিয়াছে, কিন্তু অল্পকৃত হইতে পারে নাই। \* \* \* ইহার কিছুদিন পরে সাহিত্য সংসারে আর একজন আশ্চর্য্য লেখক প্রবেশ করিলেন। বাবু বঙ্কিমচন্দ্র আসরে নামিলেন। বাবু বঙ্কিমচন্দ্রের লেখা অতি চমৎকার। এই লেখা কেবল শ্রুতি মোহকর নহে, কেবল মধু পরিপূর্ণ নহে, ইহাতে তাড়িত্ত্বের প্রভূত ভাবে বহিতেছে, ইহা ভাব-বৈভবেও অতি ঐশ্বর্যাশালী। বঙ্কিমবাবু কেবল বাঙ্গলা ও সংস্কৃত ভাষায় সুশিক্ষিত নহেন। কিন্তু ইংরাজী বিজ্ঞাতেও অতি সুপণ্ডিত এবং তাঁহার নিজের কল্পনাশক্তিও অতি বলবতী। অতএব তিনি যেমন এক দিক হইতে সংস্কৃত-সাহিত্যের মাধুর্য্য ও সৌন্দর্য্য লইতে যত্ন করিয়াছেন, তেমনি অত্র দিক হইতে পাশ্চাত্য সাহিত্যের শক্তি ও ঐশ্বর্য্য লইতে চেষ্টা করিয়াছেন। সুতরাং তাঁহার রচনা যেমন মাধুরীময়ী, তেমনি শক্তি-সম্পন্ন ও ভাব-পরিপূর্ণ। তিনি বঙ্গভাষায় একরূপ নূতন স্রোত প্রবাহিত করিয়াছেন। যে দিন বঙ্কিমবাবু কতিপয় বন্ধু লইয়া ‘বঙ্গদর্শন’ প্রকাশ করিলেন, সেই দিন বঙ্গভাষা-নদীতে উন্নতির কোটালে মহাবিক্রমের সহিত বান ডাকিয়া উঠিল; উন্নতির স্রোত তর-তর বেগে ছুটিতে লাগিল; নদীর জল ক্রমশই ক্ষীত হইতে লাগিল; দেখিয়া শুনিয়া ভাবকের মন আনন্দ রসে গলিয়া গেল। বঙ্কিমবাবু হইতেই ‘বঙ্গবাসীগণ “সক” করিয়া বাঙ্গলা বই পড়িতে শিখিয়াছে।”

এই সময়ে ঢাকায় পিতার চারি পোয়া প্রতিষ্ঠা হইল। তিনি আদালতে পদস্থ প্রভু, আর সমস্তই মধ্যস্থ বন্ধু। তিনি ঢাকায় থাকিবার সময় মধ্যে, আরি তিনবার

ভাষায় গিয়াছিল। শেষ বার তাঁহার কণ্ঠ হইতে অবসর গ্রহণের পর। তিনি সকাল হইতে সাড়ে দশটা পর্যন্ত, সমানে বাসায় বসিয়া রায় লিখিতেন। অন্তর্জনে, একাকী; কোন আমলাও নিকটে থাকিত না। নিজেই পাতা উলটাইতেছেন, একমনে কাগজ দেখিতেছেন, এখানকার কথাই সহিত সেখানকার কথাই তুলনা করিতেছেন, একটা খসড়া কাগজে নোট লইতেছেন, আর রায় লিখিতেছেন। একজন আরদালি নৌচেকার দেউড়িতে বসিয়া থাকিত মাত্র। বসিয়া থাকিতই বা বলি কেন? সে প্রায়ই নিদ্রা-স্থথ ভোগ করিত। সে সময়ে পিতার নিকটে কেহই আসিতে চাহিত না। স্তব্ধতা নিবারণ করিবার জন্ত তাহাকেও আগিয়া থাকিতে হইত না। ভিক্ষারী ফকির আসিত, তাহাদিগকে বাসার চাকরে মুষ্টি দিয়া বিদায় দিত; আরদালির সহিত তাহাদের কোন সম্পর্কই ছিল না। কচিং কোন বিশেষ সম্ভাষিত আগন্তুক গাড়ী-খুড়ি করিয়া আসিলে, চাপরাশি চমকিয়া উঠিয়া, বাম হাতে পাগড়ি পরিতে পরিতে, ডান হাতে চোক মুছিতে মুছিতে পিতার কাছে এতলা বা কার্ড দিত। পিতা আগন্তুককে সমস্তই আনাইয়া লইয়া সমস্তই ১০।১৫ মিনিটে বিদায় দিতেন। হয়ত সেই সময়ে একবার তামাক দিতে বলিতেন। এটা হইল নৈমিত্তিক তামাক। নিত্য তামাক ছিল, সকাল বেলায় রায় লিখিবার পরে একবার, অর্থাৎ ৬টা ৭টার মধ্যে একবার, আর ১০টার পর একবার। তাহার পর স্নান আহার, কিঞ্চিৎ বিশ্রাম ও তামাক সেবন। তাহার পর কাছারী গমন। কাছারীর ছয় খণ্টা কালমধ্যে কখন জলপান, টিফিন বা তামাক খাইতেন না। শৌচ প্রস্রাব করিবার জন্ত উঠিতেন না। এ কেবল ঢাকায় বলিয়া নয়, ৩৬ বৎসর চাকরীর মধ্যে পারতপক্ষে কোথাও করিতেন না। পারতপক্ষে বলিবার তাৎপর্য আছে। মুনসেফি করিবার কালে জাহানাবাদে একবার, আর সদর আমিনি করিবার কালে, আরায় বা সাহাবাদে আর একবার, গ্রীষ্মকালে, ইপানি কাশিতে, তাঁহাকে বড়ই ভুগিতে হইয়াছিল। জাহানাবাদ তখন অত্যন্ত স্বাস্থ্যকর স্থান ছিল। মাটি খটখটে, জল অতি পরিষ্কার, বায়ু শুষ্ক এবং দুর্গন্ধহীন। আর ত চিরকালই স্বাস্থ্যকর। এখনও সেইরূপ আছে। অথচ এই সকল স্থানে গ্রীষ্মকালে ইপানি রোগের বড়ই প্রাবল্য হয়। পিতার তাহাই হইয়াছিল। তিনি উঠিয়া নামিয়া, কোনরূপ ঘানারোহণেও কাছারী বাইতে পারিতেন না। অজ সাহেবের অজমতি লইয়া, নিজের বাসাতেই, তাকিয়া বুকে দিয়া, কাছারীর কার্য করিতেন। চট্টগ্রাম অতি স্বাস্থ্যকর স্থান। ম্যালেরিয়া অল্প লাগিয়াই আছে। চট্টগ্রাম গিয়া পিতার ইপানি চৌদ্ধআনা কামরা যায়। ছিল না বলিলেই হইল। কচিং কখন একটু আধটু দেখা দিত। তাহাতে কার্যের বাধাত হইত না। যশোহর, ঢাকাতে সে বালাই প্রায় দেখা দেয় নাই।

পিতা ঢাকাতে শীতকালে ৫টার পর, গ্রীষ্মকালে ৬টার পর বাসায় ফিরিয়া আসিতেন। নিত্যক্রিয়াদি সমাপন করিতে সন্ধ্যা হইয়া যাইত। তাহার পর মজলিস। ঘোরতর মজলিস। তবে আরম্ভে উলার মজলিস হইতে ঢাকা প্রভৃতি স্থানের মজলিসের প্রভেদ এই যে, মুনসেফি অবস্থায় উলা প্রভৃতি পল্লীগ్రামে, প্রধানত পল্লীস্থ ভদ্র লোক লইয়াই মজলিস। আর সবজজ পদে সদরে থাকিতে হয়, স্তরায় ঢাকা, যশোহর প্রভৃতি স্থলে, পদস্থ, শিক্ষিত সম্প্রদায়কে লইয়া মজলিস। ঢাকার মজলিসে প্রায় থাকিতেন সবজজ নফরচন্দ্র ভট্ট, এন্জিনিয়ার রাখালচন্দ্র চট্টোপাধ্যায়, উকীল ডেলোকানাথ বসু। তিনি আজিও ঢাকায় আছেন। আর একজন সবজজ পরেশনাথ বন্দ্যোপাধ্যায় বাবু ইত্যাদি ইত্যাদি।

এই সাক্ষ্য সমিতিতে অবশ্য নানা সংকথারই আলোচনা হইত; কিন্তু কোন একটি বিষয়ে গভীর রূপে আলোচনা হইবার পূর্বে, সেই দিবসের ঢাকার ঘটনাবলীর বিজ্ঞাপনও আলোচনা হইত। তাহার পর ক্ষণ-মাহাত্ম্য অল্পসারে কোন দিন সমাজতত্ত্ব, কোন দিন সাহিত্য, কোন দিন ধর্মতত্ত্ব সবস গল্পের সঙ্গে সঙ্গে, এই সকল বিষয়ের আলোচনা আলোড়ন হইত। পরনিন্দা যে একেবারে হইত না, এমন কথা বলি না; অথবা পরনিন্দা পিণ্ড তাজ্য করিয়া রাখিয়াছিলেন, তাঁহার মজলিসে পরনিন্দা উঠিতেই পারিত না, এমন কথাও বলি না। পরনিন্দা আরম্ভ হইলে, বাবা অল্পের মধ্যে কথাটা কি শুনিয়া লইয়া, একবার বেশ করিয়া শুনিয়া লইয়া, একটু গভীর স্বরে, একটু প্রভুবাক্য স্বরে “যাক ও কথা” বলিয়া সহাস্ত বদনে, আর একটি কথায় অবতারণা করিতেন; ব্রাহ্ম সমাজের সাপ্তাহিক উৎসব কি ভাবে কেমন করিয়া হইবে, তাহার পরামর্শ আটিবার মন্ত্রণা-গৃহ এই মজলিস। আবার ঢাকায় কলের জল বসাইতে হইলে, কি রূপে দয়থাস্ত করিতে হইবে, মিউনিসিপ্যালিটিকে অন্তত কত টাকা দিতে হইবে, নবাব সাহেবকে কিরূপে হাত করিতে হইবে—এ সকল পরামর্শেরও সেই কেন্দ্রস্থল। অর্দ্ধবঙ্গ তোলপাড় করিয়া রমাবাই ঢাকায় গিয়া উপস্থিত, কিরূপে তাঁহার অভির্থনা হইবে, ঢাকায় কোন্ পণ্ডিত বেশ সংস্কৃত কথা কহিতে পারেন—এ সকল যেমন সেই সাক্ষ্য সমিতির ভাবনা, আর বসাক মহাশয় খুলপাঠা পাটীগণিত প্রণয়ন করিয়াছেন; তিনি ঢাকায় ইন্সপেক্টর অফিসে প্রধান কর্মচারী, ঢাকা নাকলে তাঁহার বই ত চলিবেই। এ সকল কথারই পরামর্শ সেই সাক্ষ্য-সমিতিতে হইতেছে; আব পরামর্শ-দাতাগণের শীর্ষস্থলে সবজজ গঙ্গাচরণ সরকার মহাশয়ই আছেন।

বিচার কার্যে পিতার বিশেষ দক্ষতা ছিল এবং বিপুল সুনামও ছিল। তাঁহার ৫৫ বৎসর বয়সক্রম হওয়ার পর, ৮০ মালের ২৬শে আগষ্ট গবরনেন্ট তাঁহাকে অতিরিক্ত

এক বৎসর কাল কৰ্ম করিবার অল্পমতি ছিলেন। বাবাকে প্রার্থনা করিতে হয় নাই। সেই এক বৎসরের মতন ১০ মাস পূর্ণ হইল, তখন শুক্রব উঠিল যে, গঙ্গাচরণবাবুকে গবর্নমেন্ট আর অতিরিক্ত সময় দান করিবেন না। ঢাকার অধিবাসীদের তখন যেন চমক ভাজিল, তবে ত আমরা গঙ্গাচরণবাবুকে হারাইব! সুতরাং তাঁহারা সকলে মিলিয়া, মহামাফ হাইকোর্টের বিচারকদিগের সমীপে সার প্রার্থনা করিয়া দরখাস্ত করিলেন। আমি যে কথাটা উপরে বলিতেছিলাম, সেই কথাটা অতি সংক্ষেপে মরখাস্তে লেখা ছিল।

"That as an instance of his power of endurance and patience, your Memorialists do not deem it out of place to inform your Lordships, that even at this age, Babu Gunga Charan Sircar, is never seen to adjourn the court, to take a short respite, but is observed to be always at his work and engaged in the discharge of his duties till dusk,"

এই প্রার্থনার ফল হইয়াছিল। গবর্নমেন্ট আর দেড় বৎসর কাল সময় দেন। পিতা ১৮৮২ সালের ডিসেম্বর পর্যন্ত সময় পান। তাহার পর ঢাকার সকল সম্প্রদায় সাড়ম্বরে পিতাকে বিদায় দেন। সেই বিদায় গ্রহণের জন্ত পিতাকে ১৮৮৩ সালের জানুয়ারি মাসেও ঢাকায় থাকিতে হইয়াছিল। দেশীয় বিদেশীয় সকল কর্মচারী নিজ কর্ম হইতে অবসর পাওয়ার পর, সেরূপ আদর অভ্যর্থনা পাইয়াছেন, এমন কথা আমি জানি না। এক কলিকাতার বিপন বিদায় উৎসব ছাড়া, আর বোধ করি, কটকের রায়বন্স বিদায়ের কথা ছাড়া, আর কোথাও যে এরূপ হইয়াছে, তাহা আমি জানি না। একমাস কাল ধরিয়া সমগ্র ঢাকা-নগরী সমুদ্র সাগরের মত কল্লোলের রোল তুলিয়া উচ্ছ্বসিত হইয়াছিল।

এই সময়ের একটি বিশেষ ঘটনার কথা বলিবার পূর্বে, পিতার মনে বিশ্বাস কিরূপ ছিল, এবং সাধারণত নিষ্ঠা, আস্থা, বিশ্বাস কি পদার্থ—সে সবকে কিছু বলিতেছি।

কর্মে নিষ্ঠা, আশ্রয়াকো আস্থা থাকিলে মনে বিশ্বাস হয়, অথবা বিশ্বাস দৃঢ়ীভূত হয়। আমাদের আগের আস্থা ও নিষ্ঠা কমিতেছে বলিয়া, আমাদের বিশ্বাসও কমিতেছে। কর্ম তখনও লোক করিত, এখনও লোক করে; কিন্তু তখন যেমন প্রাণের সহিত, জ্বরের সহিত, নিষ্ঠার সহিত, লোক কর্মে লাগিয়া থাকিত, এখন আর সেরূপ প্রায় দেখা যায় না। যেন আলাগা আলাগা, শিথিল ভাবে, অনেককে কর্মে অহুসরণ করিতে দেখা যায়। কর্ম না করিলে নয়, তাই করিতেছি, এইরূপ কথা সকলেরই

মুখে। কাজেই বোধ হয়, এইরূপ ভাবও সকলেরই মনে। কৰ্মে জিন না থাকায়, তেজ করিয়া কৰ্ম না করায়, না কৰ্ম্মীয় ক্ষুণ্ণি থাকে, না কৰ্মে শ্রীবৃদ্ধি হয়। আমি ভাল কৰ্ম বা মন্দ কৰ্মের কথা বলিতেছি না। ভাল মন্দ দুইরূপ কৰ্মেই আমাদের মধ্যে এখন প্রকৃতির তেজ না থাকারই কথা বলিতেছি। তাহার পর আপ্তবাক্যে আস্থা। তখনও লোক করিত, এখনও লোকে করে। তবে তখন হইতে এখনকার প্রভেদ এই যে, এখন লোক আপ্তবাক্যকে আপ্তবাক্য বলিয়া বিশ্বাস করিতে কৃষ্ণিত হইত না। এখন আমার মতের সহিত কোন এক বাক্যের মিল আছে, সেই জন্ত, সেই বাক্যটিকে আমার মতের সমর্থনার্থ প্রয়োগ করা হয়। একটা স্থূল উদাহরণ দিতেছি। ধরুন যেন, ঋষিবাক্য আছে যে, একাদশীতে অন্নাহার নিষেধ; সোজাসৃজি সেটি আপ্তবাক্য মনে করিয়া নিষেধ মানিলেই চলে। তাহা না করিয়া, অনেকে বলেন যে, একাদশীর সময় হইতেই রমের সঞ্চার হয়, সেই জন্ত একাদশীতে লঘু আহার করা, বা উপবাস দেওয়া ভাল। অর্থাৎ এই মত যেন বিজ্ঞানবলে স্থির করিয়াছি, ঋষিবাক্যে সমর্থন পাইয়াছি মাত্র। যদি জিজ্ঞাসা করা যায় যে, একাদশীতে লঘু আহার, আর ত্রয়োদশী চতুর্দশীতেই বা নয় কেন? তাহা হইলে আমাদের বৈজ্ঞানিকেরা কোন হেতুবাদ দিতে পারেন না। বাস্তবিক একাদশীতে রজন প্রভৃতি বাক্যে শাস্ত্রের শাসন বা শাস্ত্র প্রমাণ বাতীত অথ হেতু কিছু নাই। শাস্ত্র প্রমাণে বা আপ্তবাক্যে আস্থা না থাকায়, আমরা অনর্থক বৈজ্ঞানিক হেতুবাদের অহুসন্ধান করি মাত্র।

আপ্তবাক্যে আস্থা না থাকিলে কি সংসারের, কি ধর্মের কোন কার্য হয় না। তবে সংস্কার করিয়া একটা শ্লোক বলিলেই তাহা ঋষিবাক্য বলিয়া তাহাতে আস্থা করিতে হইবে, এমন কোন কথা নাই। এক বেদ ভিন্ন, সকলই বিচার চলে। বেদ অপ্রচলিত পদার্থ। মাক্সমুলার বা রমেশ দত্ত ছাপিলে বেদ হয় না। পরম্পরা মন্ত্র-তত্ত্ব থাকিলে বেদ বলিয়া একরূপ উজ্জ্বল জ্ঞান থাকিত। সেই জ্ঞান থাকিলে, বুদ্ধি বৃদ্ধি স্বতঃ বিকাশিতা হইত। এ সব কথা এখন পুরাণ কাহিনী হইয়াছে। এ সকল কথায় আস্থা কর, বা না কর, তাহাতে ক্ষতি নাই। বেদই অপ্রচলিত, তা বেদনিস্কৃক শব্দের অর্থ কি হইবে? কিন্তু তা' বলিয়া আপ্তবাক্য নাই, এমন কথা বলা যায় না। বেদের পরেই মহুর প্রমাণ। সেই মহুর কতকগুলি কথা, আমরা ভূগোল-সংহিতায় ও নারদসংহিতায় দেখিতে পাই। কোন্টি আশু, কোন্টি আশু নহে, ইহার বিচার হউক। কিন্তু আশু বলিয়া স্থির হইলে, তাহাতে আস্থা না করিয়া কিরূপে থাকায়; মনের অবস্থা অল্পসামান্য আস্থার দ্বারাবদ্ধি হয়। চিন্তা পরিষ্কার থাকিলে, তাহাতে যেন একরূপ আঠার মত পদার্থ থাকে, যাহাতে লাগাও, তাহাতেই লাগিয়া যায়।

ভাসা-ভাসি থাকে না, আটা-আটি হয়। শুকনয় বৃদ্ধি হইতেই আশা হইয়া থাকে। এই বৃদ্ধি আমাদের দিন দিন কমিয়া যাইতেছে ; কাজেই আশাও কমিতেছে।

দেখিতে পাওয়া যায়, এখনকার দিনে, ‘অন্ধ’ বিশ্বাসে অনেকেরই মহাভয় হয়। কিন্তু কতটুকু অন্ধ-বিশ্বাস, আর কতটুকু চক্ষুমান বিশ্বাস—তাহা, আমাদেরকে কে বলিয়া দিবে? আমাদের দেশের মহা মহা দার্শনিক, এমন কি, এই সকল বিষয়ে ‘মিল কোয়’ হইতেও অধিকতর দার্শনিক স্ববিগণ, তপবিগণ, ব্যাখ্যাকারগণ নাস্তিকের নানা তর্ক খণ্ডন করিয়া, পরকালের বিশ্বাস দৃঢ়তর করিয়াছেন। সেই সকল দেখিব না, পড়িব না, বুঝিব না, চেষ্টা করিব না, আর না পড়িয়া, না শুনিয়া, বলেন যে, পরকালের বিশ্বাস অন্ধবিশ্বাস মাত্র। এ সকল অতি অসার কথা ; কিন্তু আমাদের দিন দিন এই অসারতার কুপে মগ্ন হইতেছি।

পূর্বেই বলিয়াছি, পিতার মাতৃদেবী, শিশু পিতাকে রাখিয়া পতির পাদ বক্ষে ধারণ করিয়া অস্থায়ী হন। আগুনধাকির বিশ্বাস, আগুনের মত জলন্তই ছিল, সন্দেহ নাই। শাস্ত্র বিধিতে বাধ্য হইয়া, মৃত ঠাকুরদাদাকে লইয়া, ঠাকুরমাকে জাহ্নবী তটে বটতলায় তিনদিন বাস করিতে হয়। স্বতরাং লোকে বুঝাইবার, পড়াইবার, অথবা উদ্ভুক্ত করিবার, সময় অযোগ্য প্রচুর পাইয়াছিল। সকলে বলিল “তুমি এই কাঁচা বয়সে পুড়িয়া মরিতে পারিবে না।” নিকটে প্রদীপ জ্বলিতেছিল, ঠাকুরমা জলন্ত শিখায় অজুলি ধরিয়া রহিলেন। লোকে স্তব্ধ হইল। কিছুকণ পরে তাঁহাকে ক্ষান্ত করিল ; তাঁহার সহিত বিতর্ক ছাড়িয়া দিল। বলিল “এমন দুধের ছেলেটিকে ফেলিয়া যাইতে তোমার মমতা হইতেছে না?” ঠাকুরমার চক্ষু জ্বলিতে লাগিল ; দূরে জলন্ত কটাক্ষক্ষেপ করিলেন, যেন গঙ্গাপারে কিছু দেখিতে পাইতেছেন। বলিলেন,— “তোমরা দেখিতে পাইতেছ না, আমি দেখিতে পাইতেছি, আমার এই ছেলে, রাজা হইবে, মহাযশস্বী হইবে, মহাস্বামী হইবে।” বাবা এই সকল কথা বলিতেন, আর বিশ্বাসে তাঁহার মুখ প্রফুল্ল হইত। তাঁহার মাতৃদেবীকে সম্বোধন করিয়া একদিন আমাদের সমক্ষে বলিলেন “তা মাসি, তিনি যাহা বলিয়াছিলেন, তাহাই ত হইয়াছে, আমিও রাজাই হইয়াছি। আর তিনি দেখিলেন না বলিয়াই বা আমি দুঃখ করিব কেন? তিনি অবশ্য দিব্যচক্ষে দেখিতে পাইয়াছিলেন তা।” ঠাকুরমার আগুন খাওয়ার মত জলন্ত বিশ্বাস না থাকুক, পিতা বিশ্বাসী হিন্দু ছিলেন। ঈশ্বরে বিশ্বাস করিতেন, পরকালে বিশ্বাস করিতেন। পূজা পার্বণে বিশ্বাসের সহিত কত আনন্দ উপভোগ করিতেন। তাহা গৃহস্থামীর বর্ণনায় নিজেই চিত্রিত করিয়া গিয়াছেন ; সে কথা পূর্বে বলিয়াছি ; সে চিত্র আপনাদের সমক্ষে ধরিয়াছি।

মহাবিপন্ন হইয়া, একমনে কাতর প্রাণে ঈশ্বরকে ডাকিলে, ভগবান অভয় দান

করিয়া থাকেন। পিতা বলিয়াছিলেন যে, তাঁহার জীবনে তিনি দুইবার এই সত্য প্রত্যক্ষ করিয়াছিলেন। একবারকার কথা তিনি আমাকে বলিয়াছিলেন, আর একবারকার তাঁহার বলিবার সুযোগ হয় নাই, অথবা আমার স্তনিবার মৌভাগ্য হয় নাই।

একবারকার কথা কি তাহা বলিতেছি। কাৰ্খা হইতে অবসর গ্রহণের কিছুকাল পূৰ্বে, ঢাকায় তুমুল মোকদ্দমা বাধিল। ঢাকার তাত্‌কালিক নবাব গণি মিয়াৰ বিৰুদ্ধে তাঁহার কতিপয় জ্ঞাতিবগ বহুতর ঢাকায় দাবিতে একটি দেওয়ানি মোকদ্দমা উপস্থিত করিলেন। মোকদ্দমার বিবরণ আমি দিব না; দিবার প্রয়োজনও নাই। আদল কথা এষ্ট যে, বাদীর পক্ষ হানবল, দরিত্র, পরমুখাপেক্ষ। বাদী প্রতিবাদীর আজি জবাবের ভঙ্গি দেখিয়া, পিতা মনে মনে বুঝিলেন যে, বাদীগণ অর্থহীন স্তত্ৰাং বিপন্নও বটে। কিন্তু জ্ঞানবিচারে, স্তবিচারে, সম্ভবত তাহাদিগকে হারিতে হইবে। এই ধারণা মনে উদয় হওয়ায়, তিনি আপনাকে মহা বিপন্ন মনে করিলেন। বিপদ এই যে, লোকে ত স্তবিচার, স্তবিচার দেখিবে না, লোকে লক্ষ মুখে বাস্তব করিবে যে, গঙ্গাচরণ-বাবু যাইবার সময় বেশ খাইবার মাছ করিয়া গেলেন। এক লক্ষ হউক, দুই লক্ষ হউক, নিশ্চয় তিনি উৎকোচ গ্রহণ করিয়াছেন। স্তত্ৰাং বাদীগণের মনোরথ ব্যর্থ হইবার স্ততই সম্ভাবনা হইতে লাগিল, ততই তিনি আপনাকে বিপন্ন মনে করিতে লাগিলেন। শেষে এক দিন নিশীথে নিভূতে, শুদ্ধমনে, যুক্ত-করে বিপদভঞ্জন ভগবানের শরণাপন্ন হইলেন। হঠাৎ অবসাদের স্তন্ধকারের মধ্যে, যেন স্তস্মিত আলো উদ্ভাসিত হইল। স্তমধুর অভয়বাণী যেন তাঁহার কণে ঘোষিত হইল। আনন্দে হৃদয় পরিপূরিত হইল। এতক্ষণ নিদ্রা হয় নাই, নিদ্রাভিভূত হইলেন। পরদিন প্রাতে শরীর-মন যেন সরল, সহজ। ভার যেন চলিয়া গিয়াছে। কিছুক্ষণ পরে ঢাকায় টেলিগ্রাফ পৌছিল, ছোটলাট হঠাৎ ঢাকা পরিদর্শন করিতে আসিতেছেন। পিতা তখনই মনে করিলেন “ঈহাকে দিয়াই আমার বিপদ কাটাইতে হইবে।”

যথাসময়ে ছোটলাট আসিলেন। কমিশনার, জজের পর, পিতা তাঁহার সহিত বোটাে একাকৌ দেখা করিলেন। তিনি আদরে পিতাকে তাঁহার কামরায় বসাইলেন। একথা সে কথার পর বলিলেন “আপনি যেন আমাকে কিছু বলিবেন বলিবেন মনে হইতেছে।” পিতা উত্তরে বলিলেন “বলা কথা আর কি? নবাব বাড়ির মোকদ্দমা আপনাকে মিটাইয়া দিয়া যাইতেই হইবে।” ছোটলাট বলিলেন ‘নিশ্চয়,’ হইলও তাই। বিপদবারণ বিপদ হইতে রক্ষা করিলেন। ছোটলাট তিন দিন থাকিয়া মোকদ্দমা মিটাইয়া দিয়া কলিকাতা চলিয়া গেলেন।

স্তত কাল পদস্থ ছিলেন, পিতা সকল স্থানেই সকল শ্রেণীর সহিত মিশিতেন,

সকলের সহিত বস-দাঁড়া করিতেন, কিন্তু ব্রাহ্মণ কায়স্থ বৈষ্ণব প্রভৃতি কোন সদ্ব্যক্তির ভবনেও কখন ভোজন বা ফলাহার করেন নাই। এরূপ করিয়া লোকের সহিত ঘনিষ্ঠতা করিতে, গবর্ণমেণ্টের প্রাচীন বিধি-বিধানের নিষেধ ছিল। সাহেবেয়া অবশ্য মাকড় মারিলে ধোকড় হয়; তাঁহার স্বচ্ছন্দে সপত্নীক সকল বাড়ীতে গিয়া চৰ্কা চোস্ত লেহু-পেয় সেবা করিয়া আসিতেছেন। কিন্তু সে কথা বলোই বা কে,—আর ধরেই বা কে? কিন্তু সাহেবেয়া মাছন আর নাই মাছন, ওগুলো নিষিদ্ধ। বাঙ্গালিরা সকলেই যে এই নিষেধ মানিয়া থাকেন তাহাও নহে, তবে পিতা অতিরিক্ত মাত্রায় এই নিষেধ বিধি প্রতিপালন করিতেন। কোন ভ্রাতৃলোকের বাড়ীতে একটা ডাব খাওয়াও যেন মানিকর মনে করিতেন। দুই এক স্থলে যৎকিঞ্চিৎ মাত্র বাড়িচার ছিল। জুনিয়াছি তিনি কটকে থাকার কালে পুরীর রাজা তাঁহাকে, চোপদার প্রভৃতি সঙ্গে দিয়া, বৃহৎ রূপার খালে, গুটি আঠেক পটল পাঠাইয়া দেন। পটল তখন কটকে বারমাসই ফুলত ছিল। বাবা প্রত্যাখ্যান না করিয়া রাজদুকে দুই মূদ্রা পারিতোষিক দেন, এবং পটল কয়টি গ্রহণ করেন, পরে সেবনও করিয়াছিলেন। মূর্শিদাবাদে, নবাবের বৎসরে দুইবার ভেট; জোষ্ঠে আমের, আর শীতে মেওয়ার, সকল কর্মচারীই গ্রহণ করিতেন। পিতাও গ্রহণ করিতেন। প্রত্যাখ্যান করা অস্বাভাবিক মনে করিতেন। আর মহারানী স্বর্ণময়ীর ভোজ, তাঁহার বাড়ীতে নয়, তাঁহার পুরোহিতের বাড়ীতে, উকীল আমলা দলবলের সঙ্গে পিতা গ্রহণ করিয়াছিলেন। আর মফস্বল তদারক করিতে গিয়া, রাজি যাপনার্থ কচিং কোন ব্রাহ্মণের বাড়ীতে প্রসাদ পাইয়াছিলেন। আর একস্থানে মুসলমানের মিধা লইয়া, নিজ ব্রাহ্মণের পাকে আহার করিয়া, দুই দিনের পর দেহ রক্ষা করিয়াছিলেন।

ঢাকাবাসী এইবার তাঁহাদের সাধের সব-জঙ্ককে অবসরপ্রাপ্ত পাইয়া, বিস্তৃত গঙ্গাচরণাবু রূপে পাইয়া, শুল্ক-বিমুক্ত বন্ধুভাবে পাইয়া ভোজে নাচে, উৎসবে মাতিয়া উঠিল। আমি ও আমার বন্ধু, হুগলী নর্ম্মানের পণ্ডিত শ্রীযুক্ত পূর্ণচন্দ্র মুখোপাধ্যায় সংগ্রামের পূর্বে রণ-রঙ্গ-স্থলে উপস্থিত হইলাম। কিন্তু আমার কায়স্থের উদর দিন দিন পর্যায়-শূন্য সে ভোজের তার সহিতে পারিল না। আমি অবসর হইয়া পড়িলাম। আমার বন্ধু ব্রাহ্মণ; তাহাতে চিরদিনই ফলাহার-পটু; তবু পলাশ-দায়ে বিপন্ন হইয়া পড়িলেন। তবে রণে ডক্ত দিলেন না। পিতা কিন্তু অক্ষুন্ন অটুট। সকল জায়গায় সমানে যাইতেছেন, আহার করিতেছেন, বক্তৃতা করিতেছেন, থিয়েটার দেখিতেছেন। একবারও অবসাদ বোধ করিতেছেন না। কে বলিবে বৃদ্ধ, কার্য্য হইতে অবসর লইতেছেন। যেন বুঝা পুরুষের কার্য্যক্ষেত্রে এই প্রথম উত্তম। থিয়েটারে মেঘনাদ বধ হইয়াছে, প্রমীলা সহগামিনী হইবেন। রাবণ স্মিচ দিয়া চলিয়া গেলেন। জন



প্রার্থী নাই ; প্রমীলা বেচারী আপনার চিতা আপনি কৃৎকার দিয়া জ্বলাইতেছে । আমি পিতার পশ্চাতে ছিলাম, এই বিষদৃশ বিড়ম্বনা দেখিয়া বলিয়া উঠিলাম, ইহাদের কি আর কেহ নাই নাকি ? ভৃত্য পরিচারক সব কোথায় গেল ?” পিতা শুনিতে পাইয়া আমাকে বুকাইয়া দিলেন,—“রাম কি আর কিছু বেখেছে গা. রাক্ষস-পুত্রী শূন্ত করিয়াছে।” এরূপ কথা সর্বদাই শুনিতাম ।

ঢাকার জনসাধারণ সভা ১২৮৮ সালের ৪ঠা মাঘ স্বর্ণ-চিত্র-বেষ্টিত পার্টিমেন্ট পক্ষে পিতাকে অভিনন্দন দিয়া, মহতী সমিতি মধ্যে তাঁহাকে বিদায় দান করিল । ঢাকা ব্যাক্সের ম্যানেজার কথায় কথায় হাসিতে হাসিতে আমাকে বলিলেন,—You have no business to be here Babu. We bid farewell to your father, you have no locus standi আমি বলিলাম সাহেব তোমার ঐটি ভুল You say, farewell, farwell, I say “welcome father.” I oppose you ! Have not I a locus not standiz সাহেব নীরব হইয়া হাসিতে লাগিলেন । বাসায় গিয়া বাখাল বাবুর মুখে এই গল্প শুনিয়া, পিতা আনন্দে অশ্রুপাত করিলেন ।

বাস্তবিক আমি পিতাকে Welcome করিয়া আনিতে অর্থাৎ আদরে আঙু বাড়াইয়া আনিতে গিয়াছিলাম বটে ! সেই মাঘ মাসের মাঝামাঝি আমরা বাটীতে ফিরিলাম । বহনমুক্ত পিতাকে পাইয়া আমাদের গ্রাম-ভ্রম লোকের আনন্দই নাকত ! পিতা বাড়ীতে আসিয়াই গয়াগমনের উত্তোগ করিতে লাগিলেন । এই যে ৬৬৩৭ বৎসর চাকরী, ইহার মধ্যে পিতা নিজের পীড়ার জন্য একমাস কাল, আর আমার জ্যেষ্ঠ পুত্রের অন্নপ্রাশনের উৎসবের জন্য ১৮ দিনমাত্র, ছুটি লইয়াছিলেন । ৬৬৩৭পূজার ছুটিতে প্রতি বৎসরই বাড়ীতে থাকিতেন এবং সেইটাই প্রিবিলেজ ছুটির মত গণ্য হইত । নিকটে থাকিলে বড়দিন, মহরম ও গুডফ্রাইডের সময়েও বাড়ীতে থাকিতেন । অন্তথা মহালয়া হইতে ত্রাত্ব দ্বিতীয়া পর্যন্ত, বাড়ীতে অবস্থানকাল মাত্র । যখন আরাম ছিলেন, তখন ৬/কাশীধামে গিয়াছিলেন ; যখন কটকে ছিলেন তখন ৬/পুরীধামে গিয়াছিলেন ; আর আলিপুরে থাকার কালে অবশ্য ৬/কালিঘাটে গিয়াছিলেন ; ইহা ছাড়া, অল্প কোন তীর্থ করেন নাই । তাহার জন্য বিশেষ ব্যগ্র বা স্ক্রল ছিলেন না । এবার বাটীতে আসিয়াই, যেন গয়া-গমনের জন্য একটু ব্যগ্র ব্যগ্র বোধ হইল । বাড়ীর চাকর ত সঙ্গে গেলই, তবে একজন বিশ্বাসী—ভাল ব্রাহ্মণ পাইতে একটু বিলম্ব হইল । তাহাতেই তাঁহার ব্যগ্রতা আমরা বৃদ্ধিতে পারিলাম । কেন ব্যগ্র, তাহাও জানিতে পারিলাম । তাঁহার পিতামহ, মাতামহ, তাহাই বা বলি কেন—সে কালে সকল হিন্দুই আশা করিতেন, মনে মনে দানি করিতেন, যে পুত্র পৌত্রগণ কৃতী হইলে যেন গয়ায় পিণ্ডদান করে । পিতার পিতামহ, মাতামহ, এরূপ আশার

কথা হয় ত প্রকাশ করিয়া থাকিবেন ; তখন রেল ছিল না, পথ ছিল না, পথে ভীষণ  
দুঃস্বভাব, হিংস্র জন্তুর ভয় অতিশয় ছিল, তবু তাঁহারা এরূপ আশা করিয়াছিলেন ;  
এখন রেল হইয়াছে, পথ-ঘাট সুগম হইয়াছে, পিতা ত কৃতী বটেই, সুতরাং রাজকাৰ্য্য  
হইতে অবসরান্তে তাঁহাদের দাবির কথা শ্রবণ করিয়া পিতা গমনের জন্য বিশেষ ব্যগ্র  
হইয়াছিলেন ।

চাকর, ব্রাহ্মণ, আর পিতার পিসিতাত ভাই—আমার প্রিয় কাঁকাকে সঙ্গে লইয়া  
বাঁবা গয়া গমন করিলেন । ভাবটা এই যে, নিজের পিতৃপুরুষ ও মাতামহ বংশের  
যেরূপ পিণ্ডদান হইবে, পিসার পিতৃপুরুষদিগেরও সেইরূপ পিণ্ডদান হইবে । তাঁহারা  
কয়দিন গিয়া ৩ বৈজ্ঞানাথে থাকেন । তাহার পর গয়া করিয়া আসিয়া আবার বৈজ্ঞানাথে  
ছিলেন । আরের তাড়নায়, ৩ বৈজ্ঞানাথের রূপায় বৈজ্ঞানাথধাম তৎপূৰ্ব্ব হইতেই আমার  
একরূপ (Second domicile) দ্বিতীয় নিবাস হইয়াছে । পিতার কিন্তু সেই একবার  
বা দুইবার যাওয়া । তাঁহাকে হাতে পাইয়া পাণ্ডা মহাশয়েরা খুব আদর আবদার  
করিলেন । আমাদের বাড়ীতে আড়ম্বরে তাঁহাদের সপাক পক্ষায় ভোজ্য হইল । আর  
আমাদের খাস পাণ্ডা অক্ষয়কুমার পট্টবস্ত্র, শাল উত্তরীয় প্রাপ্ত হইলেন । কিছুদিন পরে  
পিতা ফিরিয়া আসিলেন । আমি জীবনী লিখিতেছি না, মাস মাস বা বৎসর বৎসর  
পর পর ঘটনার উল্লেখ করিব না, তবে এই সকল বিষয়ে উহার ভক্তি-প্রজ্ঞা কিরূপ ছিল,  
সেই কথাই বুঝাইবার জন্যই গয়া গমনের কথা বলিলাম । আদল কথা, অল্প তীর্থাদির  
জন্য তিনি ব্যগ্র না থাকিলেও গয়া গমনের জন্য ব্যগ্র হন । অন্ত্যন্ত তীর্থ প্রধানত  
আপনার জন্য, গয়া তীর্থ প্রধানতঃ পিতৃপুরুষদিগের জন্য । দেবতার তাঁহার কিরূপ  
প্রজ্ঞা-ভক্তি ছিল, তাহা তাঁহার হিন্দুধর্ম বিষয়ে বক্তৃতার শেষভাগ দেখিলেই বেশ বুঝা  
যায় । সেই বক্তৃতার শেষ দিকে যে দুর্গোৎসবের বর্ণনা আছে, তাহা কেবল প্রথম  
পুরুষে, তাঁহারই স্বরূপ বর্ণনা মাত্র । “এই সময়ে গঙ্গাশ্রীকৃতবাসী কৃতী ( যিনি প্রকৃত  
হিন্দু ) প্রতিমার সম্মুখে, অথচ কিঞ্চিৎ পাশ্বে দণ্ডায়মান হইয়া কবচোড়ে দেখিতেছেন  
এবং ভাবিতেছেন । এই ভাবিতেছেন যে, পরমা প্রকৃতি, আত্মা শক্তি তাঁহার আলয়ে  
অধিষ্ঠিতা হইয়াছেন । গৃহস্থায়ী এই ভাবিতেছেন এবং তাঁহার হৃদয়ে ভক্তি ও আনন্দ-  
তরঙ্গ যুগপৎ উদ্বেলিত হইয়া নয়নযুগল দিয়া দর-দরিত ধারায় পড়িতেছে । গৃহস্থায়ী  
পশ্চাৎদিকে দৃষ্টি করিলেন, দেখিলেন, তাঁহার ভবনে আত্মীয় বন্ধু, কুটুম্ব, ব্রাহ্মণ পণ্ডিত,  
প্রতিবাসী, গ্রামবাসী এবং দীনদুঃখীগণ প্রভৃতি বহুল ব্যক্তির সমাগম হইয়াছে । সকলেই  
আনন্দে উৎফুল্ল ; গৃহস্থায়ী ভাবিলেন যে, অল্প আমার ভবনে আনন্দময়ী আগমন  
করিয়াছেন, ইহাতেই এত আনন্দ । তাঁহার নয়ন দিয়া আবার আনন্দধারা বহিতে  
লাগিল । এই আনন্দ অতি বিমল আনন্দ, ইহা ভক্তির আনন্দ, ইহা শ্রমীর আনন্দ ।

এই শোক-তাপ-সন্তপ্ত সংসারে এরূপ আনন্দ যে লাভ করিতে পারে, সে ধন্ত এবং তাঁহার জীবন সার্থক।" আবার বলি, এই চিত্র পিতার নিজকৃত স্বরূপ-চিত্র ; তিনি ভক্তির আনন্দ উপভোগ করিয়া জীবন সার্থক করিয়াছিলেন।

পিতা আমাদিগের মত পোলিটিক্যাল কখন হন নাই। রাজনীতির খিচুড়ি করিয়া, চহাতে ছড়াইয়া, কাককে বককে খাওয়াইতে তিনি কখন অভিমান করেন নাই। চাকুরি করিতে করিতে তিনি যে রাজনীতির চক্র-বাহু মধ্যে পড়িয়াছিলেন, সে কথাই পশ্চিম পূর্বেও দিই নাই, এখনও দিব না। তিনি পোলিটিক্যাল ছিলেন না, স্বাভাবিক সাধারণীতে লিখিতে ভালবাসিতেন না। গবর্ণমেন্ট এ সকল কাজে নিতান্ত নাজিজ, রাজ-সচিবাদিগের পক্ষে সংবাদপত্রে লেখা একপ্রকার নিষিদ্ধই ছিল। কাজেই সাধারণীতে লিখিতে আমি তাঁহাকে কখন অনুরোধও করি নাই। কৈশোরীয়াতির বটবৃক্ষের বর্ণনার কথা প্রথমেই বলিয়াছি, সেইরূপ পদ্ম কচিং কখন লিখিতেন এবং সাধারণীতে প্রকাশিত হইত। আর স্বত্ববর্ণনের নিদাঘ ভাগের অনেক অংশ সাধারণীতে ক্রমশ প্রকাশিত হইয়াছিল ; আর বর্ষার কয়েকটি বর্ণনা প্রকাশিত হয়, তাহা অত্যাঁপি গ্রন্থাকারে প্রকাশিত হয় নাই। গল্প প্রবন্ধ সাধারণীতে অতি অল্পই লেখেন। ১২৮১ সালের ১ই জৈষ্ঠ সাধারণীতে প্রকাশিত "সাক্ষী" নামক প্রবন্ধটি এই স্থানে উদ্ধৃত করিয়া দিলাম, অবশ্য সমালোচনা করিব না।

## সাক্ষী।

(বিচারকার্য সাধনার্থ সাক্ষীর সাহায্য নিতান্ত প্রয়োজনীয়। কোন ব্যবহার মীমাংসা করিতে হইলে, তদ্বিষয়ে উভয় পক্ষের বিরূত ভূতপূর্ব বাণীর সমূহের বিবেচনা করিতে হয়। কিন্তু সেই সমস্ত বাণীর সম্বন্ধে বিচারপতি সম্যক অনভিজ্ঞ থাকায়, কোনটি সত্য কোনটি মিথ্যা কিছুই নির্বাচন করিতে পারেন না। তখন সাক্ষীর বাক্যই তাঁহার প্রধান উপায়। তিনি তদ্বারা অন্ধকারে আলোক লাভ করেন ; আপনায় পথ দেখিতে পান, এবং জটিল জাল ছেদন করিয়া সত্যের উদ্ধার করিতে পারেন ! যাহার বাক্যের দ্বারা ঈদৃশ উপকার প্রাপ্ত হওয়া যায়, তাঁহাকে আদর করা সর্বতোভাবে কর্তব্য এবং ভগবান মহত্ব তদীয় সংহিতায় সাক্ষীকে সম্মান করিতে বিশেষ উপদেশ দিয়াছেন। কিন্তু দুঃখের বিষয় এই যে, অধুনা ইংরাজ রাজ-প্রতিস্থাপিত ধর্ম্মাধিকরণ সমূহে সাক্ষীদিগকে আদর বা সম্মান করা দূরে থাকুক, তাহাদের বিশেষ অবমাননা ও সময়ে সময়ে নিপীড়ন করা হয়। এই সকল ধর্ম্মাধিকরণে সাক্ষীদিগের দুর্দশা দর্শন করিলে বোধ হয়, যেন তাহারা কোন গুরুতর অপরাধ করিয়াছে এবং

তজ্জন্মই তাহাদের প্রতি একরূপ নিষ্ঠুর ব্যবহার করা হইতেছে। দণ্ডাৰ্ছই হউক, কিবা প্রহরষই হউক, যতক্ষণ পর্যন্ত সাক্ষীকে সাক্ষ্য দিতে হয়, ততক্ষণ পর্যন্ত তাহাকে কাঠগড়া বেষ্টিত একটি লংকীর্ণ স্থানে দণ্ডায়মান থাকিতে হয়। একরূপ অবস্থা কেবল ক্লেশকর নহে, অধিকন্তু তজ্জ ব্যক্তিদিগের পক্ষে অতীব অপমান-জনক। যদি বলেন যে বিচারালয়ের সম্মুখ-বক্ষার্ধ দণ্ডায়মান অবস্থায় সাক্ষ্য প্রদান করা কর্তব্য, কিন্তু আমাদের বিবেচনায় কেবল একরূপ কাল্পনিক সম্মানের জল্প কাহাকেও কষ্ট প্রদান করা কোন প্রকারেই উচিত নহে।) বিশেষত যে স্থানে কাক্সিক বাঙ্গালী ও খোয়াজ নিকারী দাঁড়াইয়া সাক্ষ্য দিয়াছে, সেই স্থানে সেই অবস্থাতে ফুলের মুখটি বিষ্ণু ঠাকুরের সম্মান হরলাল মুখোপাধ্যায়কে কিবা বিশাল জ্বলন্তিনালী যোগীন্দ্রনাথ রায়চৌধুরীকে সাক্ষ্য দিতে হইলে, তিনি যে আপনাকে হতমান বোধ করিতে পারিলেন, তদ্বিবয়ে কোন সংশয় নাই। এবং এই অপমান ভয়েই সম্ভ্রান্ত সাক্ষীর বিচারালয়ে উপস্থিত হইতে সঙ্কুচিত হইলেন। সত্য বটে, বিচারপতির সম্মুখে সকলেই সমান, কিন্তু তজ্জন্ম যে সর্বপ্রকার সাক্ষীকেই একই আসনে দণ্ডায়মান না করিলে, বিচারে দোষ স্পর্শ হইবে একথা যুক্তিযুক্ত নহে। বিশেষত কার্য্যত রাজাজ্ঞার দ্বারা এ বিষয়ে ইতরবিশেষ দেখা যাইতেছে। অনেকানেক ধনাঢ্য ভূস্বামীগণ সাক্ষ্য প্রদানার্থ বিচারালয়ে উপস্থিত হইতে নিকৃতি লাভ করিয়াছেন, এবং সচরাচর দেখা যায় যে, যদি কোন ইউরোপীয়কে সাক্ষ্য দিতে হয়, তবে তিনি প্রায়ই বিচারপতির পার্শ্বে সমাসীন হইয়া থাকেন। অতএব বিচারালয়ের সম্মুখবক্ষার্ধ তজ্জ অভিন্ন সকল সাক্ষীকেই এক কাঠগড়ার মধ্যে দাঁড়াইয়া সাক্ষ্য দিতে হইবে এ তর্ক নিতান্ত দুর্বল; একরূপ প্রথা অবলম্বনে কোন উপকার নাই, বরং সম্ভ্রান্ত ব্যক্তিদিগকে মানসিক ও দৈহিক কষ্ট দেওয়া হয় ও সময়ে সময়ে তাহাদিগের সাক্ষ্যলাভের পথ অবোধ করাও হয়। কিন্তু কেবল ইহাই নহে, সাক্ষীদিগের আরও দুর্গতি আছে। যে ব্যক্তি কর্তৃক সাক্ষী আহৃত হন, তাহার পক্ষ হইতে দ্বিভাসাবাদ হইলে পর, পক্ষান্তরের উকীল তাহাকে প্রশ্ন করিতে আরম্ভ করেন। আদালতের ভাষায় এই প্রশ্নের নাম জেরার সওয়াল, এবং তাহা কখন কখন এতদ্রূপ জটিল ও সুদীর্ঘ হইয়া উঠে যে, সে জেরার জের মিটান অতি স্কটন। প্রমাণ বিবরণী-ব্যবস্থাবিৎ পণ্ডিতেরা কহেন যে, এক প্রশ্নের দ্বারা অনেক প্রকৃত বিষয়ের আবিষ্কার হইতে পারে, অতএব ইহা প্রয়োজনীয়। আমায়ও বলি যে, যদি জেরার সওয়াল বিশুদ্ধ প্রণালীতে করা হয়, তবে অনেক গুণ বিবরণ প্রকাশ পাইতে পারে, কিন্তু উকীল মহাশয়েরা তদ্বুদ্ধিতে প্রতিপ্রব্র করেন না। সাক্ষীকে মিথ্যাবাদী করাই তাহাদের প্রতিপ্রব্রের প্রধান উদ্দেশ্য এবং তদ্বিবয়ে প্রায়ই কৃতকার্য্য হইয়া থাকেন। জেরার সওয়ালকালে উকীলদিগের সকোপ নয়নে দৃষ্টিপাত, ও পরস্পরবাক্য প্রয়োগ এবং সময়ে

40

“যুধিষ্ঠিরের স্বর্গারোহণ” প্রকাশিত হয়। ইহার বহু পরে তৎকালের দেওঘর ইংরাজী বিদ্যালয়ের প্রধান শিক্ষক শ্রী.যোগীন্দ্রনাথ বসু “মহাপ্রস্থান” নাম দিয়া ছুঁলপাঠ্য “কবিতা প্রসঙ্গ” গ্রন্থের প্রথমেই একটি কবিতা প্রকাশিত করেন; সেটি অতি সুন্দর; অনেক স্থলে পিতার স্বর্গারোহণ হইতে সুন্দর। তবে যোগীনবাবু বলিতেছেন, যুধিষ্ঠির—

“শোকচ্ছায়ে” বিমলিন,                      নবপতি আভাহীন,  
 মেঘাবৃত যেন দিবাকর,  
 অস্তরে চিন্তার ভার,                      কষ্টের নাহিক পার  
 ধীরে ধীরে হন অগ্রসর।

আর পিতা বলিতেছেন—

প্রফুল্ল মুখাবিন্দু হৃদয়-দর্পণ।  
 বিমল আভায় করে সতে প্রদর্শন,—  
 কুচিন্তা, কুচিল ঘেব,                      শোক-তাপ পাপলেশ,  
 পারে নাই করিবারে কভু অধিকার।”  
 সত্যরত পুণ্য-পুত অস্তর তীহার।

এই দুই চিত্রের বিভিন্নতা যেন কেমন কেমন লাগে। আর পিতার যুধিষ্ঠির কৃষ্ণ সম্বন্ধে বলিতেছেন,—

“নারিব কদাচ এই আঞ্জিত তাজিতে”

যোগীনবাবুর যুধিষ্ঠির বলিতেছেন,—

“প্রতি জীবে ভগবান                      করিছেন অধিষ্ঠান  
 খান বলি তাজির কেমনে?”

সমানোচনা আমার সেকালে রোগ বলিয়া এই কথাগুলো বাহির হইয়া পড়িল। নতুবা যোগীন বাবুর মহাপ্রস্থান কবিতা সুন্দর, অতি সুন্দর। সে সৌন্দর্য্যে হস্তার্পণ করিতে অতি নৃশংসও পারে না। পিতা স্বর্গারোহণের বহু পরে মহাপ্রস্থান লেখা, সুতরাং এইরূপ বিভেদ যদি ইচ্ছাপূর্ব্বক যোগীনবাবু করিয়া থাকেন, তবে লক্ষ্য করিবার বিষয় বৈকি। সগুণ স্বর্গারোহণ উদ্ধৃত করিয়া দিলাম।

### যুধিষ্ঠিরের স্বর্গারোহণ

দুঃসহ দীপ্তি দীপ্ত দিবা গত-প্রায়  
 বৈকালিক মাধুরিতে মহী শোভা পায়;  
 ছুটিছে কুহর-চর                      স্বয়ং সন্ন্যাস বয়,

ধীরে ধীরে অন্তাচলে চলে দিনরাশি ;  
শান্তির কোমল কোলে অপিয়া অবনী ।

সাক্ষা সৌর হৈম দ্ব্যতি হিমাত্রি উপরে,  
তরল নাবণো খেলে শিখরে শিখরে  
তুষার মুকুটে মাছি,                      স্তব্রে স্তব্রে শৃঙ্গরাজি,  
কনক দিবণে ঘরি কিবা হুশোভিত,  
স্বর্গের সোপানাবলী স্ববর্ণ নির্মিত ।

তার মাঝে তের এক তুঙ্গ শৃঙ্গোপরি,  
চূড়া যার পরশিছে অমব নগরী,  
অপূর্ক-পুরুষ-বর,                      দেব বক্ষ কিবা নয়.  
একাকী দণ্ডায়মান বেহ নাহি আর,  
এক সারগেয় মাত্র সঙ্কেতে তাঁহার ।

দীর্ঘাকৃতি, সৌম্য-মূর্তি বয়সে প্রবীণ,  
অঙ্গের উজ্জ্বল আভা দিবৎ মলিন ।  
সুস্বাস পরিহিত,                      সুর কেশ বিলম্বিত,  
সুর শ্রীকৃষ্ণ হৃদাংস্তর শিখা-সম ভাবে,  
অমল অনিপে ঢলি সুনীল আকাশে ।

প্রফুল্ল মুখাঃবিন্দু হৃদয়-দর্পণ—  
বিমল আভায় করে সতে প্রদর্শন ।  
কুচিস্তা কুটিল ছেব,                      শোক-তাপ পাপ-লেশ,  
পারে নাই করিবারে ওড়ু অধিকার ;  
সত্য-বত পুণা-পুত অন্তর তাঁহার ।

লনাট প্রশস্ত অতি, অতি সুলক্ষণ,  
তত্পরি ছিল বুঝি মুকুট জুগল ;  
ওষ্ঠাধর বিষ ছেন,                      ঈষৎ কাণিছে স্নেহ,

প্রশান্ত গভীর ভাবে অনন্ত গগনে,  
হেরিছেন উর্দ্ধদৃষ্টি আরত নয়নে ।

হেনকালে ধ্বনি এক হইল আকাশে,  
স্বগভীর তার স্বরে এই কথা ভাসে —  
পাণ্ডবেন্দ্র ধৃষ্টিয়,                      সত্যব্রত ধর্মবীর্য,  
স্বর্গনাভে যদি থাকে, কামনা তোমার,  
অবিলম্বে সারমেয় কর পরিহার ।

ধর্মশাস্ত্রে জানী তুমি, ধর্ম-অবতার,  
কুকুরে লয়েছ সন্ধে কেমন বিচার !  
যার স্পর্শে পুণ্য-কর,                      অন্তর্নিহিত হইতে হয়,  
কেমনে আসিবে বল হেন পশু লয়ে ।  
পরম পবিত্র ধাম অমর অলয়ে ॥

হইল আকাশে এই ধ্বনি নিনাদিত,  
টলাতে নারিল কিন্তু ভূপতির চিত ;  
অচলে অচল সম,                      দ্বিভাব নিকর,  
অকম্পিত স্বরে কন অপূর্ণ বচন,  
অস্তরীক হতে শুনে যত দেবগণ ।

“শিবোধার্য্য দৈববাণী কিন্তু কদাচন,  
নারিব করিতে আমি কুকুরে বর্জন ।  
বনিতা পাঞ্চালী সতী,                      ভ্রাতা চারি মহামতি,  
লয়ে সন্ধে মহাপন্থে করি আগমন,  
সভে স্বর্গে আরোহিব করিয়া মনন ।

নিয়তি-নিয়ম কিন্তু কে লঙ্ঘিতে পারে ?  
একে একে সবে তারা তাহাছে আহারে ;  
কোথার ক্রপদ হতা                      ধর্ম পত্নী গুণ-সুতা,



কোথায় নকুল আর সহদেব বীর !  
কোথা ভীম মহাবল, কোথা পার্শ্ববীর !

মৃত্যু-বশে অস্ত পথে গিয়াছে সকলে,  
ফেলিয়া আমায় এই দুর্গম অচলে ।  
কেহ নাহি ছিল আর চতুর্দিক শূণ্যকার !  
উঠিলাম তবু শৈলে ধৈর্য্য ধরি মনে  
কিছুদূরে মিল হয় সারমেয় সনে ।

নাহিক রক্ষক আর, নাহিক দোণয়,  
যম সম একা ভ্রমে শিখর উপর ।  
আমারে দেখিতে পেয়ে, সত্বর আইল ধেয়ে,  
পরস্পর মধ্যে ক্রমে সাক্ষাত্তি হয়,  
সে হইল সঙ্গী, আমি দিলাম আশ্রয় ।

পবিত্র কি অপবিত্র হউক যেমন,  
আমি তারে নাহি পারি ছাড়িতে কখন ;  
যেখানে করিব গতি, তাহারে লইব তথি,  
এই সত্যে আপনারে করেছি বন্ধন,  
নারিব নাদিব তাহা করিতে লঙ্ঘন ।

হতে হয় হব, স্বর্গ-মন্ডোকে বঞ্চিত ।  
কিছা এই গিরি-পৃষ্ঠে তুষার গলিত ।  
দেবগণ-সন্নিধানে দুর্লভ অমৃত পানে,  
বিড়ম্বিত হতে হয়, তাও আমি হব,  
ত্রিদেশের কোপানল শির পাতি লব ।

সখা যম নারায়ণ দ্বারায় আধার,  
ক্রুদ্ধ হয়ে কহু কখন গোলোকের আর ;  
অভিমে নরক-গামী হতে হয় হব আমি,

তথাপি নারিব নিজ বচন খণ্ডিতে,  
নারিব কদাচ এই আশ্রিত ত্যজিতে ।”

এত যদি বলিলেন নৃপ চূড়ামণি,  
আকাশে ঘোষিত হয় ধস্ত ধস্ত ধ্বনি ।

খুলিল স্বর্গের দ্বার                      জ্যোতি অতি চমৎকার,  
ধরায় ধরায় পড়ি কিবা মনোহর,  
ঢল ঢল গলা হেমের ভালে চরাচর ।

সে দ্বার শোভিছে কিবা দিব্যাকনা দলে,  
কক্ষে স্বর্ণ-কুন্ত-পূর্ণ মন্দাকিনী জলে ।

লুটিয়া নন্দনবন                      পারিজাত অগণন,  
শত শত সুবাসা আনি সমাহরে,  
হর্ষে বর্ষে নৃপতির মস্তক উপরে ।

কত দেব দেবী কত কিন্নর কিন্নরী,  
সুমধুর বীণা-যন্ত্র ঘড়ে করে ধরি

আরঙিল স্থললিত                      অপূর্ণ মোহন গীত,  
পবন হিল্লোলে গীত অনন্ত আকাশে,  
বাপিল, তুলিল বিশ্ব অসীম উল্লাসে ।

### গীত

রাগিনী জয়-জয়ন্তী, তাল একতাল ।  
জয় সুধিষ্ঠির পুণ্য-পরায়ণ,  
জয় ধর্মরাজ ধর্মের নন্দন,  
জয় বিপদার্ত বিপদভঞ্জন,  
জয় স্বর নর মানস-রঞ্জন ;  
জয় সত্যনিষ্ঠ জয় মহাত্মাগ,  
অল্পম তব সত্য অল্পবাগ,  
করেছ ধরায় কত পরিত্যাগ,  
বিনা কোত্তে কুপ সত্যের কাষণ ।

ধস্ত ধস্ত তুমি ধস্ত পুণ্যবান,  
 তব পুণ্যে বাধ্য বিভু ভগবান,  
 সুরগণ যাচে পেতে তব স্থান,  
 সুরলোকাপরি তোমার আসন ।  
 নিত্যধামে তব পুণ্য পুরস্কার,  
 অক্ষয় আনন্দ ভুঞ্জ অনিবার,  
 বিমুক্ত হয়েছে ত্রিদিবের দ্বার,—  
 এস এস স্বরা এস হে রাজন ॥  
 গগনে ডুঙ্কুতি ধ্বনি হইল তখন,  
 নামিল ভূধরোপরি বিচিত্র শ্রম্ভন ;  
 আরোহিয়া ততুপরি                      নরশ্রেষ্ঠ নৃপবর,  
 মশরৌরে পশিলেন ত্রিদশ আলয়,  
 চতুর্দিকে নিনাদিল শব্দ জয় জয় ।

পূর্বেই বলিয়াছি অতি বাল্যকাল হইতে পিতা আমাকে নিয়ত সাধের সাধী  
 করিয়া প্রতিপালন করিয়াছিলেন । আমার যৌবনে, সেরূপ সাহচর্যের সুবিধা ছিল  
 না বটে, কিন্তু পুত্র মিত্র বদাচর্যে যদি কোথাও হইয়া থাকে, তবে আমাদের পিতা  
 পুত্রের মধ্যে হইয়াছিল । কেবল মিত্র বলিয়া নয়, বন্ধু বলিয়া নয়, তিনি ইচ্ছা করিয়া  
 আমাকে সময়ে সময়ে প্রতিদ্বন্দ্বীর সমকক্ষতা প্রদান করিতেন । হঠাৎ এক দিনে  
 নহে, আমাকে তাঁহার সমকক্ষ করিতে, প্রতিদ্বন্দ্বী করিতে—তিনি আমার অতি  
 বাল্যকাল হইতেই আয়োজন করিয়া আসিয়াছিলেন । আমি যখন যৌবনের প্রারম্ভে  
 মিল, কোম্‌ত, স্পেনসার প্রভৃতি পাশ্চাত্যগণের মতবাদে মস্তিষ্ক পরিপূর্ণ করিলাম,  
 তখন সমকক্ষ প্রতিদ্বন্দ্বীরূপে, তিনি আমাকে সমরে আহ্বান করিলেন । মিলের  
 মায়াদ্বাদ (Permanent possibility of sensation) লইয়া, কোম্‌তের প্রত্যক্ষবাদ  
 লইয়া, হারবার্ট স্পেনসারের সমাজ তত্ত্ব লইয়া, আমরা পিতাপুত্রে ঘোরতর তর্ক-বিতর্ক  
 করিতাম । মিল, কোম্‌তের তিনি তীব্র প্রতিবাদ করিতেন ; হারবার্ট স্পেনসারের  
 সমাজতত্ত্বের সময়ে, জিজ্ঞাসুর মত পূর্বপক্ষ করিয়া, ঠিক যেন শিক্ষা করিতে  
 বসিতেন ।

মধুসূদনকে লইয়া নবরত্নের সহিত আমার কলহের কথা পূর্বেই বলিয়াছি ।  
 ইংরাজী বাঙ্গালার আর কোন কবির কবিত্ব লইয়া পিতাপুত্রে আমাদের বিবাদ ছিল

মা। কৃত্তিবাস, কাশীদাস, কবিকঙ্কণ, ভারতচন্দ্র প্রভৃতি কবির রস আমরা পিতাপুত্র লোকালুফি করিয়া উপভোগ করিতাম। সেক্সপিয়ারের নাটকের রস তাঁহার পাশ্বে বসিয়াই উপভোগ করিয়াছি। প্রসিদ্ধ পণ্ডিত মেকলে, কান্তেন রিচার্ডসনকে বলিয়াছিলেন, যে আমি ভারতবর্ষের সমস্ত ভুলিতে পারিব, কিন্তু তুমি যে এই সেক্সপিয়ারের আবৃত্তি করিলে, এ আবৃত্তি কখন ভুলিতে পারিব না। রিচার্ডসন যখন বিলাত চলিয়া যান, তখন তদীয় ছাত্রেরা দুঃখ প্রকাশ করিয়া বলিয়াছিলেন যে আপনি চলিয়া গেলেন এখন কাহার কাছে আমরা সেক্সপিয়ারের পাঠ শিখা করিব ? রিচার্ডসন বলিয়াছিলেন “অধ্যাপক উইলিয়ম মাস্টারস্ রহিলেন। তাঁহার কাছে সেক্সপিয়ার শুনিও।” আমি সেই উইলিয়ম মাস্টারস্‌র ছাত্র। পিতা রিচার্ডসনের ছাত্র। আমার মনে হয় রিচার্ডসন সাহেব, উইলিয়ম মাস্টারস্ সাহেবের নাম না করিয়া, যদি পিতার নাম করিতেন, তাহা হইলে বোধ হয় ভাল হইত। গুরু-নিন্দার বাহাদুরীর জন্ত বা পিতৃতত্ত্বের পরাকাষ্ঠা প্রদর্শন জন্ত, এমন কথা বলিতেছি, কেহ মনে করিবেন না। যে স্থলে রস-গভীর, ভাষা-প্রগাঢ়, আবেগ-পরিপূর্ণ,—সেই সকল স্থলের সেক্সপিয়র পাঠ পিতা যেমন করিতে পারিতেন, এমন আর কাহাকেও শুনি নাই। লিউইসের লাইসিউম্ থিয়েটারের রঙ্গস্থলেও নহে। তবে সেখানে ছামলেটের অগত উক্তির To be or not to be প্রভৃতির যেরূপ বিকাশ দেখিয়াছিলাম, সেরূপ আর কোথাও দেখি নাই। বিনিমের রাজ সত্যায় ওথেলোর উক্তি Her father loved me, oft invited me প্রভৃতি পিতা অতি আশ্চর্যরূপ আবৃত্তি করিতেন। Father, loved, oft প্রভৃতি গালভরা কথা, কেন সেক্সপিয়র সংযোজনা করিয়াছেন, তাহা তাঁহার আবৃত্তিতেই প্রথমে বুঝিতে পারিয়াছিলাম।

কথোপকথনে রস-বিস্তারে পিতার মত দ্বিতীয় লোক আমি দেখি নাই। অনেকেই বলেন, তাঁহারাও দেখেন নাই। অজ্ঞ, বিজ্ঞ, গিল্প, ব্রাহ্ম, যুবা বৃদ্ধ, লইয়া একটা ভরপুর মজলিসে তিনি একাই এক-শ হইয়া গল্পের ছটায়, হাসির ঘটা তুলিয়া দিগ্বিজয়ী রূপে বিরাজ করিতেন। প্রসিদ্ধ ব্যঙ্গী ও বিচারক দারকানাথ মিত্র বেশ কথোপকথন পটু ছিলেন বটে, কিন্তু অনেক সময়, তাঁহার আপন কথাই পাঁচকাহন বলিয়া অনেকের মনে হইত এবং সেই জন্ত অনেকে বিরক্তি প্রকাশও করিতেন। আর একজন মজলিসি মাস্তুর ছিলেন মুখন্দ্‌স্ মেকাজিন্ ও বেংস্ এণ্ড রাগভের সম্পাদক-প্রসিদ্ধ শত্ৰুচন্দ্র মুখোপাধ্যায়। কিন্তু অনেক সময়েই তিনি অহিকেনে মসগুস-মগজ হইয়া থাকিতেন। কথা চিবাইয়া চিবাইয়া বাহির হইত। মুম্বো মহাশয়ের নারকতার মজলিস্ যেন একটু একটু ফরাসভাষার আভাস মত মনে হইত। মহেশ্বর মজলিসের বক্তাদের শব্দে তুলনাই করিব না। কেবল এই স্থলে পিতার ব্যঙ্গ

রচনায়, হান্তরলোকীপক রচনার একটু পরিচয় দিব। সেই লেখার ইতিহাস বুঝাইবার জন্য তাঁহার গুণ-পুঞ্জের গুণেব পরিচয়ও একটু দিতে হইল।

সাধারণীতে “চেনাচুর” নাম দিয়া, পাঠককে বালক সাজাইয়া ঘূঁটা ঘূঁটা বিজ্ঞপ্ত বর্ণন করিতাম। “সাধারণীর চেনাচুর” একটা উপহার সামগ্রী হইয়া উঠিয়াছিল। সাহিত্যে, সংবাদপত্রে,—সাধারণীর চেনাচুরের উল্লেখ থাকিত। “কিষণ দাস কি চেনা,—তের রূপেয়া, চার আনা—বড় লোক লেতেহে, বড় লোক খাতেহে” ইত্যাদি কথা তখন লোকের মুখে মুখে শুনা যাইত। চেনাচুর ছেলেরাই খায়; সাধারণীর চেনাচুর বুড়ারাও ফোঙ্কলা দাঁতে চিবাইতে লাগিলেন; এ দিকে কেশববাবুর সম্প্রদায়ের দুই চারি জন লেখক, বুদ্ধদেব ঘোষকৃষ্ণ শ্রীগৌড়াককে লইয়া বড়ই নাচাইতে আরম্ভ করিলেন। পিতা ধর্মের বিকৃত ভাব লক্ষ্য করিয়া সাধারণীতে এক ‘ধর্মচাঁদকি চেনাচুর’ লিখিলেন। ইহাতে শাক্ত, বৈষ্ণব, ব্রাহ্ম,—এই সকল ধর্মের বিকৃত ভাবের উপর তীব্র কটাক্ষ আছে। এরূপ বিজ্ঞপ্তে কোন প্রকৃত বিশ্বাসীর ক্ষদয়ে কিছু মাত্র আঘাত লাগিবে না। এই বিশ্বাসে তখন পিতৃদেব উহা ছাপাইয়াছিলেন, এখনও আমি সেই বিশ্বাসেই সেই পণ্ড পুনঃ প্রকাশিত করিলাম।

ধর্ম-চাঁদকি চেনাচুর।

মজামে ভোর পুর।

হব্বতেরকে চেনা মেয়া হব্ব তরেসে তৈয়ারি।

দেখ্লে থা লে চুনি চুনি গুণ বিচারি।

যায়সা লেজ্জৎ, তায়সা গুণ, কিয়া কহৌ তারিক।

থানেসে দক্ষা হোয়ে হুনিয়াকি তক্লিফ।

গুদী হোগা গাইয়া, আওর বয়রা পাঁ গা কাণ।

লেংড়া যাগা কুঁদ ককে হোকে আগুয়ান।

দেল খুব খোস্ রহেগা, বুঢ়া হোগা জোয়ান।

অন্ধেকা আঁথো হোগা, বন্ধেকা সন্তান।

দৌড় দৌড়কে আও সব্ আও রে বাক্সালি।

পসন্দ করলে মেয়া চাঁজ, যেইনে উতারা ভালী।

পহেলা নম্বয়ে দেখ তজ্জশাহী চেনা;

আগর চে হয়া হায় খোড়াসা পুহানা।

ভৌতি হায় খুব তাজা, আওর ভেজী,

ভক্তিসে ঘো খাওয়ে এসকো, শক্তি ওসপর রাজী।

পূর্বব সে লে আয়া হৌঁ দেকে ময় ছিটা ।  
 ময়মে বানায় ছয়া, ছয়া বহু মিঠা ।  
 নূত ভদ্র বিপ্র বৈশ্ হোকে এক সাত,  
 খুব খুশি করলে ভাই ! থাকে সারে রাত ;  
 লেও মজা আনন্দমে হোকে মাতোয়ারা ;  
 ছনিয়াকা দুখ ভোগ যৌকুফ হোগে তেরা ॥

দোসরা নব্বমে ছায় গোবাচাঁদকি চেনা,  
 রূপেয়া রূপেয়া সেব আওর চার চার আনা ;  
 প্রভুনে তৈয়ার কিয়া, কিয়া মোলাম দানা !  
 সবকে ওয়াস্তে মজুত ছায় নেহি কিসিকো মানা  
 নেহি এসমে ময়লা যোগ নেহি কুছ জজাল ।  
 প্রেম রসে বনি ছই, বড়াহি রসাল ।  
 যেহা খাগা, হোগা আওর লালচ তুহার ।  
 আখের লে করু কফ্‌নি টুকী ছোড়েগা সংসার ।  
 নাচেগা দোবাহ মেলি, বাজায়গে মদং ।  
 পজ্জ কি সজ্জ সাক্স হোগা সাধু চং ॥

তেসরা বকম্‌কা ছায় আউল চাঁদকি চেনা ।  
 ঘোষপাড়াকা বাজারমে ইচ্ছা লেনা দেনা ।  
 আচ্ছা মসলা সাত ছয়া, সফা তস্লামে ভায়া ।  
 বুডি মজাদার চীজ,—চেনা কর্তাভজা ।  
 খানেসে খুশিমে হোগা মেজাজ্‌ তোরপুর ।  
 কিস্মৎ কি খুশিমে দুখ যাগা দূর ।  
 বাড়েগা কর্‌দানি, হোগা জাহের কেরামৎ ।  
 দর্দী-দেল হোগা তেরা কেত্বী আওরৎ ॥  
 ভজন্‌ ভোজন্‌ বইনা গানা হোগা এক সাত ।  
 বড়ী আরাহ্‌মে দিন যাগা সক্তি মেরা বাত ॥

চৌঠা নবেম্বরমে ছায় রায়জীকা চেনা,  
 আগর সব্‌ না লে সকো লেও খোড়া নমুনা ।

সহর কল্কতামে ছয়াএকা পয়দা,  
 বহুং খোসবদার চাঁজ বহুং একা করদা ।  
 এক দম আঁখো মূদকে লেগু একা বস ।  
 ভুক, পিয়াস সব ষাণা হুণ্ডা রোজ বস ।  
 সুরভতি আছি হোগী চেক্রেগা চেহারা,  
 নজর কা রৌসনৌসে ভাগে গা আকিয়ারা ।  
 থরচ কা কমতী হোগী রহোগে ফিটু ফাট  
 সংসার কা স্তথ পাগা, না পাগা ঝঞ্জাট ।  
 আপনাকো পালো, আওর কর জরুকো পিয়ার ।  
 দরকার নেহি আওর কিসিসে রাখনা সরোকার ।

আথের মে দেখে ডাই সেনজীকা চেনা,  
 তাকত নেহি ছায় মেরা, তারিফ একা কহনা ।  
 নয়া তৌরনে ভজা ছয়া, ছায় খুব টাটকা ।  
 সব চেনাসে মজাদার ছায়, নেহি এম্মে থটকা ।  
 পয়সা পয়সা এক এক মোড়কৌ কিস্মৎ ।  
 থা দেখ, মেলেগা হবু বকম্ কি লেজ্জৎ ।  
 জবানকা জোর হোগা, হোগা মিঠা বুলি ।  
 কেত্কা আদমী লেগা তেরা দো পাঁওকি ধুলি ।  
 আজব তবেরকা কাম করোগা নাম হোমা জাহের ।  
 নেহি রহেগা ভর, নেহি সরম্কা থাতের ।  
 মেজাজ কলাও হোগা ফেরেগা আহোয়াল ।  
 হবু ওয়াজ দেথেগা হবু তবেরকা খেয়াল ।

তু দেখেগা কেত্কা সাধু, কেত্কা অবতার ।  
 নাচ রংমে তেরা সামনে করোগা বিহার ।  
 মুসা নাচে, যিসা নাচে, জাক্য সিংকা নাচ,  
 নাচে লুখর, পাকড় লেকে নানকজীকা হাত ।  
 জনক নাচে, জশুয়া নাচে, নাচে গজাধর,  
 মক্কা ছোড়কে মোহিত হোকে নাচে পগছর ।  
 জন নাচে, লুক নাচে, নাচে সেইন্ট পাল,

পিটর নাচে, দুজী বাজে, মেথু দেওয়ে তাল ।  
গৌর নাচে থিরা থিরা, গিরে আস্থ ধার,  
চন্মা চোক্মে দেকে নাচে, সেন অবতার ।

দেখো গে এইসি তরে খেয়াল তাজা তাজা,  
কাহী তেরা ভাং, আওর কাহী তেরা গাঁজা ॥

আমাদের পিতাপুত্র মধ্যে সমবয়স্ক সহচরের মত বিস্তৃত রসাত্তাবেরও অভাব ছিল না। এক দিনের একটা গল্প বলি। তখন আমি বহরমপুরে ওকালতি করি। বন্ধিমবাবুও বহরমপুরে থাকেন। পিতা বহরমপুর একেবারে ত্যাগ করিয়াছেন। তাঁহার সঙ্গে কেবল পুজার সময় বাড়ীতে দেখা হয়। পূর্বেই বলিয়াছি বন্ধিমবাবুতে আমাতে দীনবন্ধুবাবুর লীলাবতী নাটক কাটাকুটি করিয়াছিলাম। কিন্তু এই গল্পের একটু পূর্বপীঠিকা আছে। সেটুকু আগে বলিতে হইতেছে। সেই সময়ে বহরমপুরে আমাদের সব জজ ছিলেন রাইট সাহেব নামক একজন শ্বেতকায় ফিরিঙ্গি। তিনি একরূপ কিছুতকিস্তবিশ্রুতি রূপ পদার্থ ছিলেন। একটি মোকদ্দমার দাবি ভিক্রি দিলেন। উকীল আমলারা এজলাস হইতে চলিয়া গেল, বিশ মিনিট পরে তাঁহাদিগকে আবার ডাকাইলেন, পেস্কারকে বলিলেন “পার্কটি পুরা হকুম লিখা যয়।” উকীলদিগকে বলিলেন “আপনারা শুনুন” “পার্কটি লিখ।” টেবিলে একটি মৃষ্টাঘাত করিয়া বলিলেন “দাবি-ভার ভিক্রি।” এই গল্প পিতার সমক্ষে আমি টাটকা টাটকি করিয়াছি। সেদিন তখন আমাদের বাহিরের বৈঠক খানার মজলিসে লীলাবতী সংশোধনের সমালোচনা চলিতেছিল। দৃষ্ট বরাহনগর, সেই স্থানের একজন জীসোকেয় উজ্জিতে দীনবন্ধুবাবু লিখিয়াছিলেন “গ্যাদারী”। আমি কাটিয়া করিয়াছিলাম “ঠাকারী”। পিতা বলিলেন “গ্যাদারী, ঠাকারী দুই হয়; তুমি গ্যাদারী কাটিয়া ঠাকারী করিলে কেন?” আমি বলিলাম “আমাদের এতদঞ্চলে গ্যাদারী জীসোক বলে না, ঠাকারী বলিয়া থাকে।” পিতা বলিলেন, “তুমি আমার চেয়ে বেশী জানিলে কি করিয়া?” আমি বলিলাম “আপনি বহুকাল বিদেশে থাকেন, নদে জেলায় বহুকাল ছিলেন, দেখানে গ্যাদারীই বলে, সেই জন্যই আপনার একরূপ ভ্রম হইতেছে।” (পাঠক লক্ষ্য করিবেন আমি পিতার সহিত কিরূপ সম-কক্ষভাবে তর্ক বিতর্ক করিতাম। পিতা বলিলেন “তবে ইহার মীমাংসা হয় কিরূপে? তোমার মা ত আমার সঙ্গে বিদেশে প্রায়ই জানে না। তিনি যদি বলেন গ্যাদারী ঠাকারী দুই হয়, তবে তুমি ত হারিব?” আমি বলিলাম “অবশ্য হারিব।” (সহস্র পাঠক আবার লক্ষ্য করিবেন, আমাদের পিতা-



পুত্রের সাহিত্য বিবাদে, সালিসির ব্যবস্থা কিরূপ) বৈঠকখানায় একঘর ভদ্রলোক হস্তবদনে উৎকৃষ্ট নয়নে উৎকণ্ঠিত হইয়া বসিয়া বহিলেন। আমরা পিতাপুত্রে উঠিয়া অঙ্গরে মহাবিচারক মাতার নিকট উপস্থিত হইলাম। পিতা জিজ্ঞাসা করিলেন “জীলোক অহঙ্কারী হইলে তাহাকে কি বলে?” আমার মাথা খাইতে, মা একেবারে বলিয়া ফেলিলেন “ঠাকারীও বলে, গাদারীও বলে।” আমরা হাসিতে হাসিতে বহিবাটাতে আশিলাম। সকলে হাসিয়া জিজ্ঞাসা করিলেন “কি হইল? কি হইল?” পিতা সটানে মজলিসের মাঝখানে গিয়া রাইট সাহেবের অঙ্গুরণে মেজেতে এক প্রচণ্ড মুঠাঘাত করিয়া, বলিলেন “দাবি ভোর ডিক্রি। গৃহিণী বলিলেন ঠাকারী গাদারী দুই হয়।” হাতের তরঙ্গ উঠিল, হাসির ফোয়ারা ছুটিল। এখনও আমার হাসি আসে, হাসির সঙ্গে একটু কান্নাও পায়; পিতা নাই বলিয়া নয়, পিতা কাহারও চিরদিন থাকেন না। কিন্তু একরূপ রসামোদ বান্ধালা হইতে, যে লোণ পাইতে চলিল, সত্য সত্যই তাহাতে কান্না আসে।

সাব বার্ণিস পীকক তখন হাইকোর্টের চীফ জাস্টিস। তিনি বিজ্ঞ বিদ্বান, প্রবীণ, কিন্তু অনেকগুলি ফুলবেকের বিচারে তিনি একলা একদিকের মত দিলেন, আর অন্যদিকে অস্ত্র সকল জঙ্গে ছুটিয়া বিপরীত মত দিলেন। আমাদের সংসার ধর্মের গৃহস্থালির কথা, তখন আমরা পাঁচ জন জঁজ্বিলাম। আমি, আমার সহধর্মিণী, আমার বিধবা পিসতুত দিদি, মাতাঠাকুরাণী ও পিতৃদেব। এমন সময়ে সময়ে হইত যে তত্ত্বাবাস প্রভৃতি আহাৰ ব্যবহারাদি, কোন গৃহস্থালি কথায় মাতা ভগিনী আমি ও আমার সহধর্মিণী, আমরা চারিজনে একমত হইলাম, কিন্তু পিতা আমাদের মতে মত দিলেন না। আমাদের বুদ্ধি-সাধ্য-মত তাঁহাকে বুঝাইলেও তাঁহার মতের পরিবর্তন হইল না। তিনি তাহাতে রাগ করিতেন না, ক্ষুব্ধ হইতেন না, ক্ষুণ্ণ হইতেন না; হাসিতে হাসিতে বলিতেন “আমরা বান্ধলার বিচারক সাব বার্ণিসপীককের জাতি; তাহার অঙ্গুরণ করাই আমাদের কর্তব্য। আমি এ বাড়ীর চীফজাস্টিস, তোমাদের সকলের হইতে আমার মত বিভেদ হওয়াই ঠিক, আর তোমাদের মতামুসারে কার্য হওয়াও ঠিক! তোমরা এককাটা এবং অধিকাংশও বটে।” কাজেই পিতা কর্তা হইয়া, অকর্তা হইয়া থাকিতেন, আমরা কোন কোন স্থলে কর্তৃত্ব করিতাম।

পিতা যখন রাজকীয় কর্তব্য হইতে অবসর গ্রহণ করিয়া চুঁচুড়ায় আসিয়া বসিলেন, তখন সাধারণী চৌ-চাপটে চলিতেছিল। তখন গ্রাহকের সংখ্যা লইয়া কাগজের সম্মান হইত না।—কোন খবরের কাগজের খবর যদি গবর্ণমেন্ট রাখিতেন, অভাব অভিযোগ প্রকাশিত হইলে, যদি সেই অভাব পূরণ করিতেন, অভিযোগে কর্ণপাত করিতেন, বা কখন কোন পদস্থ রাজকর্মচারী কিঞ্চিৎ মাত্র ব্যগ্রতা দেখাইতেন,—তাহা হইলে, সেই

সংবাদ পত্রের সম্মান হইত। অর্থাৎ রাজ্যের আদরে সর্বসাধারণের কাছে সম্মান পাওয়া হইত। আর তখন সাহিত্যের একরূপ সমাদর ছিল; এখন তাহা দেখিতে পাই না। সেদিন বঙ্গ-দর্শনে যে “বঙ্গ-মঙ্গল” প্রকাশিত হইয়াছে, সেইরূপ স্নেহ-বাৎসর্য-পূর্ণ কবিতা বা পঞ্চানন্দ কবিতা, সেই সময়ে যদি সাধারণীভূত প্রকাশিত হইত, তাহা হইলে সমগ্র বঙ্গে একটা টিটি পড়িয়া হাইত। এখনত সেরূপ কিছু হইল না। বঙ্গ-মঙ্গলের কেহ খবরই লইল না। বিজ্ঞপাত্রে পত্রের দশা এইরূপ; গভীর, গভীর ভাবপূর্ণ গভীরের কেহ সংবাদই রাখেন না। ১০১৫ বৎসরে, ক্রমে ক্রমে, এইরূপ দাঁড়াইয়াছে। কেন হইয়াছে, সে বিষয়ের আলোচনা এখানে করিব না। ২০৩০ বৎসর পূর্বে এরূপ ছিল না। ক্ষুটোমুখ বঙ্গসাহিত্যের যথা সম্ভব সম্মান ছিল। সরস রচনার সমাদর ছিল। সাধারণী সাহিত্য এবং রাজনীতি সমভাবে সমানে সেবা করিবার নিমিত্ত জন্ম গ্রহণ করিয়াছিল, করিতও তাঁহাই! সাধারণী বলিত, কল্পন ভিন্ন পলিটিক্স নাই। হস্তবাং সরল বালিকার মতন কাদিত, ছোট ছোট আশঙ্ক করিত। রাজপুরুষেরা অতি ছোট ছোট আশঙ্কায় কর্ণপাত করিতেন; বড় আশঙ্ক করিলে এখন মুখ বাকান, ভৎসনা করেন, তখন বালিকার কথা বুঝিয়া হাসিয়া উড়াইয়া দিতেন। সাধারণীর ক্ষুদ্র কথায় রাজা কর্ণপাত করিতেন বলিয়া, সাধারণীর যৎকিঞ্চিৎ সম্মান ছিল। আর সাহিত্য-সেবা-পরায়ণ ছিল বলিয়া সাধারণীর যৎকিঞ্চিৎ সম্মান ছিল বাঙ্গালার কৃতবিদ্যের কাছে। বকিমবাবুর বঙ্গদর্শনের শুণে বাঙ্গালি বাবু সঙ্ক করিয়া বাঙ্গালা পড়িতে শিক্ষা করেন। আর রাজনীতি জড়িত সাহিত্যের সঙ্ক মিটাইবার জন্ত,—সাধারণীর জন্ম। পূর্বেই বলিয়াছি ১২৭০ সালের ১লা বৈশাখ বঙ্গদর্শন, আর দেড় বৎসর পরে ১২৮০ সালের ১১ই কাশিক সাধারণী প্রকাশিত হয়। তাহার পূর্বে রাজনীতির সহিত সাহিত্যের সেবা, কি আর কোন সংবাদ পত্রে হইত না? হইত বৈকি। ঈশ্বর গুপ্ত লিখিতেন, লাট সাহেবকে সম্বোধন করিয়া পত্র। কিন্তু সাধারণী প্রকাশের সময় সেরূপ কিছু ছিল না! ছিল মহামহিমাবিত্ত সোম প্রকাশ। তাহাতে থাকিত—(বিজ্ঞাভূষণ মহাশয়ের প্রোতশ্রা কমা করিবেন।) তাহাতে থাকিত—“যদি রাজস্ব সচিবের অবিস্মৃতিকারিতা দ্বাৰে দেশীয় জনগণের উপচায়মান গুণাবলী অপচিহ্ন হইতে থাকে”—এই সাহিত্য রচনা সংস্কৃতজ্ঞ পণ্ডিত বর্গের আদরের সামগ্রী হইলেও, ইংরাজী কৃতবিদ্যগণ ইহাতে অবজ্ঞা প্রদর্শন করিতেন, সাধারণ জনগণ উহার ত্রিসীমাতেই অগ্রসর হইতে পারিত না। পূর্বেই বলিয়াছি ঈশ্বর গুপ্তের পদ, ‘আলালের ঘরের ঢুলাল,’ ‘হতোম পৈঁচার নক্সা’ প্রভৃতি অতি শিশুকালে পাঠ করিয়া, শিখিয়াছিল যে সহজ বাঙ্গালা উপেক্ষার পদার্থ নহে। আর সংস্কৃতভাষ্যসারি বাঙ্গালার যে, অধিকতর গভীর হয় তাহাও ভুলি নাই। অতি

শিশুকাল হইতেই ভ্রুবোধিনী পাঠ করিতাম। স্কুলে ভর্তি হইয়াই ভ্রুবোধিনীর সহিত সাক্ষাৎ হয়। ভ্রুবোধিনীতে গড়ে পড়ে রীতিমত সাহিত্যের সেবা থাকিত। সেই ভ্রুবোধিনীর আকার প্রকার লইয়াই সাধারণী প্রকাশিত হয়। পিতা চুঁচুড়ায় যখন আসেন, তখন সাধারণী চৌ-চাপটে চলিতেছিল। আমাদের বাড়ীতে ঢুকিতে দরজার বামদিকের ঘরে, সাধারণী অফিস ঘর। আর দক্ষিণদিকের ঘরে সঙ্গীতের আড্ডা। হারমোনিওম্ বেহালা প্রভৃতি যন্ত্রোপকৃত সুর সহ সঙ্গীত চক্ষিণ ঘণ্টার মধ্যে ঘোলা ঘণ্টা চলিতেছে। পিতা আমাদের অফিস ঘরেই প্রায় বসিতেন; কচিং কখন সঙ্গীত সমাঙ্গেও যাইতেন। প্রাতঃকাল হইতে রাত্রি দ্বিতীয় প্রহর পর্যন্ত আমাদের বাহির বাড়ীর সঙ্গীতে, সাহিত্যে, সম্বাদ পত্রে, গানে গল্পে, সমস্ত দিনই ভোরপুর। পিতা অবসর গ্রহণ করিয়া আসিলে কৃষ্ণ যাত্রার মাঝখানে মধ্য রাত্রিতে গোবিন্দ অধিকারী আসিলে, ঘেরূপ হইত—সেইরূপ হইলে পালা পূর্ণতা প্রাপ্ত হইল, গান জমাট হইল।

এ সোভাগা কিন্তু অধিক দিন আমার সহিল না। জ্বরে জ্বরে বিষম জ্বালাতন হইয়া উঠিলাম। কিশোর কাল হইতেই, এনট্রান্স পরীক্ষার পূর্বে হইতেই, ৬০ সালের কার্তিক মাস হইতেই, এই বিষম ম্যালেরিয়া আমাকে আশ্রয় লইয়াছে। যৌবনের মধ্যে একবার মাত্র ৫ বৎসর কাল ইহার দেখা পাই নাই। সেই কালটি সাধারণীর প্রথম ৫ বৎসর। তাহার পর আবার ভোগানি আরম্ভ হইয়াছে; এখন সাধারণীর দশ বৎসর হইয়াছে। জ্বরের জ্বালায় জ্বালাতন করিয়া তুলিয়াছে। কম্পোজিটর, প্রেসম্যান, পণ্ডিত মহাশয় প্রভৃতি সকলেই জ্বরে পড়িয়া কাগত ত আর সময়ে বাহির হয় না। এক সপ্তাহ নহে, দুই সপ্তাহ নহে; আশ্বিন, কার্তিক ক্রমাগতই এইরূপ হয়, পবের পয়সা ঘরে লইয়া, এরূপ করিলে চলিবে কেন? কাজেই আমাকে তোড়-জোড় সমস্ত লইয়া কলিকাতায় যাইতে হইল। দেখা বিড়ম্বনা! এত কাল চুঁচুড়ায় রহিলাম, আর পিতা যেই দেশে আসিলেন, কোন্সার তাঁহার চন্দ্রমুখ নিরীক্ষণ করিয়া চাতক-প্রাণ শীতল করিব, সাক্ষাতে তাঁহার সেবা করিয়া, তদীয় সমক্ষে তদীয় আরাধ্য বক্তব্যের সেবাপূজা করিয়া,—আপনাকে চরিতার্থ করিব, না কিসের কর্তব্য জানে, আমাকে এমন দিনে কলিকাতায় যাইতে হইল। হায় রে! কর্তব্যজ্ঞান। তোমার ছায়া লইয়াই রহিলাম। কিন্তু কর্তব্য সম্পাদন করিতে অগ্রণর হইতে পারিলাম না। কর্তব্য কি তাহাই বুঝি না, তবে কর্তব্য সম্পাদন কিরূপে হইবে!

১২০১ সালের জ্যৈষ্ঠে সাধারণী কলিকাতায় উঠাইয়া লইয়া গেলাম। তৎপূর্বেই কলিকাতায় একটা বাসা লইয়া আমাকে বসিতে লইয়াছিল। তখন বুবার্টের প্রদর্শনীর বড় জাঁক। কলিকাতায় বাড়ী ভাড়া অগ্নিমুলা হইয়াছে। আমাকে খিতাইয়া

জিরাইয়া, খুঁজিয়া পাতিয়া, বাড়ী দেখিতে হইতে ছিল। বাবুনের পোঁকর মতন ভাল পন্নীতে ভাল বাড়ী হইবে। অশচ ভাড়াটা অগ্নিমুলা না হয়।

সেই সময়ে কলিকাতার কলুটোলার বঙ্গসাহিত্যের সম্মেলন-রয়ে বঙ্গিমবাবু বিরাজমান। শশধর তর্কচূড়ামণি মুন্সের হইতে আসিয়া, পশ্চিমঘো বঙ্কমান বিজ্ঞর করিয়া, কলিকাতার শিবির স্থাপন কতিছেন। বঙ্গিমবাবু বৈঠকখানায় প্রতি রবিবারে সাহিত্য-সঙ্গত হয়। থাকেন চন্দ্রনাথ বসু দাদা মহাশয়, এখন পরলোকগত তখন বাঙ্গালা সংবাদ পত্রের সরকারী অন্তর্বাদক রাজকৃষ্ণ মুখোপাধ্যায়, খিদিরপুরের দুই মহাশয়,—কবিরর হেমচন্দ্র এবং কোমং শিশু যোগেন্দ্রনাথ ঘোষ,—বঙ্গিমবাবুর প্রতিবাসী প্রসিদ্ধ ব্রাহ্ম, কেশববাবুর সহোদর কৃষ্ণবিহারী সেন, পরে কটক কলেজের প্রিন্সিপ্যাল নীলকণ্ঠ মজুমদার প্রভৃতি। মধ্যে মধ্যে আসেন বারাসতের ডেপুটি তারাপ্রসাদ চট্টোপাধ্যায়। বঙ্কমানের ইন্দ্রনাথ বন্দ্যোপাধ্যায়, ঢাকার কালীপ্রসন্ন ঘোষ ও গোবিন্দচন্দ্র দাস প্রভৃতি। বঙ্গিমবাবুত অবশুই থাকিতেন। কলিকাতায় বাসা করার পর প্রতি রবিবার অপরাহ্নে ত বটেই, অল্প অল্প সময়েও সেইখানে যাইতাম। চূড়ামণি মহাশয়ও এক এক দিন থাকিতেন। সাহিত্য সেবার সভায় ধর্ম্মের কাহিনী উঠিল। চূড়ামণি মহাশয় আলবট হলে বক্তৃতা দিতে লাগিলেন। শাস্ত্রসঙ্গত ধর্ম্ম ব্যাখ্যার সঙ্গে, তিনি বিজ্ঞানের দোহাই, জাঁকাইয়া দিতে লাগিলেন। ধর্ম্ম বিজ্ঞানের উপর দাঁড়াইবে, কথাটা নিতান্তই উল্টা কথা বলিয়াই আমার বোধ হয়। সাধারণীতে এই মতের প্রতিবাদ করিলাম। ধর্ম্মই সকলের আশ্রয়, ধর্ম্মই সকলের অবলম্বন, ধর্ম্ম আবার বিজ্ঞানের আশ্রয় লইবে কেন? এই সকল কথার আলোচনার ফলে নবজীবন প্রকাশিত হইল। নবজীবনের সূচনাতেই লিখিলার “যে বিশাল মহান স্তব সমাজ তত্ত্বাদির আশ্রয় স্বরূপ, অবলম্বন স্বরূপ হইয়া ঐ সকলকে গর্তে ধারণ করত, অনবহত উহাদের পুষ্টিসাধন, অবস্থা পরিবর্তন এবং ক্ষয় সাধন করিতেছে, তাহা উপেক্ষা করিয়া,—সেটি যে অবলম্বন এবং আশ্রয়, কিয়ৎ পরিমাণে উপাদান এবং হেতু—তাহা না বুঝিয়া, সেইটিই সকল তত্ত্বের সারতত্ত্ব সম্পূর্ণরূপে না হউক, কিন্তু অংশত সকল তত্ত্বের সমগ্রাণী, অঙ্গগ্রাণী এবং নিমিত্ত কারণ, ইহা সমাকুরূপে ক্ষয়ক্ষয় না করিয়া,—কোন তত্ত্বের কথা কহিতে যাওয়া বিড়ম্বনা মাত্র। চিন্তাশীল বাঙ্গালী দেখিতে দেখিতে অন্তর স্তরের আভাস পাইয়াছেন। একটু একটু বুঝিতেছেন যে, সেই মূলীভূত সারতত্ত্বের কথা উপেক্ষা করিয়া সাম্যবাদ বা বৈষম্যবাদ, বিতর্কবাদ না স্থিতিবাদ কিছুই বুঝিতে পারা যায় না। সেই বিশাল মহান আশ্রয়-স্তরের নাম—ধর্ম্ম।”

নব-জীবন প্রকাশিত হইয়া। বঙ্গের মহামহাযতীর্ণ প্রায় সকলেই লিখিতে লাগিলেন। আমি সম্পাদক, কাজেই আমার জাঁক পসার খুবই হইল। পিতা-

অবশ্য চুঁচুড়াতেই রহিলেন। পিতাপুত্রের এই বিচ্ছেদে আমি কিন্তু মর্মে পীড়িত। কি আনন্দেই পিতাকে ঢাকা হইতে সঙ্গে করিয়া আনিয়াছিলাম, আর কি নিরানন্দে তাঁহাকে চুঁচুড়ায় রাখিয়া, কলিকাতায় চলিয়া আসিলাম। পূর্বেই বলিয়াছি, চুঁচুড়ায় জ্বরের জ্বালায় জ্বালাতন হইয়াছিলাম; নিরস্মিতরূপে সাধারণী প্রকাশ করিতে কোন মতেই পারিতাম না; ভুয়ো কর্তব্যের দ্বারে সাধারণী উঠাইয়া, কলিকাতায় আসিলাম। কলিকাতায় বসিয়া বন্ধিম-সঙ্কটে হাওয়ার স্বর বুঝিয়া নবজীবন প্রকাশিত করিলাম। সাধু সন্দর্শন, স্বল্প-সঙ্কম যথেষ্ট হইত; কিন্তু পিতার সহিত বিচ্ছেদে আমি মর্মান্বিত থাকিতাম; মধ্যে মধ্যে পত্নীকে ও পুত্রকন্যাকে কলিকাতায় আনিতে হইত; দুই একটি সম্ভান তাঁহারই কাছে চুঁচুড়ায় রাখিতাম; আপনি কাজ কর্ম ফেলিয়া মাঝে মাঝে গিয়া শ্রীচরণ দর্শন করিতাম; তিনি মাসের মধ্যে দুই একদিন আসিয়া আমাদিগকে দেখা দিয়া যাইতেন, কিন্তু তাহাতে আমার মনের সাধ মিটিত না। জগৎ এক দিকে, আর বাবা আর এক দিকে থাকিলে, আমার মনের তুল-দাঁড়ীতে বাবার দিকেই ঝোঁক ছিল।

পিতা কিন্তু মহা আনন্দিত, আমার গৌরবে মহাহুগী। থাকি না কেন আমি পৃথক—থাকি না কেন ঘরে—আমার গৌরব বাড়িয়াছে তাহাতেই তিনি মহা আনন্দিত। নবজীবনের প্রথম মাসে ভাল মন্দ কিছুই বলিলেন না। তাঁহার রচিত চারি ছত্রের গানটি (ভোর হইল, জাগত জাগিল ইত্যাদি) আমি মহা ধৃষ্টতা করিয়া বিশ ছত্র করিয়া বাড়াইয়া দিয়াছিলাম—তাহাতেও ভাল মন্দ কিছুই বলিলেন না। তাঁহার বৃদ্ধ বয়সে, তাহা হইতে পৃথক হইয়া, আমিও মনে ধিক্কার দিতেছিলাম। কান্দেই ভাল মন্দ কোন কথাই তাঁহাকে জিজ্ঞাসা করিতে সাহসী হইলাম না। তাঁহার সঙ্গে সমান ভাবে কত তর্ক করিতাম, কিন্তু কেমন তিনি রাশভারি লোক ছিলেন,—যতই তাঁহাকে ভালবাসি ও ভক্তি করি, সঙ্গে সঙ্গে একটু ভয় তাঁহাকে যাবজীবন সমানে। তিনি এখন অন্ত্যধামে তবু এখনও তাঁহাকে পূর্বমতই ভয় করি।

নবজীবনের দ্বিতীয় সংখ্যা প্রকাশিত হইল। তাহাতে ছিল আমার লিখিত ‘বাল্যলিঙ্গ বৈষ্ণব ধর্ম’। পাঠ করিয়া পিতার মনে আনন্দ আর ধরে না। যাহাকে পান, তাহাকেই ধরিয়া নবজীবন পড়িতে বলেন। কলিকাতায় আসিলেন, কলিকাতায়ও আনন্দ হুড়াইয়া গেলেন। ১-পূজার সময় উলার কৃষ্ণবেহারী মূখোপাধ্যায় মহাশয় আমাদের বাড়ীতে আসিলেন। তিনি পেন্সন-প্রাপ্ত মুন্সেফ, সর্বল বৈষ্ণব, পিতার পরমবন্ধু। সমস্ত প্রবন্ধটি পিতা তাঁহাকে পড়িয়া শুনাইলেন। তিনি আমাকে কত আশীর্বাদ করিলেন। ইহাদের আনন্দে শিঙ-বিচ্ছেদের ভারটা আমার মন হইতে থানিক কমিয়া গেল।

করে সহিয়াও গেল। পিতাও আসা যাওয়া করিতে লাগিলেন। মাসে একবার কলিকাতায় আসিতেন। আমিও মাসে দুইবার বাড়ী যাইতাম। আরও সহিয়া গেল,—কলিকাতায় পিতার লীলা খেলা দেখিয়া। সাবিজী লাইব্রেরিতে আমি বস্তু—তিনি পাঁচজনের মধ্যে আমার একজন রক্ষা-কর্তা। চূড়ামণি মহাশয়ের ধর্ম ব্যাখ্যা হইবে, মির্জাপুরে কালিদাস সিংহের গলিতে। অবদারনাথ কুমারকে সঙ্গে লইয়া পিতাপুত্রে পিছনদিকে আড়ালে চুপি চুপি রহিয়াছি। ও রিয়েন্টাল মেমিনারির বাটীতে চন্দ্রনাথ দাদা মহাশয় হিন্দু বিবাহ সম্বন্ধে বক্তৃতা পাঠ করিলেন, বাংলা বিবাহের কথা উঠিল; পিতা তাঁহার বাংলা বিবাহের ফল বলিয়া অধমকে দেখাইয়া দিলেন; আমার একটি পুত্র এককীলে একটি বাক্স তানিয়াছিল, সে কথাও বলিলেন,—মহাহাত্ত কোতুক হইল। শোভাবাজারে, অক্ষয়কুমারের স্বরণ সভায় পিতৃদেব সভাপতিত্ব করিলেন। পঞ্চাশী পর্ব—জুবিলির সময়, দলেবলে চুঁচুড়া হইতে আসিলেন, সকলে মিলিয়া আলিপূরে গবর্ণমেন্ট টেলিগ্রাফ ষ্টোর আফিসে বসিয়া বাজী পোড়ান দেখিলাম। নবজীবনের প্রথম বৎসরেই আমরা রীপণকে লইয়া কত বাড়াবাড়ি করিয়াছিলাম। পিতা প্রথম দিন অপরাহ্নে যে রূপ সিয়ালদহ ষ্টেশনে রীপণ অভ্যর্থনার জন্য উপস্থিত, শেষের দিন সেই রূপ সাতপুতুহিয়ার বাগানে গভীর নিশীথ পর্যন্ত উৎসবে উৎফুল্ল। কলিকাতার কংগ্রেসের কনফারেন্সে বসিয়াছে। আমিও সকল ভালবাসি না, যাই না। প্রথম দিন আমাদের আহ্বারের পূর্বে পিতা বলিলেন ‘অক্ষয় যাবে না হে ?’ আমি বলিলাম ‘বলেন ত যাই।’ উত্তর ‘তবে এসো’। আমি অমনই তাঁহার সঙ্গে সেইখানে গেলাম। সেখানে, পোলিস কিরূপ অনর্থক হুমকি দেখাইয়া আমার একটি পুত্র ও তাহার সমবয়সীদের ক্লাব ভাঙাইয়া দেয়, সে গল্প বলিলেন। সকলেই বিস্মিত হইল। পিতার পরিপক্ব বয়সের এই সকল অপূর্ব লীলাধেলায় আমি মহা আনন্দিত থাকিতাম। তাঁহার ক্ষুণ্ণিতে, আমার ক্ষুণ্ণি হইত। পিতার যৌবনের বহু ছিলেন অক্সফোর্ড রামতল্লাহ লাহিড়ী মহাশয়; তাঁহার মত সরল লোক আমি অতি অল্পই দেখিয়াছি। পিতা তাঁহাকে শ্রামাচরণ (বিশ্বাস) দে মহাশয়ের বাড়ীতে লইয়া গিয়া কত কোতুক রহন্তই না করিতেন। আমি সঙ্গে থাকিতে পারিতাম না, রিপোর্ট পাইতাম; শুনিয়াই আমার না কত আনন্দ হইত !

বাড়ীতে, চুঁচুড়ায় যখন থাকিতেন, অধিকাংশ কাল বাড়ীতেই থাকিতেন; তখন আমার ছেবে মেয়েদের, ও আরও দুই একটি ছেলে মেয়ে লইয়া, এক রসের পাঠশালা বলাইয়া, সকাল, সন্ধ্যাবেলা, সেই পাঠশালায় গুরু-শিষ্য করিতেন। তাহারা সমস্ত দিনই হাসিতেছে, আর প্রতি দশ মিনিটে কিছু না কিছু শিখিতেছে। বৈঠকধানার বড় দেওয়ালে একখানা ভারতের মানচিত্র খোলা টাঙান আছে। আমার ডিন

বৎসরের শিশু পুত্রটি 'লকা' দেখাইয়া, নাম জুলিয়া গিয়া বলিতেছে 'কাল'। তাহা অপেক্ষা যাহারা বড়, তাহারা আরেবিয়ান নাইটের বা সেন্সপীয়রের গল্প, ঠাকুরদাদার মুখে শুনিতেছে; কখন বিশ্বয়ে স্তব্ধ, কভু করুণায় বর্ষণোন্মুখ, কখন বা আহ্লাদে হাসিয়া উঠিতেছে। আমি শিখিয়াছিলাম—অনুক্রমে। ইহারা শিখিতেছিল—হাসিতে খুসিতে। একজন বৃদ্ধ দুইটি নাতিকে কাঁধে লইয়া, একটিকে পীঠে লইয়া ঘাইতেছিল। দেখিয়া, একজন বন্ধু জিজ্ঞাসা করিল—“এ কি?” বৃদ্ধ উত্তর করিল,—“ভাই, বৃদ্ধ না—আসনের চেয়ে হৃদের মায়্যা বেশী।” পিতা আমার সমক্ষে এই গল্পটি শুনিয়া বলিয়াছিলেন—“ঠিক বলেছে।”

পিতা, নবজীবনে “দুর্গোৎসব” দুইটি “আগমনী” একটি পণ্ড,—সাধারণীতেও শব্দ বর্ণনার দুই একটি পণ্ড লিখিয়াছিলেন। “ব্রিটনিয়া সমীপে ইণ্ডিয়া” নামে একটি পণ্ড ষণ্ডশ নবজীবনে প্রকাশিত হইতেছিল, তাহা শেষ হয় নাই।—সেই দারুণ কথা এইবার অবশ্যই আমাকে বলিতে হইবে।

সেই কথা একদিন দেওঘরে প্রজ্ঞানন্দ রাজনারায়ণ বসু মহাশয়ের অতি নিকটে বলিয়া ধীরে ধীরে বলিতেছিলাম। বলিতেছিলাম, “কেবল দুইটি বিষয় ছাড়া, পিতার আর কোন বিষয়ে কিছুমাত্র ভয় ছিল না। অন্ধকার, ভূত, সাপ, বাঘ, ইংরেজ, চোর, ডাকাত”—এইটুকু মাত্র আমার যাই বলা হইয়াছে, রাজনারায়ণবাবু শুইয়াছিলেন, অমনই ধড়ফড় করিয়া বিছানায় উঠিয়া বলিয়া, বলিতেছেন—“বাহবা! beautiful! beautiful!—সাপ, বাঘ, ইংরেজ, চোর, ডাকাত,—beautiful!” আমি প্রথমে তাঁহার এত প্রশংসাবাদের মর্ম্ম-স্পর্শ করিতে পারি নাই—পরে বুঝিলাম, রাজনারায়ণবাবু মহা রাজনৈতিক, ঐ যে ইংরাজকে সাপ, বাঘ, চোর, ডাকাতের মাঝে ফেলিয়া এক তালিকা (category) মধ্যে পুরিয়াছি,—তাহাতেই তাঁহার মহা আনন্দ হইয়াছে।

বাস্তবিক দুইটি বিষয় ছাড়া আর কিছুতেই পিতার মনে ভয়ের কিছু মাত্র উদ্রেক হইত না। আমরা উলায় ভূতের বাড়ী, অথচ বেশ দোতালী দক্ষিণ-খোলা সম্ভা পাইয়া, ভাড়া করিয়াছিলাম। গৃহস্থামীর অতি বৃদ্ধা মাতাকে সেই বাড়ীতে ভূতে মারিয়াছিল; কিন্তু রাত্রিকালে একটু আধটু শব্দ করা ছাড়া, ভূত আমাদের কখন কিছু বলে নাই। সে বাড়ী সাপের সঙ্গে আমাদের ভাগ বাটবায় ছিল। নীচের তিনটা ঘর আমরা কক্ৰপুত্রদের ছাড়িয়া দিয়াছিলাম; তাহারা কিন্তু নিদ্রাঘুর্ণিমার রাত্রিতে আমার ছোট ছুল বাগানটিতে (trespass) অনধিকার প্রবেশ পূর্বক আমার কেলো-জুলো কুকুর দুটার সঙ্গে-রঙ্গবস করিত।

বাঘ,—বাঘ একটা ভয়ের কারণ বটে। পিতা কিন্তু বাঘকেও ভয় করিতেন না। পিতা দেওয়ানি কর্ম্মচারী ছিলেন। মুনসেফীতে প্রথমে বেতন ছিল মাসে ১০০ টাকা।

যে রাজনৈতিক ভ্রমে পড়িয়া গবর্ণমেন্ট তাঁহাকে একটু অপদস্থ করিয়া পানিবাটার পাঠান, সেই ভ্রম দূর হইলে ১০০ টাকার কর্ণচারীকে ২০০ টাকা দিতে ইচ্ছা হয়। বিশেষ সেই সময়ে স্থলর বনের বন্দোবস্তের কার্যে বড় বিশৃঙ্খলা হইতেছিল; গবর্ণমেন্ট পিতাকে দেওয়ানি শ্রেণীতে রাখিয়া, ডেপুটি কালেক্টরি দেন। তালিকার দেখিলে ২৪শে ফেব্রুয়ারি, ১৮৬২ হইতে ৩রা জুন, ১৮৬৩ পর্যন্ত এক বৎসর তিন মাস আট দিন, স্থলর বনের বন্দোবস্তের ডেপুটি কালেক্টর ছিলেন। কাজ অত্যন্ত জরুরি, কাজেই পিতাকে অনেক রাত্রি নিবিড় বনমধ্যেই পালকিতে বাস করিতে হইত। এইখানেই বকিমবাবুর বৃহৎজুল ব্যাঘাচাৰ্ঘ্যগণ নিত্যকাল রাজভক্ত প্রজার মত, দম্বর মোতাবেক সরকারি ডেপুটি কালেক্টরের সঙ্গে গভীর নিশীথে যুগ্মকাত করিতে আসিতেন। শিবিকার দ্বার বন্ধ দেখিয়া হাকিম সরকারের ফুহুং নেহি বুঝিয়া পজার চিহ্ন ভিজা ভূমিতে রাখিয়া চলিয়া যাইতেন। বাবা এই গল্প করিতে করিতে বলিতেন,—“যদি পালকীর বাড় টানিয়া একবার উকী মারিয়া বলিত, ‘হাকীম হালুম!’ তাহা হইলেই মুন্সিল হইত আর কি?” অর্থাৎ তিনি মুন্সিল মানিতেন না! জানিতেন “ধাঁহা মুন্সীল, তাঁহা আসান।”

দুইটা পদার্থে বাবার ভয় ছিল। বজ্রপাতে ও ওলাউঠার। বজ্রপাতে ভয় বৈজ্ঞানিক, Scientific, বজ্রে ভয় নয় ভয় Electricity-তে। একটু মেঘ জাকিল ত অমনই চাকরদিগকে বলিলেন,—“ওরে ঘটা গাডু সব ঘরে রাখ।” জানালায় একটিও লোহার গরাদে দেন নাই। আমি উকীল হইয়া আমার নতন শয়ন কক্ষে লোহার গরাদে দিয়াছিলাম। ৮পূজার সময় বাড়ী আসিয়া, ঐ সকল দেখিয়াই পিতা আমাকে মহা ভৎসনা আরম্ভ করিলেন। বলিলেন—“তোমাদের মত নাস্তিক আর কখন জগতে হয় নাই; যারা বিজ্ঞান মানে না, তাহাদের মত নাস্তিক আর কোথাও আছে না কি?” আমি বলিলাম, হুগলি কপালজের সামনের তেতলা বাটিতে বড় লোহার নীথ আছে, তাহার বিশদীত দিকের খিলানে বজ্র পড়তে বাড়ীটা নষ্ট হইয়াছে। আরও লোহার রেল গরাদে চারিদিকে ছিল, কোথাও পড়ে নাই বা বাধা পায় নাই—ইত্যাদি ইত্যাদি।” পিতার রাগ তখনই পড়িল, ভয় কিছ তেমনই বহিল।

ওলাউঠারও তাঁহার অত্যন্ত ভয় ছিল। এবার Scientific নয়, Nervous প্রাণের ভিতরের ভয়। পিতার মৃত্যুর দুই চারি বৎসর পূর্বে ওলাউঠার দেবতার গল্প হইতেছিল। একজন বহু সাধনার বয় পাইল যে, দেবতার ছদ্মবেশে মর্ত্যে আসিলে, সে চিনিতে পারিবে। একদিন রাজিকালে, সে দেখিল যে ওলাউঠার দেবতা তাহাদের গ্রামে প্রবেশ করিতেছেন। সে বহু অস্থির বিনয়ে, তাঁহাকে বলিল,



আমাদের গ্রামে আসিবেন না। তিনি বলিলেন—‘তিন জনের নিয়তি আছে ; আমাকে অবশ্য গ্রামে যাইতে হইবে।’ সেই তিন জনকে লইয়া, আমি সাত দিন পরে এই সময়ে চলিয়া যাইব। সে ব্যক্তি পঞ্চ ছাড়িয়া দিল। সাতদিনে কিন্তু গ্রাম উজাড় হইল ; চারিদিকে হাহাকার ; শবের সংকার হয় না। সাত দিন পরে যখন দেবতা গ্রাম হইতে যাইতেছেন, তখন সেই ব্যক্তি ধরিয়া বলিল, দেবতারাত্ত মিথ্যা কথা কহেন ? দেবতা তাহাকে সঙ্গে করিয়া গ্রামের ভিতরে গেলেন। একজনকে দেখাইয়া বলিলেন, “দেখ দেখি ঐ ব্যক্তি কে ? সে বলিল উনি দেখিতেছি ভয়ের দেবতা” “উনিই তোমাদের গ্রাম নষ্ট করিয়াছেন।” পিতা গল্প শুনিয়া বলিলেন বালককালে এই গল্পটি শুনিলে ভাল হইত।”

১২২৫ সালের দুর্গোৎসব আসিল। ঐ সালের আশ্বিনের নবজীবনের প্রথম প্রবন্ধ পিতার রচিত ‘দুর্গোৎসব’ পুস্তক। দুর্গোৎসবের সময়ে পিতার প্রাণ আনন্দে নৃত্য করিত। চিরদিন বিদেশে থাকিতেন, এই সময়ে মাত্র বাড়ী আসিতেন। স্বয়ং পৌরানিক ধর্মের মধুর স্বাদ গ্রহণ করিতে পারিতেন, কাজেই আনন্দে প্রাণ নৃত্য করিত। আমাদের বাড়ীতে ৮ পূজায় সম্ভবাত্মক ব্যয়বাহুল্য হইত। ঠাকুর গঠনে, চিত্রে, সাজ সজ্জায় দেশীয় শিল্প উৎসাহ পাইত। ব্রাহ্মণ কায়স্থ নবশাখ, ভদ্র, দরিদ্র ভোজনে আমরা যশ পাইতাম, আশীর্বাদ পাইতাম। ভাল যাত্রা গান কীর্তনে, উৎসব উছলিয়া উঠিত। কাজেই পূজার সময় আমাদের আনন্দের দিন। পিতা ‘দুর্গোৎসব’ পুস্তকে এই আনন্দ বর্ণন করিতেছেন ;—

\* \* \* \*

তমোষন ঘোর নিশা যেন পোহাইল !  
মৌভাগা আকাশে রাবি গৌরবে উদিল ।

অতি অপরূপ শোভা,  
জগজন মনোলোভা ;  
সাজিল অখিল কিবা কনক কিরণে ;  
ভাবত জাগিল যেন নবীন জীবনে ।

\* \* \* \*

দাসত্ব দুর্গতি কারো মনে নাহি আর ।  
হাস্ত লাগে শোভিতেছে শ্রীমুখ সবার ।

কিবা ধনী কিবা দীন,  
গৃহী কিবা উদাসীন,

উঠে দাঁড়িয়ে বল 'জয় জয় জগদমহে' ।

আমাদের বৈষ্ণবী পূজা, বলিদান হয় না ; আখ কুমড়াও নয় । কিন্তু প্রতিদিন পূজার পর—আমরা ঢাকের বাগু থামাইয়া—“জয় জগদধে, জয় জগদধে, জগদধে—মা আ” বলিয়া সকলে শতকণ্ঠে মহাপ্রবলি করিয়া উঠিতাম । আমরা থামিলেই, ঢাকে বলিদানের বাজনা বাজিয়া উঠিত ; ছেলেরা সকলে নৃত্য করিত ; আমার কোন একটি ছেলেকে কোলে করিয়া পিতাও কখন কখন নৃত্য করিতেন ; পায়ের নৃত্য নহে,—ছেলে নাচাইতে নাচাইতে, বৃকের নৃত্য, বাহুর নৃত্য ;—পা ছাড়া আর সর্ব্বশরীরের নৃত্য ।

পাঁচানব্বই সালের পূর্বকার মহোৎসব - নাচা কুঁদা আমাদের, হইয়া গেল। আমি কলিকাতায় গেলাম। প্রায় দুই সপ্তাহ আছি। ইংরাজিতে কয় পংক্তি লেখা পিতার একখানি কার্ড পাইলাম। "স্বাম্যাপূজার সময় তুমি বাড়ী আদিবে, এখানে বড় ওলাউঠা হইতেছে।" তাঁহার হৃদয়ে ওলাউঠার ভাব-গতি জানিতাম। আমি বাড়ী আসিলাম। আসিয়া দেখি পিতার মুখ আধখানা হইয়াছে। আমাদের কদমতলা পল্লী ও কৈকশিয়ালী ওলাউঠায় উৎসন্ন যাইতে বসিয়াছে। আমাদের প্রতিবেশিনী একটি দুঃখিনী মূৰ্খ অবস্থায়। সেবা পায় নাই, চিকিৎসা হয় নাই। নিজে তাহার স্ববসার পরিষ্কার করিয়া দিয়া, চিকিৎসায় ব্যবস্থা করিয়া দিলাম। সেই দিনই বুঝা

গেল, সে বন্ধা পাইল। পিতা এই সংবাদে মহা উৎফুল্ল হইলেন। তাঁহার আনন্দে, আমরাও আনন্দ হইল।

ভাত-দ্বিতীয়ার দিন চিরকালই পায়স হয়। সেবারও হইল। মধ্যাহ্নে আহার একটু গুরুতর হইল। অপরাহ্নে পিতার মুখমণ্ডল অত্যন্ত গম্ভীর। বড় রায় লিখিবার সময় পূর্বে যেরূপ গম্ভীর হইত, সেইরূপ গম্ভীর। সন্ধ্যার পর বলিলেন, আজি রাত্রিতে আমি কিছু খাইব না।” কারণ জিজ্ঞাসা করিলে বলিলেন,—“পেট কেমন ঘুট ঘুট করিতেছে।” রাত্রিতে শয়ন করিলেন। তাঁহার ঘরের দ্বারে আসিয়া কাণ পাতিয়া শুনিলাম, পিতার যেমন নাক ডাকিত, সেইরূপ ডাকিতেছে—তিনি সচ্ছন্দে ঘুমাইতেছেন। রাত্রিতে দুই তিনবার এইরূপ শুনিলাম—বুঝিলাম সচ্ছন্দে সুপ্তি। ভোরে আমি ঘুমাইয়া পড়িয়াছিলাম। উঠিয়া শুনিলাম পিতা গীড়িত—মন অপাক,—তবে বেশী হয় নাই; প্রস্তাব হইয়াছে। ডাক্তার কবিরাজ আসিলেন। ২১০ টার সময় একবার বমি হইল। বলিলেন “রোগের নাম করণ খুব সঙ্গত—ওলাউঠা—এতক্ষণ ওলা ছিল, এইবার উঠা হইল।” নানা ঔষধ চলিল; সন্ধ্যার সময় আমরা অনেকে বুঝিলাম, ঔষধ বুখা হইতেছে। ইতি পূর্বে কোম্পানির কাগজগুলি পিতা আমার নামে সই করিয়া দিবার জন্ত প্রস্তাব করেন। ডাক্তার বাবু বলেন “সেকি মহাশয়! ও সকল কথা ভাবেন কেন?” বলিয়া নিষেধ করেন। সেটা মজলবার। সেই রাত্রিতে আমাদের কদমতলার ত্রিপথে সকলে মিলিয়া ‘ব্রহ্মকালীপূজা’ করিয়াছিলেন। তাহার পুরোহিত আসিয়া—অঙ্কুরাতিতে পিতাকে দেবীর চরণামৃত সেবন করাইয়া গেলেন। কালরাত্রি কিন্তু কাটিল না। ১২২৫ সাল ২২শে কাঙ্কিক মজলবার রাত্রি তৃতীয় প্রহরের পর, তখন চতুর্থী পড়িয়াছে—পিতা নিজ ঘোঁষা ধামে গমন করিলেন।

পিতার কথা লিখিবার ক্ষণ এই প্রবন্ধ; পিতার জীবন শেষ হইল তবু কিন্তু আমি গোটা দুই চারি কথা আরও বলিব; পাঠক মাৰ্জ্জনা করিবেন।

পূর্বে গঙ্গাতীরে সকল ঘাটের পার্শ্বেই শব-দাহ হইত। মিউনিসিপালিটি সে প্রথা বন্ধ করিয়াছে।—নির্দিষ্ট শবদাহের ঘাট স্থির করিয়া দিয়াছে। কৈকশিয়ালির বটতলার ঘাটের পার্শ্বে পিতার পিতা-মাতা সহমরণ লাভ করেন। পিতার ঠাকুর দাদারও সেই ঘাটে দাহন হয়। পিতার ইচ্ছা ছিল, সেই ঘাটেই তাঁহার অস্ত্যেষ্টি হয়। আমাকে একথা বলেন নাই। আমি কাণা ঘুয়ায় কথাটা জানিতাম। মিউনিসিপাল কমিশনের মহোদয়েরা উপস্থিত থাকিয়া সেই ঘাটেই শবদাহের ব্যবস্থা করিয়া দিলেন। প্রচণ্ড পোলিসও দেখিল—কিন্তু জরুতি করিল না।

সময়ে সময়ে পুত্রের ঔর্দ্ধৈহিক কাণ্ডা পিতাকে করিতে হয়। এই কথা লইয়া

ভাবিতাম ‘আমাদের শাজ্জ কি কঠিন, কি কঠোর, কি নৃশংস!’ আজি পিতাকে স্নান করাইয়া নব যুগ বস্ত্র পরাইয়া, কপালে গঙ্গা মৃত্তিকার ত্রিগুণ দিয়া চিতায় উঠান হইয়াছে, আমি দক্ষিণ হস্তে বট জটা ধরিয়া, দূরে দাঁড়াইয়া সেই নৃশংস শাস্ত্রের কথা ভাবিতেছি ; মনে করিতেছি, আজি আমার যদি এই সকল অবশ্য কর্তব্য না থাকিত, তাহা হইলে আমি নিশ্চয়ই ভূশায়ী হইয়া পড়িয়া থাকিতাম। উঠিতেও পারিতাম না, কেহ উঠাইতেও পারিত না। আজি শাজ্জহিত আমাকে উঠাইয়াছে, দাঁড় করাইয়া রাখিয়াছে, কর্তব্যে বাস্তব করিতেছে ; তবে শাজ্জ নৃশংস কেন ? শাজ্জ মানিলে,—শাজ্জ মহৎপকারী।

সমস্ত ঔর্দ্ধৈহিক কার্য্য হইয়া গেল। বাড়ী আসিলাম। মাতা সালঙ্কারা গুম্ব হইয়া বসিয়া আছেন। কেহ তাঁহার কাছে যাইতে পারে নাই। তাঁহার অলঙ্কারগুলি স্বহস্তে ধুলিতে লাগিলাম। জিজ্ঞাসা করিলেন ‘কি হইয়াছে?’ উত্তর “বাবাকে দাহ করিয়া আসিলাম, আমার গলায় এই কাচা।” তাহার পর, তাঁহাকে স্নান করাইলাম, যথা যোগা বস্ত্র পরাইলাম ; কিন্তু ক্রমেই আমার চক্ষে সমস্ত নৃশংসিকাময় বলিয়া বোধ হইতে লাগিল। কুয়াসা অথচ ফাকা কুয়াসা—সমস্তই যেন ফাকা আছে অথচ নাই। আমার কোন চিন্তাও নাই, ভাবনাও নাই। যেন আমি বলিয়াই একটা বোধ নাই। পত্নী ছেলে পিলেদের লইয়া ঘরের মধ্যে থাকেন, আমি একাকী বারান্দায় কঞ্চল-শয্যায় শয়ন করি। দ্বিতীয় রাত্রি এক ঘুমের পর চিন্তা আসিল। ভাবিতে লাগিলাম ‘দেখা যা’ক আমার বয়সী বা আমার অপেক্ষা বয়সে বড়, আমাদের এখানে, এমন কয় জনের পিতা বর্তমান আছেন।’ দুই ঘণ্টা মনে মনে খতিয়ান করার পর দেখিলাম, একজনের মাত্র আছেন—অন্নদা মুখোপাধ্যায়ের। ক্ষণেক চিন্তাহীন অবস্থায় আবার রহিলাম—আপনা আপনি কখন স্নান বন্ধ হইয়াছিল, চিন্তার সঙ্গে দীর্ঘনিশ্বাস পড়িল। ভাবিলাম তবে আমি ‘ভাগ্যহীন’ কিসে ? সেই একরূপ মুখ-পোড়ার দাম্পত্য পাইলাম। চতুর্থ রাত্রিতে পত্নী পড়িবার প্রয়োজন হইল। দেখি যে চোখে ভাল দেখিতে পাই নাই। এচোখ ওচোখ বুঝিয়া পরীক্ষা করিয়া বুঝিলাম, বাম-চক্ষু ক্ষীণ দৃষ্টি হইয়াছে। ক্রমে বুঝিলাম বাম হস্তের ও বাম পদেরও কম-জোর। সেই হইতে ‘পক্ষাঘাত’ আমাকে পাড়িবার চেষ্টা করিয়াছে। এই ষোল বৎসরে আমি ব্যবস্থা লইয়া ১৪ বার চতুর্দ্বৈধ খাইয়াছি। মধ্যে মধ্যে তালপাতার আগুনের সেকের সঙ্গে, কুঞ্জপ্রসারিণী তৈল ব্যবহার করিয়া থাকি।

পিতার আকস্মিক মৃত্যুতে সর্ব্বত্রই হা হতাশের ধ্বনি, ‘এমন লোকও হঠাৎ মারা যার গা!’ যেন তিনি দুই চারি মাস ভুগিয়া লীলা সম্বরণ করিলে, তাঁহার বা সমাজের কিছু না কিছু লাভ ছিল। পিতা ‘চুঁচুড়া হিতৈষিণী’ সভার সভাপতি ছিলেন।

অন্ততঃ সভ্য রাধাজীবন বায় (হায় রাধাজীবনই বা কোথায় ?) নববিভাকর সাধারণীভে  
শোক-পঞ্চ প্রকাশিত করিলেন ; দুটি শ্লোক উদ্ধৃত করিতেছি ।

এক দিন পর বলি, ভাবি নাই মনে,  
জনকের মত তাঁরে, করিতাম জ্ঞান—  
পূজ্যসম ভাবিতেন, তিনি সর্বজনে,  
হৃদে তাঁর ছিল চিন্তা—মোর কলান !

‘আমারে বাসেন ভাল সবার উপর,’  
পরস্পর সবাকার আছিল ধারণা ;  
হেন লোক আছে কোথা ভবের ভিতর,  
এগুণ স্বরূপে আরো, হতেছে যাতনা ।

সর্বইদ্রই হা হতাশ ! আমি কোথাও গিয়া একটু স্বস্তি পাই না । সকলকার  
হা হতাশে আমিও মাথনা পাই না, আমার হৃদয়ের হতাশ আরও জ্বলিয়া উঠে । স্থির  
করিলাম কলিকাতায় যাওয়া ভাল ; সেখানে কত ভাল লোক আছেন । আর  
লৌকতা রাখিতে ত হবেই ।

একটি ভৃত্য সঙ্গে ভাগীরথীর পুলের উপর দিয়া নৈহাটী যাইতেছি । কয়খানা  
মধ্যশ্রেণীর গাড়ীতে, আমি আর আমার সেই ভৃত্য । আর জন প্রাণী নাই । গাড়ীতে  
উঠিয়া একটু অগ্রমনস্ক ছিলাম । গাড়ী যখন মধ্য গঙ্গার উপরে,—কুল-প্রবনী কুল কুল  
করিয়া সবিয়া পড়িতেছেন, গঙ্গার শীতল বায় বেশ আমার গাত্রে সর সর করিয়া  
লাগিতেছে, তখন ঠাহর হইল, আমি গুন্ গুন্ করিয়া নিধু বাবুর বিরহ-গীতি গান  
করিতেছি ।—

আয় রে ! বিচ্ছেদ রাগি তোরে,  
যতনে, হৃদি মাঝারে ।

ঠাণ্ডা হওয়ার পর, পোড়া-মুখে একটু হাসি আসিল—পিতৃশোক বিরহ গান !  
মন্দ নয় ! তখন কেহ ছিল না, এখন তোমরা আমরা সম্মুখে রহিয়াছ,—এই হাসিতে  
হাসিবে, না কাঁদিবে ?

কলিকাতার বাসায় গিয়া রহিলাম । প্রত্যহ একখানা গাড়ী করিয়া গঙ্গা-স্নান  
তর্পণ করিয়া আসি, আর দুই চারি বাতী লৌকতা সারিয়া আসি । কিন্তু সর্বইদ্রই  
সেই চুঁচুড়ার মত হা-হতাশ ।

খিদিরপুর গেলাম । হেমবাবুর কাছে সারিয়া, যোগেন্দ্র ঘোষ মহাশয়ের বাড়ীতে  
গেলাম । সঙ্গে সেই চাকর, আর ঢাকার শেষ যাত্রার সেই সঙ্গী—পূর্ণচন্দ্র মুখোপাধ্যায়

ভায়াও আছেন। আমি আগে আগে, উহারা দুজন আমার পিছনে। বৈঠকখানার দ্বার দিয়া আমি যেমন প্রবেশ করিয়াছি—যোগেন্দ্র দাদা বসিয়াছিলেন, উঠিয়া সহাস্ত মুখে, দুই হাত একটু তুলিয়া, যেন আমাকে আলিঙ্গন করিবেন এই ভাবে অগ্রসর হইলেন, আর বলিতে লাগিলেন—‘অক্ষয় ভায়া এলে, এসো ! এসো ! হিন্দু পেট্রিয়টে গন্ধাচরণবাবুর মৃত্যু সংবাদ পড়িয়া আহ্লাদ আর রাগিতে পারি না—( আমি হতভম্ব ) আরে ভাই আমরা ত কেহ মৌরসি পাট্টা নইয়া আসি নাই—তুমি তাঁর একমাত্র সন্তান—তোমাকে রাখিঘা যে তিনি চলিয়া গেলেন, ইহার অপেক্ষা আহ্লাদ আর আছে নাকি ?’ এই অপূর্ব কথাগুলি কাণে, মনে, প্রবেশ করিতে লাগিল, আর আমি সঙ্গে সঙ্গে স্বতন্ত্র জীব হইতে লাগিলাম। আমার দেহ বিস্তৃত হইয়াছে মনে হইল ; শরীরের ভার কমিয়া গেল ; সমস্ত ক্লান্তিকা সরিয়া গেল ; আমি আবার যেন মানুষ হইলাম। যোগেন্দ্র দাদা আমাকে আলিঙ্গন করিলেন ; আমি চোখের জল পুঁছিতে পুঁছিতে তাঁহাকে প্রত্যাহ্বান করিলাম। তাহার পর কত গল্প হইল। চলিয়া আনিবার সময়, পূর্ণচন্দ্র আমাতে বলাবলি করিতে লাগিলাম—যোগেন্দ্র ঘোষ একটা সত্যিকার মানুষ বটেন।

সেই যে ডাক্তারবাবু কোম্পানির কাগজে পিতাকে সই করিতে নিষেধ করেন, কেমন করিয়া জানি না, সেই কথা কলিকাতায় বাটু হইয়াছে ; সকলেই ডাক্তার বাবুর নিন্দা করেন। বলেন, তাঁহার নিকৃষ্টিতে তোমার কতকগুলি টাকান দেবায় ন ধর্ম্মায় যাইবে।” একজন মাত্র উর্টা কথা বলিলেন,—ডাক্তার দীননাথ গঙ্গোপাধ্যায়। তিনি বলিলেন, “সেইরূপ করার পর, পিতার মৃত্যু হটলে, আপনি চিরকালই মনে করিতে, ডাক্তারবাবু সই করাতে সম্মতি দেওয়াতেই পিতা জীবনে হতাশ হন, তাহাতেই তাঁহার মৃত্যু ঘটে। সই করিলে এই শেল আপনাকে বহুকাল হৃদয়ে ধারণ করিয়া থাকিতে হইত। ডাক্তারবাবু যে সই করিতে দেন নাই, তাহাতেই তিনি আপনার মহোপকারী বন্ধু।” কথাটায় আমার চক্ষু ফুটিল। এমন হৃদেবে অনেককেই পড়িতে হয়, দীননাথ সান্যালের কথা কয়টি তাঁহাদের স্তনিয়া রাখা ভাল বলিয়া, এই স্থানেই লিপিবদ্ধ করিলাম।



আত্মচরিত

শিবনাথ শাস্ত্রী





## পূর্বপুরুষগণ

গ্রাম মজিলপুর। কলিকাতা শহরের প্রায় ত্রিশ মাইল দক্ষিণ-পূর্ব কোণে হুন্দরবনের উত্তর প্রান্তে মজিলপুর নামে একটি গ্রাম আছে। ইহা প্রসিদ্ধ জয়নগর গ্রামের পূর্ব পার্শ্বে অবস্থিত। ইহাতে ব্রাহ্মণ-কায়স্থেরই অধিক বাস। ভদ্রলোকদিগের বাসস্থান হইতে দূরে গ্রামের পার্শ্বে কামার, কুমার, ধোপা, নাপিত, হাড়ি, মুচি প্রভৃতির বাস আছে। কিন্তু তাহাদের সংখ্যা বড় অধিক নয়, গ্রামবাসী ব্রাহ্মণ-কায়স্থদিগের কার্য নির্বাহের উপযুক্ত। গ্রামখানির ইতিবৃত্ত জানি না, অনুমান করি এক কালে গঙ্গা এই পথে বহমানা ছিল\* এবং গ্রামখানি গঙ্গার চড়ার উপর প্রতিষ্ঠিত হইয়াছে। পোতু'গিজেরা যখন এদেশে আসে তখন এই পথে আসিয়াছিল কিনা ঠিক বলিতে পারি না, কিন্তু প্রাচীন বাংলা কাব্যে ও পোতু'গিজদের যাত্রাবিবরণে, 'ময়দা নামক' একটি গ্রামের উল্লেখ দেখা যায়, এই মজিলপুরের কয়েক কোশ উত্তর-পূর্বে, 'ময়দা' নামে এক গ্রাম এখনো বিদ্যমান আছে। ইহাতে অনুমান করা যায়, পোতু'গিজেরা এই পথেই আসিয়া থাকিবে। গ্রামের পার্শ্বে মাঠে মাটি খুঁড়িতে খুঁড়িতে ভগ্ন জাহাজ ও বোটের নিদর্শন স্বরূপ অনেক দ্রব্য পাওয়া গিয়াছে। তাহাতেও অনুমান হয়, এক সময় এই পথে জাহাজাদি চলিত। এইরূপে গ্রামখানি যে বহুকালের নয় তাহার অনেক প্রমাণ পাওয়া যায়।

পূর্বপুরুষ শ্রীকৃষ্ণ উদগাতা। এইরূপ জনশ্রুতি প্রচলিত আছে যে, জাহাঙ্গীর বাদশার সময় যখন রাজা মানসিং যশোর নগর আক্রমণ করেন, তখন চন্দ্রকেতু দত্ত নামক এক জন সম্ভ্রান্ত কায়স্থ ভদ্রলোক সপরিবারে যশোর বিভাগ হইতে পলায়ন করিয়া ঐ চড়ার উপরিস্থিত গ্রাম হুন্দরবনের ভিতরে আসিয়া সপরিবারে বাস করিয়াছিলেন। তাঁহার সহিত তাঁহার যজ্ঞপুরোহিত ও কুলগুরু শ্রীকৃষ্ণ উদগাতা নামক এক ব্রাহ্মণ আসিয়া তাঁহারই প্রদত্ত এক সামান্য ভূমিখণ্ডে আপনার বাসস্থান নির্দেশ করেন। তিনিই আমাদের পূর্বপুরুষ। এই শ্রীকৃষ্ণ উদগাতা কে, এবং কোথা \*এখনো মজিলপুর ও জয়নগর এই উভয় গ্রামের মধ্যস্থিত ভূমিখণ্ডকে 'গঙ্গার বাদা' বলে এবং এখনো আমাদের গ্রামের সমুদয় পুঙ্খরিণীর জল পবিত্র গঙ্গাজল বলিয়া গণ্য হয়। এইকালের হস্তলিখিত কুলপঞ্জিকা।

চৈত্রকেতু দত্তের পরিবারগণ এখনো আছেন। তাঁহারা মজিলপুরের দত্ত বলিয়া প্রসিদ্ধ; এইকালের হস্তলিখিত কুলপঞ্জিকা।

হইতে আসিয়াছিলেন, তাহার সবিশেষ বিবরণ জানি না। যশোর হইতে আসিয়া-  
ছিলেন বলিলে মনে হইতে পারে তিনি পূর্বদেশের লোক, কিন্তু তাহা নহে। আমরা  
দাক্ষিণাত্য বৈদিক শ্রেণীর ব্রাহ্মণ বলিয়া প্রসিদ্ধ। বেদ হইতে বৈদিক নামের উৎপত্তি।  
তত্ত্ব উদগাতা উপাধিটিও বৈদিক সম্পর্ক স্মৃতি করিতেছে। বৈদিক ঋত্বিকগণের  
মধ্যে হোতা পোতা অধ্বর্যু ও উদগাতার উল্লেখ দেখা যায়। দাক্ষিণাত্যে তৈলঙ্গ ও  
দ্রাবিড় দেশে এখনও বৈদিক শব্দ এক শ্রেণীর ব্রাহ্মণের প্রতি প্রযুক্ত দেখা যায়।  
ঐহারা ধর্মের যজ্ঞ-যাজ্ঞন লইয়া থাকেন তাঁহারা বৈদিক, আর ঐহারা বিষয়-ব্যাপারে  
লিপ্ত হন তাঁহার ‘লৌকিক’। তদ্ব্যতীত এখনো সে সকল প্রদেশে অনেক স্থানে  
বৈদিক প্রণালীতে হোমাদি ক্রিয়াকাণ্ডের রীতি প্রচলিত দেখা যায়। তত্ত্ব একরূপ  
বহু বহু ব্রাহ্মণ আছেন, ঐহারা বেদগান, বেদমন্ত্রপাঠ ও হোমাদিরূপ বৈদিক  
কার্যের অন্তর্ধানাদিকে জীবনের প্রধান কার্য করিয়া রহিয়াছেন। চৈতন্যচরিতামৃত  
গ্রন্থে চৈতন্যদেবের দাক্ষিণাত্য ভ্রমণ উপলক্ষে গোদাবরী-তীরে বৈদিক ব্রাহ্মণগণের  
উল্লেখ দেখিতে পাই। যথা—

“বৈদিক ব্রাহ্মণ সব করেন বিচার—

এই সন্ন্যাসীর তেজ দেখি ব্রহ্মসম,

শূদ্রে আলিঙ্গিয়া কেন করেন ক্রন্দন।”

অতএব মনে হয় যে, হয় শ্রীকৃষ্ণ উদগাতা, না হয় তাঁহার পূর্বপুরুষগণ দাক্ষিণাত্য  
হইতে বঙ্গদেশে আগমন করিয়া থাকিবেন। আমাদের বংশে একরূপ প্রবাদ আছে যে  
ইহার পূর্বপুরুষগণ উড়িষ্যার অন্তর্গত যাজপুর হইতে আসিয়াছিলেন। উড়িষ্যাতে  
এখনও ‘ওতা’ নামে এক শ্রেণীর ব্রাহ্মণ দেখা যায়। এই ‘ওতা’ শব্দ হোতা কি  
উদগাতার অপভ্রংশ কি না বলিতে পারি না। শ্রীকৃষ্ণ উদগাতা হইতে আমি নবম  
পুরুষ পরে।

পিতা বংশের প্রথম রাজকর্মচারী। এই বংশের ব্রাহ্মণগণ মজিলপুর গ্রামের  
মধ্যভাগ ছাইয়া ফেলিয়াছেন। এই বাৎস-গোত্রীয় ব্রাহ্মণগণ আবহমান কাল কেবল  
যজ্ঞ-যাজ্ঞন অধ্যয়ন-অধ্যাপন কর্ষে রত থাকিয়া গৌরবাধিত দারিদ্র্যের মধ্যে বাস  
করিয়া আসিয়াছেন। যত দূর স্মরণ হয় এই বংশে আমার পিতা হরানন্দ ভট্টাচার্য  
বিজ্ঞানাগর মহাশয় সর্বাগ্রে ইংরাজ গবর্ণমেন্টের অধীনে পণ্ডিতীকর্ম লইয়া সকলের  
অপ্রিয় হইয়াছিলেন। তৎপূর্বে আমার জাতিবর্গের মধ্যে কেহ রাজসেবা করেন  
নাই।

প্রপিতামহ রামজয় ল্যায়ালকার। বিগত শতাব্দীর প্রথম ভাগে ও তৎপূর্ব  
শতাব্দীর শেষ ভাগে আমার স্ববংশীয় ব্রাহ্মণগণের মধ্যে এক সময়ে এই গ্রামে ১০১২

খানি টোল চতুষ্পাঠী ছিল। তন্মধ্যে আমার প্রপিতামহ স্বর্গীয় রামজয় স্ক্রায়ালকার মহাশয়ের একখানি। ইনি একশত তিন বৎসর বয়স পর্যন্ত জীবিত ছিলেন। ইঁহাকে আমি ১০।১২ বৎসর বয়স পর্যন্ত দেখিয়াছি। আমার বাণ্যজীবনের বর্ণনাপ্রসঙ্গে ইঁহার কথা বলিতে হইবে।

**পিতামহী লক্ষ্মীদেবী।** আমার পিতামহ মহাশয় স্বগ্রামেই কাষায়ন গোত্রীয় ব্রাহ্মণদিগের গৃহে বিবাহ করিয়াছিলেন। এই কাষায়ন বংশীয়গণ বড় অহংকৃত ও তেজস্বী মানুষ ছিলেন। আমার পিতামহীঠাকুরাণী লক্ষ্মীদেবী সেই বংশের কন্যা। তিনিও অতিশয় তেজস্বিনী নারী ছিলেন। আমাদের গৃহে এরূপ প্রবাদ আছে যে তাঁহার ঘরে একবার চোর ঢুকিয়া নিদ্রিতাবস্থায় তাঁহার কণ্ঠদেশ হইতে কণ্ঠভরণ হরণ করিবার চেষ্টা করিতেছিল, তিনি ঠাৎ জাগ্রত হইয়া এরূপ বলের সহিত চোরের হাত ধরিলেন যে তাঁহার হস্ত হইতে নিষ্কৃতি পাওয়া তার পক্ষে কঠিন হইয়া দাঁড়াইল। অনেক টানাটানির পর চোর কোনো মতে নিষ্কৃতি পাইল।

আর একটি গল্প ইঁহা অপেক্ষাও অধিক সাহস ও প্রত্যাৎপন্নমতিত্বের পরিচায়ক। সেটি এই। সেকালে আমাদের গ্রামে শীতকালে মধ্যে মধ্যে বাঘ দেখা দিত। গ্রামটি হৃন্দরবনের মধ্যেই বলিলে হয়। কয়েক ক্রোশের মধ্যে আকাট জঙ্গল ছিল। গ্রামের চতুষ্পাশ্বেও বন-জঙ্গল যথেষ্ট ছিল। সুতরাং বাঘের আসা কিছুই বিচিত্র ছিল না। এই কারণে এই নিয়ম প্রবর্তিত হইয়াছিল যে, এক শাখাভুক্ত চারি-পাঁচ পরিবার একত্র বাস করিয়া সমগ্র পাড়াটি এক বড় প্রাচীর দিয়া ঘিরিয়া রাখিত; সম্মুখের দ্বার এক, খিড়িকির দ্বার ভিন্ন ভিন্ন। এই বন্দোবস্তে কাজকর্ম চলিত। আমাদের কয়েক খর জ্ঞাতির সহিত আমাদের বাড়িটি এইরূপ এক প্রাচীরে আবদ্ধ ছিল। এক দিন শীতকালে সন্ধ্যার প্রাকালে আমার পিতামহ সায়াংসন্ধ্যা করিয়া খড়ম পায়ে উঠানে বেড়াইতেছেন, প্রপিতামহদেব সায়াংসন্ধ্যাতে নিমগ্ন আছেন, পিতামহীঠাকুরাণী রন্ধন-শালাতে পাককার্যে রত আছেন, এমন সময়ে পার্শ্বের প্রতিবেশীদের বাড়ি হইতে ‘বাঘ, বাঘ’ চীৎকার উঠিল। পিতামহ মহাশয় কৌতুহলাক্রান্ত হইয়া দেখিবার জন্য সেদিকে উকি মারিলেন, অমনি বাঘের সঙ্গে চোখাচোখি। তিনি চীৎকার করিয়া বলিলেন, “বাবা, সত্যি তো বাঘ, আমাকে নিলে যে!” প্রপিতামহ বলিলেন, “দাঁড়িয়ে থাক, পিছন ফিরিস না।” অমনি যিনি যেখানে যে কাজে ছিলেন, সকলেই আমার পিতামহের রন্ধার জন্য ছুটিয়া আসিলেন। পিতামহীঠাকুরাণী উনান হইতে এক জলন্ত কাঠ লইয়া বাঘের দিকে ধাবিত হইলেন। তিনিতে পাই, সেই প্রজ্বলিত অগ্নি দর্শনে বাঘ ভীত হইয়া যে দ্বার দিয়া প্রবেশ করিয়াছিল, সেই দ্বার দিয়া মহাবেগে বহির্গত হইয়া গেল। তখন

জানিতে পারা গেল, কোনো প্রতিবেশীর একটি নবাগতা বধু একটি খিড়কির দ্বার খুলিয়া রাখিয়া আসিয়াছিলেন, বাঘ তাহা দিয়াই প্রবেশ করিয়াছিল।

আমার পিতামহীর সমগ্র চরিত্র এই সাহস ও প্রত্যাশপন্থমতিত্বের অধরূপ ছিল। গ্রামেই বাপের বাড়ি, তাহাতে বাপেরা পদস্থ ও গর্বিত লোক, একজ্ঞ তাঁহার দোঁর্দও প্রতাপে পাড়ার লোক সশঙ্ক চিত্তে বাস করিত। আমার পিতা শ্রীযুক্ত হরানন্দ বিজ্ঞাসাগর তাঁহারই গভর্জাত পুত্র। তিনি স্বীয় জননীর ব্যক্তিত্ব ও প্রথর তেজস্বিতা প্রচুর পরিমাণে পাইয়াছিলেন।

পিতামহ রামকুমার ভট্টাচার্য। স্বর্গীয় রামকুমার ভট্টাচার্য আকৃতি ও প্রকৃতিতে পিতামহী হইতে সম্পূর্ণ বিভিন্ন ছিলেন। পিতামহী গোরাঙ্গী, তিনি শ্রামবর্ণ; পিতামহী অসহিষ্ণু, তিনি সহিষ্ণু; পিতামহী অন্ডায়ের গন্ধ পাইলেই অগ্নিমূর্তি ধারণ করিতেন, পিতামহ ঠাকুর অনেক অন্ডায় শান্ত ভাবে বহন করিতেন; এমন লোক ছিল না যে পিতামহীঠাকুরাণীকে অপমানের কথা শুনাইয়া দশ কথা না শুনিয়া যায়, পিতামহ মহাশয় অনেক অন্ডায় কথা ও ব্যবহার নির্বাক থাকিয়া সহ্য করিতেন, অপমানের সম্ভাবনা হইতে দূরে থাকিতেন; পিতামহীঠাকুরাণী নিজ গৃহের স্মৃতিস্মৃদ্ধি সর্বাঙ্গে বুঝিতেন, সেইদিকে প্রধান দৃষ্টি রাখিতেন, বাহিরের লোকের স্মৃতি দুঃখের দিকে ততটা মন দিতেন না; পিতামহের হৃদয়ের দ্বার বাহিরের লোকের জন্য সর্বদাই উন্মুক্ত ছিল। তিনি অতিশয় দয়ালু মানুষ ছিলেন।

বড় পিসীর মুখে নিম্নলিখিত গল্পটি শুনিয়াছি। একদিন বড়পিসী দোলাতে বসিয়া আছেন, এমন সময় পিতামহ ঠাকুর স্নান করিয়া আসিলেন। আসিয়াই সত্বর শয়ন ঘরে প্রবিষ্ট হইলেন। পিসী দেখিলেন, তিনি গামছাখানি পরিয়া আসিয়াছেন, পরিধেয় বস্ত্র নাই। তিনি জিজ্ঞাসা করিলেন, “বাবা! তোমার কাপড় কোথায় ফেলে এলে?” পিতামহ তাঁহাকে নিকটে ডাকিয়া চুপে চুপে বলিলেন, “চৈচিয়ো না মা! তোমার মা যেন টের পায় না, কাপড়খানা একজন গরীবকে দিয়ে এসেছি।” ইহাতে বুঝিতে পারা যাইতেছে, পিতামহ মহাশয়কে অনেক সময় পিতামহীঠাকুরাণীর ভয়ে লুকাইয়া দান করিতে হইত। আমার পিতাঠাকুর স্বীয় মাতার এই তেজস্বিতা ও নিজ পিতার এই সঙ্কটবৃত্তি উভয়ই পাইয়াছিলেন।

বঙ্গোপসাগরে সাইক্লোন। ১৮৩৩ খ্রীষ্টাব্দে কলিকাতার দক্ষিণে বঙ্গোপসাগরের উপকূলবর্তী প্রদেশে ভীষণ সাইক্লোন হয়। এই ঝড়ে সমুদ্রতরঙ্গ উঠিয়া আমাদের গ্রামের দক্ষিণবর্তী সমুদ্র প্রদেশকে প্রাবিত করে। সেই সময়ে হাজার হাজার লোক মারা যায়। তদনন্তর ওলাউঠা রোগ বঙ্গদেশে প্রথম দেখা দিয়া আরও সহস্র সহস্র

লোককে নিধন প্রাপ্ত করে। সেই ওলাউঠা রোগে দশদিনের মধ্যে আমার পিতামহ, প্রপিতামহী ও পিতামহী মারা পড়েন।

আমার পিতামহ ঠাকুর যখন গত হইলেন, তখন দুই পুত্র, দুই কন্যা পক্ষাতে রাখিয়া গেলেন। তন্মধ্যে বড়পিসী তখন বয়ঃপ্রাপ্তা অর্থাৎ ১৬। ১৭ বৎসরের মেয়ে, এবং তৎপূর্বেই সন্তানের মুখ দেখিয়াছেন। কাজেই তিনি তখন গৃহের কত্রী হইয়া বসিলেন। পিতামহাশয় এই সময় হইতে ঘরজামাই হইয়া, বড়পিসীর শাসনাধীনে থাকিয়া, আমাদের বাড়িতেই বাস ও সমুদয় বিষয়ের রক্ষণাবেক্ষণ করিতে লাগিলেন। আমার পিতার বয়ঃক্রম তখন ৬।৭ বৎসর। এইরূপে বৃদ্ধ প্রপিতামহ, পিসামহাশয় ও বড়পিসী, ছোটপিসী, কাকা, ও বড়পিসীর দুই সন্তান নইয়া সংসার চলিতে লাগিল।\*

আমার প্রপিতামহ রামজয় ন্যায়ালকার মহাশয় অধ্যাপক ছিলেন। তাহার আয়েই সংসার চলিত। তিনি ব্রাহ্মণ-পণ্ডিতের বৃত্তিকপে অনেক উপার্জন করিতেন। তিনি অনেক সময় কলিকাতাতে বাস করিতেন। সেখানে তিনি পটলডাঙ্গার প্রসিদ্ধ বাধানাথ মল্লিক মহাশয়দের পরিবারের কুলপুৰোহিত ছিলেন। দেশের কাজকর্ম দেখার ভার পিসামহাশয় ও বড়পিসীর উপর ছিল।

‘কুলসম্বন্ধ’ কুলীন বিবাহের প্রথা। ক্রমে আমার পিতার দশম কি একাদশ বৎসর বয়ঃক্রম ও সেই সঙ্গে বিবাহের কাল উপস্থিত হইল। দাক্ষিণাত্য বৈদিক কুলীনদিগের মধ্যে তখন কুলসম্বন্ধের প্রথা ছিল, এখন দিন দিন অস্ত্যহিত হইতেছে। কুলসম্বন্ধের অর্থ এই যে, কুলীন বৈদিকের ঘরে কন্যা জন্মিলেই দুই-এক মাসের মধ্যে সমশ্রেণীর কোনো শিশু বালকের সহিত তাহার বিবাহ সম্বন্ধ স্থির করিয়া রাখা হইত। তৎপরে কন্যা আট-নয় বৎসরের হইলেই বিবাহক্রিয়া সম্পন্ন করা হইত। যদি বিবাহের পূর্বে বাগ্‌দস্ত বরের মৃত্যু হইত, তাহা হইলে কন্যা ‘অন্তপূর্বা’ নাম পাইত। তৎপরে আর তাহার কুলীন বরের সহিত বিবাহ হওয়ার সম্ভাবনা থাকিত না, মৌলিক বরের সহিত বিবাহ হইত। আমার দুই পিসী, এইরূপে ‘অন্তপূর্বা’ হইয়া মৌলিক বরের সহিত বিবাহিত হইয়াছিলেন। এই প্রথাহুসারে আমার পিতার ছয় কি সাত মাল বয়সের সময়, কলিকাতার ছয় ক্রোশ দক্ষিণ-পূর্ববর্তী চাঞ্চড়িপোতা গ্রামের চরচন্দ্র ভায়বদ্র মহাশয়ের একমাস-বয়স্কা প্রথম কন্যার সহিত কুলসম্বন্ধ করিয়া রাখা

\*পিতামহ-পিতামহীর মৃত্যু হইলে, বৃদ্ধ প্রপিতামহ, আমার জ্যেষ্ঠ পিতৃশ্রম আনন্দবরী বা বিল্লী, কনিষ্ঠা পিতৃশ্রম গণেশজননী, আমার পিতা, ও আমার পিতৃব্য রামতারণ, এই কয়জন সংসারে থাকেন। বড়পিসীর স্বর্গীয় গোপালচন্দ্র চন্দ্রবর্তীর সহিত বিবাহ হয়।... পিসামহাশয় দত্তবাড়ীতে পূজারী ব্রাহ্মণ ছিলেন। কয়েক বৎসর মধ্যে আমার পিতৃব্য রামতারণ ভট্টাচার্যের মৃত্যু হয়।—গ্রন্থকারের হস্তলিখিত কুলপঞ্জিকা।

হইয়াছিল। তদনুসারে দশম কি একাদশ বৎসর বয়সে আমার পিতার বিবাহ হইল। মাতামহ হরচন্দ্র শ্রায়বস্ত্র। আমার মাতামহ হরচন্দ্র শ্রায়বস্ত্র মহাশয় একজন সুবিজ্ঞ, সংস্কৃতজ্ঞ পণ্ডিত ও অধ্যাপক ছিলেন। কলিকাতা কান্টারিপাড়াতে তাঁহার টোল চতুষ্পাঠী ছিল। তাঁহার জ্যেষ্ঠ পুত্র সুবিখ্যাত সোমপ্রকাশ-সম্পাদক স্বারকানাথ বিজ্ঞাভূষণ মহাশয় বঙ্গ-সহিত্য-জগতে চিরদিনের জন্য প্রসিদ্ধি লাভ করিয়াছেন। আমার মাতামহ কবির ঈশ্বরচন্দ্র গুপ্তের প্রতিষ্ঠিত ‘প্রভাকর’ নামক পত্রিকা সম্পাদনে তাঁহার সাহায্য করিতেন। তিনি উত্তর কালে মহাত্মা ডেভিড হেয়ারের প্রতিষ্ঠিত বাংলা পাঠশালাতে পণ্ডিতী কর্ম লইয়াছিলেন, এবং আমার বড়মামা সংস্কৃত কলেজ হইতে উত্তীর্ণ হইয়া সেই কলেজেই কর্ম পাইলে, মাতামহ মহাশয় মিতব্যয়িতার গুণে কিঞ্চিৎ অর্থ সঞ্চয় করিয়া পৈতৃক ভিটা হইতে উঠিয়া স্বগ্রামেই একটি দোতারা পাকা বাড়ি নির্মাণ করিয়াছিলেন। ব্রাহ্মণ পণ্ডিতের পক্ষে ইহা এক নূতন ব্যাপার বলিয়া ঐ দোতারা বাড়ি প্রতিবেশীবর্গের অনেকের চক্ষের শূল-স্বরূপ হইয়া বহুদিন ধরিয়া আমার মাতুল পরিবারের ঘোর অশান্তির কারণ হইয়াছিল। তাহা দ্বিতীয় পরিচ্ছেদে বর্ণনা করিব।

মাতামহ মহাশয়কে আমার বেশ স্মরণ হয়। আমার ২১০ বৎসরের সময় তিনি দাক্ষিণ উরুস্তান্ত্র বোগে গতাস্থ হন। তিনি উজ্জল শ্রামবর্ণ, প্রসন্নমুর্তি, দীর্ঘাকৃতি পুরুষ ছিলেন। আমাকে ‘শিবরাম’ বলিয়া ডাকিতেন। গৃহস্থালী বিষয়ে পরিপক্বতা তাঁহার প্রধান গুণ ছিল। আমার মাতুলালয়ে সষৎসরের চাল-ডাল প্রভৃতি গৃহস্থের প্রয়োজনীয় তাবৎ দ্রব্য এরূপ সঞ্চিত থাকিত যে, হঠাৎ কোন দিন দশ-পনরোজন অতিথি উপস্থিত হইলে, তাহাদিগকে দুই ঘণ্টার মধ্যে পরিতোষ পূর্বক আহ্বার করানো মাহামহীঠাকুরাণীর পক্ষে কিছুই ক্লেশকর হইত না। মাতামহের মিতব্যয়িতা ও পাকা গৃহস্থালীর একটি দৃষ্টান্ত দিতেছি। আমার বড়মামা স্বারকানাথ বিজ্ঞাভূষণ মহাশয়ের প্রথম পুত্র উপেন্দ্রনাথের শৈশব কালে হঁকা কলিকা হাতে লইয়া বেড়াইবার বাতক ছিল। একটা হঁকা ও কলিকা না পাইলে কাঁদিয়া ঘর ফাটাইত, রাতে তাহার শয্যার পার্শ্বে হঁকা কলিকা রাখিতে হইত, রাত্রি দুই প্রহরের সময় জাগিলে হঁকা হঁকা করিয়া কাঁদিত। সুতরাং তাহার জন্য হঁকা ও কলিকা সর্বদাই রাখিতে হইত। হঁকা তো বড় একটা ভাঙিতে পারিত না, কলিকা-গুলি দিনে ২৩ বার ভাঙিত। মাতামহ মহাশয় প্রতি শনিবার কলিকাতা হইতে গৃহে আসিতেন, আসিয়া রবিবার গৃহস্থালীর জিনিস গুছাইতেন। একবার আসিয়া রবিবার কয়েক ঘণ্টা বলিয়া মাটি দিয়া এক খোড়া কলিকা গড়িয়া খড়ের আগুনে পোড়াইয়া রাখিয়া গেলেন; অভিপ্রায় এই, উপেন যত পারে কলিকা ভাঙুক। তখন

এক পরস্পরে বোধ হয় আটটা কলিকা পাওয়া যাইত, সে বায়টুকুও বাঁচাইবার দিকে তাঁহার এত দৃষ্টি পড়িল।

**দোলদার ছকড়-গাড়ি।** পূর্বেই বলিয়াছি চাকড়িপোতা গ্রাম কলিকাতার ছয় কোশ দক্ষিণ-পূর্ব কোণে প্রতিষ্ঠিত। সেকালে এক প্রকার দোলদার ছকড়-গাড়ি ছিল, তাহা চাকড়িপোতার সম্মিলিত রাজপুর গ্রাম হইতে কলিকাতায় আসিত। কুঠাওয়ালা বাবুরা ও অপেক্ষাকৃত পদস্থ ব্যক্তিরা প্রতি সোমবার সেই দোলদার ছকড়-গাড়ি চড়িয়া কলিকাতায় আসিতেন ও শনিবার কলিকাতার ধর্মতলা হইতে ঐ গাড়ি চড়িয়া বাড়ি যাইতেন। আমার মাতামহের অবস্থা নিতান্ত মন্দ ছিল না, কিন্তু তাঁহাকে কেহ কখনো গাড়িতে দেখিতে পাইত না। তিনি সর্বদাই শনিবার পদব্রজে কলিকাতা হইতে বাড়িতে যাইতেন, এবং সোমবার পদব্রজেই কলিকাতায় ফিরিতেন; বড়মামাও সেইরূপ করিতেন। আমি ৮ বৎসরের সময় কলিকাতায় আসিলে, আমিও তাঁহাদের সঙ্গে পদব্রজে যাতায়াত করিতাম।

এই সকল কারণে লোকে রূপণ বলিয়া আমার মাতামহের অখ্যাতি করিত; কিন্তু আমি কলিকাতায় তাঁহার বাসাতে আসিয়া দেখিয়াছি, তিন জামাতা ছাড়া স্বসম্পর্কীয় প্রায় ৮০ জন যুবক তাঁহার মন্ড্রে প্রতিপালিত হইতেছে। যাহা হউক, তিনি যে অতিশয় হিন্দাবী ও মিতব্যয়ী লোক ছিলেন তাহতে সন্দেহ নাই। আমার মাতা-ঠাকুরাণী গোলোকমণি দেবী স্বীয় পিতার গৃহস্থালীর ব্যবস্থা ও মিতব্যয়িতা পাইয়াছিলেন।

**মাতামহী।** আমার মাতামহীঠাকুরাণী আকৃতি ও প্রকৃতিতে মাতামহ হইতে বিভিন্ন ছিলেন। মাতামহ সষৎসরের চাল-ডাল গোলাতে সঞ্চয় করিতেন, মাতামহী দরিদ্রা জীলোকদিগকে গোপনে ডাকিয়া সেই চাল-ডাল অঞ্চল ভরিয়া দান করিতেন; টাকা-কড়ি সর্বদা ছুই হাতে দান করিতেন। এজন্য তাঁহার পতি বা পুত্র তাঁহার হস্তে সংসারের টাকা রাখিতেন না, আপনাদের নিকট রাখিতেন। কিন্তু মাতামহীর নিজ ব্যয় বলিয়া তাঁহার হস্তে যাহা দেওয়া হইত, তাহা হইতেই দান-ধ্যান চলিত।

এই স্থানে মাতামহীঠাকুরাণীর সদাশয়তার কয়েকটি নিদর্শন দেখাই। আমার পিতা আমাকে কলিকাতায় রাখিয়া গেলে সময় সময় আমার ভয়ানক অর্থাভাব হইত, তখন অনন্যোপায় হইয়া আমি মাতুলালয়ে যাইতাম। মায়ীদিগকে আমার অভাব জনাইতে সাহস করিতাম না। মাতামহীঠাকুরাণী আমাকে এত ভালোবাসিতেন যে আমি মাতুলালয়ে গেলে, রাতে আমাকে স্বীয় শয্যাতে লইয়া গলা জড়াইয়া শুইতে ভালোবাসিতেন। এই নিয়মে তিনি আমাকে অনেক বৎসর পর্যন্ত কাছে রাখিয়া-ছিলেন। তিনি কিরূপ ঘেহে আমাকে নিজ বাহ পাশে রাখিতেন তাহা স্বরণ



করিলে এখনো চক্ষে জল আসে। যাহা হউক, যে জন্য এ বিষয়টা উল্লেখ করিতেছি তাহা এই—মাতামহী আমাকে নিজের কাছে লইয়া শয়ন করিলে আমি বাস্ত্রে তাঁহার কানে কানে আমার দারিদ্র্যের কথা বলিতাম। তিনি গোপনে আমার কাপড়ের খুঁটে তাঁহার নিজ ব্যয়ের টাকা হইতে হয়তো দুইটি বা চারিটি টাকা বাধিয়া দিতেন, বলিতেন, “এ কথা কারুকে বল না, টাকার কষ্ট হলেই আমার কাছে এস।” এখন স্বপ্ন করিয়া লজ্জা হয়, কি স্বার্থপরতার কাজই করিতাম।

আমার মাতামহীঠাকুরাণী বড় ধর্মভীরু মানুষ ছিলেন। উপহাসচ্ছলেও যদি কাহাকেও কিছু দিব বলিয়া মুখ দিয়া কথা বাত্বির করিতেন, তাহা হইলে তাহা না দিয়া প্রসন্নমনে থাকিতে পারিতেন না, তাহা দিতেই হইত। দুই একটি দৃষ্টান্ত দিতেছি। একবার বন্ধনশালার জন্য একটি বড় ঘটি কেনা হইল। ঘটিটি এত বড় যে জলস্ফন্দ নাড়াচাড়া করিতে মেয়েদের কষ্ট হয়। মাতামহী একবার জলসমেত ঘটিটি তুলিতে গিয়া বলিয়া উঠিলেন, “বাবা রে! এ ঘটির এক ঘটি জল যদি কেউ এক বারে খেতে পারে, তবে তাকে এক টাকা দিই।” অমনি জ্ঞাতিবর্গের মধ্যে এক পরিবারের একটি ছেলে ছুটিয়া গিয়া ঘটিটি লইয়া জলপান করিতে বসিয়া গেল। মাতামহী ভয় পাইয়া তাহার হাত ধরিয়া বলিতে লাগিলেন, “ওরে, তুই অত জল খাসনি, আমি টাকা দিব বলিছি, দিবই।” এই বলিয়া একটি টাকা আনিয়া তাহার হাতে দিলেন। আর একবার একদিন গ্রীষ্মকালে ভয়ানক রৌদ্রে উঠান তাতিয়া অগ্নি-সমান হইয়াছে। এমন সময় মাতামহীঠাকুরাণীর একবার গোলাতে যাওয়ার আবশ্যক হইল। উঠানে পা দিয়াই বলিয়াই উঠিলেন, “বাবা রে! যেন আগুন, এ উঠানে যদি কেউ ছুদণ্ড বসতে পারে, তবে তাকে দুটাকা দিই।” অমনি একজন যুবক প্রস্তুত! সে লক্ষ দিয়া সেই তপ্ত উঠানের মধ্যে গিয়া বসিল। মাতামহী একেবারে অস্থির হইয়া উঠিলেন, “ওরে তুই উঠে আয়, আমি দুটাকা দিচ্ছি,” বলিয়া তাহাকে দুই টাকা দিলেন।

বাস্তবিক তাঁহার মতো কোমলহৃদয়া, দয়াশীলা, স্বজনবৎসলা, উদারপ্রকৃতি, সত্যপরায়ণা নারী অল্পই দেখিয়াছি। আমার বড়মামা দ্বারকানাথ বিজ্ঞানভূষণ মহাশয় ধর্মভীরুতার জন্য প্রসিদ্ধ ছিলেন। ধর্মভীরুতা তিনি জননী হইতে পাইয়াছিলেন।

মাতামহীর বুদ্ধাবস্থা আমার দুই মামী যখন ঘরকন্নার ভার লইলেন ও তাহাকে সংসারে খুঁটিনাটি হইতে নিষ্কৃতি দিলেন, তখন ধর্মচিন্তা, দরিদ্রের সেবা ও গৃহস্থ শিশুগণের পালন তাঁহার প্রধান কাজ দাঁড়াইল। তিনি প্রতিদিন প্রাতে প্রায় অধিক্রোশ পথ ইটিয়া গঙ্গাস্নান করিতে যাইতেন, এবং স্নানান্তে ফিরিবার সময় পথের দুই পথে পরিচিত দরিদ্র পরিবারদিগকে দোঁখিয়া আসিতেন। এটি তাঁহার নিত্য

ব্রতের মধ্যে হইয়াছিল। এজন্য তিনি নিজ ব্যয়ের টাকা হইতে কয়েক আনা পরশা সঙ্গে লইতেন, এবং গৃহে ফিরিবার সময় বাড়িতে বাড়িতে প্রবেশ করিয়া আবশ্যক মতো কিছু কিছু সাহায্য করিতেন, এবং নিজের সাংঘ্যে না কুলাইলে, পুত্রদিগকে অহরোধ করিয়া কিছু কিছু সাহায্য করাইয়া দিতেন।

তাহার সহৃদয়তার দৃষ্টান্তস্বরূপ একটি কথা স্মরণ হইতেছে। একবার আমি পদব্রজে স্বীয় বাসগ্রাম হইতে কলিকাতায় আসিতেছিলাম। পথিমধ্যে মাতুলালয়ে একবেলা থাকিয়া আসিব এইরূপ সঙ্কল্প ছিল, কিন্তু অগ্রে তথায় সংবাদ দিই নাই। গ্রাম হইতে অতি প্রত্যুষে বাহির হইয়াছিলাম, মাতুলালয়ে পৌঁছিতে প্রায় দ্বিপ্রহর হইয়া যাইবে। পথিমধ্যে একজন হীনজাতীয় লোক আমার সঙ্গ লইল। সে ব্যক্তি সর্বপ্রথম কলিকাতায় আসিতেছে। সে যখন শুনিল যে আমি শহরে আসিতেছি তখন ব্যগ্রতা সহকারে তাহাকে সঙ্গে লইতে অহরোধ করিতে লাগিল। আমি জানিতাম, বিনা সংবাদে অসময়ে মাতুলালয়ে পৌঁছিব, হয়তো মামীদিগকে আবাত পাক করাইতে হইবে, সেই ভয়ে প্রথমে ইতস্তত করিলাম, কিন্তু তাহার ব্যগ্রতাতিশয় দেখিয়া চক্ষুলজ্জাবশত ‘না’ বলিতে পারিলাম না। দুইজনে দ্বিপ্রহরের সময় মাতুলালয়ে আসিয়া উপস্থিত হইলাম। মামীরা তখন আহারে বসিয়াছেন, মাতামহী-ঠাকুরাণী বসিতে যাইতেছেন, তখনও ভাতে হাত দেন নাই। আমার গলার স্বর শুনিয়া বাহিরে আসিলেন। আমি তাঁহাকে চুপে চুপে বলিলাম, একটি অন্তজাতীয় লোক পথ হইতে আমার সঙ্গ লইয়াছে। সে কলিকাতায় কখনো যায় নাই, আমার সঙ্গে যাইবে। তিনি বলিলেন, “বেশ তো, তুই শিগ্গির নেয়ে এসে মামীদের পাতে বসে যা। আমার ভাত ঐ লোকটি থাক, আমি আমার ভাত চড়িয়ে দিচ্ছি, পরে খাব।” এ প্রকার বন্দোবস্তটা আমার ভালো লাগিল না। একবার বলিলাম, “তোমার ভাত ওকে কেন দেবে, যে ভাত চড়াবে, তাই ওকে দিযো, তোমার ভাত তুমি খাও।” তিনি বলিলেন, “আহা! বেচারী পথ চলে ক্লান্ত হয়ে এসেছে, ও বসে থাকবে আর আমরা খাব, তা কি হয়? যা যা তুই নেয়ে আয়। তাহার ভ্রাতা আমাকে আর ভাবিতে-চিন্তিতে সময় দিল না, তাড়াতাড়ি স্নান করিয়া আসিয়া মামীদের পাতে বসিয়া গেলাম। মাতামহী সেই লোকটির হাতে ভেল দিয়া বলিলেন, “বাবা! তুমিও নেয়ে এসো, আসবার সময় আমাদের বাগান থেকে কলাপাতা কেটে এনো।”

তাহার পরে মাতামহীঠাকুরাণী যখন উঠানের পাশে ঢেঁকিশালার দাবা খাঁট দিয়া নিজের ভাতগুলি তুলিয়া তাহাকে দিতে গেলেন, তখন মামীদের সঙ্গে বিবাদ উপস্থিত হইল। তাহার বাগাবাগি করিতে লাগিলেন। দিদিমা আমাকে যাহা

বলিয়াছিলেন, তাহাই তাঁহাদিগকে বলিয়া নিজের ভাতগুলি ঐ ব্যক্তিকে ধরিয়া দিলেন। আমি আহারান্তে আচমন করিয়া আসিয়া দেখি সে ব্যক্তি আহারে বসিয়াছে, দিদিমা অদূরে দাঁড়াইয়া দেখিতেছেন, এবং “বাবা, ওটা খাও, ওটা খাও,” বলিতেছেন; যেন তাহার প্রত্যেক গ্রাসে তাহার সম্ভোগ হইতেছে। সে ব্যক্তি আহারান্তে আসিয়া গলবস্ত্র হইয়া আমার মাতামহীর চরণে প্রণিপাত করিয়া বলিল, “মা অনেক বামনের মেয়ে দেখছি, তোমার মতো বামনের মেয়ে দেখিনি।”

ঠিক কথা! আমার মাতামহীর ন্যায় ব্রাহ্মণকন্যা বিরল। বলিতে কি, তাঁহাকে আমি যখন স্মরণ করি, আমার হৃদয় পবিত্র ও উন্নত হয়, এবং এ কথা আমি মুক্ত-কণ্ঠে বলিতে পারি যে, আমাতে যে কিছু ভাল আছে, তাহার অনেক অংশ তাঁহাকে দেখিয়া পাইয়াছি।

### জন্ম ও শৈশব : মজিলপুরে বাস

মাঘ-প্রতিপদে জন্ম। এই মাতামহীর ক্রোড়ে, মাতুলালয়ে, বাংলা ১২৫৩ সাল ১২শে মাঘ ইংরাজী ১৮৪০ সাল ৩১ জানুয়ারী, রবিবার, আমার জন্ম হইল। আমার জন্মকালের বিব। যাহা শুনিয়াছি, লিখিতেছি। সায়ংকালে যখন আমি ভূমিষ্ঠ হইলাম তখন সবে পূর্ণিমা গিয়া প্রতিপদের সন্ধ্যার হইতেছে। সেদিন আমার মাতামহ বাড়িতে আছেন। কন্ডার পুত্রসন্তান ভূমিষ্ঠ হইয়াছে শ্রবণমাত্র তিনি তাঁহার এক দৈবজ্ঞ জ্ঞাতিবন্ধুর ভবনে ধাবিত হইলেন। গৃহস্থ রমণীগণের শঙ্কস্বনিত পড়ি কঁপিয়া যাইতে লাগিল। ওদিকে গ্রামে সংবাদ ছড়াইয়া পড়িল যে, নায়কত্বের দৌহিত্র জন্মিয়াছে। মাতুলগৃহে সেই প্রথম শিশুবালকের আবির্ভাব। আমি ভূমিষ্ঠ হইয়াই মাতামহী ও তাঁহার জননী, দুই মামী, দুই মাসী (আর এক মাসী তখনো শিশু) ও গৃহস্থ অপর দুই-একজন বিধবা, ইহাদের আদর ও অভ্যর্থনার ধন হইলাম। পরদিন রজনী প্রভাত হইতে না হইতেই দলে দলে বাজনার্দার আসিয়া বাড়ি আক্রমণ করিতে লাগিল। পরদিন প্রাতে মাতামহ মহাশয় কলিকাতায় গেলেন। শনিবার তাহার ফিবিয়া না আসা পর্যন্ত সাতদিন দলে দলে বাজনার্দার আসিয়া বাড়ি মাধায় করিয়া তুলিল।

শনিবার মাতামহ ঠাকুর ও বড়মামা কলিকাতা হইতে আসিলেন। বাবা তখন সংস্কৃত কলেজের ছাত্র, তিনি বোধ হয় লজ্জাতে তাঁহাদের সঙ্গে আসেন নাই। কিছু

দিন পরে আসিয়াছিলেন। বড়মামা রবিবার প্রাতে স্মৃতিকাগৃহের দ্বারে দাঁড়াইয়া মোহর দিয়া ভাগিনার মুখ দেখিলেন। জননীর মুখে শুনিয়াছি, আমার মামা আমার মাথা ও কপাল দেখিয়া বলিয়াছিলেন, “আমার এই ভাগিনা বড়লোক হবে।”

ক্রমে স্মৃতিকাগৃহ হইতে বাহির হইয়া আমি মাতামহী, মামী ও মাসীদের কোলে বাড়িতে লাগিলাম। বিশেষত আমার মেজমাসী এক দণ্ড আমাকে কোল হইতে নামাইতেন না।

কিন্তু আমি পৃথিবীতে পদার্পণ করিবামাত্র মাতুলগৃহে ঘোর বিপ্লব উপস্থিত হইল। পূর্বেই বলিয়াছি, আমার মাতামহ মহাশয় স্বীয় অবস্থার উন্নতি করিয়া পৈতৃক ভিটা পরিত্যাগ পূর্বক, তাহার নাতিদূরে একটি দ্বিতল পাকা বাড়ি নির্মাণ করিয়াছিলেন। ব্রাহ্মণপণ্ডিতের ঐ দ্বিতল বাড়িটি পাড়ার লোকের চক্ষুশূল হইল। একথণ্ড পতিত জমি ক্রয় করিয়া সেই জমির উপরে ঐ বাড়িটি নির্মিত হইয়াছিল। কিন্তু ভূমিখণ্ড বহুদিন পতিত অবস্থাতে থাকিতে তাহার উপর দিয়া লোকের যাতায়াতের পথ হইয়া গিয়াছিল। বহু বহু বৎসর ধরিয়া লোকে সেই পথ দিয়া যাতায়াত করিত। কিন্তু মাতামহ যখন তাহা ক্রয় করিয়া, প্রাচীরের দ্বারা আবদ্ধ করিয়া, তদুপরি গৃহনির্মাণ করিতে প্রয়াস হইলেন, তখন তাহা লইয়া বিবাদ ও বিষম দলাদলি ও তাহার ফলস্বরূপ মামলা মোকদ্দমা উপস্থিত হইল। তখন প্রতিবেশীগণ আমার মাতুল-পরিবারের প্রতি এরূপ উপদ্রব আরম্ভ করিল যে, তাহার। বাধ্য হইয়া গ্রাম পরিত্যাগ করিয়া কলিকাতায় আসিয়া বাস করিতে বাধ্য হইলেন। সেই সূত্রে আমার ছয় মাস বয়সে জননী আমাকে লইয়া আমাদের বাসগ্রাম মজিলপুরের বাটিতে গেলেন।

আমার প্রপিতামহ তখন সকল কর্ম হইতে অবসৃত হইয়া গৃহে আসিয়া বসিয়াছেন; চক্ষে দেখেন না, কানে শোনে না। তিনি আমাকে পাইয়া “আমার বংশধর আসিয়াছে” বলিয়া মহা আনন্দিত হইলেন, এবং আমাকে ‘বাবা বাবা’ করিয়া ডাকিতে লাগিলেন।

শৈশবে অশান্তি। আমার এতটা অভিযর্থনা আমার বড়পিসীর সহ্য হইল না। কয়েক বৎসর পূর্বে আমার কাকার মৃত্যু হওয়ার পর, ও ছোটপিসী স্বস্তরালয়ে যাওয়ার পর, তিনি নিজ পুত্রকন্তাগণকে লইয়া গৃহের কর্ত্রী হইয়া বসিয়াছিলেন। সে ভিটা যে তাঁহাকে কোন দিন পরিত্যাগ করিতে হইবে, তাহা বোধ হয় স্বপ্নেও জানিতেন না। গৃহকর্তা স্বীয় পিতামহের হাতে নূতন বংশধরের এই আদর দেখিয়া তাঁহার আর এক চিন্তার উদয় হইল। তিনি বুঝিলেন, তিনি এতদিন ভিতরে থাকিয়াও বাহিরে রহিয়াছেন।

হাঁহর পর হইতে আমার মাতার প্রতি তাঁহার দারুণ বিরুদ্ধ ভাব জন্মিল এবং নন্দে ও ভাজে মন-কষাকষি আরম্ভ হইল। তাহার ফলস্বরূপ আমার মা আমাকে দেখিতেন না। মনের রাগে প্রভাত হইতে বেলা দ্বিপ্রহর পর্যন্ত অনাহারে রান্নাঘরে সংসারের কাজে নিমগ্ন থাকিতেন, আমি চোঁচাইয়া মরিয়া যাইতাম, একবার কিরিয়া চাহিতেন না। বড় কাঁদিলে আমার পিসতুতো বোনেরা কোলে করিয়া রান্নাঘরে লইয়া গিয়া উমানের নিকট হইতে স্তন্যপান করাইয়া আনিত। কিন্তু রাগের দুধ খাইয়া আমার ঘোর উদরাময় জন্মিল; যেমন দুধ পান করিতাম, তেমন দুধ বাহির হইয়া যাইত। অল্পদিনের মধ্যে রাগে ও অনাহারে মায়ে বকের দুধ শুকাইয়া গেল। তখন আমার জীবন সঙ্কট উপস্থিত। রক্তভেদ ও রক্তবমন আরম্ভ হইল। তখন মা'র চক্ষু স্থির হইল। তিনি সমস্ত দিন সংসারের কাজে থাকিতেন, সমস্ত রাত্রি আমাকে কোলে করিয়া বসিয়া কাঁদিতেন, এবং মধ্যে মধ্যে আমার মুখে জল দিতেন। এই অবস্থাতে একদিন আমার পিসীর অল্পপস্থিতি কালে আমার মা আমার প্রপিতামহের ক্রোড়ে আমাকে শোয়াইয়া তাঁহার কানে চীৎকার করিয়া বলিলেন, “আমার দুধ শুকিয়ে গিয়েছে, তোমার বাবা না খেতে পেয়ে মরে।” এই এই কথা শুনিয়া তিনি নিজের গালে মুখে চড়াইতে লাগিলেন, এবং এই সংবাদ তাঁহাকে কেহ দেয় নাই বলিয়া আমার পিসামহাশয় ও পিসীমাকে গালাগালি দিতে লাগিলেন; এবং পিসামহাশয় অঙ্গুলি হুকুম দিলেন, “আমার বাবার জন্ত যত দুধ লাগে রোজ করে দাও।” আমার জন্ত দুধের রোজ হইল। তদবধি প্রপিতামহ কিছু সতক হইয়া কান পাতিয়া থাকিতেন। ছোট ছেলের কান্না একটু কানে গেলেই “বাবা কেন কাঁদে” বলিয়া চীৎকার করিতেন, আর বড়পিসী রাগিয়া যাইতেন।

আমার জন্য দুধের রোজ হইল বটে কিন্তু তখন উদর ভাঙ্গিয়াছে, ছেলে আর বাঁচানো যায় না। আমার শরীর অস্থিচর্মসার হইল। তখনকার অবস্থা এই বলিলেই যথেষ্ট হইবে যে, আমার পাছা ছিল না যে পাছা পাতিয়া বসি; যখন বসিতে শিখিলাম তখন পিঠের দাঁড়ার উপর বসিতাম। সেই যে আমার হাত পা ছিনা পড়িয়া গেল, সেই হিনা-পড়া এখনো রহিয়াছে।

দারুণ উদরভঙ্গের উপরে রসতড়কা রোগ দেখা দিল। মধ্যে মধ্যে সমুদয় গা গরম হইয়া হাত পা খেঁচিতাম ও অজ্ঞান হইয়া যাইতাম। মা আমাকে বুকে ধরিয়া ‘ছেলে গেল’ বলিয়া চীৎকার করিয়া কাঁদিতেন। মায়ে মুখে শুনিয়াছি, এই রোগ প্রায় ৭৮ বৎসর বয়স পর্যন্ত ছিল, ডুব দিয়া নাইতে শিখিলে সারিয়া যায়। আমার আকার ও মূর্তি তখন এ প্রকার হইয়াছিল যে, আমাকে রাখা ও আমার সেবা করা একমাত্র জননী ভিন্ন আর কাহারও সাধ্য ছিল না।

যাহা হউক, আমার পিসীমা আমার প্রপিতামহের তিরস্কার খাইয়া খাইয়া বুঝিতে পারিলেন যে আমাদের ভিটাতে আর তাঁহার থাকি হইতেছে না। পিসামহাশয় আমাদের বাড়ির সম্মুখেই কিছু জমি লইয়া একটি বসতবাটা নির্মাণ করিলেন। পিসীমা সপরিবারে সেখানে উঠিয়া গেলেন। আমার বয়স তখন দুই কি আড়াই বৎসর হইবে।

বড়পিসী উঠিয়া গেলে গৃহে শান্তি হইল বটে কিন্তু আমার মা'র আর এক প্রকার সংগ্রাম উপস্থিত হইল। একমাত্র দানী সহায় করিয়া সেই বৃদ্ধ দাদাশয়র ও শিশুপুত্রের রক্ষণাবেক্ষণে নিযুক্ত হইতে হইল। একলা ঘরে একলা স্ত্রীলোক পাইয়া চোরে বড় উপদ্রব আরম্ভ করিল। কয়েকবার সিঁদ হইল। এক রাত্রে এক খরে পাঁচ জায়গায় সিঁদ ফুটাইয়াছিল।

**আমার মা।** একদিকে চোরের উপদ্রব, অপর দিকে দুই লোকের উপদ্রব। বাবা তখন কলিকাতায় আমার মাতামহের বাসায় থাকিয়া সংস্কৃত কলেজে পড়িতেছেন। সুতরাং আমার মাকে বৎসরের অধিকাংশ কাল শশক চিতে একাকিনী থাকিতে হইত, এবং আত্মরক্ষার জন্য অনেক সময় উগ্রমুর্তি ধারণ করিতে হইত। সেই অবশি মায়ে এমন একটা আত্মমর্যাদাজ্ঞান জন্মিয়াছিল যে, তাঁহার মর্যাদার অণুমাত্র লঙ্ঘন হইলে, তাহা সহ্য করিতে পারিতেন না; লঙ্ঘনকারীকে জানিতে দিতেন যে, ঐ স্ত্রীলোকটির ভিতরে স্নেহের বারিধারার ন্যায় আগ্নেয়গিরির অগ্নিও আছে।

আমার মাতার আত্মমর্যাদাজ্ঞানের দৃষ্টান্ত স্বরূপ দুইটি ঘটনার উল্লেখ করিতেছি। একটি আমার শৈশবে ঘটিয়াছিল, অপরটি বহু বৎসর পরে। প্রথম ঘটনাটি এই : পাঁচ বৎসর বয়স হইলেই মা আমাকে গ্রামের একটি পাঠশালা দিলেন। বহুপাড়ায় বহুদের বাড়িতে এক বধমেনে গুরুর পাঠশালা ছিল, তাহাতে আমাকে ভর্তি করা হইল। আমি তাৎপাতে লিখিতে আরম্ভ করিয়াই দিন দিন সমপাঠী বালকদিগের অপেক্ষা উন্নতি দেখাইতে লাগিলাম। ইহার কারণ এই, আমার মা সে সময়কার তুলনাতে অনেক লেখাপড়া জানিতেন। আমার বাবা কলিকাতা সংস্কৃত কলেজের ছাত্র এবং বিজ্ঞানাগর মহাশয় ও মদনমোহন তর্কালঙ্কার মহাশয়ের প্রিয় শিষ্য ছিলেন। তাঁহার মত-সত একটু উদার ছিল, তিনি আমার মাকে লেখাপড়া শিখাইয়াছিলেন। মা প্রায় প্রতিদিন দুপুরবেলা রামায়ণ পড়িতেন। দুপুরবেলা তিনি নিজে পড়িতেন ও আমাকে পড়িতে ও লিখিতে শিখাইতেন। সেইজন্য আমি পাঠশালাে অপরাপর বালকের অপেক্ষা গ্রন্থিক উন্নতি দেখাইতে লাগিলাম। ইহাতে গুরুমহাশয়ের কিছু অশ্রদ্ধা বোধ হওয়াতে তিনি একদিন আমাকে জিজ্ঞাসা করিলেন “তোরে কে পড়া বলে দেয় রে?” আমি বলিলাম, “আমার মা।”

গুরুমহাশয় বিস্মিত হইয়া জিজ্ঞাসা করিলেন, “তোমার মা লেখাপড়া জানেন?” উত্তর, “হঁ, আমার মা বেশ পড়তে পারে।” তাহার পর গুরুমহাশয় সন্ধান লইলেন যে আমার মা একাকিনী বাড়িতে থাকেন, বাবা বিদেশে। একদিন গুরুমহাশয় আমার লিখিবার তালপাতে কি লিখিয়া আমাকে দিলেন, বলিলেন, “তোমার মাকে দিল, আর কেউ যেন দেখে না।” আমি ভাবিলাম, সকল বালকের মধ্যে আমি ভাগ্যবান, গুরুমহাশয় আমার মাকে পত্র লিখিয়াছেন। আমি বাড়িতে আসিয়া এক গাল হাসিয়া মাকে বলিলাম, “ওরে মা, গুরুমহাশয় তোকে কি লিখেছে দেখ,।” মা তালপাতাটি আমার হাত হইতে লইয়া একটু পড়িয়াই গম্ভীর মূর্তি ধারণ করিলেন, পাতাটি ছিঁড়িয়া টুকরা টুকরা করিয়া ফেলিয়া দিলেন। আমি তাহা আনিয়াছিলাম বলিয়া আমাকে মারিলেন, এবং তৎপর দিন হইতে আমার পাঠশালে যাওয়া বন্ধ করিলেন। সেই আমার পাঠশালে যাওয়া শেষ। তৎপরে তিনি আমাকে গ্রামের নবপ্রতিষ্ঠিত হার্ডিঞ্জ মডেল স্কুলে ভর্তি করিয়া দিলেন।

আর একটি ঘটনা অল্পরূপ। সে ঘটনাটি সে সময়ে আমার মনে দৃঢ়রূপে মুদ্রিত হওয়াতে স্মরণ আছে। একবার আমার মাতুলালয়ে কয়েকজন নবাগত অতিথি আহায়ে বসিয়াছেন। আমার মায়ের জ্ঞাতি সম্বন্ধে খুড়তুতো ভাই অভয়াচরণ চক্রবর্তী সেই সঙ্গে বসিয়াছেন। এই অভয়মামা কলিকাতার সেন্ট জেভিয়ার্স কলেজে কি বিশপস্ কলেজে সংস্কৃত পণ্ডিত ছিলেন। তিনি গ্রামে একজন পদস্থ ব্যক্তি। কিন্তু আমার মা ও পাড়ার অপরাপর প্রাচীনা আত্মীয়া মহিলারা অভয়মামাকে বালক-কাল হইতে ‘ঘেনো’ ‘ঘেনো’ বলিয়া ডাকিতেন। তাঁহার ‘অভয়’ নাম দ্বিদিগ্দের বা খুড়ী-জেঠীদের মুখে কখনই শোনা যাইত না। সকলেই ‘ঘেনো’ ‘ঘেনো’ বলিয়া ডাকিতেন। উক্ত দিবস আহারের সময় আমার মা পরিবেশন করিতেছিলেন। তিনি মাছ পরিবেশন করিবার সময় অভয়মামাকে জিজ্ঞাসা করিলেন, “ঘেনো, তোকে একটা মাছের মুড়ো দেব?” কারণ অভয়মামা আহারের বিষয়ে খুঁতখুঁতে লোক ছিলেন, মা তাহা জানিতেন। এত লোকের সমক্ষে ‘ঘেনো’ বলিয়া ডাকাতে অভয়মামা রোষ-কষায়িতলোচনে একবার আমার মায়ের মুখের দিকে চাহিলেন, এবং অবজ্ঞামূচক দুই-একটি বাক্য প্রয়োগ করিলেন। আমার মা তখন কিছু বলিলেন না। তৎপরে আচমনান্তে অভয়মামা যেই ঘরের মধ্যে পান থাইতে আসিয়াছেন, অমনি মা কুপিতা সিংহীর জায়, পদাহতা ফকিনীর জায়, গর্জিয়া উঠিলেন। বলিলেন, “লেখাপড়া শিখে তোমার এই বিজ্ঞে হয়েছে? আমি তোকে ‘ঘেনো’ বলেছি, তাই ভালো দেখায়, না ‘অভয়বাবু’ বললে ভালো দেখায়? তোমার বন্ধুরা কি জানে না আমি তোমার দ্বিদি? তুই বাইরে অভয়বাবু হতে পারিস, আমাদের কাছে তো সেই ঘেনোই আছিস।

জিজ্ঞাসা করে দেখিস, তোর বন্ধুরা ঐ ঘেনো ডাকেই খুশি হয়েছে কি না। আর যদি আমার ঘেনো বলাটা চুকই হয়ে থাকে, তুই তো অতগুলি ভদ্রলোকের সমক্ষে তোর দিদিকে অপমান করলি। এই তোর লেথাপড়ার ফল? তোর লেথাপড়াকে ধিক, তোর প্রফেসারিতে ধিক, তোর নাম সম্মমকে ধিক! অমুক কাকার কি কপাল, তোর জ্ঞাত এতগুলো টাকা বুধা খরচ করেছেন!” যখন আগ্নেয়গিরির অগ্নিস্ফুলিঙ্গের স্রাব এইরূপ বাক্যবাণ বর্ষণ চলিতে লাগিল, তখন অভয়মামা আর সহিতে না পারিয়া মায়ের পায়ে পড়িয়া বলিলেন, “দিদি! মাপ কর, অপরাধ হয়েছে।” অভয়মামাকে আমি বিদ্বান লোক ও গুণী লোক বলিয়া মনে মনে উচ্চ স্থান দিয়া রাখিয়াছিলাম। তিনি যখন আমার মায়ের পায়ে পড়িয়া গেলেন, তখন আমি চক্ষের জল রাখিতে পারিলাম না। তিনি চলিয়া গেলে মাকে বকিতে লাগিলাম, “তুমি আমাকে যেমন করে বকো, তেমনি করে অত বড় লোকটাকে বকলে?” মা বলিলেন, “রেখে দে তোর বড় লোক, বড় লোকের মুখে ছাই!” সেদিনকার সে দৃশ্য আমি জন্মে তুলিব না।

আমার তেজবিন্দী মা এক-কিনী পড়িয়াও এইরূপে তাঁহার আত্মমর্যাদাজ্ঞানের গুণে আপনাকে রক্ষা করিয়া চলিতে লাগিলেন। বাবা গ্রীষ্মের ছুটি ও পূজার ছুটির সময় বাড়িতে আসিতেন। আমি তাঁহাকে ঘরের মতো ভরাইতাম, কারণ তিনি সামান্য সামান্য কারণে আমাকে ভয়ানক মারিতেন।

আমার মা আমাতে কিছু অন্ডায় দেখিলে রাগ করিতেন এবং সাজা দিতেন বটে, কিন্তু আমার প্রতি তাঁহার কি প্রকার স্নেহ ছিল, তাহার বর্ণনা হয় না। একবারকার একটা ঘটনা মনে আছে। তখন আমার বয়স চার-পাঁচ বৎসরের অধিক হইবে না। সেই সময়ে একবার আমার গুরুতর পীড়া হইয়াছিল। সেই পীড়ার অবস্থাতে মা হৃষ্টদেবতার চরণে প্রণত হইয়া প্রতিজ্ঞা করিলেন যে, তাহার রূপায় ছেলে যদি সারিয়া যায়, তাহা হইলে তিনি হাতে মাথাতে ধূনা পোড়াইবেন, এবং নিজের বুক চিরিয়া রক্ত দিয়া দেবতার স্তব লিখিয়া দিবেন। কয়েক দিনের পর আমি সারিয়া উঠিলাম। যেদিন ব্রত উদ্ঘোষনের দিন আসিল, সেদিন পাড়ার একটি মেয়ে আমাকে কোলে করিয়া মায়ের ব্রত উদ্ঘোষন দেখিবার জন্ত তাঁকুর ঘরে লইয়া গেলেন। গিয়া দেখি, মা স্নান করিয়া আসিয়া দুই হাঁটুর উপর দুই হাত দিয়া যোগাসনে বসিয়াছেন। পূজারি ব্রাহ্মণ তাঁহার দুই হাতে ও মাথার উপরে কাদার তাল দিয়া তদুপরি জলস্ত আশ্বিনের সরা বসাইয়াছেন এবং মন্ত্র পড়িতে পড়িতে সেই আশ্বিনে ধূনার গুঁড়া নিক্ষেপ করিতেছেন, আশ্বিন দপ দপ করিয়া জ্বলিতেছে। দেখিয়া আমার বড় ভয় হইল। মনে হইল আমার মাকে পোড়াইতে যাইতেছে। তাহার কোলে ছিলাম, ভয়ে তাঁহার কাঁধে মুখ লুকাইলাম। তাহার পর যখন একখানি ছুরির বা



নকনের অগ্রভাগ দিয়া মা'র বুক চিরিলেন এবং একটা ঝিনুকে বস্তু ধরিয়া এক ভূর্জপত্রে দুর্গার স্তব লিখিতে লাগিলেন, তখন আর আমাকে সে ঘরে রাখিতে পারিল না। আমি মেয়েটির কোলে মাথা লুকাইয়া কাঁদিতে লাগিলাম, আমাকে বাহিরে লইয়া গেল। কিয়ৎক্ষণ পরে মা আসিয়া আমাকে কোলে লইলেন ও নানা মিষ্ট সম্বোধনে কান্না থামাইবার চেষ্টা করিতে লাগিলেন। আমার বয়স তখন চারি পাঁচ বৎসরের অধিক হইবে না। আমার মায়ের উনিশ বৎসর বয়সের সময় আমি হইয়াছি, সুতরাং মায়ের বয়স তখন ২৩ কি ২৪ বৎসরের অধিক নয়। ২৪ বৎসরের বালিকাঃ ঐ মানতের কথা যখন স্মরণ করি, তখন বিশ্বয়াবিষ্ট হইয়া মনে ভাবি, এই ধর্ম-নিষ্ঠা আমার চরিত্রে কৈ ?

শৈশবে ঠাকুরের নিবেদিত অশ্রু অরুচি। এই সময়কার একটা অদ্ভুত কথা আছে। অহুমান চারি-পাঁচ বৎসর বয়সের সময় আমি কোন মতেই ঠাকুরদের নিবেদিত অন্ন আহাৰ করিতে চাহিতাম না। ব্রাহ্মণ পণ্ডিতের বাড়িতে এটা একটা ভয়ানক কথা। কে যে আমার মাথাতে এ সঙ্কল্প ঢুকাইয়া দিয়াছিল, তাহা বলিতে পারি না। কিন্তু বেশ মনে আছে যে প্রায় প্রতিদিন আমার ভাত খাওয়া লইয়া একটা মহাবিভ্রাট উপস্থিত হইত। আমাদের বাড়িতে শালগ্রাম শিব পঞ্চানন প্রভৃতি অনেক পৈতৃক ঠাকুর ছিলেন। প্রাপিতামহ মহাশয়ের কথা বলিবার সময় তাঁহাদের বিশেষ বিবরণ দেওয়া যাইবে। প্রতিদিন অন্নব্যঞ্জন তাঁহাদের অগ্রে নিবেদন না করিয়া কাহারও আহার করিবার অধিকার ছিল না। আমারও ধর্মভঙ্গ পণ ছিল, ঠাকুরদের নিবেদিত অন্ন আহাৰ করিব না। এজন্ত বাবার ও মা'র হাতে গুরুতর প্রহার সহ্য করিতাম তবুও নিজের ক্ষেদ ছাড়িতাম না। অবশেষে নিকপায় দেখিয়া এই নিয়ম করা হইয়াছিল যে, আমার অন্নগুলি স্বতন্ত্র রাখিয়া, অপর অন্ন ঠাকুরদের নিবেদন করা হইত। কিন্তু আমার পিতামাতার প্রতি সম্পূর্ণ বিশ্বাস ও নির্ভর থাকিত না। অধিকাংশ সময় ঠাকুরদের নিবেদনের পূর্বে আসিয়া আমি বাহিরের দাবাতে আহার করিতে বসিতাম। কোন কোন দিন বাবা কোতুক দেখিবার জন্ত রান্নাঘরের ভিতর হইতে অন্ন নিবেদন করিয়া ঠাকুর লইয়া যাইবার সময় দাবার এক প্রান্তে যে আমি আত্মাঃ বসিয়াছি, আমার পাতে ঠাকুরদের কুশীর জল ছড়াইয়া দিতেন। অমনি, 'ভাত আমি খাব না,' বলিয়া আমি হাত তুলিয়া পা ছড়াইয়া কাঁদিতে বসিতাম; মা আসিয়া অনেক বুঝাইতেন, কিছুতেই খাওয়াইতে পারিতেন না। শেষে বড়পিসীদেও বাড়ি হইতে আমাকে খাওয়াইয়া আনিতে হইত, কারণ তাঁহাদের বাড়িতে ঠাকুর টাকুর ছিল না।

মায়ের স্বপ্ন। এই ব্যাপার লইয়া আমার মাকে পাড়ার মেয়েদের নিকট বড় লজ্জা

পাইতে হইত। তাঁহারা বলিতেন, “তোমার পেটে এ কি কালাপাহাড় এসেছে?” তখন ঈ তাঁহাদিগকে নিজের একটি স্বপ্নের কথা বলিয়া বলিতেন, “আমি জানি, ও ছেলে জাতহরগীতে হরে নিয়েছে।” সে স্বপ্নটি এই। আমাদের এতৎ প্রদেশের জ্বীলোক-দিগের মধ্যে সংস্কার আছে যে স্মৃতিকাগৃহে ছয়দিনের রাত্রি শিশুকে মাটিতে শোয়াইতে নাই, প্রসূতিকে কোলে করিয়া থাকিতে হয়। মাটিতে শোয়াইলে জাতহরগীতে ধরিয়া লইয়া যায়। তদনুসারে আমি যখন ছয়দিনের ছেলে, সেদিন রাত্রি মা ধাইয়ের সঙ্গে বন্দোবস্ত করিলেন যে অর্ধেক রাত সে আমাকে কোলে করিয়া বসিয়া থাকিবে, আর অর্ধেক রাত মা নিজে কোলে করিয়া থাকিবেন। তদনুসারে ধাই অর্ধেক রাত্রি রহিল, পরে মা’র পালা আসিল। মা কিয়ৎকাল বসিয়া নিদ্রাতে অভিভূত হইলেন। মনে করিলেন, ওইয়া ছেলে বুকের উপর শোয়াইয়া ঘুমাইবেন, মাটিতে না শোয়াইলেই হইল। এই ভাবিয়া আমাকে বুকের উপর শোয়াইয়া শয়ন করিলেন। নিদ্রাবস্থায় স্বপ্ন দেখিলেন, একটি রূপলাবণ্যসম্পন্ন নারী স্মৃতিকাগৃহে প্রবেশ করিয়া হাসিতে হাসিতে ছেলেটি নিজ কোলে তুলিয়া লইয়া যাইবার উপক্রম করিল। মা ব্যস্ত হইয়া বলিলেন, “তুমি কে? আমার খোঁকা কে কোথায় নিয়ে যাও?” জ্বীলোক হাসিয়া বলিল, “বাঃ, এ যে আমার খোকা।” মা বলিলেন, “না, আমার খোকা।” মেয়েটি বলিল, “না, আমার খোকা।” এই বিবাদে মা’র ঘুম ভাঙ্গিয়া গেল। জাগিয়া দেখেন, আমি বুক হইতে সরিয়া পড়িয়াছি। এই স্বপ্নের কথা চিৎদিন মা’র মনে জাগিয়া রহিয়াছিল। তাঁহার বিশ্বাস ছিল, আমাকে জাতহরগীতে হরিয়াছে বলিয়া কুলধর্ম ত্যাগ করিয়া ব্রাহ্ম হইয়াছি। মা’র মুখে যাহা শুনিয়াছি তাহাই লিখিলাম।

আমার ছয় বৎসর বয়সের সময় আমার এক ভগিনী জন্মিল। সে দেখিতে অতি সুন্দরী হইয়াছিল বলিয়া বাবা কবিত্ব করিয়া তাহার নাম ‘উম্মাদিনী’ রাখিলেন। সে যখন পাঁচ-ছয়মাসের মেয়ে, তখন মা একদিন তাহাকে প্রপিতামহদেবের সম্মুখে রাখিয়া, তাঁহার হাতখানি লইয়া উম্মাদিনীর উপরে রাখিলেন এবং চাঁৎকার করিয়া বলিলেন, “এই মেয়ে হয়েছে দেখ, পদধূলি দেও, আশীর্বাদ কর।” প্রপিতামহদেব কীৰ্ত্তনঃস্থান ফেলিয়া বলিলেন, “মা বে দয়াময়ী! ভুলতে না পেরে আবার এসেছি?” প্রপিতামহের দয়াময়ী ও করুণাময়ী নান্না দুইটি কথা শৈশবেই গত হইয়াছিল। তিনি বিবেচনা করিলেন, সেই দয়াময়ী পুনরায় আসিয়াছে। তদবধি উম্মাদিনীকে তিনি দয়াময়ী বলিয়া ডাকিতেন।

উম্মাদিনী বসিতে সমর্থ হইলেই আমার খেলিবার সঙ্গিনী হইল। দুই ভাই-বোনে বলিয়া খেলিতাম। মা পাড়ার ছেলেদের সঙ্গে আমার বেশা পছন্দ করিতেন না।

তখন পাড়ার ছেলেরা যে কি খারাপ কথা বলিত ও খারাপ কাজ করিত, তাহা শ্রবণ করিলে লজ্জা হয়। গালাগালি বৈ তাহাদের মুখে ভালো কথা ছিল না। অধিকাংশ ছেলে রাগিলেই তাহাদের মাকে ‘পাঁটা’ বলিত। আমাদের প্রতিবেশী এক জ্ঞাতি ঘেঁঠার ছেলে মেয়েরা মাকে এত পাঁটা পাঁটা বলিত যে, তাদের একটি বোনের মা-মা বলার পরিবর্তে পাঁটা পাঁটা বলিয়াই কথা ফুটিত। সে মাকে না দেখিতে পাইলে ‘পাঁটা ও পাঁটা’ করিয়া কাঁদিত। সেই কুসদের মধ্যে আমার মা যে আমাদের গিকে কিরূপে বাঁচাইবার চেষ্টা করিতেন, তাহা এখন ভাবিলে আশ্চর্যাস্থিত হইতে হয়। একবার পাড়ার এক ছেলের মুখে তার মা’র প্রতি বাপান্ত গালি শুনিয়া আসিয়া আমি নিজের মাকে সেই গালি দিলাম। আর কোথায় যায়! মা আমাকে ধরিয়া দুইখানা খোলার কুচি একত্র করিয়া আমার গালের মাংস ছিঁড়িয়া ফেলিলেন, যজ্ঞে মুখ ভাসিয়া যাইতে লাগিল। তৎপরে কয়েক দিন আহার বন্ধ হইল, মা আমার গলায় গলান ভাত ও দুধ ঢালিয়া দিয়া থাওয়াইতে লাগিলেন। সেই দিন অবধি জননীর প্রতি গালাগালি আমার মুখে কেহ কখনও শোনে নাই।

**ভাই-বোন।** উম্মাদিনীকে আমি প্রাণের সহিত ভালবাসিতাম, সর্বদাই কাঁধে করিয়া বেড়াইতাম, কোথাও কিছু ভালো ফল বা ফুল পাইলে তাহার জন্য আনিতাম, সে সঙ্গিনী না হইলে থাইতে বসিতাম না, এবং তাহাকে ফেলিয়া একা শয্যাতে যাইতে পারিতাম না। মা সন্ধ্যার পূর্বে আমাদের দুই ভাইবোনকে থাওয়াইয়া দিতেন, আমরা দুজনে গিয়া শয়ন করিতাম। আমার কল্পনাশক্তি শৈশব হইতেই প্রবল, কত যে গল্প বানাইয়া উম্মাদিনীকে শুনাইতাম, এখন মনে হইলে হাসি পায়। গল্প শুনিতে শুনিতে আমার গায়ে হাত দিয়া সে ঘুমাইয়া পড়িত, আমিও ঘুমাইয়া পড়িতাম।

**চিন্তাদাসী।** ১৮৩৩ সালের সাইক্লোনে সমুদ্রতরঙ্গ উঠিয়া সুন্দরবনের অভ্যন্তরবর্তী প্রদেশ সকলকে প্রাবিত করে। সেই প্রাবনে যখন গরীব লোকের কুঁড়েঘর ভাসিয়া যায়, তখন হাজার হাজার পুরুষ ও রমণী জলমগ্ন হইয়া প্রাণত্যাগ করে। কেহ কেহ নিজ নিজ ঘরের চালের উপরে আশ্রয় লইয়া প্রাবনের সঙ্গে সঙ্গে উত্তর বিভাগে ভাসিয়া আসে। এইরূপে অনেক পুরুষ ও নারী ভাসিয়া আসিয়া আমাদের গ্রামে আশ্রয় লইয়াছিল। তৎপরেই তাহারা বিষম কলেরা রোগে প্রাণত্যাগ করে। এই কলেরার মহামারীতে আমার প্রপিতামহী, পিতামহ ও পিতামহীর মৃত্যু হয়, তাহা পূর্বেই বলিয়াছি। যে সকল লোক ভাসিয়া আসিয়াছিল, তাহাদের মধ্যে চিন্তা নামে এক নিম্ন শ্রেণীর স্ত্রীলোক আসিয়া আমাদের বাড়িতে শরণাপন্ন হয়। আমার পিতামহ দয়াপরবশ হইয়া তাহাকে বাড়িতে স্থান দেন, তৎপরেই তাহার বিষম কলেরা রোগে প্রাণত্যাগ করেন। চিন্তা আমাদের বাড়িতে থাকিয়া যায়, এবং আমার

বড়পিসীর পরিচারিকা হয়। আমার বড়পিসীর ছেলেমেয়েরা মাতার গর্ভ হইতে চিন্তাদাসীর ক্রোড়েই পড়িয়াছেন ও তাহাদের ক্রোড়েই প্রতিপালিত হইয়াছেন। আমিও মাতুলালয় হইতে আসিয়া চিন্তার ক্রোড়ে আশ্রয় পাই। আমার জ্ঞানের সঞ্চার হইলে দেখিতাম যে চিন্তাই আমাদের হত্নী-কত্নী। আমরা তাহাকে দাসী বলিয়া মনে করিতাম না, চিন্তা দিদি বলিয়া ডাকিতাম। চিন্তা সকল কার্ঘ্যে পটু ছিল। বন হইতে কাঠ কাটিয়া আনিত, জাল পোনে প্রভৃতি লইয়া গ্রামের প্রান্তবর্তী খাল হইতে মাছ ধরিয়া আনিত, গো দেহন করিত, বাজার হাট করিত, ধান ভানিত, সর্বোপরি আমাদের প্রতি কেহ কোনো অত্যাচার কবিলে বাঘিনীর আঁয় তাহার ঘাড়ে গিয়া পড়িত। চিন্তার প্রভাপে পাড়ার লোক সশক্তিত থাকিত। চিন্তা এমন স্বস্থ ও সবল ছিল যে প্রাতে উঠিয়া ১৮১৯ মাইল ইটিয়া আমার মাতুলালয়ে তব লইয়া যাওয়া তাহার পক্ষে কিছুই কষ্টকর ছিল না।

সেই শৈশবকালে চিন্তাদাসী বোধ হয় আমাদের গকে বলিয়া দিয়াছিল যে, আমাদের বাটীর সম্মুখস্থ নারিকেলের গাছ রাত্রিকালে দেশ ভ্রমণ করে। এক ডাকিনী তাহাতে চাপিয়া বেড়াইতে যায়। ইংতে আমাদের শিশুদলে মহা ভয় হইয়াছিল, পাছে আমাদের নারিকেল গাছ হারাইয়া যায়; ঐক জানি, ডাকিনী যদি কোথাও কেলিয়া আসে। চিন্তাদাসী ইহা বলিয়া দিয়াছিল, গাছের গায়ে লোহা মারিয়া রাখিলে ডাকিনীতে গাছ লইতে পারে না। আমার স্মরণ হয়, আমরা কয়েকজন শিশুতে মিলিয়া সন্ধ্যার পূর্বে গাছের গায়ে গজাল মারিয়া রাখিয়াছিলাম।

বাংলা স্কুলের ছাত্র। গবর্ণর জেনারেল লর্ড হার্ডিঞ্জের রাজত্বকালে দেশে কতকগুলি আদর্শ বাংলা স্কুল স্থাপিত হয়। তাহার একটি আমাদের গ্রামে স্থাপিত হইয়াছিল। কাঁচড়াপাড়ানিবাসী শ্রামাচরণ গুপ্ত নামক একজন ভদ্রলোক তাহার প্রথম পণ্ডিত নিযুক্ত হন। মা পাঠশালার গুরুমহাশয়ের প্রতি বিরক্ত হইয়া আমাকে পাঠশালা ছাড়াইয়া সেই স্কুলে ভর্তি করাইয়া দিয়াছিলেন। সেখানে গিয়া আমি 'স্কুল বুক সোসাইটি'র প্রকাশিত বর্ণমালা ও মদনমোহন তর্কালঙ্কারের নবপ্রকাশিত শিশুশিক্ষা পড়িতে লাগিলাম। মদনমোহন তর্কালঙ্কারের শিশুশিক্ষায় অনেক পাঠ মিত্রাকর ও কবিতার মতো ছিল, সেগুলি আমার বড় ভালো লাগিত, দুই-একবার পড়িলেই মুখস্থ হইয়া যাইত। ইহাতে বর্ণপরিচয়ের ব্যাঘাত হইত বটে, কিন্তু আমি বর্ণ মিলাইয়া মুখে মুখে কবিতা করিতে পারিতাম।

গ্রামে ইংরাজী স্কুল। হার্ডিঞ্জ বাংলা স্কুল স্থাপনের পরেই আমাদের গ্রামে এক ইংরাজী স্কুল স্থাপিত হইয়াছিল। হরিদাস দত্ত নামে জমিদারবাবুদের বাড়ির একজন সুবক তখন দেশে শিক্ষাবিস্তার বিষয়ে বড়ই উৎসাহী ছিলেন। ইনি অল্পদিন হইল

পরলোকগত হইয়াছেন। অল্পমান করি, প্রধানত ইঁহার ও ইঁহার বস্তুদিগের ঘটে ও জমিদারবাবুদের সাহায্যে ঐ ইংরাজী বিদ্যালয়টি স্থাপিত হয়। আমার মনে আছে যে, সেই স্কুলে একজন ইংরাজ হেডমাষ্টার লওয়া হইয়াছিল। সেটা গ্রামবাসীদের পক্ষে এক নূতন ব্যাপার। সাহেবের সঙ্গে এক কুকুর স্কুলে আসিত, সে সাহেবের টেবিলের তলায় শুইয়া থাকিত। আমরা তাহাকে দেখিয়া বড় ভয় পাইতাম। সাহেব জমিদারবাবুদের এক বাগান-বাড়িতে থাকিতেন। আমরা তাঁহার পালিত মুরগী ও অন্যান্য পাখি দেখিবার জন্য গিয়া সেই বাগানে উঁকি নুঁকি মারিতাম। সাহেবকে রাস্তায় দেখিলে সে পথ হইতে অন্তর্ধান করিতাম। ইহাতেই প্রমাণ, আমাদের গ্রামে নূতন সভ্যতার আলোক আমার বাল্যদশাতেই প্রবেশ করিয়াছিল। কেবল তাহা নহে, হরিদাস দত্ত প্রভৃতি কয়েকজন যুবকের উৎসাহে ‘মজিলপুর পত্রিকা’ নামে একখানি পত্রিকা বাতির হইয়াছিল, এবং কিছুদিন চলিয়াছিল। তত্ত্বি ব্রজনাথ দত্ত নামে আমাদের গ্রামে একজন মধ্যাবস্থা বিষয়ী লোক ছিলেন। জ্ঞানচর্চাতে তাঁহার বিশেষ উৎসাহ ছিল। তিনি ব্রাহ্মণ পণ্ডিত ও জ্ঞানী মানুষদিগকে লইয়া সর্বদা জ্ঞানালোচনা করিতে ভালোবাসিতেন। শুনিয়াছি, তিনি ব্রাহ্মসমাজের তত্ত্ববোধিনী পত্রিকা লইতেন। ইঁহার জ্যেষ্ঠপুত্র শিবকৃষ্ণ দত্ত মজিলপুর পত্রিকার সচিত সংযুক্ত ছিলেন এবং গ্রামের উন্নতি বিষয়ে বড়ই উৎসাহী ছিলেন। শুনিয়াছি, তিনিই গ্রামে ব্রাহ্মধর্মকে প্রবিস্ত করেন এবং আমার ভক্তিতাজন স্বগ্রামবাসী গুরুস্থানীয় উমেশচন্দ্র দত্ত প্রভৃতিকে ব্রাহ্মধর্মে অন্তর্ভুক্ত করেন। এই শিবকৃষ্ণ দত্ত ইঁহার কিছু দিন পরে ‘লুক্সিসিয়ার উপাখ্যান’ বাংলা পণ্ডে অনুবাদ করেন, এবং বাংলা কাব্য বিষয়ে আমাদের পথপ্রদর্শক হন। পরে ইনি উন্মাদরোগগ্রস্ত হইয়াছিলেন। সেই অবস্থাতেই বহুদিন পরে গতানু হন। ইঁহার উন্মাদরোগ সম্বন্ধে একটি স্মরণীয় কথা আছে। ইঁহার পিতা ব্রজনাথ দত্ত জ্ঞানানুরাগী ও গুণীগণের উৎসাহদাতা মানুষ ছিলেন বটে, কিন্তু অতিশয় সিদ্ধি খাইতেন। লোকে যেমন ঘরের দেওয়ালে গোবরের ঘুঁটে দিয়া রাখে, তেমনি তিনি তাহার বৈঠক ঘরের দেওয়ালে ছোট ছোট ঘুঁটের মতো সিদ্ধি দিয়া রাখিতেন, মধ্যে মধ্যে তাহা লইয়া নিজে খাইতেন এবং বন্ধুদিগকে খাইতে দিতেন। আশ্চর্য এই, দেখা গেল, ইঁহার কয়েকটি সন্তান পাগল হইয়া গেল। ইঁহার অতিরিক্ত সিদ্ধি পান ও ভোজন তাহার কারণ হইতে পারে। যাহা হউক, আমার শৈশবে ও আমার গ্রাম ত্যাগ করিবার সময়ে মজিলপুর শিক্ষাদি বিষয়ে চক্ৰিশ পরগণার দক্ষিণ প্রদেশে একটি অগ্রগণ্য গ্রাম হইয়া দাঁড়াইয়াছিল। এই গ্রামে ব্রাহ্মধর্মের ও বালিকা-বিদ্যালয় স্থাপনের আন্দোলন চতুর্থ পরিচ্ছেদে বর্ণনা করা যাইবে।

‘আত্ম’ কথার মানে। এই সময়ের আর কয়েকটি বিষয় স্মরণ আছে। মাতাঠাকুরানী

আহার করানোর গুণে আমার ভুঁড়িটি বিলক্ষণ বড় হইয়াছিল। কণ্ঠাকৃতি হাত পা, কিন্তু ভুঁড়িটি বেশ গোলগাল। সেজন্য শ্রামাচরণ পণ্ডিতমহাশয় আমাকে ‘আফিং-থেকো বামণ’ বলিতেন; এবং আমাকে কাছে পাইলেই, তুই আঙুল দিয়া আমার পেট টিপিতেন। আমি ভুঁড়ির জন্য অনেক শিক্ষকের কাছে এই পেট টেপার যন্ত্রণা ভোগ করিয়াছি। এক-একদিন স্থলে পৌঁছিলেই পণ্ডিতমহাশয় আমার কাপড়খানি খুলিয়া মাথায় বাঁধিয়া দিতেন, এবং পেট টিপিয়া বলিতেন, “আফিংখোর বামণ, তোমার মা তোমাকে কত ভরি আফিং খাওয়ান?” ফলত পণ্ডিতমহাশয় আমাকে বড় ভালোবাসিতেন, তাহার কারণ এই, আমি ক্লাসে পড়াতে সর্বদা প্রথম কি দ্বিতীয় স্থানে থাকিতাম। তাহার কারণ ছিলেন আমার মা। আমি মায়ের কাছে পড়া শিখিয়া যাইতাম। তবে আমার এইটুকু প্রশংসার বিষয় যে পড়াতে আমার মনোযোগ ছিল। মা প্রাতে উঠিয়া গৃহকর্মে ব্যস্ত হইতেন। আমি বইখানা হাতে লইয়া, “মা, এটা কি?” “মা, এ কথার অর্থ কি?” এই বলিতে বলিতে তাহার সঙ্গে সঙ্গে ঘুরিতাম। একটি দষ্টান্ত দিতেছি। শিশুশিক্ষাতে আছে, আ ও ঢ-য়ে য-ফলা—উদাহরণ “আঢ্য লোক সদা সুখী”। মা ফিরিয়া বলিলেন, “ওটা আঢ্য”। ইহাতে আমি সন্তুষ্ট হইতাম না। প্রশ্ন, “আঢ্য কাকে বলে মা?” উত্তর, “আঢ্য বলতে বড়মাহুৰ, যেমন গোপালবাবু” (গ্রামের একজন জমিদার)। স্থলে পণ্ডিতমহাশয় যেই ‘আঢ্য’ শব্দ বানান করিতে বলিলেন, অমনি সৰ্বাগ্রে আমি বানান করিলাম, “আ ও ঢ-য়ে য-ফলা—আঢ্য, আঢ্য বলতে বড়মাহুৰ, যেমন গোপালবাবু।” পণ্ডিতমহাশয় শুনিয়াই হাসিয়া উঠিলেন। বলিলেন “হাঃ হাঃ—ও তুই কোথায় পেলি রে?” উত্তর, “কেন, আমার মা বলে দিয়েছেন।” এইরূপে মায়ের গুণে কোনো বালক আমাকে আঢিয়া উঠিতে পারিত না। ইহার এক ফল এই হইল যে, অন্তান্ত বালকেরা বাড়িতে গিয়া নিজ-নিজ মায়ের কাছে আবদার আরম্ভ করিল, “শিবের মা কেনন পড়া বলে দেয়। তুই কেন দিলনা?” মায়েরা বলিতে লাগিলেন, “আরে ম’লো, আমি কি লেখাপড়া জানি? শিবের মা তো ভালো জালা ঘটালে।” এইরূপে আমার মা একটু লেখাপড়া জানিয়া ঘরে-ঘরে গোল বাধাইয়া দিয়াছিলেন।

**প্রথম শিক্ষকতা।** আমাদের বাড়ির পাশে জ্ঞাতিদের বাড়িতে এক গৌরাজী বিধবা যুবতী থাকিতেন, তিনি সম্পর্কে আমার পিতার খুড়ী। আমার মাকে অন্নদামঙ্গল, রামায়ণ, মহাভারত, বোম্বিও জুলিয়েট প্রভৃতি পড়িতে দেখিয়া তাহার লেখাপড়া শিখিবার বড় ইচ্ছা হইয়াছিল। তিনি আমাকে তাহার ঘরে ডাকিয়া লইয়া খাইবার জন্য কিছু মিষ্টদ্রব্য হাতে দিয়া, অনেক খোশামোদ করিয়া বর্ণপরিচয় করিতে বলিতেন, এবং হাতে তালি দিয়া আমাকে নাটাইতেন, আর বলিতেন, “শিব নাচি

নাচি যায়, শিব ডব্বক বাজায়, ভিমি ভিমি ভিমি ভিমি ডব্বক বাজায়।” আমি তালে তালে নাচিতাম। ইহার পরে আমার সহদয় খুড়ী জেঠী দিদিরা আমাকে দেখিলেই “শিব নাচি নাচি যায়” বলিয়া আমার অভ্যর্থনা করিতেন।

খেলার সাথী খোঁড়া মেয়ে। আমি বোধ হয় ভিতরে ভিতরে চিরদিন প্রশংসাপ্রিয় মানুষ। এ দুর্বলতাটা শৈশব হইতেই আছে। আমাদের পাশের বাড়িতে আমার একজন জ্ঞাতি জেঠার একটি খোঁড়া মেয়ে ছিল, সে বোধ হয় আমার অপেক্ষা দুই তিন বৎসরের বড় ছিল। সে আমাকে ভুলাইয়া রোজ প্রাতে আমার খাবার হইতে যথেষ্ট পরিমাণ খাদ্যদ্রব্য চাহিয়া খাইত। আমি যেই খাবারের ধামাটি হাতে করিয়া ঘর হইতে বাহির হইতাম, অমনি সে আমাকে মিষ্ট স্বরে ডাকিত, “আগাশ দাদা! এখানে এস।” সে তাহাদের দাবা হইতে নামিতে পারিত না, কাজেই আমাকে যাইতে হইত। কেন যে সে আমাকে ‘আগাশ দাদা’ বলিত জানি না। যতই আমি তাহাদের দাবার দিকে অগ্রসর হইতাম, ততই তাহার মিষ্ট কথার মাত্রা বাড়িত, “কি লক্ষ্মী ছেলে, কি সুন্দর ছেলে” ইত্যাদি। আমি আহ্লাদে আটখানা হইয়া যেই দাবায় গিয়া উঠিতাম, অমনি সে বলিত, “এস না ভাই, দুজনের খাবার মিশিয়ে খাই।” এই বলিয়া তাহার ধর্মীর খাবারগুলি আমার ধামাতে ফেলিয়া থাবা-থাবা করিয়া খাইতে আরম্ভ করিত। তাহাতে আমার আনন্দই হইত। হাসির কথা এই, খাবারগুলি শেষ হইলেই আর সে আমার প্রতি প্রেম দেখাইত না। সামান্য একটু কিছু মনের অনভিমত কাজ করিলেই আমাকে খামচাইয়া, গালি দিয়া, দাবা হটতে নামাইয়া দিত। আমি কাঁদিতো কাঁদিতো ঘরে আসিতাম। মা বলিতেন, “খুব হয়েছে, বেশ হয়েছে; পাঁচশো বার বলি, খুঁড়ীর কাছে যাসনি, তবুও মরতে যাস।” মা বারণ করিলে কি হয়, আমি খুঁড়ীর কাছে না গিয়া থাকিতে পারিতাম না, বোধ হয় প্রশংসাতুকের লোভে। ইংরাজ কবি কাউপার নিজের সখকে বলিয়াছেন, ‘ডিউপ অভ টুমরো ইভন্ ফ্রম এ চাইল্ড।’ আমিও নিজের সখকে বলিতে পারি, ‘ডিউপড্ বাই প্রেইজ ইভন্ ফ্রম এ চাইল্ড।’

সুন্দরী খেলার সঙ্গিনী। সেকালের আর একটা কথা মনে আছে। একটি সুন্দর ফুটফুটে গৌরবর্ণ মেয়ে আমাদের পাশের বাড়িতে তাহার মাসীর কাছে আসিত। সে আমার সমবয়স্ক। ঐ মেয়ে আসিলেই আমার খেলাধুলা লেখাপড়া ঘুচিয়া যাইত। আমি তাহার পায়ে পায়ে বেড়াইতাম। আমরা পাড়ার বালক-বালিকা মিলিয়া “চাঁদ চাঁদ, কেন ভাই চাঁদ” প্রভৃতি অনেক খেলা খেলিতাম। তখন সে আমাদের সঙ্গে খেলিত। খেলার ঘটনাক্রমে যদি আমি তাহার সঙ্গে এক দলে না পড়িতাম, আমার অহুতের সীমা থাকিত না। আমি তাহার হাত ধরিয়া খেলার সঙ্গীদিগকে বলিতাম,

“আমি এর সঙ্গে থাকব, তোমরা আমার বদলে এ-দল হতে ও-দলে আর কারকে দাও।” বালকেরা আমার অনুরোধ রাখিত না; বকিয়া, ঠেলিয়া, গলা টিপিয়া আমাকে আর এক দলে দিয়া আসিত। ঐ বালিকার বাড়ি আমাদের স্কুলের পথে ছিল। আমি স্কুল হইতে আসিবার সময় তাহার সঙ্গে দেখা করিয়া একটু খেলা করিয়া আসিতাম। ইহার পর আমি যখন কলিকাতায় আসিলাম ও এখানকার পাঠাদিতে ব্যস্ত হইলাম, তখন গ্রামে তাহার বিবাহ হইয়া গেল। সে দূরে স্বত্তরবাড়ি চলিয়া গেল। আর বহু বৎসর তাহার সহিত দেখা সাক্ষাৎ হয় নাই। পরে বড় হইয়া ব্রহ্মসমাজে যোগ দেওয়ার পূর্বে গ্রামে গিয়া আবার তাহাকে দেখিলাম, দেখিয়া চমকিয়া উঠিলাম। সে প্রস্তুতিত পুষ্পগম কান্তি বিলীন হইয়াছে, সম্মানভারে ও সংসারভারে সে অবসন্ন হইয়া পড়িয়াছে। তাহাকে দেখিয়া মনে যে ভাব হইয়াছিল তাহা “তুমি কি আমার সেই খেলার সঙ্গিনী?” নামে একটি কবিতায় প্রকাশ করিয়াছি। আমার যত দূর স্মরণ হয়, আমার বন্ধু স্বাগতনাথ গঙ্গোপাধ্যায় সেই কবিতাটি জোর করিয়া কাড়িয়া লইয়া তাহার ‘অবলাবান্ধবে’ ছাপিয়াছিলেন। আমি সেটিকে সংগ্রহ করিবার অনেক চেষ্টা করিয়াছিলাম, কিন্তু অবলাবান্ধবের পুরাতন কাইল না পাওয়াতে পারি নাই।

এই পঠদশার স্মৃতি হৃদয়ে বড় মিষ্ট হইয়া রহিয়াছে। গ্রীষ্মের কয় মাস মনিঃ স্কুল হইত। আমি পাড়ার বালকদের সঙ্গে মিলিয়া অতি প্রত্যুষে উঠিয়া ফুল তুলিতে যাইতাম। কৌচড় ভরিয়া ফুল লইয়া স্কুলে যাইতাম। জমিদারবাবুদের বাড়ির সম্মুখে একটা চাঁপা গাছ ছিল, সেই গাছে চড়িয়া ফুল পাড়িতাম। আমি গাছে চড়িতে তত পরিপক্ব ছিলাম না। কখনই ডানপিটে ছেলে ছিলাম না। কিন্তু পাড়ার ডানপিটে ছেলেরা আমাকে গাছে চড়িতে শিখাইতে ক্রটি করিত না। চড়িতে ভয় পাইলে ভীক বলিয়া উপহাস করিত, সেটা প্রাণে সহিত না।

**গানের দল।** সে কালের আরও কয়েকটি কথা মনে আছে। একবার পাড়াতে একদিন রামায়ণ গান হইল। তাহা দেখিয়া পাড়ার ছেলেরা এক রামায়ণ গানের দল করিল। আমি গাহিতে পারিতাম না, স্তবরাং মূল গায়নে হইতে পারিলাম না। কিন্তু আমার উৎসাহে দলটি জমিয়া গেল। এক ছেলের গলায় একটা ঢোল, আর একজনের হাতে করতাল, ও মূল গায়নের হাতে চামর দিয়া, আমরা নৃপুর পায়ে দিয়া দোহার হইলাম। সন্ধ্যার সময় বাড়িতে বাড়িতে গান গাহিয়া বেড়াইতে লাগিলাম। সে গানের মাথা মুহূর্তেই অর্থ কিছুই থাকিত না। পাড়ার একজন কৌতুকপ্রিয় লোক হাসাইবার হতো কতকগুলো ছড়া বাঁধিয়া আমাদের গিকে শিখাইয়া দিলেন, তাহাই আমরা বাড়িতে বাড়িতে মেয়েদিগকে শুনাইয়া বেড়াইতে লাগিলাম। মেয়েরা হো হো করিয়া হাসিয়া



কে কার গায়ে পড়িয়া যাইতে লাগিলেন। তাহাতেই আমরা পরমানন্দিত হইয়া আপনাদের শ্রম সার্থক বোধ করিতে লাগিলাম।

পিঁপড়ে কি কথা বলে? আমি তখন পশুপক্ষী পুষ্টিতে বড় ভালবাসিতাম। পুষ্টি নাই এমন জন্তুই নাই। টুনটুনি, বুলবুলি, দোয়েল, ছাতারে, শালিক, টিয়া, ও সকল তো পুষিয়াছি, পিঁপড়েও পুষিতাম। ফড়িং ও পিঁপড়ে পোষা আমার একটা ব্যতিক ছিল। তাহাদিগকে অতি যত্নে কোটার মধ্যে রাখিতাম। ফড়িংদিগকে কচি কচি দুর্বা ঘাস খাওয়াইতাম, পিঁপড়েদিগকে চিনি মধু প্রভৃতি খাইতে দিতাম। পিঁপড়ের গতিবিধি লক্ষ্য করিতে এতই ভালো লাগিত যে, আমি যখন ৩৭ বৎসরের ছেলে, তখনো পিঁপড়ে হইয়া চারি হাত পায় পিঁপড়ের সঙ্গে সঙ্গে ঘুরিতাম। মাছি মারিয়া খ্যাংরা কাঠির অগ্রভাগ ভাঙ্গিয়া সেই কাঁটা দ্বারা সেই মাছি দাবার মাটিতে পুঁতিয়া দিতাম, দিয়া কখন পিঁপড়ে আসিয়া মাছি ধরিয়া টানাটানি করিবে সেই অপেক্ষায় বসিয়া থাকিতাম। হয়তো আধঘণ্টার পর সেখানে একটি পিঁপড়ে দেখা দিল। সে প্রথমে আসিয়া মাছিটির পা ধরিয়া টানাটানি আরম্ভ করিল। যখন দেখিল সহজে টানিয়া লইতে পারে না, তখন চারিদিক প্রদক্ষিণ করিয়া পরীক্ষা আরম্ভ করিল। আমার খ্যাংরা কাঠিটির উপরে একবার উঠে একবার নামে, বড়ই ব্যস্ত। অবশেষে সে চলিয়া গেল। আমি তাহার সঙ্গে সঙ্গে গুঁড়ি মারিয়া চলিলাম। সে গিয়া গর্তের মধ্যে প্রবিষ্ট হইল। আমি ধারে অপেক্ষা করিয়া রহিলাম। আর আধ ঘণ্টা গেল। শেষে দেখি সৈন্যদল বাহির হইল। পিঁপড়ের সারি, মধ্যে মধ্যে দুইটা করিয়া বলবান অপেক্ষাকৃত দীর্ঘাকৃতি পিঁপড়ে। পরে ভাবিয়াছি, তাহারা সেনাপতি হইবে। প্রকাণ্ড সৈন্যদল ক্রমে আমার মাছির নিকট উপস্থিত, তখন মহা টানাটানি আরম্ভ হইল। অবশেষে আমি খ্যাংরা কাঠিটি তুলিয়া লইলাম। তখন মাছি লইয়া সকলে গর্তের দিকে দৌড়িল। ইহার ফ্রিতেছে, তখন অপরের আসিতেছে, পথে মুখোমুখি করিয়া কি সঙ্কেত করিল যে, যাহারা আসিতেছিল তাহারাও ফ্রিল। আমি মনে করিতাম, ইহার নিশ্চয় কথা কয়। তখন মাছির নিকটে কান পাতিয়া রহিলাম, তাহাদের শব্দ শোনা যায় কি না। কান পাতিয়া আছি, তখন কেহ শব্দ করিলে বারণ করিতাম, “চুপ কর, চুপ কর, পিঁপড়েরা কি বলছে শুনি।” ইহা দেখিয়া বাড়ির লোকেরা হাসাহাসি করিতেন। এই ব্যাপার প্রায় সর্বদাই ঘটিত।

পাখি ধরা। তৎপরে, পাখি ধরিবার ও পুষ্টিবার জন্তু অতিশয় উৎসাহ ছিল। পাখির বাস হইতে বাচ্চা চুরি করিয়া আনিতাম, আনিয়া তাহার মাংসের মতো যত্নে তাহাকে পালন করিতাম। সে জাতীয় পাখির কি খায়, তাহাদের মাংসেরা কিরূপে

থাওয়ায়, এ সকল সংবাদ পাড়ার ডানপিটে ছেলেদের কাছে পাইতাম, সেইরূপ করিষ দিনের মধ্যে দশবার করিয়া থাওয়াইতাম। হাঁড়ির গায়ে ছিদ্র করিয়া তাহার মধ্যে কুটিকাটি দিয়া বাসা বাঁধিয়া তাহার মধ্যে বাচ্চা রাখিতাম। রাখিয়া একখানি সরিষা দিয়া ঢাকিয়া হাঁড়িটি ঘরের চালে বুলাইয়া রাখিতাম, পাছে সাপে খাইয়া যায়। তাহার পর খেজুরগাছের ডাল কাটিয়া, অগ্রভাগের পাতাগুলি চিরিয়া খ্যাংরাব মতো করিতাম; তাহাকে বলে ছাট। সেই ছাট হাতে করিয়া মাঠে মাঠে ঘাস এনে ফড়িং ধরিতে যাইতাম। ঘাসের উপর ছাটগাছি বুলাইলেই ফড়িং লাফাইয়া উঠিত। অমনি সেই ছাট সজোরে তাহার পৃষ্ঠদেশে মারিয়া তাহাকে অধম্মতপ্রায় করিতাম। সেই অট্টোতত্ত্ব অবস্থাতে তাহাকে এক বাঁশের কঁড়ের মধ্যে পুরিতাম। এইরূপে ঘণ্টার পর ঘণ্টা ফড়িং ধরিতাম। ধরিয়া আনিয়া পাখিকে থাওয়াইতাম। পাখির বাচ্চা পোষা প্রায় বৈশাখ জ্যৈষ্ঠ মাসে হইত। বাবা তখন ছুটিতে বাড়িতে থাকিতেন। তিনি আমার পাখি পোষা দেখিতে পারিতেন না। পড়াশুনার ব্যাঘাত হয়, ইহা সহিতে পারিতেন না। পাখির বাচ্চাকে থাওয়াইতে দেখিলেই আমাকে মারিতেন। স্বতরাং তাহার অল্পপস্থিতিকালে আমাকে ঐ বাচ্চার মাঘের কাজ করিতে হইত। পিতার হস্তে এত প্রহার খাইয়াও ক্রিকে আমি তাহাদিগকে পালন করিতাম, তাহা ভাবিলে আশ্চর্য বোধ হয়।

মা আমার পাখি পোষার বড় বিরোধী ছিলেন না। বোধ হয় ভেলে বাড়িতে থাকে এবং একটা কাজে ভুলিয়া থাকে, এই তাহার মনের ভাব ছিল। কিন্তু তাহারও পাখি পোষা শখ ছিল। আমি চলিয়া আসিবার পরও তিনি অনেক পাখি পুষিয়াছেন।

আমি যে কেবল পাখির বাচ্চা পুষিতাম তাহা নহে, শাড়ী পাখিও পুষিতাম। বড় পাখি ধরিবার তিন প্রকার কৌশল ছিল। প্রথম, আমাদের উঠানে একটি ধামা খাড়া করিয়া তাহার সম্মুখে চাল কড়াই ছড়াইয়া, ধামার পৃষ্ঠে একগাছি বাঁকারির অগ্রভাগ লাগাইয়া, অপর প্রান্ত দাবাতে লাগাইয়া অপেক্ষা করিয়া বসিয়া থাকিতাম। কোনো ঘুঘু বা পাখর বা শালিক যেই আসিয়া একমনে চাল কড়াই খাইত, অমনি বাঁকারির দ্বারা ধামাটি ঠেলিয়া তাহাকে ধামা চাপা দিতাম। দ্বিতীয়, গাছের ডালে যখন পাখিতে পাখিতে ঝগড়া ও মারামারি করিত, তখন তাহার নিচে গিয়া কাপড়ের জাল পাতিতাম। তাহার মারামারি করিবার সময় রাগে এমন অজ্ঞ হয় যে, দুজনে জড়ামড়ি করিয়া পাকা ফলটির মতো গাছের তলায় পড়িয়া যায়। কখনো কখনো ঐরূপে আমার কাপড়ে পড়িয়া যাইত। তৃতীয়, টুনটুনি দোয়েল প্রভৃতি ক্ষুদ্র পাখির যখন অল্পমনস্ক ভাবে গাছের ডালে বসিয়া থাকিত, তখন ভাঁ করিয়া তাহার পায়ের নিকটস্থ ডালে সজোরে ঢিল মারিতাম। হঠাৎ তাহাদের পায়ের নিকটস্থ ডালে

সজোরে ঢিল লাগাতে তাহারা দিশেহারা হইয়া পড়িয়া যাইত, আমি অমনি তাহাদিগকে ধরিতাম।

ঢিল ছোঁড়া বিষয়ে আমার অদ্ভুত বিজ্ঞা ছিল। পাখিকে বাঁচাইয়া ডালে ঢিল মারিতে পারিতাম। বলা বাহুল্য যে, অনেক সময় ডালে ঢিল না লাগিয়া পাখির মাথায় লাগিত এবং পাখিটির প্রাণ যাইত। এইরূপে আমার হস্তে অনেক পাখির প্রাণ গিয়াছে। বলিতে কি, পুকুরে ব্যাঙটি ভাসিতেছে বা গাছে পাখিটি বসিয়া আছে দেখিলেই আমার ঢিল মারিবার প্রবৃত্তি প্রবল হইয়া উঠিত। শুনিলে হয়তো অনেকে হাসিবেন, এই বৃদ্ধ বয়সেও সময় সময় বৃক্ষশাখায় পাখিটি আছে দেখিয়া আমার ঢিল মারিতে ইচ্ছা করে, অমনি হাসিয়া সে ইচ্ছা নিবারণ করি।

আমার ঢিল ছোঁড়া বিষয়ে দুইটি ঘটনা স্মরণ আছে। একবার আমার পিতার সহিত কোথায় যাইতেছিলাম। তখন আমার বয়স ১৩।১৪ হইবে। পিতা অগ্রে, আমি পশ্চাতে। আমি পশ্চাৎ হইতে দেখিতে পাইলাম, আমার পিতার সম্মুখস্থিত একটি বৃক্ষের শাখাতে একটি শালিক পাখি অগ্রমনস্ত ভাবে বসিয়া আছে। আর সে প্রলোভন অতিক্রম করিতে পারিলাম না। যে পিতাকে যমের মতো ভয় করিতাম তিনি সঙ্গে, সে কথাও মনে থাকিল না। ভোঁ করিয়া আমার ঢিলটি ছুটিল। পাখিটির কোষায় যে লাগিল তাহা বুঝিতে পারিলাম না, কিন্তু পাখিটি পাকা ফলটির মতো বাবার সম্মুখে পড়িয়া গেল। বাবা বুঝিতে পারেন নাই যে আমি পশ্চাৎ হইতে ঢিল ছুঁড়িয়াছি, সুতরাং তিনি মনে করিলেন, আর কোনো কারণে পড়িয়াছে। তিনি পাখিটিকে কুড়াইয়া লইলেন। নিকটবর্তী এক পুষ্করিণীর ঘাটে লইয়া অঙ্গুলির অগ্রভাগে করিয়া তাহার মুখে জল দিতে লাগিলেন। স্থূথের বিষয় পাখিটি মরিল না। তিনি পথের একজন লোককে পাখিটি দিয়া গন্তব্য স্থানের অভিমুখে চলিলেন। আমি পশ্চাৎ চলিলাম।

আর একবার আমি পথে যাইতেছি, আমার সম্মুখে আর একজন লোক যাইতেছে। আমি দেখিতে পাইলাম, দূরে আমাদের সম্মুখস্থ রাস্তার পাশে একটি ছাগল বাধা রহিয়াছে। অমনি ঢিল ছুঁড়িবার প্রবৃত্তি আসিল। বলিতে লজ্জা হইতেছে, ভোঁ করিয়া এক ঢিল ছুঁড়িলাম। সে নিরপরাধ প্রাণী চরিতেছিল, আমার ঢিল গিয়া বোধ হয় তাহার মাথায় লাগিল। বুঝিতে পারিলাম না, কেবল মাত্র দেখিলাম, ছাগলটি একবার ভ্যা করিয়া ডাকিয়া মাটিতে মুখ খুঁড়াইয়া খুঁড়াইয়া পড়িতে লাগিল। ঐ দেখিয়াই আমি পশ্চাৎ হইতে চম্পট। আর এক পথ ধরিয়া পাড়া ঘুরিয়া কিছু পরে গিয়া দেখি, কয়েকজন লোক জুটিয়াছে, ছাগলটিকে শোয়াইয়া জল ঢালিয়া বাঁচাইতেছে; বোধ হইল ছাগলটি মরিবে না।

তখন আমি ঘেমন পিঁপড়ের গতিবিধি লক্ষ্য করিতাম, তেমন পাখির গতিবিধি লক্ষ্য করিতেও ভালোবাসিতাম। যদি দৈবাৎ উঠানে কোনো পাখি আসিত, তাহা হইলে আমি, মা খুড়ী জেঠী যে কেহ সে সময় কথা কহিতেন, সকলের মুখ চাপিয়া ধরিতাম, “চূপ কর, চূপ কর, পাখি এসেছে।”

একবার পাখি দেখিতে গিয়া হাতির পায়ের মধ্যে পড়িয়া গেলাম। তখন আমাদের গ্রামে পোলবন্দী ইঞ্জিনিয়ার সাহেবের হাতি যাইত, কারণ, বেল বা বাস্তা ঘাট ছিল না। একবার আমি পাঠশালে বা স্কুলে যাইবার জন্ত বাহির হইয়াছি, দপ্তরটি বগলে আছে; এমন সময় হঠাৎ একটি নূতন বকমের পাখি দেখিলাম, যাহা পূর্বে কখনও দেখি নাই। সে লেজ তুলিয়া চমৎকার শিস দিতেছে। আমি চিত্রাশিতের জায় দাঁড়াইয়া গেলাম, “এ কি পাখি?” নিম্ন চিত্তে তাহার প্রত্যেক গতিবিধি লক্ষ্য করিতে লাগিলাম। শুদিকে পোলবন্দী সাহেবের হাতি আসিতেছে। মাহুত চোঁচাইতেছে, পাড়ার লোকেরা “ওরে অমূকের ছেনে, ম’লি ম’লি, পালা পালা” বলিয়া চোঁচাইতেছে। আমার সেদিকে খেয়াল নাই, কানে একটা আওয়াজ আসিতেছে মাত্র, কিন্তু সম্পূর্ণ চেতনা হইতেছে না। এমন সময় হঠাৎ দেখি হাতি শুঁড় দিয়া আমাকে ধরিবার চেষ্টা করিতেছে। মাহুত বোধ হয় আমাকে সরাইয়া দিতে ইঙ্গিত করিতেছে। হাতির শুঁড় দেখিয়াই ভয়ে চীৎকার করিয়া সরিয়া গেলাম।

আমি যে কিছু দেখিলেই এত মনোযোগী হইতাম, তাহার কারণ বোধ হয় এই যে, শৈশব হইতেই আমার কারণাহুসন্ধিৎসা বড় প্রবল ছিল। মায়ের মুখে শুনিয়াছি যে, আমি দাঁড়াইতে শু কথা কহিতে শিখিলেই সকল বিষয়ে ‘কেন’ ‘কেন’ বলিয়া তাঁহাকে অস্থির করিয়া তুলিতাম। যথা, তাঁহার কোলে চড়িয়া আর এক পাড়ায় নিমন্ত্রণে যাইতেছি, হঠাৎ পথে একটি নূতন গরু দেখিলাম। অমনি প্রশ্ন—ও কাদের গরু? উত্তর—পুঁটেদের গরু। প্রশ্ন—এখানে কেন বেথে গেছে? উত্তর—ঘাস খাবে বলে। প্রশ্ন—কেন ঘাস খাবে? উত্তর—ক্ষিদে পেয়েছে বলে। প্রশ্ন—কেন ক্ষিদে পেয়েছে? উত্তর—সমস্ত রাত কিছু খায়নি বলে। প্রশ্ন—কেন খায়নি? উত্তর—ওরা রাত্রে গরুকে জাবনা দেয় না বলে। প্রশ্ন—কেন রাত্রে জাবনা দেয় না? উত্তর—ওরা গরীব বলে। প্রশ্ন—গরীব কাকে বলে? ইত্যাদি। সময়ে সময়ে এই ‘কেন’র মাত্রা এত অধিক হইত যে উত্তরের পরিবর্তে চপেটাঘাত পাইতাম। এই কারণাহুসন্ধান-প্রবৃত্তি হইতেই বোধ হয়, পিঁপড়ে ও পাখির গতিবিধি এত লক্ষ্য করিতাম।

রূপী বিড়াল। কেবল যে পাখি ভালোবাসিতাম তাহা নহে, অস্ত্রান্ত জন্তও পুণিতাম। বিড়ালছানা আনিয়া উন্মাদিনীকে দিতাম, সে পুণিত। অনেক সময়ে আমাদের

উভয়ের অতিরিক্ত প্রেমবশত তাহাদের প্রাণ যাইত। বিড়ালের মধ্যে রূপীর কথা স্মরণ আছে। রূপী একটি মেনি বিড়াল ছিল। এমন সুন্দর বিড়াল কম দেখা যায়। শাদার উপরে পেটের দুই পাশে ও মাথায় কাল দাগ। লোমগুলি পুরু-পুরু, চম্চম দুটি হরিদ্রাবর্ণ, ও লেজটি মোটা। এখন মনে করি, রূপী বোধ হয় দোআঁশলা বিড়াল ছিল। কে যে তাহাকে দিয়াছিল মনে নাই। উন্মাদিনী ও আমি তাহাকে পুষিয়াছিলাম। তিনি এমনি আদুরে হইয়াছিলেন যে, উনান কাঁথায় শোয়া তাঁহার পক্ষে সম্ভবের হানি বোধ হইত, বিছানার উপর না হইলে তিনি শুইতেন না। উন্মাদিনী ও আমি যখন সন্ধ্যার সময় আসিয়া শয়ন করিতাম, তখন রূপী বাবা ও মা'র পাতের মাছের কাঁটার লোভও ত্যাগ করিয়া আমাদের দুজনের মধ্যে আসিয়া শুইত। অনেক সময় তিনজনে গলা জড়াজড়ি করিয়া ঘুমাইতাম। মা শয়ন করিতে আসিয়া তাহাকে মশারির বাহিরে ফেলিয়া দিতেন। ভোরে যদি কোনো দিন ঘুম ভাঙিত, দেখিতাম রূপী গরীব হুঃখীর মতো মশারির বাহিরে পড়িয়া আছে। তখন বড় হুঃখ হইত, তাহাকে আবার মশারির মধ্যে আনিতাম। তাহা লইয়া মাতাপুত্রে বিবাদ হইত।

আর এক খেলার সঙ্গী। আমাদের তখনকার আর একজন খেলার সঙ্গীর কথা স্মরণ আছে। সে শেয়ালখাকী। শেয়ালখাকী একটা মাদী কুকুর। তাহার ইতিবৃত্ত এই। আমার বাবা একদিন দেখিলেন একটি কুকুরের বাচ্চাকে শেয়ালে লইয়া যাইতেছে। দেখিয়া তাঁহার দয়ার আবির্ভাব হইল। তিনি হৈ হৈ করাত্তে ও ঢিল ঢেলা মারাত্তে শেয়ালটাকে ফেলিয়া পলায়ন করিল। বাবা বাচ্চাটা কুড়াইয়া আনিলেন। সে তখন অতি শিশু। তাহার পুষ্টের শেয়ালের কামড়ের ঘা শুকাইতে অনেক দিন গেল। সে বড় হইল, বাবা তাহার নাম শেয়ালখাকী রাখিলেন। শেয়ালখাকী আমাদের বাড়িতেই রহিয়া গেল এবং পাড়ার বালক-বালিকার খেলিবার একটা মস্ত সঙ্গী হইয়া দাঁড়াইল। এখন আমার ভাবিয়া আশ্চর্য বোধ হয়, আমরা শেয়ালখাকীকে আমাদেরই একজন ভাবিতাম। সে সকল খেলাতেই সঙ্গে থাকিত। আমরা পাড়ার বালক-বালিকাদের সঙ্গে মিশিয়া কখনো কখনো বনভোজনে যাইতাম। পাড়ার নিকট কোনো জঙ্গলময় স্থান পরিষ্কার করিয়া সেখানে উনান করিয়া প্রত্যেকের বাড়ি হইতে কাঠ কুটা চাল ডাল বহিয়া লইয়া যাইতাম। বালিকারা বাঁধিত, বালকেরা হইত নিমন্ত্রিত ব্রাহ্মণ, এবং তাহাদের মা খুড়ী জেঠীরা হইতেন অতিথি। পরম সুখে বনভোজন হইত। শেয়ালখাকী আমাদের সঙ্গে সমস্ত দিন বনে থাকিত। আহা রাত্রে আমরা যখন বনে লুকোচুরি খেলিতাম, তখন শেয়ালখাকী বনের মধ্যে পুকাইত, আমরা খুঁজিয়া বাহর করিতাম। আমরা তাহাকে খেলার সঙ্গী বলিয়া জানিতাম।

শেয়ালখাকীর দুইটি কীৰ্তি স্মরণ আছে। একবার আমরা কয়েকজন বালকে পরামর্শ করিলাম যে প্রতিবেশীদের একটা পুরাতন ভাড়া দালানে ঢুকিয়া পায়রা ধরিব। ঐ দালানের মধ্যে অনেক পায়রা থাকিত। আমরা মধ্যে মধ্যে ঘরে ঢুকিয়া দ্বার জানালা বন্ধ করিয়া তাড়া দিয়া পায়রা ধরিতাম। কিন্তু দ্বার জানালা ভাঙিয়া তাহাতে এত গর্ত হইয়া গিয়াছিল যে সেগুলি বন্ধ করিবার জন্য প্রায় পাঁচ-ছয়জন বালককে ঘরে প্রবেশ করিতে হইত। দরজা জানালার গর্তে-গর্তে পিঠ দিয়া এক-একজন বালক দাঁড়াইত, আর একজন পায়রাদিগকে তাড়াইয়া ধরিত। সেদিন আমাদের পাঁচজনের মধ্যে চারজন বৈ জুটিল না। আমরা একটি বালক খুঁজিয়া বেড়াইতেছি, এমন সময়ে দেখি শেয়ালখাকী আসিতেছে। শেয়ালখাকীকে দেখিয়া আমরা আনন্দিত হইলাম, ভাবিলাম আর বালকের প্রয়োজন নাই, শেয়ালখাকী দ্বারাই কাজ চলিবে। বলিলাম, “শেয়ালখাকি! আয় আয় পায়রা ধরিতে যাই।” শেয়ালখাকী অমনি প্রস্তুত। আমাদের সঙ্গে চলিল। ঘরের ভিতর ঢুকিয়া এক-একজন বালক এক-এক ছিদ্রে পিঠ দিয়া দাঁড়াইল। দ্বারের নিচে চৌকাঠের উপরে একটা ছিদ্র ছিল। শেয়ালখাকীকে বলা গেল, “শেয়ালখাকি! এই গর্তের মধ্যে লেজ দিয়ে বসে থাক, দেখিস যেন এ জায়গা ছেড়ে উঠিসনে।” তখন আশ্চর্য বোধ হয় নাই, এখন যতবার ভাবি আশ্চর্য বোধ হয়, শেয়ালখাকী কিরূপে আমাদের কথা বুঝিল। সেই ছিদ্রের মধ্যে লেজ দিয়া নিজের পিঠের দ্বারা ছিদ্রটি ঢাকিয়া বসিয়া রহিল। পরে পায়রাদিগকে যখন তাড়া দিতে আরম্ভ করা গেল এবং পায়রাগুলি তাহার মুখের সম্মুখ দিয়া উড়িয়া যাইতে লাগিল, তখন না জানি শেয়ালখাকীকে পক্ষে স্থান ত্যাগ করিয়া পায়রার সঙ্গে ছুটিবার কি প্রলোভনই হইয়া থাকিলে। কিন্তু সে তা করিল না, আমরা যেরূপ পিঠ দিয়া ছিদ্র ঢাকিয়া স্থির থাকিলাম, সে সেই প্রকার রহিল।

আর একটি ঘটনা এই: আমাদের বুধী বলিয়া একটা গাভী ছিল। তাহার একটি বাখাল ছিল। শেয়ালখাকী অনেক সময় বাখালের সঙ্গে বুধীকে লইয়া মাতে যাইত। সমস্ত দিন মাঠে থাকিয়া বৈকালে ঘরে আসিত। একবার বাবা কি কারণে রাগ করিয়া বাখালটাকে মারিয়া তাড়াইয়া দিলেন। তখন বুধী ঘরে বাধা পড়িল। তাহাকে চরায় কে? এইরূপে দুই-একদিন গেল। পরে আমি বলিলাম, “বাবা, শেয়ালখাকীকে দিলে সে গরু চরিয়ে আনতে পারে।” তুমি বাবা হাসিলেন, “হ্যাঁ, কুকুরে আবার গরু চরাবে!” মা শেয়ালখাকীকে চিনিতেন, তিনি তখন আমার কথায় যোগ দিলেন। তখন শেয়ালখাকীর সঙ্গে গরু পাঠানো স্থির হইল। কেমন করিয়া গরু চরাইতে হইবে তাহা শেয়ালখাকীকে বুঝাইয়া দেওয়া গেল। সে গরু লইয়া

যাইতে আরম্ভ করিল। একদিন সন্ধ্যা হইয়া গেল, গরু আর আসে না। বাবা ও মা চিন্তিত হইতে লাগিলেন। অবশেষে দেখা গেল যে, একা শেয়ালখাকী মহা চাঁৎকার করিতে করিতে আসিতেছে, সঙ্গে গরু নাই। আসিয়া আমাদের মুখের দিকে চাহিয়া চাঁৎকার করে, একটু দৌড়িয়া যায়, আবার দাঁড়ায়, আবার নিকটে ছুটিয়া আসে, মুখের দিকে চায়, ডাকে, আবার দৌড়িয়া যায়, আবার দাঁড়ায়। শেষে বাবা বুঝিলেন যে আমাদেরি সঙ্গে যাইতে বলিতেছে। তখন আমাদের দুইজন বালককে সঙ্গে যাইতে আদেশ করিলেন। আমরা সঙ্গে গিয়া দেখি, একজনেও আমাদের গরু বাঁধিয়া রাখিয়াছে। তাহারা শেয়ালখাকীকে দেখিয়া বলিতে লাগিল, “ওরে, কুকুরটা আবার এসেছে, নিজে মার খেয়ে গিয়ে বাড়ির লোক ডেকে এনেছে।”

এই শেয়ালখাকীর গ্রায় আরও অনেকবার অনেক কুকুর পুষিয়াছি।

**আমার প্রপিতামহ।** সর্বশেষে, আমার প্রপিতামহকে এই কালের মধ্যে যেরূপ দেখিয়াছিলাম, তাহার উল্লেখ করিয়া এই পরিচ্ছেদের উপসংহার করিতেছি। আমার স্মৃতিশক্তি যত দূর যায়, আমার জ্ঞানোদয় পর্যন্ত আমি তাঁহাকে অন্ধ বধির ও বাড়ির বাহিরে যাইতে অসমর্থ দেখিয়াছি। সে সময়ে বোধ হয় তাঁহার বয়স ৯৫ বৎসর ছিল। তিনি খবাক্কতি ও কুশঙ্গ মানুষ ছিলেন, স্তত্রাং তাঁহাকে একটি বালকের মতো দেখাইত। আমার মা তাঁহার ধর্মভাব ও সাধননিষ্ঠা দেখিয়া এমনি মুগ্ধ হইয়াছিলেন যে, কুলগুরু নিকট মঙ্গদীক্ষার সঙ্কল্প ত্যাগ করিয়া তাঁহারই নিকট দীক্ষিত হইয়াছিলেন। তৎপরে কোলের শিশুটির গ্রায় তাঁহাকে হাতে ধরিয়া পালন করা আমার মা'র এক প্রধান কাজ হইয়া দাঁড়াইয়াছিল। প্রাতে উঠিয়া গলবস্ত্রে তাঁহার চরণে প্রণত হইতেন, তৎপরে ছোট শিশুটির গ্রায় তাঁহার কাপড় ছাড়াইয়া কাচা কাপড় পরাইয়া পূজার আসন ও কোশাকুশী দিয়া তাঁহাকে পূজায় বসাইয়া দিতেন। বসাইয়া দিয়া নিজের গৃহকর্মে যাইতেন। পূজা অন্তে আমি তাঁহার হাত ধরিয়া বসিবার আসনে বসাইয়া দিতাম।

আমাদের বাড়ির দক্ষিণ-পশ্চিম কোণে একটি ছোট কোঠা-ঘর ছিল, তাহার এক অংশে প্রপিতামহ মহাশয় থাকিতেন, আর এক অংশে ঠাকুরঘর ছিল। সে জন্ম সমগ্র ঘরটি ঠাকুরঘর বলিয়া উক্ত হইত। ঠাকুরঘরে এক পাথরের বড় শিব, এক কাষ্ঠনির্মিত পঞ্চানন, এক ফটিকনির্মিত বাণলিঙ্গ শিব, এক শালগ্রাম শিলা, এই চারি ঠাকুর থাকিতেন। বোধ হয় প্রপিতামহের অন্নপ্রাশনের সময় পাথরের শিবের প্রতিষ্ঠা হয়, আমার পিতার অন্নপ্রাশনের সময় কাষ্ঠনির্মিত পঞ্চাননের প্রতিষ্ঠা হয়, এবং অপর দুইটি ঠাকুর বোধ হয় কুলক্রমাগত। প্রপিতামহের যত দিন শক্তি ছিল, তিনি নিত্য ঠাকুরঘরে গিয়া ঐ ঠাকুরগণের পূজা করিতেন। কিন্তু আমি যখন দেখিয়াছি, তখন

তিনি আর ঠাকুর পূজা করিতে ঠাকুরঘরে যান না, আমার পিশামহাশয় প্রভৃতি অন্ত লোকে ঠাকুর পূজা করেন।

জ্ঞানের প্রতি প্রপিতামহ মহাশয়ের বড় ভয় ছিল, একজন্ম মাসে ছুই-চারিবার মাত্র স্নান করানো হইত। কেন যে স্নানে ভয় ছিল বলিতে পারি না। দেখিতাম, মাধায় বা গায়ে জল দিলে ‘বাপরে মারে’ করিয়া পাড়ার লোক জড়ো করিতেন। সেই জন্ম প্রতিদিন প্রাতে কাপড় ছাড়াইয়া সন্ধ্যা আন্ধারে বসানো হইত।

আমি চলিতে বলিতে শিখিলেই তাঁহাকে ধরিয়া ঘরের বাহির করা, শৌচে লইয়া যাওয়া, তাহার মুখ ধুইবার জল আনিয়া দেওয়া, কাপড় আনিয়া দেওয়া প্রভৃতি ক্ষুদ্র ক্ষুদ্র কার্যের ভার আমার প্রতি অপিত হইয়াছিল। পূর্বেই বলিয়াছি, তিনি আমাকে অতিশয় ভালবাসিতেন। আমি তাঁহাকে মকু গলাতে ‘পো’ বলিয়া ডাকিলেই তিনি পুলকিত হইয়া উঠিতেন। কোনো কাজে আমার দরকার হইলেই আমাকে ‘বাবা’ ‘বাবা’ বলিয়া ডাকিতেন। সর্ববিষয়ে আমাকে অতিরিক্ত আদর দিতেন। মা আমাকে মারিলে আমি কাদিতাম, আমার ক্রন্দনের স্বর যদি তাঁহর কানে যাইত তাহা হইলে “বাবা কঁদে কেন?” বলিয়া রাগিয়া ফাটাফাটি করিতেন। এইজন্য মা মারিলেই আমি আকাশ-পাতাল ইঁা করিয়া পো-র নিকট গিয়া কাদিতাম।

পো অধ্যাপক ছিলেন, বাড়িতে বসিয়া বিদ্যায় আদায় যাহা উপার্জন করিতেন তাহাতেই স্বখে সংসার চলিত। কখনো কখনো গ্রামের বিষয়ী লোকদিগের গৃহে ক্রিয়াকর্ম হইলে, পো-র জন্ম বিদ্যায়ের ডালি আনিত। ডালির অর্থ, একখানি সরতে একটু চিনি ও দশ-বারোটি সন্দেশ, তৎসহ একটি ঘড়া, কি একটি গাছু, কি কতকগুলি মুদ্রা। আমি বাহিরে খেলা করিতে করিতে যদি দেখিতাম যে ডালি আমাদের ভবনের অভিমুখেই যাইতেছে, তখনই সঙ্গ লইতাম। প্রপিতামহ মহাশয় বাহির বাড়ির দিকে এক রকে বসিয়া জপ করিতেন। পো-র ডালিটি সম্মুখে রাখিয়া তাঁহর হাত ধরিয়া ছুঁয়াইয়া দিত। তিনি বুঝিতেন যে ডালি আসিয়াছে। ডিজসা করিলেন “কার বাড়ি হ’তে?” ডালি-বাহক চাঁৎকার করিয়া নামটা বলিয়া দিত। তখন পো আমাকে ডাকিতেন, “বাবা!” আমি অমনি ছোট ছোট অঙ্গুলিতে তাঁহর গা ছুঁইয়া দিতাম; ভাবিতাম, বেশি চোঁচাইলে মা গুনিতে পাইবেন। প্রপিতামহ বুঝিতেন, বাবা উপস্থিত। টাকাগুলি নিজের কাছে রাখিয়া বলিতেন, “এই সন্দেশের সরা মাকে নিয়া দেও।” বাবা তো সরাখানি লইয়া একান্তে দাঁড়াইয়া অধিকাংশ থাইলেন, শেষে রান্নাঘরের কাছে গিয়া বলিলেন, “মিত্রের বাড়ি থেকে ডালি এসেছিল ঐ সে সরা,” এই বলিয়া রান্নাঘরের দাবাতে সরাখানি রাখিয়াই দৌড়। মা রাগিয়া



পো-র নিকট আসিয়া বকাবকি করিতেন। বলিতেন, “আমাকে কি ডাকতে পার না ? বড় যে ‘বাবা’ ‘বাবা’ কর, ঐ বাবা সব সন্দেশ খেয়ে ফেলেছে।” প্রপিতামহ মহাশয় শুনিয়া হাসিয়া উঠিতেন, “হাঃ হাঃ, বেশ করেছে, ওর জন্মই তো সব।” যখন সন্ধ্যাখানি আমার হাতে না পড়িয়া মায়ের হাতে পড়িত, তখন পো হাত দিয়া সন্দেশ গুলি গণিয়া রাখিতেন। তাহার পর তাঁহাকে প্রতিদিন কয়টা করিয়া সন্দেশ দেওয়া হইত তাহা গণিতেন। যদি দেখিতেন অধিকাংশ তাঁহাকে দেওয়া হইয়াছে, তাহা হইলে ফাটাফাটি করিতেন, “আমাকে যদি সব দিলে তো বাবা খেলে কি ?”

এ সকল লিখিতে আমার চক্ষে জল আসিতেছে। হায় ! তখন আমি তাহার এতটা প্রেম বুঝি নাই।

আমাদের বাড়িতে প্রায়ই ২।৩টা বিড়াল থাকে। সে সময় একটা কদাকার বিড়াল ছিল। সে কদাকার বলিয়া মা তাহাকে হুম্মান বলিয়া ডাকিতেন, আমরাও হুম্মান বলিতাম। হুম্ম বড় চোর। পো-র পাতের মাছ চুরি করিয়া খাইত, তিনি দেখিতে পাইতেন না। এইজন্ত মা প্রথম প্রথম পো-কে আহায়ে বসাইয়া বাম হস্তে একগাছি ছড়ি দিয়া আসিতেন ; বলিয়া আসিতেন, “মধ্যে মধ্যে বাড়িগাছটা আপসো, বেড়াল আসে।” পো মধ্যে মধ্যে ছড়িগাছটা লইয়া বিড়ালের উদ্দেশে মারিতেন। একদিন দেখা গেল, হুম্মান লম্বা হইয়া পো-র পাত হইতে চুরি করিয়া মাছ খাইতেছে, পো তাহার উদ্দেশে ছড়ি মারিতেছেন, সে ছড়ি হুম্মর পৃষ্ঠে চপ চপ করিয়া পড়িতেছে, হুম্ম গ্রাহ্যই নাই। তাহার পর হইতে মা আমাকে পো-র পাতের নিকট ছড়ি হস্তে বিড়াল তাড়াইবার জন্ত বসাইয়া রাখিতেন। তাহার পর আর বিড়াল আসিতে পারিত না। কিন্তু একদিন যে ব্যাপার ঘটয়াছিল তাহা বলিতে হাসিও পাইতেছে, লজ্জাও হইতেছে। সেদিন আমি বসিয়া আছি, পো আহায়ে করিতেছেন। শুক্ল, ডাল, মাছের ঝোল, একে একে সব খাইলেন ; আমি ঠিক বসিয়া আছি, কিছুই বিভ্রাট ঘটিল না। কিন্তু শেষে যখন দৈ কলা ও সন্দেশ দিয়া ভাত মাখিলেন, তখন এট পেটকের পক্ষে স্থির থাকা কঠিন হইল। অলক্ষিতে ক্ষুদ্র হস্তে এক-এক খাবা ভাত গালে তুলিতে লাগিলাম। আমার প্রপিতামহের নিয়ম ছিল যে আহায়ে বসিয়া কথা কহিতেন না ; এ নিয়ম তিনি ৮ বৎসর হইতে ১০৩ বৎসর বয়স পর্যন্ত পালন করিয়াছিলেন। আর একটি নিয়ম এই ছিল যে, আহায়ে সময় কেহ স্পর্শ করিলে আহায়ে হইতে বিরত হইতেন। আমার ক্ষুদ্র হাতের খাবা উঠিতেছে উঠিতেছে, একবার, হাতে হাতে ঠেকিয়া গেল। অমনি পো শিহরিয়া মাকে ইশারাতে ডাকিতে লাগিলেন “ঔ, ঔ !” অর্থাৎ কে আমাকে ছুইয়া দিল, দেখ। মা আসিয়া দেখেন, পেটক

পুত্রটির হাতে মুখে দইয়ের দাগ, আর লুকাইবার যো নাই। পো-র কানে চীৎকার করিয়া বলিলেন, “আর উ কি? ঐ ‘বাবা’। বড় যে আদর দেও!” স্ত্রীয়া প্রপিতামহ মহাশয় হাসিয়া উঠিলেন, “হাঃ হাঃ, বেশ করেছে, তবে ও-ই সব থাক,” বলিয়া আহার ত্যাগ করিলেন। কিন্তু এ বন্দোবস্ত মা’র সঙ্গ হইল না। তিনি আমার গলা টিপিয়া খাবড়া দিয়া তুলিয়া লইয়া গেলেন, বলিতে লাগিলেন, “আচ্ছা তো বেরাল তাড়াতে বসিয়েছি, নিজেই বেরাল হয়েছে।”

আমি বাল্যকালে প্রপিতামহদেবের অধর্মের প্রতি যে বিরাগ দেখিয়াছিলাম, তাহা তুলিবার নহে। পরিবার মধ্যে আমার পিতা বা মাতা কাহারও কার্য ধর্ম বা নীতি-সঙ্গত হয় নাই, এরূপ মনে করিলে তিনি নিজের গালে মুখে চড়াইতেন বা মাথা খুঁড়িতেন। ক্রোধ কোন প্রকারেই সম্বরণ করিতে পারিতেন না। আমার কোনো ছুটামি তাঁহার কর্ণগোচর হইলে মাকে ডাকিয়া আমাকে শাসন করিতে আদেশ করিতেন। পাছে আমি পাড়ার কুসঙ্গে মিশিয়া ছুটামি শিখি, বোধ হয় এই ভয় করিতেন; কারণ, দেখিতে পাইতাম যে, কুকুরটা বাছুরটা তাঁহার ঘরের রকের সম্মুখ দিয়া গেলে, ঝাপসা-ঝাপসা দেখিয়া, “ওই বাবা বাইরে গেল” বলিয়া মাকে ডাকাডাকি ও মহামারি উপস্থিত করিতেন। এইজন্য আমাকে পা টিপিয়া টিপিয়া বা পিছন দিয়া অনেক সময়ে পলাইতে হইত।

**প্রপিতামহের শাস্ত্রজ্ঞান ও সংস্কৃতভাষাভাষা।** প্রপিতামহদেব একজন সংস্কৃতজ্ঞ ও সংস্কৃতভাষাভাষী মানুষ ছিলেন। আমার স্মরণ আছে, গ্রামের পণ্ডিতদিগের মধ্যে অনেকে মধ্যে মধ্যে কঠিন কঠিন প্রশ্ন বিষয়ে শাস্ত্রীয় ব্যবস্থা জানিবার জন্য তাঁহার নিকট আসিতেন। তখন চীৎকার করিয়া প্রশ্নগুলি তাঁহাকে বোঝানো ও ব্যবস্থা লওয়া এক মহা ব্যাপার পড়িয়া গাইত। বয়সে অতি প্রাচীন হইলেও তিনি সেরূপ স্মৃতিশক্তি হারান নাই। তিনি শাস্ত্রীয় বচন উদ্ধৃত করিয়া প্রশ্নের মীমাংসা করিয়া দিতেন।

সেই বৃদ্ধ বয়সেও তাঁহার জ্ঞানালোচনাতে আনন্দ দেখিতাম। তাঁহার সংস্কৃতজ্ঞান বিষয়ে দুটি উল্লেখযোগ্য বিষয় আছে। প্রথমটি এই। অনুমান ১৮৫১ কি ১৮৫২ সালে আমাদের গ্রামের স্কুলের মধ্যে একটি সংস্কৃত শিক্ষার শ্রেণী খোলা হয়। আমাদের জাতিবর্গের বাড়ির অনেক ছেলে তাহাতে ভর্তি হয়, এবং আমার মাতার জ্যেষ্ঠভ্রাতা ভাই চাকড়িপোতা গ্রাম নিবাসী কৈলাসচন্দ্র চক্রবর্তী মহাশয় সেই সংস্কৃত শিক্ষা শ্রেণীর শিক্ষক নিযুক্ত হন। তিনি কর্ম লইয়া আমাদের গ্রামে গিয়া আমাদের বাড়িতেই বাস করিতে থাকেন, এবং সংস্কৃত কাব্যাদির বিচার বিষয়ে আমার প্রপিতামহের একজন সহায় ও সঙ্গী হইয়া পড়েন। প্রাতে গ্রামের কোনো কোনো

ব্রাহ্মণ যুবক তাঁহার নিকট পড়িতে আসিতেন। তাঁহাদের মুখে প্রপিতামহ মহাশয় সংবাদ পাইতেন, তাঁহারা কি পড়েন ; তাহাতে অতিশয় আনন্দ প্রকাশ করিতেন। আমি কলিকাতা হইতে বাড়ি গেলেই দেখিতে পাইতাম, তিনি কৈলাসমামাকে ডাকিয়া তিন চরণ সংস্কৃত কবিতা পাঠ করিয়া, শেষ চরণ কি তাহা জানিতে চাহিতেছেন ; কৈলাসমামা আশ্চর্য্যাব্বিত হইয়া আমার মাকে বলিতেছেন, “দিদি, কি আশ্চর্য্য ! এ সকল শ্লোক এখনো ঔর স্মরণ আছে !”

অপর ঘটনাটি হাস্যজনক।

‘রাম শব্দের টা’-তে কি হয় ? আমি ১৮৫৬ সালে যখন কলিকাতায় আসিয়া সংস্কৃত কলেজে ভর্তি হইলাম, তখন বিভাগাগর মহাশয় সেখানকাব কর্তা। তিনি তৎপূর্বে মুক্তবোধ ব্যাকরণ পড়ানো বন্ধ করিয়া নিম্ন শ্রেণীতে তাঁহার প্রণীত উপক্রমণিকা ধরাইয়াছেন। আমরা উপক্রমণিকা অনুশারে সংস্কৃত শিক্ষা আরম্ভ করিলাম। তৎপরে গ্রীষ্মের ছুটিতে বাড়িতে আসিলে আমার প্রপিতামহদেব শুনিলেন যে আমি সংস্কৃত কলেজে ভর্তি হইয়াছি, তাহা শুনিয়া আনন্দিত হইলেন। একদিন সন্ধ্যার সময় আমাকে নিকটে বসাইয়া জিজ্ঞাসা করিলেন, “বাবা ! রাম শব্দের ‘টা’-তে কি হয়, বল তো।” আমি বালকের কণ্ঠস্থরে চীৎকার করিয়া বলিলাম, “রাম শব্দের আবার ‘টা’ কি ?—রামটা।” তখন তিনি বিরক্ত হইয়া বলিলেন, “বোড়ার ঘাস কাটবে।” “রাম শব্দের তৃতীয়ার একবচনে কি হয়”—বলিয়া জিজ্ঞাসা করিলে আমি বলিতে পারিতাম ‘রামেণ’। কিন্তু আমি তো মুক্তবোধ পড়ি নাই, কাজেই রাম শব্দের ‘টা’ যে কি, তাহা বুঝিতে পারিলাম না। ইহা লইয়া আমার বাবার সহিত প্রপিতামহদেবের কথা হইল, বাবা সমুদয় কথা বুঝাইয়া দিলেন। কিন্তু সংস্কৃত ব্যাকরণ পড়িতেছি না শুনিয়া তিনি বড়ই দুঃখিত হইলেন।

বাবার মুখে শুনিয়াছি, প্রপিতামহ মহাশয়ের সময়ে কলাপ ব্যাকরণ পড়িবার রীতি ছিল, তদনুসারে তিনি যৌবনে কলাপ ব্যাকরণ পড়িয়াছিলেন। কিন্তু আমার পিতা মহাশয়ের পঠদশাতে মুক্তবোধ ব্যাকরণ পড়িবার রীতি প্রবর্তিত হইয়াছিল। তদনুসারে প্রপিতামহ মহাশয় বোধ হয় মনে করিয়াছিলেন যে আমি মুক্তবোধ পড়ি, সেই জন্তই প্রশ্ন করিয়াছিলেন, “রাম শব্দের ‘টা’-তে কি হয় ?”

প্রপিতামহদেব আমার মাতার মন্ত্রদাতা গুরু ছিলেন। স্মৃতিরাম সময়ে অসময়ে মাতাকে ডাকিয়া, কোন স্থলে কিরূপ কর্তব্য, সে বিষয়ে উপদেশ দিতেন। এই সকল উপদেশ আমার মাতার অন্তরে একপ দৃঢ়বন্ধ হইয়া গিয়াছিল যে, তিনি যমগ্র জীবনে ঐ সকল উপদেশ হইতে একপদও বিচলিত হন নাই বলিলে অত্যাুক্তি হয় না। প্রপিতামহ মহাশয় আমার জননীকে বিবাহিতা হিন্দু রমণীর যে

সম্ভব্য পথ দেখাইয়া দিয়া গিয়াছিলেন, মাতা চিরদিন সেই পথে স্মৃতিস্তম্ভিত ছিলেন।

আমার শৈশবে আমার মাতৃদেবীর ও আমার প্রপিতামহের যে ধর্মভাব দেখিয়াছি, তাহা ভুলিবার নহে। আমাকে রোগমুক্ত করিবার জন্ত মা'র ইষ্টদেবতার নিকট মনতের কথা পূর্বেই বলিয়াছি। তাহাই কেবল নহে, ধর্ম সাধন তাহার প্রতিদিনের প্রধান কার্য ছিল। মাটি দিয়া শিব গড়িয়া নিত্য পূজা করিতেন। সে পূজাতে অনেকক্ষণ থাকিতেন। খাবার অন্ন ঠাকুরদিগকে নিবেদন না করিয়া কাহাকেও খাইতে দিতেন না। বিশেষ বিশেষ দিনে ব্রত নিয়ম উপবাসাদি চলিত, প্রতিদিন পূজার ফুল আনিয়া আমার মাথায় দিতেন এবং নিজের পদধূলি দিয়া আশীর্বাদ করিতেন।

**সাদুপুরুষ প্রপিতামহ।** প্রপিতামহদেবের ধর্মভাবও চিরস্মরণীয় হইয়া রহিয়াছে। তিনি বিশ্বাসী ভক্ত শান্ত সাধক ছিলেন। তাঁহার ইষ্টদেবতাকে সর্বদা 'দয়াময়ী মা' বলিয়া ডাকিতেন। যৌবনে নিজের দুই কন্যা সম্ভান জন্মিলে তাঁহাদের নাম 'দয়াময়ী' ও 'করুণাময়ী' রাখিয়াছিলেন। তাহার বাল্যকালেই গত হন। দয়াময়ী করুণাময়ীর চিন্তা তাঁহার মনে কিরূপ লাগিয়া ছিল, তাহার প্রমাণ এই যে, তাঁহাদের মৃত্যুর প্রায় ষাট বৎসর পরে যখন আমার প্রথমা ভগিনী উম্মাদিনী জন্মিল, তখন তাঁহার মনে হইল দয়াময়ী আবার আসিয়াছে।

প্রপিতামহদেব জপতপ পূজাদিতে প্রতিদিন প্রাতে প্রায় দেড় ঘণ্টা সময় যাপন করিতেন। প্রথমত প্রায় একঘণ্টা কাল দেবীদেবীর পূজন ও জপ প্রভৃতিতে যাইত, তৎপরে প্রায় আধ ঘণ্টা কাল পিতৃপুরুষের তর্পণে অতিবাহিত হইত। তৎপরে প্রায় আধ ঘণ্টা কাল মাটিতে মাথা ঠুকিয়া ইষ্টদেবতার চরণে প্রণাম ও প্রার্থনা হইত। এই প্রণাম করিয়া করিয়া তাঁহার কপালের উপরে একটা আবেয় মতো মাংসের গুলি জন্মিয়াছিল। মাথা ঠুকিয়া যখন প্রার্থনা করিতেন, তখন আমার মা কোনো কোনো দিন কান পাতিয়া শুনিতেন। একদিন মা শুনিলেন যে, তিনি মুখে মুখে বাংলা ভাষাতে তাঁহার ইষ্টদেবতার চরণে আমার বিদেশবাসী পিতার জন্ত প্রার্থনা করিতেছেন। বলিতেছেন, “মা দয়াময়ী! সে বিদেশে পড়ে আছে, তাকে রক্ষা করো। সে কাহারও বারণ শোনে না, তাকে ক্ষমতি দেও,” ইত্যাদি। সর্বশেষে উঠিয়া দাঁড়াইয়া করতালি দিয়া নাচিতেন। নাচিবার সময় আমার ডাক হইত, ‘বাবা!’ আমি তখন দিগম্বরমূর্তি বালক, মা আমাকে খেলার ভিতর হইতে ধরিয়া আনিতেন এবং প্রপিতামহের হাতে হাত দিয়া নাচিতে বলিতেন। অমনি দুইজনে হাতে হাত ধরিয়া নৃত্য আরম্ভ হইত। তিনি তিনশত পঁয়ষট্টিদিন নাচিবার সময় একই গান করিতেন, তাহার দুই পংক্তি মাত্র আমার মনে আছে—

“হুর্গা হুর্গা বল ভাই,  
হুর্গা বই আর গতি নাই।”

মা প্রপিতামহদেবকে আমার ধর্মশিক্ষার দিকে দৃষ্টি রাখিবার জন্য অনুরোধ করিয়াছিলেন, তাই তিনি আমাকে লইয়া প্রাতে নাচিতেন এবং প্রতিদিন সন্ধ্যাকালে সায়াসন্ধ্যার পর কাপড় মুড়ি দিয়া নিজ শয্যাতে বসিয়া আমাকে কোলে লইয়া মুখে মুখে ধর্মোপদেশ দিতেন, দেবতাদের স্তব প্রভৃতি শিখাইতেন, প্রশ্নোত্তরচ্ছলে অবগুঞ্জ্যাতব্য বিষয় সকল শিখাইতেন। যথা—প্রপিতামহের নাম কি? প্রশ্ন করিয়াই তদুত্তরে বলিতেন. “বল, শ্রীরামজয় ত্রায়ালঙ্কার।” আমি বাল্যস্বরে বলিতাম, “শ্রীরামজয় ত্রায়ালঙ্কার,” ইত্যাদি। তৎপরে দেবদেবীর যে সকল স্তব মুখস্থ আবৃত্তি করিতেন এবং আমাকে আবৃত্তি করাইতেন, তাহার সকলগুলি মনে নাই। একটি মনে আছে, তাহা এই—

সর্বমঙ্গলা-মঙ্গল্যে, শিবে, সর্বার্থসাধিকে,  
শরণে, ত্র্যম্বকে, গৌরি, নারায়ণি, নমোহস্তু তে।

সে সময়কার আর একটি শ্লোক আমার স্মরণ আছে, তাহা মনে হইলে ক্ষোভ-মিশ্রিত বিশ্বাসের উদয় হয়। মনে হয়, অল্পদিনের মধ্যে আমাদের গৃহে কি পরিবর্তনই ঘটিয়া গেল! আমার প্রপিতামহ আমাকে অপরাপর প্রশ্নের মধ্যে প্রশ্ন করিতেন, “বাবা, তোমরা কোন জাতি?” বলিয়াই বলিতেন, “বল, আমরা ব্রাহ্মণ।” পরে প্রশ্ন—“কোন শ্রেণীর ব্রাহ্মণ? আবার উত্তর—“দাক্ষিণাত্য বৈদিক শ্রেণীর ব্রাহ্মণ।” আবার প্রশ্ন—“তোমরা কত দিন ব্রাহ্মণ?” উত্তর—

“যাবন্মেরো স্থিতা দেবা, যাবদ্ গঙ্গা মহীতলে,  
চন্দ্রাকৌ গগনে যাবৎ, তাবদ্বিপ্ৰকূলে বয়ম্।”

অর্থাৎ, দেবগণ যতদিন মেরুতে আছেন, গঙ্গা যতদিন পৃথিবীতে আছেন, চন্দ্র সূর্য যতদিন আকাশে আছেন, ততদিন আমরা ব্রাহ্মণকূলে আছি। এখন ভাবি, তিনি কি ভাবিয়াছিলেন, আর আমি কোথায় আসিয়া দাঁড়াইয়াছি!

আমি জরে পড়িলে বা অথবা কোন প্রকার পীড়াতে আক্রান্ত হইলে আমার মা সন্ধ্যাকালে আমাকে লইয়া তাহার ক্রোড়ে বসাইয়া দিতেন, এবং পীড়ার কথা জানাইতেন। তৎপরে প্রপিতামহদেব আমার দেহে হাত বুলাইয়া ঝাড়িতে আরম্ভ করিতেন, সমগ্র দেহে ফুৎকার দিতেন, ও মুখে-মুখে ইষ্টদেবতার স্তব আবৃত্তি করিতেন। আশ্চর্যের বিষয় এই, ঝাড়িয়া দেওয়াতেই অনেক সময়ে বোধ হয় আমার জ্বর সারিয়া যাইত। এইজন্য জরে আমার গাত্রজালা উপস্থিত হইলেই, আমি “পো-র কাছে নে যা” বলিয়া কাদিতাম।

এই সাধু ও সিদ্ধ পুরুষের স্মৃতি আমাদের পরিবারে জীবন্ত রহিয়াছে। তাহার স্মৃতিচিহ্ন যাহা কিছু আছে, আমাদের গৃহে যতপূর্বক রক্ষিত হইতেছে। সে সকলকে সকলেই পবিত্র চক্ষে দেখিয়া থাকেন। ইহা বলিলেই যথেষ্ট হইবে যে, ব্রাহ্ম হইয়া উপবীত ত্যাগের পর আমার একবার যক্ষ্মা রোগের সূচনা হয়, তখন আমার জননী আমার পরিচর্যার জন্য কলিকাতা আসিয়া আমাকে লইয়া কয়েক মাস ছিলেন। তিনি আমার পূজ্য পো-ঠাকুরদার লাঠি যোগপট ও মালা আনিয়া আমার শয্যাতে রাখিয়াছিলেন, বিশ্বাস এই ছিল, তাহার গুণে আমি রোগমুক্ত হইব। তিনমাস কাল ঐ সকল দ্রব্য আমার শয্যা হইতে সরাইতে দেন নাই। তৎপরে এ-লোক হইতে যাইবার সময় পো-র জপের মালা আমার ভগিনীকে ও তাহার অংগারের বাটি আমাকে দিয়া গিয়াছেন, আমি প্রতিদিন তাহা ব্যবহার করিতেছি।

আমি আর কি বলিব, তাহার পর বহু বৎসর চলিয়া গিয়াছে, অনেক মানুষ দেখিয়াছি, নিজে অনেক ভ্রম প্রমাদ করিয়াছি, কিন্তু যখনই সেই সাধু পুরুষের সেই ধর্মনিষ্ঠার কথা স্মরণ করি, তখনই নিজের দুর্বলতা স্মরণ করিয়া পঙ্কজিতে অভিভূত হইয়া যাই। বহু বর্ষ পরে যখন আমার মা কাঁদিয়া বলিতেন, “হায় বে, এমন সাধু পুরুষের এত আশীর্বাদ কি বৃথা গেল?” তখন আমি চক্ষের জল বাধিতে পারিতাম না। মনে মনে বলিতাম, “হায় বে, তিনি তাঁর ইষ্টদেবতাকে যেমন অকপটে ‘মা’ বলিতেন, আমি কেন তেমন করিয়া ঈশ্বরকে ডাকিতে পারি না!”

ক্রমে আমি নবম বৎসরে আসিয়া উপনীত হইলাম। নবম বৎসরে আমার উপনয়ন হইল। উপনয়নান্তে পো নিজে আমাকে সন্ধ্যা আফ্রিক শিখাইতে প্রবৃত্ত হইলেন, এবং নিজের নিকট লইয়া প্রতিদিন সন্ধ্যা করাইতে লাগিলেন।

কলিকাতা যাত্রা। ইহার অল্পদিন পরেই বাবা আমাকে কলিকাতায় আনিলেন। সেদিনকার কথা আমি ভুলিব না। আমি মায়ের এক ছেলে; বাছুর লইয়া গেলে গাভী যেমন হামলায়, তেমনি আমার মা সেদিন হামলাইতে লাগিলেন। আমি বাবার সঙ্গে চলিয়া আসিলাম, তিনি পথে দাঁড়াইয়া কাঁদিতে লাগিলেন। সে ক্রন্দন কোনো দিন ভুলিব না। উম্মাদিনী চিন্তাদাসীর সঙ্গে শালতী ঘাট পর্যন্ত আমাকে তুলিয়া দিতে আসিয়াছিল। যখন সে আমার গলা জড়াইয়া ধরিয়া বলিল, “পাগ্‌গা দাদা, (অর্থাৎ পাগলা দাদা,) আমার জন্তে পুতুল এনো,” তখন আমি কাঁদিয়া অধীর হইলাম। সে চলিয়া গেল, আমার মনে হইল, আমার বুকের হাড় খুলিয়া লইয়া গেল। আমি পিতার সহিত কাঁদিতে কাঁদিতে যাত্রা করিলাম।

বিজ্ঞানসাগরের সংস্কৃত কলেজ। ১৮৫৬ সালের আষাঢ় মাসে বাবা আমাকে কলিকাতায়

আনিলেন। তাঁহার ইচ্ছা ছিল যে আমাকে ডেভিড হেয়ারের স্কুলে ভর্তি করিয়া দিয়া ইংরাজী শিখাইবেন; কারণ, তিনি দেখিয়াছিলেন যে, তিনি সংস্কৃত শিক্ষণে এত বৎসর দিয়াও এবং কলেজ হইতে স্নাত্যতির সহিত উত্তীর্ণ হইয়াও ২৫ টাকার অধিক বেতন পাইলেন না। সুতরাং বুঝিয়াছিলেন যে, ইংরাজীর গন্ধ না হইলে কাজ কর্দ পাইবার সুবিধা নাই। কিন্তু তাঁহার অবস্থাতে তাহা করিতে দিল না। তিনি তখন বর্ধমান জেলায় আমদপুরে পণ্ডিত করিয়া আসিয়া কলিকাতা বাংলা পাঠশালাতে ২৫ টাকা মাসিক বেতনে কর্দ করিতেন। অতএব পুত্রকে উৎকৃষ্টরূপে ইংরাজী শিখাইবার যে বাসনা ছিল তাহা তাঁহাকে পরিত্যাগ করিতে হইল।

কেবল তাহাই নহে। হেয়ার স্কুলে না দিবার আরও একটি কারণ উপস্থিত হইল। ঈশ্বরচন্দ্র বিদ্যাসাগর মহাশয় তখন সংস্কৃত কলেজের অধ্যাপক। ঐ কলেজে আমার মাতুল দ্বারকানাথ বিদ্যাভূষণ মহাশয় অধ্যাপকতা করিতেন। বিদ্যাসাগর মহাশয় আমার মাতুলের সহাধ্যায়ী বন্ধু ছিলেন। তিনি সপ্তাহের মধ্যে তিন-চারি-দিন আমাদের বাসাতে আসিতেন, এবং আমাকে নিকটে পাইলেই দুইটা অঙ্গুল চিমটার মতো করিয়া আমার পেট টিপিতেন; সুতরাং বিদ্যাসাগর আসিয়াছেন শুনিলেই আমি সেখান হইতে পলাইতাম। যাহা হউক, তখন বিদ্যাসাগর মহাশয় সংস্কৃত কলেজে ইংরাজী শিক্ষা প্রবর্তিত করিয়াছিলেন, তিনি আমার বাবাকে আমাকে ছেয়াব স্কুলে না দিয়া সংস্কৃত কলেজেই দিতে বলিলেন, তদনুসারে আমাকে সংস্কৃত কলেজে ভর্তি করা হইল।

আমার মাতামহ হরচন্দ্র স্ত্রায়রত্ন মহাশয় সেই সময়ে পীড়িত হইয়া স্বীয় গ্রামের বাড়িতে বাস করিতেছিলেন। আমি কলিকাতায় আসিয়া চাঁপাতলা সিদ্ধেশ্বর চন্দ্রের লেনের নিকটস্থ ‘মহাপ্রভুর বাড়ি’ নামক এক বাড়িতে মাতুলের বাসাতে রহিলাম। ঐ বাড়ির বাহিরে নিচের তলাতে চৈতন্ত ও নিত্যানন্দ দুইজনের কাঠনির্মিত দুই প্রকাণ্ড মূর্তি ছিল। হরেকৃষ্ণ বাবাজী নামক এক বাবাজী ঐ বাড়ির মালিক এবং ঐ উভয় মূর্তির সেবক ছিলেন। সেই বাড়ির এক ঘরে একটি চিত্রকর থাকিতেন, তিনি বাবুদের ছবি আঁকিতেন। তাঁহার ঘরে অনেক স্বন্দর স্বন্দর ছবি ছিল। আমি স্কুল হইতে আসিয়া তাঁহার ঘরে অনেকক্ষণ থাকিতাম, নিয়ম-চিত্তে ছবিগুলি দেখিতাম। আমার ছবি দেখার নেশা সেই অবধি অত্যন্ত পর্যন্ত যায় নাই। আমাকে উৎকৃষ্ট উৎকৃষ্ট ছবির মধ্যে রাখিয়া দিলে বোধ হয় আহার নিদ্রা তুলিয়া ঘটীর পর ঘটী থাকিতে পারি।

আমরা বাড়ির ভিতর উপরতলায় থাকিতাম। সেই উপরতলায় এক পাখি আমার মাতুল গ্রামের আর কয়েকটি ভদ্রলোক থাকিতেন। তাঁহারা আমাকে বড়

ভালোবাসিতেন। সে পুরুষের বাসা, সমস্ত দিনের মধ্যে একটি মেয়েমানুষের মুখ দেখিতে পাইতাম না। স্বসম্পর্কীয় ও স্বগ্রামের অনেকগুলি যুবকে আমার মাতুল অন্ন দিতেন, তাঁহারা সকলে ঐ বাসাতে থাকিতেন। এক-একটি ভীষণকৃতি মর্দ; কেহ দেড় কুনিকা, কেহ দুই কুনিকা চাউলের ভাত খায়। কেহ পড়ে, কেহ বা কিছু কাজ করে, কেহ বা নিষ্কর্মা বসিয়া খায়। আমার বাবা সংস্কৃত দশকুমারচরিত হইতে নাম সংগ্রহ করিয়া তাঁহাদের কাহারও নাম 'দর্পসার', কাহারও নাম 'দর্প-নারায়ণ', কাহারও নাম 'চণ্ডবর্মা' রাখিয়াছিলেন; সেই নামে তাঁহাদিগকে ডাকিতেন। তদ্বিন্ন প্রত্যেকের ভোজনের পাথরের পৃষ্ঠে নকুন দিয়া খুঁদিয়া কে কত কুনিকা চাউলের ভাত খায় তাহাও লিখিয়া দিয়াছিলেন। খালা বাটি বাটি সর্বদা চুবি যাইত বলিয়া আমার মাতামহ খালা বাটির পাট উঠাইয়া দিয়া প্রত্যেকের জন্য এক একখানি মেটে পাথর কিনিয়া দিয়াছিলেন। অতিরিক্ত লোক আসিলে শালপাতা কিনিয়া দেওয়া হইত। আমি আসিলে আমার একখানি মেটে পাথর আসিল। প্রত্যেককে আপন আপন পাথর মাজিতে হইত।

বাসার লোক। পুরুষ পুরুষের সঙ্গে থাকিলে তাহাদের আলাপ আমোদ, কথাবার্তাতে লাজ সরম থাকে না। বাসার লোক আমাকে দেখিয়াও কিছু সন্ধান করিত না; অবাধে সকল প্রকার আলাপ করিত। আমার বাবা দেখিতে পাইলে কখনো কখনো তাহাদিগকে তিরস্কার করিতেন, কখনো কখনো আমাকে তাড়াইয়া দিতেন। বয়ঃপ্রাপ্ত ব্যক্তিদিগের সহিত নিরস্তর বাস করিয়া ও এই সকল অভদ্র আলাপ নিরস্তর শুনিয়া আমার মহা অনিষ্ট হইয়াছিল, এখন তাহা বুঝিতে পারিতেছি। আমার অকাল-পকতা জন্মিয়াছিল। গ্রামের লোকে তাহার পর হইতে আমায় 'শিবে জেঠা' নাম দিয়াছিল। আমি অল্পবয়স্ক বালক হইয়াও কিরূপে বয়োবৃদ্ধদিগের সহিত জেঠামো করিতাম, তাহা স্মরণ করিয়া এখন লজ্জা হয়। তদ্বিন্ন ঐ পুরুষদিগের মধ্যে কেহ কেহ আমাকে অনেক খারাপ বিষয় শিখাইয়াছিল, যাহার অনিষ্ট ফল পরজীবনেও অনেক দিন ভোগ করিয়াছি। এই পুরুষদের সঙ্গে বাস ও অভদ্র আলাপাদি দ্বারা আর একটি অনিষ্ট এই হইয়াছে যে, আমার রীতিনীতি আলাপ সম্ভাষণ প্রভৃতিতে ভদ্রতা ও সৌজন্য সমুচিতরূপে ফুটিতে পায় নাই। বন্ধুরা আমাকে ভালোবাসেন বলিয়া আমার আলাপ সম্ভাষণে সৌজন্যের প্রতি তত দৃষ্টি রাখেন না। কিন্তু আমি সময়ে সময়ে অনুভব করি যে, আমার আলাপ আচরণ ভদ্রতার অনুরূপ নহে। এমন কি, যে নারী জাতির প্রতি আমার এত ভালোবাসা ও শ্রদ্ধা, তাঁহাদের প্রতিও সমুচিত সৌজন্য প্রকাশ করি না।

এই হরেক্ষণ বাবাজীয় বাড়িতে শ্রবণীয় বিষয়ের মধ্যে আর একটি কথা আছে।



তখন কলিকাতার অবস্থা এইরূপ ছিল যে, কেহ প্রথমে আসিলে একবার গুরুতর পীড়াতে পড়িতে হইত। আমিও আসিয়া ২।১ মাসের মধ্যে কঠিন জ্বর রোগে আক্রান্ত হইলাম। দেশে আমার মাকে সে সংবাদ দেওয়া হইল না। এই জ্বরের বিষয়ে আমার এই মাত্র স্মরণ আছে যে, আমাকে একথানা ভাড়া রথের চুড়ার উপরে বসাইয়া ভাপরা দেওয়া হইয়াছিল। সে সময়ে ভাপরা দিয়া জ্বর ছাড়ানো, ও মাথা-ব্যথা হইলে জ্বাক লাগানো, চিকিৎসার প্রণালী ছিল।

কালী ছিলাম না। আর একটা ঘটনা বোধ হয় এই সময়েই ঘটিয়া থাকিবে। আমার বাবা তখন আমাকে ‘হা-কালী’ বলিয়া ডাকিতেন। কারণ এই। যখন আমি হাঁ করিয়া থাকিতাম, অর্থাৎ একমনে কিছু কাজ করিতাম, তখন পশ্চাৎ হইতে ডাকিলে শুনিতে পাইতাম না। বাবা অনেক সময় ডাকিয়া ডাকিয়া শেষে রাগিয়া আসিয়া মারিতেন। বাবার বিশ্বাস জন্মিল যে আমি কালী হইয়া যাইতেছি। আর এরূপ বিশ্বাস জন্মিবার কিছু কারণও ছিল, ছেলেবেলায় মধ্যে মধ্যে আমার কান পাকিত। যাহা হউক, বাবা আমাকে কালী ভাবিয়া চিকিৎসা করাইবার জন্য কলিকাতা মেডিকেল কলেজের আউট-ডোরে লইয়া গেলেন। তখন ডাক্তার গুড্‌ভ চক্রবর্তী আউট-ডোরে বসিতেন। তিনি পরীক্ষা করিবার উদ্দেশ্যে আমাকে বলিলেন, “ছোকরা, তুমি আমার দিকে পিছন করে দাঁড়াও তো।” আমি তাঁহার দিকে পশ্চাৎ ফিবিয়া দাঁড়াইলাম। তখন এক খোলো চাবি মাটিতে ফেলিয়া দিয়া বলিলেন, “কিছু শুনিলে কি?” আমি বলিলাম, “চাবি ফেলে দিয়েছেন।” তখন তিনি হাসিয়া বাবাকে বলিলেন, “এ ছেলে তো কালী নয়।” বাবার সে কথা মনঃপূত হইল না। তিনি আমাকে বাড়িতে আনিয়া অল্প কোনো ভক্তাবের পরামর্শে আমার কানে পিচকারী দিয়া, নাপিত ডাকিয়া কান পরিষ্কার করাইয়া, আমাকে জ্বালাতন করিয়া তুলিতে লাগিলেন। তখন মাসে মাসে নাপিত ডাকিয়া আমার কান খোঁটানো হইত। নাপিতেয়া তখন কুঠীওয়াল বাবুদের দ্বারা বেনিয়ান পরিয়া পাগড়ী মাথায় দিয়া পথে পথে ঘুরিত। একজন নাপিত এলেন, যেন কেরাণীবাবু এলেন। এই শ্রেণীর নাপিতের হস্তে ঐ অগ্নমনস্কতার জন্য আমার অনেক নিগ্রহ হইয়াছে।

সিপাহী মিউটিনী। হরেকৃষ্ণ বাবাজীর বাড়ির বাসা অল্পদিনের মধ্যেই ভাঙিয়া গেল। মাতুলমহাশয় উঠিয়া সিদ্ধেশ্বর চন্দ্রের লেনে এক বাড়িতে গেলেন, এবং বাবা আমাকে লইয়া বহুবাজার জেলিয়াপাড়া নামক গলিতে বাসা করিলেন। ইহাও পুরুষের বাসা। বাসার লোকেরা কর্মস্থল হইতে আসিয়া, বসিয়া তামাক খাইতেন ও গল্প করিতেন, ধীরে স্বপ্নে বাঁধিতে যাইতেন; আমি যে একটি ছোট বালক-

আছি, তাহার যে শীঘ্র-শীঘ্র আহাৰ করা চাই, ইহা কাহারও মনে থাকিত না। তাহাদের রাখিতে রাজি প্রায় নয়টা সাড়ে-নয়টা হইয়া যাইত। আমি ততক্ষণ জাগিয়া থাকিতে পারিতাম না, কেতাব হাতে করিয়া ঘুমাইয়া পড়িতাম। আহাৰের সময় সকলে আমাকে টানাটানি করিত, কোনো রূপে তুলিতে পারিত না। অবশেষে বাবা প্রহার করিতেন, তখন নিদ্রা ভঙ্গ হইত; কাঁদিতে কাঁদিতে আহাৰ করিতে যাইতাম। সেই বাসাতে হরিণাশির বামগতি চক্রবর্তী নামে এক বুদ্ধ ব্রাহ্মণ থাকিতেন। তিনি জ্ঞাতি সম্পর্কে আমার মায়ের খুড়া। সেই সূত্রে তাঁহাকে দাদামশাই বলিয়া ডাকিতাম। তিনি আমাকে বড় ভালোবাসিতেন। আমার বাবা আমাকে প্রহার করিতে প্রবৃত্ত হইলে তিনি আমাকে রক্ষা করিতেন এবং তাহা লইয়া বাবার সঙ্গে বকাবকি করিতেন। এই কারণে আমি তাঁহাকে আমার রক্ষক মনে করিতাম।

জেলিয়াপাড়াতে যখন আমাদের বাসা, তখন ১৮৫৭ সালে মিউটিনী ঘটে, এবং আমাদের কলেজ পটলডাঙ্গা হইতে উঠিয়া গিয়া বহুবাজার রোডের তিনটি বাড়িতে থাকে। মিউটিনী থামিলেও ঐ স্থানে কলেজ কিছুকাল থাকে, তৎপরে নিজ আসনে উঠিয়া আসে।

কলিকাতায় প্রথম বিশ্ববা বিবাহ। ইতিমধ্যে কর্তৃপক্ষের সত্বে বিবাদ করিয়া বিত্তাসাগর মহাশয় কলেজের অধ্যক্ষের পদ পরিত্যাগ করেন। আমি পেট টিপুনির ভয়ে পলাইয়া বেড়াইতাম বটে, কিন্তু তাঁহাকে অকপটে প্রহা করিতাম। তিনি তখন আমাদের আদর্শ পুরুষ। ১৮৫৬ সালের শেষভাগে যেদিন প্রথম বিশ্ববাবিবাহ দেওয়া হয়, সেদিন আমি বাসার লোকের সঙ্গে সে বিবাহ দেখিতে গিয়াছিলাম। সে কি ভিড়! স্কিয়া স্ট্রিটের রাজকৃষ্ণ বন্দ্যোপাধ্যায় মহাশয়ের বাটীতে ঐ বিবাহ হয়। বিশ্ববাবিবাহের বৈধতা বিষয়ে আমাদের বাসাতে সর্বদা বিচার হইত, এবং বাসার অনেকে তাহার পক্ষ ছিল। সুতরাং আমি জ্ঞানোদয় হইতেই এই সংস্কারের পক্ষপাতী বলিলে অত্যুক্তি হয় না। বিত্তাসাগর মহাশয় যখন কলেজ ছাড়িয়া চলিয়া গেলেন আমরা বালকেরা পর্যন্ত মহা দুঃখিত হইলাম।

তাঁহার কাজে ই. বি. কাউন্সেল সাহেব আসিলেন। তিনি সাধুতার মূর্তি ছিলেন। সকলেরই মুখে তাঁহার প্রশংসা শুনিতাম। তিনি আমাদেরকে বড় ভালোবাসিতেন, আমরা খেলা করিতেছি দেখিলে তিনি স্থখী হইতেন।

কাউন্সেল সাহেবের মৃত্যু। তাঁহার বিষয়ে এই সময়ের একটি ঘটনা মনে আছে। একদিন আমাদের ক্লাসের ছোকরা একটা ছোট কাঠের সিঁড়ী লইয়া আর এক ক্লাসের ছেলের সঙ্গে একটার ছুটির সময় ভয়ানক দাঙ্গা করিল। আমি তখন খেলিতেছিলাম। আমাকে ক্লাসের ছেলেরা দাঙ্গার জন্ত ধরিয়া আনিল। যে কয়েকজন

বালক সিঁড়ী লইয়া টানাটানি করিয়াছিল আমি তাহাদের মধ্যে একজন ছিলাম, হুতরাং কিল দেওয়া অপেক্ষা কিল খাওয়া আমার ভাগ্যে অধিক ঘটিয়াছিল। ছুটির পর স্থল আবার বসিলে এ-বিষয়ের তদন্ত আরম্ভ হইল। কাউয়েল সাহেব বড় বাড়ি হইতে তদন্ত করিতে আসিলেন। তিনি যখন ক্লাসের মধ্যে দাঁড়াইয়া ধীর গম্ভীর স্বরে বলিলেন, “কে কে দাঙ্গাতে ছিলে উঠিয়া দাঁড়াও,” তখন তাঁহার সেই সাধুতাপূর্ণ মুখের দিকে চাহিয়া আমি যেন আর না দাঁড়াইয়া থাকিতে পারি না ; কে যেন ঠেলা দিতে লাগিল। কিন্তু চারিদিকে চাহিয়া দেখিলাম, ক্লাসের আর কোনো ছেলে উঠে না, ইতস্তত করিতে লাগিলাম। অবশেষে সাহেব বলিলেন, “তবে কি আমি বুঝিব, তোমরা কেহ দাঙ্গাতে যাও নাই ? যে যে গিয়াছে উঠিয়া দাঁড়াও।” আমি আর না দাঁড়াইয়া থাকিতে পারিলাম না, উঠিয়া দাঁড়াইলাম। সাহেব বলিলেন, “তুমি কি একা দাঙ্গাতে গিয়াছ ?” আমি বলিলাম, “ক্লাসের সকলেই গিয়াছিল।” ইহার পর সাহেব ক্লাসস্থল বালকের দুই টাকা করিয়া জরিমানা করিলেন, এবং আমাকে তাঁহার গাড়িতে তুলিয়া বড় বাড়িতে তাঁহার ঘরে লইয়া গিয়া বলিলেন, “তুমি সত্য বলিয়াছ বলিয়া মার্জনা করিলাম, কিন্তু দাঙ্গাতে গিয়া ভালো কর নাই।” আরও অনেক সদুপদেশ দিলেন। তিনি যখন আমার মাথায় হাত দিয়া বলিলেন, “তুমি ভালো ছেলে, আমি তোমার ব্যবহারে সন্তুষ্ট হইয়াছি,” তখন ভালো ছেলে হইবার বাসনা যে মনে কত প্রবল হইল, তাহা বলিতে পারি না।

ফলতঃ, আমি তখন মিথ্যা বলিতে পারিতাম না ; বড় জোর মৌনী থাকিতাম, অসত্য বলিতাম না। ইহারই কিঞ্চিৎ পরবর্তী কালের আর একটি কথা স্মরণ আছে, তাহা এই প্রদক্ষেই উল্লেখ করি। তখন আমি সিদ্ধেশ্বর চন্দ্রের লেনে মাতুলের নিকট থাকি। বাসার বড়-বড় ছেলেরা আমাকে তামাক খাইতে শিখাইয়াছিল। নিজে তামাক খাইয়া আমার হাতে ছঁকাটি দিয়া বলিত, “টান।” প্রথম প্রথম টানিয়া ঘুর লাগিত, তবু শথের জন্ত টানিতাম। একদিন তামাক টানিয়া বড়মামার নিকট বাজারের পয়সা আনিতে গিয়াছি, তিনি তামাকের গন্ধ পাইয়া জিজ্ঞাসা করিলেন, “তুই তামাক খাস ?” আমি যন্তক সঞ্চালন করিয়া বলিলাম, “হাঁ।” তারপর তিনি প্রশ্ন করাতে যেরূপে যেরূপে তামাক খাইতে শিখিয়াছি, ও যত বার খাই, সমুদয় বর্ণনা করিলাম। তখন আমার বয়ঃক্রম তেরো বৎসরের অধিক হইবে না। মাতুল শুনিয়া বাসার লোকের প্রতি অতিশয় ক্রুদ্ধ হইলেন, এবং আমাকে তামাক না খাইবার জন্ত প্রতিজ্ঞাবদ্ধ করিলেন। আমি তদবধি আর তামাক খাই নাই। কিন্তু একবার একটি মিথ্যা বলিয়া মাতুলকে প্রবঞ্চনা করিয়াছিলাম, তাহা যথাস্থানে বলিব।

কবিতায় হাতে খড়ি। জেলিয়াপাড়াতে অবস্থিতি কালের একটি কৌতুকজনক ঘটনা স্মরণ আছে। আমাদের ক্লাসে গঙ্গাধর নামে একটি ধনী সন্তান পড়িত। সে বড়

যোটা ছিল, এজন্য ক্লাসের ছেলেরা তাকে ‘গঙ্গাধর হাতি’ বলিত। গঙ্গাধর-পড়াশোনাতে বড় মনোযোগী ছিল না, সেজন্য ওঠা-নামার সময় উপরে উঠিতে পারিত না। একদিন কিন্তু ঘটনাক্রমে গঙ্গাধর ফার্স্ট হইয়া গেল। তখন তাহার আমাদের প্রতি অবজ্ঞাপূর্ণ দৃষ্টি দেখে কে? তাহা আমার সহ্য হইল না। পরদিন আমি তাহার নামে কবিতা বাঁধিয়া ক্লাসে উপস্থিত। একটার ছুটির সময় সমস্ত ক্লাসের ছেলেদিগকে ও তন্মধ্যে গঙ্গাধরকে দণ্ডায়মান করিয়া, সেই কবিতা পাঠ করা হইল। সমুদয় কবিতাটি আমার মনে নাই। চারি পংক্তি মাত্র স্মরণ আছে। তাহা নিম্নে উদ্ধৃত করিতেছি—

ইজার চাপকান গায়                      ইন্সুলে আসে যায়  
নাম তার গঙ্গাধর হাতি,  
বড় তার অহঙ্কার                      ধরা দেখে সরাকার,  
চলে যেন নবাবের নাতি।

কবিতা যখন পড়া হইল, তখন ছেলেদের করতালিতে ও অট্টহাস্যে সমুদয় স্থলের ছেলে জড়ো হইল। গঙ্গাধর অপমানে কাঁদিয়া ফেলিল; এবং মাস্টার মহাশয়ের নিকট নালিশ করিল। কুমারখালির চাঁদমোহন মৈত্র মহাশয়ের জ্যেষ্ঠ পুত্র রাধাগোবিন্দ মৈত্র তখন আমাদের ইংরাজীর মাস্টার ছিলেন। তিনি কবিতাটি আমার হাত হইতে লইয়া মনোযোগ পূর্বক পাঠ করিলেন, এবং আমার মস্তকে ছাত দিয়া বলিলেন, “তোমার কবিতা বেশ হয়েছে, কিন্তু মানুষকে গালাগালি দিয়ে কবিতা লেখা ভালো নয়”। ইহার পর আমার কবিতা লিখিবার উৎসাহ বাড়িয়া গেল।

**ঈশ্বর গুপ্তের কবিতা।** ফলতঃ, আমি যে কত ছোট বয়সে কবিতা লিখিতে আরম্ভ করিয়াছি, তাহা মনে নাই। বর্ণপরিচয় হইলেই মা আমাকে রুস্তিবাসের রামায়ণ পড়িয়া শুনাইতে বলিতেন, অথবা নিজের মুখে মুখে আবৃত্তি করিয়া শুনাইতেন। সেই সকল কবিতা আমার কানে লাগিয়া গেল। তৎপরে কলিকাতাতে আসিয়া ঈশ্বরচন্দ্র গুপ্তের কবিতা কোনো প্রকারে হাতে পাইলেই গিলিয়া খাইতাম। তৎপরে আমার বাবা কবিতার রসগ্রাহী মানুষ, তিনি বন্ধুদের সহিত ভারতচন্দ্র প্রভৃতির কবিতার সমালোচনা করিতেন। এই সকল কারণে আমার শৈশব হইতে কবিতা লিখিবার বাতিক জাগিয়া থাকিবে। আমার দশ বৎসর বয়সের লিখিত খাতা পরে দেখিয়াছি। তাহাতে কয়েকটি কবিতা লিখিত আছে। সেগুলি এরূপ উৎকৃষ্ট যে অতটুকু বালকের লিখিত বলিয়া বোধ হয় না। অহুমান করি, সেগুলি অন্ত কোনো স্থান হইতে নকল করিয়া লইয়াছিলাম। তাহাতেও এই প্রমাণ হয় যে, নয়-দশ বৎসর বয়সেও ভালো কবিতা দেখিলেই নকল করিয়া লইতাম।

এই সময়ের স্বর্ণীয় বিষয় আরও অনেক আছে, আমার দুইটি সহাধ্যায়ী বালকের মাতারা এই সময়ে আমার মানসী কাজ করিয়াছিলেন। তাঁহাদিগকে আমি মানসী বলিয়া ডাকিতাম, সর্বদা তাঁহাদের বাড়িতে যাইতাম, তাঁহাদের কল্পাদের সঙ্গে ভাইবোনের মতো খেলিতাম। ইহাতে আমার জননীর ও ভগিনীর অভাব দূর হইত। ভালো জিনিস কিছু গৃহে হইলেই তাঁহারা আমাকে ডাকিয়া থাওয়াইতেন। পাছে আমি কুসঙ্গে পড়ি এই ভয়ে তাঁহারা কলেজের ছুটির দিনে আমাকে নিজেদের বাড়িতে রাখিতেন।

এই দশ-এগারো বৎসর বয়সের আর একটি কৌতুকজনক ঘটনা স্মরণ হয়। আমাদের কলেজের সন্নিহিত গলিতে একটি বালিকা ছিল। সে আমার সমবয়স্কা। দেখিতে যে খুব সুন্দরী ছিল তাহা নহে, কিন্তু তাহার মুখখানি আমার বেশ লাগিত। সে তাহাদের বাড়ির উঠানে খেলা করিত। আমি আর একটি বালকের সঙ্গে রোজ তাহাকে দেখিতে যাইতাম। সে তার মা'র ভয়ে পথের বালকের সহিত বড় বেশি কথা বলিত না, কিন্তু জানিত যে আমরা তাহাকে দেখিতে ও তাহার সঙ্গে কথা কহিতে ভালোবাসি, তাই সে আমাদের কণ্ঠস্বর শুনিলেই বাহিরে আসিত ও এটা ওটা যাহা দিতাম গোপনে লইত। আমি বোনের মত তাহাকে কাছে চাহিতাম, কিন্তু তাহাদের বাড়ির লোকে তাহা দিত না। বহুবাজার পাড়া হইতে কলেজ উঠিয়া গেলে আমরা তাহাকে হারাইলাম।

**প্রথম মৃত্যুদর্শন।** এই জেলিয়াপাড়াতে থাকিবার সময় আমাদের পরিবারে দুইটি দুর্ঘটনা ঘটে। প্রথম, উম্মাদিনীর মৃত্যু, দ্বিতীয়, আমার প্রপিতামহদেব রামজয় জ্যোত্স্নার স্বর্গারোহণ।

একবার গ্রীষ্মের ছুটিতে বাড়িতে গেলাম। যাইবার সময় কলিকাতা হইতে হাঁটির বাড়িতে যাই। প্রথম দিন চাকড়িপোতা মা'র বাড়িতে গিয়া এক রাত্রি যাপন করিলাম; পরদিন প্রত্যুখে পদব্রজে যাত্রা করিয়া বাড়িতে গেলাম। বারো বৎসরের বালকের পক্ষে ২৮ মাইল পথ হাঁটিয়া যাওয়া বড় সহজ কথা নহে; আমি তো গলদর্শন হইয়া বাড়িতে গিয়া উপস্থিত। কিন্তু উম্মাদিনীকে আমি এমন ভালোবাসিতাম যে বাড়িতে গিয়া যখন দেখিলাম উম্মাদিনী ঘরে নাই, তখন যেন সব শূন্য দেখিলাম। মাকে জিজ্ঞাসা করাতে তিনি বলিলেন, সে বাহিরে আমার বাগানে গিয়াছে। তৎক্ষণাৎ সেই দিকে দৌড়। মা চীৎকার করিতে লাগিলেন, “ওরে বোস, ওরে দাঁড়া, তাকে ডাকচি,” কে বা তাহা শোনে! আমি একেবারে গিয়া উম্মাদিনীকে বৃকে তুলিয়া ঘরে আনিয়া তবে নিঃশ্বাস ফেলিলাম।

এই উন্মাদিনীই সেই গ্রীষ্মকালে মারা পড়িল। বাবা একদিন তাহাকে সঙ্গে করিয়া জমিদারবাবুদের বাগানে বালিকা বিদ্যালয়ের প্রতিষ্ঠাতা ভাস্কর প্রিয়নাথ রায়চৌধুরীর সহিত দেখা করিতে গেলেন। তিনি উন্মাদিনীকে আদর করিয়া লিচু খাওয়াইলেন। উন্মাদিনী আনন্দিত অন্তরে হাসিতে হাসিতে বাবার সঙ্গে ঘরে ফিরিয়া আসিল। আসিয়াই তাহার দারুণ কলেরা রোগ দেখা দিল। একবার ভেদ একবার বমি হইয়াই সে যেন চুপসিয়া গেল। তাহার বমিতে আন্ত আন্ত লিচু উঠিল। সে কথা এই জ্ঞান বলিতেছি যে, তাহার মৃত্যুতে এত আঘাত পাইয়াছিলাম যে তদবধি আজ পর্যন্ত এই দীর্ঘকাল ভালো মনে লিচু খাইতে পারি নাই। লিচু খাইতে গেলেই উন্মাদিনীর কথা মনে হয়। প্রাতে ৯টার সময় পীড়া জন্মিয়া অপরাহ্ন ৩টার মধ্যে উন্মাদিনীর মৃত্যু হইল। মৃত্যুকালে তাহাকে যখন নিকটস্থ পুত্রে নামাইল, তখন আমি গিয়া তাহার সম্মুখে দাড়াইলাম। মনে হইল, সে আমার দিকে চাহিয়া রহিয়াছে এবং তাহার দুইচোখে জলধারা পড়িতেছে। সেই চক্ষের জলধারা এই দীর্ঘকাল ভুলিতে পারি নাই। উন্মাদিনী চলিয়া গেলে গৃহ শূন্য দেখিলাম। তৎপরে আমার তিন ভগ্নী জন্মিয়াছে এবং তদ্ব্যয় পরের মাকে মাসী, পরের বোনকে বোন অনেক বার করিয়াছি, কিন্তু শৈশবের সেই বিমল আনন্দের স্মৃতি হৃদয় হইতে বিলুপ্ত হয় নাই।

বোধ হয় ইহার পূর্ব বৎসর পূজার সময় আমার প্রপিতামহদেব স্বর্গারোহণ করিয়া ছিলেন। তাহার মৃত্যুর কয়েকদিন পূর্বে তিনি অসুস্থত্ব করিতে পারিলেন যে তাহার আসন্নকাল উপস্থিত। আমি ও আমার পিতা তখন কলিকাতায় ছিলাম। তিনি আমার পিসামহাশয়কে আমাদিগকে সংবাদ দিয়া বাড়ি লইবার জ্ঞান বাস্তব করিয়া তুলিলেন। বাবা গেলেন। আমি বোধ হয় কলিকাতাতেই থাকিলাম, কারণ তাহার মৃত্যুশয্যা আমার স্মরণ হয় না। তৎপরে মৃত্যুর দুই এক দিন পূর্বে নিজেকে বাড়ির বাহিরে চণ্ডীমণ্ডপে লইয়া রাখিবার জ্ঞান আদেশ করিলেন। অনেকবার চীৎকার করিয়া বলা হইল যে যথাসময়ে লওয়া হইবে, কিন্তু কিছুতেই শুনিলেন না। তাহাকে লইয়া যাওয়া হইল। তৎপরে ইষ্টদেবতার নাম করিতে করিতে ১৩ বৎসর বয়সে অমরধামে প্রস্থান করিলেন।

**প্রথম বিবাহ।** এই জেলিয়াপাড়ার বাসায় থাকিতে থাকিতে আমার প্রথমবার বিবাহ হয়। সাল তারিখ মনে নাই, তখন ঠিক কত বয়স্ক্রম ছিল, তাহাও স্মরণ নাই, ১২।১৩ বৎসরের অধিক হইবে না। আমার মাতুলালয়ের সন্নিকটস্থ রাজপুর গ্রামের 'নবীনচন্দ্র চক্রবর্তী'র জ্যেষ্ঠা কন্যা প্রশন্নময়ী সহিত আমার প্রথম বিবাহ হয়। প্রশন্নময়ীর বয়স্ক্রম তখন দশ বৎসরের অধিক হইবে না। আমাদের দাক্ষিণাত্য বৈদিকদিগেব

কুলপ্রথা অনুসারে প্রসন্নময়ীর বয়ঃক্রম যখন এক মাস ও আমার বয়ঃক্রম যখন দুই বৎসর তখন তাঁহার সহিত আমার বিবাহ-সম্বন্ধ স্থির হইয়াছিল।

এই বিবাহকালীন সকল বিষয় আমার স্মরণ নাই। এই মাত্র স্মরণ আছে যে, আমি কানে মাকড়ি, গলায় হার, হাতে বাজু ও বাল। পরিয়া বিবাহ করিতে গিয়াছিলাম। বাবা বাজনা ও আলো করিয়া আমাকে লইয়া গিয়াছিলেন। আমাকে লইয়া যেই আগরে বসাইল, অমনি গ্রামের সমবয়স্ক বালকেরা আসিয়া “ওরে তুই কি পড়িস ? কি পড়িস ?” বলিয়া পরীক্ষা আরম্ভ করিল। আমি অল্পক্ষণ মধ্যে বরোচিত লজ্জা ভুলিয়া গিয়া তাহাদের সহিত বাগ্‌যুদ্ধে প্রবৃত্ত হইলাম, এবং আমাকে তাহারা ঠকানো দূরে থাক, আমিই তাহাদিগকে ঠকাইয়া দিলাম। ইহা স্মরণ আছে, বয়ঃপ্রাপ্ত ব্যক্তির কেহ কেহ বলিতে লাগিলেন, “ছেলেটি বড় জেষ্ঠ্য।” তৎপরে বাড়ির মধ্যে লইয়া গেলে সমবয়স্ক বালিকাদিগের কানমলা আরম্ভ হইল। সেইবার ঠকিয়া গেলাম, কানমলার পরিবর্তে নান মলিয়া দিতে পারিলাম না। নারীদলে আমাকে ঘিরিয়া ফেলিল। এত মেয়ে একত্র দেখিয়া ভাবা-চাঁকা লাগিয়া গেল।

বিবাহের পরদিন যখন এক পালকিতে বরকন্তাকে তুলিয়া দিয়া গৃহাভিমুখে বিদায় করিল, তখন আমার মুশকিল বোধ হইতে লাগিল। মেয়েটি ঘোমটা দিয়া সম্মুখে বসিয়া কাঁদিতে লাগিল, হাত পা ছড়াইতে পারি না, কিছু বলিতে পারি না, মহা বিপদ ! অবশেষে পশ্চিমধ্যে একটা পড়ো বাগানে গিয়া পালকি নামাইল, আমি বাহির হইয়া বাঁচিলাম। বাহির হইয়া দেখি, লিচু গাছে লিচু পাকিয়া রহিয়াছে। গাছে উঠিয়া লিচু পাড়িয়া আহা করিতে প্রবৃত্ত হইলাম। থাইতে থাইতে মনে হইল, মেয়েটি এক বসে আছে, তারও তো খিদে পেয়েছে, তাকে গোটা কতক লিচু দিই। এই ভাবিয়া কতকগুলি লিচু লইয়া প্রসন্নময়ীর অঞ্চলে ফেলিয়া দিয়াই দৌড়, যদি কেহ দেখিতে পায়।

ক্রমে পালকি গ্রামের প্রান্তে গিয়া উপস্থিত হইল। আমার পাড়ার খেলিবার সঙ্গী বালকগণ আগ বাড়াইয়া লইতে আসিয়াছে। পাড়ার দুইটি বালক আমার বড় অমুগত ছিল। তাহারা আসিয়া পালকির দ্বার খুলিয়া সরু গলাতে বলিল, “ওরে, তোর রবা কুকুর ভালো আছে।” শুনিয়া হুর্ভাবনা দূরে গেল, ভারি খুশি হইলাম। এই রবার বিবরণ একটু দেখিয়া আবশ্যক। রবা একটি কুকুরের বাচ্ছা, মাদী কুকুর। শীতের ছুটির সময় বাড়িতে আসিয়া একটি বালকের নিকট হইতে লইয়া তাহাকে পুষিয়াছিলাম। যদিও মাদী কুকুর, তথাপি তাহার নাম দিয়াছিলাম ‘রবার্ট’। ইহারও একটু বিবরণ আছে। কুকুরটি যখন আসিল, সঙ্গী বালকগণ জিজ্ঞাসা করিল, “ওর নাম কি হবে?”

আমি নাম দিলাম 'রবার্ট'। তাহার মর্ম এই : আমার উপর ক্রাসের ছেলেরা তখন 'চেসার্স ফাস্ট বুক অব রীডিং' পড়িত। তাহাদের মুখে শুনিয়াছিলাম যে রবার্ট একজনের নাম, সেইটা মনে ছিল। পাড়ার বালকদিগের নিকট তো বাহাদুরি দেখানো চাই, তাই নাম দিলাম রবার্ট। আমি শহর হইতে গিয়াছি, আমার বাবা তখন বেদবাঁকা, তাই তাহার নাম হইল 'রবার্ট'। শিশুদের মুখে 'রবার্ট' ঘুচিয়া দাঁড়াইল 'রবা'। আমি রবাকে লইয়া পাড়ার বালকদিগের সঙ্গে স্বেচ্ছাই ছিলাম, আমাকে ধরিয়া লইয়া গেল বিবাহ দিতে। আমার ভাবনা হইল, রবাকে দেখে কে? মা'র উপরে বিশ্বাস হইল না, কারণ মা তখন কুকুর ভালোবাসিতেন না। কাজেই পাড়ার বালকদিগের প্রতি তাহার ভার দিয়া আসিয়াছিলাম। তাহারাই তাহাকে কয়েক দিন খাওয়াইয়াছিল ও দেখিয়াছিল। তাই আসিয়া সংবাদ দিল, "রবা ভালো আছে।"

ক্রমে পালকি বাড়িতে উপস্থিত হইল। পাড়ার মেয়েরা বৌ দেখিতে আসিল। মা' হলু দিয়া, ধানদুব ফুল চন্দন ঠাকুরের চরণামৃত প্রভৃতি দিয়া বৌ ঘরে তুলিলেন। আমি পালকি হইতে নামিয়াই তাড়াতাড়ি রবাকে দেখিতে ছুটিলাম। বড় পিনী "ওরে থা, ওরে থা" করিয়া পশ্চাতে ছুটিলেন। কে বা মিষ্ট খায়, কে বা বৌ লইয়া মেয়েদের মধ্যে বসে! তখন রবা প্রশম্ময়ী অপেক্ষা বহুগুণে আমার প্রিয়। এখন এই সব স্মরণ হইয়া হাসি পায়।

**বিবাহের পরে প্রহার।** বিবাহ উৎসব শেষ হইতে না; হইতে একটি ঘটনা ঘটিল, যাহার স্মৃতি অত্যাঁধি জাগরুক রহিয়াছে। আমার বিবাহের কয়েকদিন পরেই আমার জাতি সম্পর্কে এক জেঠার এক কন্যার বিবাহ উপস্থিত হইল। তখনো প্রশম্ময়ী আমাদের বাড়িতে আছেন, বাপের বাড়ি ফিরিয়া যান নাই, এবং তাহার পিতালয় হইতে তাহার সঙ্গে আসিয়াছিলেন তাহাদেরও কেহ কেহ তখনো আছেন। আমার ঐ জ্যাঠতুতো বোনের বিবাহ উপস্থিত হইলে, একদিন আমাদের পাড়ার ছেলের বরযাত্রদিগের সহিত কৌতুক করিবার জন্ত পঞ্চবর্ণের গুঁড়া দিয়া আসন প্রস্তুত করিতে প্রবৃত্ত হইল। আমিও তাহাদের মধ্যে ছিলাম। সেখানে আমোদ প্রমোদ করিতে করিতে আমার বড়পিনীর মেজছেলে রামমাদব চক্রবর্তীর সহিত আমার হঠাৎ বিবাদ বাধিয়া গেল। দুইজনে জড়াজড়ি ঠেলাঠেলি ও ঘুষাঘুষি করিতে আরম্ভ করিলাম। আমার মা' এই সংবাদ পাইয়াই ছুটিয়া আসিলেন, এবং দুইজনের কানে ধরিয়া থাবড়া দিয়া বিবাদ ভাঙিয়া দিলেন। মেজদাদা কাঁদিয়া কাঁদিয়া বাড়িতে গিয়া নিজের মাকে বলিল, "মা'মীমা মাঝে পোয়ে পড়ে আমার মেরেছে।" বড়পিনী প্রকৃত ব্যাপারটা অহমকান



করিলেন না, ছেলেদিগকে ডাকিয়া প্রকৃত ঘটনা জানিবার চেষ্টা করিলেন না, একেবারে রাগিয়া আগুন হইয়া গেলেন, এবং আমার এক পিসতুতো বোনের সঙ্গে একত্র হইয়া আমাদের বাড়িতে আসিয়া আমার মায়ের প্রতি গালাগালি বর্ষণ করিতে লাগিলেন। দুই ননদ ভাজে খুব ঝগড়া হইয়া গেল।

ইহার পরে সন্ধ্যার প্রাকালে মা আমাকে বলিলেন, “আজ তোমার কপালে অনেক নিগ্রহ আছে। ভাত দিচ্ছি, শিগগির খেয়ে, ভটচাষি পাড়ায় যাত্রা হবে সেখানে গিয়ে রাত্রে যাত্রা শোন। কতীর রাগ পড়ে গেলে সকাল বেলায় আসবে।” মা যে ভয় করিয়াছিলেন, তাহাই ঘটিল। বাবা সন্ধ্যার পূর্বে বাড়ি আসিতেছিলেন, পথ হইতে বড়পিসীর গালাগালি শুনিয়া তাঁহাদের বাড়িতে প্রবেশ করিলেন। গিয়া বলিলেন, “তোরা কাকে এমন করে গালাগালি দিস যে রাস্তা হতে শোনা যায়?” আর কোথায় যায়! বড়পিসী বাবার কানে মার নামে অনেক কথা ঢালিয়া দিলেন। বাবা আর কাহারো কাছে কিছু শুনিলেন কিনা জানি না। আমার মায়ের উপরে কি বড়পিসীর উপরে রাগ করিলেন, তাহাও জানি না। তাঁহার মনে চিরদিন এই একটা ভাব ছিল যে, তাঁহার পুত্র এমনি সাধু ছেলে হবে যে তাহার নামে কেহ কখনো কোনো অভিযোগ করিবে না, তাহার কোনো দোষ কেহ দেখাইবে না, সে সকল দোষের ও সকল অভিযোগের উপরে থাকিবে। সেই ভাবের ব্যাঘাত হইল বলিয়া রাগিয়া গেলেন কিনা, জানি না। যাহা হউক, যখন মায়ের স্রাবতে আমি রান্নাঘরের এক কোণে বসিয়া তাড়াতাড়ি আহ্বার করিতেছি, এমন সময়ে বাবা আসিয়া বাড়িতে প্রবিষ্ট হইলেন। হইয়াই জিজ্ঞাসা করিলেন, “সে পাঞ্জীটা কোথায়?” আমার মা দুইহাত দিয়া রান্নাঘরের দরজার দুইকাঠ ধরিয়া পথ আগুলিয়া দাঁড়াইলেন, এবং বলিলেন, “সে ঘরে নাই।” আমি বুঝিলাম, বাবা যদি রান্নাঘরে প্রবেশ করিতে আসেন, মা তাঁহাকে প্রবেশ করিতে দিবেন না, বাধা দিয়া রাখিবেন। কিন্তু বাবা সেদিকে আসিলেন না, বলিলেন, “দা-খানা দাও দেখি।” মা জিজ্ঞাসা করিলেন, “দা কেন?” বাবা রাগিয়া উঠিয়া বলিলেন, “সে কথায় কাজ কি? দাও না।” মা দা-খানা বাহির করিয়া দিলেন। বাবা দা লইয়া বাড়ির বাহির হইয়া গেলেন।

আমি তাড়াতাড়ি আঁচাইয়া পিছনের দ্বার দিয়া খানা-খন্দ বন-জঙ্গল পার হইয়া ভটচাষি পাড়ায় যাত্রাস্থলে গিয়া উপস্থিত হইলাম। মা আমাকে মুখে মাথায় কাপড় বাঁধিয়া সর্বদা ভিড়ের ভিতর থাকিতে বলিয়া দিয়াছিলেন। তদনুসারে আমি মুখে মাথায় কাপড় বাঁধিয়া ভিড়ের ভিতর বেড়াইতে লাগিলাম। ক্রমে মন হইতে

জ্বর ভাবনা চলিয়া গেল। নিশ্চিন্ত মনে বেড়াইতেছি, রাত্রি আটটা নাড়ে আটটার সময় কে আসিয়া শিছন হইতে আমার ঘাড়ের কাপড় ধরিল। আমি বলিলাম, “কে রে?” স্বপ্নেও ভাবি নাই যে বাবা সেখানে আসিয়া ধরবেন। কিন্তু ফিরিয়া দেখি, বাবা! তিনি আমার পিঠে দু'ঘুসা দিয়া বলিলেন, “খবরদার কান্নাতে পারবি না।” সে ঘুসা খাইয়া কান্না গিলিয়া খাওয়া আমার পক্ষে মুশকিল হইয়া পড়িল। কি করি, কান্না গিলিতে লাগিলাম। বাবা সে অবস্থায় আমাকে বাড়ি লইয়া গেলেন, এবং উঠানের মধ্যে দাঁড় করাইয়া বলিলেন, “দাঁড়িয়ে থাক, নড়িস নে, আমি আসছি।” এই বলিয়া আমাকে মারিবার জন্ত যে বাঁশের ছড়ি কাটিয়া গোলার গায়ে রাখিয়া গিয়াছিলেন, তাহা খুঁজিতে গেলেন; মা যে তৎপূর্ব্বেই সে ছড়ি পুকুরের জলে ফেলিয়া দিয়াছিলেন, তাহা জানিতেন না। আমি ২৪ মিনিট দাঁড়াইয়া থাকিতে না থাকিতেই আমার মা, বড়পিসী, পিসতুতো দিদি, বিবাহ বাড়ির লোকেরা আসিয়া আমাকে ঘেরিয়া কেলিয়া বলিতে লাগিলেন, “ওরে! পালা পালা, মা'র খাবার জন্তে কেন দাঁড়িয়ে থাকিস!” আমি বলিতে লাগিলাম, “না, আমি যাব না, বাবা যে আমাকে দাঁড়িয়ে থাকতে বলে গিয়েছেন।” এই বলিয়া প্রায় আধ ঘণ্টা কাল দাঁড়াইয়া রহিলাম।

ওদিকে বাবা আপনার ছড়িগাছা না পাইয়া, কি দিয়া মারিবেন তাহাই খুঁজিয়া বেড়াইতেছেন। অবশেষে আর কিছু না পাইয়া একখানা চেলা কাঠ লইয়া উপস্থিত হইলেন। সেই কাঠ লইয়া যখন আমাকে মারিতে আসিলেন, তখন বড়পিসী আমার ও বাবার মধ্যে আসিয়া পড়িলেন। বলিলেন, “ওরে ভাকাত! দে কাঠ দে। ওই কাঠের বাড়ি মারলে কি ছেলে বাঁচবে!” এই বলিয়া বাবার হাত হইতে কাঠ কাড়িয়া লইবার চেষ্টা করিতে লাগিলেন। দুই ভাইবোনে ছটোপুটি লাগিয়া গেল। বাবা বড়পিসীকে এরূপ এক ধাক্কা মারিলেন যে, তিনি তিন-চারি হাত দূরে মাটিতে পড়িয়া গেলেন। তখন আমার মা প্রস্তরের মূর্তির ত্রায় অদূরে দণ্ডায়মানা, সাড়া নাই শব্দ নাই, নড়া নাই চড়া নাই। বাবার সহিত চোখোচোখি হওয়ারতে তিনি বলিলেন, “তুমি আমাকে দেখ কি? ছেলে মেয়ে ফেলতে হয় মেয়ে ফেল, আমি এক পা-ও নড়ব না।” বাবা বলিলেন, “আচ্ছা, তবে দেখ।” এই বলিয়া সেই চেলা কাঠ দিয়া আমাকে মারিতে প্রবৃত্ত হইলেন। তখন আরো কেহ কেহ আমাকে বাঁচাইবার জন্ত আসিয়া পড়িয়াছিলেন, কিন্তু তাঁহাদের মাথায় ও পিঠে চেলা কাঠ পড়াতো কিছু করিয়া উঠিতে পারিলেন না। চেলা কাঠের কয়েক ঘা খাইয়াই আমার মাথা ঘুরিতে লাগিল। আর মাগ্ব চিনিতে পারি না। বোধ হইতে লাগিল, আমার চারিদিকে মুখগুলো

ঘুরিতেছে। তৎপরেই আমি অচেতন হইয়া পড়িয়া গেলাম।

প্রায় আধঘণ্টা পরে চৈতন্ত হইল। চৈতন্ত লাভ করিয়া দেখি, উঠান হইতে তুলিয়া আমাকে ঘরের দাওয়াতে শোয়ানো হইরাছে, এবং দুই-তিনজন লোক তাড়নি তেল দিয়া আমার গা মালিশ করিতেছে; বাবা আপনি তেল জোগাইতেছেন ও তাহাদের সাহায্য করিতেছেন। আমি জাগিয়া ‘মা’ ‘মা’ করিয়া ডাকিতে লাগিলাম। শুনিলাম, তিনি আমাকে অচেতন হইয়া পড়িয়া যাইতে দেখিয়া, কাদিতে কাদিতে বাড়ির নিকটস্থ জঙ্গলে গিয়া পড়িয়া আছেন। আমার চেতনা হইবামাত্র লোকে তাঁহাকে আনিবার জন্ত গেল। একজনের পর আর একজন গেল, তিনি কাহারও কথাতে বিশ্বাস করিলেন না। অবশেষে পীড়াপীড়ি করাতে বলিলেন, “কৃষ্ণচরণ নাপিত যদি আসিয়া বলে যে ছেলে বেঁচে আছে, তবে আমি যাব, আর কারও কথাতে যাব না।”

এই কৃষ্ণচরণ নাপিত পাড়ার একজন বুদ্ধ দোকানদার ছিলেন। তিনি বড় ভক্ত ও ধর্মভীরু মানুষ ছিলেন। পাড়ার লোকে তাঁহাকে ‘ভক্ত কৃষ্ণচরণ’ বলিয়া ডাকিত। সেই রাতে কৃষ্ণচরণের নিকট লোক গেল। বুদ্ধ লাঠি ধরিয়া অতি কষ্টে আসিলেন, এবং আমার সহিত কথা কহিয়া মাকে ডাকিতে গেলেন। মা তাঁহার কথা শুনিয়া জঙ্কল হইতে উঠিয়া আসিলেন, এবং “বাবা রে, তুই কি আছিস?” বলিয়া আমার শয্যা-পার্শ্বে পড়িয়া কাদিতে লাগিলেন।

এদিকে, আমার যখন চেতনা হইল, তখন আমি আমার স্বভাবসিদ্ধ জেষ্ঠ্যমো করিয়া বলিতে লাগিলাম, “আমি মেজদার সঙ্গে বাগড়া করেছিলাম, মারামারি করেছিলাম, দোষ হয়েছিল, সন্দেহ নাই। কিন্তু লঘু পাপে এত গুরু দণ্ড দেওয়া বাবার পক্ষে কি ভালো হয়েছে? আমার স্ত্রী ও শ্বশুরবাড়ির লোকেরা বাড়িতে রয়েছে, পাশের বাড়িতে কুটুম্বর! এদেছে, তাদের সমুখে এত মারাত্মক কি বাবার পক্ষে ভালো হল?” এই কথা বলিতে না বলিতে দেখিতে পাইলাম, বাবা অদূরে মাটিতে নাক ঘষিয়া নাকে খং দিতেছেন। এখানে একথা বলা আবশ্যক যে, তাহার পরে তিনি সহস্র উদ্বেজনা সত্ত্বেও আমার বা আমার ভগ্নীদের গায়ে আর হাত তোলেন নাই। এমন কি, আমি ব্রাহ্মসমাজে যোগ দিয়া উপবীত পরিত্যাগ করিলেও, তিনি তর্জন গর্জন করিয়াছেন, দস্তে দস্ত ঘর্ষণ করিয়াছেন, কিন্তু আমার গায়ে হাত দেন নাই। ইহাতেই সকলে বুঝিবেন, তাঁহার অহতাপ ও প্রতিজ্ঞা কিরূপ ঐকান্তিক ছিল।

মাতুলের সাপ্তাহিক ‘সোমপ্রকাশ’। ইহার কিছুদিন পরে আমার পিতা কলিকাতা বাংলা পাঠশালার কর্ম হইতে বদলী হইয়া আমাদের গ্রামের হাউজিং মডেল বাংলা

‘স্বপ্নের হেড পণ্ডিতের কর্ম পাইয়া গ্রামের বাড়িতে চলিয়া যান। তখন আমাকে সিদ্ধেশ্বর চন্দ্রের লেনে ‘আমার মাতুলমহাশয়ের বাসাতে রাখিয়া যান। এখানে ঈশ্বরচন্দ্র বিজাসাগর সর্বদাই আসিতেন, এবং আমার মাতুলের সহিত কি পরামর্শ করিতেন। পরে গুনিলাম, ‘সোমপ্রকাশ’ নামে একখানি সাপ্তাহিক কাগজ বাহির হইবে, তাহার পরামর্শ চলিতেছে। ১৮৫৮ সালে সোমপ্রকাশ কাগজ বাহির হইল। বাসাতে ধুম পড়িয়া গেল। বাড়িতেই ছাপাখানা খোলা হইল। কাগজ ছাপা ও কাগজ বিক্রয় জন্য অনেক লোক বাসাতে থাকিতে আরম্ভ করিল। হৈ-হাই গোলমাল সমস্ত দিন ও রাত্রি দশটা এগারোটা পর্যন্ত। তাহার ভিতরে আমি বয়সে সর্বাধিক ছোট, আমার খাণ্ডা-দাওয়া বা কে দেখে, পড়াশোনার প্রতি বা কে দৃষ্টি রাখে! আমি সেই পুরুষের দলে পড়িয়া, রাঁধি, বাসন মাজি, এবং কোনো প্রকারে নিজের পড়াশোনা করি। তদুপরি, বাসার বয়ঃপ্রাপ্ত যুবকগণের আলাপ আচরণ কিছুই আমার মতো বয়সের ছেলের গুনিবার ও দেখিবার উপযুক্ত নহে। সে সকল শ্রবণ করিলে এখন লজ্জা হয়, এবং ঈশ্বরকে ধন্যবাদ করি যে একেবারে অসংযতগামী হই নাই।

দণ্ডাহের মধ্যে বাসার অশান্তিত লোকগুলি মাতুলের ভয়ে অনেক শাস্ত মূর্তি ধারণ করিয়া থাকিত, নিজ-নিজ কাজে মনোযোগ করিতে বাধ্য হইত। মাতুলমহাশয় শনিবার দেশে যাইতেন, শনিবার রাত্রি ও রবিবার সমস্ত দিন বাসা আর-এক মূর্তি ধারণ করিত। কেহ গাঁজা কেহ মদ খাইয়া চলাচল করিত। মাতুল খরচের জন্য যে-কিছু পরস্যা দিয়া যাইতেন তাহা এইরূপে ব্যয় করিয়া ফেলিত। ‘আমাদিগকে অনেক রবিবার ভাতে-ভাত খাইয়া কাটাইতে হইত। প্রশংসার বিষয়, আমাকে তাহার অনেক সময় একটা কিছু হল করিয়া অল্প কোনো বাসায় থাকিবার জন্য পাঠাইয়া দিত। তথাপি যাহা দেখিতাম ও গুনিতাম তাহা বালকের দেখা কোনো প্রকারেই কতব্য নহে। ঈশ্বরকে আজ অগণ্য ধন্যবাদ দিতেছি যে, সেই সকল দৃষ্টান্তের মধ্যে তিনি আমাকে রক্ষা করিয়াছিলেন।

আমি একদিনের বিবরণ বলিতেছি। বাসার অশান্তিত আত্মীয়দিগের মধ্যে একজনকে সকলে ‘মামা’ ‘মামা’ বলিয়া ডাকিত। ঐ ‘মামা, সম্পর্কে আমার মায়ের মামা, তবু আমিও ‘মামা’ বলিয়া ডাকিতাম। বলিতে কি, চাকর বাকর দোকানি পসারি কেহই তাহাকে আসল নামে ডাকিত না, সকলেই ‘মামা’ ‘মামা’ বলিয়া ডাকিত। ‘মামা’ ইংরাজী লেখাপড়া শেখে নাই; কম্পোজিটারি, বিল সরকারি প্রভৃতি করিয়া কিছু উপার্জন করিত। তাহার স্বরূপান ও অজ্ঞান দোষ ছিল। একদিন রবিবার সন্ধ্যার পর একজন আত্মীয় আসিয়া সংবাদ দিলেন যে, ‘মামা’ হুকিয়া স্ক্রিটের এক

গণিকালয়ে মাতাল হইয়া বসি করিয়া পড়িয়া আছে। গণিকারা দ্বারকানাথ বিজ্ঞা-  
ভূষণের বাসার লোক বলিয়া তাঁহার নাম উল্লেখ করিয়া গালি দিতেছে। বারান্দার  
মুখে মাতুলের নাম, ইহা যেন আমার অসহ্য বোধ হইতে লাগিল। আমি ‘মামা’কে  
ধরিয়া আনিবার জন্ত বাসার বয়োজ্যেষ্ঠ ব্যক্তিদিগকে অনেক অহরোধ করিলাম।  
কিন্তু তাঁহারা নেশা করিয়া বুঁদ হইয়া ছিলেন, কেহই আমার কথার প্রতি কর্ণপাত  
করিলেন না। অবশেষে আমি যেনো নামক এক চাকরকে সঙ্গে করিয়া স্কিকিয়া স্ট্রিটের  
সেই গণিকালয়ের অভিমুখে বাহির হইলাম। গিয়া দেখিলাম, এক গোলপাতার ঘরের  
দ্বীলোকের দাওয়াতে ‘মামা’ বসি করিয়া ভাসাইয়াছে, ও অর্ধ-অচেতন অবস্থাতে  
পড়িয়া রহিয়াছে। আমরা যাইবামাত্র দ্বীলোকটি গালাগালি আরম্ভ করিল। আমি  
বলিলাম, “চাকর সঙ্গে এনেছি, বসি পরিষ্কার করছি, ও ওকে তুলে নিয়ে যাচ্ছি ;  
গালাগালি দিও না।” এই বলিয়া, বসি পরিষ্কার করাইয়া, যেনো চাকরকে ‘মামা’কে  
তুলিয়া আনিতে বলিয়া নিজে দ্রুতপদে বাসার অভিমুখে যাত্রা করিলাম ; কারণ,  
তখন যদিও কলিকাতার পথে ঘাটে বাসাতে মাতাল দেখিতাম, তথাপি মাতালের  
প্রতি কেমন একটা বিজাতীয় ঘৃণা ও ভয় ছিল, তাহাদের কাছে ষেঁষিতাম না।  
বাসাতে আসিয়া তাহাদের জ্ঞান অপেক্ষা করিয়া বসিয়া আছি, অনেকক্ষণ পরে  
যেনো চাকর আসিয়া সজোরে দোর নাড়িতে লাগিল। দ্বার খুলিয়া দেখি, ‘মামা’  
সঙ্গে নাই। কারণ জিজ্ঞাসা করাতো, সে ‘মামা’কে অভদ্র ভাষায় গালাগালি দিয়া  
একথানা ছোরা আনিয়া দ্বারের নিকট বসিল ; বলিল ‘মামা’ আসিলেই তাহাকে  
কাটিবে। মনে ভাবিলাম, পথে দুজন মারামারি করিয়াছে। আমি মহা বিপদে পড়িয়া  
গেলাম। আমি জানিতাম, যেনো চাকর গাঁজাখোর, সে যাহা ভয় দেখাইতেছে, করিতে  
পারে। বাসার লোককে ডাকাডাকি করিলাম, কেহই উঠিলেন না, বলিলেন, “মরুক  
হতভাগারা।” আমি নিরুপায় হইয়া বাহিরের দরজার ভিতরের দিকে এক তালা  
লাগাইলাম। যেনো উঠিয়া আমার হাত ধরিল, “তালা লাগাও কেন ?” আমি বলিলাম,  
“তালায় চাবি তো ভিতরে আমাদের কাছে রইল, ‘মামা’র হাতে তো রইল না। এলে  
খুলে দেব, তার ভয় কি ?” যেনো তাহাই বুঝিল এবং ছোরা লইয়া বাহিরের দরজার  
কাছে বসিয়া রহিল। আমি বাড়ির ভিতরে উপরের ঘরে গুইতে গেলাম। গিয়া শুনি,  
‘মামা’ বাসার পশ্চাতে অপর এক গণিকালয়ে গিয়া মাতালি হুরে এক গান ধরিয়াছে।  
সে-রাত্রে সে আর বাসায় আসিল না।

পরদিন মাতুলমহাশয় শহরে আসিলে আমি এই কৃতান্ত তাঁহার গোচর করিলাম ;  
তিনি কুপিত হইয়া বাসা হইতে ইহাদিগকে তাড়াইয়া দিলেন !

ইহার পরে আমার মাতামহী ঠাকুরাণী ও আমার বড়মামী আসিয়া কিছুদিন কলিকাতাতে ছিলেন। তাঁহাদের পদার্পণে বাসা পবিত্র হইয়া গেল। মাতুলমহাশয়ের শনিবার বাড়ি যাওয়া বন্ধ হইল। মামীঠাকুরাণী মাতুলের তৃতীয় পক্ষের পত্নী, আমা অপেক্ষা চারি-পাঁচ বৎসরের বড়। তিনি মাতামহীকে গোপন করিয়া আমাকে মিঠাই আনিতে পয়সা দিতেন, মিঠাই আনিয়া রাত্রে দুইজন খুব খাইতাম। এ পেটুকের সেই সময়টা যে কি স্বখেই গিয়াছিল, তাহা বলিতে পারি না।

অগ্রে বলিয়াছি, বড়মামার কাছে একবার একটি মিথ্যা কথা বলিয়াছিলাম, তাহার বিবরণ এখানে দিতেছি। আমার দুইজন সহাধ্যায়ী বন্ধুর জননীকে আমি মাসী বলিতাম ও তাহাদের বোনকে বোন বলিতাম। তাঁহার্য্য বাস্তবিক আমাকে মাসীর ভ্রাতৃ ভালবাসিতেন। এই দুই বন্ধুর মধ্যে একজনের বাড়িতে আমরা কয়েকটি বালক একবার এক ছুটির দিনে সম্মিলিত হইয়াছিলাম। নানা প্রকার ক্রীড়া কোতুকের মধ্যে একটি বালক একখানা বোতল-ভাঙ্গা কাঁচ লইয়া হাসিতে হাসিতে বলিল, “দেখ ভাই, এই কাঁচ যদি কেহ চিবাইয়া ভাঙিতে পারে, তবে তাকে এখনি এক টাকা দি।” আমি বলিলাম, “আচ্ছা দাও, আমি চিবাচ্ছি।” এই বলিয়া তাহার হাত হইতে কাঁচখানা লইয়া চিবাইতে প্রবৃত্ত হইলাম। যেমন দুই পাটা দস্তের মধ্যে কাঁচখানা রাখিয়া ভাঙিতে যাইব, অমনি ভান দিকের নিচের ঠোঁট কাটিয়া দুখানা হইয়া গেল। এই অবস্থায় মাতুলের বাসাতে দৌড়িলাম। বড়মামা দেখিয়া ভয়ে আকুল হইলেন। কারণ জিজ্ঞাসা করাতে বলিলাম যে, একখানা চাকু-ছুরি বাহাদুরি করিয়া দাঁত দিয়া তুলিতে গিয়াছিলাম। ছুরিখানা কিয়দূর উঠিয়া সবেগে ঠোঁটের উপর বসিয়া গেল। মামা তাহাই বিশ্বাস করিলেন এবং ভাক্তার ডাকিয়া আমার ঠোঁট সেলাই করাইয়া দিলেন। আমি তাঁহার নিকট এই একটি মিথ্যা কথা কহিয়াছিলাম। এখানে ইহা স্মরণ হইয়া সজ্জা হইতেছে, কারণ আমার সত্যবাদিতার প্রতি তাঁহার প্রগাঢ় বিশ্বাস ছিল। আমি তাঁহার নিকট কখনো কোনো মিথ্যা কথা বলিয়াছি বলিয়া স্মরণ হয় না। বলিতে কি, আমাকে তিনি কিরূপ বিশ্বাস করিতেন তাহা যখন ভাবি, আমার মন আশ্চর্যান্বিত হয়। পাছে তিনি ক্লেশ পান, এই ভয়ে সর্বদা কুসঙ্গ হইতে দূরে থাকিতাম। তিনি দৃঢ়চেতা কর্তব্যপরায়ণ মানুষ ছিলেন, তামাক পর্যন্ত খাইতেন না, ধীর গম্ভীরভাবে সকল কাজ করিতেন, দিন রাত্রি পাঠে মগ্ন থাকিতেন। তাঁহাকে না দেখিলে, তাঁহার চক্কর সম্মুখে বর্ষিত না হইলে, আমার মনে যত সাধুভাব জাগিয়াছিল, তাহা জাগিত না। তাঁহার নিকট এই মিথ্যা কথা বলিয়া বহুদিন কষ্ট ভোগ করিয়াছি।

মাতুলের কলিকাতার বাসার থাকিবার কালের আর একটি হাস্যজনক ঘটনা আছে।

পূর্বেই বলিয়াছি, বাংলাকালে আমার অতিশয় তন্মনস্কতা ছিল : কিরূপে একবার গাছের পাখি দেখিতে দেখিতে হাতির পায়ের তলায় পড়িতে পড়িতে বাচিয়া গিয়াছিলাম, কিরূপে আমি তন্মনস্ক চিত্তে পড়িতে বসিলে বাবা আমাকে ডাকিয়া ডাকিয়া উত্তর না পাইয়া আসিয়া প্রহার করিতেন, এবং আমার হা-কাল। ন'ম রাখিয়াছিলেন, তাহা অগ্রেই বলিয়াছি। এই মাতুলের বাসায় থাকিবার সময় একদিন আমি বাড়ির ভিতরের উপরের ঘরে তন্মনস্ক চিত্তে পাঠে মগ্ন আছি, এমন সময়ে বড়মামা শয়ন করিবার জন্ত উপরে আসিতেছেন। আমি তন্মনস্ক চিত্তে পড়িতে বসিলেই কোমরের কাপড় খুলিয়া যাইত। সেইরূপ কাপড় খুলিয়া পড়িয়াছে, আমি পাঠে মগ্ন আছি। বড়মামার জুতার ঠক ঠক শব্দ শুনিতেছি, কিন্তু চেতনা হইতেছে না, কাপড় সামলাইয়া পরিতেছি না। অবশেষে বড়মামা যখন সেই ঘরের দ্বারে আসিয়া উপস্থিত হইলেন, তখন আমি সজাগ হইয়া কোমরের কাপড় সামলাইতে প্রবৃত্ত হইলাম। বড়মামা বলিলেন, “তুই কি ঘুমুচ্ছিলি? বেশ ঘুমুচ্ছিলি কেন? শুতে তো পারতিস?” আমি বলিলাম, “না, ঘুমই নি।” তিনি জিজ্ঞাসা করিলেন, “অমন খাড়ি-মাড়ি দিয়ে উঠলি কেন?” আমি বলিলাম, “আমি মনে করলাম ছুঁচো আসছে।” তিনি হাসিয়া বলিলেন, “ছুঁচো কি জুতো-পায়ে সিঁড়ি দিয়ে অ'সে?” এই লইয়া বাড়ির লোকের মধ্যে হাসাহাসি পড়িয়া গেল। অবশেষে বড়মামা আমার পাঠে মনেযোগ ও চিত্তের একাগ্রতার জন্ত সন্তোষ প্রকাশ করিলেন।

**ছাত্রজীবনে পাচকরত্তি।** ইহার কিছুদিন পরেই মাতুল দ্বৈলভয়ে খুলিল। বড়মামা ডেলি প্যাসেঞ্জার হইয়া বাড়ি হইতে কলেজে গতয়াত করিতে লাগিলেন। সোমপ্রকাশ যন্ত্র কলিকাতা হইতে চান্দড়িপোতা গ্রামে তাঁহার বাসভবনে উঠিয়া গেল। আমাদের বাসা আবার ভাঙিল। আমি দুদিন ইহাদের সঙ্গে, দুদিন উহাদের সঙ্গে, এইরূপ করিয়া ভাসিয়া বেড়াইতে লাগিলাম। শেষে আমার পিতা আসিয়া আমাকে ডাকিয়া স্কীটে বাছুরবাগানে এক আত্মীয়ের বাসাতে রাখিয়া গেলেন। তিনি আমার মাতার পিসতুতো ভাই। তিনি কম্পোজিটার্স কাজ করিতেন, এবং একখানি সামান্য গোলপাতার ঘর ভাড়া করিয়া থাকিতেন। এরূপ স্থির রহিল যে, তিনি প্রাতে ও আমি বৈকালে পাক করিব। কিন্তু কাষকালে এই দাঁড়াইল যে, আমাকেই দুইবেলা পাক করিতে হইত। কেবল তাহা নহে : বাসন মাজা, বর বাছু দেওয়া, বাজার করা, জল তোলা প্রভৃতি সমুদয় কাজ আমার উপর পড়িয়া গেল। অনেক সময় আমাকে বামহস্তে পাঠ্য পুস্তক ও দক্ষিণহস্তে ভাতের কাঠি লইয়া রন্ধন ও পাঠ এক সঙ্গে চালাইতে হইত। আমি বহুকাল পরে সেই সময়কার একখানি পুস্তক পাইয়াছি, তাহাতে বামহস্তের হলুদের দাগ

এখনও রহিয়াছে। অহুমানো বোধ হয়, বাটনা বাটিয়া তৎপরে সেখানি পড়িবার জন্ত লইয়াছিলাম, সেই জন্ত হলুদের দাগ লাগিয়াছে।

এই স্থানে কিছুদিন বাসের পর আমার পিতা আসিয়া আমাকে কলিকাতায় উপনগরবর্তী ভবানীপুরে স্বর্গীয় মহেশচন্দ্র চৌধুরী মহাশয়ের বাটীতে রাখিয়া গেলেন।

**চৌধুরীবাড়ির ভট্টিবাবু।** ভবানীপুরে স্বর্গীয় মহেশচন্দ্র চৌধুরী মহাশয়ের বাটীতেই আমার অভিভাবকগণ হইতে বিযুক্ত হইয়া একাকী বাস আরম্ভ হয়। এই সদাশয় সাধুপুরুষ কলিকাতা হাইকোর্টের উকীল ছিলেন। ইনি বর্ধমান জেলার আমদপুর নামক গ্রামের জমিদার কুড়োরাম চৌধুরীর পৌত্র। ইহাদের বংশ সৌজন্য সদাশয়তা সঙ্গরিত্রতার জন্ত প্রসিদ্ধ। মহেশচন্দ্র চৌধুরী মহাশয় চরিত্র গুণে সব-জনের সমাদৃত ব্যক্তি ছিলেন। তাঁহাতে যে সাধুতা ও সদাশয়তা দেখিয়াছি, তাহা কখনো ভুলিবার নহে। ইনি এবং ইহার পরিবারস্থ সকলে আমাকে আপনাদের স্বমসৃণীয় লোকের হায় দেখিতেন। বাবা কলিকাতা বন্দে, পাঠশালাতে আসিবার পূর্বে ইহাদের গ্রামে পণ্ডিতী কর্ম করিতেন। সেই স্ত্রে ইহাদের সহিত আলাপ ও বন্ধুতা জন্মে। ইহারা একদা সদাশয় লোক যে, সেই বন্ধুত্বটুকু রাখাভিরে আমাকে বাড়ির ছেলের মতো করিয়া লইলেন। আমি একজন গরীব ব্রাহ্মণের ছেলে, ইহাদের অগ্রে প্রতিপালিত হইতেছি, আমার প্রতি ইহাদের ব্যবহার দেখিলে তাহা মনে হইত না। আমাকে বাড়ির ছেলে মনে হইত।

তাহারা আমাকে 'ভট্টি' 'ভট্টি' করিয়া ডাকিতেন। ইহার একটু ইতিবৃত্ত আছে। আমার স্বগ্রামের অল্পশিক্ষিত একজন ব্রাহ্মণ যুবক ইহাদের ভবনে বাসকালে একবার আমাকে এক পত্র লিখিলেন। তাহাতে আপনার নাম স্বাক্ষর করিবার সময় 'ভট্টাচার্যের' পরিবর্তে 'ভট্টীয়' লিখিয়াছিলেন। তাহা লইয়া আমাদের মধ্যে খুব হাসাহাসি পড়িয়া গেল। তদবধি আমারও উপাধি ভট্টাচার্য বলিয়া বাড়ির লোকে আমাকে 'ভট্টীয়' 'ভট্টীয়' বলিতে লাগিলেন। ভট্টীয়টা ক্রমে 'ভট্টি' হইয়া পাড়াইল। অবশেষে চাকর-বাকর সকলে 'ভট্টিবাবু' 'ভট্টিবাবু' বলিতে আরম্ভ করিল। বাড়ির কর্তাদের মুখে এই 'ভট্টি' নামটি আমার মিষ্ট লাগিত। কারণ তাহাতে অকপট স্নেহ ও অস্বীয়তা প্রকাশ পাইত।

তাহারা আমাকে কিরূপ আপনার লোক ভাবিতেন, তাহার একটা দৃষ্টান্ত এই স্থানেই দেওয়া ভালো। তাহারা একবার তাঁহাদের ভাঁড়ারের চাবি আমাকে দিলেন। বলিলেন, "প্রাতে পড়িতে বসিবার পূর্বে তুমি ভাঁড়ারের দোর খুলিয়া চাকরদিগকে ডাকিয়া, নিজের চোখে দেখিয়া, সমুদয় জিনিসপত্র বাহির করিয়া দিয়া পড়িতে



বসিবে, চাবি তোমার কাছেই থাকিবে।” সেই বিস্তীর্ণ পরিবারের ভাঁড়ার এক বৃহৎ ব্যাপার ছিল। ৬০।৭০ জন খাবার লোক ; ১৭।১৫ জন চাকর ; ৪।৫টা ঘোড়া ; ৮।১০টা গরু বাছুর। মাংসঘদের খাবার চাল-ডাল তেল-মুনে, ঘোড়ার দানা-ভুঁষি প্রভৃতি, গরুদের ভুঁষি-খইল কলাই প্রভৃতি, সমুদয় সেই ভাঁড়ারে থাকিত। প্রতিদিন কোন জিনিস কি পরিমাণ দিতে হইবে, তাহা একটা কাগজে লিখিয়া তাঁহার। ভাঁড়ারের মধ্যে উহা লটকাইয়া দিয়াছিলেন। আমি প্রাতে গিয়া, ভাঁড়ারের দ্বার খুলিয়া চাকর-দিগকে ডাকিয়া, সমুদয় জিনিস ওজন করিয়া দিতাম। দিয়া, চাবি লইয়া গিয়া উপরে পড়িতে বসিতাম। তাহার পর সমস্ত দিন আমার সঙ্গে ভাঁড়ারের সম্পর্ক থাকিত না। ঐ জিনিসপত্রের সঙ্গে চাকর-বাকরের তামাকও দেওয়া হইত।

**নবীনঠাকুর বিদায়।** একদিন আমার স্কুল বন্ধ। সেদিন আমি বাড়িতে আছি। রাধুনী বায়ুন নবীনঠাকুর আসিয়া আমাকে বলিল, “ভট্ট বাবু, আমাদের আর একটু তামাক দিন।” আমি প্রথমে বলিলাম, “যা তামাক দিবার কথা কাগজে লেখা আছে, তা তো দিয়েছি ; আবার কেন চাও ?” পরে ভাবিলাম, একটু তামাক বই তো নয়, দিয়া আসি। ভাবিয়া তামাক দিতে গেলাম। ভাঁড়ার খুলিয়া তামাক দিতেছি, এমন সময় নবীনঠাকুর আমাকে বলিল, “ভট্ট বাবু, আমাদের সঙ্গে লাগলে এখানে টিকতে পারবেন না।” রাধুনী বায়ুনের কথা শুনিয়া আমার মনে হইল, ভাঁড়ারের চাবি আমার হাতে না রাখাই ভালো, চাকর-বাকর আমাকে অন্ত্রিত জানিয়া তেমন খাতির করে না, পদে-পদে তাহাদের সঙ্গে বিবাদের সম্ভাবনা। এই ভাবিয়া পরদিন চাবিটা তাঁহাদিগকে ফিরাইয়া দিলাম। প্রকৃত কারণটা আর কাহাকেও বলিলাম না, কেবল মাত্র মহেশচন্দ্র চৌধুরীর খুলতাত-পুত্র শ্রীশচন্দ্র চৌধুরীকে বলিয়াছিলাম, কিন্তু তাঁহাকে গোপন রাখিতে অস্বরোধ করিয়াছিলাম। আমি যখন চাবি ফিরাইয়া দিতে গেলাম, তখন কর্তাদের মধ্যে একজন বলিলেন, “কেন ফিরিয়ে দিচ্ছ ? তোমার উপর আমাদের পূর্ণ বিশ্বাস, তোমার উপর এ-ভার থাকলে আমরা নিশ্চিন্ত থাকি।” এই কথা যখন উঠিল, তখন শ্রীশ আসিয়া তাঁহাদের নিকট সমুদয় কথা ব্যক্ত করিলেন। ইহা লইয়া তাঁহাদের মধ্যে কথাবার্তা উঠিল, তাহা শুনিতে শুনিতে আমি চলিয়া গেলাম। যাইবার সময় দেখিয়া গেলাম, বড়দা (অর্থাৎ মহেশচন্দ্র চৌধুরী মহাশয়) বারাণ্ডার এক ধারে বসিয়া স্নানের পূর্বে দাঁতন করিতেছেন। কয়েক মিনিটের মধ্যেই চাকর গিয়া বলিল, “ভট্ট বাবু, শীঘ্র আসুন, শীঘ্র আসুন ; ভয়ানক কাণ্ড বেধেছে, বড়বাবু (মহেশ-বাবু) আপনাকে ডাকছেন।” আমি ফিরিয়া গেলাম। গিয়া দেখি, বড়দা বাম্বা-ষরের দ্বারে দাঁড়াইয়া সিংহগর্জনে নবীনঠাকুরকে বলিতেছেন, “রাখ রাখ, হাতা বেড়ি

রাখ্! এখনি স্বর হতে বের হয়ে যা, নতুবা গলাধাক্কা দিয়ে বের করে দেব।” আমি গিয়া কাছে পাড়াইলে আমাকে বলিলেন, “কি ভাই, নবীনঠাকুর তোমাকে কি বলেছে. বল তো।” আমি বলিলাম, “বেশি কিছু বলে নাই, সামান্য একটা কথা বলেছে. সে জন্ত রাগ করছেন কেন?” বড়দা বিরক্ত হইয়া বলিলেন, “আঃ! কি বলেছে, তাই বল না। সামান্য কি বেশি, আমি বুঝব।” তখন আমি বলিলাম, “ও বলেছে, ওদের সঙ্গে লাগলে আমি টিকতে পারব না।” বড়দা বলিলেন, “বলতে বাকি রেখেছে কি? হুঁ যা! জুতা মারলে কি সম্ভব হতে? ঐ জুকেই লোকে তোমাদের অপমান করতে সাহস পায়।” এই বলিয়া নবীনঠাকুরের দিকে ফিরিয়া বলিলেন, “যা, এখানকার কর্ম গেল; এখানে তো টিকতে পারলিই না, তারপর গ্রামে টিকতে পারিস কি না, পরে ভাবব।” (তাঁহার আমদপুর গ্রামের জমিদার ছিলেন. ও নবীন তাঁহাদের প্রজা ছিল।)

নবীন তাঁহাদের গৃহ হইতে তাড়িত হইয়া গিয়া পথের ধারে বাজারে এক দোকান আশ্রয় করিল। আমি স্থলে যাইবার জন্ত বাহির হইলেই দেখিতাম, নবীন বিষম মুখে দোকানে বসিয়া আছে। আমার মনে মহা সংগ্রাম উপস্থিত হইল। আমি ভাবিতে লাগিলাম, আমি গরীব ব্রাহ্মণের ছেলে, এও গরীব ব্রাহ্মণ, আমার জন্ত এ ব্যক্তির কর্ম যায়, এটা প্রাণে সহ্য হয় না। অবশেষে একদিন বড়দা কোর্ট হইতে আসিয়া বাহিরের উঠানে বেড়াইতেছেন, এমন সময়ে নবীনের জন্ত তাঁহাকে অত্মরোধ করিতে গেলাম। তিনি গম্ভীর প্রকৃতির লোক ছিলেন, গায়ে পড়িয়া কথা কহিতে ভয় হইত. স্বতরাং আমি নীরবে বলি-বলি করিয়া তাঁহার পশ্চাতে পশ্চাতে বেড়াইতে লাগিলাম। তিনি আমাকে পশ্চাতে বেড়াইতে দেখিয়া ফিরিয়া পাড়াইলেন; বলিলেন, “কি ভাই, আমাকে কিছু বলবে নাকি?” আমি বলিলাম, “আপনি নবীনঠাকুরকে মাপ করুন, নতুবা আমার মন খারাপ হচ্ছে।” তিনি বলিলেন, “ছিঃ! তোমরা বড় মিস্কিমাইণ্ড! সে আপনার কাজের ফল ভুগুক। দু-দশদিন যেতে দাও না।” আমি বলিলাম, “সে নিরাশ্রয় হয়ে বাজারের দোকান আশ্রয় করেছে. মাথা রাখবার স্থান নাই, খাবার সম্বল নাই, এটা আমার সহ্য হচ্ছে না।” তখন তিনি চাকর পাঠাইয়া নবীনঠাকুরকে বাজার হইতে ডাকাইয়া আনিয়া বলিলেন, “দেখ্ রে দেখ্, তুই কি মানুষের অপমান করেছিল! তোর জন্ত আমার কাছে মাপ চাচ্ছে। এর জন্তই তোকে আসতে দিলাম। যা, কাজ করগে যা।” নবীন স্বীয় কর্মে প্রতিষ্ঠিত হইল, আমার প্রাণের উষ্মে চলিয়া গেল। সেদিনকার সে ঘটনা ও মহেশচন্দ্র চৌধুরীর অকৃত্রিম ভালোবাসা চিরদিন স্মৃতিতে জাগিয়া রহিয়াছে।

তাইদের ভবনে আসিয়া আমি অনেক প্রকারে উপকৃত হইলাম। প্রথম, মহেশ-বাবুর চিত্র আমার সম্মুখে আদর্শের রায় রহিল। আমি যখন তাঁহাকে দেখিতাম, আমার অন্তরে এক নতন আকাঙ্ক্ষা জাগিত। দ্বিতীয়ত, এখানে আসিয়া রাঁধা ভাত ও পড়িবার উপযুক্ত গ্রন্থ সকল পাইয়া আমার পড়াশোনার বিশেষ স্ববিধা হইল। যদিও বাসাতে আমার রায় অনেকগুলি ছাত্র প্রতিপালিত হইতেছিল, এবং অনেক সময় আমাদিগকে দলবদ্ধ হইয়া এক সঙ্গে বাস ও পাঠাদি করিতে হইত, তথাপি আমার যে স্বাভাবিক নিবিষ্টচিত্ততা আছে, তাহার স্তরে আমার পাঠের বিশেষ ক্ষতি হইত না। তৃতীয়ত, এখানে আসিয়া সমপাঠী কতকগুলি বালক পাইলাম, তাঁহাদের দেখা-দেখি প্রতিদ্বন্দিতা হইতে আমার আত্মোন্নতি সাধনের ইচ্ছা অতীব প্রবল হইল।

চতুর্থত, ব্রাহ্মসমাজ গৃহ আমাদের বাসার নিকট হওয়াতে আমি মধ্যে মধ্যে বক্তৃতাাদি শুনিতে ব্রাহ্মসমাজে যাইতে লাগিলাম। আমি বোধ হয় ১৮৬২ সালে ভবানীপুরে যাই, কারণ এখানে ডেস্টিনি অব্ হিউমান লাইফ বিষয়ে কেশববাবুর যে ইংরাজী বক্তৃতা হয় তাহা শুনিয়াছিলাম। তন্নিম্ন মহর্ষি দেবেন্দ্রনাথ ঠাকুর ও স্বর্গীয় অযোধ্যানাথ পাকড়াশী মহাশয় এখানকার ব্রাহ্মসমাজে ব্রহ্মবিজ্ঞান স্থাপন করিয়া যে উপদেশ দিতেন, তাহার কতকগুলিও শুনিয়াছি। তখন হইতে ব্রাহ্মসমাজের দিকে মনে মনে একটু আকর্ষণ হয়।

এই আকর্ষণের আরও দুইটি কারণ ছিল। প্রথম, ভবানীপুরে আমার এক সহাধ্যায়ী বন্ধু থাকিতেন, তাঁহাকে আমি অতিশয় ভালোবাসিতাম। তাহার জ্যেষ্ঠ সহোদর ব্রাহ্ম ছিলেন, তিনি আমাকে অতিশয় ভালোবাসিতেন এবং সমাজে যাইতে বলিতেন।

**গ্রামে-ব্রাহ্মআন্দোলন।** দ্বিতীয়ত, আমাদের বাসগ্রামে যে ইতিপূর্বেই ব্রাহ্মধর্মের আন্দোলন উঠিয়াছিল ও শিবকৃষ্ণ দত্ত নামে একজন যুবক সর্বপ্রথম ব্রাহ্মধর্মের বাতা আমাদের গ্রামে লইয়া যান, তাহা পূর্বেই বলিয়াছি। তাহার পিতা ব্রজনাথ দত্ত একজন উদারচেতা দীক্ষায়ী লোক ছিলেন, পণ্ডিতগণের সহিত সর্বদা শাস্ত্র আলোচনা করিতে ভালোবাসিতেন। তিনি কলিকাতা ব্রাহ্মসমাজের প্রকাশিত তত্ত্ববোধিনী পত্রিকা লইতেন, ইহাও পূর্বে বলিয়াছি। সে সময়ে আমাদের গ্রামের বড় উন্নতির অবস্থা ছিল। সাধারণ ব্রাহ্মসমাজের অগ্রতম আচার্য আরাধ্য স্ক্রিভাজন উমেশচন্দ্র দত্ত, প্রদেয় বন্ধু কালীনাথ দত্ত, হরনাথ বসু, রমানাথ বোষ প্রভৃতি শিবকৃষ্ণ দত্তের দৃষ্টান্ত ও প্রভাবে ব্রাহ্মধর্মের অহুসারী হইয়া ব্রাহ্মধর্ম অহুসারে অহুসানাদি করিতে

অগ্রসর হইয়াছিলেন সেজ্ঞ গ্রামে মহা আন্দোলন ও এই যুবকদিগের প্রতি মহা নিষ্ঠাতন উপস্থিত হয় সেই নিষ্ঠাতনের মধ্যে ইহার বীরের তায় দণ্ডায়মান ছিলেন। সেজ্ঞ আমর। গ্রামবাসী যুবকগণ মনে মনে ইহাদিগকে অতিশয় শ্রদ্ধা করিতাম।

১৮৫২ সালে আমাদের গ্রামপ্রবাসী টাকীনিবাসী ভাঙ্কর প্রিয়নাথ রায় চৌধুরীর যত্নে ও ব্রাহ্মদিগের সাহায্যে এক বালিকা বিদ্যালয় স্থাপিত হয়। বিদ্যালয়টি স্থাপিত হওয়া মাত্র আমার ম। আমার ভগিনীদিগকে তাহাতে প্রেরণ করিয়াছিলেন। প্রিয়নাথ বাবু গ্রাম হইতে চলিয়া গেলে, স্কুলটি রক্ষার ভার ব্রাহ্ম যুবকগণের উপরে পড়িল।

**গ্রামে ব্রাহ্মনিষ্ঠাতন।** কিন্তু ইহার কিছুকাল পরে যখন উমেশচন্দ্র দত্ত, হরনাথ বসু ও কালীনাথ দত্ত প্রভৃতি ব্রাহ্ম যুবকগণ মৌরসী পাড়াতে খাজনা করিয়া একটু জমি লইলেন, এবং তাহাতে স্কুলের জন্ত একটি ঘর নির্মাণ করিতে প্রবৃত্ত হইলেন, তখন জমিদারবাবুর তাহার বিরোধী হইয়া দাঁড়াইলেন, এবং বিধিমতে সে কাণ্ডে বাধা দিতে লাগিলেন। ব্রাহ্ম যুবকগণ স্কুলঘর নির্মাণের জন্ত শালতি করিয়া স্বন্দর বনের ভিতর হইতে খুঁটি ও বেড়ার হেঁতাল প্রভৃতি আনাইলেন। গ্রামের পূর্ব পাশে খালের মধ্যে শালতি আসিয়া দাঁড়াইল। ব্রাহ্ম যুবকগণ সংবাদ পাইয়া খুঁটি প্রভৃতি আনিতে গেলেন। গিয়া দেখেন, চারিদিকের শ্রমজীবী লোকের প্রতি জমিদারবাবুদের হুকুম দিয়াছে, খুঁটি প্রভৃতি কেহ বহিয়া দিবে না। তাঁহার অনেক অহুসন্ধান করিয়া এবং প্রলোভন দেখাইয়াও মুটে মজুর পাইলেন না। অবশেষে কালীনাথ দত্ত, হরনাথ বসু প্রভৃতি কাণ্ডে করিয়া খুঁটি প্রভৃতি বহিয়া স্কুলের জমিতে লইয়া যাইতে লাগিলেন। গ্রামের লোকে দেখিয়া আশ্চর্যান্বিত হইতে লাগিল এবং চারিদিকে আলোচনা আরম্ভ হইল। কিন্তু তাঁহার খুঁটি প্রভৃতি আনিয়া দেখেন যে, ঘর নির্মাণের জন্ত যে-ঘরামিদিগকে টিক করিয়া রাখিয়াছিলেন, তাহার জমিদারবাবুদের আদেশে ঘরামির কাজ হইতে নিবৃত্ত হইয়াছে। তখন ব্রাহ্ম যুবকগণ কোমর বাঁধিয়া নিজেরাই ঘরামির কাজ করিতে প্রবৃত্ত হইলেন। তৎপরদিন সন্ধ্যা পর্যন্ত সেই কাজে প্রবৃত্ত রহিলেন। তাঁহার জমি মাপিয়া, খুঁটি প্রভৃতি পুঁতিয়া রাখে ঘরে গেলেন। প্রাতে আসিয়া দেখেন যে তাঁহাদের পোতা খুঁটি প্রভৃতি নাই, তৎপরিবর্তে জমির এক পাশে একখানি ছোট খড়ের ঘর বাঁধা রহিয়াছে! দেখিয়া আশ্চর্যান্বিত হইয়া নিকটবর্তী পাড়ায় কারণ অহুসন্ধান করিয়া জানিলেন যে, শুকর যোদ্ধা নামক জমিদারবাবুদের এক চাকর রাতারাতি ঐ ঘর বাঁধিয়া ভোরে ব্রাহ্ম যুবকদের খুঁটিগুলি তুলিয়া কাঁধে

করিয়া লইয়া গিয়াছে। বালিকা বিজ্ঞানলের পণ্ডিতমহাশয় এবং অপর গ্রাম হইতে স্বতন্ত্রালয়ে-যাওয়া এক যুবক ভোরে উঠিয়া ঐ খুঁটি প্রভৃতি লইয়া যাইতে দেখিয়াছেন।

ইহার পর ব্রাহ্ম যুবকগণ আদালতে শুকর মোল্লার নামে অভিযোগ উপস্থিত করিলেন। সেই মামলা মজিলপুর গ্রামের পাঁচ-ছয় কোশ উত্তরবর্তী বারিপুর গ্রামের আদালতে হইল। শুনিতে পাওয়া যায়, জমিদারবাবুরা ঐ মামলার জন্ত শুকর মোল্লার নামে ফুলের জমির এক জাল দলীল প্রস্তুত করাইয়াছিলেন। মামলা উপস্থিত হইলে, তাঁহারা সেস্থানের সর্বপ্রধান উকীলদিগকে নিযুক্ত করিয়া মামলা চালাইতে প্রবৃত্ত হইলেন। এদিকে ব্রাহ্ম যুবকগণ কলিকাতার ব্রাহ্ম বন্ধুদিগকে বলিয়া কতিপয় নবীন ব্রাহ্ম উকীল সংগ্রহ করিলেন। তন্মিমা মামলা দেখিবার কৌতূহলবশত কলিকাতা হইতে অনেক ব্রাহ্ম যুবক বারিপুরে গেলেন। আদালত গৃহে ব্রাহ্ম দর্শকের ভিড়ের কথা শুনিয়া জমিদারবাবুরা নাকি বলিয়াছিলেন, “ও মা! আমরা ভেবেছিলাম গ্রামের ঐ কয়েকটা ছোঁড়াই বুঝি ব্রাহ্ম; দেশে এত ব্রাহ্ম আছে তা তো জানতাম না”। যাহা হউক, মামলার শেষে শুকর মোল্লার কয়েক মাসের জন্ত কয়েদ হইল। সে কয়েদ হইয়া কলিকাতার নিকটবর্তী আলিপুর শহরের জেলে আসিল। তখন আমি ভবানীপুরে থাকিতাম, আমার গ্রামবাসী ব্রাহ্ম যুবক হরনাথ বসু মহাশয় কালীঘাটে থাকিতেন। শুকর মোল্লা মনিবের আদেশে অস্তায় কাজ করিয়া কয়েদ হইয়াছে, ইহার জন্ত হরনাথবাবু বড়ই দুঃখিত হইয়াছিলেন। তিনি কয়েদখানায় শুকর মোল্লাকে দেখিতে ও তাহার জন্ত খাবার লইয়া যাইতে লাগিলেন। যতদূর স্মরণ হয়, আমি তখনও প্রকাশ্য ভাবে ব্রাহ্মসমাজে যোগ দিই নাই, কিন্তু সাধু উমেশচন্দ্র দত্ত, কালীনাথ দত্ত, হরনাথ বসু প্রভৃতি ব্রাহ্ম যুবকদিগকে প্রগাঢ় প্রহার চক্ষে দেখিতে আরম্ভ করিয়াছি। হরনাথবাবু আমাকে শুকর মোল্লার কয়েদের জন্ত দুঃখিত দেখিয়া, প্রতি রবিবার আলিপুর জেলখানায় গিয়া শুকর মোল্লাকে মিঠাই প্রভৃতি খাওয়াইয়া আসিবার ভার আমার প্রতি দিলেন, আমি তাহাই করিতে লাগিলাম। এইজন্ত শুকর মোল্লার কয়েদের কথা আমার মনে আছে।

স্বয়ং জমিদারবাবুরাও সেই জমি হইতে ব্রাহ্মদিগকে বঞ্চিত করিবার জন্ত চেষ্টা করিয়া কৃতকার্য হইলেন না, ইহাতে ব্রাহ্মদের প্রভাব বাড়িয়া গেল। তখন অল্প প্রকার নির্ধাতন আরম্ভ হইল। একজন ব্রাহ্ম যুবক “পাড়াগাঁয়ে এ কি দায়, ধর্ম রক্ষার কি উপায়?” নাম দিয়া এক নাটক রচনা করিলেন। তাহাতে জমিদারবাবুদিগকে লোকচক্ষে উপহাসাস্পদ করিবার চেষ্টা করা হইল। বিবাদটা আরও পাকিয়া গেল। অবশেষে জমিদারবাবুরা বাড়িতে বাড়িতে লোক পাঠাইয়া বালিকা বিজ্ঞানলে মেয়ে পাঠাইতে

নিষেধ করিলেন। বলিলেন, “যে মেয়ে পাঠাবে, তাকে একঘরে করব।” আমি যখন প্রতি রবিবার গিয়া আলিপুর জেলে গুর মোল্লাকে খাওয়াইতেছি, তখন জমিদার-বাবুদের শাসনে স্থলে মেয়ে পাঠানো প্রায় বন্ধ হইয়াছে, কেবল আমার পিতামাতার দৃঢ়চিত্ততার গুণে আমার দুই ভগিনীকে লইয়া পণ্ডিত স্থল চালাইতেছেন।

**ব্রাহ্মণ পিতার তেজস্বিতা।** অধিকাংশ গৃহস্থই জমিদারবাবুদের নিষেধ তুলিল, শুধু আমার বাবা ও মা তুলিলেন না। তাঁহারা উভয়ে তেজী মাহুষ, অতিশয় সত্য-পরায়ণ ত্রায়পরায়ণ লোক ছিলেন। বিত্বাসাগরের প্রিয় লোক, তাঁহারা লোকের বিরাগের প্রতি দৃষ্টিপাত করিলেন না। বিত্বাসাগর মহাশয়ের প্রকৃতির অনেক দোষ গুণ আমার পিতাতে ছিল। তিনি বলিলেন, “কি! এত বড় আশ্পর্ধার কথা? আমার ছেলেমেয়ে পড়াব কি না, তার লক্ষ্য অত্রে দিবে? যদি কাহারও মেয়ে স্থলে না যায়, আমার মেয়ে যাবে, দেখি, কে কি করে।” এই বলিয়া তিনি আমার ভগিনীদ্বয়কে লইয়া স্থলে গেলেন ও পণ্ডিতকে বলিলেন, “কেবল আমার মেয়ে আসবে ও তুমি আসবে, স্থল একদিনের জন্তও বন্ধ কোরো না। যদি কর, তা হলে গভর্নমেন্টের কাছে রিপোর্ট করে গভর্নমেন্ট সাহায্য বন্ধ করে দেব।” বাস্তবিক কিছুদিন আমার ভগিনীদ্বয় ও পণ্ডিত-মহাশয় এই তিনজনকে লইয়া স্থল চলিল। এতদ্ব্যতীত ব্রাহ্মদের প্রতি অত্যা ব্যবহার হওয়াতে বাবা অগ্নিসমান জলিয়া উঠিলেন, এবং ব্রাহ্মদের পক্ষ অবলম্বন করিলেন। তখন তিনি বাড়ির লোকের সমক্ষে ব্রাহ্মদের প্রশংসা করিতেন। ইহাও আমার ব্রাহ্ম-সমাজের দিকে আকৃষ্ট হইবার অশ্রুতম কারণ।

**আশ্বিনের ঝড়।** এখন নিজের জীবন বিবরণ আবার বলি। চৌধুরী মহাশয়দিগের ভবনে অবস্থান কালে ১৮৬৪ সালের আশ্বিন মাসে মহা ঝড় ঘটে। সেই ঘটনা স্মৃতিতে দৃঢ়রূপে মুদ্রিত রহিয়াছে। সেটা পূজার ছুটির সময়, বোধ হয় পঞ্চমী কি ষষ্ঠীর দিন। অনেকে পূজার সময় কলিকাতা হইতে বাড়ি যাইতোছিল, হুতরাং পথে ঝড়ে পড়িতে হয়। আমার স্বগ্রামের একটি যুবক ও আমি দুইজনে ঝড়ের পূর্ব দিন শালতি করিয়া কালীঘাট হইতে বাসগ্রামের অভিমুখে যাত্রা করি। সেদিন সন্ধ্যা হইতেই আকাশ ঘনঘটাচ্ছন্ন হইয়া জোরে বায়ু বহিতে আরম্ভ হয় ও বৃষ্টি নামে। সেই বায়ু ও বৃষ্টিতে আমরা কোনো প্রকারে শালতিতে বসিয়া রাত্রি কাটাইলাম। শয়নের স্থান আর হইল না। পরদিন প্রত্যুষে যখন মেঘের অন্তরালে উষার আলোক দেখা দিল, তখন দেখিলাম আমাদের শালতি মগরাহাট নামক স্থানের উত্তরে জালাদি নামক দ্বীপগ্রামের কিঞ্চিৎ উত্তরে, বিশাল জলা ও ধাতুক্ষেত্রের মধ্যে, ঝড় ও তরঙ্গের আঘাতে আন্দোলিত হইতেছে।

বায়ুর বেগ এত অধিক যে, সম্মুখ দিকে এক পা অগ্রসর হওয়া কঠিন। কোনো প্রকারে শালতির চালকষর জালাসি গ্রামের বাজারের ধারে গিয়া শালতি লাগাইল। আমরা লাফাইয়া তীরে উঠিলাম এবং একটি দোকানে গিয়া আশ্রয় লইলাম। দেখিলাম, আমাদের ভায় আরও কয়েকজন শালতির যাত্রী নানা স্থান হইতে আসিয়া সেখানে আশ্রয় লইয়াছে। তখনো কাহারও মনে হয় না যে ঝড় অবিলম্বে ভীষণ সাইক্লোনের আকার ধারণ করিবে। সকলে পরামর্শ হইতে লাগিল যে, সকলে মিলিয়া খিচুড়ী রন্ধিয়া খাওয়া যাক। যাত্রীদের মধ্যে দুইজন ব্রাহ্মণ এই কার্য করিতে স্বীকৃত হইলেন। বলিলেন, দুইজনের জন্ত রাঁধাও যা, দশজনের জন্ত রাঁধাও তা। আমরা কৃতজ্ঞচিত্তে সেই দুর্ভোগের দিনে খিচুড়ী খাইতে পাইব বলিয়া আনন্দিত হইতে লাগিলাম। কিন্তু দেবতা আর এক প্রকার বন্দোবস্ত করিলেন।

**সাইক্লোনে অদম্য পথিকের গান।** খিচুড়ীর পরামর্শ শেষ হইতে না হইতে দোকানদারের সহিত চাউল দাউলের মূল্য নির্ধারণ হইতে না হইতে, হু-হু করিয়া সাইক্লোনের বায়ু ডাকিয়া আসিল। আমাদের চক্ষের সমক্ষে কয়েকখানি চালা-ঘর পড়িয়া গেল। অবশেষে যে দোকানে আমরা বসিয়া ছিলাম, সে ঘর কাঁপিতে লাগিল। আমরা বিপদ গণনা করিয়া কোমর বাঁধিতে লাগিলাম। তখনো দেখি যাত্রীদের মধ্যে এক ব্যক্তি তুড়ি দিয়া মন-আনন্দে ‘বন্দাবন-বিলাসিনী রাই আমাদের’ ইত্যাদি কীর্তনটি গাইতেছেন। তাঁহাকে বলা গেল, “মশাই, গান রাখুন, কোমর বাঁধুন, এ-ঘর ঝেঁপড়ে।” তিনি হাসিয়া বলিলেন, “রেখে দেও ঘর পড়া, গাইতে বড় ভালো লাগছে। শোনো শোনো, কীর্তনটা শোনো।” আর শোনো! চড়চড় করিয়া ঘর হেলিতে লাগিল, আমরা দৌড়িয়া বাহিরে গেলাম, সে ভদ্রলোকটি চাপা পড়িলেন। যেই ঘরের বাহির হওয়া, অমনি আমাদের দিকে ঝেঁপে উড়াইয়া কোথায় লইয়া গেল। সৌভাগ্যক্রমে আমার স্বগ্রামবাসী সেই যুবক বন্ধুটির সহিত আমি হাতে হাত বাঁধিয়াছিলাম, আমাদের দুইজনকে অধিক দূরে লইয়া যাইতে পারিল না। একখানা দোকানঘর পড়িয়া গিয়া তাহার দুখানা চাল মাটিতে পড়িয়া দাঁড়াইয়া ছিল, আমরা দুজনে গিয়া তাহার উপরে পড়িলাম। পড়িয়া ভাঙা ঘরের খুঁটি ধরিয়া ঝড় ভোগ করিতে ও থরথর করিয়া কাঁপিতে লাগিলাম। দাঁড়াইয়া দাঁড়াইয়া দেখি, সেই কীর্তনকারী ভদ্রলোকটি পূর্বকার দোকানঘরের চাল ফুঁড়িয়া উপরে উঠিতেছেন। আমাদের দিকে অদূরে দেখিয়াই তিনি হাসিতে লাগিলেন, এবং অতি কষ্টে আমাদের নিকট আসিয়া হাসিয়া বলিলেন, “বড় পিতৃপুণ্যে বেঁচে গেছি। আপনারা বোধ হয় ভাবছিলেন মারা পড়েছি। আরও কিছুদিন কর্মভোগ

বাকি আছে কি না, এখন কেন যাব?" বলিয়া খুব হাসিতে লাগিলেন। তাহার সেই হাসি আমার আজও মনে আছে। কতবার ভাবিয়াছি, একপা স্মৃতি দুঃখে প্রশ্রয় চিত্ত পাওয়া বড় স্নানভাগ্যের বিষয়। কতকগুলি মানুষ একপা আছে, যাহাদিগকে কিছুতেই বিধগ্ন করিতে পারে না। ইহাদের অবস্থা স্পৃহণীয়।

কিয়ৎকণ তিনজনে ঝড় ভোগ করিয়া পরামর্শ করা গেল যে, অদূরে রাণী রাসমনির কাছারি বাড়ি দেখা যাইতেছে—সে গ্রামটা তাহারই জমিদারী—সেই কাছারিতে গিয়া আশ্রয় লওয়া যাউক। তিনজনে হাত ধরাধরি করিয়া বাহির হইলাম। কাছারি বাড়ির নিকটস্থ হইতে না হইতে সমগ্র বাড়ি ভূমিসাৎ হইল। চারিদিকের প্রাচীর পর্যন্ত ধরাশায়ী হইয়া সমভূম হইয়া গেল।

ঝড়ের বন্ধু। তখন বাতাস প্রকোপ হৃদাস্ত দৈত্যের বিক্রমের ভাষ হইয়াছে। গ্রামের প্রায় একখানিও গৃহ দণ্ডায়মান নাই, সমুদয় সমভূম হইয়াছে। চারিদিকে চাহিতে চাহিতে অদূরে একখানি গৃহ তখনো দণ্ডায়মান দৃষ্ট হইল। স্থির করা গেল যে, সেখানে গিয়া আশ্রয় লওয়া যাউক। গিয়া দেখি, সেই গ্রামের জীলোক বালক-বালিকাতে সে ঘর পরিপূর্ণ। ঘরখানি নূতন ছিল বলিয়া, তখনো দণ্ডায়মান আছে। সেই গৃহস্থায়ী অতি বৃদ্ধ। তাহার যুবক পুত্র বৃদ্ধ পিতা মাতাকে তাড়াতাড়ি খাওয়াইয়া ঘরের ভিতরে পুরিয়া, বীরের গ্রাম কোমর বাঁধিয়াছে, এবং সেই বড়ো ছুটাছুটি করিয়া চারিদিকের জীলোক বালক-বালিকা সংগ্রহ করিয়া সেই ঘরে পুরিতেছে। আমরা ঘরের নিকটে পৌঁছিয়া দেখি জীলোকে ঘর পরিপূর্ণ। আমাদের সঙ্গে মস্তুর ভদ্রলোকটি ঠেলিয়া ঘরে ঢুকিয়া পড়িলেন, আমাদের দুই বন্ধুর কিরণ সঙ্কোচ বোধ হইতে লাগিল। আমরা দ্বার হইতে ফিরিয়া পার্শ্বের দাবাতে গিয়া দাঁড়াইলাম। তৎক্ষণাৎ সে দাবার চালটি আমাদের মাথার উপরে পড়িয়া গেল। তখন আমরা ভাবিলাম যে, এরূপে ঘর চাপা পড়িয়া মরা অপেক্ষা বাহিরের উঠানে বসিয়া বড় খাওয়া ভালো। এই ভাবিয়া বাহিরে যাইতেছি, এমন সময় গৃহের ভিতর হইতে এক বৃদ্ধা রমণীর কণ্ঠস্বর শোনা গেল, “বাবা, তোমরা কোথায় যাও? এত লোকের যদি জ্বরগা হয়ে থাকে, তৌমাদের দুজনেরও হবে।” তখন আমরা বাধ্য হইয়া গৃহের ভিতরে প্রবেশ করিলাম। প্রবেশ করিয়া জীলোক বালক-বালিকার ক্রন্দনের শব্দ শুনিয়া মনে হইতে লাগিল, সেখানে না ঢুকিলেই ভালো ছিল। ক্রমে বেলা অগমান হইল। অপরাহ্ন চারিটার পর ঝড়ের বেগ কমিয়া আসিতে লাগিল। গ্রামস্থ যাহারা সেই গৃহে আশ্রয় লইয়াছিল তাহারা ‘বাবা রে, মা রে’ করিতে করিতে স্বীয়-স্বীয় ভবনের উদ্দেশে যাত্রা করিল। আমাদের শালতির চালক দুইজন আমাদের বিছানা



ও কিছু-কিছু জিনিসপত্র মাথায় করিয়া আসিয়া উপস্থিত হইল। বলিল, শালা ও খাল হইতে লইয়া এক পুতুরের ধারে বাঁধিয়া রাখিয়াছিল, দড়ি ছিঁড়িয়া পুতুরের মধ্যে ডুবিয়া গিয়াছে। তখন আর উদ্ধার করিবার সময় নাই, সন্ধ্যা সমাগতপ্রায়। তাহাদিগকে সেই ভাঙা দাবাতে কোনো প্রকারে রাত্রি যাপন করিতে বলিয়া আমরা সেই দরিদ্র ব্রাহ্মণের ভাঙা ঘরে রাত্রি যাপন করিবার জ্ঞপ্ত প্রাপ্ত হইলাম। তাহারা পোদ নামক হীনজাতীয় লোকের ব্রাহ্মণ।

ক্রমে সন্ধ্যা সমাগত হইল। সেই গৃহের বৃদ্ধ-বৃদ্ধার বীর প্রকৃতিসম্পন্ন যুবক পুত্র সমস্ত দিনের অনাহার ও গুরুতর শ্রমের পর ক্লান্ত হইয়া আসিয়া ঘরের মধ্যে পড়িল। পিতামাতা ব্যাকুল হইয়া অরুরোধ করিতে লাগিল, “ওরে, তুই মুখ হাত ধুয়ে ওই চৌকির নিচে তোর ভাত আছে, খা।” তখন আমরা সেই ঘরে নয়জন, আমরা বিদেশীয় পাঁচজন, ও বৃড়ো বৃড়ি যুবক পুত্র ও গভিণী পুত্রবধূ এই চারিজন। পিতা-মাতার অরুরোধ ও ব্যগ্রতা দেখিয়া যুবকটি বলিল, “বাবুরা সমস্ত দিন অনাহারে আছেন, ওঁরা ঘরে বসে থাকবেন আর আমি খাব, তা কি হয়?” কোনোরূপেই সে খাইবে না। ইহাতে আমরা বাহিরের লোক চটিয়া উঠিলাম, বলিলাম, “সে কি কথা! এই বিপদে কি কেউ আতিথ্য করতে পারে? তুমি সমস্ত দিন ছুটোছুটি করেছ, তুমি ঐ ভাত খাও, কিছুই অস্বাস্য হবে না।” সে তাহা শুনিয়া না, বসিয়া রহিল। শেষে আমি জিজ্ঞাসা করিলাম, “আচ্ছা, তোমাদের ঘরে আমাদের খাবার মতো কিছু আছে কি না?” যুবক বলিল, “চাউল আছে, তা ভিজ্জে গিয়েছে।” উত্তর, “আচ্ছা, ভিজ্জা চাউল আমাদের দাও।” সেই ভিজ্জা চাল লইয়া আমি সকলকে দিলাম, বলিলাম, “ভালো লাগুক না লাগুক, আপনারা খান, তা না হলে ও-ব্যক্তি খাবে না।” আমরা ভিজ্জা চাউল খাইতে প্রবৃত্ত হইলাম। হঠাৎ মনে হইল, শালতিতে এক হাঁড়ি মাষকলাই বাড়ির জন্ত লইয়া যাইতেছিলাম, সমস্ত দিন ভিজিয়া তাহাতে কল বাহির হইয়াছে। আমি সেই ভিজ্জা কলাই আনিয়া সকলকে চাউলের সঙ্গে খাইতে দিলাম। আমাদের আহারটা বড় মন্দ হইল না। তৎপরে শয়নের ব্যাপার। সেই দরিদ্র ব্রাহ্মণের ঘরে যতগুলি লেপ-কাথা-মাছুর ছিল, সমুদয় সমাগত কম্পাশ্বিত বালক-বালিকাদিগকে চাপা দিবার জন্ত দিয়াছিল, তাহাতে সে সমুদয় ভিজিয়া গিয়াছে, কেবল দুইটি সঁতলা মাছুর তখনো শুকনো আছে। গৃহস্থামীর পুত্র প্রস্তাব করিল যে, তাহার একটিতে তাহারা সপরিবারে শয়ন করিবে, আর একটিতে আমরা পাঁচজন শয়ন করিব। আমার সঙ্গে লোকেরা তাহাতে সন্মত হইয়া আদরের সহিত মাছুরটি লইলেন, তাহা লইয়া তাহাদের সঙ্গে আমার ঝগড়া হইল। আমি বলিতে লাগিলাম, “ছি ছি!

ও মাতুর নেবেন না, ওরা মাতুরে শুক।” এই প্রভাবে সন্দের পথিকেরা হাসিতে লাগিলেন, “আমরা পাঁচজনে এক মাতুরে শুই, ওরা চারজনে আর এক মাতুরে শুক। এ বিপদে আর ভয়ভা করবার সময় নাই।” এই কথাতে আঁচি রাগ করিয়া মাতুরের বাহিরে কাঁদাতে শুইয়া অগাধ নিদ্রা দিলাম।

পরদিন প্রাতে যখন চক্ষু খুলিলাম, তখন দেখি বেশ রোদ উঠিয়াছে। আমার অগ্রেই আর সকলে জাগিয়া প্রাতঃকৃত্য সমাপন করিতেছিলেন। আমি বাহিরে গিয়া দেখি, বৃদ্ধ-বৃদ্ধার যুবক পুত্রটি আমাদের শালতিয় চালকষয়ের সঙ্গে পুকুরে ডুবিয়া ডুবিয়া শালতিখানি তুলিবার চেষ্টা করিতেছে। দেখিয়া, তাহাকে ও প্রেকায় জলে ডুবিতে বারণ করিলাম, কিন্তু সে সে-কথার প্রতি কর্ণপাত করিল না। ক্রমে তিনজনে শালতিখানি তুলিল। চালকষয় তাহার জল ছেঁচিয়া পরিকার করিতে প্রবৃত্ত হইল, ব্রাহ্মণ যুবক কুলীর জায় মাথায় করিয়া আমাদের জিনিসপত্র বহন করিতে প্রবৃত্ত হইল। আমি চাহিয়া দেখি যে, সেই সময়ে পথে পতিত একটা ভয় বোলতার চাকের উপরে পা দেওয়ায় তাহার পায়ে অনেকগুলি বোলতা কামড়াইয়াছে, তাহার পা ফুলিয়া উঠিতেছে, তবু সে সেই কাজ করিতেছে। তাহা দেখিয়া তাহার প্রতি ক্রোধের উদয় হইল, তাহা আর ভাষায় বর্ণন করিবার নহে।

আমি ব্রাহ্মণ তনয়কে পরে অর্থ সাহায্য করিয়াছিলাম, এবং পরে যখনই শালতি করিয়া বাড়ি যাইতাম, সেই গ্রামে উঠিয়া তাহাদিগকে অন্বেষণ করিয়া কিছু-কিছু অর্থ সাহায্য করিয়া যাইতাম। সে গ্রামটা যেন আমার তীর্থস্থানের জায় হইয়াছিল। কয়েক বৎসর পরে একবার গিয়া আর তাহাদের উদ্দেশ্য পাইলাম না।

**চুটিপায়ে উড়ো সাহেবের ঘরে।** সাল ও তারিখ মনে নাই, ভবানীপুরে চৌধুরী মহাশয়দিগের আশ্রয়ে বাসের কালে, একবার আমার পিতাঠাকুর মহাশয় একখানি সরকারি কাগজ আমার নিকট পাঠাইয়া আদেশ করিলেন, তাহা আমাকে স্বয়ং গিয়া জুলসযুহের ইন্সপেক্টর উড়ো সাহেবের হাতে দিতে হইবে। তদনুসারে একদিন কলেজে যাইবার পথে আমি উড়ো সাহেবের আপিসে উপস্থিত হইলাম। তাঁহার আপিস গৃহে প্রবেশ করিয়া তাঁহার দ্বন্দ্ব অপেক্ষা করিতে লাগিলাম। সাহেব তখন পাশের ঘরে আহায়ে বসিয়াছিলেন, কিয়ৎক্ষণ পরেই উপস্থিত হইলেন। আমি অভিবাদন করিয়া তাঁহার হস্তে কাগজখানি দিলাম। তিনি কাগজখানি লইতে চাহিলেন না; বলিলেন, “তুমি আপিস ঘরের বাহিরে জুতা খুলিয়া এস নাই কেন?”

আমি। এ-ঘরে প্রবেশ করিবার সময় জুতা খুলিতে হয় এ-নিয়ম যে আছে, তা তো জানিতাম না, তাহা হইলে এ-ঘরে প্রবেশ করিতাম না।

ব্যাপারখানা এই। তখন আমার এমন দারিদ্র্য ও দুর্ব্বস্থা যে, আমাকে চটিজুতাই সর্বদা পরিতে হইত, বুটজুতা পরা ভাগ্যে ঘটিত না। স্বতরাং সেদিন চটিজুতা পায়ে দিয়াই কলেজে ঘাইবার পথে সাহেবের আপিসে গিয়াছিলাম। তাহা দেখিয়াই সাহেব চটিয়াছিলেন।

সাহেব। তুমি জুতা পরিয়া এ-ঘরে প্রবেশ করিয়া আমাকে অপমান করিয়াছ। তুমি জুতা খুলিয়া এস।

আমি। না সাহেব, আমি জুতা খুলিব না। আমি কিরূপে আপনার অপমান করিলাম, তাহা বুঝিতে পারিতেছি না। আপনার পায়ে জুতা রহিয়াছে, আপনার কেরানীবাবুর পায়ে জুতা দেখিতেছি। আপনারা যদি খোলেন তবে আমি খুলিতে পারি।

সাহেব। ও যে বুটজুতা।

আমি। বুটজুতা পায়ে দিয়া এলে আপনার মান থাকিত, আর চটিজুতা পায়ে দিয়া আসাতে আপনার মান গেল, এ নূতন কথা, ইহা আমি কিরূপে বুঝিব ?

সাহেব। হাঁ, আমাদের আপিসের এ-নিয়ম আছে, তাহা তুমি কি জানো না ?

আমি। না সাহেব, আমার জন্মে এমন নিয়ম শুনি নাই।

সাহেব। তুমি জুতা খুলিবে কি না, বল।

আমি। না সাহেব, খুলিব না।

সাহেব। তবে তোমার চিঠি নেব না।

আমি। এই কাগজ আপনার ডেপুটির উপর রইল। ও আপনাদেরই কাগজ, নেন নেবেন, না নেন না নেবেন। আমার কাজ আমি করে গেলাম।

এই বলিয়া ডেপুটির উপর কাগজ রাখিয়া আমি ঘাইতে উত্তর। সাহেব বলিলেন, “শোনো শোনো, দাড়াও।” আমি দাঁড়াইলাম।

সাহেব। রাজা রাধাকান্ত দেব অত্যন্ত পীড়িত, তুমি কি শুনেছ ?

আমি। হাঁ সাহেব, শুনেছি।

সাহেব। আমার গাড়ি জোতা হচ্ছে, আমি এখনই তাঁকে দেখতে যাব। তুমি আমার সঙ্গে যাবে ?

আমি। না সাহেব, আমাকে কলেজে যেতে হবে, বেলা হয়ে যাচ্ছে।

সাহেব। আচ্ছ, যদি তুমি আমার সঙ্গে যাও, তাঁর ঘরে প্রবেশ করবার সময় জুতা খুলবে-কি না ?

আমি সেখানে দ্রুত খুলিবার কারণ বলিতে ঘাইতেছি সাহেব বাধা দিয়া বলিলেন-

“‘হাঁ’ কি ‘না’ বল, আমি আর কিছু শুনতে চাই না।”

আমি। হাঁ সাহেব, সেখানে খুলব।

সাহেব। তবে আমার এখানে খুলিবে না কেন?

আমি। আপনি কারণ শুনবেন না, তবে আমি কি করব?

কারণটা শুনিলে বলিতাম যে, বাঙালী ভদ্রলোকের বৈঠকখানাতে জাজিম পাতা থাকে, সকলেই জুতা খুলিয়া প্রবেশ করে, সুতরাং আমাকেও সেই ভাবে প্রবেশ করিতে হইত। কিন্তু সাহেব যখন আমার কথাতে কান দিলেন না, তখন বাধ্য হইয়া মৌনাবলম্বন করিলাম, এবং তাঁহাকে অভিবাদন করিয়া ঘরের বাহির হইলাম। সাহেব আবার ডাকিলেন, “ছোকরা, শোনে! শোনে।” আমি আবার ঘরে প্রবেশ করিলাম।

সাহেব। তুমি একটা কথা শুনো, ‘নিজের মান যদি চাও অপরের মান আগে রাখ?’

আমি। সাহেব, ও খুব ভালো কথা, আমি অনেক দিন শুনছি।

এই বলিয়া আবার তাঁহাকে অভিবাদন করিয়া ব্রিটিশ পদে গৃহ হইতে বাহির হইয়া কলেজের দিকে ছুটিলাম।

বড়মামা বৈকালে আমাকে ডাকাইয়া সমুদয় কথা শুনিলেন। বলিলেন, “উড়ো সাহেব যে তোমাকে জুতা খোলাইতে পারেন নাই, ইহাতে আমি বড়ই সন্তুষ্ট হইয়াছি। তুমি আমার ভাগিনার মতো কাজ করিয়াছ।” তৎপরে তিনি সোমপ্রকাশের জন্ত ইহার একটি বিবরণ লিখিয়া দিতে বলিলেন। আমি “উড়ো সাহেব ও চটিজুতা” হেভি দিয়া ইহার একটি বিবরণ লিখিয়া দিলাম। পরবর্তী সোমবারে “ফলনা সাহেব ও চটিজুতা” হেভি দিয়া বড়মামা সেটি বাহির করিলেন, এবং বেচারি উড়ো সাহেবের উদ্দেশে অনেক উত্তম মধ্যম তিরস্কারের ব্যবস্থা করিলেন। পরে শুনিতে পাইলাম, উড়ো সাহেব তাহা পাঠ করিয়া আমার প্রতি হাড়ে হাড়ে চটিয়া গেলেন এবং আপিসের বাবুদিগকে বলিলেন, “এই ছেলে কলেজ থেকে বাহির হইয়া যদি কর্মপ্রার্থী হয়, আমাকে জানাইও। আমি উড়ো সাহেবের জায় সদাশয় পুরুষের বিশ্বনয়নে পড়িয়া গেলাম ভাবিয়া বড় দুঃখ হইল। তিনি অতি সদাশয় মানুষ ছিলেন বলিয়া এ ঘটনা তাঁহার মনে রহিল না, কারণ, পরবর্তী চাকরীর সময়ে আমি যখন ভবানীপুরের শাউখ সুবার্নন স্থল হইতে হেয়ার স্থলে আসি, তখন তিনিই উত্তোগী হইয়া আমাকে আনিয়াছিলেন। তখন তাঁহার কর্মচারীরা তাঁহার আদেশ-মতো পূর্বের কথা তাঁহার নিকট ব্যক্ত করেন নাই, করিলে কি পাড়াইত আমি না।

উড়ো সাহেব যেরূপ সদাশয় পুরুষ ছিলেন, এবং আমার ভবানীপুর সাউথ সুবার্বন স্কুলের কাজে যেরূপ সন্তুষ্ট হইয়াছিলেন, তাহাতে সবিশেষ বিবরণ জানিলেও কিছু করিতেন না, এইরূপ মনে হয়। আমার মাতুলমহাশয় সোমপ্রকাশে আন্দোলন করিয়াছিলেন বলিয়াই কথটা আমার মনে রহিয়াছে।

কাব্য চর্চা ও কবিতা যুদ্ধ। মধ্যে মধ্যে আমি সোমপ্রকাশে ও এডুকেশন গেজেটে কবিতা লিখিতাম। লোকে পড়িয়া প্রশংসা করিত। তাহাতে কবিতা লিখিতে উৎসাহিত হইতাম। কবিতা লেখা সূত্রে প্যারীচরণ সরকার মহাশয়ের সহিত আমার একটু ঘনিষ্ঠ সম্বন্ধ হয়। তিনি তখন প্রেসিডেন্সী কলেজে প্রফেসরী করিতেন, এবং এডুকেশন গেজেটের সম্পাদক ও সুরাপান-নিবারিণী সভার সভাপতি ছিলেন। আমি তাহার কাগজে প্রথমে কয়েকটি ছোট-ছোট কবিতা মুদ্রিত করি। তাহাতে তিনি প্রীত হন, এবং আমাকে নিখিতে উৎসাহিত করেন।

ইহার পরে এক ঘটনা ঘটিল, যাহাতে আমার কবিতা শক্তিকে আর একদিকে লইয়া গেল। আমাদের ভবানীপুরে একজন বিলাত ফেরত ডাক্তার আসিয়া বসিলেন, তাহার হাব-ভাব চাল-চলন সবই ইংরাজী ধরনের। তিনি নিজের ঘারে এক সাইন-বোর্ড, দিলেন তাহাতে 'ডট' বলিয়া নিজের উপাধি লিখিলেন। এই লইয়া আমাদের যুবক দলে হাসাহাসি পড়িয়া গেল। অমনি আমি বাঙালীর সাহেবিয়ানার উপর বিদ্রূপ বর্ষণের জন্ত বিলাত-ফেরত বাঙালী সাজিয়া 'এস্ এন্ড ডট্' নাম লইয়া এডুকেশন গেজেটে কবিতা লিখিতে লাগিলাম, বাঙালীর প্রিয় যাহা তাহার উপরে বিদ্রূপ বর্ষণ করিতে লাগিলাম, এবং ইংরাজী যাহা কিছু তাহার উপর আদর দেখাইতে লাগিলাম। স্বদেশী ভাবাপন্ন হইয়া আর একজন কবিতাতে তাহার উত্তর দিতে লাগিলেন। সপ্তাহের পর সপ্তাহ এই কবিতা যুদ্ধ চলিতে লাগিল, চারিদিকে একটা চর্চা উঠিয়া গেল। আমার কবিতাতে কাহারও বুঝিতে বাকি থাকিল না যে, আমিও স্বদেশী ভাবাপন্ন, কেবল সাহেবী ভাবাপন্ন ব্যক্তিদিগকে বিদ্রূপ করিবার জন্ত লেখনী ধারণ করিয়াছি। ঐ সকল কবিতার দুই-এক ছত্র মনে আছে। তাহা দেখিলে সকলে হাসিবেন। আমার প্রতিদ্বন্দী কবি বিভাসাগর মহাশয়ের প্রশংসা করাতে আমি বঙ্গভূমির প্রতি লক্ষ্য করিয়া লিখিয়াছিলাম—

বিচার সাগর তব মূর্খের প্রধান,  
টিকিয়ার ভট্টাচার্য, নাহি কোনো জ্ঞান।

ইংরাজ মেয়েদের প্রশংসা করিয়া লিখিলাম—

## ধবলাঙ্গী তান্ত্রিকেশী বিড়াল-লোচনা,

বিবাহ করিব হুখে ইংরাজ-ললনা ।

এই হুত্রে প্যারীবাবুর নিকট আমার একটা পগার দাঁড়াইল । তাহার একটি ফল মনে আছে । ইহা বোধ হয়, ইহার কিছুদিন পরে ঘটয়া থাকিবে । একবার আমার বন্ধু উমেশচন্দ্র মুখোপাধ্যায় চট্টগ্রামবাসী প্রেসিডেন্সী কলেজের অল্পতম ছাত্র নবীনচন্দ্র সেনের লিখিত একটি কবিতা আনিয়া আমাকে দেখাইলেন । কবিতাটি পড়িয়া আমার ভালো লাগিল । আমি উমেশের সঙ্গে নবীনবাবুর বাসাতে গিয়া তাঁহার সহিত দেখা করিলাম, এবং সেই কবিতাটি এডুকেশন গেজেটে প্রকাশ করিবার জন্ত উৎসাহিত করিলাম । আমার অনুরোধে তিনি কবিতাটি আমার হাতে দিলেন । আমি কাটিয়া কুটিয়া তাহাতে নিজে কিছু যোগ করিয়া প্যারীবাবুর হাতে দিয়া আসিলাম । তিনি তাহা এডুকেশন গেজেটে ছাপিলেন এবং নবীনকে ডাকিয়া উৎসাহিত করিলেন । পরে নবীনচন্দ্র সেন মহাশয়ের কবিতা গ্রন্থ মুদ্রিত হইলে পড়িয়া দেখিয়াছি, তাহাতে সেই কবিতাটি আছে, এবং যত দূর মনে হয়, আমার প্রস্তুত দুই-চারি পংক্তি এখনো রহিয়াছে । আমার এখন স্মরণ করিয়া হাসি পায়, আমি সেই অল্প বয়সে কাব্য জগতে কিরূপ মুরুরি হইয়া উঠিয়াছিলাম ।

**শিকারীসঙ্গ ও সুরাপান ।** প্যারীবাবুর সংস্রবে আসিয়া আমার এক উপকার হইল । সুরাপানের উপর আমার দারুণ বিদ্বেষ জন্মিল । তাহার একটি প্রমাণ আমার মনে আছে । আমি অগ্রেই বলিয়াছি, ভবানীপুরে যে চৌধুরী মহাশয়দিগের আশ্রয়ে আমি থাকিতাম, তাঁহারা সকলেই সাধু সদাশয় লোক ছিলেন, তাঁহাদের বিমল চরিত্রের প্রভাব আমাকে অনেক পরিমাণে গঠন করিয়াছে । তাঁহাদের একজন স্বসম্পর্কীয় লোক ছিলেন, তিনি মধ্যে মধ্যে আসিয়া আমাদের সঙ্গে দুই-চারিদিন যাপন করিতেন । তিনি একটি সওদাগর আপিসে একটি বড় পদে প্রতিষ্ঠিত ছিলেন, অনেক টাকা উপার্জন করিতেন এবং দুই হস্তে ব্যয় করিতেন । বন্দুক ছোঁড়া, শিকার করা, সদলে নৌকাযোগে জলপথে বিচরণ করা, প্রভৃতি আমোদে অনেক টাকা ব্যয় করিতেন । এই সব কারণে তিনি আমার ভ্রাতৃ যুবকদের চক্ষে একটা 'হিরো'র মতো ছিলেন । কিন্তু তাঁহার একটু দোষ ছিল, তিনি সুরাপান করিতেন । একবার অপরাপর কয়েক ব্যক্তির সহিত তাঁহার সঙ্গে গঙ্গার চড়াতে কয়েকদিন বাস করিতে গিয়াছিলাম । প্রতিদিন পাখি শিকারের সময় সঙ্গে যাইতাম, কিন্তু তাঁহাকে কখনো মাতাল অবস্থাতে দেখি নাই । যাহা হউক, তিনি আমাদের সর্বদাই সুরাপান করিবার জন্ত প্ররোচনা করিতেন ; বলিতেন, পরিমিত সুরাপান করিলে শরীর ভালো থাকে, মনে স্মৃতি

থাকে, কাজের শক্তি বাড়ে, ইত্যাদি। আমার ঘেন্না স্মরণ হয় যে, তাঁহার প্ররোচনায় একদিন কি দুইদিন একটু-একটু সুরাপান করিয়াছিলাম। কিন্তু কি আশ্চর্য জগদীশ্বরের রূপা! তৎপরেই মনে মহা নির্বেদ উপস্থিত হইল। প্যারীচরণ সরকার মহাশয়কে, মাতুল মহাশয়কে ও পিতাঠাকুরকে স্মরণ করিয়া মহা লজ্জিত হইলাম, এবং সুরাপান নিবারণের জগ্ন তর্জয় প্রতিজ্ঞায় দৃঢ় হইলাম। তদবধি আমি সুরাপান নিবারণের পক্ষে রহিয়াছি।

**কাব্যে ছন্দপরীক্ষা : ‘নির্বাসিতের বিলাপ’।** মহেশচন্দ্র চৌধুরী মহাশয়ের বাড়িতে থাকিতে থাকিতে ১৮৬৫ কি ১৮৬৬ নাগে ভবানীপুরের একটি ভদ্রসন্তান কোনো গুরুতর অপরাধে দ্বীপান্তরে প্রেরিত হয়। সেই ঘটনাতে ভবানীপুরের লোকের চিত্তকে অতিশয় আন্দোলিত করে, আমারও চিত্তকে অতিশয় আন্দোলিত করে। সেই প্রকার মনের ভাব লইয়া কবিতা লিখিতে বসি। কবিতাটি মাতুলের সংবাদপত্র সোম-প্রকাশে ‘নির্বাসিতের বিলাপ’ নামে প্রকাশিত হয়।

মাতুলের হস্তে যখন ‘নির্বাসিতের বিলাপ’ের প্রথম কয়েক পংক্তি সোমপ্রকাশে মুদ্রিত করিবার জগ্ন দিয়া আসিলাম, তখন ভয়ে ভয়েই দিয়া আসিলাম। মনে হইল তিনি ডাকিয়া তিরস্কার করিবেন। মনে করিয়াছিলাম, দুই-একবার লিখিয়া সমাপ্ত করিব। কিন্তু প্রথমবার কয়েক পংক্তি বাহির হইলে, তিনি কলেজে আমাকে ডাকিয়া অতিশয় সন্তোষ প্রকাশ করিলেন, এবং আরও কবিতা আছে কি না জিজ্ঞাসা করিলেন। আমি অতিশয় উৎসাহিত হইয়া গেলাম। অমনি আরও লিখিতে বসিলাম। এইরূপে সপ্তাহের পর সপ্তাহ সোমপ্রকাশে কবিতা প্রকাশিত হইতে লাগিল। কয়েকবার প্রকাশিত হইতে না হইতে চারিদিকে সমালোচনা উঠিয়া গেল। পথে ঘাটে, ভাড়াটে গাড়িতে লোকে বলিতে লাগিল, “এ ‘ত্রিশিঃ’ কে হে?” আমার লাঙ্গুল ক্ষাঁত হইয়া উঠিতে লাগিল। নিজের মনে-মনে মস্ত একটা কবি হইয়া দাঁড়াইলাম। বাস্তবিক তখন আমার কবিতার মধ্যে একটু নতুনত্ব ছিল। ইহাতে ঈশ্বরচন্দ্র গুপ্তের বাধা মিত্রাক্ষর অথবা মাইকেলের খোলা অমিত্রাক্ষর ছিল না, কিন্তু দুইয়ের মধ্যস্থলে যাহা তাহাই ছিল। ভাবকে ছন্দের বশবর্তী না করিয়া ছন্দকে ভাবের বশবর্তী করা হইয়াছিল। প্রধানত এইজগ্ন ইহা তখন সকলের দৃষ্টিকে আকর্ষণ করিয়াছিল।

**দ্বিতীয় বিবাহ।** আমি যখন কবিতারসে নিমগ্ন আছি, তখন এক পারিবারিক দুর্ঘটনা ঘটিল। কোনো বিশেষ কারণে আমার পিতা আমার পত্নী প্রসন্নময়ীর ও তাঁহার বাড়ির লোকের প্রতি কুপিত হইয়া তাঁহাকে পিতৃগৃহে পাঠাইয়া দিলেন। বলিলেন, তাঁহাকে আর আনিবেন না। তাঁহাকে একেবারে বর্জন করা যখন স্থির

হইল, তখন এই প্রশ্ন উঠিল যে আমি তো একমাত্র পুত্র সন্তান, বংশ রক্ষার উপায় কি হইবে? অতএব আমার পুনরায় বিবাহ দেওয়া স্থির হইল। আমার একুপ বয়স হইয়াছিল যে বহুবিবাহকে মন্দ বলিয়া জানি। প্রসন্নময়ীর প্রতি তখন আমার যে বড় ভালোবাসা ছিল, তাহা নহে। তবে তাঁহার ও তাঁহার বাড়ির লোকের সামান্য অপরাধে তাঁহাকে গুরুতর সাজা দেওয়া হইতেছে, ইহা অশুভব করিয়াছিল। আমি কিরূপে এইরূপ কঠিন ব্যবহারে সহায়তা করি, ইহা ভাবনা মন আন্দোলিত হইতে লাগিল। কিন্তু বালাবধি পিতাকে একুপ ভয় করিতাম যে, তাঁহার ইচ্ছাতে বাধা দেওয়া আমার সাধ্যাতীত ছিল। তথাপি আমি নিজে ও জননীর দ্বারা তাঁহাকে জানিতে দিয়াছিলাম যে, একুপ বিবাহে আমার মত নাই।

বাবা আমাকে বিবাহ দিতে লইয়া যাইবার জগ্ন আমাকে লইতে ভবানীপুণে মহেশচন্দ্র চৌধুরী মহাশয়ের ভবনে আসিলেন, এবং আমাকে লইয়া গেলেন। পথে আমাকে আমার দ্বিতীয়বার বিবাহের প্রয়োজনীয়তা বুঝাইতে বুঝাইতে চলিলেন। আমি তাঁহাকে বড় ভয় করিতাম, তাঁহার মুখের উপর কিছু বলিতে পারিতেছি না, সঙ্গে সঙ্গে চলিয়াছি। অবশেষে আমাদের গ্রামের দুই ক্রোশ উত্তরবর্তী বারাসত গ্রামে যাইবার সময় আমি বাবাকে বলিলাম, “বাবা, আপনি মনে করিতেছেন, আমার স্ত্রীকে বিদায় করিয়া দিয়া আমার স্বশ্রববাড়ির লোকদিগকে সাজা দিবেন, কিন্তু ফলে এ-সাজা আমাদিগকেই পেতে হবে। আমার বোধ হয় একুপ কাজ না করাই ভালো।” যেই এই কথা বলা, অমনি বাবা ফিরিয়া দাঁড়াইলেন এবং নিজের পায়েগ জুতা হাতে লইয়া বলিতে লাগিলেন, “তুই এখান হতে ফিরে যা, আর এক পা তুলেছিস কি এই জুতা মারব।” আমি বলিলাম, “চলুন, বাড়িতে গিয়ে মা’র সামনে কথা হবে। আমার বক্তব্য যা, তা আমি বললাম, তারপর করা না-করা আপনার হাত।” তাঁহার পর দুজনে বাড়িতে যাওয়া গেল। আমি গিয়া মাকে বলিলাম, “মা, একি হচ্ছে? আমার স্ত্রী ও স্বশ্রববাড়ির লোকেদের উপর রাগ করে একি করা হচ্ছে?” মা বলিলেন, “জানিস তো, আমার কাঁধের উপর একটা বৈ মাথা নেই, আমি বাধা দিয়ে রাখতে পারব না, যা জানে করুক।” বাবা আমাদের অপত্তির প্রতি দৃকপাতও করিলেন না। আমাকে ধরিয়া বিবাহ দিতে লইয়া গেলেন। এই দ্বিতীয় বিবাহ বর্ধমান জেলার দেপুর নামক গ্রামের অভয়াচরণ চক্রবর্তীর জ্যেষ্ঠা কন্যা বিরাজ-মোহিনীর সহিত হইল। বিবাহটা ১৮৬৫ কি ১৮৬৬ কোন সালে হইয়াছিল, ঠিক মনে নাই।



**দ্বিতীয় বিবাহের পরিণাম।** এই বিবাহের পরেই আমার মনে দারুণ অহুতাপ উপস্থিত হইল। একটি নিরপরাধা স্ত্রীলোককে অত্যাচারে গুরুতর সাজা দেওয়া হইল, এবং আমি অনিচ্ছা সত্ত্বেও সেই অত্যাচার কার্যের প্রধান পুরুষ হইলাম, ইহা ভাবিয়া লজ্জা ও দুঃখে অভিভূত হইয়া পড়িলাম। পিতার আদেশে বিবাহ করিতে যাইবার পূর্বে আমি এই ভাবিয়া মনকে প্রস্তুত করিয়াছিলাম যে, রামচন্দ্র পিতৃ-আজ্ঞা পালনার্থ চতুর্দশ বর্ষ বনবাস করিয়া কষ্ট পাইয়াছিলেন, আমি না হয় পিতৃ-আজ্ঞা পালন করিয়া চিরকাল কষ্ট পাইব। কিন্তু এই অহুতাপের মুহূর্তে সে চিন্তা আর আমাকে বল দিতে পারিল না। আমি মনে করিতে লাগিলাম, মানুষ আপনার কাজের জন্ত আপনাই দায়ী, হাজার গুরুতর আদেশ হইলেও পাপের অংশ কেহ লয় না। আত্মনিন্দাতে আমার মন অধীর হইয়া উঠিল। সে তীব্র আত্মনিন্দার কথা মনে হইলেও এখন শরীর কম্পিত হয়। আমি আমুদে উপহাস-রসিক বকুতাশ্রিয় মানুষ ছিলাম, আমার হাস্য পরিহাস কোথায় উরিয়া গেল। আমি ঘন বিষাদে নিমগ্ন হইলাম। পা ফেলিবার সময় মনে হইত যেন কোনো নিচের গর্ভে বা ফেলিতে যাইতেছি। রাত্রি আসিলে মনে হইত আর প্রভাত না হইলে ভালো হয়।

এই অবস্থাতে আমি ঈশ্বরের শরণাপন্ন হইলাম। আমি ঈশ্বরে অবিশ্বাস কখনো করি নাই। আমার স্বরণ আছে, এই সময়ে আমার পিতা আমার নিকট অনেক সময় সংস্কৃত নাস্তিক দর্শনের রীতি অবলম্বনে নাস্তিকতা প্রচার করিতেন। বলিতেন, বিজ্ঞানাগর মহাশয় আস্তিক নহেন, ইত্যাদি। ইহা লইয়া পিতা-মাতাতে কখনো কখনো বগড়া হইয়াছে দেখিয়াছি। বাবার সঙ্গে এরূপ বিচারে প্রবৃত্ত আছি দেখিলে, মা বাবার প্রতি রাগ করিয়া আসিয়া আমার হাত ধরিয়া তুলিয়া লইয়া যাইতেন। বলিতেন, “রাখ, রাখ, তোমার নাস্তিক দর্শন রাখ, ছেলের মাথা খেও না।” কিন্তু নাস্তিকতা আমাব মনে ভালো লাগিত না, মনে বসিত না। আমি বালককাল হইত পাড়ার সমবয়স্ক বালকদিগের সহিত সৃষ্টি ও সৃষ্টিকর্তা বিষয়ে আলোচনা করিতে ভালোবাসিতাম। কিন্তু ইতিপূর্বে আমি ঈশ্বরের সহিত আত্মার সম্বন্ধ বিষয়ে কখনো গুরুতর রূপে চিন্তা করি নাই। ঈশ্বর চরণে প্রার্থনার অভ্যাস ছিল না। এই মানসিক মানির অবস্থাতে তাহা করিতে আরম্ভ করিলাম। এই সময়ে ভক্তিবাজন উমেশচন্দ্র দত্ত মহাশয় আমার মানসিক অবসাদের কথা লইয়া আমাকে একখানি খিণ্ডোর পার্কীরের ‘টেন্ সারমনস্ এ্যাণ্ড প্রেয়ারস্’ পাঠাইয়া দিলেন। পার্কীরের প্রার্থনাগুলি যেন আমার চিত্তে নবজীবন আনিল। আমি প্রতিদিন রাত্রে

শয়নের পূর্বে একখানি খাতাতে একটি প্রার্থনা লিখিয়া পাঠ করিয়া শয়ন করিতে লাগিলাম। কেবল তাহাই নহে, দিনের মধ্যে প্রত্যেক দণ্ড পনরো মিনিট অন্তর ঈশ্বর স্মরণ করিতাম ও প্রার্থনা করিতাম। ছুঃখের বিষয় আমার সে প্রার্থনার খাতাখানি হারাইয়া গিয়াছে। নতুবা ধর্মজীবনের শৈশবের সেই আধ-আধ ভাষা আজ দেখিতাম।

**ধর্মজীবনের সূত্রপাত। ব্রাহ্মসমাজে উৎসাহ।** প্রার্থনা করিতে করিতে হৃদয়ে দুইটি পরিবর্তন দেখিতে পাইলাম। প্রথম, দুর্বলতার মধ্যে বল আসিল, আমি মনে সঙ্কল্প করিলাম, “কর্তব্য বুঝি যাহা, নির্ভয়ে করিব তাহা, যাহা যাক থাকে থাক ধন প্রাণ মান রে।” আমি ধর্মের আদেশ ও হৃদয়বাসী ঈশ্বরের আদেশ অনুসারে চলিবার জন্ত প্রস্তুত হইলাম। দ্বিতীয়, ভবানীপুর ব্রাহ্মসমাজে ঈশ্বরের উপাসনাতে যাইব স্থির করিলাম, ও যাইতে আরম্ভ করিলাম। কিন্তু পাছে আমাকে কেহ কিছু জিজ্ঞাসা করেন, পাছে লোকের সঙ্গে আলাপ হয়, এই ভয়ে উপাসনা আরম্ভ হইলে যাইতাম ও উপাসনা ভাঙিবার অগ্রেই চলিয়া আসিতাম।

এই সময় হইতে ব্রাহ্মসমাজের সঙ্গে আমার একটু একটু করিয়া যোগ হইতে লাগিল। আমার সহাধ্যায়ী বন্ধু উমেশচন্দ্র মুখোপাধ্যায় ( যিনি পরে বিলাতে গিয়া ডাক্তার হইয়া আসিয়াছিলেন ) তখন ব্রাহ্মদের নিকট সর্বদা যাইতেন, কেশবচন্দ্র সেন মহাশয়ের কথা আমাকে আসিয়া বলিতেন এবং ব্রাহ্মদের প্রকাশিত পত্রিকাদি আনিয়া আমাকে পড়িতে দিতেন। কিন্তু আমাকে ব্রাহ্মদের কাছে লইতে চাহিলে লজ্জাতে যাইতে চাহিতাম না। একদিনের কথা স্মরণ হয়। উমেশ আমাকে ও যোগেন্দ্রনাথ বন্দ্যোপাধ্যায়কে ( যিনি পরে যোগেন্দ্রনাথ বিজ্ঞানভূষণ নামে বিখ্যাত হইয়াছেন ) ভজাইয়া কেশববাবুর কলুটোলার বাড়িতে লইয়া গিয়া দেখা করাইয়া দিতে চাহিলেন। আমি কেশববাবুর বাড়ির দ্বার পর্যন্ত গেলাম, কিন্তু বাড়ির মধ্যে পা বাড়াইতে পারিলাম না; উমেশের হাত ছাড়াইয়া পলাইয়া গেলাম। আর একবার উমেশ ও আমি চিৎপুর রোড দিয়া আসিতেছি, এমন সময় বৃষ্টি আসিল। তখন কেশববাবু চিৎপুর রোডে ‘কলিকাতা কলেজ’ নামে একটি কলেজ খুলিয়াছিলেন। আমরা বৃষ্টির ভয়ে ঐ কলেজের বারান্ডার নিচে গিয়া দাঁড়াইলাম। উমেশ আমাকে ভিতরে যাইবার জন্ত গীড়াপীড়ি করিতে লাগিল, আমি লজ্জাতে ভিতরে যাইতে পারিলাম না। এমন সময় একটি পশ্চিমে বেহারী উপর হইতে নামিয়া আসিল। আমরা কেশববাবুর কথা জিজ্ঞাসা করাতে সে বলিতে লাগিল, “কেশববাবু মাছুষ নয়, দেবতা। তাঁর কাছে চল, দুটি কথা শুনে প্রাণ জুড়িয়ে যাবে।” তাহার প্রভুভক্তি দেখিয়া

তাহা পরীক্ষা করিবার জ্ঞান আমরা কেশববাবুর কল্পিত নিন্দা আরম্ভ করিলাম। তাহাতে সে অতিশয় বিরক্ত হইল, এবং অবশেষে আকাশের দিকে দুই হাত তুলিয়া কেশববাবুর দীর্ঘ জীবনের জ্ঞান জগতের নিকট প্রার্থনা করিতে লাগিল। আমি দেখিয়া স্তব্ধ ও মুগ্ধ হইয়া গেলাম। বলিলাম, “উমেশ, এ সামান্য মানুষ নয়, ঘাঁচ চাকর এত দূর আকৃষ্ট হতে পারে।” তখন উমেশ আবার আমাকে কেশববাবুর নিকট যাইবার জ্ঞান চাপিয়া ধরিল, কিন্তু আমি লজ্জাবশত যাইতে পারিলাম না।

ইহার পরে, উমেশ যোগেন্দ্র ও অপরাপর ক্লাসের ছেলেদের সঙ্গে আমি আমাদের পূর্বতন সহাধ্যায়ী বিজয়কৃষ্ণ গোস্বামী ও অধোরনাথ গুপ্ত এই বন্ধুদ্বয়ের বাসাতে মধ্যে মধ্যে যাইতে লাগিলাম। ইহার এক সময় আমাদের সঙ্গে এক শ্রেণীতে পড়িতেন, কিন্তু তখন ব্রাহ্মধর্ম প্রচারক হইয়াছিলেন। একদিন রাত্রে বিজয় ও অঘোর আমাকে আর ভবানীপুরে যাইতে দিলেন না, নিজেদের বাসাতে রাখিলেন। আমার স্বরণ আছে যে, সে রাত্রে তাঁহাদের বাসাতে অগ্রজাতীয়া স্ত্রীলোকের রাঁধা ভাত মাটির সানকোতে খাইয়া সমস্ত রাত্রি এত গা ঘিনঘিন করিয়াছিল যে, ভালো করিয়া ঘুমাইতে পারি নাই।

**পিতার বিরাগ।** প্রার্থনা আমাকে বল আনিয়া দিল যে বলিয়াছি, তাহার অর্থ এই যে, মানুষের ভয় আমার মন হইতে চলিয়া যাইতে লাগিল, এবং নিজ বিশ্বাস অমূল্যে চলিবার প্রবৃত্তি প্রবল হইতে লাগিল। পিতা কলিকাতায় আসিয়া শুনিলেন যে ব্রাহ্ম-সমাজের উপাসনাতে যাইতেছি। একদিন আমাকে ডাকিয়া সমাজে যাইতে নিষেধ করিলেন। আমি ধীর ভাবে বলিলাম, “বাবা, আপনি জানেন আপনার আস্থা কখনো লঙ্ঘন করি নাই। আপনার সকল আস্থা পালন করিতে রাজি আছি। কিন্তু আমার ধর্মজীবনে হাত দিবেন না। আমি ব্রাহ্মসমাজের উপাসনাতে যাওয়া তাগ করিতে পারিব না।” পরের বাসাতে পিতা আর কোনো কথা বলিলেন না, কিন্তু এই উত্তর তাঁহার এমন নূতন ও ভয়ানক লাগিল যে, পরে শুনিয়াছি, সেদিন অনেক কাঁদিয়াছিলেন। আর দুই-তিনদিন তাঁহার কলিকাতাতে থাকিবার কথা ছিল, কিন্তু তৎপর দিনই দেশে চলিয়া গেলেন।

পরে শুনিয়াছি, তিনি বাড়িতে পৌছিলে তাঁহার বিষম মুখ দেখিয়া আমার মাতা ভীত হইয়া গেলেন। তাঁহাকে জিজ্ঞাসা করিলেন, “তোমার মুখ এত ঘন কেন, ছেলে কেমন আছে?” বাবা গম্ভীর ভাবে উত্তর করিলেন, “সে মরেছে।” অমনি আমার মা, “কি বল গো! ওগো কি বল গো!” বলিয়া কাঁদিয়া উঠিলেন। তাঁহার ক্রন্দনধ্বনি শুনিয়া পাশের বাড়ির মেয়েরা ছুটিয়া আসিলেন। আসিয়া বলিতে

লাগিলেন, “ঠেক, শিবুর ব্যারামের কথা তো শুনি নাই।” তখন বাবা গম্ভীর স্বরে বলিলেন, “সে মরার মধ্যে। সে ব্রাহ্মসমাজে যেতে আরম্ভ করেছে, আমি বারণ করলেও শুনবে না।”

**প্রার্থনার বল।** যাহা হউক, প্রার্থনার দ্বারা যেমন বল পাইলাম, তেমনি আশাও পাইলাম। আমার অন্তরাঙ্গা বলিতে লাগিল, ঈশ্বর আমাকে পাপী বলিয়া ত্যাগ করিবেন না। আমার বোধ হয়, পার্কারের সরস ও আশাবিত্ত ভক্তি এ-বিষয়ে অনেক পরিমাণে সাহায্য করিয়া থাকিবে। যাহা হউক, ব্যাকুল প্রার্থনা বিফলে যায় না তাহা আমি প্রত্যক্ষ দেখিতে লাগিলাম। ভগবানের প্রেরণা প্রাপ্তে পাইয়া মন আনন্দে মগ্ন হইতে লাগিল। তদবধি প্রার্থনাতে আমার দৃঢ় বিশ্বাস জন্মিয়াছে। তৎপরে আমি অনেক প্রলোভনে পড়িয়াছি, সময়ে সময়ে পতিত হইয়াছি, অনেক অঙ্ককার দেখিয়াছি, কিন্তু প্রার্থনাতে বিশ্বাস আমাকে পরিত্যাগ করে নাই। সকল সংগ্রামের মধ্যে দুর্বলতাতে বল, নিরাশাতে আশা, নিরানন্দে আনন্দ লাভ করিয়াছি। আমি দিব্যচক্ষে দেখিতেছি, সেই মঙ্গলময় পুরুষ তাঁহার দুর্বল সন্তানকে হাতে ধরিয়া লইয়া যাইতেছেন। যে ছেলেটা চলিতে পারে না, বার বার পড়িয়া যায়, তাহার ধরার অপেক্ষা না রাখিয়া যেমন পিতা বা মাতাকে নিজেই সে ছেলের হাত শক্ত করিয়া ধরিতে হয়, তেমনি যেন মনে হয়, সেই মঙ্গলময় পুরুষ দেখিয়াছেন যে, এ পাপী ও দুর্বল মানুষটা নিজে ধরিয়া চলিতে পারে না, যখন তাঁহাকে তুলিতেছে, তখন পতিত হইতেছে, তাই তিনি বার-বার ধূলী ঝাড়িয়া চক্ষের জল মুছাইয়া তুলিয়া ধরিতেছেন।

**ঠাকুরপূজা ত্যাগ।** বল ও আশা পাইয়া আমি নিজ বিশ্বাস অহুসারে চলিবার জগৎ প্রতিজ্ঞারূঢ় হইলাম। এইবার আমার কঠিন সংগ্রাম আসিল। ইহার পূর্বে গ্রীষ্মের ছুটিতে বা পূজার বন্ধে বাড়িতে গেলেই আমাকে ঠাকুর পূজা করিতে হইত। আমাদের কুলক্রমাগত কতকগুলি ঠাকুর ছিল। বাবা সচরাচর তাহাদের পূজা করিতেন। আমি বাড়িতে গেলে তিনি সেই কার্যভার আমার উপর দিয়া অপরাপর গৃহকার্য করিবার জগৎ অবসর লইতেন। যেবারে আমার হৃদয় পরিবর্তন হইয়া আমি বাড়িতে গেলাম, সেবার প্রতিজ্ঞা করিয়া গেলাম যে আর ঠাকুর পূজা করিব না। গিয়াই মাকে সে সঙ্কল্প জানাইলাম। মা ভয়ে অবশ হইয়া পড়িলেন। বুঝিলেন, একটা মহা সংগ্রাম আসিতেছে। আমাকে অনেক বুঝাইলেন, অনেক অনুরোধ করিলেন। আমি কোনো মতেই প্রস্তুত হইতে পারিলাম না। “ধর্ম প্রবঞ্চনা রাখিতে পারিব না” বলিয়া ক্রোধোড়ে মার্জনা শিক্ষা করিলাম।

অবশেষে সেই সঙ্কল্প যখন বাবার গোচর করা হইল, তখন আগ্নেয়গিরির অগ্ন্যুদগমনের জ্বায় তাঁহার ক্রোধাগ্নি জলিয়া উঠিল। তিনি কুপিত হইয়া আমাকে প্রহার করিয়া ঠাকুরঘরের দিকে লইয়া যাইবার জন্ত লাঠি হস্তে ধাবিত হইয়া আসিলেন। আমি ধীর ভাবে বলিলাম, “কেন বুঝা আমাকে প্রহার করিবেন? আমি অকাতরে আপনার প্রহার সহ্য করিব। আমার দেহ হইতে এক-একখানা হাড় খুলিয়া লইলেও আর আমাকে ওখানে লইতে পারিবেন না।” এই কথা শুনিয়া ও আমার দৃঢ়তা দেখিয়া তিনি হঠাৎ দাঁড়াইয়া গেলেন, এবং প্রায় অর্ধঘণ্টা কাল কুপিত ফণীর জ্বায় ফুলিতে লাগিলেন। অবশেষে আমাকে পুঙ্খর কাজ হইতে নিষ্কৃতি দিয়া নিজে পূজা করিতে বসিলেন।

সেইদিন হইতে আমার মূর্তি পূজা রহিত হইল। আমি সত্যস্বরূপের উপাসক হইলাম। কিন্তু আমাদের পারিবারিক আন্দোলন গ্রামবাসী আত্মীয়-স্বজনের মধ্যে ব্যাপ্ত হইয়া পড়িল। আমাকে সকলেই নির্ধাতন করিতে দৃঢ়প্রতিজ্ঞ হইলেন। তৎপরে বাবা আমাকে গ্রামস্থ ব্রাহ্মদিগের সহিত মিশিতে নিষেধ করিতে লাগিলেন। আমি অল্প সময়ে মিশিতাম না, কিন্তু যেদিন তাঁহার সাক্ষাৎ উপাসনা করিবেন বলিয়া সংবাদ দিতেন, সেদিন বাবা গাত্রোত্থান করিবার পূর্বেই গিয়া উপাসনাতে যোগ দিতাম, আসিয়া তিরস্কার ও গজ্ঞনা সহ্য করিতাম। তখন কেহ ব্রহ্মোপাসনা করিবে শুনিলে চারি পাঁচ মাইল হাঁটিয়া গিয়া যোগ দেওয়া আমার পক্ষে কিছুই কষ্টকর ছিল না।

অথচ এই সময়ে গ্রামের কতিপয় ব্রাহ্ম, ভবানীপুরের দুই-চারিজন ব্রাহ্ম ও বিজয় অঘোর ভিন্ন আর কোনো ব্রাহ্মের সহিত আমার আত্মীয়তা ছিল না। কাহারও সঙ্গে মিশিতাম না, লজ্জাতে কাহারও সহিত আলাপ করিতে চাহিতাম না।

**শাঁখারীটোলার জগৎবাবু।** ১৮৬৭ সালের শেষ ভাগে আমি ভবানীপুরের চৌধুরী মহাশয়দিগের বাটী হইতে ঐ স্থানে একটি ভদ্রপরিবারের অহুরোধে তাঁহাদের সহিত কলিকাতা শাঁখারীটোলাতে এক বাড়িতে আসিয়া বাস করিতে লাগিলাম। তাহার ইতিবৃত্ত এই। জগদ্বন্দ্র বন্দ্যোপাধ্যায় নামে একটি ভদ্রলোক ভবানীপুরে বাস করিতেন। মহিম নামে তাঁহার একটি ছেলে সংস্কৃত কলেজে পড়িত ও আমাদের সঙ্গে এক বাড়িতে কলেজে যাইত। সেই স্ত্রে জগৎবাবুর সহিত আমার পরিচয় হয়। জগৎবাবুর সাধুতা সদাশয়তা সৌজন্ত দেখিয়া তাঁহার প্রতি আমার ভক্তি প্রভা জন্মে, আমার প্রতিও তাঁহার পূজবৎ স্নেহ জন্মে। তিনি আমাকে তাঁহার বাড়িতে লইয়া গিয়া তাঁহার গৃহিণীর সহিত আলাপ পরিচয় করাইয়া দেন।

আমি অগ্রেই বলিয়াছি, পঠদশাতে শহরে থাকিতে আমার সহাধ্যায়ীদের কাহারও কাহারও মাকে আমি মানী বলিয়া ভাকিতাম, এবং মানীর জায় স্নেহ পাইতাম। বলিতে কি, সে সময়ে আমাকে যেরূপ কুসন্দের মধ্যে বাস করিতে হইত, স্মরণ করিলে এই মনে হয় যে, সেই মানীদের স্নেহের গুণে ও তাঁহাদের চরিত্রের প্রভাবেই আমি এই সকল কুসন্দের অনিষ্ট ফল হইতে বাঁচিয়াছিলাম। যাহা হউক, আমি জগৎব্যবুর পত্নীকেও মানী বলিয়া ভাকিতে লাগিলাম। আমাকে ইহারা স্বামী-স্ত্রীতে যে কি ভালোবাসিতে লাগিলেন, তাহা বাক্যে বর্ণনা হয় না। শেষে এমনি ঠাড়াইল যে, আমি দুই-চারিদিন দেখা না করিলে মানী ভাকিয়া পাঠাইতেন, এবং আমাকে 'কঠিন ছেলে' বলিয়া তিরস্কার করিতেন, এটা-ওটা খাওয়াইতেন, ঘরকন্নার কথা কত শুনাইতেন, আমার নিকট কিছুই গোপন রাখিতেন না। আমি আপ্যায়িত হইয়া বাসায় ফিরিতাম।

হায়, তাঁহাদের 'কঠিন ছেলে' ব্রাহ্মসমাজের কাজে ও নানা বিষয়ে মাতিয়া কোথায় গিয়া পড়িল, তাঁহারা কোথায় গিয়া পড়িলেন! মানীকে আর কত কাল দেখিলাম না। এখন ভাবিয়া দেখি, মানী যে আমাকে 'কঠিন ছেলে' বলিয়াছিলেন, তাহা ঠিক বলিয়াছিলেন। আমি মাহুষের নিকট যতটা প্রেম পাইয়াছি, ততটা প্রেম দিতে পারি নাই। এ-জীবনে যে আমি সর্বদা নানা সংগ্রামের মধ্যে বাস করিয়াছি, তাহা বোধ হয়, আমার প্রেমিক বন্ধুদের প্রতি আমার সমুচিত প্রেমের অভাবের একটা কারণ। নির্ধাতন বিবেচ্য বিবাদ প্রভৃতিব মধ্যে পড়িয়া মন উত্তাপের মধ্যে বাস করিয়াছে, প্রেমের স্থলীতল বায়ু সেবন করিবার সময় পায় নাই।

যাহা হউক, আমি এই মানীর এত স্নেহের এইমাত্র প্রতিদান করিতাম যে, তাঁহাদের মহিমকে রোজ কাছে আনিয়া পড়া বলিয়া দিতাম। ১৮৬৭ সালের শেষ ভাগে ইহারা কলিকাতার শাঁখারীটোলাতে এক বাড়িতে গিয়া থাকিবেন বলিয়া স্থির করিলেন। তখন মানী আমাকে সঙ্গে যাইবার জন্ত ধরিয়া বসিলেন। আমি তাঁহাদের অহুর্বেদ অগ্রাহ করিতাম পারিলাম না। আমরা আসিয়া শাঁখারীটোলাতে বাস করিতে লাগিলাম। আমি ও মহিম বাহির বাড়িতে এক দ্বিতীয় তল গৃহে বাস করিতাম। সে স্বরটি বাহির বাড়িতে হইলেও ঠাকুরদালানের ছাদের উপর দিয়া অন্দরমহল হইতে গেলে যখন ইচ্ছা আসা যাইত। সুতরাং মানী কাজকর্ম হইতে একটু অবসর পাইলেই আমার ঘরে আসিয়া বসিতেন, এবং আমার ও মহিমের পড়া দেখিতেন, এবং নানা ভালো কথা কাল কাটাইতেন।

বালিকা বধুর বেদনা। আমরা এই বাড়িতে আসার পর মানীর ভ্রাতৃসুত্নী,

১৫১৬ বৎসরের বালিকা, তাঁহাদের নিকট আসিয়া প্রতিষ্ঠিত হইল। সে ২১ দিনের মধ্যেই আমাকে 'দাদা' করিয়া লইল। পিতা-মাতা ঐ বালিকাটিকে শৈশবে একজন পরিণতবয়স্ক বিপত্নীক ব্যক্তির সহিত বিবাহ দিয়াছিলেন। বালিকাটি বোধ হয় পতির নিকট বা পতিগৃহে ভালো ব্যবহার পাইত না, কারণ স্বত্তরবাড়ির কথা তুলিলেই দরদর ধারে তাহার দুই চক্ষে জলধারা বহিত, এবং তাহা দেখিয়া বাল্য-বিবাহের প্রতি আমার ঘৃণা বাড়িয়া যাইত। আমি সাবধান হইয়া বালিকাটির নিকট তাহার স্বত্তরবাড়ির কথা তুলিতাম না, তাহাকে পড়াশোনায় গল্পগাছায় ভুলাইয়া রাখিতাম। বালিকাটি প্রাতে গৃহকর্মে পিসীর সহায়তা করিত, আমার নিকট আসিতে পারিত না, কিন্তু বৈকালে আমি ও মহিম কলেজ হইতে আসিলেই সে আমাদের গৃহ আশ্রয় করিত। আমি তাহাকে ও মহিমকে পড়াইতাম, লিখিতে শিখাইতাম, ভালো ভালো গল্প শুনাইতাম, আমার সেই পূর্বকালের উন্মাদিনীর অভাব যেন কিয়ৎ পরিমাণে পূর্ণ হইত। অনেকদিন এরূপ হইত যে, আমি পড়িতে বসিতাম, সে ও মহিম ঘুমাইয়া পড়িত। আমি শয়নের পূর্বে তাহাকে তুলিয়া বাড়ির ভিতর দিয়া আসিতাম।

আমি এইখানে থাকিতে থাকিতে আমার বন্ধু যোগেন্দ্র (যিনি পরে যোগেন্দ্র বিদ্যাভূষণ নামে প্রসিদ্ধ হইয়াছিলেন) বিধবা বিবাহ করেন এবং আমি ইঁহাদিগকে পরিত্যাগ করিয়া যোগেন্দ্রের সঙ্গে থাকিবার জন্ম যাই। কিরূপে সে বিবাহ ঘটে পরবর্তী পরিচ্ছেদে তাহা বলিতেছি। যাইবার সময় মাসীকে বিশেষত সেই বালিকাটিকে ছাড়িয়া যাইতে বড় ক্রেশ হইয়াছিল, সেজন্য সে বিচ্ছেদটা মনে আছে। সে যেন আমার স্নেহ পাইয়া প্রাণ দিয়া আমাকে আকড়াইয়া ধরিয়াছিল, সেই স্নেহ-পাশ ছিঁড়িয়া যাওয়া আমার পক্ষে ক্রেশকর হইয়াছিল। আমি যখন তাহাদিগকে পরিত্যাগ করিবার সঙ্কল্প জানাইলাম, তখন মেয়েটি কয়দিন কাঁদিয়া কাঁদিয়া চোখ ফুলাইয়া ফেলিল। অবশেষে যখন আমি জিনিসপত্র লইয়া বিদায় হই, তখন বলিল, “দাদা একটু দাঁড়াও, একবার ভালো করে প্রণাম করি।” এই বলিয়া তাহার অঞ্চলটি গলায় দিয়া গলবস্ত্র হইল এবং আমার চারিদিকে প্রদক্ষিণ করিতে লাগিল। একবার প্রদক্ষিণ করিয়া আসে ও আমার চরণে প্রণত হয় এবং ডাক ছাড়িয়া কাঁদে, আমিও তাহার সঙ্গে কাঁদি।

সেই যে কাঁদিয়া বাল্যবিবাহকে ঘৃণা করিতে করিতে সে বাড়ি হইতে বিদায় লইলাম, সেই ঘৃণা অত্যাধি আমার মনে জাগ্রত রহিয়াছে। কেহ দশ-এগারো বৎসরের মেয়ের বিবাহ দিতেছে দেখিলে মনে বড় ক্রেশ হয়। কি আশ্চর্য! বাল্যবিবাহের

অনিষ্ট ফল পূর্বে কত দেখিয়াছিলাম, শান্তডীর হাতে বোয়ের প্রাণ গেল, কতবার শুনিয়াছিলাম, বালিকা পত্নী বিরাজমোহিনীকে হাত পা বাঁধিয়া চিত্তার উপরে ফেলিয়া দিল, ইহাও দেখিয়াছিলাম, কিন্তু ঐ মেয়েটির চক্ষের জলে শিশু বালিকা-দিগকে হাত পা বাঁধিয়া দান করার উপরে আমাকে যেরূপ জাতক্রোধ করিল, এরূপ অগ্রে করে নাই। কোন ঘটনাতে মানুষের মনে কোন ভাব আসে, তা'বিলে আশ্চর্যবশিত হইতে হয়।

হায় হায়! ঘটনাচক্রে মেয়েটি কোথায় গেল, আমি কোথায় গিয়া পড়িলাম। তৎপরে বহু বৎসর পরে একদিন বিধবা বেশে মলিন বস্ত্রে দীনহীনের গায় শিশু-কোলে তাকে ভবানীপুরের গলিতে কোনো আত্মীয়ের বাড়িতে যাইতে দেখিয়া-ছিলাম। সে আমাকে দেখিয়াই 'দাদা' বলিয়া ডাকিয়া উঠিল, কিন্তু আমার চিনিতে নৌলব হইল। দাঁড়াইয়া তাহার হৃৎকের কাহিনী শুনিলাম ও চক্ষের জল ফেলিলাম। সেই দেখা শেষ দেখা।

দ্বিতীয়বার বিবাহের পরই আমার হৃদয় পরিবর্তন হইলে, আমি নিরপরাধ প্রসন্নময়ীর প্রতি যে অগাধাচরণ হইয়াছে, তাহার প্রতিবিধানের জগৎ ব্যগ্র হই। সে মনের কথা কেবল আমার মাতামহীঠাকুরানীর নিকট ব্যক্ত করিয়াছিলাম। প্রসন্নময়ী পিত্রালয় আমার মাতুলালয়ের সম্মিষ্ট। সুতরাং তিনি লোক পাঠাইয়া প্রসন্নময়ীকে নিজ ভবনে আনিলেন। আমাকে সংবাদ দিবা মাত্র আমি গিয়া প্রসন্নময়ীর সহিত সাক্ষাৎ করিলাম এবং অপরাধের মার্জনা ভিক্ষা কপিলাম। তৎপরে বহুদিন প্রসন্নময়ী আমার মাতুলালয়েই থাকেন। আমি শনিবার শনিবার সেখানে যাইতাম।

আমি প্রসন্নময়ীর সহিত মিলিত হইয়াছি জানিয়া আমার পিতা প্রথমে অতিশয় ক্রুদ্ধ হন। কিন্তু পরে আমার অল্পনয় বিনয়ে ও মাতামহীঠাকুরানীর অল্পনয় বিনয়ে আর্জি হইয়া প্রসন্নময়ীকে নিজ ভবনে লইয়া যাইতে সম্মত হন। ১৮৬৭ সালে তিনি আমার আমাদের গৃহে পদার্পণ করেন।

**প্রথম সন্তান হেমলতা।** ১৮৬৮ সালের ১১ই আষাঢ় আমার পৈতৃক ভবনে আমার প্রথম সন্তান হেমলতার জন্ম হয়। হেম জন্মিলে বাবার সহিত আমার আর এক মনোবাদের কারণ উপস্থিত হইল। অগ্রেই বলিয়াছি, আমরা দক্ষিণাত্য বৈদিক কুলজাত কুলীন ব্রাহ্মণ। আমাদের মধ্যে তখন কুলশঙ্করের প্রথা ছিল। তদনুসারে হেমলতার শৈশবেই বিবাহ সম্বন্ধ স্থির করিবার কথা। আমি সে পথে বিরোধী হইলাম। তাহার বিবাহ সম্বন্ধ করিতে নিষেধ করিয়া পিতাকে পত্র লিখিলাম। তাহাতে বাবা কুপিত হইলেন। আমার নিষেধ গ্রাহ্য করিলেন না। আমার অজ্ঞাতসারে গোপনে



একটি শিশু বালকের সহিত তাহার বিবাহ সম্বন্ধ স্থাপন করিলেন। আমি শুনিয়া অতিশয় দুঃখিত হইলাম।

**আত্মনিগ্রহের সংকল্প।** ঈশ্বর চরণে প্রার্থনা দ্বারা আমার হৃদয় পরিবর্তন ঘটিলে আমার প্রাণে এক নূতন সংগ্রাম জাগিয়াছিল। সকল বিষয়ে আপনাকে ঈশ্বরেচ্ছার অঙ্গুত করিবার জ্ঞান দ্রুত প্রতিজ্ঞা জন্মিয়াছিল। ইহার ফল জীবনের সকল দিকেই প্রকাশ পাইতে লাগিল। সকল বিষয়ে আপনাকে শাসন করিতে আরম্ভ করিলাম। যে যে বিষয়ে আসক্ত ছিল তাহা ত্যাগ করিতে এবং যে-কিছু অকৃতিকর তাহা অবলম্বন করিতে প্রবৃত্ত হইলাম।

এই সময়ে আমি প্রথমে মাংসাহার পরিত্যাগ করি, প্রাণাহত্যা নিবারণের ইচ্ছায় নয়, কিন্তু মাংসের প্রতি আসক্তি ছিল বলিয়া। মাংসাহারে এমনই আসক্তি ছিল যে, ভবানীপুরে চৌধুরী মহাশয়দিগের বাড়িতে বাসকালে প্রায় প্রতি রবিবার প্রাতে যখন কালীঘাট হইতে জীবন্ত পাঠা আসিত, সে পাঠার ডাক শুনিতেই আমার পড়াশোনা বন্ধ হইত। তাহাকে কাটিয়া কুটিয়া রাখিয়া পেটে না পুরিতে পারিলে আর কিছু করিতে পারিতাম না। কবিতা পড়িতে ও কবিতা লিখিতে অতিরিক্ত ভালোবাসিতাম বলিয়া কিছু দিন কবিতা পড়া বন্ধ করিয়া দিলাম, ফিলজফি ও লজিক পড়িতে আরম্ভ করিলাম। বন্ধুদের সহিত হাসিঠাট্টা ও গল্পগাছা করিতে ভালোবাসিতাম, কিছুদিন মনের কান মলিয়া দিয়া মোনব্রত ধরিলাম। এই মনের কাল মলাটা তখন অতিরিক্ত মাত্রায় করিতাম।

হৃদয়ে ধর্মভাবের উন্মেষ হওয়া অবধি আমি কলেজের পরীক্ষাতেও উৎকৃষ্ট হইতে লাগিলাম। তদবধি প্রতি বৎসর আমি কলেজে প্রথম স্থান অধিকার করিতে লাগিলাম। আত্মনিগ্রহের উদ্দেশ্যে, পাঠ্য বিষয়ে মধ্যে মধ্যে অপ্রীতিকর বোধে যে যে বিষয় অবহেলা করিতাম, তাহাতে অধিক মনোযোগী হইলাম। আমার মনে আছে, অগ্রে অঙ্কে অমনোযোগী ছিলাম, তাহার ফলস্বরূপ পরীক্ষাতে কখনো এক শতের মধ্যে বিশের উপর নম্বর পাইতাম না। ১৮৬৬ সাল হইতে তাহা বদলাইয়া গেল। অঙ্কে একরূপ মনোযোগী হইলাম যে, ঐ বৎসর বিশ্ববিদ্যালয়ের প্রবেশিকা পরীক্ষাতে প্রথম শ্রেণিতে উত্তীর্ণ হইয়া সেকেণ্ড গ্রেড স্কলারশিপ পাইলাম, কলেজেও প্রথম হইলাম। তৎপরে সেই প্রতিজ্ঞা ও সেই দৃঢ় ব্রত রহিয়া গেল। কি কঠিন সংগ্রাম করিয়া ১৮৬৮ সালে এল. এ. পরীক্ষাতে উত্তীর্ণ হইয়াছিলাম ও ৫০ টাকা স্কলারশিপ পাইয়াছিলাম, তাহার বর্ণনা ক্রমশ করিতেছি। আমার নব ধর্মভাব আমাকে সেই সংগ্রামে শক্তি দিয়াছিল।

বলিতে কি, আমার ধর্মজীবনের আবর্তন হইতে এই ১৮৬৮ সাল পর্যন্ত কালকে শ্রেষ্ঠ কাল বলিয়া মনে করি। এই সময়টা যে ভাবে যাপন করিয়াছিলাম, সেজন্ত মুক্তিদাতা প্রভু পরমেশ্বরকে মুক্তকণ্ঠে ধন্যবাদ করি। বিনয়, বৈরাগ্য, ব্যাকুলতা, প্রার্থনাপরায়ণতা প্রভৃতি ধর্মজীবনের অনেক উপাদান এ-সময়ে আমার অন্তরে বিদ্যমান ছিল। আমার যত দূর স্মরণ হয়, তখন আমার মনের ভাব এই প্রকার ছিল যে, আমার ধর্মবুদ্ধিতে থাকিয়া ঈশ্বর যে পথ দেখাইবেন তাহাতে চলিতে হইবে, ক্ষতি লাভ যাহা হয় হউক। সকল বিষয়ে ও সকল কাণ্ডে ঈশ্বর চরণে প্রার্থনা করিতাম, এবং যাহা একবার কর্তব্য বলিয়া নির্ধারণ করিতাম, তাহাতে দুর্জয় প্রতিজ্ঞার সহিত দণ্ডায়মান হইতাম, ফলাফল ও জীবন মরণ বিচার করিতাম না। ইহার নিদর্শন স্বরূপ যোগেন্দ্রনাথ বন্দ্যোপাধ্যায় ও উপেন্দ্রনাথ দাসের বিধবা বিবাহ দেওয়া ও আমার এল. এ. পরীক্ষার জন্ত গুরুতর শ্রম, প্রভৃতি ঘটনার উল্লেখ করিতে পারা যায়। সে সকল ক্রমশ বর্ণনা করিতেছি।

**বন্ধুর বিধবাবিবাহ ও সামাজিক নির্যাতন।** প্রথম ঘটনা, যোগেন্দ্রের বিধবাবিবাহ। এই বিবাহ ১৮৬৮ সালের প্রথম ভাগে হয়। ইহার ইতিবৃত্ত এই। ঈশানচন্দ্র রায় নামক নদীয়া-কৃষ্ণনগর নিবাসী ও কলিকাতা প্রবাসী একটি যুবক তখন কলিকাতা মেডিকেল কলেজে পাঠ করিতেন। তাঁহার সঙ্গে তাঁহার মাতা ও একটি বিধবা ভগিনী ছিলেন। আমার জ্ঞাতি দাদা হেমচন্দ্র বিদ্যারত্ন (যিনি পরে তত্ত্বাবোধিনী পত্রিকার সম্পাদক হইয়াছিলেন) ঐ মেয়েটিকে পড়াইতেন। হেমদাদার নিকট আমি মেয়েটির প্রশংসা সবদা শুনিতাম। তিনি আমাকে বলিতেন যে, মেয়েটির ভাই তাহার আবার বিবাহ দিতে চায়। আমি শৈশবাবধি বিদ্যামাগরের চেলা ও বিধবাবিবাহের পক্ষ। আমি মনে মনে ভাবিতাম, আমার আলাপী কি কোনো ছেলে পাওয়া যায় না যে মেয়েটিকে বিবাহ করিতে পারে?

ইতিমধ্যে আমার সহাধ্যায়ী বন্ধু যোগেন্দ্রনাথ বন্দ্যোপাধ্যায় বিপত্নীক হইলেন। তাঁহার প্রথমা স্ত্রীর পরলোক গমনের দশ-বারোদিনের মধ্যেই তাঁহার আত্মীয়-স্বজন তাঁহাকে পুনরায় দার পরিগ্রহ করিবার জন্ত অস্থির করিয়া তুলিলেন। যোগেন্দ্র আসিয়া আমাকে সেই কথা জানাইলেন এবং আমার পরামর্শ চাহিলেন। আমি বলিলাম, “যাও যাও, আমাকে কিছু জিজ্ঞাসা করো না। দশ-বারোদিন হল তোমার স্ত্রী মরেছে, এর মধ্যে বিবাহের কথা! আর বিয়েই যদি কর, একটি আট-নয়-বছরের মেয়ে বিয়ে করবে তো, তাতে আমার মত নেই। তোমার যা ইচ্ছে হয় কর।” যোগেন্দ্র সেদিন বিষণ্ণ অন্তরে ঘরে গেলেন। দুদিন পরে আবার আসিয়া আমাকে ধরিলেন।

আমি তাঁহাকে বিধবাবিবাহ করিবার জন্ত নাচাইয়া তুলিলাম। তিনি তাহাতে সম্মত হইলেন। তখন আমি হেমদাদার সাহায্যে ঈশানচন্দ্র রায়ের সহিত সাক্ষাৎ করিলাম। যোগেন্দ্র ও ঈশানের ভগিনী মহালক্ষ্মী পরস্পরের সহিত পরিচিত হইলেন এবং বিবাহিত হওয়া স্থির করিলেন।

মহালক্ষ্মীর বয়স তখন বোধ হয় ১৮ বৎসর হইবে। আমাদের অপেক্ষা ২৩ বৎসরের ছোট। বিবাহ স্থির হইলে আমি সেই সংবাদ লইয়া বিত্তাসাগর মহাশয়ের নিকট গেলাম। তিনি পূর্ব হইতেই ঈশানকে ও তাহার ভগিনীকে জানিতেন, এবং যত দূর স্মরণ হয় কিছু-কিছু অর্থ সাহায্য করিয়া আসিতেছিলেন। আমার মুখে মহালক্ষ্মীর সহিত যোগেন্দ্রের বিবাহের সংবাদ পাইয়া তিনি আনন্দিত হইয়া উঠিলেন এবং নিজে উপস্থিত থাকিয়া বিবাহ দিবেন বলিলেন। বিবাহের দিন স্থির করিয়া দুই-তিনজন ভদ্রলোককে মাত্র নিমন্ত্রণ করিয়া বিবাহ দেওয়া হইল। বিত্তাসাগর মহাশয় বিবাহের সমুদয় ব্যয় দিলেন, এবং আমার যত দূর স্মরণ হয়, কতক কিছু-কিছু গহনা দিলেন।

এই বিবাহের পরেই ভয়ানক নির্যাতন আরম্ভ হইল। যোগেন্দ্রের আত্মীয়স্বজন তাঁহাকে পরিত্যাগ করিলেন। তাঁহার স্ফলারশিপ ও ঈশানের স্ফলারশিপ মাত্র ভরসা পাঁড়াইল। তত্পরি চাকর-চাকরানী কেহই থাকে না, দিন চলা ভার। এই অবস্থাতে তাঁহারা আমাকে গিয়া তাহাদের সঙ্গে থাকিতে অনুরোধ করিলেন। আমি তখন শাঁখারীটোলায় জগৎবাবুর বাটীতে থাকিতাম। যোগেন্দ্রের ও ঈশানের স্ফলারশিপের সহিত আমার স্ফলারশিপ যোগ করিলে তাঁহাদের কিঞ্চিৎ সাহায্য হইতে পারে, এমনি আমি সঙ্গে থাকিলে অপরাপর নানা প্রকারে সাহায্য হইতে পারে, এই আশায় তাঁহারা আমাকে তাহাদের সঙ্গে থাকিতে ধরিয়া বসিলেন। আমি বিবাহের ঘটক, আমি তাহাদের বিপদের সময় কিরূপে সাহায্য দানে বিরত থাকি? সুতরাং আমি বাবাকে সমুদয় বিবরণ লিখিয়া দিয়া তাঁহাদের সঙ্গে জুটলাম।

বাবা এই সংবাদ পাইয়া অগ্নিসমান হইয়া উঠিলেন, কারণ জাতি কুটম্ব ও গ্রামের লোক এই সংবাদ পাইলে গোলযোগ করিবে। তিনি আমাকে ইহাদের সঙ্গে পরিত্যাগ করিবার জন্ত আদেশ করিয়া পত্র লিখিলেন। আমি অতুন্নয় বিনয় করিয়া লিখিলাম, যে বিবাহের আমি ঘটক, সেই বিবাহ নিশ্চয় বিবাহিত দম্পতি যখন ঘোর নির্যাতন ও দারিদ্র্যের মধ্যে পড়িয়াছেন, তখন সাহায্যের উপায় থাকিতে সাহায্য না করা অধর্ম; সুতরাং সেসকল কাজ আমি করিতে পারিব না। বাবা সে যুক্তির প্রতি কর্ণপাত করিলেন না, পরন্তু লিখিলেন যে, তাহা হইলে তিনি আর প্রশ্রয়দায়ীকে

বাড়িতে রাখিতে পারিবেন না এবং আমাকে সঙ্গীক গৃহ হইতে নির্বাসিত করিবেন।

**আমার মাতুল।** যখন এইরূপ চিঠিপত্র চলিতেছে তখন একদিন বড়মামা আমাকে ডাকিয়া পাঠাইলেন। আমি চাকুড়িপোত গ্রামে তাঁহার ভবনে গিয়া তাঁহার সহিত সাক্ষাৎ করিলাম। তিনি বাবার এক পত্র আমাকে দেখাইলেন। দেখিলাম, বাবা আমাকে নিরস্ত করিতে না পারিয়া বড়মামার শরণাপন্ন হইয়াছেন। চিঠি পড়িয়া আমি ধীর ভাবে সমুদয় ঘটনা মাতুলের নিকট বর্ণনা করিলাম। কিরূপ নির্বাসন, কিরূপ দারিদ্র্য কিরূপ সংগ্রাম চলিয়াছে, তাহা ভাঙিয়া বলিলাম। বলিয়া তাঁহার উপদেশের অপেক্ষা করিয়া রহিলাম।

মাতুলমহাশয় কিছুক্ষণ ধীর গম্ভীর ভাবে চিন্তা করিয়া বলিলেন, “না, তুমি তাহাকে ত্যাগ করিতে পার না। তুমি তাহাদিগকে বিবাহে উৎসাহ দিয়া বিপদের সময় যদি তাহাদিগকে পরিত্যাগ কর, তাহা হইলে অধর্মের কাজ হইবে, কাপুরুষতা হইবে, আমার ভাগিনার মতো কার্য হইবে না।”

আমার হৃদয় হইতে কে যেন দশ মণ বোঝা নামাইয়া লইল। আমি হাঁপ ছাড়িয়া বসিলাম। তাহাকে বলিলাম, “আমার বাবাকে এই কথা লিখুন।”

তিনি বাবাকে লিখিলেন যে, সে প্রকার অহরোধ তাঁহার দ্বারা হইতে পারে না। আমি তাহাদের সাহায্য করিতে বাধ্য।

**বন্ধুতার দায়িত্ব।** যোগেনদের বিবাহের পর তাহাদের জ্ঞাত আমার গুরুতর শ্রম আরম্ভ হইল। এই পরিশ্রমের মধ্যে একবার আমি কয়েকদিন বিশ্রাম করিবার জ্ঞাত যোগেন ও মহালক্ষ্মীর নিকট বিদায় লইয়া মাতুলালয়ে গেলাম। দুই-তিনদিন মাতুলালয়ে মাতামহীর কাছে আছি, এমন সময় একদিন রাত্রি দশটার সময় ঈশানের এক জরুরি টেলিগ্রাম পাইলাম, “এখানে তোমার উপস্থিতি একান্ত প্রয়োজন, অবিলম্বে এস।” তখন কি করি! রেলওয়ে স্টেশন মাতুলালয় হইতে দুই-তিন মাইল দূরে। মাঠ দিয়া স্টেশনে যাইতে হয়, কিন্তু তখন সমুদয় মাঠ ক্ষেত্রে প্রাণিত, পথ পাণ্ডুর হুহুর। মাতামহী ঠাকুরাণী ও মামীমা বারণ করিতে লাগিলেন। আমি মহা চিন্তার মধ্যে পড়িলাম। কিন্তু বড়মামা বলিলেন, “জরুরি টেলিগ্রাম যখন করিয়াছে, তখন নিশ্চয় কোনো বিপদ ঘটিয়াছে, তুমি যাও। রাত্রি শেষে ওটা কি ৩০টার সময় একটা ট্রেন আছে; সেই ট্রেনে যাও।” আমি তাঁহার উপদেশে সেই রাত্রিই যাত্রা করিলাম। তিনি আমার সঙ্গে এক চাকর ও লঠন দিলেন। আমি জল ভাঙিয়া কোনো প্রকারে রাত্রি ১২টার সময় স্টেশনে পৌছিলাম, এবং সমস্ত রাত্রি জাগিয়া কলিকাতার আসিয়া

উপস্থিত হইলাম ।

আসিয়া শুনি, আমি মাতুলালয়ে গেলে তৎপর দিন যোগেনের মা হঠাৎ কলিকাতায় আসিয়া উপস্থিত হইয়াছেন । যোগেনকে তাঁহার আত্মীয়গণ ধরিয়া লইয়া গিয়াছেন ও গতকল্য প্রাতঃকাল হইতে কোনো না কোনো ছলে তাঁহাকে আটকাইয়া রাখিয়াছেন । সকলে মিলিয়া এই স্ত্রীকে পরিত্যাগ করিয়া প্রায়শ্চিত্ত পূর্বক অপর একটি বালিকাকে বিবাহ করিবার অজ্ঞা যোগেনকে পীড়াপীড়ি করিতেছেন । যোগেন মাতাকে লইয়া অতিশয় ব্যস্ত হইয়া পড়িয়াছেন, এমন কি, তাঁহার কাছে রাত্রি যাপন করিতে আরম্ভ করিয়াছেন, তাঁহাকে ছাড়িয়া মহালক্ষ্মীর কাছে রাত্রিতেও আসিতে পারিতেছেন না । এই সময়ে মহালক্ষ্মীর কাছে থাকে কে ? তাহার মাতা কন্টার পুনর্বিবাহের প্রস্তাব শুনিয়াই কলিকাতা ত্যাগ করিয়া কানী চলিয়া গিয়াছেন । এদিকে ঈশানেরও হাসপাতালের নাইট ডিউটি উপস্থিত । তাই আমাকে টেলিগ্রাম করিয়াছেন ।

আমি আসিয়াই যোগেনের মাকে দেখিতে গেলাম, ও তাঁহাকে অনেক বুঝাইলাম । তাঁহাকে বুঝাইয়া ও যোগেনকে বলিয়া, যোগেনকে মহালক্ষ্মীর নিকট রাত্রি যাপন করিতে প্রবৃত্ত করিলাম । তিনি সমস্ত দিন মাতার কাছে যাপন করিয়া রাত্রে বাড়িতে আসিতে আরম্ভ করিলেন । কিন্তু আসিতে অনেক রাত্রি করিতেন । ঐ সময় আমি আহ্বাস্তে মহালক্ষ্মীর ঘরে বসিয়া তাঁহাকে বাংলা ও ইংরাজী পড়াইতাম এবং দুজনে ধর্মবিষয়ে আলোচনা ও উপাসনা করিতাম ।

এইরূপে আমার গুরুতর শ্রম আরম্ভ হইল । যোগেন তাঁহার ভগ্নহৃদয়া মাতা ও আত্মীয়স্বজনকে লইয়াই সর্বদা ব্যস্ত থাকিতেন, ঈশানেরও পাঠ ও নাইট ডিউটির হাজিরামাতে অবসরভাব হইল । এদিকে চাকর-চাকরানী নাই, স্বতরাং আমাকেই বাজার করা, তিন তলাতে কাঁধে করিয়া জল তোলা প্রভৃতি সমুদয় গৃহ-কর্ম করিতে হইত । এই সকল শ্রম করিয়া এখন আনন্দ হয় ! এই সকল শ্রম করিতে আমার কিছুই ক্লেশ হইত না, কারণ মহালক্ষ্মীর বিমল ভালোবাসাতে আমাকে সরস রাখিত । মানুষ মানুষকে এত ভালোবাসে না ! যোগেনকে সর্বদাই আত্মীয়স্বজনের কাছে যাইতে হইত, স্বতরাং আমিই তাহার সঙ্গী, তাহার শিক্ষক, তাহার রাগাঘরের চাকর, সকলই । আমি একদিন অজ্ঞাত গেলে সে অস্থির হইয়া উঠিত ।

ফলতঃ, এই কালকে যে আমার জীবনের শ্রেষ্ঠ কাল বলিয়াছি, তাহার কারণ এই । এই কালের মধ্যে আমার অন্তর ধর্মভাব ও ব্যাকুলতা পূর্ণ মাত্রাতে কাজ করিতেছিল ; অপর দিকে বন্ধুদের প্রীতি প্রভৃতি পূর্ণ মাত্রাতে ভোগ করিতে-

ছিলাম। বস্তুত, আমার প্রতি ঈশান ও যোগেনের প্রীতি শ্রদ্ধা বিশ্বাস ও নির্ভরের ঘেন সীমা ছিল না।

লিখিতে লিখিতে একটা কথা মনে হইতেছে, তাহা ইহার অনেক পরের ঘটনা। তখন ঈশান বোধ হয় লক্ষ্মী-এর বলরামপুর হাসপাতালে কর্ম করিতেন। সেই সময় একবার ছুটি লইয়া আসিয়া কলিকাতাতে ছিলেন। একদিন সন্ধ্যার পর আমি তাঁহাদিগকে দেখিতে গেলে, তিনি আমাকে আবদ্ধ করিয়া রাখিলেন, আর বাড়িতে আসিতে দিলেন না। বলিলেন, “আমার পরিবার সম্বন্ধে অনেক কথা আছে, তুমি থাক।” এই বলিয়া তাঁহার পত্নীর ক্রটির বিষয়ে আমার কানে অনেক কথা ঢালিলেন। বলিলেন, “আমি আমার স্ত্রীকে অনেক বুঝাইয়াছি, কোনো ফল হয় নাই। তুমি একবার বুঝাও।” আমি বলিলাম, “তোমার কথাতে কাজ হয় নাই, আমার কথাতে কি হবে?” তিনি বলিলেন, “তোমাকে বড় ভালোবাসে ও শ্রদ্ধা করে, তোমার কথাতে ওর উপকার হতে পারে।” আমি অগত্যা ভৃত্যের দ্বারা প্রসন্নময়ীকে সংবাদ দিয়া সে রাত্রি সেখানেই যাপন করিলাম। অনেককণ তাঁহার স্ত্রীর সহিত তাঁহাদের দাম্পত্য বিবাদ বিষয়ে কথাবার্তা কহিলাম। আমার কথায় কি ফল হইল, জানি না, কিন্তু বন্ধুদের এই অকৃত্রিম শ্রদ্ধা ও প্রীতির বিষয় যখন শ্রবণ করি, তখন ঈশ্বরকে ধন্যবাদ করি। কারণ ইহাদের সম্ভাব প্রীতির দ্বারা আমার হৃদয় মনের অনেক উপকার হইয়াছিল।

দ্বিতীয় পত্নীকে পুনর্বিকাহ দানের প্রস্তাব। এই সময় আমার মাথায় যত রকম আজগুবি মতলব আসিত, ভারত উদ্ধারের যত রকম খেয়াল ঘুরিত, স পের উৎসাহ-দায়িনী ছিলেন মহালক্ষ্মী। এ জীবনে আমার অনেক চেলা জুটিয়াছে, কিন্তু মহালক্ষ্মীর মতো চেলা অল্পই জুটিয়াছে। এই সময়ে জন স্ট্র্যাট মিলের গ্রন্থ পড়িয়া যোগেন কিছুদিনের জন্ত নাস্তিক হইয়া উঠিয়াছিলেন। তাহা লইয়া আমার সঙ্গে রোজ তর্ক ও ঝগড়া চলিত। আমি তাঁহাকে আন্তিক করিবার চেষ্টা করিতাম, কিন্তু ঝগড়ার ফল এই হইত যে, তিনি আরও দৃঢ়তার সহিত নাস্তিকতা প্রচার করিতেন। তিনি হাসিয়া আমাকে বলিতেন, “স্ত্রীটিকে তো চেলা করিয়া লইয়াছ, যত পার ধর্ম তাহাকে ভজাও, আমাকে ছাড় না।” আমি যোগেনকে না পারিয়া মহালক্ষ্মীকেই ভজাইতাম। দুজনে প্রতিদিন ব্রহ্মোপাসনা করিতাম।

আমরা তিনটি প্রাণী এমন ‘বিকর্মার’ হইয়া উঠিয়াছিলাম যে, আমরা তিনজনে পরামর্শ করিয়াছিলাম যে, আমার দ্বিতীয় পত্নী বিরাজমোহিনীকে আনিয়া পুনরায় তাঁহার বিবাহ দিব। তখনও আমি বিরাজমোহিনীকে পত্নীভাবে গ্রহণ করি নাই। এই ১৮৬৮ সালে আমি একবার তাঁহাকে আনিতে যাই। তখন তিনি ১১। ১২

বৎসরের বালিকা। বোধ হয়, আমার পিতা-মাতার পরামর্শ ভিন্ন আনিতে গিয়াছিলাম বলিয়া তাঁহারা পাঠাইলেন না। যাহাকে বিবাহ দিব ভাবিতেছি, তাহাকে পত্নীভাবে গ্রহণ করা কর্তব্য নয় বলিয়া তাঁহাকে পত্নীভাবে গ্রহণ করিতাম না। তাঁহাকে যে আনিয়া মহালক্ষ্মীর কাছে রাখিতে পারিলাম না, এজ্জ মহা দুঃখ হইল।

এল. এ. পরীক্ষার্থী। তাহার পর, আমার এল. এ. পরীক্ষাতে উত্তীর্ণ হওয়া। যোগেনের বিধবাবিবাহের ফলস্বরূপ আমাদিগকে কিরূপ নির্ধাতন ভোগ করিতে হইয়াছিল, অগ্রেই তাহার বর্ণনা করিয়াছি। বিবাহের কিছুদিন পরেই মহালক্ষ্মীর স্বাস্থ্য ভগ্ন হইতে লাগিল। চাকর পাওয়া যায় না, রাঁধুনি পাওয়া যায় না, সেই অবস্থাতেই তাহাকে রাখিতে হয়। এদিকে, যোগেন আত্মীয়-স্বজনের নির্ধাতনে অস্থির হইয়া পড়িলেন ও ঈশান গেডিকেল কলেজের ডিউটি লইয়া সবদা অল্পপস্থিত থাকিতেন বলিয়া চাকরের অনেক কাজ আমার উপর পড়িয়া যাইতে লাগিল। বাজায় করা, কাঁধে করিয়া তিনতলায় জল তোলা প্রভৃতির কাজ আমাকেই করিতে হইত—এ সকল পূর্বেই বলিয়াছি। এই সকল করিয়া আমি পড়িবার সময় বড় পাইতাম না। সম্মুখে বৎসরের শেষে পরীক্ষা আসিতেছে, কিন্তু তাহার জ্ঞান প্রাপ্ত হইতে পারিতেছি না। এইরূপে ১৮৬৮ সালের সেপ্টেম্বর মাসের শেষে আসিয়া উপস্থিত হইলাম। সংস্কৃত কলেজের তদানীন্তন অধ্যক্ষ প্রসন্নকুমার সর্বাধিকারী মহাশয় আমাকে অতিশয় ভালোবাসিতেন। তিনি বিদ্যাসাগর মহাশয়ের বন্ধু ছিলেন। তিনি এই বিধবাবিবাহে সন্তোষ প্রকাশ করিয়াছিলেন, কিন্তু আমার লেখাপড়া সব গেল দেখিয়া দুঃখিত হইতেছিলেন। তিনি অক্টোবরের প্রথমে আমাকে ভাকিয়া বলিলেন, “তুমি একটা ভালো কাজে আছ, কিছু বলতে পারি না, কিন্তু আমি তোমার জ্ঞান চিন্তিত হয়েছি। তুমি আগামী পরীক্ষাতে কলেজের মুখ রাখবে বলে মনে আশা করছিলাম, কিন্তু এখন ভয় হচ্ছে, তুমি স্কলারশিপ পাওয়া দূরে থাক, পাস হও কি না সন্দেহ।” তাঁহার কথা শুনিয়া মনে হইল, আমি যেন কোনো পাহাড়ের কিনারায় দাঁড়াইয়াছি, আমার সম্মুখে গভীর গর্ত, আর এক পা বাড়াইলেই তাহার অন্বেষ্য পড়িব! আমার সম্মুখে যে কঠিন সমস্যা উপস্থিত তাহা এক নিমিষের মধ্যে চক্ষের সম্মুখে আসিল। মনে হইল, স্কলারশিপ যদি না পাই, তাহা হইলে যাহাদের জ্ঞান এতটা সংগ্রাম চলিয়াছে, তাহাদের আর সাহায্য করিতে পারিব না। যোগেন ও মহালক্ষ্মী সাহায্যের অভাবে কষ্ট পাইবেন ভাবিয়া চক্ষে জল আসিল। “ঈশ্বর রাখ, এই বিপদে রাখ,” মনে-মনে প্রার্থনা করিতে লাগিলাম। এক মুহূর্তের মধ্যে কর্তব্যপথ নির্ধারিত হইয়া গেল। সর্বাধিকারী মহাশয়ের মুখের দিকে চাহিয়া ধীর ভাবে জিজ্ঞাসা করিলাম, “আপনি কি আমার প্রতি একটা অল্পগ্রহ

করিতে পারেন ? তাহা হইলে একবার জীবন মরণ পণ করিয়া দেখি ।” তিনি জিজ্ঞাসা করিলেন, “কি অল্পগ্রহ ?” আমি বলিলাম, “আমি মনে করিতেছি, কলিকাতা হইতে পলাইয়া ভবানীপুরে থাকিব, বিশেষ প্রয়োজন ভিন্ন কলেজে আসিব না, একাগ্র চিত্তে পাঠে মন দিব এবং পরীক্ষার জন্ত প্রস্তুত হইব । কলেজে না আসার জন্ত যদি আমার স্কলারশিপ না কাটেন, তাহা হইলেই এইরূপ করিতে পারি !” তিনি বলিলেন, “তুমি কলেজে আসবে না, অথচ স্কলারশিপ কাটা হবে না, এটা কলেজের নিয়ম বিরুদ্ধ । ডিরেক্টরকে জিজ্ঞাসা না করে একপ করিতে পারি না । কি হয় তোমাকে দুদিন পরে বলব ।” তৎপরে তিনি সমুদয় বিবরণ খুঁজিয়া লিখিয়া ডিরেক্টরের নিকট হইতে অনুমতি আনিলেন এবং আমাকে ছুটি দিলেন ।

আমি যোগেন ও মহালক্ষ্মীর নিকট বিদায় লইয়া আমার পুরাতন আশ্রয়দাতা ভবানীপুরের মহেশচন্দ্র চৌধুরী মহাশয়ের ভবনে গিয়া উপস্থিত হইলাম । তাঁহাদিগের নিকট আড়াই মাসের জন্ত একটি ঘর চাহিলাম, যে ঘরে আমি একাকী থাকিব । তাঁহারা দয়া করিয়া তাহা করিয়া দিলেন । আমি সেই ঘর আশ্রয় করিয়া পাঠে একেবারে মগ্ন হইলাম । প্রাতে একবার স্নানাহারের সময় বাহিরে যাইতাম ও রাত্রে আহারের সময় আধ ঘণ্টার জন্ত যাইতাম । মতুবা দিনরাত্রি ঐ ঘরে যাপন করিতাম । এষ্ট আড়াই মাসের মধ্যে শয্যাতে যাই নাই । সন্ধ্যার সময় চাকরেরা আলো জ্বলিয়া দিয়া যাইত, সেই আলো সমস্ত রাত্রি থাকিত । বড় ঘুম পাইলে দুই-চারি ঘণ্টা পুস্তক মাথায় দিয়া সেই ঘরেই ঘুমাইতাম । যত দূর স্মরণ হয়, পাঠের ঘণ্টা এইরূপ ভাগ করিয়া লইয়াছিলাম—অন্ধ ছয় ঘণ্টা ( দুইঘণ্টা গ্রন্থ পড়া ও চারঘণ্টা অন্ধ কবা ), ইতিহাস ছয়ঘণ্টা, ইংরাজী তিনঘণ্টা, সংস্কৃত একঘণ্টা, লজিক দুইঘণ্টা—সর্ব স্তম্ভ প্রায় আঠারো ঘণ্টা । এইরূপ পড়িতে-পড়িতে শরীর ও মন সময়-সময় বড় অবসন্ন হইয়া পড়িত । তখন পড়া ফেলিয়া দিয়া বাহিরে গাইতে ইচ্ছা করিত । সেই সময়ে যোগেন ও মহালক্ষ্মীর মুখ মনে করিয়া মনে দুঃস্বপ্ন প্রতিজ্ঞা আসিত । ভাবিতাম, যাহাদের প্রধান উৎসাহদাতা হইয়া এষ্ট সংগ্রামের মধ্যে ফেলিয়াছি, তাহাদের সাহায্য করিতে না পারিলে কিরূপে নিশ্চিন্ত থাকিব ? প্রাণ থাক আঁধার, এক-বার মরণ-বাঁচন চেষ্টা করিয়া দেখিতে হইবে । অমনি মনে প্রার্থনার উদয় হইত “হে ঈশ্বর, এই সংগ্রামে আমার সহায় হও ।” তখন দিনের মধ্যে বহুবার প্রার্থনা করিতাম । লোকে যেমন শ্রমের মধ্যে বার-বার চা খাইয়া সবল হয়, আমি তেমনি বার-বার প্রার্থনা করিয়া সবল হইতাম ।

এইরূপ শ্রম করিতে করিতে যখন আড়াই মাস পরে পরীক্ষার সময় আসিল, তখন দেখিলাম একঘরে আড়াই মাস বন্ধ থাকিয়া ও নিচের ঘরে শুইয়া-তুইয়া



কোমরে বাত ধরিবার উপক্রম হইয়াছে। পরীক্ষা দিতে মাইবার সময় একটি বালকেও কাঁধে হাত দিয়া পরীক্ষার হলে গেলাম ও পরীক্ষা দিয়া আসিলাম। ডিনেশ্বরের শেষে পরীক্ষা হইত।

**বন্ধুপত্নীর মৃত্যু।** বোধ হয় ১৮৬২ সালের জামুয়ারীর শেষভাগে পরীক্ষার ফল বাহির হইল। তখন আমরা মহালক্ষ্মীর পীড়া লইয়া ঘোর সংগ্রামের মধ্যে আছি। হঠাৎ ওলাউঠা পীড়া হইয়া মহালক্ষ্মী মৃত্যুশয্যা শয়ান। তাঁহার পীড়া হইলে আমি বিদ্যাসাগর মহাশয়ের পত্র লইয়া ডাক্তার মহেন্দ্রলাল সরকারের শরণাপন্ন হইলাম। তিনি আমাকে পূর্ব হইতেই জানিতেন ও ভালবাসিতেন। আমার ব্যাকুলতা দেখিয়া প্রতিদিন মহালক্ষ্মীকে দেখিতে আসিতে লাগিলেন, এবং তাঁহার সাধ্য যত দূর হয় তাহা করিতে বাকি রাখিলেন না। অবশেষে কয়েকদিনের পর মহালক্ষ্মীর প্রাণ গেল। তখন তিনি ৮।২ মাস কাল সমস্ত। এইরূপ অবস্থাতে মৃত্যু হওয়াতে প্রাণে বড়ই আঘাত লাগিল। মহালক্ষ্মীর মা ইহার কিছু পূর্বে কাশী হইতে আসিয়া ছিলেন। তিনি যখন আমার গলা জড়াইয়া ধরিয়া “বাবা রে, এত করেও বাঁচাতে পারলি না রে” বলিয়া চীৎকার করিয়া কাদিতে লাগিলেন, যোগেন বালিশে মুখ ঝুঁজিয়া পড়িয়া রহিলেন, এবং দেশান পাগলের মতো ঘর হইতে বাহির, বাহির হইতে ঘর করিতে লাগিলেন, তখন আমি আর মহালক্ষ্মীর জন্ত কাদিব কি? ইহাদিগকে লইয়া ব্যস্ত হইয়া পড়িলাম। সেই ক্ষেত্রেই সংবাদ আসিল যে, আমি এল. এ. পরীক্ষায় ইউনিভার্সিটির ফার্স্ট গ্রেড স্কলারশিপ ৩২, ইংরাজী ও সংস্কৃতে ইউনিভার্সিটিতে সর্বোচ্চ স্থান অধিকার করাতে ডক্ স্কলারশিপ ১২, ও সংস্কৃত কলেজের প্রথম স্কলারশিপ ১২,—সর্ব সম্মেত ৫২ টাকা, বৃত্তি পাইয়াছি। যাহাদিগের জন্ত সংগ্রাম করিতেছিলাম জগদীশ্বর তাহাদিগকে সরাইয়া লইলেন ভাবিয়া আমার চক্ষে জল ধারা বহিতে লাগিল। কিন্তু তখন বুঝি নাই যে তিনি অল্প সংগ্রামের জন্ত পূর্ব হইতেই উপায় বিধান করিলেন। সে সংগ্রাম ব্রাহ্মধর্মে দীক্ষা ও পিতৃগৃহ হইতে নির্বাসন। তাহার বিবরণ পরে বলিব।

মহালক্ষ্মী চলিয়া গেলে, যখন তাহার মা আমার গলা জড়াইয়া কাদিয়া বলিলেন, “বাবা তুমিও কি আমাদিগকে ছেড়ে যাবে?” তখন আর তাহাদিগকে ছাড়িতে পারিলাম না। ভবানীপুর ছাড়িয়া আসিয়া তাহাদের সঙ্গে আবার কয়েক মাস রহিলাম। কিন্তু ইহার কিছুদিন পরেই যোগেনের বাসা ভাঙিয়া গেল, আমরা স্বতন্ত্র স্বতন্ত্র স্থানে পড়িলাম, আমাদের জীবনের গতিও পৃথক হইয়া দাঁড়াইল। মহালক্ষ্মীর শোকটা আমার বড়ই লাগিয়াছিল।

মহালক্ষ্মী চলিয়া গেলে, পাঠে গুরুতর শ্রমের ফলস্বরূপ আমার এক প্রকার

পীড়া দেখা দিল। অতিরিক্ত দুর্বলতার সঙ্গে সর্বাঙ্গে শাদা-শাদা, ঢাকা-ঢাকা এক প্রকার ফোলা মাংস দেখা দিল, সেগুলিতে আঘাত করিলে বেদনা অসহ্য কবিতো পারিতাম না। কোনো কোনো ডাক্তার দেখিয়া বলিলেন, কুষ্ঠব্যাধি হইবার উপক্রম। ডাক্তার মহেন্দ্রলাল সরকার আমাকে অতিরিক্ত শ্রমের জগু তিরস্কার করিয়া, ছয় মাস কাল তন্ননস্ক হইয়া চিকিৎসা করিলেন, এবং আমাকে রোগমুক্ত করিয়া তুলিলেন। উপেন্দ্রনাথ দাসের বিধবাবিবাহ দেওয়া। অতঃপর উপেন্দ্রনাথ দাসের বিধবাবিবাহের বিবরণ লিখিতেছি। এই ঘটনাটি বোধ হয় ১৮৬৮ সালের মধ্য ভাগে ঘটিয়াছিল। হাইকোর্টের উকীল বাবু শ্রীনাথ দাসের জ্যেষ্ঠপুত্র উপেন্দ্রনাথ দাস তখন কলিকাতায় যুবক রিকর্মারদের মধ্যে একজন প্রধান ব্যক্তি। তৎপূর্বে তিনি মাস্ত্রাজ হইতে ফিরিয়া আসিয়া ইণ্ডিয়ান রাডিকাল লীগ নামে একটি সভা স্থাপন করিয়া তাহার সভাপতি রূপে কার্য করিতেছিলেন। এরূপ জনশ্রুতি যে, কোনো পারিবারিক কারণে স্বীয় পিতার সহিত বিবাদ করিয়া উপেন্দ্র মাস্ত্রাজে পলায়ন করেন। মাস্ত্রাজ হইতে আসিয়া উৎসাহের সহিত যুবক সংস্কারকদিগের নেতা হইয়া দাঁড়ান। যোগেন যখন বিধবাবিবাহ করিলেন, তখন উপেন যোগেনকে ও আমাকে একদিন নিজ সভাতে উপস্থিত করিয়া সর্বসমক্ষে বিশেষ সম্মানিত করিলেন। যুবকগণের করতালি ধ্বনিত্তে আমাদের লাস্কুল ক্ষীত হইয়া উঠিল। আমরা মন্ত একটা রিকর্মার হইয়া দাঁড়াইলাম। উপেন সংস্কৃত কলেজের ছেলে, আমরাও সংস্কৃত কলেজের ছেলে, স্বতরাং এই সময় হইতে উপেনের সহিত আমাদের একটা ঘনিষ্ঠতা জন্মিল। যোগেন উপেনের কাছে যাইবার জগু সময় বড় পাইতেন না, কিন্তু আমি ও উমেশচন্দ্র মুখুয্যে দুজনে সর্বদা তাঁহার বাড়িতে যাইতাম ও উপেনের মুখনিঃসৃত ইউরোপীয় ফিলজফি ও সংস্কারের স্ফুর্মাচার ইা করিয়া গিলিতাম। সময়ে-সময়ে আমি উপেনের বাড়িতে বাক্তি ঘাপন করিতাম।

তাঁহার সহিত একটু বিশেষ যোগ হইবার কারণ ছিল। আমার দ্বিতীয়া পত্নী বিরাজমোহিনীকে পুনর্বার বিবাহ দিবার যে থেয়াল এ সময়ে আমার মাথায় ঘুরিতেছিল, উপেন সে থেয়ালের অংশী হইয়া সর্বদা নানা প্রকার পরামর্শ করিতেন। একদিন রাত্রে আমি উপেনদের বাড়িতে গুইয়াছি, উপেন আমাকে বলিলেন, “অত কেন ভাবিতেছ? তোমার দ্বিতীয়া পত্নীকে ঢাকা কি কাশী কি লাহোর কোনো দূর দেশে লইয়া অবিবাহিত বলিয়া বিবাহ দিয়া এস। তারপর তারা সেই দিকেই থাকুক। হুই বা বেআইনি কাজ?” আমি বলিলাম, “সে যে মিথ্যা ও প্রবঞ্চনা হয়।” উপেন বলিলেন, “মিথ্যা দুই প্রকারের আছে, হোয়াইট লাইজ অ্যাণ্ড ব্ল্যাক লাইজ; ওটা হোয়াইট লাই।” ‘হোয়াইট লাই, ব্ল্যাক লাই’ কথা আমি সেই প্রথম শুনিলাম। আমি

আশ্চর্য্যাবহিত হইয়া জিজ্ঞাসা করিলাম, “উপেন, মিথ্যার আবার হোয়াইট ব্ল্যাক কি রকম?” তখন তিনি আমার নিকটে হোয়াইট লাই-এর ব্যাখ্যা করিতে প্রবৃত্ত হইলেন। সে সকল কথা আমার মনঃপূত হইল না। আমি বলিলাম, “এইরূপ প্রবন্ধনা করিতে পারিব না।” যাঁচা হউক, তখন উপেনের হোয়াইট লাইজ-এর সমর্থন শুনিয়া প্রতিবাদ করিয়াছিলাম বটে, কিন্তু উপেনকে পরিত্যাগ করি নাই।

বোধ হয়, এই ১৮৬৮ সালের মধ্য ভাগে উপেনের প্রথম স্ত্রীর হঠাৎ মৃত্যু হইল। ডাক্তার দেখাইবার সময় হইল না। উপেনের মুখে শুনিলাম, হঠাৎ কলেরা হইয়া কয়েক ঘণ্টার মধ্যে মারা গেলেন।

শোকটা পুরাতন হইতে না হইতে একদিন দুপুরবেলা উপেন কতিপয় বন্ধুসহ সংস্কৃত কলেজে আসিয়া আমাকে এল. এ. ক্লাস হইতে ডাকিয়া পাঠাইলেন। বলিলেন, “তুমি শুনিয়া স্থখী হইবে, আমি এক বিশ্ববাকে বিবাহ করতে যাচ্ছি। মেয়েটি ভবানীপুরে আছে, চুরি করে আনতে হবে। তার মায়ের মত আছে, কিন্তু মামা অভিভাবক, তাঁর মত নাই।” মেয়ে এইরূপে চুরি করা ভালো কি না, আনিয়া কোথায় রাখা হইবে, কবে কিরূপে বিবাহ হইবে, এ সকল প্রশ্ন মনে উঠিল না। মেয়ে চুরি করিয়া বিশ্ববিবাহ দেওয়া যাইবে এই উৎসাহেই কলেজ হইতে বিদায় লইয়া তাঁহাদের সহিত যাত্রা করিলাম।

আমরা তিনটি যুবক, গাড়িতে মেয়েটির জায়গা মাত্র আছে। গাড়ি গিয়া ভবানীপুরে এক গলির মোড়ে দাঁড়াইল। কথা ছিল, মেয়েটির জ্যেষ্ঠা ভগিনী দিবা দ্বিপ্রহরের সময় তাহাকে গাড়িতে তুলিয়া দিয়া যাইবে। তাহা হইল না, আমরা অনেকক্ষণ দাঁড়াইয়া রহিলাম, মেয়েটি আসিল না। পরে সংবাদ পাওয়া গেল, মেয়েটি দিনের বেলা আসিতে পারিল না, সন্ধ্যার পরে আবার আসিয়া অপেক্ষা করিতে হইবে। কার্যোদ্ধার না করিয়া বাড়িতে ফেরা হইবে না। এই পরামর্শ স্থির হওয়াতে আমরা গাড়ি হাঁকাইয়া ইডেন গার্ডেনে গেলাম, এবং পাউরুটি ও কলা কিনিয়া বৃক্ষতলে বসিয়া উত্তমরূপে টিফিন করিলাম। সন্ধ্যা অতীত হইলে আবার গাড়ি করিয়া সেই গলির মোড়ে আসিয়া দাঁড়াইলাম। দাঁড়াইয়া-দাঁড়াইয়া প্রায় বাত্রি দশটা বাজিয়া গেল, মেয়ের দেখা নাই। অবশেষে দুইটি স্ত্রীলোক আসিয়া উপস্থিত। শুনিলাম, তাহার একজন ঐ মেয়ে এবং অপরজন ঐ মেয়েটির জ্যেষ্ঠা সহোদরা। মেয়েটি আমাদের গাড়িতে উঠিলেন। যেই উঠা স্মনি আমরা উল্লসাসে গাড়ি হাঁকাইলাম।

উপেনের আদেশক্রমে গাড়ি গিয়া তাঁহার সম্পাদিত সংবাদপত্রের প্রেস ও আপিসের দ্বারে লাগিল। মেয়েটিকে সেখানে গিয়া নামানো হইল। সেটা আপিস ও পুরুষদের বাসা, স্ত্রীলোকের বাসের যোগ্য নহে। আমি দেখিলাম মেয়েটি কাঁপিতেছে।

তখন আমার হাঁশ হইল। আমি উপেনকে জিজ্ঞাসা করিলাম, “কবে বিয়ে হবে আর ততদিন একে কোথায় রাখা হবে?” উপেন বলিলেন, “বিবাহ কাল বাজবে হবে, আর ওঁকে সে পর্যন্ত এখানেই রাখা যাবে।” তখন আমি রাগিয়া উঠিলাম; বলিলাম, “তা কখনই হবে না। এমন জানলে আমি এ কাজে থাকতাম না। এই পুরুষের দলে ও মাতালের মধ্যে একে রাখা হবে, তা হইতে পারে না।” এখানে বলা কর্তব্য, উপেন স্বরাপান করিতেন না, স্বরা দূরে থাক। চুকট পর্যন্ত কখনও থাইতে দেখি নাই। এ সকল বিষয়ে তাঁহার আশ্চর্য সংঘম ছিল। কিন্তু তাঁহার বন্ধুদের মধ্যে স্বরাপায়ী ছিল। যত দূর স্মরণ হয়, সেই ভবনেরই আর একঘরে স্বরাপান চলিতে-ছিল। তাহা দেখিয়া মেয়েটিকে সেখানে রাখা বিষয়ে আমার মনে ঘোর আপত্তি উঠিল। অবশেষে অনেক তর্ক-বিতর্কের পর উপেন আমাকে বলিলেন, “তবে তুমি যেখানে পার, এক রাত্রে জন্তু একে রেখে এস।” আমি মুশকিল পড়িলাম, সংস্কারক দলের কোনো পরিবারের সহিত আমার সেরূপ আলাপ ছিল না। মেয়েটিকে কোথায় লইয়া যাই? কলিকাতার ব্রাহ্ম নেতাদিগের মধ্যে কিছু দিন পূর্বে গুরুচরণ মহলানবিশ মহাশয়ের সহিত পরিচয় হইয়াছিল। তাঁহাকে অত্যগ্রসর সংস্কারক দলের লোক বলিয়া জানিতাম। সেই রাত্রি দ্বিপ্রহরের সময় সেই কন্তাকে গাড়ি করিয়া লইয়া মহলানবিশ মহাশয়ের পরিবারে রাখিতে গেলাম। তিনি আশ্চর্যবশত সমুদয় বিবরণ শুনিয়া কন্তাটিকে এক রাত্রির জন্ত স্থান দিলেন।

তৎপর দিন খিচুড়ী বিবাহ হইল। একপ শোনা গেল, মেয়েটি কায়স্থজাতীয়া, যদিও পরে জানা যায় যে তাহা নহে, তদপেক্ষা নিয়াজাতীয়া। কায়স্থদের কন্তা ইহা শুনিয়া উপেনের মনে হইল, তবে বিজ্ঞাসাগর মহাশয়ের মতে বিবাহ করিলে আইন-সিদ্ধ হইতে পারে। হুতরাং পরদিন প্রাতেই বিজ্ঞাসাগর মহাশয়ের মতে বিবাহের বন্দোবস্ত হইল। তদনুসারে পুরোচিত ও ঠাকুর আসিয়া একটা বিবাহ ক্রিয়া হইল। আবার এদিকে উপেন শহরের বড়-বড় লোকদিগকে নিমন্ত্রণ করিয়া এক মহা সম্ভাষণ আয়োজন করিয়াছিলেন। সেখানকার জন্তু তো কিছু কড়া চাই। স্থির হইল, সেখানে একটু ঈশ্বরোপাসনা হইবে ও বরকত্তা উভয়ে একটি লেখাপড়াতে স্বাক্ষর করিবেন। কিন্তু উপাসনা করিবে কে? আমি অথবা উমেশ মুখ্যো। কারণ, এই দুইটি ঐ যুবক দলের মধ্যে ব্রাহ্ম বলিয়া পরিচিত। আমাদের সঙ্গে আর একজন ব্রাহ্ম ছিলেন, তিনি প্যারীমোহন চৌধুরী, যিনি পরে আচার্য কেশবচন্দ্র সেন মহাশয়ের ‘প্রেরিত দলে’ প্রবেশ করিয়াছিলেন। এই তিনজন ব্রাহ্মের মধ্যে কেন যে আমার দ্বারা উপাসনা করানো সকলের মত হইয়াছিল, তাহা আমার স্মরণ নাই। যত দূরে মনে হয়, এ পরামর্শ বিবাহের কিঞ্চিৎ পূর্বে স্থির হয়, এবং আমি শেষ মুহূর্ত পর্যন্ত জানিতে পারি নাই।

আমি ওদিকে কত্যা আনিতে গিয়া একদল মাতালের হাতে পড়িয়া টানাটানির মধ্যে আছি। আমি যে গাড়িতে করিয়া কত্যা আনিতেছিলাম সেই গাড়ি ও আর একখানি গাড়ি একটি ছোট গলির মধ্যে দুই দিক হইতে আসিয়া, পাশাপাশি পার হইতে গিয়া চাকায় চাকায় আটকাইয়া গেল। কোনোখানি বাহির হয় না। আমি গাড়ি হইতে নামিয়া চাকা টানাটানি করিতেছি, এমন সময় এক দল মাতাল আসিয়া উপস্থিত। তাহাদের মধ্যে একজন আমার পরিচিত। মাতালেরা আমাকে জিজ্ঞাসা করিল, “এ কি বাবা! রাস্তা আটকেছ কেন?” যখন কারণ নির্দেশ করিলাম, তখন সকলে কাঁধ দিয়া গাড়ি ছাড়াইয়া দিতে প্রবৃত্ত হইল। একবার জিজ্ঞাসা করিল, “ইজ দেয়ার এনি জেন্টলউমেন, বাবা?” আমি বলিলাম, “হাঁ।” তাহার পরে আর কেহ গাড়ির দ্বারের কাছেও যায় না, এতই সন্তোষ দেখাইতে লাগিল। সকলে পড়িয়া কাঁধ দিয়া গাড়ি তো ছাড়াইয়া দিল, কত্তার গাড়ি চাকরের সহিত বিবাহ সভা অভিমুখে ছুটিল। এদিকে মাতালেরা চার-পাঁচজনে পড়িয়া আমাকে ধরিল, “এত করে গাড়ি ছাড়ালাম বাবা, কিছু দিতে হবে।” তখন আমার মনে ছিল না যে, আমার পকেটে একটা টাকা আছে। আমি অনেক অল্পনয় বিনয় করিলাম, বিবাহ সভাতে যাইতে বলিলাম, কিছুতেই রাজি নয়, আমার চাদর কাড়িয়া লইতে উদ্ভতা। আধ ঘণ্টা টানাটানির পর মনে হইল যে সঙ্গে একটা টাকা আছে। টাকাটা দিয়া নিষ্কৃতি পাইয়া বিবাহ সভাতে যেই গিয়া উপস্থিত, অমনি শুনিলাম আমাকে সভামধ্যে উপাসনা করিতে হইবে, সকলে উৎসুক অন্তরে অপেক্ষা করিতেছে।

সে কি উপাসনা করিবার অনুকূল অবস্থা? আমি শুনিয়া অস্বীকৃত হইলাম। কিন্তু শোনে কে? তৎপূর্বে কখনো প্রকাশ্য স্থানে উপাসনা করিয়াছিলাম, এরূপ স্মরণ হয় না। যে লাজুক ছিলাম, বোধ হয় করি নাই। লাজুক ছিলাম, এই কথাটি পড়িয়া বন্ধুদের অনেকে হয়তো মনে মনে হাসিবেন। কারণ তাহারা আমাকে এ সকল বিষয়ে ও অন্তঃস্থ বিষয়ে চিরদিন বেপরোয়া ও বেহায়া দেখিয়া আসিতেছেন। কিন্তু তখন আমি উপাসনাদি বিষয়ে বাস্তবিক বড় লাজুক ছিলাম। সেই মানুষকে ধরিয়া লইয়া যখন সভামধ্যে চেয়ারে বসাইয়া দিল, তখন কি হইল তাহা সকলেই অনুভব করিতে পারেন। প্রথমেই গিয়া শুনিলাম, গান হইতেছে “মনে কর শেষের সেদিন ভয়ঙ্কর; অগ্রে বাক্য কবে, কিন্তু তুমি রবে নিকন্তর!” যেমন উপাসনার আয়োজন, তেমনি গান! পরে শুনিলাম, যাহাকে গান করিবার জন্ত ধরিয়া আনিয়াছিল, সে ব্যক্তি ব্রহ্মসঙ্গীতের মধ্যে রামমোহন বায়ের গানই আনিয়াছিল। গান শেষ হইলে আমি প্রার্থনা করিতে প্রবৃত্ত হইলাম। আমার প্রার্থনার মধ্যে ‘সভাস্থল’ হইতে করতালির চটপটা ধ্বনি উঠিতে লাগিল। এই জন্ত এ বিবাহ

অহুষ্ঠানকে ‘খিচুড়ী বিবাহ’ বলিয়াছি। উপাসনার পর এক কাগজে বরকত্তা স্বাক্ষর করিলেন। আমার যত দূর স্মরণ হয়, সাক্ষীদের মধ্যে শ্রদ্ধেয় বন্ধু আনন্দমোহন বহু একজন ছিলেন। তখন কিন্তু তাঁহার সহিত আমার আলাপ পরিচয় হয় নাই।

রিফর্মার বন্ধুর কীর্তি। বিবাহের পর উপেনের সহিত ও তাঁহার নবপরিণীতা স্ত্রীর সহিত আমার সম্বন্ধ আরও গাঢ় হইল। আমি সর্বদাই তাহাদিগের সংবাদ লইতাম, এবং কিছু কাজ পড়িলে করিয়া দিতাম। এই সময় হইতে দেখিতে লাগিলাম, উপেন ঋণ শোধের প্রতি দৃষ্টি না রাখিয়া ধার করেন, বাড়ি ভাড়া করিয়া ভাড়া না দিয়া রাতারাতি পলাইয়া অন্ত বাড়িতে যান, ইত্যাদি। দুই-একবার নিজে কর্তৃক করিয়া টাকা দিয়া এরূপ অবস্থা হইতে তাঁহাকে সপরিবারে উদ্ধার করিতে হইল। তথাপি তাঁহার প্রতি বিশ্বাস ভাঙিতে অনেক দিন গিয়াছিল। একবার রাত্রি দুইটার সময় উপেন সপরিবারে পলাইয়া কলিকাতা হইতে অমৃতবাজারের শিশিরকুমার ঘোষের বাড়িতে যান। তখন শিশিরবাবুরা অগ্রসর সংস্কারক ও ব্রাহ্ম ছিলেন। সেই রাতে আমি যোগেন ও উমেশ মুখ্যে সশস্ত্র হইয়া তাহাদের স্ত্রীপুরুষকে আগুলিয়া নারিকেলডাঙ্গার খালে নৌকায় তুলিয়া দিয়া আসিয়াছিলাম। এখন মনে হইলে হাসি পায়।

ইহার পর ডাক্তার লোকনাথ মৈত্র কিছুদিনের জন্য নিজ ব্যয়ে উপেন ও তাঁহার স্ত্রীকে কাশীতে নিজ ভবনে লইয়া যান, এবং তাহাদের ভরণপোষণ নির্বাহ করিতে থাকেন। এইরূপে এক বৎসরের অধিক কাল গত হয়। সেখানে উপেন গোপনে দেনা করিয়া লোকনাথবাবুকে ঋণগ্রস্ত করিয়া পীড়িত অবস্থায় কলিকাতায় আসেন। আসিয়া কিছুদিন আমার বাড়িতে থাকেন। ইহা যদিও পরবর্তী কালের ঘটনা, তথাপি এখানেই তাঁহার বিবরণ দিতেছি। আমি তখন ব্রহ্মানন্দ কেশবচন্দ্র সেনের নিকট ব্রাহ্মধর্মে দীক্ষিত হইয়া, পিতা কর্তৃক গৃহ হইতে তাড়িত হইয়া, কলিকাতায় কলেজ স্কয়ারের উত্তরে একটি গলিতে একজন ব্রাহ্মবন্ধুর সহিত একগৃহে বাস করিতেছিলাম। আমার কলেজের স্কলারশিপ মাত্র ভরণ্য। তাহাতে একটি ঘর ভাড়া করিয়া কোনো রূপে চালাইতেছিলাম। ইহার মধ্যে উপেননাথ আমাকে সংবাদ না দিয়া, গুরুতর পীড়া লইয়া, স্ত্রী ও একটি শিশুপুত্র সহ কাশী হইতে আসিয়া আমার বাসার দ্বারে উপস্থিত। আমি সংবাদ পাইয়া উপেনকে সপরিবারে গাড়ি হইতে নামাইয়া নিজের ঘরে আনিলাম। একজন বন্ধু আমার পাশের ঘরে ছিলেন। তিনি এই বিপদের অবস্থা দেখিয়া তাঁহার ঘর ছাড়িয়া দিয়া অন্ত্র গেলেন। আমি উপেনের চিকিৎসার জন্য অন্নদাচরণ খাস্তগির মহাশয়কে ডাকিলাম। তিনি আমাকে বড় ভালবাসিতেন, তিনি বিনা পরসায় উপেনের চিকিৎসার ভার লইলেন।

**মহাশুভব ঈশ্বরচন্দ্র বিদ্যাসাগর।** এই সময় বিজ্ঞাসাগর মহাশয়ের সদাশয়তার এক নিদর্শন পাই, তাহা স্বরণ রাখিবার যোগ্য। আমার বাড়িতে আসিয়া উপেনের পোড়া বুদ্ধি পাইল। এমন কি, তাহার জীবনের সম্বন্ধে আমরা নিরাশ হইতে লাগিলাম। এই অবস্থাতে উপেন একদিন আমাকে বলিলেন, “যদি আমার বাবার সঙ্গে একবার দেখা করিয়ে দিতে পার, বড় ভালো হয়। আমি বোধ হয় আর বেশি দিন বাঁচব না।” শ্রীনাথ দাস মহাশয়ের সহিত আমার আলাপ পরিচয় ছিল না, সুতরাং আমি নিজে গিয়া অনুরোধ করিতে পারি না। কি করি, এই চিন্তায় প্রবৃত্ত হইলাম। অবশেষে মনে হইল, বিজ্ঞাসাগর মহাশয়ের দ্বারা শ্রীনাথ দাস মহাশয়কে ধরিয়া আনিতে হইবে। তাই একদিন প্রাতে বিজ্ঞাসাগর মহাশয়ের নিকট গেলাম। তিনি যে উপেনের গৃঢ় চরিত্রের কথা পূর্বেই শ্রীনাথ দাস মহাশয়ের মুখে শুনিয়া, তাহার প্রতি হাড়ে চটিয়া ছিলেন, আমি তাহা জানিতাম না। আমি উপেনের সংস্রবে থাকি ও তাহাকে বাড়িতে স্থান দিয়াছি শুনিয়াই তিনি আমাকে অনেক তিরস্কার করিলেন; বলিলেন “কি, যাকে দেখলে পা থেকে মাথা পর্যন্ত জুতা মারতে ইচ্ছা করে, তার হয়ে তুই আমাকে অনুরোধ করিস?” আমি বুঝিলাম তাহার দ্বারা এ কাজ হইবে না। আমি বলিলাম, “আপনি বাপ-বেটার দেখা করিয়ে না দিলে আর কারও দ্বারা হবে না। তবে আমি যাই। কি আর করব। উপেনের শেষ অনুরোধটা রাখতে পারা গেল না।” এই বলিয়া উঠিতে প্রবৃত্ত হইলাম। আমাকে বিরস বদনে উঠিতে দেখিয়াই বিজ্ঞাসাগর মহাশয় বলিলেন, “যাস নে, রোস; মরণকালে বাপকে দেখতে চেয়েছে, শুভ বুদ্ধি হয়েছে, এটাও ভালো : দেখি কিছু করতে পারি কি না।” একটু চিন্তা করিয়াই বলিলেন, “কাল প্রাতে ৭টা-৮টার মধ্যে তার বাপকে তোর বাড়িতে আনব, তুই ধরে থাকিস।” আমি চলিয়া আসিলাম।

তৎপরদিন বিজ্ঞাসাগর মহাশয় যে কবিতা শ্রীনাথ দাস মহাশয়কে আমার বাসাতে আনিয়াছিলেন, তাহা শুনিতে বিস্মিত হইতে হয়। তাহার বিবরণ এই। সেই দিন প্রাতে সাতটার সময় বিজ্ঞাসাগর মহাশয় শ্রীনাথ দাস মহাশয়ের ভবনে গিয়া উপস্থিত। উপস্থিত হইয়া শ্রীনাথবাবুকে বলিলেন, “শ্রীনাথ, তোমার গাড়ি যুততে বল দেখি, তোমাকে এক জায়গায় যেতে হবে।” শ্রীনাথবাবু জিজ্ঞাসা করিলেন, “কোন জায়গায়? বিজ্ঞাসাগর মহাশয় বলিলেন, “আঃ চল না, রাস্তায় বলব।” শ্রীনাথবাবু গাড়ি যুতিতে আদেশ করিলেন। দুইজনে গাড়িতে বসিয়া শ্রীনাথবাবুদের গলি হইতে বাহির হইয়া বড় রাস্তায় আসিলে বিজ্ঞাসাগর মহাশয় বলিলেন, “কোথায় নিরে যাচ্ছি, জানো? তোমার ছেলে উপেন পৌড়িত হয়ে কাশী থেকে এসে এক বন্ধুর বাসায় উঠেছে। তার ব্যায়রাম বড় শক্ত, বাঁচে কি না সন্দেহ। সে মৃত্যু শয্যা

পড়ে তোমাকে দেখতে চেয়েছে। তাই তার বন্ধুর অহরোধে তোমাকে মিতে এসেছি।” এই কথা শুনিয়া শ্রীনাথবাবু রাগিয়া উঠিলেন; বলিলেন, “কোচম্যান গাড়ি ফেরাও।” তাহা শুনিয়া বিজ্ঞানাগর মহাশয় বলিয়া উঠিলেন, “গাড়ি থামাও, গাড়ি থামাও; আমি নামব।” কোচম্যান গাড়ি থামাইলে তিনি যখন নামিতে যান, তখন শ্রীনাথবাবু তাঁহার হাত ধরিয়া বলিলেন, “এ কি? তুমি নামো যে! বিজ্ঞানাগর মহাশয় বলিলেন, “আমায় ছাড়, ছাড়। তোমার সঙ্গে আমার এই শেষ বন্ধুতা। ছেলে যতই বিরাগভাজন হোক, সে মৃত্যুশয্যায় পড়ে বাবাকে দেখতে চেয়েছে, তুমি কিরূপ বাপ যে এমন সময়েও দেখা দিতে চাও না!” এই কথা শুনিয়া শ্রীনাথবাবু ধীর হইয়া বলিলেন, এবং কোচম্যানকে গাড়ি চালাইতে বলিলেন। ক্রমে তাঁহার আমার বাড়িতে আসিলেন। শ্রীনাথবাবু পুত্রকে দেখিয়া চলিয়া গেলে বিজ্ঞানাগর মহাশয়ের মুখে এই বিবরণ শুনিলাম।

যাহা হউক, পিতা-পুত্রে দেখা হইল। উপেন পিতাকে কি বলিলেন, জানি না। আমি সেখানে ছিলাম না। শুনিলাম, বাপ চাহিয়াছিলেন। তাহার প্রমাণও দেখিলাম। তাহার পরে তাঁহার পিতা তাঁহাকে অর্থ সাহায্য করিতে লাগিলেন। শ্রীনাথবাবু চলিয়া গেলে বিজ্ঞানাগর মহাশয় দাঁড়াইয়া আমাকে উপেনের আর্থিক অবস্থার বিষয় প্রশ্ন করিতে লাগিলেন। তাঁহার কপদক মাত্রও সন্ধান নাই শুনিয়া কাঁদিয়া ফেলিলেন। আমার হাতে ১০ টাকা দিয়া বলিয়া গেলেন, “দেখিস, ওই পুত্র যেন না ক্লেশ পায়। টাকার অভাব হলে আমাকে বলিস। তুই কিরূপে এত ব্যয় দিবি?” যাহার প্রতি এত জাতক্রোধ ছিলেন, তাহারই ছুংথের কথা শুনিয়া তাঁহার চক্ষে জলধারা পড়িল, কি দয়া!

এখানে একটা কথা উল্লেখযোগ্য আছে। এই সময়ে আমি সর্বদা উপেনের সাহায্যের জন্য বন্ধপরিকর হইতাম বলিয়া আমাকে অনেকে উপহাস বিদ্রূপ ও ভৎসনা করিতেন। তাঁহারা তাঁহার বিরুদ্ধে গোপনে কি শুনিয়াছিলেন, তাহা তখন জানিতাম না। আমি উপেনের পত্নীর মুখের দিকে চাহিয়া সকল প্রতিবাদ যেন ভুলিয়া যাইতাম। ভাবিতাম, এই মেয়েকে এই পথে আনিবার বিষয়ে আমি সাহায্য করিয়াছি, এমন ক্রেশের মধ্যে দূরে দাঁড়ানো কি আমার পক্ষে উচিত হয়? এই জন্ত পুত্রসহ বাড়িতে তাহাকে স্থান দিতাম। নিজে ঋণ করিয়া উপেনের ঋণ শুধিয়া তাঁহাদিগকে আসন্ন বিপদ হইতে বাঁচাইতাম, সর্বদা তাঁহাদের বাড়িতে সংবাদ লইতাম। কিছুতেই আমাকে বিচলিত করিতে পারিত না। তখন তাঁহাদের জন্য যে ঋণ করিয়াছিলাম, তাহা শুধিতে আমার বহুদিন গিয়াছে। তাঁহাদের বিষয়ে আমার দায়িত্ব যখন স্মরণ করিতাম, তখন যথাসাধ্য সাহায্যের জন্য বন্ধপরিকর



হইতাম। ইহার কয়েক বৎসর পরে উপেন বিলাতে যান, ও সেখানে কয়েক হন। এ দেশে ফিরিয়া দেশীয় বঙ্গভূমির অভিনেতা ও অভিনেত্রীদের সহিত মিলিত হইয়া কোনো প্রকারে কিঞ্চিৎ অর্থোপার্জনের প্রয়াস পান। এই সময়ে তাঁহার পুরাতন বন্ধুরা সকলে তাঁহাকে পরিত্যাগ করেন। আমিও সেই সঙ্গে উপেন হইতে দূরে পড়ি।

আমর একটি বিধবা বালিকার কাহিনী। এই স্থানে বিজ্ঞানাগর মহাশয় সংক্রান্ত আর একটি ঘটনা উল্লেখযোগ্য। যোগেন ও মহালক্ষ্মীর সহিত একত্র বাসকালে এই ঘটনাটি ঘটিয়াছিল। যোগেনের বিবাহের কিছুদিন পরে আমরা চাঁপাতলার দীঘির পূর্ববর্তী একটি বাড়িতে গিয়া প্রতিষ্ঠিত হইলাম। সেখানে বিজ্ঞানাগর মহাশয় সপ্তাহে দুই-তিনদিন আসিয়া আমাদেরকে দেখিতে লাগিলেন এবং আবশ্যকমতো সাহায্য করিতে লাগিলেন। সেই পাড়াতেই পাশের বাড়িতে একটি ছুতর জাতীয় বিধবা জ্বালোক থাকিত। তাহার একটি ছয়-সাত-বৎসর বয়স্কা মেয়ে ছিল, সেটিও বিধবা। তাহার মা যখন শুনিল যে আমরা মহালক্ষ্মীর বিধবাবিবাহ দিয়াছি, তখন তাহার ইচ্ছা হইল যে নিজের বিধবা মেয়েটির আবার বিবাহ দিবে, আমাদেরকে সেই ইচ্ছা জানাইল। মেয়েটি সকাল বিকাল আমাদের বাড়িতে আসিতে ও আমাদের সঙ্গে কাল যাপন করিতে লাগিল। আমাদের ‘দাদা’ বলিয়া ডাকিত এবং আমার গলা জড়াইয়া আমার কোলে বসিয়া থাকিত। একদিন প্রাতে সে আমার গলা জড়াইয়া কোলে বসিয়া আছে, এমন সময়ে বিজ্ঞানাগর মহাশয় আসিলেন। মেয়েটিকে আগে তিনি দেখেন নাই, আমার কোলে তাহাকে দেখিয়া বলিলেন, “ও মেয়েটি কে হে? বাঃ, বেশ সুন্দর মেয়েটি তো।” আমি বলিলাম, “ওটি পাশের বাড়ির একটি ছুতরের মেয়ে, আমাদের দাদা বলে, আমার কোলে বসতে ভালোবাসে। ওটি বিধবা, ওর মা ওর বিয়ে দিতে চায়, তাই আমাদের কাছে দিয়েছে।” এই কথা শুনিয়াই বিজ্ঞানাগর মহাশয় চমকাইয়া উঠিলেন; “বল কি! এইটুকু মেয়ে বিধবা!” তাহার পর তাহাকে ডাকিলেন, “আয় মা, আমার কোলে আয়।” সে তো লজ্জাতে যাইতে চায় না, আমি কোলে করিয়া তাহার কোলে বসাইয়া দিলাম। বিজ্ঞানাগর মহাশয় তাহাকে বুকে ধরিয়া আদর করিতে লাগিলেন। শেষে যাইবার সময় মেয়েটিকে ও তাহার মাকে পালকি করিয়া তৎপর দিন বৈকালে তাহার ভবনে পাঠাইবার জন্ত অনুরোধ করিয়া গেলেন এবং আমাদের বলিয়া গেলেন, “মেয়েটিকে বেথুন স্কুলে ভর্তি করে দেও, মাহিনা আমি দেব।”

পরদিন বৈকালে মেয়েটিকে ও তাহার মাকে পালকি করিয়া বিজ্ঞানাগর মহাশয়ের বাড়িতে পাঠানো গেল। তাহার সন্ধ্যার সময় আসিয়া বিজ্ঞানাগর মহাশয়ের জননী ভগবতী দেবীর যে প্রশংসা করিল তাহা শুনিয়া আমাদের মন পুলকিত হইয়া

উঠিল। তুনিলাম, ভগবতী দেবী ছুতরের মেয়ে বলিয়া তাহাদিগকে স্থণা করা হুবে খাহুক, মেয়েটিকে কোলে জড়াইয়াছেন, কাছে বলিয়া তাহাদিগকে খাওয়াইয়াছেন, এবং আসিবার সময় ছজনকে কাপড় দিয়াছেন। দুঃখের বিষয়, এই মেয়েটিকে বেথুন স্কুলে ভর্তি করিবার পূর্বেই সেই বাড়িতে বিষম কলেরা বোগে মহালক্ষ্মীর মৃত্যু হইল, আমাদের বাসা ভাঙিয়া গেল, আমরা ছড়াইয়া পড়িলাম। মেয়েটির মাও পাশের বাড়ি হইতে উঠিয়া গেল। মেয়েটি আমাদের হাতছাড়া হইল।

ইহার বহুদিন পরে মেয়েটির সহিত আমার আবার একবার সাক্ষাৎ হইয়াছিল, তাহা এই সবেই বলা যাউক। তখন আমি সাধারণ ব্রাহ্মসমাজের আচার্য, এবং ব্রাহ্ম-সমাজ লাইব্রেরি গৃহে বাস করি। একদিন একজন ভূত্য কোনো স্বীলোকের একখানি পত্র লইয়া উপস্থিত। খুলিয়া দেখি, দেখানি ঐ মেয়েটির পত্র! সে আমাকে লিখিয়াছে, “বহু বৎসর পূর্বে চাঁপাতলার দিঘীর কোণের এক বাড়িতে পাড়ার একটি ৭।৮ বৎসরের বালিকা আপনাকে ‘দাদা’ বলিত ও কোলে পিঠে উঠিত, আপনার হয়তো মনে আছে। আমি সেই হতভাগিনী। আমি বিপদে পড়িয়া আপনাকে ডাকিতেছি। একবার দয়া করিয়া আসিয়া সাক্ষাৎ করিবেন।” আমি মনে করিলাম, বিশেষ বিপদে না পড়িলে এতদিন পরে আমাকে স্মরণ করে নাই, আমার যাওয়াই কর্তব্য। এই ভাবিয়া তাহার বাড়িতে গেলাম। গিয়া যাহা তুনিলাম, তাহা এই। আমরা ও তাহার মা চাঁপাতলা পরিভাগ করিলে তাহার মা আর বিজ্ঞানাগর মহাশয়ের নিকট যায় নাই। সে বড় হইয়া উঠিলে তাহার মা তাহাকে পাপ পথে লইয়া গেল। সেই অবস্থা হইতে ক্রমে সে এক ব্যক্তির উপপত্নীরূপে বাস করিতে লাগিল ও তাহার দুইটি পুত্রসন্তান জন্মিল। তাহাদিগকে লইয়া বিবাহিতা স্ত্রীর স্তায় স্নেহেই তাহার কাল কাটিতেছিল। যে ব্যক্তি তাহাকে রাখিয়াছিল সে তাহাকে একখানি বাড়ি কিনিয়া দিয়াছিল, এবং লেখাপড়া করিয়া তাহাকে কয়েক হাজার টাকার কোম্পানির কাগজও দিয়াছিল। কিন্তু পুত্রদ্বয় বয়ঃপ্রাপ্ত হইবার পূর্বেই সে ব্যক্তি তাহারই বাড়িতে গুরুতর পীড়ায় আক্রান্ত হইল। এই অবস্থাতে সে ব্যক্তি কোম্পানির কাগজের লেখাপড়াগুলি ছিঁড়িয়া ফেলিয়া নিজের বিবাহিতা স্ত্রী ও পুত্রের কাছে গিয়া আশ্রয় লইল। কেবলমাত্র বাড়িখানি এই মেয়েটির রহিল। ছেলে দুইটি লইয়া সে বিপদ সমুদ্রে ভাসিল। এই অবস্থাতে সে আমাকে স্মরণ করিয়াছিল।

আমি তাহার বাড়িতে মধ্যে মধ্যে যাতায়াত করিতে আরম্ভ করিলাম। কিছুদিন পূর্বেই দেখিলাম, তাহার এই অবস্থাতে বন্ধুতা দেখাইয়া কুলোক তাহাকে ঘিরিতেছে। তখন আমি তাহাকে সে বাড়ি ভাড়া দিয়া আমার নির্দিষ্ট অন্ত কোনো স্থানে উঠিয়া আসিবার জন্ত অনুরোধ করিতে লাগিলাম। কিন্তু সে তাহা করিল না, সেই বাড়ি

বাহিরের অংশ ভাড়া দিয়া ভিতরের অংশে পুত্র সহ থাকিতে লাগিল। একদিন গিয়া দেখি, একটি ১০। ২০ বৎসরের মেয়ে কোথা হইতে জুটিয়াছে, তাহার একটা ইতিবৃত্ত আমাকে বলিল, তাহা এখন স্মরণ নাই। কিন্তু ঐ মেয়ের ঘরে ফরাস বিছানা তাকিয়া বাঁধা ছকা প্রভৃতি দেখিলাম। তখন মনে হইল, নিজের রূপ যৌবন গত হওয়াতে তাহাকে অর্থোপার্জনের আশায় আনিয়াছে। তখন আমি বলিলাম, “এই আমার তোমার ভবনে শেষ আসা।”

আমার এই ভগিনীকে অনেক দিন পরিত্যাগ করিয়া আসিয়াছি। কিন্তু তাহার বিষয় স্মরণ করিয়া এখনও দুঃখ হয়। সে এতদিন পরে ‘দাদা’ বলিয়া স্মরণ করিল, তাহাকে যে হাতে ধরিয়া বিপথ হইতে স্থপথে আনিতে পারিলাম না, এই বড় দুঃখ রহিয়া গেল।

মাতৃস্নেহের প্রতিদ্বন্দ্বী আমার ঝি। মহালক্ষ্মী বাঁচিয়া থাকিতে থাকিতে আর একটি খটনা ঘটিয়াছিল, যাহা অত্যাঁপি স্থিতিতে উজ্জ্বল রহিয়াছে। একদিন মহালক্ষ্মীর ভাই ঈশান আসিয়া বলিলেন যে, তাঁহাদের হাসপাতালে একটি স্ত্রীলোক আসিয়াছে, তাহার গলায় ঘা হইয়া গলা বন্ধ হইয়া গিয়াছে, গলদেশ ছেঁদা করিয়া তদ্বারা আহার করানো হইতেছে। তৎপরে আর একদিন বলিলেন যে, সে স্ত্রীলোকটি কাঁদিয়া তাঁহাকে বলিয়াছে, “দাদা ঠাকুর, আমাকে রক্ষা কর, একটা কাজ জুটিয়ে দাও, হুস্থ হয়ে আমাকে যেন আর পূর্বের স্থণিত ব্যবসায় প্রবৃত্ত হতে না হয়।” শুনিয়া আমার বড় দুঃখ হইল। আমি ঈশানকে বলিলাম, “তার একটা কাজের যোগাড় করে দাও। সে যখন বাঁচতে চায় তাকে বাঁচাও, এটা একটা অবশ্য কর্তব্য কর্ম।” শুনিয়া ঈশান হাসিয়া বলিলেন, “হাঃ! আমার আর কাজ নেই, আমি ওর চাকুরী খুঁজতে বেরুই!” আমি বলিলাম, “আচ্ছা, আমাদের বাড়িতে চাকরানী করে আন না কেন?” ঈশান সে কথায় কর্ণপাত করিলেন না।

কিন্তু আমার মনটা স্থির হইতে পারিল না। আমি ঈশানের মাকে ও মহালক্ষ্মীকে বুঝাইয়া তাহাকে আমাদের বাড়িতে চাকরানীর কাজে আনিলাম। সে বোধ হয় মেয়েদের নিকট শুনিল যে আমিই প্রধান উত্তোগী হইয়া তাহাকে আনিয়াছি, কারণ, দেখিতে লাগিলাম যে আমার দিকে তাহার বিশেষ মনোযোগ। সে আমার নাম রাখিল ‘ভালোমামুখবাবু’। এই ‘ভালোমামুখবাবু’ নাম আমার অনেক দিন ছিল। আমি ব্রাহ্মসমাজে প্রবেশ করার পর প্রসন্নময়ীকে যখন আনিলাম, তখন তিনিও এই ঝির মুখে শুনিয়া আমাকে ‘ভালোমামুখবাবু’ বলিয়া ডাকিতেন।

এই ঝির কথা এই জন্ম মনে আছে যে, আমার প্রতি তাহার ভালোবাসার গভীরতা দেখিয়া একবার আমার মা চমৎকৃত হইয়া গিয়াছিলেন। একবার তিনি মহালক্ষ্মীর

মৃত্যুর পর চিকিৎসার জন্য কলিকাতায় আসেন। তখন তাঁহাকে একটি স্বতন্ত্র বাড়িতে রাখিয়া ঐ ঠিক্কে তাঁহার পরিচর্যার জন্য দি। একদিন মা আমাকে বলিলেন, “ও রে দেখ, তোকে আমার চেয়েও কেউ ভালোবাসে, এটা আমার সম্বন্ধ হয় না।”

আমি (বিস্মিত)। সে কি! তোমার চেয়ে তো কেউ আমাকে ভালোবাসে না।

মা। না রে, তোর ঝি আমার চেয়ে তোকে ভালোবাসে।

আমি (হাসিয়া)। এমন কথাও তুমি বল! এ কথা তোমার কেন মনে হল?

তখন শুনিলাম, মা দেখিয়াছেন যে, তিনি ঝিকে একপ্রকার বাজার করিয়া আনিতে বলেন, সে সে-পরামর্শ ভাঙিয়া চুরিয়া আর এক প্রকার করিয়া আনে। কারণ জিজ্ঞাসা করিলে বলে যে ‘ভালোমামুষবাবু’ ঐ সব ভালবাসেন। কেবল তা নয়, মা রাঁধিতে বসিলে সে বাস্নাঘরের দ্বার চাপিয়া বসে, এবং ‘এই রকম ক’রে রাঁধ’ ‘এই রকম ক’রে রাঁধ’ বলিয়া অতুরোধ করিতে থাকে। মা হাসিয়া বলেন, “ও রে, আমার পেটের ছেলে, ও কি ভালবাসে না বাসে তা কি আমি জানি না?”—পরে আমরা কলিকাতা ত্যাগ করিলে এই ঝি আমাদের সঙ্গে ছাড়িয়া গিয়াছিল।

সাধে কি নারীজাতিকে ভালোবাসি! যে পাশে ডুবিয়াছিল, পাপ যার দৈনিক আচরণ হইয়াছিল, তাহারও হৃদয়ে এই প্রেমের শক্তি, তাহারও এই রুতজ্ঞতা! আমার চাকর-ভাগ্য চিরদিনই ভালো। ইহার প্রমাণ পরে আরও প্রদত্ত হইবে।

**বেণীসংহার নাটকে যুগ্মভিত্তিরের ভূমিকা অভিনয়।** ১৮৬৯ সালের বসন্ত কালে আমরা সংস্কৃত কলেজের ছাত্রগণ মিলিয়া শোভাবাজারের রাজবাড়ির নাট্যমন্দিরে সংস্কৃত বেণীসংহার নাটকের অভিনয় করিলাম। তাহার বিবরণ এই। সেবাবে বি.এ. পরীক্ষাতে সংস্কৃত বেণীসংহার পাঠ্য ছিল। আমাদের কলেজের উচ্চশ্রেণীর ছাত্রেরা মনে করিলেন, সংস্কৃত বেণীসংহার অভিনয় করিয়া দেখাইলে বি. এ. ক্লাসের ছেলেদের বিশেষ উপকার হইতে পারে। এই ভাবিয়া তাঁহারা বেণীসংহারের অভিনয়ের যোগাড় করিতে লাগিলেন। অগ্রে তাঁহারা আমাকে সে সংবাদ দেন নাই, অথবা আমাকে তাঁহাদিগের পরামর্শের অংশী করেন নাই। যখন তাঁহাদের কাজটা কিয়দূর অগ্রসর হইয়াছে, তখন আসিয়া আমাকে তাহাতে যোগ দিবার জন্য ধরিলেন। আমার পরামর্শটা মন্দ বোধ হইল না। বিশেষত অভিনয় দেখা আমার বাতিক। বর্তমান বঙ্গ রঙ্গভূমি সকলে ব্যাঙ্গনা অভিনেত্রী প্রবিষ্ট করিবার পূর্বে আমি প্রায় প্রতি শনিবার অভিনয় দেখিতে যাইতাম। স্বরণ আছে যে, লোমপ্রকাশের প্রতিনিধিরূপে হরিনাভি হইতে অভিনয় দেখিতে কলিকাতায় আসিতাম। ব্যাঙ্গনা অভিনেত্রী যেদিন হইতে আসিল, সেদিন হইতে আমার অন্তর্ধান।

সে যাহা হউক, সহাধ্যায়ী ছাত্রেরা যখন আমাকে ডাকিল, তখন তাহাদের

কমিটিতে থাকিতে রাজি হইলাম এবং নিজে একজন অভিনেতা হইতে প্রস্তুত হইলাম। আমি হইলাম যুধিষ্ঠির, আমার বন্ধু যোগেন্দ্র হইলেন অর্জুন ও অপরা বন্ধু উমেশ হইলেন অশ্বথামা। কলেজের নিয়ন্ত্রণীর কয়েকটি হুন্দের হুন্দের ছেলেকে মেয়েদের পার্ট দেওয়া গেল। আমরা মোহাড়া দিয়া সকলকে উত্তমরূপে শিখাইয়া শোভাবাজারের রাজবাড়ির নাটমন্দির ঠিক করিয়া, কলিকাতা হুগলী কৃষ্ণনগর প্রভৃতি কলেজ সকলের বি. এ. ক্লাসের ছাত্রদিগকে টিকিট প্রেরণ করিয়া নিমন্ত্রণ করিয়াছি, এমন সময়ে এই অভিনয়ের বিরুদ্ধে আমাদের কলেজের মধ্যেই মহা আন্দোলন উপস্থিত হইল। পণ্ডিতমহাশয়ের বলিতে লাগিলেন যে, ছেলেরা পড়াশোনা ছাড়িয়া কেবল অভিনয় লইয়া মতিয়াছে। আর বাস্তবিক তাহাদের অভিযোগ করিবার কারণও ছিল। আমরা যাহাদিগকে অভিনেতা করিয়াছিলাম, তাহারা কিছু বাড়াবাড়ি করিতে লাগিল। যাহাকে দুর্বোধ্যন করিয়াছিলাম, সে ভাষ্যমতীকে ক্লাসের মধ্যেই ‘প্রেরসী’ বলিয়া ডাকিতে লাগিল, এবং তাহার কণ্ঠালিঙ্গন প্রভৃতি করিতে লাগিল, ইত্যাদি। এই সব কারণে পণ্ডিতমহাশয়দিগের আপত্তি প্রবল হইয়া উঠিল। আমি ইহার মধ্যে আছি জানিয়া তাহারা একদিন আমাকে ডাকিয়া পাঠাইলেন। আমি গিয়া দেখি যে, সভাতে আমাদের প্রিন্সিপাল, বড়-বড় অধ্যাপকগণ, আমার মাতুলমহাশয়, অপরাপর পণ্ডিতগণ সকলেই সমাসীন আছেন। আমি তো দেখিয়াই কাঁপিয়া গেলাম। দণ্ডাই অপরাধীর ভ্রাতৃ তাহাদের সম্মুখে ভয়ে ভয়ে দাঁড়াইলাম। প্রিন্সিপাল সর্বাধিকারী মহাশয় তাহাদের মুখপাত্রস্বরূপ হইয়া বলিলেন, “আমাদের কাহারও ইচ্ছা নয় যে, তোমরা এই অভিনয় কর, ছেলেরা খারাপ হইয়া যাইতেছে। তুমি ইহার ভিতর কিরূপে গেলে?”

আমি। আজ্ঞে, আমি আগে ইহার ভিতর ছিলাম না, পরে গিয়াছি। এবার বেণীসংহার বি.এ. কোর্সে আছে, অভিনয় করিয়া দেখাইলে আমাদেরও উপকার, অন্ত ছেলেদেরও উপকার।

প্রিন্সিপাল। তাহা হইলেও কলেজের ছেলে খারাপ করা কি ভালো?

আমি। যা কিছু দেখিতেছেন দুদিনের জন্ত, তাহার পর সব ধামিয়া যাইবে।

একজন অধ্যাপক। না না, তাহা হইবে না। ও সব বন্ধ করিয়া দাও।

আমি। মহাশয়দের অনভিমতে আমার কিছু করিবার ইচ্ছা নয়। আপনারা নিষেধ করিলে এখনি ও সব ধামিয়া যাওয়া উচিত। তবে মহাশয়দিগকে একটা কথা ভাবিতে বলি। অভিনয়ের আর তিন-চারদিন আছে, হুগলী কৃষ্ণনগর প্রভৃতি কলেজের ছেলেদের নিমন্ত্রণ করা হইয়াছে, এখন না করিলে আমাদের বড় লজ্জার কথা। অন্ত একবার অভিনয়ের জন্ত অল্পমতি দিন।

প্রিন্সিপাল। আচ্ছা, তুমি যাও। আমরা বিবেচনা করি, তাহার পর তোমার আবার ডাকিব।

আমি তো ‘যে আজ্ঞা’ বলিয়া প্রস্থান করিলাম। বন্ধুদলে আসিয়া সংবাদ দিলে মহা উত্তেজনা দৃষ্ট হইল। তাহাদিগকে ধামাইতে অনেক সময় গেল। অবশেষে অধ্যাপকগণ আবার ডাকিলেন। ডাকিয়া বলিলেন, “তোমরা একবার মাত্র অভিনয় করিতে পার। তবে তোমাকে তিনটি কাজ করিতে হইবে। প্রথম, নিয়ন্ত্রণীয় যে সকল বালককে অভিনয়ে লইয়াছ, তাহাদের অভিভাবকদের অনুমতি আনিতে হইবে। দ্বিতীয়, অভিনয় স্থলে গায়ক ও বাদকদের সঙ্গে কলেজের ছেলেদিগকে মিশিতে দিবে না। তৃতীয়, নিয়ন্ত্রণীয় ছেলেদিগকে ধরে পাঠাইয়া তবে তুমি সৈন্য-ত্যাগ করিবে।” আমি ‘যে আজ্ঞা’ বলিয়া তাহাতেই সন্মত হইলাম।

যথাসময়ে রাজ্যবাড়িতে অভিনয় হইল। অধ্যাপকগণকে নিমন্ত্রণ করিয়াছিলাম, তাহাদের মধ্যে কেহ-কেহ উপস্থিত ছিলেন। অভিনয় বেশ হইল, কিন্তু আমার সেদিন গুরুতর দায়িত্বভারে আমোদ করিবার সময় হইল না। গায়ক ও বাদকদিগকে প্রাটফর্মের নিচে বসাইয়া বেড়া দিয়া দিয়াছিলাম। নিজে সমস্ত সময় সাজঘরের ভিতর ছিলাম, কেবল নিজের অভিনয়ের সময় বাহিরে আসিয়াছিলাম, এবং রাত্রি একটার সময় অভিনয় শেষ হইলে, প্রায় রাত্রি তিনটা পর্যন্ত বসিয়া ছিলাম, সকল অভিনেতাকে গাড়ি আনাইয়া বাড়িতে পাঠাইয়া তবে নিজে বাড়িতে গিয়াছিলাম। এই জন্ত এই অভিনয়ের কথাটা এতদিন স্মরণ রহিয়াছে।

**ব্রাহ্মধর্মে দীক্ষা ; উপবীত ত্যাগ ; পিতৃগৃহ হইতে**

**তাড়িত হওয়া ; ব্রাহ্ম দলে সমাদর।**

ব্রাহ্মসমাজে প্রবেশ। এখন আমার ব্রাহ্মসমাজে প্রবেশের বিবরণ বলি। ১৮৬৫ সালে আমার হৃদয় পরিবর্তনের দিন হইতে আমি কিরূপে অল্পে-অল্পে ব্রাহ্মতাবাপন্ন হইয়া ব্রাহ্মসমাজের দিকে আকৃষ্ট হইতেছিলাম, তাহা অগ্রেই বর্ণনা করিয়াছি। বাস্তবিক, তদবধি এই ১৮৬৮ সালের শেষ পর্যন্ত আমার হৃদয়ে ব্যাকুলতা অগ্নির মতো জলিতেছিল। আমার অনেক পুরাতন কুৎসিত অভ্যাস ত্যাগ করিতে দৃঢ়প্রতিজ্ঞ হইয়াছিলাম। যাহাতে নীতি বা ধর্মের উপদেশ আছে একরূপ কোনো গ্রন্থ পাইলেই তাহা অতি উপাদেয় বোধ হইত, এবং তাহা আর ছাড়িতে ইচ্ছা হইত না। এই কারণে বড়লোকদিগের জীবনচরিত পড়িতে ভালো লাগিত।

এই জীবনচরিত পড়ার বাতিকটা এখনো আছে। আমি ভাবিয়া দেখিয়াছি, ধর্ম-বিজ্ঞান (থিওলজি) অপেক্ষা ধর্মজীবনের (প্র্যাকটিকাল থিওলজি) প্রতি আমার চিরদিন অধিক দৃষ্টি। অথচ ভাবিতে ক্লেশ হয়, লিখিতে চক্ষে জল আসিতেছে, এই

প্র্যাকটিকাল রিলিজিওনেই আমি সর্বাধিক অধিক হারিয়া গিয়াছি। আমার আকাঙ্ক্ষা চিরদিন আধ্যাত্মিক উন্নতির দিকে রহিয়াছে, কিন্তু প্রবৃত্তি সকলকে সকল সময়ে সে আকাঙ্ক্ষার বশীভূত করিতে পারি নাই। নিজের নানা প্রকার দুর্বলতার সহিত মহা সংগ্রামে বাস করিতে হইয়াছে।

যাহা হউক, এই কয়েক বৎসরের মধ্যে আমি অনেক জীবনচরিত পড়িয়া ফেলি। স্বয়ং আছে যে, প্রতিদিন বৈকালে কলেজ হইতে আসিয়া ‘বীটনস্ বাইওগ্রাফিকাল ডিকশনারি’ হইতে বড় বড় লোকের জীবনচরিত পড়িতাম। যাহুস সংগ্রাম করিয়া প্রতিকূল অবস্থার মধ্যে দাঁড়াইয়া নিজের জীবনের মহত্ব সাধন করিয়াছে, ইহা দেখিলে আমার আনন্দ হয়, ভাবিতে সুখ হয়, আমি তাহার মধ্যে মানব জীবনের দায়িত্ব ও ঈশ্বরের রূপার শ্রেষ্ঠ নিদর্শন পাই। জীবনচরিত ভিন্ন আরও কয়েকখানি গ্রন্থে এই উপকার পাইয়াছিলাম। খিওডোর পার্কারের গ্রন্থাবলীর উল্লেখ আগেই করিয়াছি। নিউম্যানের ‘সোল’-ও বোধ হয় এই সময় পড়িয়া থাকিব। তৎপরে আমাদের এল. এ. কোর্সে আর্থার হেলস-এর ‘এসেজ্ রিটন্ ইন দি ইন্টারভালস্ অভ বিজনেস্’ ছিল। তাহা দ্বারা এত উপকৃত হইয়াছিলাম যে, সেই সূত্রে হেলস-এর ‘ফ্রেণ্ডস্ ইন কাউন্সিল’ আনিয়া পড়ি। আমি মুক্তকণ্ঠে স্বীকার করিতেছি, আমার ধর্মজীবনের সেই প্রথমোক্তয়ে আমি উভয় গ্রন্থ হইতে বিশেষ সাহায্য পাই। তৎপরে মহর্ষি দেবেন্দ্রনাথ ঠাকুরের মৌখিক ও লিখিত উপদেশ, তাহাতে আমাকে কি শক্তি কি সাহায্য দিত, তাহা বলিতে পারি না। এক-একদিন তাহার উপদেশ শুনিয়া দশ-বারোদিন সেই নেশাতে থাকিতাম। সংক্ষেপে বলিতে গেলে, ঐ সময় আমার জ্ঞানের বুভুক্ষা অতিশয় প্রবল ছিল। যখনই কোনো ভালো গ্রন্থ হাতে পাইতাম, অমনি স্ফূর্তি ব্যাক্ত যেমন আমিষ খণ্ডের উপরে পড়ে, সেই ভাবে তাহার উপরে পড়িতাম।

সাধারণ ব্রাহ্মসমাজের গঠন কার্যে যে কয়েক বৎসর ব্যাপৃত ছিলাম, সে কয়েক বৎসর কার্যের ভিড়ে পড়িয়া আমার এই বুভুক্ষাকে সম্পূর্ণ চরিতার্থ করিতে পারিতাম না। আবার এতদিনের পরে সেই বুভুক্ষা প্রাণে জাগিয়া উঠিতেছে। কিন্তু হায়! আর সে শক্তি নাই। এখন মনে হয়, আবার যদি যৌবনের শক্তি পাই ও মনের মতো লাইব্রেরি পাই, একবার প্রাণ ভরিয়া পড়ি।

মহর্ষি দেবেন্দ্রনাথের আদি ব্রাহ্মসমাজ। আমার ব্রাহ্মধর্ম ও ব্রাহ্মসমাজের প্রতি আকর্ষণ ১৮৬৫ সাল হইতে জন্মিলেও আমি এতদিন পর্যন্ত লজ্জাবশত কিরূপে ব্রাহ্মসমাজ হইতে দূরে দূরে থাকিতাম, তাহা আগেই বলিয়াছি। যত দূর মনে হয়, ১৮৬৭ সাল পর্যন্ত কেশবচন্দ্রের উন্নতিশীল দল অপেক্ষা দেবেন্দ্রনাথ ঠাকুর ও আদি সমাজের দিকেই আমার অধিক আকর্ষণ ছিল। আমার যত দূর স্মরণ হয়, আমার জ্ঞান দাদা

হেমচন্দ্র বিজ্ঞানবন্ধু ( যিনি আদি সমাজের ব্রাহ্ম ও তত্ত্ববোধিনী সন্থাদক ছিলেন এবং আমার নিকট সর্বদা মহর্ষি দেবেন্দ্রনাথের প্রশংসা ও উন্নতিশীল ব্রাহ্মদলের মিন্দা করিতেন ) তিনিই এই আকর্ষণের প্রধান কারণ ছিলেন। আমার মাতুল স্বর্গীয় ষারকানাথ বিজ্ঞানভূষণও উন্নতিশীল দলের পক্ষে ছিলেন না, তাহাও একটা কারণ হইতে পারে। সেই কারণে উন্নতিশীলদের কথাবার্তা কাজকর্ম যেন ভালো লাগিত না। বস্তুত উন্নতিশীল দলের সঙ্গে আমি অধিক সংস্বব রাখিতাম না। তবে পৌত্তলিকতা ও জাতিভেদ ত্যাগ করিতে দৃঢ়প্রতিজ্ঞ হইয়াছিলাম।

কেশব সেনের উন্নতিশীল ব্রাহ্মসমাজ। ১৮৬৮ সালের প্রারম্ভ অবধি উন্নতিশীল ব্রাহ্মদলের সহিত যোগ কিঞ্চিৎ গাঢ়তর হয়। তাহা এই প্রকারে ঘটে। ঐ বৎসরের প্রারম্ভে গুনিলাম মাঘোৎসবের সময় উন্নতিশীল দল আপনাদের উপাসনা মন্দিরের ভিত্তিস্থাপন করিবেন এবং তদুপলক্ষে নগরকীর্তন হইবে। এই সংবাদে আমার মাতুল-মহাশয় তাঁহার কাগজে ও কথাবার্তাতে ইহাদের প্রতি অসন্তোষ প্রকাশ করিতে লাগিলেন, “এ নেড়ানেড়ী কাণ্ড কেন?” তত্ত্বিন্ন হেমচন্দ্র বিজ্ঞানবন্ধু মহাশয়ও অনেক উপহাস বিদ্রূপ করিতে লাগিলেন। সর্বোপরি, আমি শাক্ত বংশের ছেলে, বৈষ্ণবদের কীর্তনের প্রতি পূর্বাধি অতিশয় অশ্রদ্ধা ছিল। এমন কি, কোনো যাত্রা গান শুনিতে গিয়া যদি দেখিতাম খোল করতাল আসিল ও কীর্তন আরম্ভ হইল, অনেক সময় সে স্থান পরিত্যাগ করিতাম। আমি ভাবিলাম, উন্নতিশীল দল রাস্তাতে ঢলাঢলি করিতে যাইতেছে। এই ভাবিয়া বিরক্ত চিত্তে ১১ই মাঘ সকালবেলা সে দলের দিকে না গিয়া আদি সমাজের উপাসনাতে গেলাম। উপাসনাক্ষেত্রে আদি সমাজের সিঁড়ি দিয়া নামিয়া আসিতেছি, এমন সময় কয়েকজন বাবু আসিতেছেন, তাঁহারা বলিতে বলিতে আসিতেছেন, “মহাশয়, দেখলেন না তো, কেশব শহর মাতিয়ে তুলেছেন।”

নগরকীর্তনে হাত্তাস্পদ না হইয়া কৃতকার্য হইয়াছে, এই কথাটা বড় নূতন লাগিল। আমি জিজ্ঞাসা করিলাম, “মহাশয়, সে কি রকম?” তখন তাঁহারা আমার হস্তে নগর কীর্তনের কাগজ দিলেন। আমি সেই সিঁড়িতে দাঁড়াইয়া পড়িতে লাগিলাম। তাহাতে আছে—

তোঁরা আয় রে ভাই, এত দিনে ছুঁথের নিশি হল অবসান,  
নগরে উঠিল ব্রহ্মনাম।

নরনারী সাধারণের সমান অধিকার,

যার আছে ভক্তি পাবে মুক্তি, নাহি জাত বিচার। ইত্যাদি।

এই আহ্বান ধনি আমার প্রাণে বাজিল, আমার যেন মনে হইল, আমাকে



ডাকিতেছে। ইহাতে ব্রাহ্মধর্মের যে আদর্শ আমার নিকট ধরিল, তাহাতে আমার প্রাণ মুগ্ধ করিয়া ফেলিল। আমি জিজ্ঞাসা করিলাম, “ইহাদের উৎসব হবে কোথায়?” শুনিলাম, সিন্দুরিয়াপটীস্থ গোপাল মন্দিরের বাড়িতে, আমি সেইদিকে চলিলাম। উপাসনার পর প্রাতে দেবেজনাথ ঠাকুর মহাশয়ের ভবনে আহারের নিয়ন্ত্রণ ছিল, তখন আর তাহা মনে থাকিল না। গোপাল মন্দিরের বাড়িতে গিয়া দেখি কেশববাবুর জ্যেষ্ঠ মহোদয় নবীনচন্দ্র সেন মহাশয় বাড়ি সাজাইতেছেন। তখনো উন্নতিশীল দলের লোকেরা সেখানে আসিয়া পৌঁছান নাই। তখন আবার কলুটোলা কেশববাবুর ভবনাভিমুখে যাত্রা করিলাম। গিয়া দেখি, কেশববাবুরা সদলে সবে ফিরিয়া আসিয়া, ভিক্টর কুলিতে যে টাকা পাইয়াছেন তাহা গুণিতেছেন। আমার পুরাতন সহাধ্যায়ী বন্ধু বিজয়কৃষ্ণ গোস্বামী সে সঙ্গে আছেন। গোস্বামী আমাকে দেখিয়াই “কি ভাই!” বলিয়া আসিয়া আমার কণ্ঠালিঙ্গন করিলেন। সেই আমাকে উন্নতিশীল দলের সঙ্গে যেন বাঁধিয়া ফেলিলেন। তৎপরে আমি তাঁহাদের সঙ্গে গোপাল মন্দিরের বাড়িতে গেলাম। তাঁহারা সেদিন আহার করিলেন না, আমারও আহারের কথা মনে রহিল না। উৎসব-মন্দিরে গিয়া সমস্ত দিন উৎসব চলিল। আমি সেই ভিড়ের মধ্যে এক কোণে যে দাঁড়াইয়া ছিলাম, সেই কোণেই সমস্ত দিন ও রাত্রি দশটা পর্যন্ত দাঁড়াইয়া যোগ দিলাম। সমস্ত দিন যে-কিছু কাজ হইল আমি যেন তাহার ভিতর নিমগ্ন রহিলাম।

মাগ্নকালে গবর্গর জেনারেল লর্ড লরেন্স আসিলেন। সেদিন কেশববাবু রিজেনারেটিং ফেইথ বিষয়ে উপদেশ দিলেন। একরূপ উপদেশ আমি অল্পট শুনিয়াছি। ধর্মবিশ্বাস যদি নবজীবন আনিয়া না দেয় তবে তাহা ধর্মবিশ্বাস নয়। এই সত্য আমার সমক্ষে আধ্যাত্মিক জীবনের জন্ত একটা নূতন দ্বার যেন খুলিয়া দিল। আমি উন্নতিশীল দলের সঙ্গে হাড়ে হাড়ে বাঁধা পড়িলাম।

অথচ শুনিয়া অনেকে আশ্চর্য বোধ করিবেন যে, ইহার পরও আমি তাঁহাদিগের সঙ্গ হইতে লজ্জাবশত দূরে থাকিতাম। তখন আমি প্রতিদিন ব্রহ্মোপাসনা করিতাম (যদিও উপবীতটা তখন ছিল), কিন্তু ব্রাহ্মদের সঙ্গে বড় মিশিতাম না। মধ্যে-মধ্যে রবিবারে প্রাতে কেশববাবুর কলুটোলার বাড়িতে উপাসনাতে যোগ দিতে যাইতাম। কিন্তু কীর্তনের সময় ব্রাহ্মদিগের অনেকে গড়াগড়ি দিতেন, নানা প্রকার চীৎকার করিতেন, পরস্পরে পা ধরাধরি করিতেন ও কেশববাবুর পায়ে পড়িতেন, এজন্ত ভালো করিয়া উপাসনাতে যোগ দিবার ব্যাঘাত হইত। সেই কারণে সর্বদা যাইতাম না, মধ্যে-মধ্যে যাইতাম মাত্র।

বরপুজার আন্দোলন। এই ১৮৬৮ সালের অক্টোবর মাসে মূর্দেশ হইতে ব্রাহ্মসমাজে

নরপূজার আন্দোলন উঠে। আমাদের বন্ধু হয় বাবু যদুনাথ চক্রবর্তী ও বিজয়কৃষ্ণ গোস্বামী সংবাদপত্রে প্রচার করিয়া দেন যে, ব্রাহ্মের কেশববাবুকে ‘প্রভু জ্ঞাপকর্তা’ প্রভৃতি বলিয়া সম্বোধন করিতেছেন, তাঁহার চরণে ধরিয়া পরিজ্ঞানের জন্ত প্রার্থনা করিতেছেন, ইত্যাদি ইত্যাদি। ইহা লইয়া দেশবাসী তুমুল আন্দোলন উপস্থিত হয়, এবং যদুনাথ চক্রবর্তী ও বিজয়কৃষ্ণ গোস্বামী কেশবের দলকে পরিত্যাগ করিয়া যান। গৌসাইজী নিজের শাস্তিপুত্রের বাটীতে গিয়া চিকিৎসা কার্য আরম্ভ করিলেন। আমার স্মরণ হয়, আমি এই বৎসরের মধ্যে শাস্তিপুত্রে তাঁহার সহিত সাক্ষাৎ করিতে গিয়াছিলাম। পূর্বেই বলিয়াছি, তিনি আমার সহাধ্যায়ী, তাঁহার মুখে সমুদয় শ্রবণ করা উদ্দেশ্য ছিল।

আমার স্মরণ আছে, উন্নতিশীল দলে এই বিবাদ বাধাতে আমি মর্মান্তিক দুঃখিত হইয়াছিলাম। ইহাতে কেশববাবু হইতে আমার চিন্তা বিচ্ছিন্ন হয় নাই, তাঁহাদিগকে নরপূজা অপরাধে অপরাধী বলিয়া বিশ্বাস জন্মে নাই, ব্রাহ্মদিগের আচরণকে কেবলমাত্র ভক্তি প্রকাশের আতিশয্য বলিয়াই মনে হইয়াছিল। কিন্তু কেশববাবুর পত্রিকাতে প্রতিবাদকারীদের কথার উত্তর যে ভাবে দেওয়া হইয়াছিল, তাঁহাদিগকে লোকচক্ষে হীন করিবার জন্ত যেরূপ প্রয়াস পাওয়া হইয়াছিল, তাহা সত্য ও স্ত্রায়ের অঙ্গুগত ব্যবহার নয় বলিয়া প্রতীতি জন্মিয়াছিল। যাহা হউক, ১৮৬২ সালের প্রারম্ভে গৌসাইজী তাঁহার ভুল স্বীকার করিয়া যখন আবার কেশববাবুর সহিত সম্মিলিত হইতে চাহিলেন, তখন যেন আমার হৃদয়ের একটা ভার নামিয়া গেল। এই পুনর্মিলন উপলক্ষে রাণাঘাটের সম্মিলিত কল্যাণঘাটা নামক স্থানে, ভারতবর্ষীয় ব্রহ্মমন্দির প্রতিষ্ঠার পূর্বে, একটা উৎসব হয়। এখানে গৌসাইজী তখন সপরিবারে বাস করিতেন। আমি অপরাপর ব্রাহ্মের সহিত সেদিন সেখানে গমন করি। তৎপূর্বে কেশববাবুর সহিত সাক্ষাৎ ভাবে আমার আলাপ-পরিচয় হয় নাই। সেই উৎসব ক্ষেত্রে আলোচনা স্থলে নরপূজার আন্দোলনের প্রসঙ্গ উপস্থিত হইলে, আমি বলি, “মিয়ারে ও ধর্মতত্ত্বে কে সেখেন তাহা আমি জানি না, কিন্তু উক্ত উত্তর পত্রিকাতে যে ভাবে গৌসাইজী ও যদুনাথের কথার উত্তর দেওয়া হইয়াছে, তাহা স্ত্রায় ও অঙ্গুগত ব্যবহার নহে।” ইহাতে কেশববাবু কানে-কানে অপর একজনকে আমার বিষয় জিজ্ঞাসা করেন। তিনি বলিয়া দিলেন, “সোমপ্রকাশ সম্পাদক স্বারকানাথ বিষ্ণুভট্টাচার্যের ভাগিনা।” এটা মনে আছে, কেশববাবু সেই দিন হইতে আমাকে বিশেষ ভাবে দেখিলেন ও চিনিলেন। আমি সে যাত্রা কেশববাবুর স্বপ্নসম সুরল ও স্বাভাবিক ভাব দেখিয়া মুগ্ধ হইয়াছিলাম। একদিন সন্ধ্যার পর তিনি সম্মিলিত কীর্তন করিতে করিতে নৌকাযোগে চূর্ণী নদীতে বেড়াইতে গেলেন।

আমরা যাই নাই। প্রাতে উঠিয়া দেখি, কেশববাবু ব্রাহ্মদের পায়ের তলাতে এক পাশে পড়িয়া ঘুমাতেছেন। আহার করিতে বসিয়া দেখিতাম, তাঁহার বড়মাল্লবী কিছুই নাই, সামান্য ডাল তাত মনের আনন্দে আহার করিতেছেন। এসকল আমার বড় ভাল লাগিত।

**প্রকাশ্যে দীক্ষাগ্রহণ ও উপবীত ত্যাগ।** ক্রমে ১৮৬২ সালের ৭ই ভাদ্র ( ২২শে আগস্ট ) ভারতবর্ষীয় ব্রহ্মসন্ধির প্রতিষ্ঠার দিন আসিল। তখন কয়েকজন যুবককে দীক্ষিত করিবার প্রস্তাব হইল। আমার কোনো কোনো বন্ধু আমাকে জিজ্ঞাসা করিলেন, আমি দীক্ষিত হইতে প্রস্তুত কি না। আমি বলিলাম, প্রকাশ্যে দীক্ষাটা তো বাড়ার ভাগ, আমি তো ব্রাহ্মই আছি। যাহা হউক, অপরাপর যুবকের সহিত আমিও উক্ত দিবস দীক্ষাগ্রহণ করিব, এইরূপ স্থির হইল। তদনুসারে আমরা ২১ জন যুবক দীক্ষিত হইলাম। তন্মধ্যে কেশববাবুর কনিষ্ঠ ভ্রাতা কৃষ্ণবিহারী সেন, আমার সম্মানিত বন্ধু আনন্দমোহন বসু, পরলোকগত বন্ধু রজনীনাথ রায় ও অদ্বৈত বন্ধু শ্রীনাথ দত্ত মহাশয়দিগের নাম বিশেষ উল্লেখযোগ্য। ইহারা চিরদিন ব্রাহ্মধর্মের ও ব্রাহ্মসমাজের সেবা করিয়াছেন ও করিতেছেন।

প্রকাশ্য ভাবে ব্রাহ্মধর্মে দীক্ষিত হইলেই, উপবীতটি আর রাখিব কি না, এই প্রশ্ন উপস্থিত হইল। তৎপূর্বে উপবীত কখনো আমার গলায় থাকিত, কখনো থাকিত না; দীক্ষার সময়ে ছিল না। আমি স্থির করিলাম, আর লইব না। কিন্তু এই বিষয় লইয়া আত্মীয়-বন্ধনের সহিত বিরোধ উপস্থিত হইল।

আমি চিরদিন দেখিতেছি, কোনো একটা গুরুতর কর্তব্য স্থির করিলে তাহা করিয়া উঠিতে আমার বিলম্ব হয়। তদনুযায়ী বল আমার প্রকৃতিতে একেবারে আসে না। বার-বার উঠি ও পড়ি, প্রবৃত্তিকুলের সহিত প্রবল সংগ্রাম করিতে হয়; কখনো তাহারাজয়লাভ করে, কখনো আমি জয়লাভ করি, অবশেষে কিছুদিনের পর বল পাইয়া উঠিয়া দাঁড়াই। এক লক্ষ স্বর্গে উঠা, এক উত্তমে নিষ্কৃতি লাভ করা, এক প্রতিজ্ঞাতে প্রবৃত্তি দমন করিয়া ফেলা, আমার ভাগ্যে প্রায় ঘটে না। আমি ভাবিয়া চিন্তিয়া এই স্থির জানিয়াছি, আমি যখন উঠিতে চাহিতেছি তখনো যে পড়িয়া যাই, ইহাতে ঈশ্বর আমাকে দেখাইতে চান যে, যে-শক্তি হস্তে আমি অগ্রে আত্মসমর্পণ করিয়াছি, তাহার শৃঙ্খল হঠাৎ ত্যাগ করা কত কঠিন। ইহাতে যে-পাপ ত্যাগ করিতেছি তাহার প্রতি ঘৃণা বাড়ে, এবং ব্যাকুলতাও বাড়ে।

**মানসিক ও পারিবারিক দ্বন্দ্ব।** যাহা হউক, আমি উপবীত রাখিব না, এরূপ সঙ্কল্প করিয়াও তাহা ত্যাগ করিতে কিছুদিন গেল। প্রথমে মাতাঠাকুরাণী এই সংবাদ পাইবামাত্র মাতুলালয়ে আসিয়া আমাকে ডাকিয়া পাঠাইলেন, এবং কাঁদিয়া কাটিয়া

উপবীতটা আমার স্বন্ধে চাপাইয়া দিয়া গেলেন। তৎপরে যাহাকে পরামর্শ জিজ্ঞাসা করি, সেই উপবীত ফেলার বিস্ময়ে বলে। আর আমি ভাবিতে গেলেও সম্মুখে বড় বিপদ দেখি। আমি পিতা-মাতার একমাত্র পুত্র। উন্নতদিনী গত হওয়ার পর আর তিনটি ভগিনী হইয়াছে, তাহারা সকলেই ছোট। আমি পিতা-মাতার একমাত্র অবলম্বন। লোকে যখন বলে, মা মরিবে, বাবা পাগল হইয়া যাইবেন, তখন কিছুই বিচিত্র মনে হয় না। কি করি, কি করি, এমন কঠিন সমস্যা আমার জীবনে কখনো উপস্থিত হয় নাই। এদিকে উপবীত রাখিয়া উপাসনা করিতে যাই, উপাসনা করিতে পারি না। কে যেন হৃদয়ে থাকিয়া 'ছি ছি' বলে, কে যেন আমাকে চায়, কে যেন আমাকে ভাকে। এইরূপ মানসিক আন্দোলনে আমার শরীর ভাঙিয়া পড়িতে লাগিল, হজম শক্তি নষ্ট হইয়া দাক্ষণ উদরাময়ে ধরিল। অবশেষে আমি অনন্তগতি হইয়া কেশ্বর চরণে পড়িলাম, আপনার বিচার ও কর্তব্য ছাড়িয়া দিলাম। প্রার্থনাতে বার বার বলিতে লাগিলাম, “তুমি আমাকে লইয়া যাহা হয় কর।” কি আশ্চর্য! কিছুদিনের মধ্যে হৃদয়ে আশ্চর্য পরিবর্তন লক্ষ্য করিলাম। এত যে ভয় বিভীষিকা, কোথায় যেন পলাইয়া গেল! আমার মনে অভূতপূর্ব বল ও উৎসাহ আসিল। উঠিতে বসিতে, শুইতে জাগিতে, কি এক অপূর্ব আশ্বাস বাণী শুনিতে লাগিলাম। কে যেন বলিতে লাগিলেন, “তোমার কাজ আছে, তোমাকে চাই, তুমি অগ্রসর হইয়া চল।” আমি তখন আমার পত্রে পিতাকে এই কথা লিখিয়াছিলাম, তিনি পড়িয়া নিশ্চয়ই হাসিয়া থাকিবেন। আমি উপবীত ফেলিয়া দিলাম। কিরূপে বাধ্য হইয়া এ কাজ করিলাম, তাহা পিতাঠাকুরমহাশয়কে লিখিলাম। তিনি সে পত্র আমার মাতুলের নিকট পাঠাইয়া দিয়া আমাকে ডাকাইয়া কথা কহিতে অহরোধ করিলেন।

মাতুলমহাশয় আমাকে তাঁহার বাড়িতে ডাকাইয়া, সাধারণ ভাবে আমার সহিত উপবীত ত্যাগ সম্বন্ধে ও ধর্মভাব সম্বন্ধে তর্ক করিলেন। এই স্থানে বলা কর্তব্য, আমার মাতুল অতিশয় ধর্মভীরু ও উদারচেতা মানুষ ছিলেন, কাহারও ধর্মভাবের উপর হাত দেওয়া তাঁহার প্রকৃতিবিরুদ্ধ ছিল। তিনি রাগ উয়া প্রভৃতি কিছুই করিলেন না; বন্ধুতে-বন্ধুতে যেরূপ কথাবার্তা হয়, সেইরূপ সৌজ্ঞেয় সহিত আমার সঙ্গে কথা কহিলেন। পরে আমি চলিয়া আসিলে আমার পিতাকে লিখিলেন, “মানুষের অনেক প্রকার স্বকীয়তা হইয়া থাকে, তন্মধ্যে ধর্মস্বকীয়তাও এক প্রকার। ইহার ধর্মস্বকীয়তা হইয়াছে, বল প্রয়োগে যে কিছু হইবে এরূপ মনে হয় না।” আমি পিতার ফাইল হইতে সে পত্র পরে দেখিয়াছি।

পিতৃবিচ্ছেদ। কিন্তু পিতাঠাকুর মাতুলের পরামর্শ শুনিলেন না। কলিকাতায় আসিয়া আমাকে ধরিয়া লইয়া গেলেন এবং প্রায় একমাস কাল আমাকে এক প্রকার নজরবন্দী

করিয়া ঘরের মধ্যে আবদ্ধ করিয়া রাখিলেন। ব্রাহ্মণের ছেলের পক্ষে উপবাস ত্যাগ তখন তৎপ্রদেশে নূতন কথা, কেহ কখনো শোনে নাই। স্তব্ধ এই সংবাদে সমুদয় গ্রামের লোক ভাঙিয়া পড়িল। এমন কি, দুই-চারি ক্রোশ দূর গ্রামের চাষার মেয়েরা পর্যন্ত আমাকে দেখিতে আসিতে লাগিল। তাহারা তখন আমার বিষয়ে কি ভাবিত, তাহা ভাবিলে এখন হাসি পায়। একদিন প্রাতে বসিয়া পড়িতেছি, এমন সময় কয়েকটি চাষার মেয়ে আসিয়া দাঁড়াইল। তাহাদের নিঃশ্বাস পড়ে কি না পড়ে এমনি তন্ননন্স! আমার হস্ত-পদের প্রত্যেক গতিবিধি লক্ষ্য করিতেছে। কিয়ৎক্ষণ পরে আমি যখন বলিলাম, “মা একটু তেল দাও, নেয়ে আসি,” তখন একটি স্ত্রীলোক বলিয়া উঠিল, “মা ঠাকরুণ, কথা কয়?” মা বলিলেন, “কথা কবে না কেন?” শুনিয়া আমার ভয়ানক হাসি পাইল। ভাবিলাম, আমি যেটা কর্তব্য বোধে করিতেছি, সেটা ইহাদের নিকট পাগলামি। শিক্ষাতে কি প্রভেদই ঘটাইয়াছে! আর একদিন বৈকালে একটি স্বসম্পর্কীয়া স্ত্রীলোক আসিয়া দেখেন যে আমি মুড়ি খাইতেছি। দেখিয়া বিস্ময়াবিষ্ট হইয়া বলিলেন, “ও মা, এই যে মুড়ি খায়, কে বলে আমাদের মধ্যে নাই?” তাহারা ভাবিয়াছিলেন, আমি কিন্তু তুচ্ছকামাকার হইয়া গিয়াছি।

যাহা হউক, আমার বাবা আমাকে মাসাধিক কাল আবদ্ধ করিয়া রাখিলেন। এই সময়ের মধ্যে দিবারাত্র লোকের সমাগম, ও একই কথা, একই তর্ক, একই যুক্তি, একই আপত্তি, একই গালাগালি। কতই বা তর্ক করিব, কতই বা উত্তর দিব? আমি একেবারে মৌনব্রত অবলম্বন করিলাম। যিনি যাহা বলিতেন বা তিরস্কার করিতেন ঈর্ষাক্তি করিতাম না। শেষে বাবা আর আমাকে আবদ্ধ রাখা বিফল বোধে আমাকে বিদায় দিলেন। সেদিনের কথা মনে হইলে আর চক্ষের জল রাখিতে পারি না। তিনি অতি সহৃদয় মানুষ ছিলেন। তাহার ভিতরে নীচতা কিছুমাত্র ছিল না। তিনি আমার প্রয়োজনীয় সমুদয় জিনিসপত্র দিয়া নিজ ব্যয়ে আমাকে কলিকাতা পাঠাইলেন। তখন বুঝি নাই যে, আমাকে জন্মের মতো বর্জন করিবার জন্ত প্রতিজ্ঞাকট হইয়াছেন। সেই অবধি ১৮ কি ১৯ বৎসর আমার মুখ দর্শন করেন নাই বা আমার সহিত বাক্যালাপ করেন নাই।

আমার পিতা আমাকে গৃহ হইতে বিদায় দিয়া প্রতিজ্ঞা করিয়াছিলেন যে, আমার মুখ দর্শন করিবেন না। কিন্তু আমি জননীর জন্ত বাড়িতে না গিয়া থাকিতে পারিতাম না। আমার মা তখন কি দশাতে বাস করিতেছিলেন তাহা বর্ণনীয় নহে। আমি তাঁহাকে দেখিতে যাইতাম, কিন্তু আমার পিতার ইচ্ছা নয় যে আমি গ্রামে পদার্পণ করি। আমি তাঁহাকে গোপন করিয়াই তাঁহার অল্পপস্থিতিকালে বাড়িতে যাইতাম। তিনি লোকমুখে আমি মা’র কাছে গিয়াছি শুনিলেই, আমাকে প্রহার

করিবার জন্য ওড়া ভাড়া করিয়া লইয়া আসিতেন। পাড়ার ছোট ছেলেরা আমাকে বড় ভালোবাসিত। বাবা লাঠিয়াল লইয়া আসিতেছেন দেখিলেই তাহার গোপনে দৌড়িয়া আসিয়া আমাকে সংবাদ দিয়া যাইত, আর অমনি আমি মাতার চরণধূলি লইয়া খিড়কির দ্বার দিয়া পলাইতাম। পলাইয়া আসিয়া আমার গ্রামবাসী ব্রাহ্ম বন্ধু কালীনাথ দত্ত মহাশয়ের বাড়িতে আশ্রয় লইতাম। আমি পরে শুনিয়াছিলাম, বাবা এইরূপে কয়েক বৎসরের মধ্যে লাঠিয়াল নিযুক্ত করিবার জন্য ২২ টাকা খরচ করিয়াছিলেন। দরিদ্র ব্রাহ্মণের পক্ষে আমাকে মারিবার জন্য ২২ টাকা ব্যয় সামান্য প্রতিজ্ঞার দৃঢ়তার কথা নয়। বাবার প্রতিজ্ঞার এই দৃঢ়তা আমাতে কি অধিক মাত্রায় থাকিলে ভালো হইত।

শেষে বাবা কেন যে সে সকল ত্যাগ করিলেন, বলিতে পারি না। শুনিয়াছি, গ্রামের মেয়েরা বিরোধী হওয়াতে তাঁহাকে সে সকল ত্যাগ করিতে হইল। গ্রামের লোকে চিরদিন আমাকে ভালোবাসে। আমি পিতাকে লুকাইয়া গ্রামে যাইতাম বটে, কিন্তু গ্রামের আত্মীয়গণের সহিত দেখা করিতাম। বাড়িতে-বাড়িতে গিয়া মেয়েদের সঙ্গে দেখা করিতাম। মেয়েরা আমাকে বড় ভালোবাসিতেন, আমি মেয়েদিগকে ভালোবাসিতাম। শেষে মেয়েদের ভাব দেখিয়া গ্রামের লোকে বাবাকে বলিতে লাগিল, “তুমি তাকে বাড়িতে যেতে না দিতে পার, কিন্তু গ্রামে আসিতে দেবে না, একেমন কথা? তুমি কি গ্রামের মালিক?”

গ্রামের লোকের অন্তকূল ভাব দেখিয়া ক্রমশ বাবাও অস্থূল ভাব ধরিলেন। তখন আমি অবাধে গৃহে গিয়া মাতাকে দেখিয়া আসিতে লাগিলাম। আমাকে বাড়িতে প্রবেশ করিতে দেখিলে বাবা নিজে বাড়ি পরিত্যাগ করিয়া বাহিরে যাইতেন, আমি গৃহে আছি জানিলে সেদিকে আসিতেন না। আমাকে দেখা বা আমার সঙ্গে কথা কহা বন্ধ রাখিতেন, কিন্তু আমাকে বাড়িতে থাকিতে ও থাইতে দিতে আপত্তি করিতেন না। বরং নিজে বাজারে গিয়া যে সকল দ্রব্য আমি ভালোবাসি, তাহা কিনিয়া আনিতেন, মাকে বলিতেন, “কলা ভৌদড় ঘরে এসেছে, কলা কিনে এনেছি, খেতে দাও।” এইরূপ কিছুকাল চলিতে লাগিল।

কলিকাতায় মৃত্যু সংসার। আমি পিতৃগৃহ হইতে তাড়িত হইয়া যেন অকূল সমুদ্রে জাসিলাম। মৌভাগ্যের বিষয় বড় স্বলারশিপটা ছিল, সেজন্য অন্নবস্ত্রের চিন্তাতে অভিভূত হইতে হইল না। আমি আসিয়া পটলডাঙ্গা মৌজাফরস লেনে শ্রীযুক্ত বাবু হরগোপাল সরকারের সহিত একত্র বাসা করিলাম। তিনি রামতনু লাহিড়ীর শ্রীমতী অন্নদায়িনীকে বিবাহ করিয়া সংসার পাতিয়া বসিলেন। অন্নদায়িনীর ভগিনী কুমারী রাধারাণী লাহিড়ী তখন আমাদের সঙ্গেই ছিলেন।

ইহাদের সংশ্রবে থাকিয়া আমি বড়ই উপকৃত হইতে লাগিলাম। ইহাদিগকে দেখিয়া আমার নারীজাতির প্রতি শ্রদ্ধা অনেক বাড়িয়া গেল। বিশেষত ইহাদিগের সহিত সম্বন্ধ সূত্রে রামতল্লাবাবুর সহিত আলাপ পরিচয় হইয়া তাহাতে আমি সাধুতাও যে আদর্শ দেখিলাম, তাহা ভুলিবার নহে। আমি শগুড়কুল হইতে প্রসন্নময়ীকে আনিয়া ইহাদের সঙ্গে বাস করিতে লাগিলাম।

প্রসন্নময়ী কলিকাতাতে আসিয়া গৃহধর্মে প্রবৃত্ত হইলেন বটে, কিন্তু কয়েক মাসের মধ্যেই তাঁহার স্বাস্থ্য একেবারে ভাঙিয়া গেল। আমার স্বলারশিপ মাত্র অবলম্বন, এদিকে আবার বি. এ. পরীক্ষার বৎসর উপস্থিত। সাংসারিক চিন্তা, রোগীর সেবা, শিশুকণা হেমলতার রক্ষণাবেক্ষণ, এই সকল কারণে আমার পাঠের সমুদয় ক্ষতি হইতে লাগিল। এই সময় স্বর্গীয় ডাক্তার অন্নদাচরণ খাস্তগির মহাশয় ও অপরাপর কতিপয় ডাক্তার বন্ধু সহায় না হইলে এই বিপদ সাগর উত্তীর্ণ হইতে পারিতাম না।

১৮০০ সালের ৮ই-শ্রাবণ আমার দ্বিতীয় কন্যা তরঙ্গিণীর জন্ম হইল। সে সাত মাসে জন্মিয়াছিল। তাহাকে তুলার বিছানা করিয়া কৃত্রিম তাপ দিয়া বাঁচাইতে হইয়াছিল বলিয়া তাহার নাম 'তুলী' হইয়া গিয়াছে, এবং তাহাই অত্যাধি আছে। তাহার জীবন রক্ষা খাস্তগির মহাশয়ের চিকিৎসা-পারদর্শিতার একটি উজ্জ্বল প্রমাণ। সে যে বাঁচিবে, কেহই তাহা মনে করে নাই। দুই-একমাস পরেই বায়ু পরিবর্তনের জন্য কলাইঘাটার যে কুঠীতে উৎসব হইয়াছিল এবং যেখানে তদবধি আমাদের ব্রাহ্ম বন্ধু নীলকমল দেব ছিলেন, সেখানে প্রসন্নময়ীকে রাখিয়া আসি; এবং আমি ৩৩নং মুসলমান পাড়া লেনে, যে বাসাতে রজনীনাথ রায়, নন্দলাল রায়, সারদানাথ হালদার, শ্রীনাথ দত্ত, কালীপ্রসন্ন চক্রবর্তী প্রভৃতি সহদীক্ষিত ব্রাহ্ম বন্ধুগণ বাস করিতেছিলেন, সেই বাসাতে তাঁহাদের সঙ্গে গিয়া বাস করিয়া বি. এ. পরীক্ষার জন্য প্রস্তুত হইতে থাকি।

তখনকার মেম-মাস্টার। এ সময়ের একটি স্মরণীয় ঘটনা গণেশচন্দ্রীর খ্রীষ্ট-ধর্ম গ্রহণ ও তৎপরে ব্রাহ্মমাজে আগমন। গণেশচন্দ্রী কলিকাতা নিবাসী এক বৈজ্ঞ পয়সিবারের বিধবা কন্যা। মিশনারী মহিলাগণ তখন হিন্দু গৃহস্থদিগের বাড়িতে বাড়িতে অন্তঃপুরবাসিনী হিন্দু ললনাদিগকে পড়াইয়া বেড়াইতেন। অতি অল্প ব্যয়েই তাঁহাদিগকে পাওয়া যাইত। এইজন্য অনেক ভ্রূলোক নিজ গৃহে তাঁহাদিগকে ডাকিয়া স্বীয়-স্বীয় ভবনের মহিলাদিগকে পড়াইতে দিতেন। আমিও প্রসন্নময়ীকে আনিয়া প্রথমে এইরূপে পড়াইবার বন্দোবস্ত করিয়াছিলাম। তৎসম্বন্ধে একটি কৌতুককর গল্প মনে আছে। তাহা এই স্থানে বলিতে ইচ্ছা করিতেছে। যে মেম

প্রসন্নময়ীকে পড়াইতেন তিনি সপ্তাহে দুইদিন আসিতেন। একবার আসিয়া, মেম মানবের আদি পিতা মাতা আদম ও হবার (এ্যাডাম এ্যাণ্ড ইভ) বিবরণ মুখে মুখে প্রসন্নময়ীকে বলিয়া গেলেন। তাহার পর গৃহকর্মে ব্যাপৃত হইয়া প্রসন্নময়ী আদম-হবার কথা সমুদয় ভুলিয়া গেলেন। দ্বিতীয় দিনে আসিয়া মেম জিজ্ঞাসা করিলেন, “বৌ, মানবের আদি পিতা মাতা কে ছিল?” প্রসন্নময়ী তো অন্ধকার দেখিলেন, আদম ও হবা মনে আসিল না। তখন মেম তিরস্কার করিয়া বলিয়া গেলেন, “তোমার বাবুকে জিজ্ঞাসা করিতে পার না?” মেম পুনরায় আসিবার দিন প্রাতে প্রসন্নময়ী আমাকে জিজ্ঞাসা করিলেন, “ই্যা গো, মাহুৰ আগে কি করে হল?” আমি বলিলাম, “তা কে জানে? তবে একজন পণ্ডিত বলেছেন যে আগে মাহুৰ বানর ছিল, বানর হতে মাহুৰ হয়েছে।” সেদিন মেম আসিয়া জিজ্ঞাসা করিলেন, “মাহুৰ কেমন করে হল?” প্রসন্নময়ীর আবার আদম-হবা মনে নাই। মেম তখন বিরক্ত হইয়া বলিলেন, “তোমার বাবুকে জিজ্ঞাসা কর না কেন?” প্রসন্নময়ী ভয়ে ভয়ে বলিলেন, “তাকে জিজ্ঞাসা করেছিলাম, তিনি বলেছেন, ‘বানর হতে মাহুৰ হয়েছে’।” মেম বলিলেন, “তোমার বাবু বড় দুটু, তোমাকে তামাশা করেছে।” প্রসন্নময়ী বলিলেন, “না, তামাশা করেননি, সত্যি সত্যি বলেছেন।”

সেদিন ঘটনাক্রমে আমি অশ্রু ধরে ছিলাম, মেম যাইবার সময় আমার নিকট আসিলেন। তখন ডাকুইনের নতুন যত সঘণ্ডে সমুদয় কথা তাঁহাকে বলিলাম। তিনি প্রসন্নময়ীকে পরে বলিয়াছিলেন, “তোমার বাবুকে কিছু জিজ্ঞাসা কোরো না।” শুনিয়া আমি অনেক হাসিয়াছিলাম।

এইরূপ একজন মিশনারী যেম গণেশহুন্দরীকে পড়াইতেন। একদিন গণেশ-হুন্দরী স্বীয় বিধবা মাতাকে ও ভ্রাতৃগণকে কিছু না বলিয়া মিশনারীদিগের আশ্রয়ে পলাইয়া গেলেন। পরে তিনি আমাকে বলিয়াছিলেন যে, মেম যখন তাঁহাকে বলিতেন যে তিনি অনন্ত নরকের ধারে দাঁড়াইয়া আছেন, তখন ভয়ে তাঁহার প্রাণ কাঁপিয়া উঠিত এবং তিনি ত্বরায় যীশুর আশ্রয় লইবার জন্য ব্যগ্র হইতেন। যাহা হউক, যে কারণেই হউক, তিনি মিশনারীদিগের আশ্রয়ে পলাইয়া গেলেন। ইহা লইয়া শহরে তুমুল আন্দোলন ও হাইকোর্টে মোকদ্দমা উপস্থিত হইল। মোকদ্দমায় গণেশ-হুন্দরীর ভ্রাতৃগণ হারিয়া গেলেন। সে বয়ঃপ্রাপ্ত ও স্বেচ্ছাক্রমে আসিয়াছে বলিয়া স্থির হইল। আন্দোলন ও সংবাদপত্রের গালাগালি চলিতে লাগিল। কেবল সংবাদ-পত্রের গালাগালি নহে, একদিন হাতাহাতিও হইল। সেদিন পাদরী জনসাহেব যাহার আশ্রয়ে গণেশহুন্দরী ছিলেন, কলেজ স্কোয়ারের কোণে প্রচার করিতে দাঁড়াইয়াছিলেন। কোথা হইতে গণেশহুন্দরীর ভ্রাতা চন্দ্র সদলে বুক যুথের স্তায়



আসিয়া পড়িয়া তাঁহাকে আক্রমণ করিল। পাদরীসাহেব খুঁবি ঢিল ঢেলা খাইয়া ধাবিত হইয়া সংস্কৃত কলেজের সম্মুখস্থিত শ্রামাচরণ দে বিখাস মহাশয়ের ভবনে আশ্রয় লইয়া নিরাপদ হইলেন। ঐ বাড়ির লোকে আক্রমণকারী যুবকদিগকে তাড়া করিল, তাহারা কোন গলি দিয়া কোথায় পলাইল। তখন পাদরীসাহেব বলিলেন, “কি বলিব, পুরোহিত, নতুবা আমি তিন ব্যক্তি নিপাত করিতে পারিতাম।” শুনিয়া আমরা অনেক হাসিয়াছিলাম।

যাহা হউক, সংবাদপত্রের আন্দোলন থামিল বটে, কিন্তু ব্রাহ্ম যুবকগণ গণেশ-স্বন্দরীর ভ্রাতৃগণের সহিত পরামর্শ করিয়া তাহাকে খ্রীষ্টীয়দিগের হস্ত হইতে উদ্ধার করিবার জন্ত লাগিল। শোনা গেল, তিনি খ্রীষ্টীয়গণের নিকট স্ত্রী নাই, আপনার ভ্রম বুঝিতে পারিয়াছেন এবং স্বীয় জননীর নিকট আসিতে চাহিতেছেন, কিন্তু তিনি জাতিভ্রষ্ট হইয়াছেন বলিয়া জননী লইতে সাহস করিতেছেন না। এই অবস্থাতে উদ্ধারকারী ব্রাহ্মগণ আসিয়া গণেশস্বন্দরীকে স্বীয় পরিবারে লইবার জন্ত আমাকে ধরিলেন। আমি তখন নূতন সংসার পাতিয়া ঘরকন্না করিতেছি। আমি বালিকাটির অবস্থার বিষয় চিন্তা করিয়া ‘না’ বলিতে পারিলাম না। ভাবিলাম, আমাদের আহ্বানের যদি দু-মুঠো জুটে তো তাহারও জুটিবে।

গণেশস্বন্দরী আবার পলাইয়া খ্রীষ্টীয়দিগের আশ্রয় হইতে আমার ভবনে আসিলেন। আমার বাড়িতে তিনি আমার ভগিনীর স্ত্রায় হইয়া আমাদের কষ্টের অংশ লইয়া কয়েক বৎসর ছিলেন। তৎপরে ঈশ্বর রূপায় অতি উপযুক্ত ব্যক্তির সহিত (রাধাকান্ত বন্দ্যোপাধ্যায় নামক আমার এক শ্রদ্ধেয় বন্ধুর সহিত) বিবাহিত হইয়াছেন। আমি তাঁহার গণেশস্বন্দরী নাম তুলিয়া দিয়া তাঁহার অপরাধ নাম মনোমোহিনীই প্রবল করিয়াছি। তিনি সেই নামে এখনো আমার ভগিনী বলিয়া ব্রাহ্মসমাজে পরিচিত।

ব্রাহ্মসমাজে ‘আনন্দবাদী দল’! কালকাতাতে সকল দলের ব্রাহ্মেরাই আমাকে বন্ধু-ভাবে ডাকিতেন। তখন উন্নতিশীল ব্রাহ্মদলের মধ্যে ‘আনন্দবাদী দল’ নামে একটি দল হইয়াছিল, অমৃতবাজারের শিশিরকুমার ঘোষ ও তাঁহার ভ্রাতৃগণ এই দলের নেতা বলিয়া গণ্য ছিলেন। ইহার একটু ইতিবৃত্ত আছে। ১৮৬৬ সালে কেশববাবু ‘জীশাস ক্রাইষ্ট, এশিয়া এ্যাণ্ড ইয়োরোপ’ নামে স্প্রসিদ্ধ বক্তৃতা করেন। তাহাতে গবর্ণর জেনারেল লর্ড লরেন্স তাঁহার প্রতি প্রীত হন, এবং তাঁহার সঙ্গে কেশববাবুর বক্তৃতা সম্বন্ধ স্থাপিত হয়। ক্রমে কেশববাবুর দলের লোকদিগের যৌথ খ্রীষ্টের প্রতি অতিরিক্ত ঐক্য হইয়া পড়ে। বড়দিনের সময় যীশুর ধ্যানে দিন যাপন করা, বাইবেল পড়া, বাইবেলের ব্যাখ্যা করা, খ্রীষ্টীয় মিশনারীদিগের সহিত মিশামিশি করা,

ইত্যাদি হইতে থাকে। এ কথা এখানে বলা আবশ্যক যে, বাইবেল পাঠ ও খ্রীষ্টীয় মিশনারীদিগের সহিত মিশামিশি কয়েক বৎসর পূর্ব হইতেই চলিতেছিল, এখন সেই ভাবটা কিছু প্রবল হয়। ইহার ফলস্বরূপ খ্রীষ্টীয় ধর্ম ভাবে যে অমুতাপ ও প্রার্থনা, তাহা উন্নতিশীল দলকে প্রবল রূপে অবিকার করে। পাপবোধ নব্য ব্রাহ্মদের সকলের অন্তরে প্রবল হইয়া উঠে, অমুতাপব্যক্তক সঙ্গীতাদি রচিত হইতে থাকে। ইহার উপরে, বোধ হয় ১৮৬৭ সালে, গৌসাইজী উদ্ভোগী হইয়া তাঁহার জ্যেষ্ঠকে ডাকিয়া আনিয়া উন্নতিশীল দলকে বৈষ্ণব সংকীর্তন শোনান। তদবধি সংকীর্তন প্রথা ব্রাহ্মদের মধ্যে প্রবেশ করে। এই সকল উদ্বেজনার ফলস্বরূপ ১৮৬৮ সালে নরপূজার হাঙ্গামা উপস্থিত হয়। এই পাপবোধ ও ব্যাকুলতার ভাব হইতেই ব্রাহ্মেরা কেশববাবুর চরণে পড়িয়া কাঁদিতেন।

যখন একদিকে অমুতাপ ব্যাকুলতা ও প্রার্থনার তরঙ্গ প্রবাহিত হইতেছে, তখন অপরদিকে ব্রাহ্মদের মধ্যে একদল লোক বলিতে লাগিলেন, “এত অমুতাপ ও ক্রন্দন কেন? প্রেমময়ের গৃহে এত ক্রন্দনের রোল কেন? আনন্দময়ের প্রেমমুখ দেখিয়া আনন্দিত হও।” এই দলকে ব্রাহ্মেরা তখন ‘আনন্দবাদী দল’ বলিতেন। শিশির বাবু ইহাদের অগ্রণী ছিলেন। নরপূজার হাঙ্গামা দেখিয়া ইহারা আমাদের ভিতর হইতে সরিয়া পড়িলেন। ১৮৬৯ সালের মাঘোৎসবে একজন মুন্সের হইতে সমাগত ব্রাহ্ম উপাসনাস্থে কেশববাবুর চরণ ধরিয়া কি প্রার্থনা আরম্ভ করিলেন। তাহাতে শিশিরবাবুর দাদা হেমন্তবাবু বিরক্ত হইয়া উঠিয়া, এইরূপ ব্যবচারণের প্রতিবাদ করিয়া, বাগ করিয়া চলিয়া গেলেন। বৈদ্যোক্তা নাথ সান্যাল মহাশয়কেও বিরক্তি প্রকাশ করিয়া বাহিরে যাইতে দেখিলাম। এই মাঘোৎসব ভারতবর্ষীয় ব্রহ্ম মন্দিরের অসম্পূর্ণ বাড়িতে চাঁদোয়া খাটাইয়া সমাধা করা হইয়াছিল।

ইহার পরে অমুতবাজারের দলকে আর আমাদের উপাসনাতে বড় আসিতে দেখিতাম না। কনিকাতা পটলডাঙ্গা পটুয়াটোল লেনে যশোরের লোকেদের এক বাসা ছিল। শিশিরবাবু সেখানে মধ্যে মধ্যে আসিতেন। তিনি আসিলেই আনন্দবাদী দলের সমাগম হইত। তাঁহারা আমাকে ডাকিতেন। সে সময়ে প্রধানত সঙ্গীত ও সংকীর্তন হইত। ঢাকী নিবাসী শ্রদ্ধের বন্ধু হরলাল রায় সেই কীর্তনে গড় গড়ি দিতেন। শিশিরবাবু চমৎকার কীর্তন করিতে পারিতেন। তাঁহার কীর্তনে আমাদের গলাগল করিয়া তুলিত। সেখানে নূতন ধরনের সঙ্গীত হইত। কয়েক পংক্তি উচ্চত করিলে তাহার ভাব হৃদয়ঙ্গম করিতে পারা যাইবে। একটি সঙ্গীতে ঈশ্বরকে অধোদন করিয়া বলা হইত,

তোমার রাগে রাঙা নয়ন তলে বহে দেখি প্রেমধার ।  
আর একটি সঙ্গীত যাহা তাঁহাদের মুখে সর্বদা শুনিতাম, তাহা এই :

মা যার আনন্দময়ী তার কি বা নিরানন্দ ?

তবে কেন রোগে শোকে পাপে তাপে বুঝা কান্দ ?

মাঝখানে জননী বসে, সন্তানগণ তার চারি পাশে,

ভাসাইয়াছেন প্রেমময়ী প্রেমনীরে ।

একবার বাহু তুলে মা মা বলে নৃত্য কর সন্তানবৃন্দ ।

এই গান করিয়া সকলে নৃত্য করিতেন ।

একদিকে যেমন অহুতাপ ও ক্রন্দন শুনিতাম, অপর দিকে ইহাদের কাছে গিয়া আনন্দ ও নৃত্য দেখিতাম । তখন ইহা বেশ লাগিত । শিশিরবাবুদের ভাইয়ে ভাইয়ে ভাব দেখিয়া মন মুগ্ধ হইয়া যাইত । ইহার পরেই তাঁহারা কলিকাতা হিদেরাম বীড়ুয়োর গলিতে আসিয়া বাসা করিয়া থাকেন । সে সময়ে তাঁহাদিগকে সর্বদা দেখিতাম । শিশিরবাবুর অমারিকতা দেখিয়া আমার মন মুগ্ধ হইয়া যাইত । একদিনের কথা স্মরণ আছে, তিনি সেদিন আমাকে আহাৰ করিতে নিমন্ত্রণ করিয়াছিলেন । আহাৰের সময় উপস্থিত হইলে, বলিলেন, “কি পরের মতো বাহিরে বসে থাকে ! চল, রান্নাঘরে গিয়ে মাকে বলি, হাঁড়ি হতে গরম-গরম ভাত তরকারি মা'র হাতে না খেলে স্ব্থ হয় না” । এই বলিয়া দুজনে গিয়া রান্নাঘরে আহাৰে বসিলাম । যত দূর স্মরণ হয়, তাঁহার জননী গরম-গরম ভাত তরকারি দিতে লাগিলেন ও আমরা আহাৰ করিতে লাগিলাম ।

ইহার পর হইতে শিশিরবাবুরা অল্পে অল্পে ব্রাহ্মসমাজ হইতে সরিয়া পড়িলেন ।

খ্যাতির বিভ্রম । কিন্তু একটি কারণে এই সময় কিছুদিন ধরিয়া আমার আধ্যাত্মিক অবস্থা বড়ই অসন্তোষকর হইয়া গিয়াছিল । সে কারণটি এই । যতদিন আমি ব্রাহ্মদের পশ্চাতে ছিলাম ও আপনাকে অনেকাংশে হীন বলিয়া মনে করিতাম, ততদিন আমার অন্তরে বিনয় ও ব্যাকুলতা ছিল । আমি আপনাকে সাধারণের মধ্যে ব্রাহ্মরূপে পরিচিত হইবার অযোগ্য বলিয়া মনে করিতাম । কিন্তু দীক্ষার দিন হইতে সে অবস্থা চলিয়া গেল । আমি যেন হঠাৎ পশ্চাৎ হইতে সম্মুখে আসিয়া পড়িলাম ; এবং হঠাৎ যেন একজন বড় ব্রাহ্ম বলিয়া পরিচিত হইলাম । আমি তখন ব্রাহ্ম দলের মধ্যে সর্বত্রই সমাদর পাইতে লাগিলাম । সে সমাদরের উপযুক্ত আমি ছিলাম না । বোধ হয় এতটা সমাদর পাইবার দুইটি কারণ ছিল । প্রথম, ১৮৬৮ সালের শেষে আমার ‘নির্বাসিতের বিলাপ’ গ্রন্থাকারে প্রকাশিত হয়, প্রকাশিত হইবামাত্র উহা লোকের

দৃষ্টি আকর্ষণ করে ও সর্বত্র প্রশংসিত হয়। তদনুসারে আমি একজন উদীয়মান কবিরূপে পরিচিত হইয়াছিলাম। দ্বিতীয়ত, আমার দীক্ষার সময় হইতে আমার মাতুল উন্নতিশীল ব্রাহ্ম দলকে ‘কৈশব দল’ নাম দিয়া সোমপ্রকাশে তাহাদের প্রতি গোলাগুলি বর্ষণ আরম্ভ করেন, তাহাতেও আমার নামটা সাধারণের মুখে উঠে। যে কারণেই হউক, আমি তখন হইতে লোকচক্ষুর গোচর হইয়া একজন মস্ত ব্রাহ্ম হইয়া দাঁড়াই। ইহাতে কিছুদিন আমার বিশেষ অনিষ্ট হইয়াছিল। আমার পূর্বকার ব্যাকুলতা অনেক পরিমাণে হ্রাস হইয়া আমি কিছু অসাবধান হইয়া পড়ি, যে সকল দুর্বলতা ও কদভ্যাস অনেক চেষ্টাতে দমনে রাখিয়াছিলাম, তাহা আবার মাথা জাগাইয়া উঠে।

কিন্তু আমার প্রতি ঈশ্বরের বিশেষ দয়া বলিতে হইবে যে, আমি অচিরকালের মধ্যে আত্মদৃষ্টির সাহায্যে নিজের অবস্থা লক্ষ্য করিতে পারি ও তাহার সংশোধনে প্রবৃত্ত হই। দীক্ষার সময় ও এই সময় কয়েকটি কবিতাতে নিজের মনের ভাব ব্যক্ত করিয়াছিলাম। যত দূর স্মরণ হয়, সেগুলি ধর্মতত্ত্ব পত্রিকাতে প্রকাশ হইয়াছিল, অল্পসঙ্কাম করিলে উক্ত পত্রিকার ফাইলে পাওয়া যাইতে পারে। কেবলমাত্র দুই চারি পংক্তি স্মৃতিতে আছে। পিতৃগৃহ হইতে তাড়িত হইয়া লিখিয়াছিলাম—

ভাসায়ে জীবন তরী বিপত্তির সাগরে,  
যাই দেব! দেখ দেখ রক্ষা কর আমারে।  
মোর পক্ষ ছিল যারা,  
বিপক্ষ হইল তারা,  
ঘেবিল সকল দিক অপবাদ-আধারে,  
বহিল প্রলয়-ঝড় মস্তকের উপরে।

অগ্রে যে আধ্যাত্মিক অবস্থার অবনতির কথা উল্লেখ করিলাম, তাহা লক্ষ্য করিয়া লিখিয়াছিলাম—

নিজ দলে গেলে পরে সমাদর পাই হে,  
আপনারে বড় ভাবি তাই হে!  
কিন্তু কি যে বড় আমি  
জান তুমি অন্তর্যামী,  
তব অগোচর প্রভু কোনো কথা নাই হে।

যাহা হউক, দীক্ষা ও সাধারণ সমাদরের ঝাঝ সাময়িকিয়া উঠিতে কিছুদিন গেল। আমি যে ব্রাহ্ম দলে হঠাৎ ক্লিষ্ট সমাদৃত হইয়া পড়িলাম, তাহার প্রমাণ স্বরূপ দুইটি ঘটনার উল্লেখ করিতেছি।

আমার দীক্ষার কয়েক মাস পরেই গ্রামবাজার ব্রাহ্মসমাজের বার্ষিক উৎসব উপস্থিত হইল। তখন উক্ত সমাজের প্রতিষ্ঠাকর্তা কালীশ্বর মিত্র মহাশয় জীবিত ছিলেন। তিনি আমার নিকট লোক পাঠাইয়া অল্পরোধ করিলেন যে, আমাকে উক্ত উপাসনাতে দ্বিজেন্দ্রনাথ ঠাকুর ও অযোধ্যানাথ পাকড়াশী মহাশয়দের সহিত বেদীতে বসিতে হইবে ও উপদেশের ভার লইতে হইবে। আমি ভয়ে সঙ্কচিত হইলাম, কিন্তু তাঁহারা কোনো মতেই ছাড়িলেন না। অবশেষে রাজি হইলাম। কিন্তু তাঁহার চলিয়া গেলে, বেদীতে বসিতে হইবে ভাবিয়া লজ্জা ও ভয়ে মন অভিভূত হইয়া পড়িল। কিন্তু কি করি, কথা দিয়াছি। তখন অনন্তোপায় হইয়া উপদেশটি লিখিতে বসিলাম। লিখিয়া এক প্রকার দাঁড় করাইলাম। উপাসনা স্থলে সেইটি ভয়ে-ভয়ে পাঠ করিলাম। কিন্তু বেদী হইতে নামিলেই দ্বিজেন্দ্রবাবু কোলাকুলি করিয়া আমার উপদেশের অনেক প্রশংসা করিলেন। সভাশূলেও অনেকে সন্তোষ প্রকাশ করিতে লাগিলেন।

পরদিন কলেজে বি. এ. ক্লাসে পড়িতেছি, এমন সময় ভূতপূর্ব ডেপুটি ম্যাজিস্ট্রেট ঈশ্বরচন্দ্র ঘোষালের নিকট হইতে কলেজের অধ্যক্ষের নামে এক পত্র আসিয়া উপস্থিত, “শিবনাথ ভট্টাচার্য নামে তোমাদের বি. এ. ক্লাসে এক ছাত্র আছে, তাহাকে আমি কিছুকালের জন্য চাই।” তদনন্তর অধ্যক্ষ প্রসন্নকুমার সর্বাধিকারী মহাশয় আমাকে ডাকিয়া জিজ্ঞাসা করিলেন, “ঈশ্বর ঘোষাল তোমাকে ডাকিয়াছেন কেন?” আমি বলিলাম, “কিছুই জানি না, তাহার সহিত আলাপ পরিচয় নাই।” তখন তিনি আমাকে পাঠাইবার পূর্বে ঈশ্বর ঘোষাল সম্বন্ধে অনেক কথা বলিয়া দিলেন, বলিলেন, “সাধবান, তিনি তোমাকে খ্রীষ্টীয় ধর্ম ভজাইবেন।” সর্বাধিকারী মহাশয় যাহা বলিয়াছিলেন, গিয়া তাহাই শুনিলাম। ঘোষাল মহাশয় পূর্বদিনে গ্রামবাজারের উপাসনাতে উপস্থিত ছিলেন এবং আমার উপদেশে খ্রীত হইয়াছিলেন। তিনি আমাকে খ্রীষ্টীয় ধর্মের মহৎ তাব দেখাইবার জন্য আদিম প্রফেটিংগের ভবিষ্যদ্বাণীর সহিত পরবর্তী ঘটনা তুলনা করিয়া দেখাইতে লাগিলেন, এবং আমাকে একখানি বাইবেল উপহার দিলেন। আমার প্রতি পুত্রাধিক স্নেহ প্রদর্শন করিয়া বিদায় করিলেন। আমি ভাবিতে ভাবিতে আসিলাম, “ইনি কেন খ্রীষ্টীয় ধর্মে দীক্ষিত হন না?”

গ্রামবাজারের উপদেশের ধাক্কা এখানে থামিল না। কয়েকদিন পরেই সিন্দুরিয়াপটী ‘পারিবারিক সমাজ’ হইতে ক্ষেত্রনাথ শেঠ নামে একজন সভ্য আসিয়া উপস্থিত। আসিয়া আমাকে বলিলেন যে, উক্ত পারিবারিক সমাজের সকলের ইচ্ছা যে, আমি তাঁহাদের সমাজের আচার্যের ভার গ্রহণ করি। অগ্রে অযোধ্যানাথ পাকড়াশী মহাশয় সেই সমাজের আচার্যের কার্য করিতেন, কিন্তু কার্যবাহ্য্য নিবন্ধন তিনি

সেই তার পরিত্যাগ করিয়াছেন, এখন আমাকে গ্রহণ করিতে হইবে। পাকড়াশী মহাশয়ের প্রতি আমার প্রগাঢ় শ্রদ্ধা ছিল। আমি তাঁহার উপদেশে বিশেষ উপকৃত হইয়াছি। অর বাস্তবিক ব্রাহ্ম আচার্যদিগের মধ্যে চিন্তাশীলতা মৌলিকতা ও আধ্যাত্মিক দৃষ্টি বিষয়ে এরূপ অল্প লোক দেখিয়াছি। তাঁহার পরিত্যক্ত বেদী আমি গ্রহণ করিব, ইহা ভাবিয়া সন্তুচিত হইলাম। কিন্তু তাঁহাদের হাত এড়াইতে পারিলাম না। শেষে, এক শুক্রবারে গিয়া উপাসনা করিতে স্বীকৃত হইলাম। এবারেও উপদেশ লিখিয়া লইয়া গিয়াছিলাম। এই একবার উপদেশ দিয়া আমার বিপদ দশগুণ বাড়িয়া গেল। তাঁহারা আমাকে নাছোড়বান্দা হইয়া ধরিলেন। কাজেই আচার্যের তার আমাকে গ্রহণ করিতে হইল। এই তার আমার প্রবৃত্ত আধ্যাত্মিক উন্নতির ও আচার্যের কার্য শিক্ষার উপায়স্বরূপ হইল। আমি কয়েক বৎসর এই কাজ করিয়াছিলাম। যেখানেই থাকি, শুক্রবার সন্ধ্যার সময় সিন্দুরিয়াপটীতে আসিয়া উপাস্ত হইতাম। এক বলিব, সে বিষয় সপ্তাহ কাল ভাবিতাম। উপাসক-মণ্ডলীয় অভাব নিজ চিন্তে ধারণ করিবার চেষ্টা করিতাম, প্রত্যেকের স্বখে স্বখী, দুঃখে দুঃখী হইবার চেষ্টা করিতাম। সংক্ষেপে বলিতে গেলে, আচার্যের দায়িত্ব অনেকটা অচ্যুত করিতাম। এই দায়িত্বই নই আমাকে ফুটাইয়াছে।

ক্রমে সেই ক্ষুদ্র উপাসক-মণ্ডলীয় সকলের সঙ্গে ভালোবাসা জন্মিয়া গেল। সেই সম্বন্ধ বহু কাল রহিয়াছে। গোপালচন্দ্র মল্লিক, নেপালচন্দ্র মল্লিক, সিন্দুরিয়াপটী পরিবারের দুই ভাই যতদিন জীবিত ছিলেন, আমাকে বিধিমতে নানা বিষয়ে সাহায্য করিয়াছেন। শেষে সাধারণ ব্রাহ্মসমাজ স্থাপিত হইলে গোপালচন্দ্র মল্লিক আমাদের সঙ্গে-সঙ্গে ইহাতে প্রবেশ করেন ও ব্রাহ্মমতে বিবাহ করিয়া স্বীয় পিতা কর্তৃক পরিত্যক্ত হন। তাঁহার পিতা স্বর্গীয় মণিলাল মল্লিক আদি সমাজভুক্ত ব্রাহ্ম ছিলেন। তিনি ঐ পারিবারিক সমাজ স্থাপন করেন।

১৮৭১ সালের ১৫ই আষাঢ় আমার পুত্র প্রিয়নাথের জন্ম হয়।

ঢাকার অবলাবান্ধব পত্রিকা। এই সময়ের একটি উল্লেখযোগ্য ঘটনা, অবলাবান্ধব সম্পাদক ব্রাহ্মসমাজে স্থপরিচিত স্বাক্ষরানান্দ গঙ্গোপাধ্যায়ের সহিত মিলন। তখন ঢাকা সমাজ-সংস্কারের প্রধান ক্ষেত্র হইয়া উঠিয়াছিল। এই সময়ে ‘মহাপাপ বাল্য-বিবাহ’ নামে এক পত্রিকা ঢাকা হইতে বাহির হয়, তাহাতে লেখানকার যুবক দলের উপরে আমাদের অতিশয় শ্রদ্ধা জন্মে। এই রঙ্গভূমিতে অবলাবান্ধব দেখা দিল। আমরা ভাবিলাম, এ কে বঙ্গদেশের এক কোণ হইতে নারীকুলের হিটৈতবী হইয়া দেখা দিল? অবলাবান্ধবের সম্পাদককে তখন চিনিতাম না, কিন্তু তাঁহার তাজা-তাজা কথা প্রাণ হইতে আসিতেছে বোধ হইত ও আমাদের বড় ভালো লাগিত।

ক্রমে ঢাকার প্রাসঙ্গ ডেপুটি ম্যাজিস্ট্রেট অভয়াচরণ দাসের পুত্র প্রাণকুমার দাস একবার কলিকাতায় আসিয়া আমাকে ও অপরাপর কয়েকজনকে তাঁহার লেখক শ্রেণী-ভুক্ত করিয়া গেলেন। আমার যত দূর স্মরণ হয়, আমি কুমারী বাধারাগী লাহিড়ীকে বলিয়া কহিয়া তাহাকেও লেখিকা করিয়াছিলাম। অবলাবান্ধবে আমার গল্পপট্যায়ক প্রবন্ধ মধ্যে মধ্যে প্রকাশিত হইত। দুঃখের বিষয়, উক্ত পত্রিকার একখানি ফাইলও খুঁজিয়া পাই নাই।

অবলাবান্ধবের সহিত যোগ রহিয়াছে, সেই সময়ে একদিন কলেজে পড়িতেছি, এমন সময়ে উমেশচন্দ্র মুখোপাধ্যায় আসিয়া আমাকে বলিল, “ও রে ভাই, অবলাবান্ধবের এডিটর কলিকাতায় এসেছে, আমাদের সঙ্গে দেখা করতে এসেছে।” অমনি আমি আমাদের ‘হিরো’কে দেখিবার জন্ত বাহির হইলাম। গিয়া দেখি এক দীর্ঘাকৃতি একহারা পুরুষ, স্কুল-মাস্টারের মতো লম্বা চাপকান পরা, দাঁড়াইয়া আছেন। তিনি স্বারকানাথ গঙ্গোপাধ্যায়। সেদিন আর অধিক কথা হইল না। সে যাত্রা বোধ হয় তিনি কয়েকদিন পরেই দেশে চলিয়া গেলেন; কিন্তু কিছুদিন পরেই অবলাবান্ধব লইয়া কলিকাতায় আসিলেন, এবং পূর্ববঙ্গীয় যুবকদিগের নেতাস্বরূপ হইয়া ব্রাহ্মসমাজে জী-স্বাধীনতার পতাকা উড্ডীন করিলেন।

এই সময় ঢাকা হইতে তাঁহার ও বরিশাল হইতে স্বর্গীয় বন্ধু হুর্গামোহন দাসের, কলিকাতাতে আগমন জী-স্বাধীনতার পক্ষে যেন মণিকাঞ্চনের যোগ হইল। ইহার ফল পরে বলিব।

আচার্য কেশবচন্দ্র সেনের সহিত যোগ। ভারত  
আশ্রমে বাসকালে যোগবুদ্ধি। দ্বিতীয়া পত্নী  
বিরাজ মোহিনীর আগমন। নগেন্দ্রবাবুর  
আগমন। জী-স্বাধীনতার আন্দোলন। কেশবচন্দ্র  
সেনের সহিত মতভেদ।

দীক্ষার পর কেশবচন্দ্র সেনের সহিত আমার ঘনিষ্ঠতা হয়। তাঁহাতে আমাতে এমন একটা কি ছিল, যাহাতে তিনি আমাকে দেখিলেই প্রীত হইতেন, আমিও তাঁহাকে দেখিলে প্রীত হইতাম। আমার সঙ্গে তাঁহার হাসি ঠাট্টা রসিকতা চলিত। একবার একজন আমাকে বলিয়াছিলেন, “কেশববাবুর মনের একটা চাবি তোমার কাছে আছে।” তাঁহার নিকট আমার মনের ভালো মন্দ কোনো কথা বলিতে সঙ্কোচ বোধ হইত না। অবোধে সকল কথা তাঁহার কানে চলিতাম। এমন কি, তাঁহার যে কথা আমার মনের সঙ্গে না মিলিত, তাহাও তাঁহাকে জানাইতে আমার সঙ্কোচ বোধ হইত না।

তাঁহার সহিত আমার কিরূপ হাসি ঠাটা চলিত, তাহার কয়েকটি দৃষ্টান্ত এখানে উল্লেখ করা মন্দ নয়। একবার হরিনাভি ব্রাহ্মসমাজের বার্ষিক উৎসবে প্রাতঃকালীন উপাসনাতে আচার্যের কার্য করিবার জন্ত আমি তাঁহাকে রাজি করি। আমি তখন হরিনাভি স্কুলের হেডমাস্টার। তিনি প্রত্যাষে কলিকাতা হইতে যাত্রা করিয়া প্রাতে গিয়া আমার বাড়িতে উপস্থিত হইলেন। আমি তাঁহার প্রাতঃরাশের জন্ত কিছু খাবার প্রস্তুত রাখিয়াছিলাম। আমি জানিতাম, তিনি প্রাতে অপরাপর জিনিসের মধ্যে ভিজা ছোলা ও আদা খাইয়া থাকেন। সুতরাং ভিজা ছোলা ও আদা প্রস্তুত রাখা হইয়াছিল। ভিজা ছোলা দেখিয়াই তিনি ভারি খুশি হইলেন। বললেন, “বাঃ আমি যে প্রাতে ভিজা ছোলা খাই, তাহা জানিলে কিরূপে?” আমি বলিলাম, “এ আবার আশ্চর্যের বিষয় কি? আপনার দৈনিক রীতির যদি এতটুকুও না জানলাম, তবে আপনার সঙ্গে কি মিশলাম? কিন্তু জিজ্ঞাসা করি, আপনি এত ভিজা ছোলা ভালোবাসেন কেন?” তিনি হাসিয়া বলিলেন, “ভিজা ছোলা খাব না! গাড়িতে যুতে টানাও কেমন?” বলিয়াই হাসিয়া আবার বলিলেন, “শুধু গাড়িতে যুতে টানানো নয়, চাবুক মারতেও তো কষ্ট কর না।” তখন আমরা মধ্যে মধ্যে তাঁহার কাজের সমালোচনা করিতাম। এই চাবুক মারার অর্থ তাহাই। শুনিয়া আমি হাসিয়া বলিলাম, “বেআদবী মাপ করবেন, আপনি বেদীতে বসে চাট মারতেও তো ভাঙেন না।” এই কথা লইয়া খুব হাসাহাসি পড়িয়া গেল।

আর একবার আমার একটি বন্ধুর কন্ডার নামকরণে তাঁহার উপাসনা করিবার কথা। সন্ধ্যা ৭টার সময় উপাসনা আরম্ভ হইবে, এইরূপ স্থির ছিল। আমরা বলিয়া আছি, তিনি আর আসেন না। তিনি গবর্নর জেনারেলের বাড়িতে এক সাক্ষ্য সমিতিতে গিয়াছেন। বলিয়া গিয়াছেন, তিনি একবার দেখা দিয়াই চলিয়া আসিবেন। এদিকে ৮টা বাজিয়া গেল, ৯টা বাজিয়া গেল, তাঁহার দেখা নাই। অবশেষে প্রায় ৯টার সময় আসিয়া উপস্থিত হইলেন। আমি হাসিয়া বলিলাম, “আপনি বড় লোকদের সঙ্গে সঙ্গে কেন এত বেড়ান? কই, আপনাকে তো কোন টাইটেল দেয় না?” তিনি হাসিয়া বলিলেন, “কেন হে বাপু? কে. সি. এস. আই. (অর্থাৎ কেশবচন্দ্র সেন আমি), আমার টাইটেলের অপ্রতুল কি?”

আর একবার আমি তাঁহার ঘরে গিয়া দেখি, তিনি ঘুমাইতেছেন, কিন্তু চোখে চশমা আছে। জাগিলে আমি বলিলাম, “যদি ঘুমাইতেছেন, তবে চোখে চশমা কেন?” তিনি হাসিয়া বলিলেন, “ওহে বাপু, স্বপন তো দেখতে হয়।”



কেশবচন্দ্রের বিদেশ যাত্রা। ১৮৭০ সালের প্রারম্ভে তিনি যখন ইংলণ্ড যাত্রা করিলেন, তখন একদিন আমাদের অনেককে একত্র করিয়া অনেক কথা বলিয়াছিলেন। তিনি বিদেশে যাইতেছেন, কি হয় স্থিরতা নাই। তাঁহার অবর্তমানে তাঁহার যে সকল মত লইয়া বিবাদ হইবার সম্ভাবনা, সে সকল বিষয়ে কিছু কিছু বলিয়াছিলেন। তন্মধ্যে একটা কথা মনে আছে। তিনি মহাপুরুষের মতের উল্লেখ করিয়া বলেন যে, তিনি মহাপুরুষদিগকে মনে করেন যেন চশমা—অর্থাৎ চশমা যেমন চক্ষুকে আবরণ করে না, কিন্তু দৃষ্টির উজ্জ্বলতা সম্পাদন করে, তেমনি মহাপুরুষগণ ঈশ্বর ও মানবের মধ্যে দাঁড়াইয়া ঈশ্বর দর্শনের ব্যাঘাত করেন না, কিন্তু ঈশ্বর দর্শনের সহায়তা করেন। অথবা মহাপুরুষেরা যেন দ্বারবান, দ্বারবান যেমন আগন্তুক ব্যক্তিকে প্রভুর সমীপে উপনীত করিয়া দেয়, তৎপরে আর তাহার কাজ থাকে না, তেমনি মহাপুরুষগণ ঈশ্বর চরণে মানবকে উপনীত করিয়া দেন, নিজেরা আর মধ্যে থাকেন না। আমার মনে হইতেছে, আমি তখন তাঁহাকে বলিয়াছিলাম “মহাপুরুষেরা চশমা, তাহা ঠিক। কিন্তু কাহাকেও যদি বার-বার বলা যায়, ‘দেখ, দেখ, এ তোমার চোখে চশমা, এ তোমার চোখে চশমা,’ তাহা হইলে দ্রষ্টব্য পদার্থ হইতে তাহার দৃষ্টিকে তুলিয়া, সে দৃষ্টিকে চশমার উপরেই ফেলিয়া দেওয়া হয়। তেমনি মহাপুরুষগণ ঈশ্বর দর্শনের সহায় হইলেও, ‘এ মহাপুরুষ, এ মহাপুরুষ’ করিয়া যদি তাঁহাদের প্রতিই দৃষ্টিকে অধিক আকৃষ্ট করা হয়, তাহা হইলে ঈশ্বরকে পশ্চাতে ফেলা হয়।”

যাহা হউক, কেশবচন্দ্র ইংলণ্ডে গমন করিলে, তাঁহার বিচ্ছেদে আমি বড়ই ক্লেশ পাইয়াছিলাম, এবং তৎকালের মনের ভাব প্রকাশ করিয়া একটি কবিতালিখিয়াছিলাম; সেটি তাঁহার পত্নীর উদ্ভিতে। তাহা বোধ হয় অবলাবাক্তবে কি অল্প কোনো পত্রিকাতে প্রকাশিত হইয়াছিল। আমি কেশববাবুর নিকট অনেক শিখিয়াছি। কিভাবে ঈশ্বরের কাজ করিতে হয়, তাহা তাঁহাকে দেখিয়া বুঝিয়াছি। ঈশ্বরের প্রতি বিশ্বাস ও নির্ভর কাহাকে বলে, তাহা তাঁহাকে দেখিয়া জানিয়াছি।

কেশববাবু কয়েক মাস পরে ইংলণ্ড হইতে ফিরিয়া আসিলেন। তিনি আসিয়াই নানা নূতন কাজের প্রস্তাব করিলেন। ইণ্ডিয়ান রিফর্ম এ্যাসোসিয়েশন নামে একটি সভা স্থাপন করিয়া, তাহার অধীনে টেম্পারেন্স, এডুকেশন, চীপ লিটারেচার, টেকনিকাল এডুকেশন প্রভৃতি অনেক বিভাগ স্থাপন করিলেন। আমি সকল কাজেই তাঁহার অঙ্গস্বরূপ করিতাম। আমি স্থাপনান বিভাগের সভ্যরূপে ‘মদ না গরল’ নামে একখানি মাসিক পত্রিকা বাহির করিলাম। তাহাতে স্থাপনানের অনিষ্টকারিতা

প্রতিপন্ন করিয়া গম্ভীৰ্ণময় প্রবন্ধ সকল বাহির হইত। সে সমুদয়ের আধিকাংশ আমি লিখিতাম। তন্মিহ্ন 'হুলভ সমাচার' নামক এক পয়সা মূল্যের যে সংবাদপত্র বাহির হইয়াছিল, তাহাতেও লিখিতাম।

এই সময়ে কেশববাবু পুরান্ন সোসাইটি অব থীইষ্টিক ফ্রেণ্ডস্-কে পুনরুজ্জীবিত করেন, তাহাতে আমাকে বক্তৃতা করিতে বলেন। তদনুসারে আমি ইংরাজীতে এক বক্তৃতা করি, কেশববাবু সভাপতি ছিলেন। সে বক্তৃতার দিনের অন্ত-কথা অধিক মনে নাই। এইমাত্র আছে, আমেরিকার ইউনিটেরিয়ান মিশনারী সুপ্রসিদ্ধ ড্যাল সাহেব সেদিনকার সভাতে উপস্থিত ছিলেন। তিনি আপনাকে ব্রাহ্ম ফলোয়ার অব্ ক্রাইষ্ট বলিয়া ঘোষণা করিলেন।

এই ইণ্ডিয়ান রিফরম্ এ্যাসোসিয়েশন-এর পক্ষ হইতে কেশববাবু আর একটি কাজ করিয়াছিলেন। তিনি এক মুদ্রিত পত্র দ্বারা দেশেব প্রসিদ্ধ ডাক্তারগণের নিকট হইতে, এদেশীয় বালিকাগণের বিবাহের উপযুক্ত কাল কি, তাহা জানিবার চেষ্টা করিয়াছিলেন। তদন্তবে অধিকাংশ স্বদেশীয় ও বিদেশীয় ডাক্তার ১৬ বৎসরের উর্ধ্বে সেই কালকে নির্দেশ করেন। কেবল ডাক্তার চার্লস চহর্দশ বর্ষকে সর্বনিম্ন বয়স বলিয়া নির্দেশ করেন। তদনুসারে ১৮৭২ সালের তিন আইনে চতুর্দশ বর্ষকে বালিকার সর্বনিম্ন বিবাহের বয়স বলিয়া নির্দেশ করা হয়। তিন আইনের এই আন্দোলনে আমরা সকলেই তাহার সহায়তা করিয়াছিলাম।

এই সময়েই বা ইহার কিঞ্চিৎ পূর্বে বা পরে আদি সমাজের ভূতপূর্ব সভাপতি ভক্তিবাজন রাজনারায়ণ বসু মহাশয় 'হিন্দুধর্মের শ্রেষ্ঠতা' বিষয়ে একটি বক্তৃতা করেন। 'ফ্রেণ্ড অব্ ইণ্ডিয়া'র তদানীন্তন সম্পাদক ও বিলাতের টাইমস পত্রিকার পত্রপ্রেরক জেমস রুটলেজ সাহেব তাহার সংক্ষিপ্ত বিবরণ টাইমস পত্রিকাতে প্রেরণ করেন। তাহার ফলস্বরূপ এদেশে ও সেদেশে সেই বক্তৃতা সম্বন্ধে চর্চা উপস্থিত হয়। সেই বক্তৃতাতে রাজনারায়ণবাবু ব্রাহ্মধর্মকে উন্নত হিন্দুধর্ম বলিয়া প্রতিপাদন করেন। উন্নতিশীল দল এ মতের বিরোধী ছিলেন। কেশববাবু আমাকে ও পণ্ডিত গৌরগোবিন্দ রায়কে এই বিষয়ে দুইটি প্রবন্ধ লিখিয়া পড়িতে আদেশ করেন। তদনুসারে আমি ইংরাজীতে ও গৌরবাবু বাংলাতে প্রবন্ধ লিখিয়া পাঠ করি। কেশববাবু সভাপতির আসন গ্রহণ করেন।

**কেশবচন্দ্রের ভারত আশ্রম।** এই সময়কার সর্বপ্রথম কার্য 'ভারত আশ্রম' স্থাপন। কেশববাবু ইংলণ্ডে ইংরাজদের গৃহকর্ম দেখিয়া চমৎকৃত হইয়া আসিয়াছিলেন।

সর্বদা বলিতেন, মিডল ক্লাস ইংলিশ হোম-এর গ্রায় ইনস্টিটিউশান পৃথিবীতে নাই। তাঁহার মনে হইল, কতকগুলি ব্রাহ্ম পরিবারকে একত্র রাখিয়া, কিছুদিন সময়ে আহার, সময়ে বিশ্রাম, সময়ে কাজ, সময়ে উপাসনা, এইরূপ নিয়মাধীন রাখিয়া, শৃঙ্খলামতো কাজ করিতে আরম্ভ করিলে, তাহারা সেই ভাব লইয়া গিয়া চারিদিকের ব্রাহ্ম পরিবারে ব্যাপ্ত করিতে পারে। এই ভাব লইয়া তিনি ভারত আশ্রম স্থাপন করিলেন। তাঁহার অমুচর প্রচারকগণ সর্বাগ্রে গেলেন। তৎপরে আমরাও অনেকগুলি পরিবার বাহির হইতে গেলাম। আমরা কেশববাবুর মনের ভাবটা কাজে করিয়া দেখিবার জন্ত কৃতসঙ্কল্প হইলাম।

ভারত আশ্রম স্থাপিত হইলে কেশববাবু কলুটোলার বাড়ি পরিত্যাগ করিয়া আমাদের সঙ্গে আসিয়া থাকিতে লাগিলেন। কলিকাতা ১৩ নং মির্জাপুর স্ট্রিট ভবনে (বর্তমান সিটি স্কুলের ভূমিস্থিত ভবনে) প্রথমে কিছুদিন থাকিয়া পরে শহরের বাহিরে কোনো কোনো বাগানে গিয়া থাকা হয়। প্রথম বেলঘরিয়ায় এক বাগানে, তৎপরে কাঁকড়াগাছির এক বাগানে কিছুদিন থাকা হয়। এই সকল স্থানে গিয়া আমরা কেশববাবুর বিমল সহবাসে থাকিবার অবসর পাইলাম। স্বীয়-স্বীয় ব্যয়ের অংশ দিয়া সকলে একান্তরুক্ত পরিবারের গ্রায় থাকিতাম। একসঙ্গে খাওয়া, একসঙ্গে বসা, একসঙ্গে বেড়ানো—মুখেই কাল কাটিত। শহরে যাহাদের কাজ থাকিত, তাঁহারা দিনের বেলায় শহরে গিয়া কাজ করিয়া আসিতেন। প্রাতে ও সন্ধ্যাতে একসঙ্গে উপাসনা ও একসঙ্গে ধর্মোপদেশ চলিত। আমরা সকল বিষয়েই কেশববাবুর পরামর্শ ও সদুপদেশ পাইতাম।

আমি ব্রাহ্মধর্ম প্রচার কার্যে আপনাকে অর্পণ করিব বলিয়াই ভারত আশ্রমে বাস করিতে গিয়াছিলাম। আমার অগ্রে অভিপ্রায় ছিল যে, আমি কলেজ হইতে উত্তীর্ণ হইয়া ওকালতী করিব, সেই জন্ত উকীল বন্ধুদের পরামর্শে তিন বৎসর ‘ল লেকচার’ শুনিয়া শেষ করিয়া রাখিয়াছিলাম। যত দূর স্মরণ হয়, আমার বি. এল. দিবার ইচ্ছা হইবার আর একটি কারণ ছিল। তদানীন্তন লেকটেন্যান্ট গবর্নর সংস্কৃত কলেজের প্রিন্সিপাল প্রসন্নকুমার সর্বাধিকারী মহাশয়কে বলিয়াছিলেন, “আমি জুডিশিয়াল মার্জিস-এ তোমাদের কলেজের ছেলে চাই, কারণ তাহারা ‘হিন্দু ল’ বিষয়ে অভিজ্ঞ হয়।” তদনন্তর সর্বাধিকারী মহাশয় আসিয়া আমাদের কাছে বি. এল. পরীক্ষা দিবার নিমিত্ত উৎসাহিত করেন; এবং আমার ভক্তিতাজন মাতুলমহাশয়ও সে বিষয়ে আগ্রহ প্রকাশ করেন। তদনুসারে আমি ‘ল লেকচার’ শুনিতে আরম্ভ

করি। কিন্তু বি. এ. পাশ করিয়াই অন্তবিধ আকাঙ্ক্ষা আমার হৃদয়ে আসিল। আমি কেশববাবুর পদাঙ্কসরণ করিয়া ব্রাহ্মধর্ম প্রচার কার্যে আমার জীবন দিব এই বাসনা হৃদয়ে উদয় হইল। গোপনে পত্র দ্বারা কেশববাবুকে একরূপ অভিপ্রায় জানাইলাম। তিনি আমাকে বলিলেন, “তুমি আস্তে আস্তে ক্রমে আমাদের সঙ্গে জোট, তারপর দেখা যাবে কি হয়।” এবং আমি ১৮৭২ সালের প্রারম্ভে এম. এ. পাশ করিয়া ‘শাস্ত্রী’ উপাধি পাইয়া কলেজ হইতে বাহির হইবামাত্র, তাহার নব প্রতিষ্ঠিত মহিলা বিদ্যালয়ে আমাকে শিক্ষকতা কার্য দিয়া আশ্রমে সপরিবারে থাকিতে আদেশ করিলেন। আমার নামে বেতন রূপে যাহা দেওয়া হইত, তাহা প্রচারকগণের চির-পরিচারক শ্রদ্ধাশ্রম কান্তিচন্দ্র মিত্রের হস্তে জমা হইত, তিনি আমার স্ত্রী-পুত্রের ভরণপোষণ দেখিতেন, তাহার সহিত আমার কোনো সংস্রব থাকিত না। বলা বাহুল্য, তখন প্রচারকগণ সকলে, ও তৎসঙ্গে আমি, সপরিবারে ঘোব দারিদ্র্যে বাস করিতাম।

আমি কেশববাবুর আশ্রমোৎসাহের মধ্যে প্রাণমন ঢালিয়া দিয়াছিলাম। সে সময়ে আশ্রমের আবির্ভাব সম্বন্ধে একটি কবিতা লিখি, তাহা বোধ হয় ধর্মতত্ত্বে প্রকাশিত হইয়াছিল।

সে সময় কেশববাবুর ও তাঁহার পত্নীর যে সাধুতা ও ধর্মনিষ্ঠা দেখিয়াছিলাম, তাহা জীবনে ভুলিবার নয়। প্রতিদিন ছপুৰবেলা আশ্রমবাসিনী মহিলাদিগকে লইয়া স্কুল করা হইত। আমি ঐ স্কুলে পড়াইতাম। একদিন কেশববাবু তাঁহার পত্নীকে উদ্দেশ্য করিয়া আমাকে বলিলেন, “ওহে, তুমি ওঁকে ইংরেজী শেখাও তো।” তদনন্তর তিনি আমার ছাত্রী হইলেন। কেশববাবু তাঁহার প্রকৃতির সরলতা জানিতেন। তিনি বিলাত হইতে কতকগুলি চিলড্রেনস ম্যাগাজিন ও বীডিং বুক্স আনিয়াছিলেন। তাহার একখানি তাঁহাকে পড়াইবার জন্ত দিলেন। আমি হাসিয়া বলিলাম, “এ যে ছোট ছেলেদের বই।” তিনি বলিলেন, “আ’রে, উনি প্রথম ইংরেজী পড়বেন তো? হলই বা ছোট ছেলেদের বই। তুমি পড়াতে আরম্ভ কর না, দেখবে, উনি মনে ছোট ছেলেই আছেন।” কাজেও তাহার প্রমাণ পাইলাম। তাঁহার পাঠ্য পুস্তকে একটি ছোট মেয়ের ছবি ছিল, তাহার মাথায় কৌকড়া কৌকড়া চুল। মেয়েটি দেখিতে সুন্দর, কিন্তু বড় দুট। ঐ ছবির সঙ্গে তাহার দুটামির অনেক গল্প আছে। আচার্য-পত্নী তাঁহার জীবনে এত দুটামির কথা বোধ হয় শোনে নাই। তিনি পড়িয়া বড়ই বিরক্ত হইয়া গেলেন, ছবিটা পর্যন্ত তাঁহার চক্ষের শূল হইয়া দাঁড়াইল। একদিন পড়িবার জন্ত যেই বই খুলিয়াছেন, অমনি সেই ছবিটা বাহির হইল। তিনি দেখিয়া

রাগিয়া গেলেন ও নিজের মনে মনে বলিতে লাগিলেন “মা গো মা ! কি ছুই মেয়ে ! দেখলেই রাগ হয় ।” আমি শুনিয়া হাসিয়া বলিলাম, “রাগেন কার উপরে ? ও যে ছবি ! আর ও সব যে কল্পিত গল্প ।” তিনি সেদিকে কান দিলেন না । তাঁহার দ্বিতীয় কন্ঠ্যর উল্লেখ করিয়া আমাকে জিজ্ঞাসা করিলেন, “তার চুলগুলো কি কেটে দেব ? তারও চুলগুলো ঠিক এমনি ঠোঁকড়া, দেখলে ঐ ছবিটা মনে পড়ে ।” আমি শুনিয়া হাসিতে লাগিলাম ।

আর একদিনের আর একটি ঘটনা উল্লেখযোগ্য । একদিন আমি কেশববাবুর সহিত কোনো বিশেষ বিষয়ে আলোচন করিবার জন্ত তাঁহার ঘরে গেলাম । তখন তাঁহার বিশ্রাম করিবার সময় । কিন্তু দেখিলাম, তিনি ঘরে নাই । তাঁহার পত্নীকে জিজ্ঞাসা করাতে তিনি বলিলেন, “আমাকে কোনো কারণে রাগতে দেখে, তিনি প্রথমে বললেন, ‘তাই তো, তুমিও বেগে উঠলে ?’ এই বলে ঐ ঘরেই কিছুক্ষণ চোখ বুজে বসে রইলেন, পাষণের মূর্তি, তারপর বাহির হয়ে গেলেন । খুঁজে দেখুন বোধ হয় বাগানের কোনো গাছতলায় চোখ বুজে বসে আছেন ।” শুনিয়া আমি হাসিতে লাগিলাম । তিনি বলিলেন, “হাসেন কি ? ঐ চোখ বুজে-বুজেই আমায় সেরে আনছেন । আমি কিছু অস্ত্রায় করলেই, রাগ নাই উন্মাদ নাই, চোখ বুজে একেবারে পাষণপ্রতিমা হয়ে যান । আমি লজ্জায় মরে যাই । ভবিষ্যতে যাতে আর ওরূপ না করি, তাঁর জন্ত ঈশ্বর চরণে বার-বার প্রার্থনা করতে থাকি ।”

আমি শুনিয়া ভাবিতে লাগিলাম, যঁাহার বাহিরে এত তেজ, বক্তৃতাতে যিনি অগ্নি উদ্দীপ্ত করেন, যঁাহার মহত্ত্বের প্রভাবে ধরা কম্পিত হয়, গৃহের মধ্যে তাঁহার এই আত্মসংযম ! বাস্তবিক, কেশবচন্দ্রের আত্মসংযম শক্তি অতি অদ্ভুত ছিল । বাদ বিসম্বাদ তর্কযুদ্ধে আমরা অনেকেই অনেক সময় উত্তেজিত ও ক্রুদ্ধ হইতাম, কিন্তু তিনি ধীর ও স্থির থাকিয়া আপনার বক্তব্য প্রকাশ করিতেন । মনে হয়তো গভীর বিরক্তির আবির্ভাব, কিন্তু বাহিরে তাহার প্রকাশ নাই । স্বযুক্তি পরম্পরা দ্বারা শ্রোতাকে কোণঠাসা করিয়া ধরিতেন । দীর্ঘকাল একত্র বাস করিয়া কেবল দুই-এক স্থলে মাত্র তাঁহাকে উত্তেজিত দেখিয়াছি । নতুবা তিনি সর্বত্র সর্ব কালে ও সর্ব বিষয়ে আমাদের নিকট সংঘের আদর্শ স্বরূপ থাকিয়াছেন । এ কথা যখনই স্মরণ করি, হৃদয় উন্নত হয় এবং নিজের দৈনিক ব্যবহারের জন্ত লজ্জা হয় । তাঁহার সংঘের এই দৃষ্টান্তটি চিরস্মরণীয় হইয়া রহিয়াছে । উপসংহারে বক্তব্য যে, কেশববাবুর ঘর হইতে বাহির হইয়া বাগানে তাঁহাকে অব্বেষণ করিতে গিয়া বাস্তবিক দেখিলাম যে, তিনি এক বৃক্ষের তলে নয়ন মুদ্রিত করিয়া ধ্যানে নিমগ্ন আছেন ।

আচার্য-পত্নীর সরলতা ও আমার প্রতি অকপট ভালোবাসার আর একটি নিদর্শন মনে হইতেছে, তাহা বলিয়া ফেলি। আমি একদিন স্কুলে পড়াইবার সময় দেখিলাম, তিনি পড়া করিয়া আসেন নাই। তাই তাঁহাকে বলিলাম, ছুপুরবেলা খাওয়ার পর ঘরে গিয়ে শয়ন করলে আপনি তো আপনার পড়ির নিকট কঠিন বিষয়গুলো জেনে নিতে পারেন, পড়া তয়ের করে আসতে পারেন।” তদুৎপত্তে তিনি তৎপরদিন ছুপুর-বেলা পড়া জানিতে বসেন। কেশববাবু এটা ওটা বলিয়া দিতেছেন, এমন সময়ে তাঁহার পত্নী বলিয়া উঠিলেন, “যাও যাও, তুমি শিবনাথবাবুর মতো পড়াতে পার না।” এই কথায় কেশববাবু খুব হাসিতে লাগিলেন। তৎপরদিন তাঁহারা যখন পত্নী-পত্নীতে একত্র আছেন, এমন সময়ে কোনো কাজের জন্ত আমি সেখানে গেলাম। আমাকে দেখিয়া কেশববাবু হাসিয়া বলিলেন, “শিবনাথ! তুমি আমার সমক্ষে পড়াও তো, আমি দেখি। তুমি এমন পড়া কি পড়াও যে আমার পড়ানো ও’র মনে লাগে না? আমাকে বলেছেন, ‘তুমি শিবনাথবাবুর মতো পড়াতে পার না।’” আমি হাসিয়া বলিলাম, “বুলেন না, আমাকে ভারি ভালোবাসেন কি না, তাই আমি যা করি ভালো লাগে। আপনাকে জেনেছেন সর্বোৎকৃষ্ট উপদেষ্টা, আমাকে জেনেছেন সর্বোৎকৃষ্ট শিক্ষক। যা হোক, এ কথা শুনে আমার শ্রমটা সার্থক বোধ হচ্ছে।”

এই ভারত আশ্রমে বাসকালে আচার্য-পত্নীর পতিভক্তি ও শিশুহীনতায় সরলতার আর এক নিদর্শন পাওয়া গিয়াছিল, তাহা এখানে উল্লেখ করা ভালো। আশ্রম স্থাপিত হইয়া প্রথমে কিছু দিন ১৩ নম্বর মির্জাপুর স্ট্রীট ভবনে ছিল। তখনও ‘বয়স্ক মহিলা বিজ্ঞানালয়’ স্থাপিত হয় নাই। সে সময়ে কেশববাবু খ্রীষ্টীয় ধর্ম প্রচারিকা কুমারী পিগটকে অহুরোধ করিয়াছিলেন যে, তিনি সপ্তাহের মধ্যে কয়েকদিন বৈকালে আসিয়া আশ্রমবাসিনী মহিলাদের সঙ্গে বসিবেন, তাঁহাদের লেখাপড়া দেখিবেন ও তাঁহাদের সঙ্গে নানা হিতকর বিষয়ে আলাপ করিবেন। কুমারী পিগট কেশববাবুকে ভালোবাসিতেন ও শ্রদ্ধা করিতেন, এই অহুরোধ করিবামাত্র তিনি আসিতে লাগিলেন! একদিন মহিলাদের সহিত অপরাপর কথার মধ্যে কুমারী পিগট বলিলেন, “আমরা বিতর্ক করি যাহারা খ্রীষ্টীয় ধর্ম গ্রহণ না করে তাহাদের অনন্ত নরক বাস হইবে।” আচার্য-পত্নী সেখানে ছিলেন, তিনি শুনিয়া চমকিয়া উঠিলেন, বলিলেন, “ও মা সে কি গো! যে সরল ভাবে বিশ্বাস করতে পারছেন না, তাঁর সাজা অনন্ত নরক বাস?” কুমারী পিগট বলিলেন, “হাঁ, আমাদের ধর্মে তাই বলে। এমন কি, তোমার পতিও যদি খ্রীষ্টীয় ধর্মে দীক্ষিত না হন, তাঁহার ভাগ্যও নরক বাস।” এই কথা শুনিয়া আচার্য-পত্নী গম্ভীর মূর্তি ধারণ করিলেন, তাঁহার চক্ষে দৃঢ়

ধায়ে অঙ্গ পড়িতে লাগিল। কিয়ৎক্ষণ পরেই তিনি উঠিয়া নিজের ঘরে গেলেন। তৎপরে কুমারী পিগটের নিকট আসা ত্যাগ করিলেন। আমরা বুঝাইয়া আনিতে পারিলাম না, কেশববাবুও নিজে বুঝাইয়া রাজি করিতে পারিলেন না। তিনি বলিলেন, “কুমারী পিগটের মুখ আর দেখব না।” কত বলা গেল, “খ্রীষ্টিয়ান ধর্মে যাহা আছে তাহাই তিনি বলিয়াছেন, কেশববাবুর প্রতি ঘৃণা প্রকাশের জন্য কিছু বলেন নাই।” তথাপি শুনিলেন না। কিছুদিন পরে বোধ হয় কুমারী পিগটের সহিত পুনর্মিলিত হইয়াছিলেন।

**দ্বিতীয়া পত্নীর আগমন।** ইতিমধ্যে আমার পারিবারিক জীবনে এক সূক্ষ্মত্বপরিবর্তন উপস্থিত হইল। আমার দ্বিতীয়া পত্নী বিরাজমোহিনীকে আনিতে হইল। ইহার দুই বৎসর পূর্বে তাঁহার পিতা মাতা ভাই ভগিনী প্রভৃতি সমুদয় অকালে গত হন। তিনি একাকিনী তাঁহার পিতৃবাগণের গলগ্রহ হন। তদনন্তর তাঁহার পিতৃবামহাশয় আসিয়া তাঁহাকে আনিবার জন্য আমাকে আগ্রহের সহিত অনুরোধ করেন। আমি তাঁহার পুনরায় বিবাহ দিবার আশায় তাঁহাকে অগ্রে কয়েকবার আনিতে গিয়া বিফল-মনোরথ হইয়া, সে চেষ্টা কিছুদিনের জন্য পরিত্যাগ করিয়াছিলাম। এক্ষণে তাঁহার পিতৃব্যের অনুরোধে পুরাতন কর্তব্যজ্ঞানটা আমার মনে প্রবল হইয়া উঠিল। কিন্তু আমার ব্রাহ্ম বন্ধুদিগের মধ্যে অনেকে তাঁহাকে আনিবার প্রস্তাবের প্রতিবাদ করিয়া বলিতে লাগিলেন, “ব্রাহ্ম দুই জাতি লইয়া একত্র বাস করিবে, ইহা বড়ই খারাপ কথা। বহুবিবাহের প্রতিবাদ আমাদের এক প্রধান কাজ। দুই জাতি লইয়া একত্র থাকিতে তুমি বহুবিবাহের প্রতিবাদ করিবে কিরূপে?” আমি বলিলাম, “আমি তো দুই জাতি নিয়ে ঘরকন্না করব বলে আনতে যাচ্ছি না। সে বেচারির অপরাধ কি যে, পিতা মাতা গত হওয়ার পরেও তাকে আশ্রয় দিব না? এ বহুবিবাহের অপরাধ তো তার নয়, সে অপরাধ আমার। আমি তাকে এনে লেখাপড়া শিখাব, সে রাজি হলে তার আবার বিয়ে দেব বলে আনতে যাচ্ছি।” এই মতভেদ লইয়া আমি কেশববাবুর শরণাপন্ন হইলাম। তিনি বিরাজমোহিনীকে আনিতে পরামর্শ দিয়া বলিলেন, “বাল্য বিবাহের দেশে বহুবিবাহে মেয়েদের অপরাধ কি? একজন যদি দশটি মেয়ে বিবাহ করে ব্রাহ্ম হয়, পরে সে দশজনকে আশ্রয় দিতে বাধ্য। এমন কি, আশ্রয় না দেওয়াতে উক্ত-ব্রাহ্মলোকদের কেহ যদি বিপথে যায়, তার জন্য সে দায়ী।”

**পত্নীকে পুনর্বিবাহ দেওয়ার প্রস্তাব।** আমি কর্তব্য বোধে ১৮৭২ সালের মধ্যভাগে বিরাজমোহিনীকে আনিতে গেলাম। তাঁহাকে পত্নীভাবে গ্রহণ করিব না, কিন্তু পুনঃ-পরিণীতা না হওয়া পর্যন্ত বক্ষা ও শিক্ষার বন্দোবস্ত করিব, যত দূর মনে হয় এই ভাবেই আনিতে গিয়াছিলাম। আশ্রমে রাখিব ও মহিলা বিদ্যালয়ে ভর্তি করিয়া

দিব। পরে তিনি যদি পুনঃপরিণীতা হইতে না চান, লেখাপড়া শিখিলে কোনো ভালো কাজে বসাইয়া দিব। তিনি স্থগী হইবেন, ও আশ্রয়কা করিতে পারিবেন— ইহা ভাবিয়া মনে মনে আনন্দ হইতে লাগিল। প্রসন্নময়ীকে বুঝাইয়া তাঁহাকে আনিতে গেলাম। আনিয়া আশ্রমে প্রসন্নময়ীর সহিত রাখিলাম। বিরাজমোহিনীর বয়স তখন ১৪।১৫ বৎসর হইবে। বিরাজমোহিনীকে বলিলাম, “আমি যে এতদিন তোমাকে পত্নীভাবে গ্রহণ করি নাই, তাহার কারণ এই যে, আমার মনে আছে তুমি বড় হইয়া যদি অন্য কাহাকেও বিবাহ করিতে চাও, করিতে দিব। আর যদি লেখা পড়া শিখিয়া কোনো ভালো কাজে আপনাকে দিতে চাও, দিতে পারিবে, এজ্ঞ তোমাকে স্কুলে দিতেছি। তুমি এখন লেখা পড়া কর।” এই বলিয়া তাঁহাকে স্কুলে ভর্তি করিয়া দিলাম। কিন্তু দিলে কি হয়? তিনি প্রথম প্রস্তাব শুনিয়া চমকিয়া উঠিলেন, “মা গো! মেয়েমানুষের আবার ক’বার বিয়ে হয়!” তাঁহার ভাব দেখিয়া, পুনর্বিবাহের প্রতি দারুণ ঘৃণা দেখিয়া, আমার এতদিনের পোষিত মাথার ভৃত্য এক কপাতে নামিয়া গেল। আমি বুঝিলাম, দ্বিতীয় প্রস্তাবই কার্যে পরিণত করিতে হইবে।

দাম্পত্য সঙ্কট। কিছু আর একদিক দিয়া আমার আর এক পরীক্ষা উপস্থিত হইল। প্রসন্নময়ী ও বিরাজমোহিনী যখন এক ভবনে একত্রে বাস করিতে লাগিলেন, অর্থাৎ আমি বিরাজমোহিনীকে পত্নীভাবে গ্রহণ করিতে বিরত রহিলাম, তখন প্রসন্নময়ী হইতেও সেই সময়ের জ্ঞান আমার স্বতন্ত্র থাকা উচিত বোধ হইতে লাগিল। তখন তাঁহার সঙ্গে বহুদিনের স্বামী-স্ত্রী সম্বন্ধ রহিয়াছে, তৎপূর্বে হেমসন্যাস, তেরঙ্গিণী ও প্রিয়নাথ তিনজন জন্মিয়াছে। কিন্তু আশ্রমে স্কুল-ঘর ও কেশববাবুর আপিস-ঘর ভিন্ন অধিক বাহিরের ঘর ছিল না। রাত্রে প্রসন্নময়ীর ঘরে না শুইলে শুই কোথায়? দূরে গিয়া থাকা আমার পক্ষে ঘোর সংগ্রামের বিষয় হইয়া দাঁড়াইল। প্রসন্নময়ীর পক্ষেও তাহা অতীব ক্লেশকর হইল। অবশেষে প্রসন্নময়ীকে বুঝাইয়া বিদায় লইয়া এখানে ওখানে শুইতে আরম্ভ করিলাম। ঘটনাতঃ এক উপায় আবিষ্কার হইল। হিন্দু কলেজের বাবুগোতে দপ্তরীদের একটা টেবিল পড়িয়া থাকিত। রাত্রে তাহাদের জিনিসপত্র কিছু থাকিত না। রাত্রে আহারের পর একথানা পুস্তক লইয়া সেখানে গিয়া সেই পুস্তক মাথায় দিয়া টেবিলে শুইয়া বেশ নিদ্রা যাইতাম। দীঘির মাঠের হাওয়ায় বেশ নিদ্রা হইত। প্রাতে আসিয়া স্নান করিয়া কেশববাবুর উপাসনাতে যোগ দিতাম, বন্ধুদের সহিত আহার করিতাম, আহারান্তে মহিলা স্কুলে পড়াইতাম, অপরাহ্নে বন্ধুদের সহিত ধর্মালোচনা কাটাইতাম, সন্ধ্যার পর আহার করিয়া আবার হিন্দু কলেজের বাবাগোয় টেবিলের উপর গিয়া শুইতাম। সেখানে আমার সময়



বড় ভালো যাইত। গভীর রাত্রেই নির্জনে অনেক দিন ঈশ্বর চিন্তাতে যাপন করিতাম। রজনী প্রভাত হইবার পূর্বেই আমাকে উঠিতে হইত। উষাকালের সেই ব্রাহ্মমূর্ত্ত আমার পক্ষে বড়ই স্পৃহণীয় ছিল।

আমি জানিতাম, আমি যে গোলদীঘির ধারে টেবিলের উপরে রাত্রি যাপন করি, তাহা কেহ জানেন না। কিন্তু কিছুদিনের মধ্যে প্রসন্নময়ী ও বিবাজমোহিনী উভয়েই সে কথা জানিতে পারিলেন। শুইবার স্বাভাব্যে কলেজের বারান্দায় পড়িয়া থাকি শুনিয়া প্রসন্নময়ী কাদিতে লাগিলেন। বিবাজমোহিনী মনে করিলেন, তিনিই এই সমুদয় কষ্টের কারণ, ইহা ভাবিয়া ঘোর বিবাদে পতিত হইলেন, তাঁহারও চক্ষে জলধারা বহিতে লাগিল।

**স্ত্রী-স্বাধীনতার আন্দোলন।** এই সময় আবার আমার শ্রদ্ধেয় বন্ধু নগেন্দ্রনাথ চট্টোপাধ্যায় মহাশয় কৃষ্ণনগর হইতে কর্ম ছাড়িয়া প্রচারক দলে যোগ দিবেন বলিয়া আসিলেন। তাঁহার আসিবার কথা যেদিন স্থির হয়, সেদিন কাস্তিচন্দ্র মিত্র মহাশয়ের সহিত কেশববাবুর যে কথোপকথন হয়, তাহাতে আমি উপস্থিত ছিলাম। সেদিনের কথা কখনই ভুলিব না। কাস্তিবাবু আসিয়া বলিলেন, “নগেন্দ্র আসিতে চাহিতেছেন, কি করা যাবে?”

কেশববাবু। সে তো ভালই, তিনি আসুন। করা যাবে কি, কেন ভাবছ ? আবার করা যাবে কি ?

কাস্তিবাবু। কিরূপে চলবে ?

কেশববাবু। তা ভাববার তোমার অধিকার কি ? যিনি আনছেন তিনিই তাঁর উপায় করবেন।

তাঁহার একপ বিশ্বাস ও নির্ভর্যেব ভাব অনেক স্থলে দেখিয়াছি। নগেন্দ্রবাবু কৃষ্ণনগরে তাঁহার জননীকে রাখিয়া একটি পুত্র ও পত্নীসহ আশ্রমে আসিলেন।

কিন্তু তাঁহার আসিবার অচিরকালের মধ্যে কেশববাবুর অন্তগত প্রচারক দলের সহিত আমার ও নগেন্দ্রবাবুর অপ্রীতি জন্মিতে লাগিল।

আমার প্রতি অপ্রীতি জন্মিবার দুই কারণ। প্রথম কারণ, এই সময়ে স্ত্রী-স্বাধীনতার আন্দোলন উপস্থিত হইল। ১৮৭২ সালে আমার বন্ধু দ্বারকানাথ গাঙ্গুলী, দুর্গ মোহন দাস, রজনীনাথ রায়, অন্নদাচরণ খাস্তগির প্রভৃতি কতকগুলি ব্রাহ্ম কেশববাবুকে বালনেন যে, তাহারা তাঁহাদের পরিবারস্থ মহিলাদিগকে লইয়া মন্দিরে প্রদার বাহিরে বসিতে চান। কেবল এ কথা যে বলিলেন তাহা নহে,

একটা কিছু হিব হইতে না হইতে একদিন অন্নদাচরণ খাস্তগির ও দুর্গামোহন দাস স্বীয়-স্বীয় পত্নী ও কন্তাগণ সহ পরদার বাহিরে সাধারণ উপাসকদিগের মধ্যে গিয়া বসিলেন। এইরূপ করেকবার বসিতেই উপাসক-মণ্ডলীর অপরাপর সভ্যগণ আন্দোলন উপস্থিত করিলেন। অনেকে এত দূর গেলেন যে, কেশববাবুকে বলিলেন, তাহা হইলে তাঁহাদিগকে মন্দিরে আসা ত্যাগ করিতে হয়। ঐ সময়ে একদিন সমাগত মহিলাদিগকে পরদার বাহিরে বসিতে নিষেধ করা হইল, তাহাতে অত্যাগ্রসর দল রাগিয়া গেলেন। কেশববাবু বিপদে পড়িলেন। কিরূপে উভয় পক্ষ রক্ষা হয়, সেই চিন্তাতে প্রবৃত্ত হইলেন।

স্বাধীনতার পক্ষপাতী দল বিলম্ব সহ্য না করিয়া মন্দিরে আসা পরিত্যাগ করিলেন, এবং প্রথমে বহুবাজার ষ্ট্রীটে খাস্তগির মহাশয়ের ভবনে, ও তৎপরে অপর স্থানে উপাসনা করিতে আরম্ভ করিলেন। তাঁহারা একবার মহাবিক্রে আনিয়া আপনাদের সমাজে উপাসনা করাইলেন। আমার বন্ধু স্বারকানাথ গঙ্গোপাধ্যায় এই স্বাধীনতা পক্ষের প্রধান নেতা হইলেন। তাঁহার সঙ্গে অনেকদিন আমি এক বাড়িতে এক পরিবারে বাস করিয়াছিলাম। হৃদয়ে-হৃদয়ে একটা প্রীতির যোগ ছিল। আমি তাঁহাদের স্বাধীনতা দলের একজন পাণ্ডা হইলাম না বটে, কিন্তু তাঁহাদের সহিত আমার মনের যোগ ছিল। স্রীলোকদিগকে বাহিরে বসিতে দিতে আমার আপত্তি ছিল না। বরং যখন তাঁহারা বসিতে চাহিয়াছেন, তখন বসিতে দেওয়া উচিত, এই মনে করিতাম। তবে স্বারিকবাবুর জ্ঞান মনে করিতাম না যে, বাহিরে বসিতে দিলেই পরিজ্ঞাপের স্বার উন্মুক্ত হইবে। তখন আমার এই প্রকার ভাব ছিল। যাহা হউক, তাঁহারা স্বতন্ত্র সমাজ স্থাপন করিয়াই সেখানে মধ্যে মধ্যে উপাসনা করিবার জন্ত আমাকে ধরিলেন। আমি জানিতাম, ইহাতে কেশববাবু অসন্তুষ্ট হউন বা না হউন, তাঁহার অসুগত প্রচারক দলের অসন্তুষ্ট হইবার সম্ভাবনা। কিন্তু স্বাধীনতা পক্ষীয় সকলেই আমার বন্ধু এবং তাঁহাদের সহিত আমার হৃদয়ের যোগ, উপাসনা করিবার অনুরোধ কিরূপে লজ্বন করি? কাজেই সম্মত হইলাম এবং তাঁহাদের সমাজে উপাসনা করিতে লাগিলাম। ইহা প্রচারক মহাশয়দিগের সহিত আমার মতভেদের একটা কারণ হইল।

ক্রমে কেশববাবু তাঁহার ব্রহ্মমন্দিরের এক কোণে পরদার বাহিরে অগ্রসর দলের মহিলাদের জন্ত বসিবার স্থান করিয়া দিলেন। তখন স্বাধীনতার দল স্বতন্ত্র সমাজ তুলিয়া দিয়া আবার মন্দিরে আসিতে লাগিলেন।

স্বাধীনতা বিষয়ে মতভেদ। মন্দিরে মহিলাদের বসিবার স্থান লইয়া যে বিবাদ তাহা মিটিয়া গেল বটে, কিন্তু স্রীলোকের শিক্ষা ও সামাজিক অধিকার সম্বন্ধে কেশব-

বাবুর সহিত এই অগ্রসর দলের যে মতভেদ ঘটিয়াছিল, তাহা এরূপ সহজে মিটিবার জিনিস ছিল না। আশ্রমে যে মহিলা বিদ্যালয় ছিল, তাহাতে কেশববাবু বিশ্ব-বিদ্যালয়ের রাতি অল্পসারে শিক্ষা দিবার বিরোধী ছিলেন। এমন কি, জ্যামিতি পড়ানো লইয়াও তাঁহার সহিত আমার তর্ক-বিতর্ক হইয়াছিল। আমি জ্যামিতি, লজিক ও মেটফিজিক্স পড়াইতে চাহিয়াছিলাম। বলিয়াছিলাম, “এ সকল না পড়াইলে প্রকৃত চিন্তাশক্তি ফুটিবে না।” কেশববাবু বলিলেন, “এ সকল পড়াইয়া কি হইবে? মেয়েরা আবার জ্যামিতি পড়িয়া কি করিবে? তদপেক্ষা এলিমেন্টারি প্রিন্সিপলস অব সায়েন্স মুখে মুখে শিখাও।” আমি সায়েন্স-এর মধ্যে মেন্টাল সায়েন্স আনিলাম। তখন আমি তাক্সা কলেজ হইতে বাহির হইয়া আসিয়াছি, মেন্টাল সায়েন্স-এ মাথা পুরিয়া বসিয়াছে, আমার ছাত্রীদিগকে তাহা না পড়াইয়া কি থাকিতে পারি? আমি মুখে মুখে মেন্টাল সায়েন্স বিষয়ে ও লজিক বিষয়ে উপদেশ দিতাম, ছাত্রীরা লিখিয়া লইতেন। সে সকল নোট এখনো আমার পুরাতন ছাত্রীদের কাহারও কাহারও নিকট থাকিতে পারে। আমার প্রধান ছাত্রী ছিলেন তিনজন, রাধারানী লাহিড়ী, সোদামিনী খাস্তাগর (যিনি পরে মিসেস বি. এল. গুপ্ত হইয়াছিলেন) ও প্রসন্নকুমার সেনের স্ত্রী রাজলক্ষ্মী সেন। ইহারা সকলেই তখন বয়স্থা ও জ্ঞানানুরাগিণী, ইহাদিগকে পড়াইতে আমার অতিশয় আনন্দ হইত।

**কেশবচন্দ্রের আদেশ ঈশ্বরের আদেশ কিনা।** স্ত্রী-স্বাধীনতার আন্দোলন ও স্ত্রীশিক্ষা বিষয়ে মতভেদ ব্যতীত আমার প্রতি বিরক্তির আরও একটি কারণ ছিল। আমি কেশববাবুর কোনো কোনো মত লইয়া সর্বদা তর্ক উপস্থিত করিতাম। এই তর্ক অনেক সময়েই কেশববাবুর সাক্ষাতে হইত। তন্মধ্যে আদেশের মত লইয়া তর্ক হইত। কেশববাবু তাঁহার সমুদয় কার্য যেরূপ ঈশ্বরাদেশ বলিয়া উপস্থিত করিতেন, এবং সকলকে ঈশ্বরাদেশ বলিয়া গ্রহণ করিতে হইবে এবং তদনুসরণ আচরণ করিতে হইবে বলিয়া উপদেশ দিতেন, তাহাতে আমার মনে ভয় হইত যে, তাঁহার সঙ্গে লোকের চিন্তার স্বাধীনতা নষ্ট হইবে। হয় তাঁহার আদেশ ফর্জ করিতে হইবে, নতুবা নিজের হাত পা বাঁধিয়া তাঁহার হাতে আপনাকে দিতে হইবে। আমি কেশববাবুকে বলিতাম, “আপনি আদেশ বলিয়া বুঝিয়া থাকেন, সেই ভাবে কাজ করিয়া যান। আমরা আদেশ বলিয়া লইতেছি কিনা, দেখিবেন না।” তিনি আমার কথা প্রতি কর্ণপাত করিতেন না। ইহা লইয়া তাঁহার সঙ্গে মুখে ও চিঠিপত্রে তর্ক হইত। আমি মানব চিন্তার স্বাধীনতা রক্ষার জগৎ ব্যগ্র হইতাম। তাঁহাকে বলিতাম, “মহর্ষি দেবেন্দ্রনাথ তো তাঁহার সকল কাজ ঈশ্বরাদেশ বলিয়া নির্বাহ করিয়াছেন। কই,

তিনি তো তাহা অপরের ঘাড়ে চাপাইবার চেষ্টা করেন নাই, অস্ত্রে সে ভাবে না লইলে তাঁহাদের প্রতি বিষেষ প্রকাশ করেন নাই ?”

কেশববাবু যখন আশ্রম স্থাপন করিলেন, তখন ইহাকে ঈশ্বরাদিষ্ট কার্য বলিয়া স্থাপন করিলেন। কেবল তাহা নহে, ঈশ্বরের আদেশ বলিয়া গ্রহণ করিবার জন্ত ব্রাহ্মদিগকে আহ্বান করিলেন, এবং সে ভাবে বাহ্যিক গ্রহণ করিলেন না, তাহাদের প্রতি বিরাগ প্রদর্শন করিতে নাগিলেন। কেহ-কেহ প্রথমে ইহাকে এ ভাবে গ্রহণ করিতে পারিলেন না। অধিক কি, যত দূর স্বরণ হয়, শ্রদ্ধাঙ্গদ প্রতাপচন্দ্র মজুমদার মহাশয়ও প্রথমে ইহাকে এ ভাবে গ্রহণ করিলেন না। আমরা মণিবিরূপে আশ্রমে গেলাম, কিন্তু তিনি ‘ইণ্ডিয়ান মিরর’-এ আবদ্ধ থাকিতে যাহতে পারিলেন না। তিনি ভয় পাইতে লাগিলেন যে, আশ্রমকে এক্ষেপে ‘ঈশ্বরাদেশ’ বলিয়া ঘোষণা করিলে সমাজে বিরোধ উৎপন্ন হইবে। আমাদের বেশ স্বরণ আছে, আমরা বেলঘরিয়া বা কাঁকুড়াগাছির উত্তান ভবনস্থ আশ্রম হইতে আসিয়া কলিকাতার বাটীতে তাঁহার সহিত সাক্ষাৎ করিলে, তিনি বিজ্ঞপ্তি করিয়া বলিতেন, “কি হে, তোমাদের স্বর্গরাজ্য কত দূর এল ?” যদিও পরে তিনি আসিয়া আমাদের সঙ্গে যোগ দিয়াছিলেন। কিন্তু এ কারণে তিনি সে সময়ে কিছুদিনের জন্ত প্রচারকগণের শিক্ষা ও তিরস্কারের পাত্র হইয়াছিলেন।

নগেন্দ্রবাবুর প্রতি প্রচারকগণের অপ্রীতি জন্মিবার আর এক প্রকার কারণ ছিল। নগেন্দ্রবাবুর তখন এক প্রকার শিঃপীড়া ছিল, যাহাতে তিনি সময়-সময় লোকের সঙ্গ সঙ্গ করিতে পারিতেন না, একাকী-একাকী থাকিতে ভালোবাসিতেন, অথবা নিজের অন্তরঙ্গ কতিপয় বন্ধুর সঙ্গে থাকিতেন। আশ্রমের উপাসনায় তিনি উপস্থিত থাকিতেন বটে, কিন্তু অপরাপর অনেক সময়ে প্রচারকগণের সহিত বসিতেন না। তাঁহারা যখন দশজনকে কেশববাবুর নিকট বসিয়া কথাবার্তা কহিতেছেন, তখন হয়তো তিনি তাঁহার প্রিয়বন্ধু খ্যাতনামা রাজকৃষ্ণ মুখোপাধ্যায়ের ভবনে শয়ন করিয়া তাঁহার মুখে জ্ঞানের কথা শুনিতেছেন। নগেন্দ্রবাবুর আর একটা স্নায়বীয় দুর্বলতা এই ছিল, যে, যে-কেহ বিরুদ্ধ ভাবে তাঁহার সমালোচনা করে, তিনি তাহার দিক দিয়া যাইতেন না। আমি দেখিতে লাগিলাম যে, নগেন্দ্রবাবুর সহিত প্রচারক মহাশয়দিগের বিচ্ছেদ দিন-দিন বাড়িতে লাগিল। আমি অনেক সময় তাঁহাকে বলিতাম, যাঁহাদের সঙ্গে কাজ করিতে আসিয়াছেন, তাঁহাদের সঙ্গ হইতে এক্ষণ দূরে থাকা উচিত নয়। কিন্তু বলিলে কি হয়, মানুষের প্রকৃতিতে যাহা আছে, তাহা কি হঠাৎ চলিয়া যায় ?

তিনি যে-একাকী বেড়াইতেন, অনেক সময় গভীর আত্মচিন্তাতে যাপন করিতেন।

একদিনের কথা মনে আছে। একদিন আমরা সকলে কাঁকড়াগাছির বাগানে ভায়ত আশ্রমে, সাংকালীন উপাসনার পর কেশববাবুর সহিত নানা প্রকার কথাবার্তাতে আছি, এমন সময় কেশববাবু জিজ্ঞাসা করিলেন, “নগেন্দ্র কই?” অমনি নগেন্দ্রবাবুর অস্থান হইল। জানা গেল যে, তিনি বৈকাল হইতে নিরুদ্দেশ আছেন। রাত্রি প্রায় ৯টা বাজিয়া গেল, তখন চট্টোপাধ্যায় মহাশয়ের আবির্ভাব হইল। আমি তাঁহাকে গোপনে ডাকিয়া বলিলাম, “আপনার খোজ হইয়াছিল, আপনি কোথায় ছিলেন?” তিনি বলিলেন, “আজ মনটা বড় খারাপ আছে, তাই তিন-চারি ঘণ্টা মানিকতলার থালের ধরে বেড়াইতেছিলাম ও একটা গান বাঁধিয়া গাইতেছিলাম। এই বলিয়া গানটা গাইয়া আমাদের শুনাইলেন। সেটা এই—

আমি কি বলে প্রার্থনা বল করি আর!

আমার সকল কথা ফুরাইল, ফিরিল না মন আমার।

তুমি দেখ সব থেকে অন্তরে, তোমায় কথায় কে ভুলাতে পারে,

প্রাণের প্রাণ, বলব কি আর, কি আর আছে বলিবার।

ওহে, প্রাণ যদি চাহে তোমারে, তুমি থাকিতে কি পার দূরে?

আপনি এস পানীর দ্বারে, তাই পতিতপাবন নাম তোমার।

আমি শুনিয়া ভাবিলাম, নগেন্দ্রবাবু যে সঙ্ক্যার সময় আমাদের সঙ্গে না বসিয়া একলা ছিলেন, সে ভালোই হইয়াছে। কিন্তু প্রচারক বন্ধুগণ সকল সময়ে সেরূপ ভাবিতে পারিতেন না। তাঁহারা মনে করিতেন, নগেন্দ্র যখন আমাদের সহিত কাজ করিতে আসিয়াছেন, তখন আমরা যেরূপে বসি দাঁড়াই, তাঁহাকেও সেইরূপ করিতে হইবে। তাঁহারা দিন-দিন নগেন্দ্রবাবুর উপর চটিতে লাগিলেন। ইহা লইয়া তাঁহাদের সহিত আমার বিবাদ হইতে লাগিল। আমি নগেন্দ্রবাবুর পক্ষ হইয়া তাঁহাদের সহিত তর্ক-বিতর্ক করিতে লাগিলাম। তাঁহারা আমাকে আলস্যের প্রত্নদাতা বলিয়া তিরস্কার করিতে লাগিলেন।

নিয়মতন্ত্র প্রণালী লইয়া মতভেদ। আর একটা বিষয়ে একটু মতভেদ ঘটিল। কেশববাবু ইংলণ্ড হইতে আসিয়া, অপরাপর কাজের আয়োজনের মধ্যে ভারতবর্ষীয় ব্রহ্মমন্দিরের উপাসকদিগকে ডাকিয়া একটি ঘননিবিষ্ট মণ্ডলী করিবার চেষ্টা করিতে লাগিলেন। কিন্তু উপাসকদিগকে ডাকিলেই তাঁহারা স্বাধীন ভাবে মতামত প্রকাশ করিতে লাগিলেন, অনেক বিষয়ে মতভেদ ও তর্ক-বিতর্ক উপস্থিত হইতে লাগিল। সুবকদের অনেকে উপাসক মণ্ডলীর কার্যে নিয়মতন্ত্র প্রণালী স্থাপনের দ্বন্দ্ব উৎসুক হইলেন। সেটা স্বাভাবিক, কিন্তু কেশববাবু বোধ হয় তাহা পছন্দ করিলেন না। কারণ, কিছুদিনের মধ্যেই দেখিলাম, উপাসক মণ্ডলীর সভ্যগণকে মধ্যে-মধ্যে

ডাকা রহিত হইল। বৎসরান্তে একবার একটা সম্মিলিত সভার মতো হইত, এই মাত্র অবশিষ্ট রহিল। অনেক যুবক ব্রাহ্ম-উপাসকগণের ঘনিষ্ঠ মণ্ডলী গঠনের জন্ত উৎসাহিত হইয়াছিলেন, তাহার মধ্যে আমি একজন। নিয়মতন্ত্র প্রণালী মতে কাজ হয়, তাহাও আমরা কয়েকজনে চাহিতেছিলাম। সে আকাঙ্ক্ষাও একবার জাগিয়া আবার ভস্মাচ্ছাদিত বহির জায় রহিল।

ভারত আশ্রম ত্যাগ ও হরিনাভি গমন। স্নাহাসিনীর  
জন্ম। হরিনাভির স্কুল, মিউনিসিপ্যালিটি, দাতব্য  
চিকিৎসালয়, ব্রাহ্মসমাজ। প্রকাশচন্দ্র রায়।

পীড়িত মাতুলের আহ্বান। এহ সকল মতভেদের মধ্যে ১৮৭৩ সালের প্রথমে আমার পূজাপাদ মাতুল, সোমপ্রকাশ সম্পাদক দ্বারকানাথ বিদ্যাবিশ্ব মহাশয়, পীড়িত হইয়া আমাকে ডাকিয়া পাঠাইলেন। কিছুদিন হইতে তাঁহার স্বাস্থ্য একেবারে ভগ্ন হইয়া গিয়াছিল, তিনি অ'র কাজ করিতে পারিতেছিলেন না। স্বরায় পেনসন লইয়া সংস্কৃত কলেজের অধ্যাপকতা হইতে বিদায় লইয়া, বায়ু পরিবর্তনের জন্ত উত্তর-পশ্চিমাঞ্চলে যাইবার সঙ্কল্প করিয়াছিলেন। কিন্তু তাঁহার সোমপ্রকাশ, তাঁহার প্রতিষ্ঠিত গ্রাম্য সংস্কৃত-ইংরাজী স্কুল, তাঁহার বিষয়, তাঁহার পরিবার-পরিজনের দেখিবার ভার কে নেয়? আমার মাতুলপুত্রদিগের মধ্যে কেহই কাজের লোক ছিল না। বড়মামা আমাকে নিজের চক্ষের উপরে মাতুল করিয়াছিলেন। আমি বালাবধি তাঁহার দৃষ্টান্ত না দেখিলে, ধর্ম ও নীতির ভার যাহা হৃদয়ে পাইয়াছি, তাহা পাইতাম কি না সন্দেহ। মামা আমাকে ডাকাইয়া বলিলেন, এখন তুমি আসিয়া আমার কঙ্কের সব ভার না লইলে আমি বায়ু পরিবর্তনের জন্ত যাইতে পারি না।

আমি বিপদে পড়িয়া গেলাম। কেশববাবুর অহুরোধে একটা কাজের ভার লইয়াছি, আবার মামার অহুরোধ অপ'রদিকে। প্রথম দিনে কোনো উত্তর না দিয়া ভাবিতে-ভাবিতে কলিকাতায় আসিলাম। আসিয়া মনে অনেক চিন্তা করিলাম, নগেন্দ্রবাবু প্রভৃতির সহিত অনেক পরামর্শ করিলাম। সকলেই আমার সাহায্যার্থ যাইতে বলিলেন। অবশেষে অনেক চিন্তার পর কেশববাবুকে গিয়া বলিলাম, “নূতন বৎসর আরম্ভ হইতেছে, এখন মহিলা স্কুলে আমার স্থলে পড়াইবার ভার অপর কাহারও উপর দেওয়া যাইতে পারে, সেইরূপ বন্দোবস্ত করুন। আমাকে আমার মাতুলের সাহায্যের জন্ত যাইতে হইবে। তিনি কিছু বলিলেন না, মনে মনে অসন্তুষ্ট হইলেন কি না, তখন বুঝিতে পারিলাম না। পরে বুঝিয়াছি যে, আমার চলিয়া যাওয়া তিনি পছন্দ করেন নাই। আমি প্রচার কার্যে জীবন দিবার জন্ত আসিয়া বিষয় কর্মে গেলাম, ইহা তাঁহার ভালো লাগে নাই।

যাহা হউক, আমি মাতুলের সাহায্যের জন্ত হরিনাভিতে গেলাম। গিয়া মাতুলের সোমপ্রকাশের সম্পাদক, স্কুলের সম্পাদক ও হেডমাষ্টার, তাঁহার বিষয়ের তত্ত্বাবধায়ক ও তাঁহার পরিবার-পরিজনদের রক্ষক ও অভিভাবক হইয়া বসিলাম। বড়মামা আমাকে বসাইয়া নিশ্চিন্ত হইয়া কাশীতে গেলেন।

দুই-একদিনের মধ্যেই একদিন কেশববাবু আমাকে ডাকিয়া পাঠাইলেন। তিনি বলিলেন, আমার দুই পত্নীকে যে ভাবে আশ্রমে রাখিয়াছি, তাহা আর চলিবে না। তিনি ভয় করেন যে, বিরাজমোহিনী আত্মহত্যা করিবেন, যদিও আমার মনে সে প্রকার ভয় ছিল না, কারণ, আমি কলিকাতায় আসিলেই তাঁহাকে বুঝাইতাম। যাহা হউক, অনেক তর্ক-বিতর্কের পর স্থির হইল যে, প্রসন্নময়ী আমার সঙ্গে হরিনাভিতে থাকিবেন এবং বিরাজমোহিনীকে আশ্রম হইতে অন্য কোথাও রাখা হইবে, আমি শনিবারে সেখানে আসিয়া রবিবার তাহার সঙ্গে যাপন করিব।

অতঃপর প্রসন্নময়ী আমার সহিত হরিনাভিতে গেলেন। নগেন্দ্রবাবু আশ্রম ছাড়িয়া আর এক স্থানে কতিপয় বন্ধুর সহিত বাসা করিলেন, বিরাজমোহিনী তাঁহাদের সঙ্গে গেলেন। আমি প্রতি শনিবার কলিকাতার আসিয়া রবিবার তাহার সঙ্গে যাপন করিতে লাগিলাম।

তখন আমি যে প্রণালীতে কার্য করিব বলিয়া স্থির করিলাম, তাহা এই। বিরাজমোহিনী আমা হইতে বিযুক্ত হইতে চাহিলেন না দেখিয়া এই স্থির করিলাম যে, যখন তিনি ও প্রসন্নময়ী একত্র থাকিবেন, তখন আমি উভয় হইতে বিযুক্ত থাকিব, আর যখন তাঁহারা ভিন্ন-ভিন্ন গৃহে পরস্পর হইতে পৃথক থাকিবেন, তখন পতিভাবে মিলিব। তদনুসারেই কার্য আরম্ভ হইল। প্রসন্নময়ীর জীবিত কালে বহু বৎসর এই প্রণালীতে কার্য চলিয়াছে।

এই ১৮৭৩ সালের ২৫শে ডিসেম্বর বড়দিনের দিন, হরিনাভিতে আমার তৃতীয়া কন্যা সুহাসিনীর জন্ম হইল।

হরিনাভিতে আমি মহা কর্ণের আবর্তের মধ্যে পড়িলাম। প্রথম, মামার স্কুলটির ভার লইয়া দেখি যে, তৎপূর্বে কয়েক বৎসর গ্রামে ম্যালেরিয়া জ্বরের আবির্ভাব হওয়াতে, স্কুলের ছাত্র সংখ্যা হ্রাস হইয়া স্কুলের আয় অপেক্ষা ব্যয় অধিক হইয়াছে। ইহার ফল এই হইল যে, আমি নামে হেডমাষ্টার রূপে একশত টাকা পাইতে লাগিলাম বটে, কিন্তু তাহা হইতে সেক্রেটারী রূপে মাসে ৫০।৫০ টাকা অপরাপর শিক্ষকের বেতনের সাহায্যের জন্ত দিতে লাগিলাম। ওদিকে, সোমপ্রকাশের কার্যভার প্রধামত আমার উপর পড়িয়া যাওয়াতে সংবাদপত্রাদি পাঠে ও লেখাতে অনেক সময় দেওয়া আবশ্যক হইল। তাহার উপর, মধ্যে মধ্যে বড়মামার তালুক দেখিবার জন্ত লবণায়-

পূর্ণ স্বপ্নবনের মধ্যে গিয়া ছুই-একদিন বাস করিতে লাগিলাম। ইহাব উপরে আমাকে ম্যালেরিয়াতে ধরিল। ঘন-ঘন জ্বর হইয়া লিভারে বেদনা দাঁড়াইল। লিভারে ব্লিষ্টার দিয়া, ম্যালেরিয়ার চিকিৎসা করিয়া তত্পরি গৃহোক্ত কার্য সমুদয় চালাইতে লাগিলাম।

**গ্রাম সংস্কারের চেষ্টা।** পূর্বোক্ত বিষয়গুলি ভিন্ন অমাকে আরও কয়েক প্রকার সংগ্রামের মধ্যে পড়িতে হইয়াছিল। প্রথম, আমি সোমপ্রকাশের কাষভার হাতে লইয়াই দেখিতে পাইলাম যে, রাজপুর হরিনাভি প্রভৃতি গ্রামগুলি কয়েক বৎসর পূর্ব হইতে কলিকাতার দক্ষিণ উপনগরবর্তী বেহালা প্রভৃতি গ্রামের সহিত এক মিউনিসিপ্যালিটিতে আবদ্ধ হইয়াছে। তদবধি প্রায় দশ বৎসর কাল হারনাভি, রাজপুর, চান্ডড়িপোতা প্রভৃতি গ্রামের প্রজাগণ দ্বাংমতো মিউনিসিপ্যাল ট্যাক্স দিয়া আসিতেছে, যথাসময়ে ট্যাক্স না দিলে তাহাদের ঘটিবাটি নিলাম হইত। চ, কিন্তু দশ বৎসরের মধ্যে তাহাদের অনেক রাস্তাও এক মুঠা মাটি পড়ে নাই এমন কি এই দীর্ঘকালে অনেক নরদামা হইতে এক মুঠা মাটি তোলা হয় নাই। অসম্মানে জানিলাম, মিউনিসিপ্যাল কমিটিতে বেহালা ও তৎসম্মিকটবর্তী স্থানের লোক অধিক হওয়ায়, অধিকাংশ টাকা সেইদিকেই ব্যয় হইতেছে।

ইহা আমার বড় অত্যাঘ বোধ হইল। আমি এই অবস্থা ঘূচাইবার জন্য সঙ্কল্প করিয়া সোমপ্রকাশে লেখনী ধারণ করিলাম, সোমপ্রকাশের বাহিরের পাঠকগণ বিরক্ত হইয়া যাইতে লাগিলেন। কাগজে লিখিয়া সন্তুষ্ট না হইয়া, আমি স্থলগৃহে গ্রামবাসীদিগকে ডাকিয়া এ বিষয়ে আন্দোলন আরম্ভ করিলাম। বহু জনের স্বাক্ষর করাইয়া কর্তৃপক্ষের নিকট এক আবেদন প্রেরণ করিলাম। যদিও এই সকল আন্দোলনের ফল হরিনাভি ত্যাগ করিবার পূর্বে আমি দেখিয়া আসিতে পারি নাই, তথাপি স্থলের বিষয় এই যে, ইহারই ফলে রাজপুর প্রভৃতি গ্রাম বেহালা হইতে পৃথক হইয়া এক স্বতন্ত্র মিউনিসিপ্যালিটি রূপে পরিণত হইয়াছে এবং গ্রামের অবস্থা অনেক ফিরিয়াছে।

আমি এই সময়ে আর এক বিষয়ে আন্দোলন উপস্থিত করি, এবং ঈশ্বর কৃপায় তাহাতেও কৃতকার্য হই। সোমপ্রকাশে লিখিতে আরম্ভ করি যে, রাজপুর প্রভৃতি গ্রাম ম্যালেরিয়া প্রসীড়িত গ্রাম সকলের মধ্যে একটি গবর্ণমেন্ট চ্যারিটেবল ডিসপেনসারি থাকা উচিত। আমি হরিনাভিতে থাকিতে থাকিতেই গবর্ণমেন্ট এ বিষয়ে মনোনিবেশ করেন। প্রথম ডাক্তার ও ঔষধের বাস্তু আমার নিকট প্রেরিত হয়। আমি ডাক্তার মহাশয়কে ও ঔষধের বাস্তুকে হরিনাভির এক ভদ্রলোকের বাহির বাড়িতে স্থাপন করি। পরে সেই দাতব্য চিকিৎসালয়ের অনেক উন্নতি হইয়াছে।



তৃতীয় এক বিষয়ে আন্দোলন উপস্থিত করিতে হয়। সেটি আমার স্কুলটিকে স্বায়ী ভূমির উপর দণ্ডায়মান করিবার চেষ্টা করা। মামা স্কুলটি স্থাপন করিবার সময় একটি অবিবেচনার কার্য করিয়াছিলেন। তাঁহার মনে বোধ হয় ছিল যে স্কুলটি উচুদরের স্কুল হইবে। সে জ্ঞাত্ত তিনি শিক্ষকদিগের বেতনের হার চড়াইয়া বাধিয়া-ছিলেন। যথা, প্রথম পণ্ডিতের বেতন ৪০ টাকা। কিন্তু ফল এই দাঁড়াইয়াছিল যে, কেহই তৎপূর্বে ঐ উচ্চ হারে বেতন পান নাই, হেড পণ্ডিত মহাশয় তৎপূর্বে পাঁচ বৎসর মাসে ২৫ টাকাই পাইয়া আসিতেছিলেন। এইরূপ অপবেরাও স্কুল প্রতিষ্ঠা কালে নির্দিষ্ট বেতন অপেক্ষা অনেক কম বেতন পাইতেন। বেতনের হার বড় রাখার ফল এই হইয়াছিল যে, যখনই ছাত্র দত্ত বেতন হইতে কিছু টাকা উদ্বৃত্ত হইত, তাহা ঐ উচ্চ হারের কুক্ষিতে যাইত। বহুদিন হইতে বেঞ্চ মাপ যোব লাইব্রেরি প্রভৃতির জ্ঞাত্ত কিছু ব্যয় করা হইত না। এ সকলের অতীব অভাব ছিল; অথচ তাহা পূর্ণ হইত না। শিক্ষকদিগের কল্পিত বেতনের হার কমাইয়া আমি স্কুলটির উন্নতি করিবার জ্ঞাত্ত রুতসঙ্কল্প হইলাম, এবং সবাগ্রে আমার বেতন ১০০ হইতে ৮০ করিয়া অপরাপর শিক্ষকগণ তৎপূর্বে পাঁচ বৎসর যাহা পাইয়া আসিতেছিলেন তাহাই তাহাদের নির্দিষ্ট বেতন বলিয়া স্থির করিবার জ্ঞাত্ত ইনস্পেক্টরকে লিখিলাম। শিক্ষকদিগের মধ্যে তুমুল আন্দোলন উপস্থিত হইল। আমার মাতার জ্যাঠাতো ভাই কৈলাসচন্দ্র চক্রবর্তী মহাশয় তখন স্কুলের হেড পণ্ডিত ছিলেন, তিনি এই আন্দোলনে প্রধান নেতা হইলেন। শিক্ষকদিগের মধ্যে কেহ-কেহ স্কুল ভাঙিয়া আর এক স্কুল করিবেন বলিয়া ভয় প্রদর্শন করিতে লাগিলেন। আমি কিছুদিন চুপ করিয়া থাকিলাম, তাহাদিগকে গোপনে বুঝাইলাম, আমার উদ্দেশ্য যে স্কুলটির উন্নতি করা, ইহা ভালো করিয়া দেখাইয়া দিলাম। কিন্তু কিছুতেই তাঁহাবা থামিলেন না। অবশেষে একদিন ছুটির পরে সমুদয় শিক্ষককে একত্র করিয়া ঘাড় খুলিয়া তাহাদের সম্মুখে বসিলাম। বলিলাম, “যিনি-যিনি স্কুল ছাড়িয়া যাইতে চান ও স্কুলের বিরুদ্ধে আন্দোলন করিতেছেন, তাঁহাদিগকে দশ মিনিট সময় দিতেছি। ইহার মধ্যে স্থির করিয়া বলিতে হইবে, তিনি থাকিবেন কি যাইবেন। যদি থাকেন, স্কুলের বিরুদ্ধে আন্দোলন করিবেন না, এই প্রতিজ্ঞা করিয়া থাকিতে হইবে।” সকলেই নিরুত্তর রহিলেন, দশ মিনিটের পর সকল আন্দোলন থামিয়া গেল। কিন্তু অনেকে মনে-মনে আমার প্রতি বিরক্ত রহিলেন। কি করিব, কর্তব্য বোধে লোকের অপ্ৰিয় হইতে হইল।

যাত্রাদলের সং স্কুলের শিক্ষক। আর একটি আন্দোলন ইহা অপেক্ষাও গুরুতর হইয়া দাঁড়াইল। আমি স্কুলের ভার লইয়া দেখি, স্কুলের কয়েকটি শিক্ষক গ্রামস্থ শখের

যাত্রার দলে সং সাজেন। একজন ‘ভগি দিদি’ সাজেন, আর একজন আর একটা কি সাজেন। ঐ শব্দের যাত্রার দলটি কতকগুলি নিকর্মা ধর্মীসম্প্রদায়ের কার্য ছিল। তাঁহাদের মধ্যে অনেকে সুরাসক্ত এবং অপরাধের ভুক্তিয়াতে লিপ্ত ছিলেন। স্কুলের শিক্ষক দুইটি সেই দলে থাকতে বালকগণ তাঁহাদিগকে অবজ্ঞার চক্ষে দেখিত, স্কুলের বোর্ডে লিখিয়া রাখিত, “ভগিদিদি! চ’টো না,” ইত্যাদি। ইহা আমার পক্ষে অসহনীয় বোধ হইতে লাগিল। আমি এক সাক্ষীর জারি করিলাম যে, স্কুলের কোনো শিক্ষক শব্দের দলের অভিনেতার মধ্যে থাকিলে তাহা তাহার পক্ষে শিক্ষকতার অল্পপযুক্ত কাজ বলিয়া বিবেচিত হইবে। ইহাতে ঐ দুই শিক্ষক যাত্রার দল ত্যাগ করিতে বাধ্য হইলেন। শব্দের দলের ইয়ারেরা আমার প্রতি তাড়ে চটিয়া গেল।

এই ক্রোধ তাহারা বহুদিন হৃদয়ে পোষণ করিয়া, অবশেষে ১৮৭৪ সালের চৈত্র মাসের শেষে গোষ্ঠীযাত্রার সময় সুরার কোঁকে মদলে আমার বাড়ি আক্রমণ করিল ও আমার সপ্তের একটি যুবকের মাথা ফাটাইয়া দিল। যে কারণে তাহারা দাঙ্গা করিতে আসিল, তাহা এহ। গোষ্ঠীযাত্রার সময় গ্রামের জমিদারবাবুদের বাড়িতে মহাসমরোহে ঐ উৎসব সম্পন্ন হইত, এবং স্কুলের সম্মুখস্থিত রাস্তাতে তাহাদের বাড়ি পর্যন্ত হাট বসিত। আমি স্কুলবাড়ির ভিতর দিকেই সপরিবারে থাকিতাম। ঐ দিন বৈকালে স্কুলের পাঠগৃহে বসিয়া পড়িতেছি, এমন সময়ে সম্মুখের হাট হইতে একটি ছেলে আসিয়া বলিল যে, এক তাশখেলার দোকানদার তাহার এক সহোদরকে তাশের খেলা দেখাইয়া ঠকাইয়া তাহার সমুদয় পয়সা লইয়াছে, ছেলেটি কাঁদিতেছে। ইহা শুনিয়া আমি ঐ তাশখেলার দোকানে গেলাম, এবং ছেলেটিকে প্রত্যারণা করার জন্য তাশওয়ালাকে তিরস্কার করিতে লাগিলাম। বলিলাম, “একদম প্রবঞ্চনার খেলা আইন বিরুদ্ধ, আমি পুলিশ ইনস্পেক্টরকে জানাইব।” এহ বলিয়া চলিয়া আসিলাম। পরে শুনিলাম, দোকানদার আমার নামে নলিশ করিবার জন্য জমিদারবাবুদের বাড়িতে গেল। তাহারা তখন বন্ধুবান্ধব লইয়া মজলিসে বসিয়া আছেন, তাহার মধ্যে এই সংবাদ পাইয়া, বলিতে লাগিলেন, “কি, এত বড় আন্দোল! আমাদের গ্রামে চাকুরী করতে এসে আমাদের কাজের উপর হাত! একবার গিয়ে শোনো তো কি বলেন!” আর কোথায় যায়! অমনি সেই বাড়ির কয়েকটি যুবক লাঠি সোটা লইয়া স্কুলবাড়ির অভিমুখে ধাবিত হইল। তাহারা আসিতেছে শুনিয়া আমি আমার নিকটস্থিত একটি ছাত্রকে বাড়ির ভিতরের দিকে একটা তালা লাগাইতে বলিলাম। মনে করিলাম, ভিতরে তালা লাগানো থাকুক, উত্তেজনা ধামিয়া গেলে জমিদারবাবুকে সকল কথা ভাঙিয়া বলিব। ছেলেটি তালা দিতে গিয়াছে, শুদিকে আক্রমণকারী দল উপস্থিত। তাহারা লাঠি মারিয়া ছেলেটির মাথা ফাটাইয়া দিল। পরে স্কুলবাড়িতে

প্রবেশ করিল। আমি আশ্রয়কার জন্য প্রস্তুত হইয়া নির্ভয়ে গিয়া তাহাদের সমক্ষে দাঁড়াইলাম। তাহারা আমাকে মারিল না। একজন আসিয়া তাহাদের কানে-কানে কি বলিল, তাহারা একে-একে বাহির হইয়া গেল। আদালতে মোকদ্দমা তুলিলে ইহাদের বিশেষ শাস্তি হইত, কিন্তু তাহা করা হইল না। ভালোই, কারণ ইহার পর জমিদারবাবু আমার প্রতি ও স্কুলের প্রতি বিশেষ সন্ধান দেখাইতে লাগিলেন।

**হরিনাভি ব্রাহ্মসমাজ।** এই সকল কাজের মধ্যে হরিনাভিতে পদার্পণ করিয়াই আমি হরিনাভি ব্রাহ্মসমাজকে উজ্জীবিত করিবার চেষ্টা করি। কতকগুলি যুবক এই সময় হইতে আকৃষ্ট হইয়া সমাজে যোগ দেন। আমার অনুরোধে মহর্ষি দেবেন্দ্রনাথ ঠাকুর ও আচার্য কেশবচন্দ্র সেন উভয়েই হরিনাভি সমাজের উৎসবে গিয়া আমাদিগকে উৎসাহিত করেন। এই সময়ে আমার বন্ধু প্রকাশচন্দ্র রায়কে আমি স্কুলের সেকেণ্ড মাস্টার নিযুক্ত করি। তিনি আমার সহিত স্কুলবাটীতেই থাকিতেন। প্রসন্নময়ী তাঁহাকে জ্যেষ্ঠের স্থায় দেখিতেন। প্রকাশের স্থায় ব্যাকুলাত্না আমি অতি অল্পই দেখিয়াছি। আমাদের পারিবারিক উপাসনা হইত। তত্ত্ব প্রকাশ ও আমি ধর্ম-জীবনের গভীর তত্ত্ব সকলের আলোচনাতে প্রতিদিন সন্ধ্যার পর অনেকক্ষণ যাপন করিতাম। ফলতঃ, তাহার সহবাসে আমি ও প্রসন্নময়ী এই সময়ে বিশেষ উপকৃত হইলাম। তদবধি প্রকাশচন্দ্রের সহিত এরূপ গাঢ় বন্ধুতা জন্মিয়াছিল যে, তাহা পরবর্তী সমাজ বিপ্লবেও নষ্ট হয় নাই। এই সময়ে প্রকাশের পত্নী অঘোরকামিনী কিছুদিন হরিনাভিতে গিয়া আমাদের সঙ্গে ছিলেন। তাঁহাকে দেখিয়াও উপকৃত হইলাম।

**পতিতা নারীর কন্যা লক্ষ্মীমণি।** এই হরিনাভি বাসকালের আর একটি ঘটনা উল্লেখযোগ্য। এই সময়ে লক্ষ্মীমণি আমার আশ্রয়ে আসে। লক্ষ্মীমণি ঢাকা শহরের একটি পতিতা নারীর কন্যা। তাহার মাতা তাহাকে বাল্যকালে একটি বালিকা বিঘালয়ে পড়িতে দিয়াছিল। লক্ষ্মীমণি ঐ স্কুলে একজন খ্রীষ্টিয়ান শিক্ষয়িত্রী ও এক ব্রাহ্ম শিক্ষকের সংস্রবে আসে। ইহাদের সংস্রবে আসিয়া, তাহার মাতা যে জীবন যাপন করিতেছিল তাহার প্রতি তাহার ঘৃণা জন্মে। লক্ষ্মীর বয়ঃক্রম যখন ১৩/১৪ হইল, তখন তাহার মাতা তাহাকে নিজ বৃত্তিতে প্রবৃত্ত করিবার চেষ্টা করিতে লাগিল। তাহার জননী প্রথমে প্ররোচনা অনুরোধ প্রভৃতি করিয়া অকৃতকার্য হইয়া অবশেষে বল প্রয়োগ করিতে প্রবৃত্ত হইল। একদিন বেচারিকে একটা পুঙ্খবশেষ সঙ্গে একঘরে সমস্ত দিন বদ্ধ করিয়া রাখিল। আঁচড়, কামড়, হাত-পা ছোঁড়ার দ্বারা যত দুঃখ হয় লক্ষ্মী সমুদয় করিয়া সমস্ত দিন আশ্রয়কা করিল। সন্ধ্যার সময় একবার দ্বার খোলা পাইয়া লক্ষ্মী সরিয়া পড়িল, এবং একেবারে সেই ব্রাহ্ম শিক্ষকের নিকট

গিয়া উপস্থিত হইল। তিনি তাহাকে লইয়া একটি ব্রাহ্ম পরিবারে রাখিলেন। লক্ষ্মীর মাতা ছুট লোকের প্ররোচনায় কত্না লাভের জন্য আদালতে নালিশ উপস্থিত করিল। সৌভাগ্যক্রমে একজন ইংরাজ বিচারকের নিকট এই মোকদ্দমা উপস্থিত হইয়াছিল। তিনি সমুদয় বিবরণ জ্ঞাত হইয়া লক্ষ্মীকে মাতার হাত হইতে লইয়া সেই ব্রাহ্ম অভিভাবকের হস্তে অর্পণ করিলেন।

লক্ষ্মীর মাতা মোকদ্দমাতে হারিয়া আবার এক প্রকারে লক্ষ্মীকে হস্তগত করিবার চেষ্টা করিতে আরম্ভ করিল। লক্ষ্মীকে দেখিতে আসিতে আরম্ভ করিল, বারণ করিলে উন্মিত না। এইরূপে, যে গৃহস্থের গৃহে সে আশ্রয় লইয়াছিল, তাহাদিগকে এক প্রকার অস্থির করিয়া তুলিল। তখন উদ্ধারকারী ব্রাহ্মগণ লক্ষ্মীকে নিরাপদ রাখিবার উদ্দেশ্যে কলিকাতায় আনিলেন। আনিয়া রাখিবার উপযুক্ত স্থান না পাইয়া, হরিনাভিতে আমাৰ নিকট গিয়া উপস্থিত হইলেন। আমি প্রসন্নময়ীর সহিত পরামর্শ করিয়া লক্ষ্মীকে আশ্রয় দিলাম। এখানে বলা আবশ্যিক যে, গণেশ-স্বন্দরী বা মনোমোহিনী তৎপূর্বেই বিবাহিতা হইয়া আমাদের গৃহ ত্যাগ করিয়াছিলেন।

পরে একজন উৎসাহী ব্রাহ্ম যবকের সহিত লক্ষ্মীমণির বিবাহ হইয়াছিল। কিন্তু সে বেচারি অধিক দিন বিবাহিত জীবনের সুখ ভোগ করিতে পারে নাই। বিবাহের পর তাহার উত্তরবঙ্গে জলপাইগুড়িতে গিয়া বাস করিয়াছিল। সেখানে এক বৎসরের মধ্যে তাহার মৃত্যু হয়।

ভবানীপুরে সাউথ সুবার্বন স্কুলের হেড মাষ্টার।

ভবানীপুরে ব্রাহ্মসমাজ স্থাপন। ভারতবর্ষীয় ব্রাহ্ম-

সমাজে নানা আন্দোলন। বঙ্গমহিলা বিদ্যালয়।

‘সমদর্শী’। রামকৃষ্ণ পরমহংস। ব্রহ্মমণী। নগেন্দ্রবাবু।

হেয়ার স্কুলের কার্যপ্রাপ্তি ও ভবানীপুর ত্যাগ।

সোমপ্রকাশ পত্রিকার উন্নতি। আমি যখন হরিনাভিতে বাস করি তখন সে স্থানে ম্যালেরিয়ার প্রথম আবির্ভাব। তাহার প্রকোপ তখন অত্যন্ত অধিক। সেখানে যাইবার কিছুদিন পরেই আমাকে ম্যালেরিয়া জরে ধরে, ও বার-বার জ্বর হইয়া আমাকে বড় কাতিল করিয়া ফেলে। তাহার উপরে পূর্বোক্ত সকল কারণে গুরুতর পরিশ্রম করিতে হইত, তাহাতে দেড় বৎসরের মধ্যেই আমার শরীর ভাঙিয়া গেল। আমার এই অবস্থা দেখিয়া আমার শুভাঙ্ঘ্যায়ী তৎকালীন স্কুল সমূহের ডেপুটি ইন্সপেক্টর রাখীপ্রসন্ন মুখোপাধ্যায় আমাকে ভবানীপুরের নবপ্রতিষ্ঠিত সাউথ সুবার্বন

স্কুলের হেডমাষ্টার করিয়া আনিলেন। যত দূর স্বরণ হয়, আমি ১৮৭৪ সালের শেষ ভাগে ঐ স্কুলে আসিলাম।

আমার স্বগ্রামবাসী ও আমার জ্যেষ্ঠ ভ্রাতৃসম ভক্তিতাজন উমেশচন্দ্র দত্ত মহাশয় আমার স্থানে হরিনাভির হেডমাষ্টার হইয়া গেলেন। বিরাজমোহিনী তাঁহাদের সহিত হরিনাভিতে গিয়া তাঁহাদের পরিবারে বাস করিতে লাগিলেন। প্রসন্নময়ী লক্ষ্মীমণি সহ আমার সঙ্গে ভবানীপুরে আসিলেন। আমি শনিবার হরিনাভিতে যাইতাম, রবিবার সোমপ্রকাশ সম্পাদন করিতাম, সোমবারে ভবানীপুরে ফিরিয়া আসিতাম। এইরূপে কিছুদিন গেল। অবশেষে আমি আমার কাজের সুবিধার জন্ত মাতুলের কাগজ ও ছাপাখানা ভবানীপুরে তুলিয়া আনিলাম। সোমপ্রকাশে এক ফরমা ইংরাজী সংযোগ করিয়া ইহার উন্নতি সাধন করিবার চেষ্টা করিতে লাগিলাম। প্রেসেরও অনেক উন্নতি করিলাম।

এতদ্বিন্ন ভবানীপুরে আসিয়াই কতিপয় ব্রাহ্ম বন্ধুর সহিত সমবেত হইয়া একটি ব্রাহ্মমন্ডির স্থাপন করিলাম। আমার নিজ ভবনেই এই মন্দিরের সাম্প্রতিক উপাসনা হইত। আমাকেই অধিকাংশ দিন আচার্যের কার্য করিতে হইত। মধ্যে মধ্যে কলিকাতা হইতে নগেন্দ্রবাবু প্রভৃতি কোন-কোন বন্ধুকে আনিয়া উপাসনা করাইতাম।

সিন্দুরিয়াপটী ব্রাহ্মমন্দিরের আচার্যের যে ভাৱ ছিল, তাহা আমি হরিনাভিতে থাকিবার সময়েও রাখিয়াছিলাম, এবং অনেক সময়ে জলে ঝড়ে দুর্ঘোণে হরিনাভি হইতে আসিয়া সম্পন্ন করিতাম ; তাহা এই সময়ে আমার বন্ধু কেদারনাথ রায়ের প্রতি অর্পণ করি। তিনি ইহার পর অনেক দিন ঐ কার্য করিয়াছিলেন।

**মহিলাদের উচ্চশিক্ষার আন্দোলন।** আমার হরিনাভি বাস কালে, কলিকাতাতে ভারতবর্ষীয় ব্রাহ্মমন্দির মধ্যে নানা আন্দোলন চলিতেছিল। ভবানীপুরে আসিয়া আমি সেই আন্দোলন শ্রোতে পড়িয়া গেলাম। ইহার কোন-কোন আন্দোলন আমি ভারত আশ্রমে থাকিবার সময়েই প্রথম উঠিয়াছিল। মন্দিরে পরদার বাহিরে মেয়েদের বস ও মেয়েদের শিক্ষা, এই দুই বিষয়ে কেশববাবুর সহিত দ্বারকানাথ গাঙ্গুলী, দুর্গামোহন দাস, রজনীনাথ রায়, অন্নদাচরণ খাস্তগির প্রভৃতি একদল ব্রাহ্মের বিরুদ্ধে মতভেদ দাঁড়াইয়াছিল, তাহার বিবরণ অগ্রেই দিয়াছি। দ্বারকানাথ গাঙ্গুলীর দল ভারত আশ্রমের পূর্বোক্ত মহিলা বিদ্যালয়ে সম্ভট না হইয়া মহিলাদের উচ্চ শিক্ষার উদ্দেশ্যে আর একটি স্কুল স্থাপন করিতে অগ্রসর হইলেন।

প্রথম তাহারী হিন্দু মহিলা বিদ্যালয় নামে একটি বিদ্যালয় স্থাপন করিলেন। বিলাত হইতে নবাগতা কুমারী একয়েড ইহার তত্ত্বাবধায়িকা হইলেন। কয়েক বৎসরের

মধ্যে কুমারী একয়েড বিবাহিতা হওয়াতে, ঐ বিদ্যালয় বঙ্গমহিলা বিদ্যালয় নামে পরিবর্তিত হইয়া কিছুদিন পরে বেথুন কলেজের সহিত মিলিত হয়।

বালিগঞ্জে একটি বাড়ি ভাড়া করিয়া এই স্কুল খোলা হইল। গাঙ্গুলী ভায়া নিজে একজন শিক্ষক হইলেন। শিক্ষক কেন, তিনি দিন-রাত্রি বিপ্রাম না জানিয়া ঐ স্কুলের উন্নতি সাধনে দেহ-মন নিয়োগ করিলেন।

আমি ভবানীপুরে আসিয়া দেখিলাম যে ঐ স্কুল চলিতেছে। গাঙ্গুলী ভায়া ছাড়িবার লোক ছিলেন না। আমি তাঁহাকে অন্তরের সহিত প্রীতি ও শ্রদ্ধা করিতাম। এমন সাক্ষা সত্যাহরণী লোক আমি অল্পই দেখিয়াছি। পূর্বেই বলিয়াছি, গাঙ্গুলী ভায়া স্ত্রী-স্বাধীনতার নেতা ছিলেন। আমি স্ত্রী-স্বাধীনতার ভাবটা তাঁহার মতো না লই, স্ত্রীজাতির উন্নতি হয় ইহা অন্তরের সহিত চাহিতাম। আমি ভবানীপুরে আসিলেই গাঙ্গুলী ভায়া আমাকে ছিনা জ্যাকের মতো ধরিয়া বসিলেন যে, আমার কণ্ঠা হেমলতাকে বঙ্গমহিলা বিদ্যালয়ে দিতেই হইবে। সুতরাং হেমলতাকে বঙ্গমহিলা বিদ্যালয়ে দিলাম।

প্রচলকগণের কার্যের বিচার হইতে পারে কিনা? এই সময়ে আর এক আন্দোলন উঠিল। আমার হরিনাভি বাস কালের মধ্যে কেশববাবুর প্রতিষ্ঠিত ভারত আশ্রমে এক ঘটনা ঘটে। ঐ সময়ে আমার স্বগ্রামবাসী ব্রাহ্ম ভ্রাতা হরনাথ বসু মহাশয় সপরিবারে ভারত আশ্রমে থাকিতেন। হরনাথবাবু মন-খোলা, মহোৎসাহী মানুষ ছিলেন। আয় অল্প ও ব্যয় বহু হওয়াতে তাঁহার আয়-ব্যয়ের সমতা কখনোই ছিল না। তিনি সপরিবারে আশ্রমে ছিলেন, কিন্তু দেনদার হইয়া পড়িয়াছিলেন। আশ্রমের অধ্যক্ষমহাশয় পীড়াপীড়ি করাতে তিনি আশ্রম হইতে স্ত্রীপুত্রদিগকে নিজের গৃহস্থবাড়ি প্রেরণ করা স্থির করিলেন। কিন্তু যাইবার সময় আশ্রমের দেনা দিয়া যাইতে পারিলেন না। তাঁহার পত্নী বিনোদিনী পুত্র-কণ্ঠা সহ গাড়ি করিয়া আশ্রম হইতে চলিয়া যাইতেছেন, এমন সময় আশ্রমের অধ্যক্ষমহাশয়ের আদেশ ক্রমে ভ্রাতার আসিয়া দ্বারে গাড়ি অবরোধ করিল, দেনা শোধ না কবিলে গাড়ি যাইতে দিবে না। বিনোদিনী আপনাকে অপমানিতা বোধ করিয়া ঈর্ষিতে লাগিলেন, এবং আপনাব পাত্র হইতে গহনা খুলিয়া দিলেন। তৎপরে তাঁহাদিগকে ছাড়িয়া দেওয়া হইল।

হরনাথবাবু উত্তেজিত হইয়া বিনোদিনীর নাম দিয়া এই ঘটনার বিবরণ ‘সাপ্তাহিক সমাচার’ নামক এক ব্রাহ্ম বিরোধী সাপ্তাহিক পত্রে প্রকাশ করিলেন। দেশীয় সংবাদপত্র সকল একে চায়, আরে পায়। তাহার একেবারে আশ্রমের ও কেশববাবুর দলের বিরুদ্ধে ঘোর আন্দোলন তুলিয়া দিল। সময় বুঝিয়া অত্যগ্রসর স্বলের এক ব্রাহ্মযুবক আশ্রমের প্রতি কটাক্ষ করিয়া এক ঘোর কুৎসার্পণ পত্র

সাপ্তাহিক সমাচারে প্রকাশ করিলেন। তখন কেশববাবু বাধ্য হইয়া সাপ্তাহিক সমাচারের বিরুদ্ধে আদালতে মোকদ্দমা উপস্থিত করিলেন। যত দূর স্বরণ হয়, সে মোকদ্দমা আপোসে নিষ্পত্তি হইল। এই বিবাদের সময় আমি হরনাথবাবু ও তাঁহার স্ত্রীকে সংবাদপত্রে যাওয়ার জন্ত অনেক তিরস্কার করিয়াছিলাম, এবং মোকদ্দমার বিষয়ে কেশববাবুর পক্ষে ছিলাম।

কিন্তু এই আন্দোলন হইতে আর এক আন্দোলন উঠিয়া পড়িল। বিনোদিনীকে দ্বারাবরোধ করিয়া অপমান করাতে যুবক ব্রাহ্মদল বিশেষত গাঙ্গুলী ভায়ার দল, আশ্রমের প্রতি চটিয়া গেলেন, এবং এই কার্যের বিচারের জন্ত কেশববাবুকে সভা আহ্বানের অত্যাধিকার করিতে লাগিলেন। ইহার উত্তরে ধর্মতত্ত্ব পত্রিকাতে প্রকাশ হইল যে, প্রচারকগণ ঈশ্বর নিযুক্ত, ব্রাহ্মগণ তাঁহাদের বিচারক হইতে পারেন না। ইহাতে সমাজের কার্যপ্রণালী ও শাসন সম্বন্ধে এক নূতন আন্দোলন উঠিয়া পড়িল।

দ্বারকানাথ গাঙ্গুলী প্রমুখ দল এই আন্দোলনে যোগ দিলেন। আমি ভবানীপুরে আসিয়া দেখিলাম, কেশববাবুর মত ও কার্যের প্রতিবাদ করিবার জন্ত একটি দল গড়িয়া উঠিয়াছে। আমি আসিবামাত্র ইহারা আমাকে আপনাদের মধ্যে লইলেন, কারণ, সমাজের কার্যে নিয়মতন্ত্র প্রণালী স্থাপন বিষয়ে এবং কেশববাবুর কোনো কোনো মতের প্রতিবাদ বিষয়ে, ইহাদের সহিত পূর্ব হইতে আমার মতের ঐক্য ছিল।

**কেশবচন্দ্রের মতের সমালোচনা।** ইহার পর আমার ভবনে এবং অপরাপর স্থানে এই প্রতিবাদী দলের ধন-ধন মিটিং হইতে লাগিল। অবশেষে ব্রাহ্মদিগকে সতর্ক করিবার জন্ত সময় ঘোষণা করা হিঁর হইল। এই সময় ঘোষণা দুই প্রকারে আরম্ভ হইল। প্রথমে, কলিকাতা ট্রেনিং একাডেমী নামক স্থলের গৃহে কেশববাবুর বিরুদ্ধে দুইটি বক্তৃতা হইল। একটি আমি দিলাম, অপরটি আমার বন্ধু নগেন্দ্রনাথ চট্টোপাধ্যায় দিলেন।

আমার বক্তৃতার সমুদয় কথা স্মরণ নাই। আমি প্রধানত কেশববাবুর কতকগুলি মতের সমালোচনা করিয়াছিলাম। সে সম্বন্ধে এইমাত্র স্মরণ আছে যে, রবিবাসরীয় মিরারে কেশববাবু তাহার উল্লেখ করিয়া তাহার উদার ভাবের প্রশংসা করিয়াছিলেন। কিন্তু নগেন্দ্রবাবুর বক্তৃতা তাঁহাদের বড়ই অপপ্রীতিকর হইল। নগেন্দ্রবাবু সমাজের কার্যে নিয়মতন্ত্র প্রণালীর আবশ্যিকতা প্রদর্শন করিতে গিয়া বলিয়াছিলেন যে, কেশববাবুকে নেপোলিয়নের সঙ্গে তুলনা করা যাইতে পারে। নেপোলিয়ন যেমন সাধারণ তন্ত্রের পক্ষে হইয়া যুদ্ধ আরম্ভ করিয়া, সাধারণ তন্ত্রের নিশান লইয়া কার্য করিয়া, অবশেষে সম্রাটের মুকুট নিজ মস্তকে লইয়াছিলেন, তেমনি কেশববাবু ব্রাহ্ম

প্রতিনিধি সভা স্থাপন করিয়া আদি সমাজের সঙ্গে বিবাদ আরম্ভ করিয়া পরিশেষে যথেষ্টাচারী রাজা হইয়া বসিয়াছেন। এই কথাতে কেশববাবুর প্রচারক দল আমাদের উপর হাড়ে চটিয়া গেলেন।

মাসিক ‘সমদর্শী’। একদিকে বঙ্কতা আরম্ভ হইল, অপর দিকে ১৮৭৪ সালের নভেম্বর মাস হইতে ‘সমদর্শী’ নামক দ্বিতাবী এক মাসিক পত্রিকা বাহির হইল। বঙ্কুগণ আমাকে তাহার সম্পাদক করিলেন। স্মৃতবাং সাধারণের চক্ষে আমি এই দলের নেতা হইয়া দাঁড়াইলাম। সমদর্শীতে আমরা কেশববাবুর কোনো কোনো মতের প্রতিবাদ করিতাম ও স্বাধীন ভাবে ধর্ম তত্ত্বের আলোচনা করিতাম। সমদর্শী কিছুদিন চলিয়াছিল, পরে বন্ধ হইয়া গেল; কিন্তু সমদর্শী দল রহিয়া গেল, এবং সমাজের কার্যে নিয়মতন্ত্র প্রণালী স্থাপনের জন্ত যে আন্দোলন উঠিয়াছিল, তাহা চলিতে লাগিল।

আর একটি নিরাশ্রয় মেয়ে। ভবানীপুর বাস কালের কতকগুলি পারিবারিক ঘটনা উল্লেখযোগ্য। এই সময়ের মধ্যে আমার সর্বকনিষ্ঠা কন্যা সরোজিনী জন্মগ্রহণ করে। দ্বিতীয় ঘটনা, একদিন আমি স্কুল হইতে আসিয়া দেখি, একটি নিরাশ্রয় মেয়ে তাহার বোঁচকা-বুঁচকি সহ আসিয়া আমার ভবনে অবতীর্ণ হইয়াছে, তাহার আর যাইবার স্থান নাই, সে আশ্রয় চায়। সে নিজের জীবনের একটি ইতিবৃত্ত বলিল, সত্য মিথ্যা ভগবান জানেন। মহা মুশকিল, পুরুষ নয় যে অস্ত্র এক স্থান দেখিতে বলিব। ঝেয়েছেলে, রাজ্যায় দাঁড়াইতে বলিতে পারি না। বিশেষত প্রসন্নময়ী অতি দয়ালু ছিলেন, নিরাশ্রয় দীন দরিদ্রের প্রতি তাঁহার দয়া দেখিয়া সকলে মুগ্ধ হইত। মেয়েটি আসিয়া ‘মা’ বলিয়া ডাকিয়াছে, আর ঘর কোথায়? অমনি তাহাকে কোলে টানিয়া লইলেন। অগ্রে ছিল লক্ষ্মীমণি, এখন আসিল এই মেয়ে, তাঁহার নিজের এক পুত্র ও চারি কন্যা বাদে আর দুইটি কন্যা বাড়িল। মেয়েটি প্রসন্নময়ীর আশ্রয়ে থাকিয়া গেল।

খ্রীষ্টীয় হাই চর্চের সাহিত্য পাঠ। ভবানীপুর বাস কালের আর দুইটি স্বর্ণলীল বিষয় আছে। প্রথম, এই সময় একজন খ্রীষ্টীয় পাদবীর সহিত আমার বিশেষ বন্ধুতা হয়। তিনি হাই চর্চের বড় গৌড়া ছিলেন। আমি তাঁহার ভবনে অনেক সময় যাপন করিতাম। তাঁহার প্রয়োচনার আমি ঐ সময় হাই চর্চের অনেক পুস্তক পড়ি। তাহার মধ্যে জন হেনরী নিউম্যানের একখানি গ্রন্থ (‘এ্যাপোলোজিয়া প্রো ভিটা স্ক্রা’) বিশেষ উল্লেখযোগ্য। এই পুস্তকখানি পড়িয়া আমি বড়ই উপকৃত হই। দুই-তিন মাস তাহার প্রভাব আমার মনে লাগরুক ছিল। নিউম্যান কিরূপে সত্যাহ্বাগ দ্বারা চালিত হইয়া ভ্রমে গিয়া পড়িলেন, তাহা দেখিয়া আমার মনে বিবাদ মিশ্রিত এক আন্দর্ভের ভাব হয়।



রামকৃষ্ণ পরমহংসের সাহিত্য যোগ। এইরূপে একদিকে যেমন খ্রীষ্টীয় শাস্ত্র ও খ্রীষ্টীয় সাধুর ভাব আমার মনে আসে, অপরদিকে এই সময়েই রামকৃষ্ণ পরমহংসের সহিত আমার আলাপ হয়। তাহার ইতিবৃত্ত এই। আমাদের ভবানীপুর সমাজের একজন সভ্য দক্ষিণেশ্বরে বিবাহ করিয়াছিলেন। তিনি মধ্যে-মধ্যে স্বপ্নরবাড়ি হইতে আসিয়া আমাকে বলিতেন যে, দক্ষিণেশ্বরের কালীর মন্দিরে একজন পূজারি ব্রাহ্মণ আছেন, তাঁহার কিছু বিশেষত্ব আছে। এই মানুষটি ধর্ম সাধনের জন্ত অনেক ক্রেশ স্বীকার করিয়াছেন। শুনিয়া রামকৃষ্ণকে দেখিবার ইচ্ছা হইল। যাহব যাইব করিতেছি, এমন সময় মিরার কাগজে দেখিলাম যে, কেশবচন্দ্র সেন মহাশয় তাঁহার সঙ্গে দেখা করিতে গিয়াছিলেন, এবং তাঁহার সহিত কথা কথিয়া প্রীত ও চমৎকৃত হইয়া আসিয়াছেন। শুনিয়া দক্ষিণেশ্বরে যাইবার হুজুটা প্রবল হইয়া উঠিল। আমার সেই বন্ধুটিকে সঙ্গে করিয়া একদিন গেলাম।

প্রথম দর্শনের দিন হইতেই আমার প্রতি রামকৃষ্ণের বিশেষ ভালোবাসার লক্ষণ দৃষ্ট হইল। আমিও তাঁহাকে দেখিয়া বিশেষ চমৎকৃত হইলাম। আর কোনো মানুষ ধর্ম সাধনের জন্ত এত ক্রেশ স্বীকার করিয়াছেন কি না, জানি না। রামকৃষ্ণ আমাকে বলিলেন যে, তিনি কালীর মন্দিরে পূজারি ছিলেন। সেখানে অনেক সাধু-সন্ন্যাসী আসিতেন। ধর্ম সাধনার্থ তাঁহারা যিনি যাহা বলিতেন, সমুদয় তিনি করিয়া দেখিয়াছেন। এমন কি, এইকপ সাধন করিতে করিতে তিনি ক্ষেপিয়া গিয়াছিলেন, কিছুদিন উন্মাদগ্রস্ত ছিলেন। তাহ্ম তাঁহার একটা পীড়ার সঞ্চা হইয়াছিল যে, তাঁহার ভাবাবেশ হইলেই তিনি সংজ্ঞাহীন হইয়া যাইতেন। এই সংজ্ঞাহীন অবস্থাতে আমি তাঁহাকে অনেকবার দেখিয়াছি; এমন কি, অনেকদিন পরে আমাকে দেখিয়া আনন্দে অধীর হইয়া ছুটিয়া আসিয়া আমার আলিঙ্গনের মধ্যেই তিনি সংজ্ঞাহীন হইয়া গিয়াছেন।

সে যাক। রামকৃষ্ণের সঙ্গে মিশিয়া এই একটা ভাব মনে আসিত যে, ধর্ম এক, রূপ ভিন্ন-ভিন্ন মাত্র। ধর্মের এই উদারতা ও বিশ্বজনীনতা রামকৃষ্ণ কথায়-কথায় ব্যক্ত করিতেন। ইহার একটি নিদর্শন উজ্জলরূপে স্মরণ আছে। একবার আমি দক্ষিণেশ্বরে যাইবার সময় আমার ভবানীপুরস্থ খ্রীষ্টীয় পাদরী বন্ধুটিকে সঙ্গে লইয়া গেলাম, তিনি আমার মুখে রামকৃষ্ণের কথা শুনিয়া তাঁহাকে দেখিতে গেলেন। আমি গিয়া যেই বলিলাম, “মশাই, এই আমার একটা খ্রীষ্টান বন্ধু আপনাকে দেখতে এসেছেন,” অমনি রামকৃষ্ণ প্রণত হইয়া মাটিতে মাথা দিয়া বলিলেন, “যীশু খ্রীষ্টের চরণে আমার শত-শত প্রণাম।” আমার খ্রীষ্টীয় বন্ধুটি আশ্চর্যান্বিত হইয়া জিজ্ঞাসা করিলেন, “মশাই যে যীশুর চরণে প্রণাম করছেন, তাঁকে আপনি কি মনে করেন?”

উত্তর। কেন, ঈশ্বরের অবতার।

খ্রীষ্টীয় বন্ধুটি বলিলেন, ঈশ্বরের অবতার কিরূপ? কৃষ্ণাদির মতো?

রামকৃষ্ণ। হাঁ, সেইরূপ। ভগবানের অবতার অসংখ্য, যীশুও এক অবতার।

খ্রীষ্টীয় বন্ধু। আপনি অবতার বলতে কি বোঝেন?

রামকৃষ্ণ। সে কেমন তা জানো? আমি শুনেছি, কোনো কোনো স্থানে সমুদ্রে জল জমে বরফ হয়। অনন্ত সমুদ্র পড়ে রয়েছে, এক জায়গায় কোনো বিশেষ কারণে খানিকটা জল জমে গেল; ধরবার ছোঁবার মতো হল। অবতার যেন কতকটা সেইরূপ। অনন্ত শক্তি জগতে ব্যাপ্ত আছেন, কোনো বিশেষ কারণে কোনো এক বিশেষ স্থানে খানিকটা ঐশী শক্তি মূর্তি ধারণ করলে, ধরবার ছোঁবার মতো হল। যীশু প্রভৃতি মহাজনদের যে কিছু শক্তি, সে ঐশী শক্তি, হুতরাং তাঁরা ভগবানের অবতার।

রামকৃষ্ণের সহিত মিশিয়া আমি ধর্মের সার্বভৌমিকতার ভাব বিশেষ রূপে উপলব্ধি করিয়াছি।

ইহার পর রামকৃষ্ণের মতিত আমার মিত্রতা আরও ঘনীভূত হয়। এমন দিনও গিয়াছে, আমাকে অনেকদিন দেখিতে না পাইয়া তিনি ব্যাকুল হইয়া আমার সহিত সাক্ষাৎ করিতে আমার ভবনে আসিয়াছেন।

বন্ধুপত্নী ব্রহ্মময়ী। এ সময়ের আর একটি স্মরণীয় বিষয়, আমার বন্ধু দুর্গা-মোহন দাস মহাশয়ের প্রথম পত্নী ব্রহ্মময়ীর ভালোবাসা, ও তাঁহার মৃত্যুতে আমাদের ক্লেশ। দুর্গামোহনবাবু এ সময় ভবানীপুরের সন্নিকটে বাস করিতেন, হুতরাং তাঁহার ভবনে সর্বদা যাইতাম। ব্রহ্মময়ী আমার আকর্ষণের প্রধাণ কারণ ছিলেন, তিনি আমাকে বড় ভালোবাসিতেন। তাঁহার সেই সরল পবিত্রতা মাথা মুখখানি যেন স্মৃতিতে জাগিতেছে। প্রসন্নময়ীর ত্রায়, তাঁহারও সন্তানের ক্ষুধা যেন নিজ সন্তান দিয়া মিটিত না। তিনিও কতকগুলি নিরাশ্রয় বালককে নিজ ভবনে আশ্রয় দিয়া পালন করিতেছিলেন।

ব্রহ্মময়ী আমার সর্ববিধ সদহুষ্ঠানের উৎসাহদায়িনী ছিলেন। তাহার একটি নিদর্শন মনে আছে। একবার ভবানীপুর ব্রাহ্মসমাজের অল্পতম সভ্য শিতিকর্ষ মল্লিক ও আমি পরামর্শ করিলাম যে, ভবানীপুরে একটি লাইব্রেরি ও পাঠাগার করিলে ভালো হয়। এই পরামর্শ করিয়া আমরা একদিন দুর্গামোহনবাবুর নিকট টাকা জিন্স করিতে গেলাম। দুর্গামোহনবাবু অর্থ সাহায্য করিতে অস্বীকৃত হইলেন, তাহা লইয়া তাঁহার সঙ্গে অনেক বাধবিতণ্ডা চলিল। আমি বলিলাম, “আপনার নিকট হইতে যদি কিছু টাকা আদায় না করি, তবে আমার নাম শিবনাথ শাস্ত্রী

নয়।” তিনি বলিলেন, “আমার নিকট হতে যদি কিছু আদায় করতে পার তবে আমার নাম দুর্গামোহন দাস নয়।” ইহার পর শিতিবাবুর সহিত তাঁহার ভর্ক বাখিল। আমি ইতিমধ্যে সরিয়া পড়িয়া একেবারে উপরতলায় ব্রহ্মময়ীর নিকট গেলাম। প্রস্তাবটি বেশ করিয়া তাঁহাকে বুঝাইয়া দিলাম। তিনি শুনিয়া বলিলেন, “জানের চর্চা বাড়, সে তো ভালোই। আপনারা কি মেয়েদের পড়বার মতো বই রাখবেন ? অল্প কিছু জমা দিয়ে ভদ্রলোকের মেয়েরা কি ভালো ভালো বাংলা বই নিয়ে পড়তে পারবে ?”

আমি বলিলাম, “হ্যাঁ, তা পারবে।”

ব্রহ্মময়ী। তবে আমি এককালীন ৫০ টাকা, ও মাসে মাসে ৪ টাকা করে দেব।

আমি বলিলাম, “তবে এই কাগজে নামটা স্বাক্ষর করে দিন।”

এইরূপে একটা কাগজে পূর্বোক্ত প্রতিজ্ঞা লিখিয়া তাহাতে তাঁহার নাম স্বাক্ষর করাইয়া, নিচের তলায় গিয়া দুর্গামোহনবাবুর কাছে কাগজখানা ধরিলাম। দুর্গামোহনবাবু ব্রহ্মময়ীর স্বাক্ষরটা দেখিয়া বলিলেন, “ও রাস্কেল, এই জন্তে তোমার এত জোর ? তুমি আমার কাছে হেরে বিলেতে আপীল করবে ভেবে এসেছিলে ?” অমনি একটা হাসাহাসি পড়িয়া গেল। দুর্গামোহনবাবু উপরে ব্রহ্মময়ীকে বলিলেন, “ওগো তুমি আমাকে না জিজ্ঞেসা করে এই হতভাগাদের কোনো কথা কানে নিয়ো না। এই যে শ্রীহস্তে স্বাক্ষর করেছ, এখন আমার টাকা না দিয়ে পার নাই।”

ব্রহ্মময়ী বলিলেন, “বেশ তো, ওঁরা তো ভালো কাজ করতে যাচ্ছেন। মেয়েদের ব্যবহারের মতো একটা লাইব্রেরি হয়, সে তো ভালোই।”

ব্রহ্মময়ীর আমার প্রতি ভালোবাসার একটি নিদর্শন মনে আছে। একবার আমার টাকার বড় টানাটানি যাইতেছিল। সেই মাসের শেষ দিকে ছেলেরা প্রসন্নময়ীর চুল বাঁধিবার আয়নাখানা ভাঙিয়া ফেলিল। প্রসন্নময়ী এ কথা আর আমাকে জানাইলেন না। ভাবিলেন, মাসের শেষ কয়টা দিন কোন প্রকারে চালাইবেন, পর মাসের প্রথমে আয়না কেনা হইবে। ইতিমধ্যে একদিন ব্রহ্মময়ী অপরাহ্নে বাড়িতে বেড়াইতে আসিয়া দেখেন, প্রসন্নময়ী জলের জালায় নিকট দাঁড়াইয়া জলে মুখ দেখিতেছেন ও চুল বাঁধিতেছেন। ব্রহ্মময়ী দেখিয়া আশ্চর্যাবিত হইয়া জিজ্ঞাসা করিলেন, “ও হেমের মা, ও কি ! জলের জালায় কাছে কি করছ ?”

প্রসন্নময়ী হাসিয়া বলিলেন, “ওগো, আয়নাখানা ছেলেরা ভেঙে ফেলেছে। ওঁর বড় টাকার টানাটানি যাচ্ছে, তাই ওঁকে জানাইনি। মাস গেলে কিনব ভেবে জালায় জলে মুখ দেখে বাঁধছি।”

ব্রহ্মময়ী (হাসিয়া)। ও মা, এ তো কখনো শুনিনি !

প্রসন্নময়ী। দেখলেন, কেমন একটা নূতন বিষয় দেখাল ম।

হুইজনে এই লইয়া হাসাহাসি হইতেছে, এমন সময় আসি স্থল হইতে আসিয়া উপস্থিত। আমিও এই কথা শুনিয়া খুব হাসিতে লাগিলাম। প্রসন্নময়ীকে বলিলাম, “তোমার মতো স্ত্রী নিয়ে ঘর করা কিছুই কষ্টকর নয়, বেশ বুদ্ধি বার করেছ তো! যা হোক, আমাকে বললে আমি আয়না এনে দিতে পারতাম।”

প্রসন্নময়ী। তোমার টাকার টানাটানি যাচ্ছে কি না, তাই বলিনি।

কিয়ৎক্ষণ পরেই ব্রহ্মময়ী চলিয়া গেলেন। আমরা ভাবিলাম তিনি বাড়ি গেলেন। কিন্তু এক ঘণ্টার মধ্যেই এক প্রকাণ্ড আয়না লইয়া আসিয়া উপস্থিত। বলিলেন, “এটি আমার উপহার, নিতেই হবে।” এমন ভাবে, এমন আগ্রহের সহিত এ কথা বলিলেন যে, আমরা আর ‘না’ বলিতে পারিলাম না, মন একেবারে মুগ্ধ হইয়া গেল। পরে জানিলাম, আমাদের বাড়ি হইতে আর বাড়িতে যান নাই, একেবারে বেষ্টিত স্ট্রীটে গিয়া, এক জানা দোকান হইতে আয়নাখানি কিনিয়া আনিয়াছেন।

ব্রহ্মময়ীর জন্ম দুর্গামোহনবাবুর বাড়ি আমার জুড়াইবার স্থান ছিল। লপ্তাহের মধ্যে প্রায় প্রতিদিন বৈকালে স্থল হইতে আসিয়া ব্রহ্মময়ীর কাছে যাইতাম। গিয়া দেখিতাম, বসিবার ঘর চেয়ার কোচ টেবিল প্রভৃতি দিয়া হৃন্দর রূপে সাজানো, কিন্তু ব্রহ্মময়ীর সৈদিকে দৃষ্টি নাই, তিনি মেজের উপরে মাটিতে বসিয়া সমাগত কয়েকটি মেয়েকে পাশে বসাইয়া গল্প করিতেছেন। একদিনকার একটি ঘটনা বলি। একদিন একটি মেয়ে গল্পচ্ছলে বলিলেন, মিউনিসিপ্যাল মার্কেটে বেশ লিচু উঠিয়াছে, তাঁহারা আনাইয়া খাইয়াছেন। ইহার পর কথাবার্তার মধ্যে ব্রহ্মময়ী একবার উঠিয়া গিয়াছিলেন, ত্বরায় আসিলেন। তৎপরে আমার কথায় বার্তায় হাসাহাসিতে সময় হইতে লাগিল। ইতিমধ্যে মিউনিসিপ্যাল মার্কেট হইতে বড় বড় লিচু আসিয়া উপস্থিত। ব্রহ্মময়ী মেয়েদিগকে বলিলেন, “খাও, লিচু খাও।” ইহা লইয়া হাসাহাসি পড়িয়া গেল।

তাঁহার বাড়িতে পদার্পণ করিলেই তিনি তাঁহার আভিভা মেয়েদের কাহার জন্ম কি করা কর্তব্য, আমার সঙ্গে সেই পরামর্শে প্রবৃত্ত হইতেন। অধিকাংশ দিন সন্ধ্যার সময় নিজের হাতে আমাকে কিছু না খাওয়াইয়া ছাড়িতেন না।

এই ব্রহ্মময়ী ১৮৭৬ সালের নভেম্বর মাসে আমাদের গিকে পরিত্যাগ করিয়া গেলেন। তাঁহার মৃত্যুতে আমরা সকলেই, বিশেষত আমি, মর্মান্বিত হইলাম। তিনি যখন চলিয়া গেলেন, তাঁহার এই সকল সদাশয়তার স্মৃতি আমার মনে জাগিতে লাগিল এবং আমাকে শোকার্ত করিতে লাগিল। তাঁহার স্বর্গারোহণের পর আমরা একমাস কাল প্রতিদিন সন্ধ্যার সময়, তাঁহার ভবনে মিলিত হইয়া তাঁহাকে স্মরণ

করিয়া ব্রহ্মোপাসনা করিতে লাগিলাম। এই সময়ে আমি উপাসনার অল্পকূল অনেকগুলি শোকসূচক সঙ্গীত বাঁধিয়াছিলাম। তাহার অনেকগুলি সাধারণ ব্রাহ্ম-সমাজের ব্রহ্মসঙ্গীত পুস্তকে উদ্ধৃত হইয়াছে। ব্রহ্মময়ীর প্রাক্তবাসরে দুর্গামোহন-বাবু বাহিরের কাহাকেও নিমন্ত্রণ করেন নাই। আমাদের স্থায় কয়েকজন অন্তরঙ্গ বন্ধু, যাহারা ব্রহ্মময়ীকে ভালোবাসিতেন এবং তাঁহার পীড়ার মধ্যে দেখিতে আসিয়াছিলেন, তাঁহাদিগকেই লইয়া উপাসনা করেন। কিন্তু উপাসনান্তে চক্ষু খুলিয়া দেখি, অনিমন্ত্রিত হইয়াও কেশবচন্দ্র সেন মহাশয় আসিয়া উপাসনাতে যোগ দিতেছেন। ব্রহ্মময়ীর প্রতি প্রীতি ও শ্রদ্ধা প্রকাশ করা তাঁহার উদ্দেশ্য ছিল।

আমার ভবানীপুরে বাস কালে আমার প্রিয় বন্ধু নগেন্দ্রনাথ চট্টোপাধ্যায় মহাশয় বড় দারিদ্র্যের মধ্যে পড়িয়া গেলেন। অগ্রেই বলিয়াছি, তিনি ব্রহ্মানন্দ কেশব-চন্দ্র সেনের সহিত একযোগে কার্য করিবেন বলিয়া, কৃষ্ণনগরের কর্ম ছাড়িয়া সপরিবারে কলিকাতায় আসিয়া কেশববাবুর ভারত আশ্রমে উঠিয়াছিলেন, কিন্তু কেশববাবুর ও তাঁহার অল্পগত ভক্তবৃন্দের সহিত মতভেদ ঘটিয়া তাঁহাকে আশ্রম হইতে বাহির হইতে হইয়াছিল। তিনি কতিপয় ব্রাহ্ম বন্ধুর সহিত কিছুদিন স্বতন্ত্র বাসায় থাকিলেন, কিন্তু অতি কষ্টে তাঁহার দিন নির্বাহ হইতে লাগিল। हरिनाभिते বাস কালে আমি আমার দ্বিতীয়া পত্নী বিরাজমোহিনীকে তাঁহাদের সঙ্গে রাখিয়াছিলাম, এবং প্রতি শনিবার সেখানে আসিতাম। আমি যথাসাধ্য নগেন্দ্রবাবুর ব্যয়ের সাহায্য করিতাম, কিন্তু তাহাতে তাঁহার দুঃখ নিবারণ হইত না। তৎপরে আমি যখন ভবানীপুরের সাউথ সুবার্বন স্কুলের হেডমাস্টার হইয়া আসিলাম, তখন বিরাজমোহিনীকে हरिनाभिते সাধু উমেশচন্দ্র দত্তের নিকটে রাখিয়া, নগেন্দ্রবাবুকে সপরিবারে আমার ভবানীপুরের বাসায় আনিয়া রাখিলাম এবং তাঁহার একটি সন্তান জন্মিল। কিছুদিন পরে নগেন্দ্রবাবু কলিকাতায় গেলেন।

হেয়ার স্কুলের হেড পণ্ডিত। ভবানীপুর সাউথ সুবার্বন স্কুল হইতে আমার উৎসাহদাতা ও সহায় রাধিকাপ্রসন্ন মুখুয্যে মহাশয় আমাকে হেয়ার স্কুলে আমিলেন। ১২০ টাকা বেতনে হেয়ার স্কুলের হেড পণ্ডিত ও ট্রান্সমেশন মাস্টারের নূতন পদ সৃষ্টি হইল, সেই পদে আমাকে প্রতিষ্ঠিত করা হইল। রাধিকাবাবুর পরামর্শে উড়ো সাহেব আমাকে উক্ত পদ দিলেন। শুনিলাম সাটক্লিফ সাহেব অল্প কাহাকে দিতে চাহিয়াছিলেন, তাহা বহিত করিয়া ডিবেক্টর উড়ো সাহেব আমাকে এই পদ দিলেন। পূর্বে উড়ো সাহেবের সঙ্গে যে আমার ঝগড়া হইয়াছিল এবং উড়ো সাহেব আমার প্রতি চটিয়া আছেন, রাধিকাবাবু তাহা জানিতেন। অতীত করি, সদাশয় উড়ো সাহেবের তাহা মনে ছিল না, অথবা রাধিকাপ্রসন্নবাবু কৌশল-

ক্রমে সে বিরোধের কথা পশ্চাতে রাখিয়া, আমার প্রশংসা করিয়া উড়ো সাহেবের সম্মতি লইয়াছিলেন। যাহা হউক, উড়ো সাহেব স্ট্রিক্‌টর প্রস্তাব অগ্রাহ্য করিয়া আমাকে হেয়ার স্কুলে বসাইলেন।

আমি বোধ হয় ১৮৭৬ সালের প্রারম্ভে হেয়ার স্কুলে আসি। কিছুদিন ভবানীপুরে হইতে গভায়াত করিয়াছিলাম। অবশেষে আমার মাতুল স্বাক্ষরকান্য বিজ্ঞানমহাশয় পশ্চিম হইতে স্কুল হইয়া ফিরিয়া আসিয়া ভবানীপুরে তাহার সোমপ্রকাশ কাগজ ও প্রেসের ভার লইয়া বসিলেন। আমি তখন সপরিবারে কলিকাতার আমহার্স্ট স্ট্রীটে এক বাড়িতে গিয়া প্রতিষ্ঠিত হইলাম।

ব্রাহ্মসমাজে নিয়মতন্ত্র প্রণালী প্রবর্তনের দ্বিবিধ

চেষ্টা। যুবকদের উপর কেশবচন্দ্রের প্রভাব হ্রাস।

ধাকমণি। খ্রীষ্টীয় যুবতী। হরিনাভির উৎসবের পর

শুরুতর পীড়া। মৃত্তকের কনিষ্ঠা কল্যার মৃত্যু।

‘পুষ্পমালা’ প্রকাশ।

আমি কলিকাতাতে উঠিয়া আসিলে আমাদের সমদর্শী দল আরও জমাট হইল। ব্রাহ্মসমাজে নিয়মতন্ত্র প্রণালী প্রবর্তিত করিবার চেষ্টাও দুই প্রকারে চলিতে লাগিল। প্রথম, ভারতীয় ব্রাহ্মমন্দিরটি ট্রুট্টদিগের হস্তে অর্পণ করিবার চেষ্টা করা। দ্বিতীয়, ব্রাহ্মসমাজ মধ্যে প্রতিনিধি সভা স্থাপনের চেষ্টা করা। কেশববাবু ব্রাহ্ম সাধারণের বা উপাসকমণ্ডলীর সভা আহ্বান করা বন্ধ করিয়াছিলেন, সুতরাং আমরা সর্বদা এ আন্দোলন করিবার সুবিধা পাইতাম না। বৎসরের মধ্যে একবার উৎসবের সময় ব্রাহ্মদিগের যে সম্মিলিত সভা হইত, তাহাতে আমরা ট্রুট্ট হস্তে মন্দির অর্পণ করিবার প্রস্তাব উপস্থিত করিতাম। একবার কেশববাবু এই বলিয়া আমাদের প্রস্তাব উড়াইয়া দিলেন যে, মন্দিরের দেনা আছে, দেনা থাকিতে উহা ট্রুট্ট হস্তে অর্পণ করা যায় না। দ্বিতীয়বার আমরা ঋণশোধের ক্ষমতা নির্দেশ করিয়া কয়েক ব্যক্তির প্রতি ভার দিলাম। তৃতীয়বার আমরা কয়েকজন দেনার ভার লইতে চাহিলাম। কোনো ক্রমেই কেশববাবুকে এ কার্যে রাজি করিতে পারা গেল না। আনন্দমোহন বসু মহাশয় যদিও সমদর্শী দলে যোগ দেন নাই, একটু দূরে দূরেই ছিলেন, তথাপি তিনি এ বিষয়ের শুরুতর দায়িত্ব অহুস্তব করিতেন। মন্দিরটি যাহাতে ট্রুট্ট হস্তে যায়, তাহা তাহার একান্ত ইচ্ছা ছিল এবং কেশববাবু এত আপত্তি করাতে তিনি বিরক্ত হইতে লাগিলেন।

একদিকে এই চেষ্টা চলিল, অপরদিকে ব্রাহ্ম প্রতিনিধি সভা নামে একটি সভা গঠনের চেষ্টা চলিল। আমরা প্রস্তাবকর্তা, কিন্তু কেশববাবু তাহাতে যোগ দিতে

চাহিলেন। একটি কমিটি নিযুক্ত হইল, তাহাতে তিনি নাম দিলেন। কতকগুলি নিয়মাবলীও প্রণয়ন করা হইল।

কেশবচন্দ্র বসাক ব্রাহ্ম যুবক দল। এই সকল বিবাদের মধ্যে কেশববাবুর ভাব দেখিয়া আমরা ছুঃখিত হইতে লাগিলাম। তিনি সমদর্শী দলকে লক্ষ্য করিয়া রবিবাসরীয় মিরারে স্বেপটিক্স, সেকুলারিস্টস্, আনবিলাভার্স, প্রভৃতি কটুক্তি বর্ষণ করিতে লাগিলেন। আমি ছুঃখিত হইয়া ঐ মিরারে ইহার প্রতিবাদ করিলাম।

অতঃপর সংবাদপত্রের এই সকল উক্তি প্রত্যাঙ্কি, সমদর্শীর লেখা, ও যুবক ব্রাহ্ম-দলের মধ্যে কেশববাবুর আদর্শ সম্বন্ধে নানা আলোচনা উপহাস বিদ্রূপ, প্রভৃতির দ্বারা কেশববাবুর অসুগত প্রবীণ ব্রাহ্মদল ও যুবক ব্রাহ্মদলের মধ্যে চিন্তা ও ভাবগত বিচ্ছেদ দিন-দিন বাড়িতে লাগিল।

এ বিষয়ে একটু খুলিয়া বলা আবশ্যক বোধ হইতেছে। ইহার কিছুদিন পূর্ব হইতে কেশববাবু বৈরাগ্য প্রচার করিতে আরম্ভ করিয়াছিলেন। সে বৈরাগ্য কিরূপ তাহা একটু বলা ভালো। তিনি নিজের ত্রিতল ভবনের ছাদে একটি খোলার ঘর বাঁধিয়া নিজে বাঁধিয়া থাইতে লাগিলেন। আহারের যে নিয়ম ছিল তাহার ব্যতিক্রম হইল না, কেবল জল পানের সময় ষাতুনির্মিত গ্লাসের পরিবর্তে মাটির গ্লাস ব্যবহার করিতে লাগিলেন। খুলি লইয়া নিজের ভবনে শিক্ষা মন্ডিতে লাগিলেন, পরিবারস্থ ব্যক্তিগণ তাঁহাকে মুষ্টিভিক্ষা দিতে লাগিলেন। তাঁহার দেখাদেখি প্রচারক মহাশয়দিগের কেহ-কেহ বাঁধিয়া থাইতে লাগিলেন। ইহার অল্পদিন পরেই কোল্লগরের সন্নিকটে একটি বাগান লইয়া কেশববাবু তাহার ‘সাধন কানন’ নাম রাখিলেন, এবং নিজে প্রচারক দলের সহিত সেখানে বাস করিতে লাগিলেন। সেখানে নিজ হস্তে বাঁধিয়া খাওয়া, জল তোলা, বাগানের মাটি কাটা প্রভৃতি বৈরাগ্য আচরণ পূর্ণ মাজায় চলিতে লাগিল। তাহা লইয়া কলিকাতার যুবক ব্রাহ্মদলে খুব হাসাহাসি চলিতে লাগিল।

ফলতঃ, ইহার কিছুদিন পূর্ব হইতেই যুবকদলের উপর কেশববাবুর প্রভাব হ্রাস হইতেছিল। ব্রাহ্মযুবকগণের ধারণা জন্মিয়াছিল যে, তিনি এক সময়ে মহর্ষি দেবেন্দ্রনাথের সহিত বিবাদ করিয়া ব্রাহ্ম প্রতিনিধি সভা গঠন পূর্বক ব্রাহ্মসমাজে নিয়মতন্ত্র প্রণালী প্রবর্তিত করিবার চেষ্টা করিয়াছিলেন বটে, কিন্তু ক্রমশ তাঁহার নিয়মতন্ত্র প্রণালীতে বিশ্বাস চলিয়া গিয়াছে। তিনি এখন হয়তো মনে করিতেছেন যে, ধর্মসমাজের কার্যে সাধারণের হাত না থাকিয়া ঈশ্বর প্রেরিত মহাজনের হাত থাকা কর্তব্য, এই কারণে তিনি সমাজের কার্যে অশরের কর্তৃত্ব স্থাপিত হইতে দিতে চান না, নিজে সর্বময় কর্তা হইয়া থাকিতে চান। এই সংস্কার জন্মে বন্ধুল

হওয়াতে যুবকগণ তাঁহার দিক হইতে মুখ ফিরাইয়া লইতে লাগিলেন। আমাদের মনের উপরে তাঁহার শক্তি অনেক পরিমাণে যেন হ্রাস হইতে লাগিল।

**ভারত সভা স্থাপন।** যখন ব্রাহ্মসমাজে এই সকল আন্দোলন চলিতেছে, তখন আনন্দমোহন বসু, হুবেঞ্জনাথ বন্দ্যোপাধ্যায় ও আমি, তিনজনে আর এক পরামর্শে ব্যস্ত আছি। আনন্দমোহনবাবু বিলাত হইতে আসার পর হইতে আমরা একত্র হইলেই এই কথা উঠিত যে, বঙ্গদেশে মধ্যবিত্ত শ্রেণীর জন্ম কোনো রাজনৈতিক সভা নাই। ব্রিটিশ ইণ্ডিয়ান এসোসিয়েশন ধনীদিগের সভা, তাহার সভা হওয়া মধ্যবিত্ত মানুষদের কর্ম নয়, অথচ মধ্যবিত্ত শ্রেণীর লোকের সংখ্যা ও প্রতিপত্তি যেরূপ বাড়িতেছে, তাহাতে তাহাদের উপযুক্ত একটি রাজনৈতিক সভা থাকা অবশ্যক। আমাদের তিনজনের কথাবার্তার পর স্থির হইল যে, অপরাপর দেশহিতৈষী ব্যক্তিগণের সহিত পরামর্শ করা কর্তব্য। অমৃতবাজারের শিল্পিকুমার ঘোষ মহাশয় আনন্দমোহনবাবুর বন্ধু এবং আমারও প্রিয় বন্ধু ছিলেন। প্রথমে তাঁহাকে পরামর্শের মধ্যো লওয়া হইল। তৎপরে প্রসিদ্ধ ব্যারিস্টার মনোমোহন ঘোষ মহাশয়কেও লওয়া হইল। মনোমোহন ঘোষের বাড়িতে এই পরামর্শ চলিল। তাহার সকল পরামর্শে আমি উপস্থিত ছিলাম না, কার্যান্তরে অগত্যা ছিলাম। কি পরামর্শ হইতেছে তাহা আনন্দমোহনবাবু ও হুবেঞ্জবাবুর মুখে শুনিলাম।

যখন একটা সভা স্থাপন এক প্রকার স্থির হইল, তখন একদিন আনন্দমোহনবাবু ও আমি ঈশ্বরচন্দ্র বিজ্ঞানাগর মহাশয়ের সহিত দেখা করিতে গেলাম। বিজ্ঞানাগর মহাশয়ের এরূপ প্রস্তাবে বিশেষ উৎসাহ ছিল। তিনি বলিলেন, এতৎস্বারা দেশের একটি মহৎ অভাব দূর হইবে। আমরা তাঁহাকে আমাদের প্রথম সভাপতি হইবার জন্ত অনুরোধ করিলম, কিন্তু তিনি শারীরিক অসুস্থতার দোহাই দিয়া সে অনুরোধ অগ্রাহ্য করিলেন।

এলবার্ট হলে প্রকাশ্য সভা করিয়া ভারত সভা স্থাপন করা গেল, এবং আনন্দমোহনবাবুকে তাহার সম্পাদক করা গেল। সেদিনকার কথা এই মনে আছে যে, সেদিন হুবেঞ্জবাবুর একটি পুত্রসন্তান মারা যায়। তিনি তৎসময়েও আসিয়া সভা স্থাপনে সাহায্য করিলেন। আনন্দমোহনবাবু সম্পাদক, হুবেঞ্জবাবু সহ-সম্পাদক আমরা কয়েকজন কমিটির সভ্য, আমি প্রথম টাঙ্গা আদায়কারী সভ্য, এই লইয়া ভারত সভা বসিল। আমরা ২০নং কলেজ ষ্ট্রীটের ঘর ভাড়া করিয়া ভারত সভার আপিস স্থাপন করিলাম। সে আপিস ঘরের অবস্থা দেখিয়া হুপ্রসিদ্ধ হুয়লিক কবি ইজ্ঞনাথ বন্দ্যোপাধ্যায় তাঁহার প্রণীত ‘ভারত উদ্ধার’ কাব্যে লিখিলেন, “কড়ি আগে পড়ে কিছা দড়ি আগে ছেঁড়ে।” বাস্তবিক, উহার দশা ঐ প্রকারই ছিল।



এই ২০নং কলেজ ষ্ট্রাট ভবনের ভিতর দিকে কতকগুলি ব্রাহ্ম বন্ধু থাকিতেন, তাঁহাদের সঙ্গে আমি কিছুদিন ছিলাম। তখন ভারত সভার ঘরে কমিটির সম্মতিক্রমে সম্মানী দলেরও বৈঠক চলিত। এখানে থাকিবার সময়ই আমি বিষয়কর্ম ত্যাগ করিয়া ব্রাহ্মসমাজের সেবাতে আত্মোৎসর্গ করি। যে চিরস্মরণীয় রাত্রে কেশববাবুর নিকট প্রতিবাদ পত্র প্রেরণের প্রস্তাব নির্ধারণ হয়, সে রাত্রে এই ভারত সভার গৃহেই আমাদের বৈঠক হইয়াছিল। বলিতে কি, ভারত সভা ও সাধারণ ব্রাহ্মসমাজ যেন যমজ সহোদরের স্তায় ভূমিষ্ঠ হইয়াছিল। একই লোক দুদিকে, একই ভাবে উভয়ের কার্য চলিয়াছিল।

**পাঁচ বন্ধু।** এদিকে আমি, কেদারনাথ রায়, নগেন্দ্রনাথ চট্টোপাধ্যায়, শ্রীযুক্ত কালীনাথ দত্ত ও শ্রীযুক্ত উমেশচন্দ্র দত্ত, এই পাঁচজন বন্ধু একত্র হইয়া ধর্মসাধনের জন্ত একটি ক্ষুদ্র দল করিলাম। আমরা পাঁচজনে একত্র বসিতাম, প্রাণ খুলিয়া ধর্ম বিষয়ে কথা বার্তা কহিতাম, নানা স্থানে মিলিত হইয়া উপাসনা করিতাম। মধ্যে মধ্যে ধর্মোপদেশের জন্ত মহর্ষি দেবেন্দ্রনাথ ঠাকুরের নিকট যাইতাম। তিনি আমাদের নাম রাখিলেন ‘পঞ্চ প্রদীপ’। একদিন বলিলেন, লোক পঞ্চ প্রদীপে যেমন দেবতার আরতি করে, তেমনি তোমরা ‘পঞ্চ প্রদীপে’ ঈশ্বরের আরতি করিতেছ। নামটি আমাদের বড় ভালো লাগিল। আমরা আপনাদের মধ্যে আমাদের সম্মিলনকে পঞ্চ প্রদীপের সম্মিলন বলিতে লাগিলাম।

**আর একটি পতিতা নারী থাকমণি।** এই সময়ের উল্লেখযোগ্য আর দুইটি ঘটনা আছে। আমি যে লক্ষ্মীমণিকে স্ত্রী ভবনে আশ্রয়দান করিয়াছিলাম সে সংবাদ বোধ করি কলিকাতায় প্রচারিত হইয়াছিল। এই দুইটি ঘটনাই পরোক্ষ ভাবে সে-সংবাদের সহিত জড়িত।

একদিন আমার বন্ধু প্রচারক রামকুমার বিহারতল্ল ও আমি দুইজনে মহর্ষি দেবেন্দ্রনাথের চরণ দর্শন করিয়া গৃহে ফিরিয়া আসিতেছি। রাজেন্দ্রলাল মল্লিকের বাড়ির সম্মুখে আসিবার সময় একটি জ্বীলোকের পার্শ্ব দিয়া আসিলাম, কিন্তু তত লক্ষ্য করিলাম না, তাহার মুখটা দেখিলাম না। তাহাকে অতিক্রম করিয়া কয়েক পা আসিয়াছি, এমন সময় পশ্চাৎ হইতে বামাকণ্ঠে শুনিলাম, “হাঁ গা শাস্ত্রীমশাই, তোমরা এখন কোথা থাক?” হঠাৎ ফিরিয়া দেখি, একটি গৌরবর্ণা যুবতী একটি শিশু কস্তুর হাত ধরিয়া আসিতেছে। মুখ দেখিয়া চিনিতে পারিলাম। ভবানীপুর বাসকালে আমি এক নির্জন পল্লীতে বাস করিতাম। ঐ পতিতা নারী তাহার সন্নিকটেই থাকিত ও আমাদের মেয়েদের সঙ্গে এক পুকুরে স্নানাদি করিত। সে যে আমাদের চিনিয়া রাখিয়াছে ও আমার নাম জানে, তাহা জানিতাম না। বাহা হউক

আমি ফিরিয়া তাহার মুখের দিকে চাহিবামাত্র সে হাসিয়া বলিল, “তোমার সঙ্গে আমার একটু বিশেষ কাজ আছে। তোমার বাসা কোথায় বললে আমি গিয়ে দেখা করতে পারি, নতুবা আমার বাসা অমুক নম্বর শিব ঠাকুরের গলি, সেখানে তোমাকে একবার আসতে হবে।”

ইহার পর বিতারক ভায়া ও আমি দুইজনে বলাবলি করিতে লাগিলাম, “আমাকে যখন জানে, তখন আমি কি তত্ত্বের লোক তাও জানে। আমার সঙ্গে ওর কি কাজ?” কিছুই নির্ধারণ করিতে পারিলাম না, বড়ই আশ্চর্য বোধ হইল। আসিয়া আমার বন্ধু কেশবনাথ রায়কে এই বিবরণ বলিলাম। তিনি এক সময়ে এই শ্রেণীর স্ত্রীলোকদের মধ্যে কাজ করিয়াছিলেন। তিনি বলিলেন, “ও যখন ব্যাকুল হয়ে তোমাকে ভেবেছে, তখন নিশ্চয় কোনো বিষয়ে তোমার সাহায্য চায়। চল, একবার শিব ঠাকুরের গলিতে ওর বাড়িতে যাই।” এই নির্ধারণ অল্পসারে পরবর্তী রবিবার প্রাতে আমরা দুজনে শিবঠাকুরের গলিতে তাহার বাড়িতে গিয়া উপস্থিত হইলাম। দেখিলাম, সেই বাড়িটি এইরূপ স্ত্রীলোকে পরিপূর্ণ। তখন বেলা ষাট, তথাপি তাহাদের অধিকাংশ ঘরে ঘরে পড়িয়া ঘুমাইতেছে। অনেকে উঠিয়াছে, প্রাতঃক্রিয়া সম্পন্ন করিতেছে।

এই মেয়েটির নাম থাকমণি। থাকমণি আমাদের দেখিয়া আশ্চর্যবিত হইয়া গেল। সে বোধ হয় স্বপ্নেও ভাবে নাই যে, তাহার নিমন্ত্রণে আমি ঐরূপ স্থানে যাইব। তাহার ভাবে এক আশ্চর্য পরিবর্তন দেখিলাম। সে রাস্তাতে আমার সহিত কথা কহিবার সময়, হাসিয়া চলিয়া ‘তুমি’ ‘তুমি’ করিয়া কথা কহিয়াছিল, কিন্তু সেদিন আর এক মূর্তি ধরিল। ‘আশনি’ ও ‘আপনারা’ বলিয়া কথা আরম্ভ করিল এবং অতি গম্ভীর ও অহুতপ্ত ভাবে আপনার জীবনের বিবরণ ব্যক্ত করিতে প্রবৃত্ত হইল। সে বিবরণ শ্রবণে এই। সে কলিকাতার সন্নিকটবর্তী কোনো স্থানের এক ভদ্র ব্রাহ্মণ-পরিবারের কন্যা। তাহার মাতা ও ভ্রাতা তখনো জীবিত আছেন এবং সে বিপদে পড়িয়া প্রার্থনা করিলে অর্থ সাহায্য করিয়া থাকেন। বাল্যকালে একজন কুলীন ব্রাহ্মণের সহিত তাহার বিবাহ হয়। তাহার অপর অনেকগুলি স্ত্রী ছিল, সে কখনো পতিগৃহে যায় নাই, কালেভদ্রে কখনো পতিকে দেখিয়াছে এই মাত্র। এই প্রকার অবস্থায় সে বয়ঃপ্রাপ্ত হইলে, পাড়ার একজন পুরুষ তাহার পশ্চাতে লাগিল, এবং তাহাকে ফুসলাইয়া কুলের বাহির করিয়া আনিল। এই অবস্থাতে সে তৎকালীন চৌদ্দ আইনের ভয়ে কিছুকাল ভবানীপুরের সেই নির্জন স্থানে লুকাইয়া ছিল। সেখানে থাকিবার সময় সে আমাকে দেখিয়াছে ও আমার বিষয় অনেক কথা উল্লিখিত। সেইখানে থাকিতে থাকিতে সে লক্ষ্মীমণিকে দেখিয়াছে, এবং ব্রাহ্মণ্য কিরূপে

তাহাকে উদ্ধার করিয়া আমার গৃহে রাখিয়াছে, তাহাও শুনিয়াছে। তাই তাহার শিশু কন্তাটিকে আমার হস্তে দিবার জন্য আমাকে ডাকিয়াছে।

আমি জিজ্ঞাসা করিলাম, “তোমার মা ও তাই আছেন, তাঁহাদের অবস্থা ভালো, তবে কেন তুমি এমন পথে পা দিলে?”

ধাকমণি। কি করে কিরব, যাবার যো নেই। তাই ভাবি, যার সঙ্গে ভেদেছি তাকেই আশ্রয় করে থাকি। তাই তাকেই আশ্রয় করে আছি। সে বেচারার জী আছে, ছেলেপিলে আছে, অন্ন আয়, আমার সব খরচ দিয়ে উঠতে পারে না; আমাকে বড় কষ্টে থাকতে হয়। আমার যা হবার হয়েছে, এখন ভাবি মেয়েটাকে এ পথ হতে কি করে বাঁচাই। শাজী মশাই, আপনি লক্ষ্মীমণিকে বাঁচিয়েছেন, তাই আপনার চরণে শরণাপন্ন হচ্ছি।

আমি। তোমার মেয়ে যে এখনও মাই ছাড়েনি। এত ছোট মেয়ে কি মা ছেড়ে থাকতে পারবে?

ধাকমণি। সে একটা ভাবনার কথা বটে। তবে মনে হয়, একটু ভালোবাসা যত্ন পেলে ক্রমে মাকে ভুলে যাবে। আপনার জীব ভালোবাসার গুণে ও বশ হয়ে যাবে।

আমি। আচ্ছা, আরও দুই-তিন মাস যাক, মেয়েটা মাই ছাড়ুক, তখন অমুক ঠিকানায় আমাকে খবর দিও।

এই বলিয়া আমরা চলিয়া আসিলাম। হায়! সে আর খবর দিল না। ইহার পরে আমার পীড়া হইয়া, সে বাসা ভাঙিয়া গেল, আমি মুন্সেরে চলিয়া গেলাম। তৎপরে সাধারণ ব্রাহ্মসমাজের কাজে মাতিলাম, ধাকমণি ও তাহার কন্তা স্বতি হইতে সরিয়া পড়িল। হয়তো তাহার মন বদলাইয়া গেল, না হয় আর আমার উদ্দেশ্য পাইল না। যে কারণেই হউক, ধাকমণির উদ্দেশ্য আর পাইলাম না।

**খ্রীষ্টীয় যুবতীর মতিভ্রম।** দ্বিতীয় ঘটনাটি এই। এই ঘটনায় উল্লিখিত নারীর উদ্দেশ্য অনেক অল্পসঙ্কানেও কেহ পাইবেন না, তাই ইহা লিপিবদ্ধ করিতেছি। হেয়ার ভুলে কাজ করিবার সময় একদিন বেড়াইয়া কিরিয়া আসিয়া দেখি যে, একটি খ্রীষ্ট ধর্মাবলম্বিনী যুবতী একটি পুত্রসন্তানসহ আসিয়া আমার জন্য অপেক্ষা করিতেছে। কারণ জিজ্ঞাসা করিতে জানিলাম, তাহার পতি অতি ছুর্বৃত্ত, তিনদিন হইল তাহাকে প্রহার করিয়া তাড়াইয়া দিয়াছে। সে তিনদিন পুত্রসহ নানা স্থানে ভ্রমণ করিয়া অবশেষে আমার শরণাপন্ন হইয়াছে। লক্ষ্মীমণিকে আশ্রয় দিয়া কিরূপে রক্ষা করিয়াছি, তাহা সে শুনিয়াছে, সেই সাহসে আমার আশ্রয়ে আসিয়াছে। জীলোকটি আমার ভবনে থাকিয়া গেল। আমি পরে ভাবিলাম, সে খ্রীষ্টীয় ধর্মাবলম্বিনী, কোনো

ঐঙ্গীয় পরিবারে তাহাকে রাখিতে পারিলে ভালো হয়, তাহার পতির সহিত শীঘ্রই মিলন হইতে পারে। এই ভাবিয়া আমার এক পাদবী বন্ধুকে গিয়া ধরিলাম। তিনি দয়া করিয়া তাহাকে পুত্রসহ এক ঐঙ্গীয় বাড়িতে রাখিয়া দিলেন। সেখানে ঘবভাড়া ও মাতাপুত্রের আহারেও ব্যয় আমাকে দিতে হইত, আমি নিজ অর্থ দুইতে এবং ভিক্ষা করিয়া সে ব্যয় চালাইতাম।

তাহাদিগকে সেখানে স্থাপন করিয়াই তাহার পতিকে খুঁজিয়া বাহির করিলাম এবং আমার ভবনে ডাকাইয়া স্বীয় পত্নীকে লইবার জন্য অহরোধ করিলাম। সে বলিল, “আপনার হাতে আছে, নিরাপদে আছে। অমনি কিছু দিন থাক, ভুগুক, চেতুক, সোজা হয়ে আসুক, পরে আমি নিয়ে যাব।” আমি মনে করিলাম, একটু ভোগা ভালো। সে সেইরূপ রহিল। আমি মধ্যে-মধ্যে স্কুল হইতে আসিবার সময় তাহাদিগকে দেখিয়া আসিতাম।

এই সময়ে তাহার ব্যবহারে দুইটি বিষয় লক্ষ্য করিতে লাগিলাম। প্রথম, আমি কিয়ৎক্ষণ বসিয়া উঠিতে চাহিলে সহজে উঠিতে দিত না। দ্বিতীয়, তাহার মুখে বিষাদের চিহ্ন কিছুই দেখিতাম না। একদিন সে এ কথা সে কথার পর আমাকে বলিল, “আপনি আমার কষ্ট নিবারণ করতে পারেন। আমি টাকাকড়ির কষ্টের কথা বলছি না, স্ত্রীলোকের আরও কষ্ট আছে, তারি কথা বলছি।” তখন আমার চোখ যেন একটু ফুটিল। কয়েকটি প্রশ্ন করিয়াই তাহার মুখ হইতে পরিষ্কাররূপে এ কথাটা বাহির করা গেল যে, সে আমাকে অর্থে প্রণয়ের চক্ষে দেখিতেছে। আমি তৎক্ষণাৎ উঠিয়া তাহার ঘরের বাহিরে আসিতেই, সে ভীত হইয়াই হউক কি যে কারণেই হউক, “আর একটা কথা আছে” বলিয়া আমার পথ বোধ করিল। আমার প্রশ্ন মনে হইল, গর্জন করিয়া উঠি এবং জোরে তাহার হাত ছাড়াইয়া যাই। কিন্তু কোলাহল ও লোক-জানালানি হইলে একটা কলঙ্কের ব্যাপার হইবে, তাহা ইহার পক্ষে ভালো নয়, এই মনে করিয়া তাহা করিলাম না; বলিলাম, “তোমার কাছে বাংলা বাইবেল আছে?”

সে। আছে।

আমি। সেখানা আনো দেখি।

সে। তাতে এখন কাজ কি?

আমি। আনো না। একটু প্রয়োজন আছে।

সে অনিচ্ছাক্রমে বাইবেলখানা বাহির করিয়া আমার হাতে দিল। বীভ বোঝানে মাননিক পাপাচরণের শিক্ষা করিতেছেন, সেই স্থানটা বাহির করিয়া পড়িতে দিলাম। সে কোনো মতেই পড়িবে না, অবশেষে আমি বায় বায় বলাতে পড়িল।

আমি। দেখ, তোমরা যাহাকে প্রভু মনে কর, তাঁর কি অমূল্য উপদেশ! তুমি এ উপদেশ কতবার পাইয়াছ, তবু কেন তোমার এ প্রবৃত্তি? আর তুমি আমাকে এত খারাপ কিরূপে ভাবিলে? তোমার স্বামী তোমাকে আমার হাতে সঁপিয়া গিয়াছে। আমি কি ছোটলোক যে বিশ্বাসঘাতকতা করিব?

আমি সেইদিন তাহাকে যেরূপ তেজের সহিত উপদেশ দিয়াছিলাম, জীবনে আর কাহাকেও বোধ হয় সেরূপ দিই নাই। তৎপরদিন তাহার পতিকে ডাকাইয়া বলিলাম, “তোমার জীকে নিয়ে যাও, ওকে বাইরে রাখা ভালো নয়।” সে তাহাকে লইয়া গেল।

ইহার পর ঐ নারীকে আর একবার দেখিয়াছিলাম। কয়েক বৎসর পরে শহরের সন্নিকটবর্তী কোনো পথ দিয়া যাইবার সময় পথের পার্শ্ববর্তী এক বাড়ি হইতে তাহার পুত্রটি বাহির হইয়া আসিয়া আমাকে বলিল, “আমরা এই বাড়িতে থাকি; মা আপনাকে দেখতে পেয়েছেন, একবার দেখা করবার জন্ত ডাকছেন।” আমি বাড়িতে প্রবেশ করিলে তাহার মাতা গলবস্ত্রে আমার পদে প্রণত হইয়া, আমার বাড়ির সমুদয় সপাদ জিজ্ঞাসা করিল। একটু দাঁড়াইয়া তাহাদের কুশল সংবাদ লইয়া চলিয়া আসিলাম।

রাজনারায়ণ বসু। ক্রমে আমরা ১৮৭৭ সালে উপনীত হইলাম। এই সালের প্রথমে হরিনাভি সমাজের উৎসবে যাই। সেখানে ভক্তিভাজন উমেশচন্দ্র দত্ত মহাশয়ের গৃহে এক পারিবারিক অহুষ্ঠানে ব্রাহ্মগণের সমাগম হয়। উক্ত অহুষ্ঠান ক্ষেত্রে আদি ব্রাহ্ম-সমাজের সভাপতি স্বর্গীয় রাজনারায়ণ বসু মহাশয়ও উপস্থিত ছিলেন। তিনি আমাকে বড় স্নেহ করিতেন। তাঁহার সরল অকৃত্রিম ভক্তি আমাকে মুগ্ধ করিত। তিনি তখন কার্য হইতে অবসৃত হইয়া বৈষ্ণবধর্ম দেওঘরে বাস করিতেছিলেন। আমি মধ্যে-মধ্যে তাঁহার বিমল সহবাসে ক্রিয়াকাল যাপন করিবার জন্ত সেখানেও যাইতাম। তিনি অতি পরিহাসরসিক আমোদপ্রিয় পুরুষ ছিলেন, আমিও তদ্রূপ; সুতরাং দুজনের একত্র সমাগম হইলে উভয়ের ‘জিগলিবা’ প্রবৃত্তি প্রবল হইয়া উঠিত। হাসিতে হাসিতে লোকের নাড়িতে ব্যথা হইয়া যাইত। এবারেও হরিনাভিতে তাহা ঘটিল। একদিন রাত্রে সামাজিক উপাসনার পর আহাৰান্তে আমাদের দুইজনের গল্পের কাটাকাটিতে রাত্রি ২টা বাজিয়া গেল। ব্রাহ্মদের নাড়িতে ব্যথা হইল।

সেই কারণেই হউক, কি হরিনাভির ম্যালেরিয়াবশতই হউক, আমি কলিকাতায় আসিয়াই জ্বরাক্রান্ত হইলাম। জ্বরের সঙ্গে রক্তকাশ দেখা দিল। একজন ডাক্তার বলিলেন, হাঁপকাশের সূত্রপাত, কিন্তু ডাক্তার মহেন্দ্রলাল সরকার বলিলেন, কয়কাশের সূত্রপাত। সেইরূপ চিকিৎসা আরম্ভ করিলেন।

পিতামাতার ব্যবহার। এই পীড়ার সময়কার পূজনীয় জনক-জননী কি করিয়া ছিলেন, এবং আমার বিশ্বাসী অল্পবয়সী ভৃত্যদ্বয় কি করিয়াছিল, তাহা লিপিবদ্ধ করিবার উপযুক্ত। তৎপূর্বে আট বৎসর কামার পিতাঠাকুর মহাশয় আমার যুগ-দর্শন করেন নাই। তিনি যে প্রথম-প্রথম আমাকে গ্রামে প্রবেশ করিতে দিবেন না বলিয়া গুণ্ডা ভাড়া করিতেন, ও শেষে সে পুত্র ত্যাগ করিয়াও আমি বাড়িতে কোনো ঘরে আছি জানিনেই সে ঘরের দিকে যতন না, পরে আমাকে দেখিলে সে পথ পরিত্যাগ করিতেন, এ সকল অগ্রেই বলি। আমি পীড়িতে পড়িয়া যখন বুঝিতে পারিলাম যে পীড়া কঠিন, আমার জীবনশয়, তখন তাঁহাকে সংবাদ দেওয়া উচিত মনে করিলাম। রোগশয্যায় পড়িয়া তাঁকে পত্র লিখিলাম। পীড়ার সংবাদ দিয়া লিখিলাম, “যদি উচিত বিবেচনা করেন, আমি দেখা দিয়া আমাকে পদধূলি দিয়া যাইবেন। তাহা না হইলে এই বিদায়, পত্রকে দেখা হইবে।” তৎপূর্বে বাবা আমার চিঠিপত্র খুলিতেন না, উপরে আমার হস্তর দেখিলে ছিঁড়িয়া ফেলিতেন। এ পত্র যে কেন পড়িলেন, বলিতে পারি না। আন করি, লোকমুখে অগ্রেই আমার পীড়ার সংবাদ পাইয়াছিলেন।

যাহা হউক, একদিন প্রাতে আমার ভবর দ্বারে একখানি গাড়ি আসিয়া লাগিল। প্রসন্নময়ী জানালা হইতে দেখিয়া দোঁরা আসিয়া আমাকে সংবাদ দিলেন, “বাবা ও মা আসিয়াছেন।” মা উপরে আসিলে, কিন্তু বাবা আর দে ভবনে প্রবেশ করিলেন না। মা আমার রোগশয্যার পাশে আসিয়া কাদিয়া বসিয়া পড়িলেন। “বাবা আসিলেন না কেন?” জিজ্ঞাসা করাত্তেলিলেন, তিনি কবিরাজ ডাকিতে গিয়াছেন। অল্পসময়ে জানিলাম, বাবা আমার চিঠি পাইয়া, মায়ের গহনা বন্ধক দিয়া টাকা লইয়া আমার চিকিৎসার জন্য আসিয়ান, বাড়িতে প্রবেশ করিবেন না, আমার জাতি দাদা হেঁমচন্দ্র বিষ্ণুরাম মহাশয়ের বাসাও থাকিয়া আমার চিকিৎসা করাইবেন।

যথাসময়ে কবিরাজ আসিলেন। কা তাঁহাকে আমার ভবনে প্রবেশ করাইয়া দিয়া নিজে পথপার্শ্বে দোকানে বসিয়া রহিলেন। কবিরাজ আমাকে দেখিয়া গেলে তাঁহার মুখে সমুদয় শুনিলেন।

তাঁহার এই ব্যবহারে আমার চক্রে কত জল পড়িল। তৎপূর্বে এই আট বৎসর সংসারের আপদ-বিপদে জাতসারে আমার এক পরশাও সাহায্য লন নাই। পরন্তু যদি কখনো জানিতে পারিয়াছেন যে, মায়ের হাত দিয়া গোপনে কিছু অর্থ সাহায্য করিতে চাহিতেছি, তখন তুফল কাণ্ড করিয়াছেন। তিনি আমাকে একেবারেই ত্যাজ্য পুত্র করিয়াছিলেন। কিন্তু সেই পতিত পুত্র যখন বিপদে পড়িয়া শ্রবণ করিল, তখন আর স্থিতির থাকিতে পারিলেন না। দরিদ্র ভ্রাতৃপণ, সফল নাই। যে সফল হাতের কাছে

পাইলেন, তাহাই লইয়া ছুটিলেন। উদারতা! এই উদারতা তাঁহার প্রকৃতির এক মহা লক্ষণ।

তিনি আশিরা করেকদিন থাকিয়া, এক স্বতন্ত্র বাড়ি ভাড়া করিয়া মাকে আমার পরিচর্যার জন্য সেই বাড়িতে রাখিয়া গেলেন। মাতাঠাকুরাণী বিরাজমোহিনীকে ও আমাকে লইয়া সেই বাড়িতে বহিয়া। মাতাঠাকুরাণীর জপ-তপ-ব্রত নিয়ম উপবাসাদির মাজা অসম্ভবরূপ বাড়িয়া গেল। প্রায় প্রতিদিন দেড় মাইল পথ ইটিয়া গঙ্গাস্নান করিতে যাইতেন, ইষ্টদেবতার চরণ শত-শত প্রণাম করিয়া এই অধম পুত্রের জীবন তিকা করিতেন। তৎপরে গৃহেকিরিয়া আমার বোগশয্যার পার্শ্বে বসিয়া মাটি দিয়া শিব গড়িয়া পূজাতে প্রবৃত্ত হইতেন। আমি শুইয়া শুইয়া তাঁহার পূজার নিষ্ঠা দেখিতাম।

ওদিকে, বাবা মাকে আমার নিকট রাখিয়া গিয়াছেন বলিয়া গ্রামের জাতি কুটুম্ব-বর্গের মধ্যে কেহ-কেহ দলাদলি আরম্ভ করিলেন। বাবা তখন বজ্রের স্ত্রায় কঠোর হইয়া দাঁড়াইলেন। “একঘরে করে করুক, আমার কর্তব্য কাজ আমি করেছি,” বলিয়া সে দলাদলির প্রতি ক্রক্ষেপও করিলেন না। এই দলাদলিতে কিছুদিন গেল।

এদিকে মা আমার সেবাতে বিব্রত। আমার প্রপিতামহ বামজয় স্ত্রায়ালঙ্কার মহাশয় আত্ম লাগুপুঙ্খ ছিলেন। তিনি মায়ের মন্ত্রদায়ী গুরু ছিলেন। তাঁহার প্রতি আমাদের পরিবারস্থ সকলের ও জাতি কুটুম্বের প্রগাঢ় ভক্তি ছিল। তাঁহার লাঠি, তাঁহার জপ-মালা, তাঁহার যোগপট প্রভৃতি যে-কিছু চিহ্ন যেরে ছিল, সেসমুদয়ের প্রতি মা’র এত ভক্তি যে, বাড়িতে কাহারও গুরুতর পীড়া হইল, সেগুলি তাহার বোগশয্যাতে স্থাপন করা হইত, বোগমুক্তি না হইলে অন্তরিত কর হইত না। সেই নিয়মামুসারে জননী-দেবী স্ত্রায়ালঙ্কার মহাশয়ের লাঠি মালা প্রভৃতি আনিয়া আমার শয্যাতে স্থাপন করিয়াছিলেন। তিন মাস সেইরূপ রহিল, অন্তরিত করিতে দিলেন না। আমার পীড়ার উপশম হইলে তবে তুলিয়া লওয়া হইল।

ভূত্যের ভালোবাসা। এই পীড়ার সময় আমার জনক-জননীর যেমন আশ্রয় সন্ধান-বাৎসল্য দেখিলাম, তেমন আমার বিশ্বাসী অঙ্গত ভূত্য খোদাইয়ের অকুত প্রভু-ভক্তির পরিচয় পাইলাম। খোদাইয়ের প্রতি আমার মনে পবিত্র প্রেমের উৎস স্বরূপ হইয়া বহিয়াছে। আমি তাহাকে আমার ‘সেজবৌ’ নামক উপভাষে অমর করিবার চেষ্টা করিয়াছি। ভবানীপুরে হেডমাস্টারি করিবার সময় খোদাইকে রাখি। তখন হইতে তাহার গুণাবলি দেখিয়া আমার মন তাহার প্রতি অতিশয় অহরহ হয়। আমার প্রতিও তাহার প্রগাঢ় প্রীতি করে। সে আমার হিতৈষী বন্ধু ও পরিবার-পরিজনদের রক্ষক ছিল। আমি তাহার হাতে টাকাকড়ি ও সংসারের ভার দিয়া নিশ্চিন্ত থাকিতাম।

